


sc. sup. 6. pl. 5.







LOGICAE compendium.

Peripateticæ, ordinatum per Reuerendum
Magistrum Chrisostomum Iauellum
Canapicium ordinis prædica-

torum, nunc tandem &
diu exoptatum pro-
dit in lucem.



~~Haec liber est de ...~~
Continet autē undecim tractatus uidelicet.

- Primus est de præcognoscendis.
- Secundus de partibus propositionis.
- Tertius de propositione.
- Quartus de quinque uniuersalibus.
- Quintus de prædicamentis.
- Sextus de syllogismis formalibus.
- Septimus de suppositionibus.
- Octauus de ampliacionibus & appellationibus.
- Nonus de consequentiis.
- Decimus de probationibus terminorum.
- Vndecimus de syllogismo demonstratiuo, in quo
continetur Aristotelis doctrina in lib. poster.



Quæ omnia recenti hac nostra editione, ut potuit fieri
diligentissime, expolita sunt, atque elaborata.

Venetis apud Hieronymum Scotum.

I S S I

Compositus a Paulo de ...

A moris

*Iste liber mihi donatus ab I^{mo}
Ono Marco Antonio Patani
in perpetua sui Memoria*



NIMADVERTENS Crescenti filij sortitum te fuisse a summo rerum conditore ingeniosum docilemq; animum tam moralibus quam speculatiuis habitibus facile decorandum: nefarium & fectio atq; impium quid commisisse me arbitrarer: si te quē (ut ita dixerim) intellectualiter genui: & a primis annis probatis moribus formare conatus sum permitterem iam adolescentem vulgaribus terrenis atq; mechanicis ut degenerem & mente depressum artibus & studiis inuolui: at rectius dixerim demergi atq; fœdari. Cōstanti igitur atq; inflexibili pposito statui deo optimo aspirāte te in limite disciplinabilis adolescentie iam cōstitutum, & in grāmaticis græcæ latinæq; apprimè eruditum: ad eam quam appellamus logicā siue dialecticā utpote modum & regulam sciendi, rectissimo calle deducere & erudire. Hæc nanq; vnica est clauis & ianua ad quoscunq; scientificos habitus. Sine ea cecutiens intellectus nescit quo tendat. Nam logica secundum magnum Albertum latitātem veritatem appetit: errores damnat: falsitatem ostendit & rectum lumen quo in omni uere contemplationis opere dirigimur ostendit. Hac ut fidsissimo duce ad phisicas mathematicasq; disciplinas, & ad diuinam quam dicimus metaphysicam, patebit tibi aditus. Sine ea nullus artifex siue practicus siue speculatiuus præualeat, & quicunq; absq; logica docent aut adiscunt, disputant aut dictant: suadent aut determinant in incertum conceptus & voces & propositiones & rationes instant. Ergo per logicam omnes: sine ea nullæ possunt uenari, acquiri, & perfecte sciri artes. Vt autem per rectas semitas planas & faciles: ingeniolum tuum nō ui sed natura docilem, iuxta uota mea dirigere ualeam: ne multiplicibus & obscuris & contra seinuicem pugnantibus scribentium in hoc negotio tum realiter tum sophisticè siue terminaliter

tractatibus inuoluaris, formaturus sum tibi atque ordinatu-
 rus iuxta mei consuetudinem & innatam proprietatem to-
 tius logicæ compendium ad eam quæ est apud Aristote-
 lem & non aliter isagogicum resolutum clarum & or-
 dinatissimum. Quod non modo tibi: sed & pro
 futuris seculis bonarum artium amatoribus
 quam utile fiet. Hoc tu tuique si-
 miles ueluti stella immobili &
 clara duce pederentim &
 gradatim ad opta-
 tissimum phi-
 losophiæ
 portum deducemini. Ne dubites.
 Vale ingeniale decus, nec pa-
 tiaris tantos talesque
 tui gratia sum-
 ptos frustra
 ri labo-
 res.

stonii Iauelii Canapicij ordinis Prædicatorum,
compendium logicæ Ilagogenicum ad eam
quæ est apud Aristotelem.



ORDINATURVS Logicæ compen-
dium pronephitis intendo non recedere
a uia Peripaterica. Quod dico ut præser-
uem me a sophistarum captiunculis quæ
magis addiscentes confundunt quam diri-
gant. In quibus nonnulli per totam uitam
laborant & insudant: & nunquam ad ueras doctrinas per-
tingunt. Neque enim uere scire desiderant: sed id tantum:
q. le cum disputantes irretiant atque decipiant. Erit igitur
adolescentibus præsens compendium ut introductorium
ad ea omnia quæ Aristoteles diffuse in singulis sue logicæ li-
bris pertractauit.

Diuidemus autem ipsum in undecim tractatus:

Primus erit. De aliquibus ut uniuersalibus principiis præ-
cognoscendis.

2. De partibus propositionis.

3. De propositione:

4. De quinque uniuersalibus siue prædicabilibus.

5. De antepædicamentis, & prædicamentis: & post pñtis.

6. De syllogismo formali.

7. De supponibus ppriis & ipropriis: relatiuis & absolutis.

8. De ampliacionibus & appellationibus.

9. De consequentiis.

10. De probationibus terminorum.

11. De syllogismo demonstratiuo, in quo continebitur to-
ta doctrina Aristotelis in libro poster.

IN hoc primo tractatu agendum est de aliquibus uniuersalibus ut principiis, sine quorum præcognitione, tendemus in omnibus sequentibus per incognita. Hæc autem erunt septem; & sic præsens tract. continebit septem capita.

TRACTATVS PRIMVS

Primo quis fuerit uere logicæ primus & sufficiens author.

2. Quid sit logica siue dialectica.

3. Quod sit logicæ adæquatum subiectum.

4. Quæ sit logicæ utilitas uel necessitas.

5. Qualis scientia sit, & sub qua parte scientiæ continetur.

6. Quomodo in partes suas diuidenda sit.

7. A quo primo incipiendum est in logica.

Caput primum. Quis fuerit uere logicæ primus author.

IN primo capite: declarandum est quis fuerit uere logicæ primus author. Tu igitur aduerte quod Aristot. in. 2. lib. Elenchorum cap. ultimo: refert modum quo reliquæ scientiæ & artes primo inuente sunt. Deinde quomodo successu temporis complementum susceperunt. Refert etiam modum quo logica inuenta est primo, & sufficienter tradita.

Quantum ad primum inquit Aristoteles quod quælibet scientia & ars ab aliquibus primis inuēta quidem est: & excogitata: ualde tamen imperfectæ, a posterioribus autē paulatim & subtilius elaborata adeo incrementum suscepit, quæ tandem completa est. Tu tamē aduerte quod ut inquit Aristoteles: illud primum in qualibet arte & scientia inuentum licet paruum sit: utilius tamen ac melius est posterioribus inuentis & additis, est enim primum scientiæ aut artis principium. Licet autem prima principia inuēta sint parua in magnitudine, sunt tamen maxima in uirtute quoniam ab ipsis totum pendet. Nam sicut arbor mire altitudinis uirtualiter continetur in paruo seminis grano ex quo generatur: sic ars & scientia uirtualiter continentur in primis ac breuibus principiis, a primis authoribus inuentis.

Sicut autem principium primum artis & scientiæ a primo inuentum quantumcunque paruum sit: est tamen optimum: sic & difficillimum est, neque enim primus inuentor accepit ab alio neque in parte neque in toto: sed longa & sagaci inuestigatione tandem a se inuenit. Hinc est quod ut inquit Aristoteles principia prima inuenire per difficile est, facile est autem inuentis addere. Ideo ex secundo metaphysicæ agende sunt gratie primis inuentoribus. Nam si illi non

fuiſſent, poſteriores arti aut ſcientiæ non addidiſſent, nec ad complementum perduxiſſent. Hoc igitur modo alie artes & ſcientiæ inuente ſunt ac ſufficienter traditæ. quia ſcilicet primi prima inuenerunt principia parua quidem magnitudine & pauca numero: ſed maxima & plurima uirtute. Deinde famoſiores magiſq; exercitari addiderūt multa, & poſteriores ex multis collegerunt magis certa, ſuperſtitiis aut incertis aut erroneis reiectis, ſicq; tandem ars & ſcientia huiusmodi non ſolum incrementum ſed & complementum ſuſcepit. Per hunc modum dicit Ariſtoteles in ſecundo elenchorum omnes ſciētīæ rhetoricæ inuente & acquiſite ſunt. Nam poſt primos rhetoricæ inuētores ſecutus eſt Theſias, poſt Theſiam Theodorus, poſt illum multi multa inuenerunt & addiderunt. Hinc ars ipſa maximum iam habet incrementum, & in ſecūdo metaphyſicæ exēplificans de muſica inquit. Nā ſi Timotheus non fuiſſet, multam melodiam non haberemus. Si autem phirnis. ſ. non præceſſiſſet Timotheum, Timotheus non fuiſſet. ſ. inſtructus in principiis muſicæ: nec eam auxiſſet. Aliæ igitur artes & ſcientiæ: primos habuerunt authores: a quibus principia deinde poſteriores a quibus paulatim augmentum & ſufficientiam recepiſimus.

Quantum ad ſecundum aduertē ut teſtatur Ariſtoteles in fine libri ſecundi elenchorum quod licet alie artes & ſciētīæ ante Ariſtotelem inuente & augmentate fuerint per famoſos authores ut patet de ſciētīa naturali per Thaleta & Meliſſum & Empedoclem: & Heraclitum: licet admixtam multis erroribus tradiderint quos ipſe Ariſtoteles in omnibus phyſice partibus reprobāt: De mathematicis per Pythagoram & Euclidem antiquiſſimos ægyptios. De diuinis per Mercurium Termegiſtum & Heſiodum. De moraliſibus per Socratem & Platonem: & ſic intellige de reliquis artibus: tamen logicæ ſcientia ante Ariſtotelem inuenta non fuit. Ni hil inuenimus de ea ordinate traditum: quo ut regula ſcindi dirigi poſſet adſcētis intellectus ad alias ſcientias acquirendas. Nam ut legimus apud Platonem in Gorgia & Protagora & Euthidemoſi quam logicam ſophiſte conabantur

TRACTATVS PRIMVS

ostendere se habere, non ad sciendum sed ad decipiendum utebantur, totumque studium eorum erat reddere discipulos non uere sed apparenter scientes, cum uere nihil in fine adiscendi retinerent nisi captiunculas, friuolasque ac deceptorias rationes. Hos igitur Socrates & Plato semper insectati sunt utpote non bonarum artium doctores sed & deceptores ac illusores humani ingenii. Verum quia nec Socrates nec Plato artem hanc adepti sunt: ideo doctrinalem ordinem nec in sophistis reprobandis nec in propriis conceptibus enucleandis seruare potuerunt: & licet potentes essent ad interrogandum siue dubitandum: non tamen ad respondendum & soluendum propter logicæ carentiam. Unde Socrates fatebatur se quidem scire interrogare: ad respondere nescire. Vt igitur uera sciendi regula directiua humani intellectus in artibus & scientiis inuenirentur, datus est nobis ab authoris naturæ Aristoteles, qui suo pene diuino ingenio primus logicam ueram inuenit, & secundum omnes partes ordinauit ac perfecit ut declarabimus infra diuidentes logicam descriptam ab Aristotele in partes: & assignabimus earum sufficientiam. Quoniam igitur Aristoteles hanc primus inuenit & perfecit, ideo ut primo inuentori gratie habende sunt. Quod & ipse innuit in fine secundi elenchorum dicens. De rhetoricis erant multa & antiqua dicta. De syllogismis autem omnino nihil habuimus prius aliud dicere quam quod attritione quærentes per multum tempus laborauimus. Si autem uideretur nobis considerantibus uelut ex his quæ a principio erant habere artem hanc sufficienter super alia negocia quæ ex traditione adaucta sunt, reliquum erit omnium uestrum uel eorum qui audierunt hoc opus, omisis quidem artis indulgentiam: inuētis autem multas habere gratias. Hæc de pñti capite dicta sint.

Caput secundum quid sit logica
siue dialectica.

IN secundo capite ordo doctrinæ requirit ut manifestemus quid sit logica siue dialatica. Oportet enim in unaquaque arte & scientia præcognoscere quid significetur

per nomen illius scientiæ, & artis de qua tractandum est, aliter adiscens semper per incognita tenderet. Verum antequam descendamus ad ueram logicæ diffinitionem, præscire te oportet quid sit proprie diffinitio, & quomodo differat ad descriptionem, & ethimologia, & interpretationem. Deinde deueniemus ad propositum nostrum.

¶ Tu igitur aduerte quod in doctrina Aristotelis. Diffinitio est oratio indicans quid sit res per essentialia: id est per ea quæ sunt de essentia, & substantia rei, & sine quibus rei natura dari non potest, & hæc est uera, & propriissima diffinitio. Ver. gra. Homo est animal compositum ex corpore humano, & anima rationali, hæc est uera diffinitio: quoniã dicit, & manifestat naturam hominis sufficienter, & facit ipsum differre a quolibet alio animali, & datur per substantia lia hominis quæ sunt corpus humanum, & anima rationalis, et utrunq; est substantia. Diximus quod diffinitio est oratio: quoniam solus unus terminus non facit diffinitionem, sed oportet saltem esse duos quorum unus sit genus, tanquam magis communis, et alter differentia conuertibilis cū diffinito, ut tibi declarabim⁹ in tract. de prædicabilibus, requiritur et copula: id est uerbum substantiuum, ut prædicetur diffinitio de diffinito, ut hic. Hô est aial rationale. Homo est diffinitum, animal rationale est diffinitio, per ly est prædicat diffinitio de diffinito, ex consequenti constat quod diffinitio est oratio. Diximus indicans quid sit res per essentialia, ut distinguatur diffinitio uera ad descriptionem, et ethimologia, et interpretationem, est enim descriptio oratio indicans quid sit res per accidentalia propria: id est quæ soli descriptio conueniunt, ut descriptio hominis est hæc. Homo est animal stature recte, risibile, et beatificabile. Nam statura corporis recta, et risibilitas, et beatificabilitas sunt proprietates consequentes solam naturam hominis. Quid autem sit rei proprietas, et quomodo emanat a forma rei, et eius specifica differentia dicemus in tract. de prædicabilibus.

Ethimologia uero est manifestatio unius termini minus notⁱ adiscenti per alium terminum magis notum, et prius

notum apud eundem stando tamen in eodem idiomate, ut quando exponimus hunc terminum sol, quasi solus lucens & coelum quasi omnia inferiora cælans siue tegens, & læpus quasi animal leuium pedum.

Interpretatio autem est vnius termini declaratio ex vno idiomate in alio, ut chirios græce est dñs latine, & physis græce est natura latine, & in hoc sensu omnis sermo ex vno idiomate uersus in aliud dicitur interpretatus, & uersio est trāslatio siue interpretatio, & uertens dicitur interpret, siue translator. Constat igitur qūo per ly essentialia differt uera diffinitio a descriptione, & etimologia, & interpretatione.

His declaratis accedendum est ad diffinitionem ueram logicæ, & descriptionem, & etimologiam, & interpretationem.

Quantum ad ueram diffinitionem sic vlt diffinitur. Logica est scientia rationalis discretiua uera a falso.

Dicitur scientia rationalis ut distinguatur a scientiis, & artibus realibus quales sunt physica mathematica, & metaphysica & cætera. Quare autem, & quomodo sit scientia rationalis declarabitur tibi in cap. quinto.

Dicitur discretiua ueri a falso, ut in hoc distinguatur a cæteris speciebus scientiæ rationalis, quæ sunt grāmatica Rhetorica, & poetica. Nam grammatica uersatur, & regulat intellectum circa sermonem congruum, & incongruum. Rhetorica circa sermonem comptum, & incomptum siue ornatum, & inornatum. Poetica circa sermonem delectabilem, & indelectabilem. Logica uero facit intellectum discernere inter sermonem uerum & falsum. Nam ut tibi declarabitur, per logicam scire poteris, quæ oratio sit uera, aut falsa, idem intellige de diffinitione, de diuisione de consequentia de syllogismo. de quocunq; alio modo argumentandi. De uero autem, & falso grammaticus, ut similiter grammaticus similiter rhetoricus & poeta ut sic, non curant. Suficit enim grammatico si orationem congruam fecerit, & rhetorico si ornatam, & poete si delectabilem. Si autē cum hoc sit uera, erit sibi per accidens.

Quantum ad descriptionem, sic describi consuevit. Lo-

gica est omnium artium, omnium scientiarum aptissimum instrumentum, sine qua nulla ars nullaque scientia perfecte sciri potest, & hæc quidem descriptio sequitur ex præmissa diffinitione Nam sicut ex eo quod homo est animal rationale essentialiter, sequitur quod sit animal risibile, & disciplinabile ut proprium sibi, sic ex eo quod logica est scientia rationalis discretiua ueri & falsi, sequitur ut sibi proprium quod sit nostro intellectui in acquirendis cæteris artibus, & scientiis aptissimum instrumentum. Huic descriptioni consonat ea quæ solet ascribi diuo Augustino, & hæc est, logica est ars artium, & scientia scientiarum, qua aperta omnes aperiantur, & qua clausa omnes alie clauduntur, eadem concordat ea quæ formatur a Petro Hispano in principio sumularum suarum sub noie dialectice. Sumit autem dialecticam pro tota logica, & non pro parte topica de qua acturi sumus in octauo tract. Sic autem describit eam. Dialectica est ars artium: id est directiua intell's ut regula acquirendi alias artes, & scientia scientiarum: id est directiua eodem modo intell's in acquirendi aliis scientiis, ad omnium methodorum: id est scientiarum principia uiam habens. Nam logica dat nobis uiam, & modum cognoscendi principia aliarum sciartum, ex principiis autem cognitis acquirimus scientiam pendente ex suis principiis cognitis per logicam. Via autem quanta dat nobis logica ad cognoscendum principia omnium scientiarum est ars diffinitiuæ, diuisiuæ, inductiuæ, argumentatiuæ, de quib' oibus pertractat logica, ut declarabim' in locis suis.

Et aduerte quod scientias appellat methodos, est autem methodus proprie apud græcum, quod latinus proprie appellat callem, est autem callis uia stricta: breuis & recta, cito ducens viatorem ad optatum terminum. Transumptiue igitur scientiæ acquisite per logicam dñr methodi: quoniam per logicam breui tempore, & recte ac uere adiscuntur. Hinc patet quod qui absque logica doceant aut dictant, & scribunt, & qui adiscunt semper inordinate, & infinita prolixitate procedunt, nec uiam quam ad ueram, & firmam rei notitiam perueniunt, nec se in dubiis resolvere, nec contra impugnantes se defensare

possunt. Optimum est ergo ante omnes scientias logicam acquirere, nec cum logica uelle alias simul acquirere. Dicit enim Aristote. in secundo metaphysicæ quod absurdum est simul quærere scientiam, & modum sciendi, & per modum sciendi ut dicit Commentator Auerroes intendit logicam, quæ dat modos generales, & regulas, secundum quas in qualibet scientia procedendum est. Has autem regulas docebimus in tractatu sexto, & septimo, & octauo, & decimo. Constat igitur tibi quid sit logica diffinitiuæ, & descriptiuæ.

Quantum ad ethimologiam, & interpretationem eius, aduerte, quod logica quantum ad id a quo nomen imponitur apud græcum, interpretatur de sermone scientia apud latinum, est enim logos sermo ethicos scientia, & ut sic nisi aliud addatur communis est grammaticæ, & rhetoricæ, & poeticæ, & logicæ proprie dictæ. Omnes enim sunt scientiæ de sermone, sed diuersa ratione, ut docuimus supra.

Quantum autem ad illud cui nomen imponitur, interpretanda est logica scientia de sermone uero, & falso, & sic est scientia distincta a grammatica, & rhetorica, & poetica, contenta tamen sub logica uniuersaliter dicta, ut est scientia de sermone & cætera. Et quoniam considerare ac pertractare habemus de logica directiua ueri, & falsi, & non absolute, & uniuersaliter dicta, ideo sua ethimologia ac interpretatio erit hæc, ut non detur per manifestiora, logica est scientia sermonis ueri, & falsi in qualibet scientia, & arte diiudicandi, ut ab his quæ uidentur primo aspectu uera, & non sunt, & ab erroribus ac falsis liberemur, ut ueritatem defensare, falsitatem impugnare, sophisticas rationes contra uerum soluere discamus, & rectum limitem in omni rationis opere prosequi ac conseruare. Dialectica uero exponitur a Petro Hispano quasi duorum sermo uel ratio: scilicet arguentis, & respondentis in disputatione. Verum melius est, ut exponatur dialectica quasi disputatiua, de riuatur enim apud græcum a dialegome quod est disputo latine. Hæc de præsentī capite dicta sint.

Quod sit eius subiectum circa quod uersatur Cap. tertium.

IN tertio cap. inuestigandum est quod sit subiectum in logica circa quod uersatur. Sed antequā descēdamus ad resolutionem propositi duo pponēda sunt primo quot modis consuevit accipi subiectū in doctrina Aristo. secūdo quas conditiones, oportet attribuere subiecto sciē, & artis.

Quantum ad primum aduerte quod subiectum dicitur quadrupliciter, primo de eo quod præponitur uerbo in oratione, ut homo est animal, homo apud logicum dicitur subiectum, animal dicitur prædicatum, est dicitur copula, & aduerte quod id quod dicit grammaticus suppositum, dicit logicus subiectum, & quod dicit appositum, dicit logicus prædicatum, & quod dicit uerbum, dicit logicus copulam. Copulat enim, & coniungit uerbum prædicatum cum subiecto, secundo dicitur de omni substantia quæ in se recipit aliquam formam uel accidens, & in hoc sensu dicimus manum esse subiectum caloris quia in se recipit calorem, eodem modo lapis in quo fit figura Mercurii dicitur subiectum figuræ. Corpus in quo recipitur anima, dicitur subiectum animæ. Intellectus in quo, recipitur scientia dicitur subiectum scientiæ, tertio dicitur de partibus materialibus ex quibus aliquid componitur, & in hoc sensu lapides, & ligna, & clauis, & cementum dicuntur subiectum domus, ut pro eodem sumatur subiectum, & materia ex qua res fit, quarto dicitur de eo circa quod agendum aut curādum, aut cognoscendum intendit homo, & in hoc sensu domus est subiectum edificatoris, dum fabricatur corpus humanum est subiectum medici dum medicatum, cælum est subiectū astronomi dum circa ipsum speculatur, ens mobile siue corpus mobile est subiectum physici &c. Et dicitur subiectum circa quod uersatur artifex, & sciens siue speculans, & considerans. Relictis aliis modis pro nunc, intendimus declarare quod sit subiectum logicæ iuxta quartum modum.

Quantum ad secundum aduerte q̄ subiectum simpliciter quarto modo tres oportet habere cōditiones simul iunctas ita q̄ si una deficit nō erit uere subiectū. Primo oportet esse.

TRACTATVS PRIMVS

principale cōsideratum in scia. Vnde nullū secundario aut
 pñr consideratum pōt esse uere subiectum in scia. Ver. gra.
 In arithmetica par, & impar binarius aut ternarius, aut
 quæcunq; alia numeri spēs non possunt eē uere subiectum,
 sed numerus ut numerus, primo. n. & principaliter cōside-
 rar de numero, pñr autem de pprietatibus, & spēbus nume-
 ri. Secūdo oportet q; oīa considerata in arte aut scia, cōside-
 rentur non fin se, sed in ordine ad ipsum. Ver. gra. Ideo do-
 mus est subiectū artis edificatorie; qm̄ circa ipsam edifican-
 dā artifex principalr, & prima intentione intendit, & in or-
 dine ad ipsam cōsiderat lapides ut sunt apti pstruere domū
 silr & ligna, & alia &c. Non. n. cōsiderat lapides ut sunt ina-
 nimati neq; ligna ut uegetabilia, neq; clauos ferreos ut mi-
 nerales. Hæc. n. ad cōsiderationē physici ptiñent, sed ut par-
 tes apte ex quibus cōstruat & firmet domus. Tertio oportet
 ut per subiectū sciæ, & artis sufficienter differat ipsa a qua-
 cunq; alia. ideo grāmatica differt a rhetorica, quia in ea sub-
 iectū est oīo cōgrua, in rhetorica aut oratio cōpta, & arith-
 metica differt a geometria, quia in ea subiectū est numerus,
 in geometria aut quantitas cōtinua diuisa in lineā, & supfi-
 ciem & corpus, ut declarabimus in p̄dicamēto quātitatis.

His prænotatis aduerte quod cū logica sumat dupliciter
 ut supra iam diximus. s. vniuersalissime & proprie vniuersa-
 lissime quidem ut sub se cōtinet grāmaticam, & rhetoricā,
 & poeticam & logicam argumentatiuā. Proprie uero ut
 est scientia distincta a prædictis & dicitur scientia rationalis
 argumentatiua. Subiectum in illa vniuersalissime sumpta
 est ens rationis: id est ens fabricatum ab intellectu & non
 habet esse extra intellectum, quales sunt termini siue dictio-
 nes componentes orationem congruam aut ornatam aut
 delectabilem, aut ueram, & suum oppositum, & argumen-
 tatio quæ componitur ex propositionibus modo quo dice-
 mus in tractatu sexto, & quidem quod ens rationis sit subie-
 ctum in logica vniuersalissime sumpta probatur sic. Sicut
 se habet sciētia reales ut physica mathematica, & metaphy-
 sica ad ens reale, quod est ens extra intellm ut hō terra cœ

lum &c. sic scientia rationalis se habet ad ens rationis. Sed scientia realis uersatur circa ens reale ut subiectū: ergo scientia rationalis circa ens rationis. Sed logica vniuersalissime sumpta est scientia rationalis, ut dicemus infra, ergo subiectum logice vniuersalissime sumpte est ens rationis. Subiectum autem logice proprie sumpte est ens rationis sub discursu intellectus quod est idem quod argumentatio. Et probatur sic. Idem est subiectum in tota scientia rationali, & in qualibet eius parte sub diuersa tamen ratione. Sed ens rationis est subiectum in tota scientia rationali quæ est logica vniuersalissime sumpta, ergo & in qualibet eius parte sub distincta ratione. Partes autem totius scientiæ rationalis sunt grammatica cuius subiectum est ens rationis congruum, & incongruum, & rhetorica cuius subiectum est ens rationis ornatum, & inornatum, & poetica cuius subiectum est ens rationis delectabile, & indelectabile, & logica proprie dicta cuius subiectum est ens rationis ratiocinatum, quod est idem quod argumentatio. Præterea, ut uidebis infra, tractabimus de terminis, & nomine, & uerbo per respectum ad orationem: quoniam sunt componentes orationem, & de oratione per respectum ad propositionem, & de propositione per respectum ad argumentationem, & illic erit status. Cum igitur oīa considerata in logica proprie dicta considerentur in ordine ad argumentationē, sequitur argumentationē, quæ est idem cum ense rationis discursiuo, ut ita loquar, esse in ea subiectum. Hæc de præsentī cap. dicta sint, ne ingenium nouitii confundamus. Nam quid sit ens rationis, & ens reale abundantius dicemus in principio tractatus quarti.

Quæ sit logice utilitas, & necessitas
caput quartum.

IN quarto capite declarandum est si logica proprie dicta est nobis utilis, & necessaria. Sed antequam ad resolutionem propositi descendamus, manifestandum est quibus modis aliquid sit utile, & necessarium. Tu igitur aduerte quod utile est illud quod propter aliud appetitur, ut deseruiat appetenti consequi optatum. Sic æquus dicitur

utilis, quia deseruit fessori in delatione proprie personæ, aut alicuius oneris. Vtile autem est aliquid duobus modis. Primo aliquid dicitur utile quod licet in se, & secundum sui naturam non sit appetibile nec amabile immo abhominabile, tamen in ordine ad aliquem finem amatum consequendum est appetibile. Hoc modo medicina fetida & abhominabilis, dicitur utilis, pro quanto deseruit infirmo ad consequendam sanitatem, quæ alias nullo modo est appetibilis, secundo aliquid dicitur utile, quod est in se est appetibile, & per respectum ad alterum consequendum. Hoc modo medicina delicata, & odorifera est utilis: quoniam non solum in ordine ad consequendam sanitatem, sed etiam secundum se est amabilis.

Necessarium dicitur aliquid sine quo res non potest esse aut fieri aut acquiri aut seruari, ut cibus est necessarius uolenti uiuere, & nauis necessaria uolenti transfretare. Hoc autem licet pluribus modis dicatur, pro nunc sufficiet duo modi, primo aliquid est necessarium sine quo res desiderata non potest absque maxima difficultate acquiri. Sic equus dicitur necessarius eunti in Franciam: quoniam & si pedester posset ire id tamen summe difficile sibi foret, secundo aliquid est necessarium sine quo ullo modo potest finis intentus haberi. Sic cibus est necessarius, similiter, & respiratio intendenti uiuere.

His præhabitis dico pro resolutione propositi, quod logica non est utilis primo modo, nam licet in se sit aspera, & difficillima adiscendi, tamen in se non est abhominabilis, cum sit uera sciëntia & perfectiua ac acutiua ingenii ut alias declarabimus. Cum igitur scire uniuersaliter sit nobis appetibile, sequitur quod logica in se sit appetibilis sicut gramma- tica, & rhetorica, ex pñti non est utilis primo modo, est autem utilis secundo modo: quoniam & si in se sit appetibilis, tamen ex sua prima inuentione ordinat ut deseruiat intellectui in acquisitione aliarū sciārū, & ideo est utilis secundo modo, est enim logica intellectui inquirenti, & uenanti ueritatem in alijs scientiis, sicut canis solertissimus uenatori.

Quod

Quo ad necessitatem aliqui dicunt ipsam necessariam primo modo & etiam secundo. Arbitrantur enim quod sine logica nulla scientia potest omnino acquiri: sicut aedificator sine arte non potest aedificare. Sed id non videtur rationabiliter dictum: nam ante Aristot. inuentorem logicæ, ut sibi attribuit, apud Aegyptios & Arabes & Græcos sapientissimi fuerunt & præcipue in Mathematicis ut testatur Aristoteles in proœmio metaphysices, & Iuristæ habent scientiam ciuilem, & tamen non incumbunt studio logicæ, & ideo melius est sic distinguere. Logica est duplex scilicet naturalis & artificialis: naturalis est discursus innatus cuilibet utenti ratione. Nam cum distinguatur homo ab intelligentiis, ex eo quod illæ sunt mere intellectuales, homo autem rationalis, illæ simpliciter intelligunt, homo autem cum discursu. Hinc uidemus idiotam loquentem formare consequentias conditionales, syllogismum expositorium, & multis modis arguere, & hac naturali uia argumentatiua processerunt antiqui & procedunt iuristæ. Verum quia natura per artem perficitur, & sine arte ualde defectibiliter operatur, ut patet in cantante, siue citharizante ex naturali habitudine, antequam artem musices addiscat: ideo logica artificialis necessaria est primo modo, naturalis autem secundo modo. Nam artificialis dans modum recte & absque errore definiendi diuidendi argumentandi, ac respondendi, disponit & faciliat intellectum, ut prompte, & expedite, & ordinate, & resolute se exerceat in prædictis actibus, quibus uenatur ueritatem, & falsitatem deuiat, & sine his, summa difficultate, & longissimo tempore, & admixtione multorum errorum, uerum ipsum attinget. Ergo ei est necessaria logica primo modo, secundo autem modo logica naturalis est necessaria: quoniam hominis natura non simplici intelligentia, sed discursu a noto ad ignotum procedit. Vnde dixit Aristoteles in primo metaphysicæ, quod hominum genus arte & rationibus. i. argumentationibus uiuit. i. operatur. Vtraque autem logica est argumentatiua, ergo constat quomodo est utilis & quomodo necessaria. Hæc de præsentī cap. dicta sint.

TRACTATUS PRIMVS

Qualis scientia sit logica, & sub qua parte scientiæ
uniuersaliter diuisæ locanda sit. Cap. V.

IN quinto capite manifestandum est, qualis sit scientia lo-
gica, & sub qua parte scientiæ uniuersalissime diuisæ cõ-
tineatur. Ne igitur oporteat idem sæpius inutiliter repe-
tere, præponemus in primis uniuersalem scientiæ siue phi-
losophiæ (ut uolunt alii) diuisionem. Deinde determinabi-
mus propositum.

Quantum ad primum aduerte, quod ex doctrina Aristo-
telis colligitur hæc uniuersalis philosophiæ siue scientiæ di-
uisio.

Scientiarum, alia speculatiua alia practica.

Speculatiuarum, alia realis, alia rationalis.

Realium speculatiuarum, alia physica, alia mathematica,
alia metaphysica.

Rationalium speculatiuarum, alia grammatica, alia rhe-
torica, alia poetica, alia logica siue dialectica. i. disputatiua.

Practicarum alia actiua, alia factiua.

Practicarum actiuarum, alia ethica, alia politica, alia œco-
nomica.

Practiciæ factiue diuiduntur in artibus quas famose dici-
mus Mechanicas, & communiter sunt septem scilicet lanifi-
cium, militia, nauigatio, agricultura, medicatio, uenatio, &
ars fabrilis. Ad has reducuntur omnes aliæ, ut facile cogno-
scere poteris.

Et ne hæc diuisio sit penitus incognita nouitio, dicemus
compendiose quid sit unumquodque prædictæ diuisionis
membrum, donec ad philosophiam transeamus. Tunc enim
exacte de uno quoque membro quid sit, & quid sub se con-
tineat pertractare intendimus. Tu igitur aduerte quod apud
Aristotelem (ut docet in libro sexto ethicorum.) Scientia,
ut distinguitur ab opinione, & a fide, est certa, & euidentis rei
cognitio, quam intellectus acquirit per syllogismum de-
monstratiuum ut declarabimus in tractatu decimo, per hoc
quod dicitur certa cognitio, distinguitur scientia ab opinione.
Quæ enim opinamur, non firmiter cognoscimus, nec eis

adhæremus nisi cū formidine alterius partis. Per hoc quod dicitur evidens cognitio distinguitur a fide. Nam ea proprie credimus quibus firmiter assentimus licet sint nobis immanifesta, ut credimus Deum creatorem mundi in tempore, licet potuerit eum creare ab æterno.

Scientia speculatiua est illa cuius finis est scire siue cognoscere subiectum suum, ut scientia de cœlo, de Deo, de anima &c. est speculatiua. Neque enim per nostrum scire possumus Deum aut cœlum aut animam operari.

Scientia practica est illa cuius finis non est tantum scire, sed operari circa obiectum suum, ut scientia medicatiua & domificatiua, neque enim addiscens ædificare, contentatur scire ædificare, sed intendit ædificare.

Scientia speculatiua realis est illa quæ uersatur circa ens reale, quod habet esse extra intellectum: qualia sunt corpora naturalia & cœlum & diuinæ substantiæ, & quantitas continua & discreta.

Scientia speculatiua rationalis est illa quæ uersatur circa ens fabricatum ab intellectu, & quod non haberet esse nisi existeret intellectus: quales sunt termini & dictiones ex quibus componitur oratio, & ex orationibus componitur argumentatio, similiter omnis sermo congruus & incongruus, ornatus & inornatus, delectabilis & indelectabilis, uerus & falsus. Hæc enim omnia non essent nisi intellectus ea fabricaret, intellectus autem est ratio, ideo dicuntur ens rationis, id est ens fabricatum a ratione.

Scientia speculatiua realis physica est illa quæ uersatur circa ens mobile, quod est ens naturale, ut cœlum & elementa, & elementata.

Scientia speculatiua realis Mathematica est illa, quæ uersatur circa ens quantum continuum & discretum. Quantum continuum est linea, superficies, corpus, & omnes species figurarum, & de his omnibus pertractat Geometria. Quantum discretum est numerus, & de numero, ac proprietatibus numeri pertractat Arithmetica.

Quid autem sit grammatica & rethorica & poetica & lo-
gica, i quas diuiditur speculatiua rationalis, & circa quæ uer-
sentur, iam diximus supra.

Practica actiua est illa quæ uersatur circa humanas ope-
rationes regulandas, ut bene ac moraliter fiant.

Practica actiua ethica est quæ regulat proprias operatio-
nes cuiuslibet hois uolentis bene & uirtuose uiuere.

Politica autem quam latine, dicimus ciuilem est quæ re-
gulat ex regentis prudentia publicas & ciuium actiones ut
iuste & pacifice fiant.

Oeconomica uero, quam domesticam aut familiarem di-
cimus latine, est, quæ regulat ex patris familias prudētia &
authoritate operationes totius familiæ, secundum q̄ unum
quenq̄ familiæ gradum decet. gradus aut sunt uir, & uxor
parentes & filii, dñs & seruus, ex his. n. integratur familia in
spē humana ut docet Arist. in. 1. politicorum.

Practica factiua ē illa quæ uersatur circa artificia manu-
alia, quæ cōiter exercentur plebēis aīs, gratia lucri, & non
gratia perficiendi intellectum, nec assequendi felicitatem, &
ideo dicuntur mechanica, quia faciunt hominum intendere
extra se, & non intra se, sicut adulter quærens alicuiam dissi-
pantem, & relinquens sibi sociatam ad bonum proprium
& constitutionem familiæ.

Distinctio autem sua in septem artes mechanicas notissi-
ma ac vulgarissima est, ideo eam pertransco. Constat igitur
tibi uniuersalis scientiæ, siue philosophiæ diuisio, & compen-
diose quid sit quodlibet diuisionis membrum. Dixi compē-
diose, quoniam si ad unguem & per omnia uellē de his tra-
ctare, nouicii ingenium, qui ex simplici grammatica se ad
logicam transfert, non docerem sed confunderem. Inter-
do autem Deo propitio in philosophia naturali, & metaphy-
sica, & morali, & politica, & œconomica peripatetica reso-
lute, & diffuse de singulis pertractare. Nūc sufficit uelut par-
uulis cibum leuiorem propinare, donec solidiorem naturæ
uirtus ferre ualeat.

His prænotatis facile tibi constare potest qualis scientia

fit logica, & sub qua specie diuisionis generalis scientiæ contineatur. nam si interrogeris, qualis scientia sit, respondendum est quod rationalis & non realis ratione iam assignata. Item respondendum quod speculatiua & non practica, & si obiiciatur, quod non quaeritur gratia sui, sed gratia acquirendi alias scientias per argumentationem, respondendum est quod non propter hoc impeditur quin sit speculatiua. nam quando dicitur quod scientia practica est illa quæ ordinatur ad opus, intelligendum est ad opus quod sit alterius potentiae quam intellectus, puta sit actus uoluntatis aut manus aut pedis. Si autem ordinatur ad regulandum opus intellectus, puta quomodo formanda sit oratio affirmatiua aut negatiua, quomodo argumentandum sit ad probandum conclusionem physicam uel mathematicam, non obstat quin sit speculatiua, aliter nec Arithmetica esset speculatiua, ordinatur. n. ad numerationem quæ est opus intellectus siue Astronomia non esset speculatiua, quoniam ordinatur ad mensurandum quantitatem cœli & stellarum & eorum motum. Eodem modo nec grammatica nec rhetorica essent habitus speculatiui, cum una ordinetur ad formandum sermonem congruum & uitandum incongruum, altera ad formandum sermonem ornatum, & uitandum inornatum. Constat igitur qualis scientia sit logica, & sub qua parte scientiæ uniuersaliter diuisæ contineatur. Hæc de presenti cap. dicta sint.

Quomodo logica in partes suas diuidenda sit.

Caput sextum.

IN sexto capite aduerte antequam descendamus ad diuisiones logicæ, quod omnis recta & ualida diuisio debet esse per membra opposita ut hic, colorum alius albus, alius niger. Si autem dicatur, hominū alius albus, alius magnus, diuisio non est ualida, quoniam non opponuntur album & magnum, quoniam stant simul in eodem. Membra autem diuisionis ualidæ, non se compatiuntur in eodem, sed si unum affirmatur, alterum negatur ab eodem, Verbi gratia. Si sortes est magnus, ergo non est paruus. Non sequitur autem quod si sortes est albus non sit magnus.

quoniam potest esse magnus & albus Item membra ualida diuisionis debent sufficienter euacuare diuifum, ita q̄ nihil contineatur sub diuifo, quod non contineatur sub aliquo membro diuisionis. Vnde hæc diuifio est ualida: Animalium aliud rationale aliud irrationale, nō enim potest inueniri animal quin fit rationale aut irrationale. Hæc autem non est ualida, animalium aliud bipes aliud quadrupes, nam inuenitur animal quod nullum habet pedem, ut uermis, aliud est quintupes & aliud octupes &c. Oportet igitur sic diuidere logicam q̄ partes diuidentes sint oppositæ, & sufficienter euacuent diuifum.

Tu igitur aduerte q̄ in doctrina Aristotelis fundatur triplex diuifio logicæ.

Prima est hæc, Logicæ alia naturalis, alia artificialis siue ingeniosa. naturalis est inditus discursus, quo naturaliter homo utitur in cogitādo de agendis, & per sermonē explicandō conceptus suos ac conferēdo. Cōponit. n. ex suo ingenio orationes ex terminis, & propositiones & uarios modos arguēdi format, modo syllogismū, modo enthymema, modo inductionē, modo ab exemplo. Et hac quidem naturali logica regulati fuerunt antiqui in speculationibus suis, & eadem regulant ciuiles, & negotiatores, & litigātes, & artifices mechanici, & breuiter ois homo rōne utens. Et hæc quidē naturalis logica, est innata prōptitudo ad talē discursum ita, q̄ nō ab alio acquiritur, sed rōnale animal naturaliter cōsequitur, inæqualiter autē iuxta maioris ac minoris ingenii differentias. Nā sunt aliqui adeo depressi ingenii, q̄ uix uno gradu deprehendunt differre a bruto. Isti pro maiori parte non logica naturali, sed instinctū & motu passionum, more animalium operantur. Quidam autem sunt, qui ut diuini apparent, & adeo uigent ingenio & subtilitate intellectus, q̄ uidetur eis sufficere promptitudo naturalis discurrendi, argumentandi, & respondendi. Medii autem sunt innumeri.

Logica aut artificialis est quæ ex ingenio & longo usu hō adinuenit sub certis regulis infallibilibus, modos & species propositionū (de quibus dicemus infra) certas regulas qui-

bus discernimus utiles modos arguendi ab inutilibus, & uerum modum definiendi, diuidendi, & determinandi dubia proposita secundum subiectam materiam, ut declarabimus in suis propriis tractatibus, & hæc est quam Aristoteles dicit in secundo elenchorum se inuenisse & compleuisse, & de qua nunc pertractaturi sumus.

Secunda diuisio est hæc: Logica artificialis distinguitur in docentem, & utentem. Docens quidem est quæ tradit formam definiendi terminos, & componendi ueras propositiones, & ex eis per certos modos & figuras formandi ueros syllogismos & consequentias & alia argumentandi genera, de quibus loquemur infra, & cõiter non a proprio ingenio, sed a docente acquiritur. Hæc est quam diximus regulare intellectum in aliis scientiis acquirendis, de qua diximus quod ad omnium methodorum principia uiam habet. Logica utens, est ipsamet docēs, quam postquam didicimus, applicamus aliis scientiis acquirendis, ut optimum instrumentum regulatiuum intellectus in definiendo, diuidendo, uerum a falso, discernendo, in deducendo cõclusiones ex propriis principiis, ut tibi manifestum erit in philosophia naturali. Neque enim scires definire neque diuidere ens mobile, neque probare proprietates subiecti scientiæ naturalis, nisi in logica didicisses modum definiendi, diuidendi, & demonstrandi. Tu tamen aduerte quod licet sit eadem realiter, ratione tamen distinguitur inquantum docens, & inquantum utens. Nam inquantum docens cõsideratur in se, inquantum utens respicit alias scientias.

Tertia diuisio est hæc: Logica docens sufficienter diuiditur in tres partes. Prima est in qua tractatur de terminis incomplexis, & hæc diuiditur in duas. In prima consideratur de terminis secundæ intentionis, & iste est liber prædicabilium. In secunda consideratur de terminis primæ intentionis, & iste est liber prædicamentorum, & post prædicamentorum. Secunda est in qua tractatur de terminis complexis, id est de oratione, & propositione, & hic est liber perihermenias. Tertia est in qua tractatur de argumentatione, & hæc diuiditur in quatuor. In prima agitur de

argumentatione syllogistica absoluta & simplici, id est non applicata alicui materiæ & hic est liber priorum: In secunda agitur de syllogismo demonstratiuo, & hic est liber posteriorum. In tertiâ agitur de syllogismo topico, id est probabili, & hic est liber topicorum. In quarta agitur de syllogismo fallaci, quem dicimus sophisticum, eo q̄ per ipsum solum generatur deceptio, & hic est liber elenchorum. Hæc est summa librorum, quos tradidit nobis Aristoteles inuentor logicæ. Reliquos autem minores tractatus quos appellamus parua logicalia, non habemus formaliter ab Aristotele. Sed posteriores traxerunt uirtualiter ex prædictis libris Aristotelis, ita q̄ eorum principia iam habuimus ab Aristotele, ut tibi declarabitur, quando agemus de consequentiis & suppositionibus &c. Et aduerte q̄ sufficientia prædictæ diuisionis sumitur hinc, Argumentatio (ut dictum est supra) est principale consideratum a logico uelut eius finis, non enim logicam quærimus nisi ut acquiramus habitum faciliter & recte argumentandi ad quancunq̄ conclusionem. Argumentatio autem est quoddam totum constans ex propositionibus, ut tibi declarabitur loco suo, propositio uero constat ex terminis. Cum igitur eadem scientia sit consideratiua totius & partium, necesse est logicum uersantem circa argumentationem, considerare de argumentatione & partibus eius, partes autem eius sunt duplices. scilicet propinquæ & remotæ. propinquæ sunt propositiones: remote autem termini incomplexi, nam propositiones componunt immediate argumentationem. Termini autem incomplexi nō componūt eam, nisi quia ingrediuntur propositionem. Ex quibus constat, q̄ pars prima, in qua considerantur termini incomplexi, ordinatur ad secundam, in qua consideratur propositio, & secūda ad tertiā, in qua consideratur argumentatio, & in ea completur intentio logici. Constat igitur quomodo diuidenda sit logica, & quæ sint eius partes sufficienter ipsam diuidentes. Hæc de præsentī cap. dicta sint.

A quo sit incipiendum in logica, & quis ordo prosequendus ne confundatur ingenium nouicii. Caput septimum.

IN septimo capite inuestigandum est a quo primo incipiendum sit tractare in logica, & quis ordo in tractandis seruandus sit, ne nouiciū ingenium confundatur.

Quantum ad primum aduerte q̄ nōnulli considerant logicam inquantum est dialectica, idest disputatiua, alii autem inquantum uersatur circa argumentationem, quæ non solū potest fieri uoce sed & mente & scripto. Primi considerantes disputationem non fieri sine sermone, nec sermonem sine uoce, nec uocem sine sono, ideo a sono tanquam a priori & communiore definitiue & diuisiue dicunt inchoandum. Secundo loco a uoce definitiue & diuisiue, tertio loco a nomine & uerbo ut habent esse in uoce & componūt orationem & propositionem uocalem, ex quibus componitur syllogismus siue argumētatio uocalis, qua fit disputatio inter duos. Hunc ordinem seruat Petrus hispanus, & ratio ad hoc mouens eum fuit, quia considerauit q̄ Aristoteles in suo libro perihermenias acturus de propositione definit nomen & uerbum ut sunt eius partes integrales per uocem, quasi q̄ non consideret de nomine & uerbo & oratione & propositione & argumentatione, nisi ut deseruiunt disputationi, cui non deseruiunt nisi ut sunt in uoce. reliquit ergo omnia prædicta ut sunt in mēte & in scripto, & intendit de modo magis famoso ac notiori ad sensum, qui est in uoce.

Alii autem aduertentes q̄ licet modus iste famosior & uulgarior sit, tamen experientes q̄ omnia prædicta habent esse in anima, in uoce, & in scripto, nec unquam proferuntur uoce, nec scribuntur nisi prius mente concipiantur, unde & dixit Aristoteles in primo perihermenias, q̄ ea quæ sunt in uoce, sunt earū quæ sunt in anima passionum id est conceptuum notæ, i. signa, ideo arbitrati non sunt incipiendum a uoce nec a sono, sed a termino, id est dictione. Nam terminus ut est in mente componit propositionem mentalem, & ut est in uoce, componit propositionem uocalem, & ut est in scripto, componit propositionem in scripto, & quoniam nomen & uerbum & oratio possunt esse in mente in uoce & in scripto, ideo dicunt melius esse q̄ definiantur per

terminum utpote magis communem q̄ peruocem. Hanc igitur uiam ut uniuersaliorem sequemur, & precipue quia nō contrariatur priori sententiæ. Nam sicut est uerum dicere, Sortes est homo ergo sortes ē animal, sic est uerum dicere, nomē est uox significatiua, ergo est terminus significatiuus. In plus enim se habet terminus q̄ uox, qm̄ uox non uerificatur de nomine nisi ut est in uoce. Terminus autem uerificatur de nomine, in mente & uoce & scripto. Incipiemus ergo a termino definitiue & diuisiue.

Quantum ad secundum aduerte q̄ cū termini incomplexi sint priores & simplices oratione & propositione in uia compositionis, & propositiones sint priores syllogismo, qm̄ componunt syllogismum, & non econuerso, ordo scientiæ requireret q̄ prius tractaremus de prædicabilibus & prædicamentis, & secūdo loco de propositionibus ut tractat Aristoteles in libro perihermenias, & tertio loco de syllogismis formalibus & topicis & sophisticis & demonstratiuis eo ordine quo de eis tractat Aristoteles in tota arte noua. Verum quia nouus logicæ auditor transit immediate ab arte grammaticæ ad logicam, & logicus accipit a grammatico nomen & uerbum & aliquas alias partes orationis (ut dicemus) prout componunt propositionem, & propositio componit syllogismum, ideo ne nouicii ingenium inuoluatur, expedit prius tractare de partibus orationis, deinde de oratione & enūtiatione, sicut etiam tractat grammaticus modo grammatico. & secundo loco tractabimus de syllogismo formali & tertio loco de prædicabilibus, & quarto loco de prædicamentis. Nam absq̄ uotitia propositionis & syllogismi, nō posset nouitius i illis erudiri modo logico, ut tibi manifestū erit. Deinde procedemus ad alios tractatus eo ordine quē tibi manifestabimus loco suo. Constat igitur tibi a quo incipere intendimus, & quem ordinem seruare, ne nouitii ingenium inuoluatur. Hæc de præsentī cap. dicta sint.

Explicit trac. primus. qui fuit de præcognoscendis ordinatus per authorem, & reuiscus per eundem.

secundus qui est de partibus propositionis.

TRACTATVS SECVNDVS.



In tractatu secūdo agendū est de partibus, ppōnis, quæ apud Logicū præcipue sunt nomen, & uerbum & qm̄ scire non poteris quid & quotuplex sit nomen apud logicū, sifr & uerbū nisi prius noueris qd sit terminus, & quotuplex sit. Et qd dico de termino intellige de uoce. Primū. n. qd ponif in definitione noīs & uerbi est terminus apud cōiter tractatores de logicalib⁹, apud aut̄ Arif. ē uox, ut tibi declarauim⁹ i tractatu pcedēti. c. 7. iō hūc tractatū diuidem⁹ i. 4. capita. **Primum**, Quid & quotuplex sit terminus.

Secundum, Quid & quotuplex sit nomen & uerbum.

Tertium, Quid & quotuplex sit oratio.

Quartum, Si logico sufficiunt duæ partes orationis, scilicet nomen rectum, & uerbum rectum.

Quid & quotuplex sit terminus. Caput primum.

In pmo cap. inuestigādū est qd sit terminus, & quot sint vliores diuisiones eius. Hic igitur duo agēda sunt. pmo definiemus terminū declarātes singulas definitionis particulas. secundo assignabimus cōes, & vles diuisiones termini.

Quātū ad p̄mū aduerte, q̄ hic nō intēdimus loqui de oī si gnificato in quo sumit terminus in doctrina Aristotelis. Sumit āt tribus modis. Prio sumit p̄ maiori, & minori extremitate, & medio, & dñr tres termini ex qbus cōponit oīsve rus syllogismus. & de hoc mō loquemur i trac. de syllogismo formali, & absoluto. Secūdo sumitur pro definitiōe rei, quæ dicitur apud Aristotelē terminus, qm̄ in se claudit, & terminat totam rei definitæ essentiam. & de hoc modo loquemur in trac. de syllogismo topico & demonstratiuo. Tercio sumitur pro omni eo ex quo propinq̄ constituitur oratio, & propositio, & in q quod resoluitur. Et dico propinque

TRACTATVS SECVNDVS

quoniam sicut apud grāmaticum dictio componitur ex aliquibus remote, & ex aliquibus propinq. sic apud Logicum oratio & propositio ex aliquibus cōponitur utroq. modo. Nam apud grammaticum dictio componitur propinq. ex syllabis, quoniam seipsis & non mediante alio, componitur autem remote ex literis, quoniam non ex seipsis sed mediante syllaba. Sic in proposito apud logicum oratio & propositio componūtur propinq. ex terminis, qm̄ ex seipsis & non mediante alio, componuntur autem remote ex syllabis & literis, literæ enim componūt syllabas, & syllabe terminos, & termini orationem. Et in hoc tertio sensu solum intendimus in hoc trac. loqui ac definire terminum. Sed aduerte q. in tertio sensu adhuc tripliciter sumi pōt. scilicet communiter, stricte & strictissime. Cōmuniter sumitur pro omni dictione propinq. componente orationem, & sic non solum nomen & uerbum, sed etiam aliæ orationis partes, ut pronome, præpositio, aduerbium &c. dicuntur termini. Strictè sumitur pro omni eo quod est uel potest esse subiectum & prædicatum & copula in propositione. In quo sensu nec signa uniuersalia nec particularia, nec aduerbia sunt termini, qm̄ nō sunt nec possunt esse per seipsa prædicatum aut subiectum, sed modi siue determinatiōes eorum, sicut aduerbia sunt determinatiōnes uerbi ut bene currit, hodie uenit &c. Strictissime autem sumitur pro omni eo quod est uel potest esse extremum propositionis, extremum autem dico subiectum & prædicatum, & in hoc sensu copula non est terminus, quia nō est extremum, sed unitiuum extremorū, unit & copulat prædicatum & subiectum. & in hoc sensu definiuit eum Aristoteles in libro priorum dicens, q. terminus est in quem resoluitur propositio ut in subiectum & prædicatum.

His præpositis aduerte q. hic habemus diffinire terminum non stricte nec strictissime sumptum, sed cōmuniter, aliter non possemus ipsum diuidere ut diuidemus infra. Nam una ex diuisionibus erit hæc, terminorum unus est per se significatiuus, alius non per se significatiuus. Constat autem ex prædictis quod terminus non per se significatiuus, non est

terminus stricte nec strictissime sumptus.

Definientes igitur terminum cōiter & absolute sumptū dicimus quod est pars propinqua constitutiua orōnis & p-
positionis. Dicitur pars propinqua .i. immediata orōnis & p-
positionis ad differentiam literarum & syllabarum, quæ
non nisi mediante termino componunt orōnem. unde ad-
uerte q̄ sicut se habent lapides & ligna, & fundamentum,
& paries ad compositionem domus, sic literæ & syllabæ &
termini ad constitutionem orationis. nam lapides & ligna
non componunt immediate domum, sed componunt imme-
diate fundamentum parietem & tectum, hæc autem imme-
diate domum: ideo illæ remotæ, hæc autem propinquæ nū-
cupantur. Sic in proposito, literæ & syllabæ non componūt
immediate orōnem, sed terminum, terminus autem inme-
diate orōnem. patet ergo terminum esse immediatam & p-
ximam partem orōnis ad differentiam literarum & syllaba-
rum. De constitutiua orōnis, quoniā hic procedimus ex pō-
ri: ad differentiam resolutionis quæ supponit constitutum
ex partibus. De ergo constitutiua orōnis, quoniam hic intē-
dimus præparare materiam syllogismi, quæ est propositio,
ideo inuestigamus in primis, ex quibus constituitur imme-
diate propositio, & in trac. de syllogismo aperiemus ex qui-
bus propinque & immediate constituitur syllogismus. Hæc
autem definitio conuenit termino, in mente, in uoce, in scri-
pto: quoniam terminus in mente, est pars propinqua oratio-
nis mentalis, & in uoce, est pars propinqua orationis uoca-
lis & in scripto, est pars propinqua orationis scriptæ.

Viso quid sit terminus apud logicum cōmuniter & abso-
lute sumptus, assignandæ sunt generales diuisiones eius, ut
sciamus iuxta quod membrum ponendus est in definitione
nominis & uerbi & orationis.

Prima diuisio. Terminorum, aliquis est per se significa-
tiuus, aliquis nihil per se, id est per se sumptus significati-
uus. Terminus per se significatiuus est ille, qui ultra seipsum
aliquid intellectui representat, ut homo, animal, lapis: re-
presentat enim homo intellectui animal rationale, & animal

repræsentat animatum sensitium & per se motuum, & lapidis corpus terreum durum offendens pedem. Nam significare est aliquid intellectui repræsentare. Vnde idem est terminum esse per se significatiuum, & esse per se repræsentatiuum alicuius apud intellectum. Dicitur ultra seipsum, quoniam repræsentare seipsum intellectui est commune omni terminum, cum sit intelligibilis ab intellectu, cuius obiectum est ens communissimum ut se extendit ad ens reale & ens rationis ut dicemus alias. Terminus nihil per se significatiuus est ille qui per se sumptus ultra seipsum nihil intellectui repræsentat, ut bus & bas & biltris. Dico per se sumptus, ut excipiamus quando proferuntur ex intentione irridendi. Tunc enim ex proposito irridentis sumuntur ut per se significatiui, sed id non est ordinarium. Nam plerumque proferuntur aut exeunt ex ore sine proposito aliquid ultra seipsum significandi. Ad hoc autem quod sit per se significatiuus, oportet ut naturaliter, uel ad placitum in aliquo idiomate ordinarie & consuetudine firmata, sic uel sic ultra seipsum significet.

Secunda diuisio est hæc. Dimisso termino nihil per se significatiuo, utpote inutili proposito nostro, quando non componit orationem ordinarie ut subiectum & prædicatum, nec est pars nec determinatio eorum ad differentiam signorum uniuersalium & particularium, diuidendus est terminus per se significatiuus. Et prima diuisione diuiditur in terminum per se significatiuum naturaliter, & in terminum per se significatiuum ad placitum. Terminus per se significatiuus naturaliter est ille, qui apud omnes homines idem ultra seipsum repræsentat intellectui, ut homo & animal in mente. est autem homo in mente species, siue similitudo, siue conceptus hominis. Se habet enim huiusmodi similitudo siue conceptus ut uera imago, puta Cæsar, quæ apud omnes ex sui natura repræsentat Cæsarem. Sed aduerte quod non solum terminus in mente est significatiuus naturaliter sed & quidam termini dum proferuntur, & quædam animalium signa, ut dum infirmus gemit, apud omnes repræsentatur dolor, & dum canis latrat apud omnes repræsentatur

ira. Terminus autem per se significatiuus ad placitum, est ille qui non apud omnes idem, sed in diuerso idiomate diuersa repræsentat, uel tātum in uno idiomate aliquid determinate repræsentat, in alio autem nihil. Et causa huius est, quia huiusmodi termini non significant ex instinctu naturæ sicut interiectiones quæ non sunt bene trāsferibiles ex uno idiomate in aliud, sed impositi sunt ad sic significandum ex decreto & autoritate primorum instituentium, quibus sic placuit rationabiliter tamen, in uno quoq; idiomate res singulas sic uel sic nominare. Et aduerte q̄ ultra hoc q̄ terminus ad placitum differt a significatiuo naturaliter in hoc q̄ non apud omnes idem repræsentat, dum proferitur, nec significat ex instinctu naturæ, sed decreto primi authoris: in duobus aliis differt. scilicet in modo proferendi, & in significato. Nam terminus ad placitum perfecte & distincte proferitur, modo non adsit ineptitudo linguæ ex parte proferentis.

Termini autem naturaliter significatiui propter impetum passionis, amoris, aut timoris, aut gaudii, aut iræ, ut in pluribus truncate proferuntur, etiam remota ineptitudine linguæ. Differunt etiam ex parte significati, quoniam termini ad placitum significant conceptum intellectus: illi autem magis indicant affectum appetitus, quam conceptum intellectus. Sed ne nouitius inuoluatur, hic sisto, donec fiat capax solidioris doctrinæ.

Tertia diuisio est hæc. Dimisso termino per se significatiuo naturaliter pro nunc: terminus significatiuus ad placitū multas sub se continet diuisiones, quarum frequens est usus in doctrina peripatetica, ex quibus una est q̄ quidā est categorematicus, quidā syncategorematicus. Categorematicus est ille qui tam p se sumptus quam cum alio, tam in ppōne quam extra, aliquid ultra seipsum intellectui repræsentat, ut homo, lapis, curro, amo. nā homo p se solum significat animal rōnale, lapis tale corpus, curro actum currendi, amo actum amandi. Syncategorematicus est ille qui per se solum sumptus nihil extra seipsum apud intellectum significat.

Si autem sumatur cum alio, puta cum nomine substantiuo

uel cum uerbo, simul significat, in quantum determinat nomen aut uerbum. Et sic signa uniuersalia & particularia, & propositiones, & aduerbia, & coniunctiones sunt termini syncategorematici. i. cōsignificatiui. Nam signa uniuersalia determinant nomen substantiuum positum in subiecto ad stā dum pro omnibus, aut pro nullo, ut omnis homo currit, nullus homo currit. Signa autem particularia determinant subiectum particulariter, ut quidam homo currit, quidā homo non currit. Præpositiones autem determinant nomen ad constructionem pro certo casu, puta ablatiū uel accusatiuo. Aduerbia determinant uerbum pro determinato loco, ut aduerbia localia, uel pro determinato tēpore, ut aduerbia temporis, uel pro determinato modo quātitatis uel qualitatis, ut aduerbia quantitatis & qualitatis. Coniunctiones autem determinant terminos & orationes, secundum modum copulatiuum, uel disiunctiuum uel illatiuum. exemplum primi, &, atq; exemplum secundi, uel, aut, exemplū tertii, ergo, igitur, itaq;. Inter syncategorematicos terminos non comprehenduntur interiectiones: quoniam ut docuimus significant naturaliter, nec pronomina primitiua, quoniam sumuntur loco proprii nominis, & certam significant personam. De deriuatiuis autem uidetur quod sic, qm sunt ut determinationes nominum substantiuorum, ut meus liber, tuus pater, nostra patria &c. Similiter participium nō est terminus syncategorematicus, complectitur enim nomen substantiuum & uerbum, ut legens loquitur. i. homo qui legit loquitur. Ex his omnibus sequitur, quod cum sint octo partes orationis, tantum nomen & uerbum sumendo cum nomine pronomine primitiuum, & cum uerbo participium, sunt termini categorematici, aliæ autem partes sunt termini syncategorematici apud logicum, & causam huius dicemus postq̄ definierimus nomen & uerbum.

Quarta diuisio. Terminorum categorematicorum quidam est primæ intentionis, quidam secundæ. Prima intentio apud ueros peripareticos est primus conceptus fundatus immediate in re, quæ est ens reale, ut primo apprehenditur

prehenditur ab intellectu, ut animal rationale, est prima intentio quam format intellectus, & immediate fundatur, in natura hominis. Secunda autem intentio est secundus conceptus formatus ab intellectu, fundatus in re non immediate sed mediante primo conceptu, ut esse prædicabile de pluribus differentibus numero in quid, est secundus conceptus quem format intellectus de homine. Nam postquam apprehendit q̄ homo est animal rationale, aduertit q̄ ut est animal rationale, conuenit omni contento sub homine, & sic est prædicabilis de quolibet suo indiuiduo in quid, & tunc format secundum conceptum, dicens q̄ natura hominis ex eo q̄ est animal rationale est prædicabilis de pluribus differentibus numero in quid, & quod dico de homine intelligo de qualibet natura specifica cōtenta sub animali. Terminus igitur primæ intentionis est terminus significans p̄mum cōceptum, fundatum immediate in essentia rei, ut homo, capra, leo. Terminus autem secundæ intentionis est terminus significans secundū cōceptum fundatū in natura rei mediante p̄mo conceptu, ut genus, species, differentia, singulare, &c. Et ne cōfundatur intellectus nouitū hic sisto. In tractatu autē de uniuersalibus siue p̄dicabilibus diffusius, & altius de terminis p̄mæ, & secundæ intentionis loquemur. Et aduerte q̄ diuisio termini in terminos p̄mæ impositionis, & secundæ impositionis apud nos, qui sequimur uiam realium non differt a præcedenti. Nam homo in mente excogitatus, & uoce probatus, & in scripto positus, significat p̄mum conceptum ideo est terminus primæ intentionis in mente, in uoce, in scripto. Et iste terminus species excogitatus in mente, & in uoce, & in scripto, & secundæ intentionis, quia significat secundum conceptum modo quo diximus. Non ergo est necesse ultra diuisionem factam inter terminos p̄mæ, & secundæ intentionis, assignare eam quæ dicitur p̄mæ, & secundæ impositionis ut penitus distinctam a præcedenti, quæ fuit inter p̄mæ, & secundæ intentionis. Hæc enim continetur in illa.

Quinta diuisio. Terminorum quidam cōmunis, quidam singularis. Cōmunis est q̄ de pluribus prædicatur, ut homo,

animal, lapis, & apud grammaticum dicitur nomen appellatiuum, qm pluribus conuenit. Terminus singularis est qui de uno solo prædicatur, ut plato, & fortes, & apud grammaticum dicitur nomen proprium, qm uni soli conuenit, & aduerte q terminus singularis apud logicum pōt fieri quatuor modis, primo per nomen indiuidui, ut plato studet, secundo per nomen cōe adiuncto pro nomine demonstratiuo, ut hic homo studet, tertio per nomen circumlocutum, i. multas circumstantias singularizatum, ut Sophronisci primogenitus filius scribit, quarto per ly, quod apud logicum, & philosophū est signum demonstratiuū, ut ly homo, ly aīal &c.

Sexta diuīsiō. Terminorum quidam magis uniuersalis, quidam minus uniuersalis, & utruq; membrum continetur sub termino communi. Magis uniuersalis est qui prædicatur de pluribus q minus uniuersalis, nam magis uniuersalis prædicatur de omnibus de quibus prædicatur minus uniuersalis, & in hac diuīsiōe continetur animal & homo, nā animal prædicatur de omnibus de quibus prædicatur homo, & de aliis pluribus ut de omni animalium specie, homo autem tantum de contentis sub homine indiuiduis, & iuxta hanc diuīsiōem assignabimus ordinationem contentorum in quolibet prædicamento, procedendo a generalissimo ad specialissimum.

Septima diuīsiō. Terminorum tam singularium q communium quidam est finitus, quidam infinitus, finitus est determinati & certi significati: qui scilicet significat quam certam ac determinatam naturam, & de nulla alia uerificatur, ut homo significat solam naturam rationalem, animal solā naturam sensitiuam, &c. Infinitus est qui negat unam naturam, eam, scilicet quam significat terminus finitus, & uerificatur de quacūq; alia, ideo dicitur infinitus, id est indeterminatus in significando, & terminus finitus fit infinitus per appositionem non, ut non homo, non lapis, non animal. Nam non homo negat naturam hoīs, & uerificatur de quacūq; alia. Vnde lapis est non homo, leo est non homo &c. Et aduerte q quando terminus finitus, infinitatur per non,

fit tota una dictio, ut non homo, si autem stet non, per se, & homo per se, dicitur terminus non infinitatus sed negatus, ut non homo currit, & per terminum negatum fit propositio negatiua hæc enim est negatiua non homo currit, hæc autem est affirmatiua, non homo pura leo currit.

Octaua diuisio. Terminorum quidam est positiuus, quidam priuatiuus. Positiuus est qui significat aliquam formam siue habitum perficientem suum subiectum, ut uisus perficit oculum. Lux aerem, iustitia animum &c. Priuatiuus est qui significat negationem talis formæ, relinquens tamē aptitudinē in subiecto, eo quod est aptum hñc talem formā, ut cæcitas, tenebra, iniustitia, mores surditas &c. Cæcitas enim significat negationem uisus in oculo apto hñre uisum, modo, & tempore quo est aptus uidere. Dicitur notanter quod est aptum habere talem formam, quoniam si non est aptum, nō uerificatur de eo terminus priuatiuus, sed terminus positiuus negatus ut non uidens, non lucens, non audiens. Vnde de lapide hæc est falsa. Lapis est cæcus, uel surdus, uel tenebrosus, hæc autem est uera. Lapis est non uidens, non audiens, non lucens.

Nona diuisio. Terminorum quidam abstractus, quidam concretus. Abstractus est qui significat formam per se sine connotatione subiecti, ut color, sapor, albedo, dulcedo, anima, iustitia, &c. Concretus est qui significat formam connotatione subiectum, ut coloratum, album, nigrum, animatum, iustum, &c. Et aduerte quod hæc diuisio coincidit cum illa, de qua erit sermo in ante prædicamentis, scilicet Terminorum quidam est denominans, ut grammatica, hic est idem quod abstractus, quidam denominatiuus, ut grammaticus hic est idem quod concretus.

Decima diuisio. Terminorum quidam incōplexus, quidam complexus. Incomplexus est ille, qui est terminus simplex, uel cōpositus, uel uniens in se plures terminos per se significatiuos ad placitum, ita tamen quod habent uim unius exemplum primi homo, capra, leo, exemplum secundi. Scutifer, armiger exemplum tertii paterfamilias, primo genitus, Sanctus Georgius, Summus pontifex. Comple-

us est ille, qui in se aggregat plures terminos per se significatiuos ad placitum, qui non habent uim unius, sed siue aggregati, siue separati retinēt suum proprium significatum. Et sic terminus complexus semper est oratio, aliquādo sine uerbo, ut homo albus, animal uolatile, in qua secunda pars determinat, & limitat primam, aliquando cum uerbo, ut homo est albus. Vnde logici uniuersaliter dicunt q̄ terminus incomplexus est ut dictio. Cōplexus autem ut oratio. Tu tamen aduerte q̄ terminus cōplexus cōiter nominatur per orationem infinitiuam, ut deum esse trinum hominem esse risibilem, quæ oratio dicitur esse quid cōplexum, & enunciatibile, ut ibi manifestabitur, cum loquemur de modalibus.

Undecima diuisio. Terminorum quidam significant sine tempore quidam cum tempore. Significare sine tēpore est significare rem absolute sumptam non mensuratam aliqua differentia temporis, cuius differentia siue partes sunt præsens, præteritum, & futurum, & hoc modo significat nomē & pronomen sumptum loco nominis. Nam dum dico homo, aut animal, homo significat rem quæ est homo absolute, & non in quantum præsentem, aut præteritam, aut futuram. Tu tamen aduerte q̄ licet nomen significet sine tempore, nihil tamen prohibet aliquod nomen significare tempus, aut partem temporis, ut hæc nomia, tēpus, hora, dies, ebdomada, mensis, annus. Nam licet significet tempus, non tamen aliquid distinctum a tempore, & mensuratum tēpore. Per oppositum autem significare cum tempore est significare rem adiuncta aliqua differentia temporis. Et hoc modo uerbum, & participium significat cum tempore. Verbi gratia curro, & currens, significant cursum pro tēpore præsentis, & non aliter, cucurri pro præterito &c. Vnde significare sine tēpore, ut dicemus infra, proprie conuenit nomini, oppositum autem conuenit uerbo.

Duodecima diuisio. Terminorum quidam uniuocus, quidam æquiuocus, quidam analogus. Vniuocus est qui sub una definitione naturam unam significat, siue sit una specie, siue una genere, ut homo sub hac definitione, q̄ est animal ra-

tionale, significat naturā humanam quæ est una sp̄s, & aīal sub hac definitione, q̄ est corpus animatum sensitium, significat naturam animalis quæ est una genere. Aequiuocus est qui sub distinctis rōnibus, & absq; ordine, & immediate plures naturas significat distinctas sp̄s, ut canis significat immediate canem cōlestem sub hac definitione q̄ est sydus in ore signi leonis, & canem latrabilem sub hac definitione q̄ est animal iracundum, & canem marinum sub hac definitione q̄ est animal aquaticum simile cani terrestri. Analogus est, qui sub distinctis rōnibus uel sub una inæqualiter participata plures naturas quodam ordine prioris, & posterioris significat. Exemplum primi. Sanum sub hac rōne q̄ est esse adæquatum in humoribus significat animal sanum, sub hac rōne q̄ est esse causatiuum sanitatis significat medicinam sanam, sub hac rōne quod est esse indicatiuum sanitatis, significat urinam sanam. Prius tamen dī de animali, posterius autem de medicina, & urina: quoniam non nisi in ordine ad animal sanum. Exemplum secundi. Ens sub hac rōne q̄ est cui debetur esse, significat primo substantiam, deinde accēs quoniam substantia est ens simplr, & accidens est ens secundum quid, & solum in ordine ad substantiam. Hic terminatur uniuersaliores diuisiones quæ in doctrina peripatetica frequenter sunt in usu, tā ī libris terminorū logices, q̄ phīæ. Præpositæ autē sunt, ut nouiti⁹ paulatim assueſcat, & ne sim⁹ coacti frequēter singulas repetere. Hæc de. 1. cap. dicta sunt.

Quid & quotuplex est nomen & uerbum apud logicum. Caput secundum.

IN secundo capite inuestigandum est quid & quotuplex sit nomen & uerbum apud logicum, sunt enim principales partes propositionis, ut tibi manifestum erit, primo igitur agendum est de nomine secundo de uerbo. Et quoniam hic intendimus agere de partibus propositionis, & de propositione, & de syllogismo, non solum in uoce, sed & in mēte, & in scripto, ideo definiemus ea non per uocem, sed terminum qui est communis nōmini & uerbo in mente, in uoce, in scripto. in reliquis autem nō recedemus a uia, & mo-

do definitiuo seruato a Petro Hispano, qui logicam suā formauit ut compendium logicæ totius traditæ nobis ab Aristotele, excepto libro posteriorum. Non. n. Petrus hispan. formauit tractatum aliquem correspondentem libris posteriorum, hac forte rōne, qm̄ existimauit nouitium penitus incapacem syllogismi demonstratiui. Nos autem faciliore modo quo poterimus particularem tractatum formabim⁹ ut paulatim assuescat nouitii ingenium, & ne subito auditu libri posteriorum confusus retrocedat. Licet autem Arist. in libro perihermenias, & Petrus eius imitator definiant nomen & uerbum per uocem, & nos per terminum, tñ nō erimus oppositi, nisi in hoc, q̄ nos magis ample, illi autem magis stricte definierunt. Cōsiderarunt. n. partes orōnis solum ut sunt uocales, nos autem ut possunt esse mentales, & uocales, & scriptæ. Vnde sicut dicit Arist. & Petrus q̄ nomen est uox, sifr & uerbum, dicemus nos q̄ ē terminus, sub quo continetur terminus uocalis qui dicitur uox &c.

Primo igit agentes de nomine definimus: quid sit apud logicum, & si multiplex est.

Quantum ad primum aduerte q̄ nomen ad mentē Aristotelis in uoce, in scripto est terminus per se significatiuus ad placitum sine tempore, cuius nulla pars separata aliquid significat finita & recta.

Primo dī q̄ est terminus, qm̄ nomen est pars propinqua orōnis & propōnis, ut patet. Et qm̄ terminus est quid magis commune q̄ sit nomen, ut patet ex op. præcedenti: Nam & uerbum est terminus, non tamen est nomē, ideo in hac definitione ponit terminus ut genus. Nā ut declarabimus ī tract. de syllogismo dialectico, p̄mus terminus in definitione positus, est loco generis, qm̄ cōior est ipso definito, reliqui autē ponuntur loco differentię ut declarabimus.

Secundo dī p se significatiuus, ut excipiantur termini nō per se significatiui, ut buf, & baf, & termini syncategorematici ut signa uniuersalia & particularia, ut omnis, nullus, aliquis, quæ licet apud grammaticum sint noīa, non tamen apud logicum, quoniam p se sumpta non possunt esse præ-

dicatum nec subiectū propōnis, sed tñ determinant subie-
ctū aut p̄dicatū ut docuimus in tertia diuisione terminorū.

Tercio dī ad placitum ad dīam termini significātis natu-
raliter, ut interiectiones, quæ constant non esse noīa qm̄ nō
declinantur per casus, nec sunt subiectum aut p̄dicatum
propōnis nisi in suppositione materiali, ut heu ē interiectio,
heu est bisyllabum, & ad dīam termini, i. conceptus in mē-
te, qui naturaliter significat ut declaratur in. i. per her.

Quarto dī sine tempore ad dīam uerbi, quod significat
cum tpe, quid sit significare sine tpe, & cum tpe iam docui-
mus in undecima diuisione terminorum, & diximus q̄ nō
inconuenit aliquod nomen significare tempus, uel partem
tpis, ut dies, hora non tñ cum tpe. Vide tu illic.

Quinto dī cuius nulla pars separata aliquid signat. i. si no-
men diuidat in partes suas, quæ sint syllabæ ut p̄r, & omne
nomen simplex, uel quæ sint dictiones, ut in noīe composi-
to, ut est p̄r familias, uel scutiferus, & humani p̄ se. i. extra
totum nomen nihil significant. Quod sic intelliges, aut nihil
oīno significant ut mare. Nā nec ma: nec re, p̄ se sumpta ali-
quid significant. Vel si aliqd significant, non tñ habent illud
signatū, quod hñt in toto noīe. V. G. Hoc nomen dñs signat
p̄ncipem. Si autē resoluat in dō & in minus, dō utiq̄ signatz
.i. actum dandi, & minus signat oppositum magis, sed ut cō-
ponunt ly dñs nihil significant. s. de significato. ly dñs. Idem
intellige de nomine composito, cuius partes separatæ & si
aliquid signat, non tñ illud quod signat totum nomen com-
positum, ut p̄r familias significat rectorem familiæ. Pater
autem per se sumptus significat genitorem, & familia fami-
liam, ita q̄ in toto significant utrum, separatæ autem signifi-
cant duo. Et hæc expositio est communis apud ueros logi-
cos. Vnde Auicenna recitat in logica sua aliquos dixisse, q̄
uerbum incomplexum est cuius nulla pars separata aliqd
significat. s. quod sit de intellectu & significato totius qm̄ ni-
hil phibet aliqd aliud signare, ut magister nam magis aliqd
significat: & ter, sed non retinent significatum quod signifi-
cat magister nec in totum nec in partem. Et sic patet q̄ hæc

definitio conuenit nomini tam simplici, quam composito, tam primitiuo, quā deriuatiuo, dum modo intelligatur, ut exposuimus.

Sexto dē finitus ad differentiam nominis infiniti, quod & si apud grammaticum sit nomen, non tamē apud logicum, quoniam apud ipsum nomen est illud, quod potest esse subiectum & prædicatum in propositione. Subiectum autem & prædicatum oportet, ut determinate aliquid significant, aliter propositio esset inutilis, nec deseruiet syllogismo formādo ab intellectu pro inquirenda ueritate. Vnde & terminus æquiuocus inutilem facit propositionem, nisi sumatur determinate. Verbi gratia canis cœlestis lucet. Sed ut docuimus in diuisione septima terminorum, terminus infinitus nihil determinate significat, ideo cum non possit esse subiectum & prædicatum propositionis non est nomen apud logicum nisi secundū quid, ut dicatur nomen non simpliciter sed nomen infinitum, sicut solemus dicere quod chimera non est nomen reale sed nomen fictum, quia nihil significat sed imaginarie.

Sed dices, apud logicum hæc est propositio. Non homo currit, ergo potest esse subiectum, & per consequens nomē. Respondetur. Tales propositiones sunt inutiles si teneatur nomen infinitum in sua infinitate & in determinatione. Si autem determinetur sic dicendo. Non homo. i. asinus currit tunc propositio erit utilis, sed nomen infinitum non remanet infinitum, sed æquiualeat finito.


Septimo dicitur rectus ad differentiam obliquorum, qui non sunt nomina apud logicum. Nomen enim est apud ipsum quod sibi se aliquid significat, & sibi se potest esse subiectum propositionis. Sed obliqui neutrum habent ex se. Non primum, quia significatum trahunt, a recto sicut, & deriuantur ab eo. Rectus autem sicut non deriuatur ab alio sic non accipit significatum ab alio casu, sed habet a se. Non secundum, quia si apud logicum formatur propositio per uerbum impersonale, ut Platonis interest legere: ly Platonis nō est subiectum, nisi resoluator in rectum sic. Ille cuius est legere est Plato. Sic intellige de aliis. Præterea solus rectus sufficit

ad formandam propōnem perfectam & maxime de secundo adiacente, ad quam non sufficit nomen obliquum. Hæc enim est perfecta. Deus est, homo est, hæc autem imperfecta, Dei est, hominis est. Non ergo obliqui mœrentur dici nomina sed sint casus nominum. Hæc de definitione nominis apud logicum realem & peripateticum dicta sint.

Quantum ad secundum, .i. quod duplex sit apud logicum, idest in quantum potest esse subiectum & prædicatum propositionis, constat, ex dictis quod non est multiplex, quoniam solum nomen rectum & finitum potest esse secundum se subiectum & prædicatum in propōne modo quo exposuimus. Vnde logicus a grammatico sumit sibi rectum ut necessarium ad formandum absolutam propōnem significatiuam veri & falsi Reliquos autem casus sumit ad bene esse, & magis propter seruandam congruitatem quam ueritatē sermonis, ne uideatur logicus despiciere regulas grammaticas, Hæc de nomine dicta sint.

Quantum ad uerbum aduerte quod ad mentem Aristoteli. uerbum tam in uoce quam in scripto sic definiendum est. uerbum est terminus per se significatiuus ad placitum cum tempore, cuius nulla pars separata aliquid significat, finitus & rectus extremorum unitiuus.

Terminus ponit loco generis sicut in definitione nominis, quia est cōior uerbo. Nam omne uerbum est terminus: sed non e conuerso p se signatiuus ponitur eadem rōne sicut in definitione nominis sicut ad placitum ad dñam interiectionum, & uerbi mentalis, qm̄ significāt naturalr, ut diximus in definitione nominis. Cum tempore ponitur ad differentiam nominis, & pronominis, & conuenit in hoc cum participio quod uenit a uerbo. Quid sit significare cum tēpore, & quare uerbū et participium significat cum tempore, uide in diuisione undecima terminorū. Cuius nulla pars separata aliquid significat, intelligendum est de uerbo tam simplici quam composito, sicut exposuimus in definitione nominis, in hoc enim uerbum conuenit cum nomine, finitus ponitur ad differentiam uerbi infiniti. Infinitatur autē uerbum sicut et nomen



per appositionem negationis, ut non curro non laboro. Quod quidem apud logicum nō est uerbum, qm̄ nihil determinate significat, sicut nec nomen infinitum. Vnde faceret propōnem inutilem: nisi determinetur sicut diximus de nomine infinito, sic dicendo, sortes, non currit. i. scribit. Rectus ponitur ad differētiā uerbi obliqui, est autem uerbum obliquum apud logicum uerbum präteriti & futuri temporis, & uerbum cuiuslibet modi präter modum indicatiuum. Vnde quædam sunt uerba obliqua ex tempore tantum, sicut uerba präteriti temporis, & futuri indicatiui modi, ut amauī, amabo. Quædam autem ex modo tantum uti imperatiua tempore præsenti. Quædam ex modo, & tempore, ut uerba optatiua, & subiunctiua, & infinitiua temporis präteriti & futuri. Ideo autem apud logicum non sunt uerba, quoniam non faciunt primo & per seipsa propositionem ueram aut falsam, sed per reductionem ad uerbum indicatiui modi & temporis præsentis. Nam hæc non est uera Cæsar fuit, nisi quia aliquñ fuit uerum dicere Cæsar est. Si fr. hæc non est uera. Eclipsis erit, nisi quia aliquñ erit uerum dicere eclipsis est. Quoniam igitur solum uerbū rectam, i. modi indicatiui præsentis temporis facit per seipsum propositionem ueram & falsam, & sola propositio indicatiua pñtis temporis facit syllogismum demonstratiuum. i. scientialem ut tibi declarabitur in trac. de syllogismo demonstratiuo, iō dignatur logicus recipere a grammatico solum uerbum indicatiuum præsentis temporis, & præcipue sum, es, est: quoniam in ipsum ut dicemus resoluuntur omnia uerba dicta adiectiua. Extremorū unitius ut in hoc distinguatur a nomine & pronomine sumpto loco nominis, nam illa sunt uel possunt esse extrema in propositione, idest subiectum & pñdicatum, uerbum autem non, sed habet unire extrema. Vnde dicitur apud logicum copula, qm̄ copulat prædicatum cum subiecto. Item in hoc distinguitur a participio, q̄ licet significet cum tempore ut uerbum tñ non potest esse copula, nec facit p seipsum ofonem perfectam, dicendo sortes legens, sed est necesse subintelligere uerbum. Verbi gratia

Sortes est legens, uel sortes legēs est studiosus. Constat igitur quid sit uerbum apud logicum, & quare solum uerbum rectum, i. quod nō deriuat ab aliquo priori: quale est uerbum solum indicatiui modi tēpōis præsēntis, mōeretur dici absolute uerbum. Reliqua autē tēpōa & modi dicantur obliqui siue cāsus uerbi recti, quoniam descendunt, & deriuantur ab eo.

Quotuplex autē sit uerbum apud logicū, non est immorandum ex quo solum uerbū rectum mōeret apud ipsum dici uerbum ex rōne iā dicta. Sed apud grāmaticū ideo est multiplex uerbum, ut patet in coniugationibus uerborum, & ī regulis suis, quoniam non attendit ad formādum propōnē ueram aut falsam, sed congruam, & uitare incongruam, & quoniam per oēs tēpōis dīas, & oēs modos uerborum formari pōt, & alio modo p uerbum actiuum, alio modo p passiuum &c. ideo apud grāmaticum uerbum multiplex diuidit. Nam grāmaticus concedit ista utpote congruā: hō ē asinus & negat logicos, ut falsam. Hæc de. 2. cap. dicta sint.

Quid sit & quotuplex sit oratio apud logicū. Cap. III.

IN tertio cap. postquā actum est de partibus orōnis agendum est de ipsa orōne ut de toto constituto: cuius præcognitio ideo necessaria est quoniam scire nō possumus quid sit enunciatio & propō, ut tibi manifestabitur infra, nisi prius notum fuerit quid, & quotuplex sit oratio. Hic igitur tria agenda sunt, primo quid sit, secundo quotuplex sit, tertio quæ orationis species sit propositio.

Quantum ad primum aduerte quod ad mentem Aristotelis oratio in uoce & in scripto, sic definiri debet. Oratio est terminus per se significatiuus complexus ad placitum, cuius partes separatæ aliquid significant.

Primo dicitur est terminus per se significatiuus, quia dictum est de noīe & uerbo & ponitur loco generis, quoniam cōior ē. Nam oīs oratio est terminus per se significatiuus: sed non eō uerso. Dictum est enim quod nomen & uerbum sunt termini per se significatiui, non tamen sunt oratio.

Secundo dicitur complexus ad differentiam nominis & uerbi, quorū nullum siue simplex, siue cōpositū, ē terminus

complexus. Quid autem sit terminus complexus uide in diuisione decima terminorum, & illic inuenies quomodo proprie conuenit orationi.

Tertio dicitur ad placitum, ad differentiam ofonis mentalis, quæ significat conceptum mentalem complexum, qui conceptus significat naturaliter, sicut diximus de nomine, & uerbo mentali. Præterea, quod ofo in uoce, & in scripto significet ad placitum, probatur sic. Partes suæ. scilicet nomen, & uerbum significat ad placitum, ut docuimus in cap. præcedenti ergo & ipsum totum constitutum ex eis, quod est oratio.

Quarto dicitur cuius partes separatæ aliquid significant, id ponitur ad differentiam nominis & uerbi, quorum partes, ut docuimus in eorum definitionibus, non significant aliquid separate, modo quo illic exposuimus, partes autem ofonis sunt termini categorematici, intelligendo de partibus principalibus sicut intendit Aristoteles. & non de partibus secundariis, quæ possunt esse propones aduerbia &c. Termini autem categorematici tam in ofone, quam extra retinent suum signatum, ut docuimus in diuisione tertia terminorum. Vnde si fiat hæc ofo, homo albus currit, homo extra hanc ofonem signat animal rationale, sicut & in ofone, & albus significat habens albedinem. Tu tamen aduerte quod licet sit commune omni orationi habere partes quæ separatæ aliquid significant, non tamen id sit uno modo in omni ofone, nam si ofo sit sine uerbo, ut homo albus, partes suæ aliquid significant modo, quo significat dictio. Si autem fiat ofo simplex per uerbum, ut homo est animal, partes suæ separatæ eodem modo significant. scilicet ut dictio. Si autem fiat ofo subiunctiua, ut si ueneris ad me dabo tibi equum, partes suæ sunt duæ ofones ut patet. Vnde si separentur, significabunt non ut dictio, sed ut ofo. Verum quia reloluitur in duas orationes, & duæ orationes in terminos componentes, ut ego dabo, tibi equum, ideo commune est omni orationi quod partes suæ separatæ aliquid significant, aut ut dictio, aut ut oratio.

Sed dices. Quare in hac definitione non apponitur finitus & rectus, sicut in definitione nominis & uerbi, præcipue

DE PARTIBVS PROPOSITIO. 23

quia dictum est q̄ nomen infinitum non potest esse subiectū nec prædicatum, nec uerbum infinitum potest esse copula, similiter nec nomen obliquum nec uerbum obliquum.

Respondetur q̄ ideo non opponitur, quia in definitione non debent poni nisi quæ conueniunt omni contento sub definito, non omnis autem oratio formatur ex nomine, & uerbo finito, & recto. Nam hæc est oratio, non homo currit & hæc, Catonis est legere, & hæc, homo curret. Qm̄ autē diximus q̄ nomen infinitum & obliquum non possunt eē subiectum, nō sumus locuti de orōne sed de propositione, qm̄ sola oratio indicatiua præsentis tēporis ut dicemus est propositio. Qm̄ igitur aliqua oratio potest cōponi ex nomine infinito, & obliquo, sicut ex uerbo, & aliqua non, puta propositio, ideo non dicitur rectus neque finitus, sed abstrahit ab utroque. Constat igitur quid sit oratio apud logicum.

Quantum ad secundum aduerte, q̄ apud logicum oratio prima diuisione diuiditur in orationem perfectam & imperfectam, deinde utrunq; diuisionis membrum subdividitur, uidebis infra.

Oratio perfecta est illa quæ perfectum sensum generat in animo audiētis, idest quæ audita quietat, quo ad significatum intentum a proferente uel scribente, animum auditoris, Verbi gratia. Sortes intendit notificare Platoni statū regis, & dicit. Rex ualet fortis in bello contra hostes. Hac oratione audita quiescit animus audientis. Quod si dicat. Rex contra inimicos, & non ultra procedat, imperfectum sensum generat in animo audientis, idest non quietat ipsum ideo dicitur oratio imperfecta. Nam audiens q̄ rex contra inimicos, & ultra non proceditur, dubitare incipit utrū præualeat, an succumbat contra inimicos suos, patet igitur orationis prima diuisio apud logicum.

Oratio perfecta continet quinque species, quæ sunt indicatiua temporis præsentis, & omnium temporum modi indicatiui, ut Petrus amat, amabat amauit, amauerat, amabit imperatiua, ut fac ignem. deprecatiua, ut ora deum pro me. optatiua, ut utinam te uideam doctum. coniunctiua,

ut si ueneris ad me, honorabo te. Omnes iste dicuntur perfectæ, qm̄ auditæ quietant animum audientis quo ad earum significatum, nec ipsum suspensum tenent.

Tu tamen aduerte, q̄ imperatiua, & deprecatiua non dif-
ferunt penes modum nec tps uerbi, sed penes appositos re-
spectus. Nam utraq; fit per modū imperatiuum, sed depre-
catiua fit proprie ad superiorem, imperatiua autē ad inferio-
rem. Item aduerte q̄ coniunctiua ad hoc q̄ sit oſo perfecta
oportet, ut cōplectatur duas oſones, aliter nō quietat animū
audientis, ut patet. reliquæ uero spēs per unicam oſonem
quietant audientem, ideo per seipsas sunt perfectæ.

Oratio autem imperfecta tres cōtinet species secundū q̄
tribus modis potest formari. Nam formatur per nomē sub-
stantiuū cum adiectiuo, ut homo albus animal risibile. uel
per duo substantiua per appositionē, ut animal homo, deus
pater, Deus filius. Et hæc est prima species, & formatur
per solum infinitiuū, ut sortem currere. Si autem appona-
tur sum, es, est, cum termino modali erit perfecta: ut sorte
currere est possibile. Et hæc est secunda species, & forma-
tur per uerbum incipit, & desinit, ut sortes incipit, sortes desi-
nit. Si autem apponatur infinitiuum efficitur perfecta, ut sor-
tes incipit conualescere, sortes desinit scribere, & hæc est ter-
tia species. Item aduerte q̄ oratio perfecta potest fieri per
unicum nomen, uel unicum uerbum, & maxime quando fit
responsiua interrogatiue. Vt si quis a te petat. Quis uenit do-
mum? & respondeas, Petus, Vel sic, nunquid sortes uenit? &
respondeas: uenit. Constat igitur quō diuidenda sit oratio
apud logicum.

Quantum ad tertium aduerte q̄ sola oratio indicatiua
est p̄mo & per se propositio. Dico p̄mo & per se qm̄ alie spe-
cies non sunt propositio, nisi reducantur ad indicatiuam.
Vnde ista, si homo uolaret, haberet alas, nō est propositio,
nisi reducat in istam, si homo uolat habet alas. Et indicati-
ua præteriti aut futuri temporis, non est propositio nisi re-
ducat in ad indicatiuam præsentis temporis. Nam ista, Adā
fuit, ideo est uera, quia aliquando fuit uerum dicere.

Adam est scilicet quando Adam existeret. Ratio autem propter quam apud logicum sola oratio indicatiua est primo & per se propositio, est, quia intentum logici est uti oratione ad inuestigandum uerum & falsum, ergo eam proprie recipit, quæ secundum se significat uerum & falsum, & hæc est indicatiua. Nam aliæ potius deseruiunt affectui mentis quàm quod sint ordinatæ ad enunciandum uerum & falsum conceptum animi aut intellectus. Quod patet hinc. Imperatiua indicat uoluntatem superioris per imperium, optatiua indicat desiderium siue affectum optantis. Prædicatiue indicat affectum inferioris erga superiorem per supplicationem. Coniunctiua autem licet uideatur exprimere uerum aut falsum conceptum mentis, non tamen determinate, sed suspensæ, est enim conditionalis quæ ut dicemus in cap. de hypotheticis nihil ponit in esse. Indicatiua autem determinate dicit uerum aut falsum. Nam hæc est determinate uera, homo est animal, & hæc determinate falsa homo est lapis, ideo sola mœretur dici propositio. Proponitur enim intellectui ut per eam formet syllogismum, & per syllogismum deueniat in ueram conclusionis noticiam. Constat igitur quæ orationis perfecta species mœretur logice dici propositio. Vnde aduerte, quod logicus non tantum magni facit orationem congruam & ornata, quantum ueram, ita quod etiam si esset incongruam & inornata, modo uerum & falsum enunciet, accepta est apud logicum, propterea logicus acceptat istam, deus seruitur ab homine licet eam reprobet grammaticus negans seruiri inueniri passuum. Hæc de præsentibus cap. dicta sint.

Si logico sufficiunt duæ orationis partes scilicet nomen rectum, & uerbum rectum. Caput quartum.

IN cap. quarto inuestigandum est si duæ orationis partes scilicet nomen & uerbum rectum sufficiunt logico. Tu igitur aduerte, quod logicus rationabiliter recipit tantum duas, ut sibi necessarias, grammaticus autem octo. Ratio uero differentiarum est hæc. Logicus & grammaticus differunt fine. Intendit enim logicus scire, discernere uerum

¶ falso, grammaticus autem intendit scire discernere congruum sermonem ab incongruo. Ad consequendum primum sufficiunt nomen & uerbum, quoniam sufficiunt ad componendum propositionē, quæ est significans uerum uel falsum, ut tibi manifestabitur in trac. sequenti ad formandū congruum sermonem, & distinguendum ab incongruo nō sufficiunt nomen & uerbum, sed oportet uti præpositionibus, & aduerbiis & coniunctionibus, &c. Et ideo ut grammaticus habeat omnem modum formandi sermonem congruum, necessariæ sunt sibi plures partes oratiōis, quam nomen rectum & uerbum rectum. Et qm̄ iste dux sibi sufficiunt, ideo appellat eas categorematicas, id est per se significatiuas, alias autem syncategorematicas, id est simul significatiuas. Quis autem sit terminus cate. & syncate. diximus in diuisione tertia terminorum.

Sed dices. Logicus indiget pronomine demonstratiuo, ut quando descendit sub subiecto propositionis uniuersalis affirmatiue uel negatiue dicendo, omnis homo est animal, ergo & hic homo est animal, & hic est animal &c. Item indiget participio, ut dicemus in trac. sequenti, quando resoluit propositionem factam de uerbo adiectiuo in suum participium & sum es est, ut sortes currit, sortes est currens, ergo saltem quatuor partes orationis sunt ei necessariæ. scilicet nomen & pronomen, uerbum, & participium.

Respondetur nomen & pronomen apud logicum sunt, ut una pars, qm̄ utitur pronomine loco nominis, & participiū stat cum nomine, & uerbo. Cum nomine quidē, qm̄ potest esse subiectum propositionis sicut & nomen, ut legens currit, & stat cum uerbo, qm̄ significat cū tēpore, ut docuimus supra, & ideo apud logicum identificantur nomini & uerbo licet apud grammaticum remaneant distincte.

¶ Constat igitur qd sint partes orationis necessariæ dialectico ad formandā propositionem, & ex propositionibus syllogismum. Hæc de præsentī cap. dicta sint.

Explicit tractatus secundus cōpendii logices peripateticæ ordinatus per authorem, & fuit de partibus propositionis.

Incipit

25

INCIPIT TAAC. TERTIVS, QVI

est de propositione & speciebus eius.

TRACTATVS TERTIVS.



N hoc tertio tracta. agendum est de propositione, gratia cuius præmissimus tractatum præcedentem, in quo actum est de partibus eius, & de genere per quod definienda est, & hoc est oſo ut tibi manifestabitur. Diuidemus autem ipsum in sex capita.

Primo agendum est de propositione definitiue & diuisiue prima diuisione. Secundo agendum est de categorica simplici & de oibus eius diuisionibus.

Tertio agendum est de ppōne hypothetica & eius spēsbus. Quarto agendum est de propōne categorica modali.

Quinto agendum est de æquipollentiis propositionum categoricarum simplicium, quæ sunt oppositæ contrariæ, subcontrariæ, contradictoriæ, & subalternæ.

Sexto agendum est de æquipollentiis modalium oppositæ.

De ppōne, quid sit & eius prima diuisione. Cap. I.

IN primo capitulo agendum est de propositione quid sit & quotuplex in genere siue prima diuisione.

Quātum ad definitionem aduerte, q̄ sic definitur de mēte Aristotelis. Propositio est oratio uerum uel falsum significans indicando.

Primo dicitur oratio, loco generis, est enim in plus oratio quàm propositio: dictum est enim in tract. præcedenti, q̄ oratio perfecta distinguitur in quinque species, ex quibus sola indicatiui modi est propositio, ergo omnis propositio est oratio perfecta, sed non econuerso, ex consequenti est genus propositionis, propositio autem est species orationis perfecte. Sicut animal est genus hominis, homo autem est species animalis. Nam omnis homo est animal, sed non econuerso.

TRACTATUS TERTIVS

Secundo dicitur uerum uel falsum significans, pro cuius notitia aduerte, q̄ cum propōnum alia sit affirmatiua, alia negatiua, ut declarabimus infra. Significare uerū in affirmatiua est significare rem sicut est. Verbi Gratia hæc est uera, homo est rōnalis, quia sic est ex parte rei. Vnde hoīem esse rōnalem est uerum. Significare uerum in negatiua est significare rem sicut non est. Verbi Gratia hæc est uera, hō non est asinus, quia sic est in re. Vnde hoīem non esse asinum est uerum. Significare falsum in propōne affirmatiua est significare rem aliter q̄ sit. V. G. hæc est falsa, homo est lapis, qm̄ significat hoīem esse lapidem, & tamen aliter est. Significare falsum in propōne negatiua, est non significare rem sicut est. V. G. hæc est falsa, homo non est animal, quia non significat sicut est. Nam homo est animal, ergo falsum est ipsum non esse animal. Dicitur ergo in diffōne, uerum uel falsum significans ad differentiam ofonum imperfectarum, ut homo albus, asinus rudibilis, & oratio infinitiua, ut sortem currere, & oratio famularis, ut Sortes incipit, nisi. n. aliud addatur, non solum non quietant animum audientis, sed nec dicūt aliquid de uero aut falso nisi cōpleantur per aliud. V. G. Si ly homo albus addatur homo est albus. Si ly sortem currere addatur, est uerum uel possibile uel contingens. Si ly Sortes incipit addatur, esse bonus. Constat ergo q̄ p se sumptæ nihil dicunt de uero aut falso.

Tertio dicitur indicando quod dupliciter exponitur, primo sic, indicando, id est est oratio modi indicatiui uerū uel falsum significans. Vnde alii definiunt propositionem dicentes, quod propositio est oratio indicatiua uerum uel falsum significans. Et id ponitur ad differentiam orationum perfectarum quæ sunt per alios modos, per imperatiuū, optatiuum, &c. Nam iste ut docuimus in trac præcedenti in capitulo tertio potius deseruiunt nobis ad manifestandum affectum mentis, quam uerum aut falsum cōceptum intellectus. Oraciones etiam modi indicatiui temporis præteriti & futuri, non significāt primo & per se uerum & falsum, nisi reducantur ad unam temporis præsentis indicatiui ut in eodē loco

docuimus. Sola ergo oſo indicatiua tēporis præſentis inœ-
retur dici propō, quia ſola ſufficit ad formādum ſyllogiſmū
aliæ autem non, niſi reducantur ad illam: ut tibi manifeſtū
erit in trac. de ſyllogiſmo formali: ſecūdo ab aliquibus ex-
ponitur ly indicando. i. aſſerendo. Verum id non vñ conue-
nire omni propoſitioni: ſed tantum propoſitioni in materia
naturali, quæ neceſſario eſt uera, & in materia remota, quæ
de neceſſitate eſt falſa. In materia autem contingenti cum
poſſit eſſe uera & falſa, non pōt dici aſſertiuæ ſed opinatiuæ
quod ſignificet uerum aut falſum, ideo melius eſt ſtare in p̄
ma expōne, quæ etiam eſt de mente Ariſtote in. 1. perihē.
Quid aut ſit & quō fiat propō in materia naturali & contin-
gente & remota dicemus infra in hoc met. tractatu. Con-
ſtat igitur quid ſit propoſitio apud logicum.

Quantum ad primam diuiſionem propōnis aduerte q̄
ad mētem Ariſtotelis in primo perihē. diuiditur primo in
categoriā & hypotheticā, dicit categorica græce prædica-
tiua latine, categorizo enim græce & prædico latine. Dī hy-
pothetica græce, ſuppoſitiua latine, eſt enim græce hyp. ſub
latine, & theſis græce, poſitio latine. Ratio autem diuiſionis
eſt hæc, quia omnis propoſitio ſignificat uerum aut falſum,
& eſt quid compoſitum & omne compoſitum eſt reſolubi-
le in ſua immediate componentia. Vel ergo propoſitio com-
ponitur ex terminis immediate, & in eos reſoluitur imme-
diate, & non in aliud immediate. Et ſic eſt categorica, quæ
cōponitur immediate ex ſubiecto & prædicato & copula,
modo, quo dicemus infra. Vel cōponit immediate ex duabus
oſonibus per aliq̄ cōiūctionē puta ergo, ſi, & uel, & imedia-
te in eas reſoluit, & ille immediate ī terminos, & ſic eſt hypo-
thetica, ut dicemus in ca. tertio huius tractatus. Categorica
pero diuiditur in ſimplicem & modalem. Simplex eſt in
qua prædicatum ſimpſr dicitur de ſubiecto, ut homo eſt ani-
mal. Modalis eſt in qua p̄dicatum dī de ſubiecto non ſimpſr
ſed cum modo & determinatione, ut homo eſt aīal neceſſa-
rio, homo eſt albus contingentē. Et de modali agemus in
cap. quarto huius trac. Hæc de primo cap. dicta ſint.

TRACTATVS TERTIVS

De propositione categorica & omnibus eius
diuisionibus. Caput secundum.

IN secundo cap. inuestigandum est, quid sit propositio ca-
tegorica & quot sint eius diuisiones, & de singulis agen-
dū est excepta modalī, de qua agemus loco suo, primo
igitur definiemus eam, deinde accedemus ad diuisiones.

Quantum ad definitionem aduerte, q̄ ad mentem Ari-
stotelis sic definitur. Propositio categorica est propositio
quæ habet subiectum prædicatum & copulam tãquam prin-
cipia es partes sui. Ponitur propositio loco generis. Omnis
enim popositio categorica, est propositio, sed non econ-
uerso. Nam & hypothetica est propositio, & tamē non est
categorica. Dicitur quæ habet subiectum &c. hoc totum po-
nitur ad differentiam hypotheticæ, cuius partes principales
sunt duæ orationes, in quas immediate resoluitur: ut patet
in ista. Si tu curris, tu moueris, principales partes & imme-
diatæ non sunt termini, sed istæ duæ orationes: tu curris, &
tu moueris. Primæ autem & mediatæ sunt termini ex quib-
us hæc oratio componitur, tu curris, & hæc tu moueris.
Dicitur igitur q̄ principales partes categoricæ non sunt ora-
tiones, sed termini, ex quibus immediate componitur, quo-
rum unum est subiectum, alterum prædicatum, alterum co-
pula: ut homo est animal, homo est subiectum, animal præ-
dicatum, est copula, coniungit enim prædicatum cum sub-
iecto. Sed aduerte: ut scias quomodo in omni categorica est
subiectum copula & prædicatum, quod fit tribus modis, p-
mo per uerbum sum, es, est, de tertio adiacente. Est autem
categorica de tertio adiacente quando post sum, apponitur
alius terminus: ut sortes est animal. In hac constat de subie-
cto & prædicato & copula, secundo fit per uerbum adiecti-
uum. Est autem apud logicum omne uerbum adiectiuum,
præter sum, es, est, in quod resoluitur omne uerbum adie-
ctiuum & in suum participium: ut sortes currit sic resoluit.
Sortes est currens. Sortes est subiectum, currens prædicatū
est copula, tertio fit per uerbum sum, es, est, de secundo ad-
iacente. Est autem categorica de secundo adiacente, qñ post

sum, es, est, alius terminus nō sequit, ut deus est, cœlū est & in hac est assignare subum prædicatū & copulā, alio mō q̄ in prædictis, assignat autē dupl'r, p̄mo sic, deus est. i. deus est habēs esse, deus est subum, habēs esse est p̄dicatū, est copula, se cūdo sic. Deus est. i. deus est existēs. Deus est subiectum existens p̄dicatum, est copula. Nōnulli dicunt q̄ in categorica de secūdo adiacente, est gerit uicem copulæ & prædicati, & id uidetur innuere Aristoteles in p̄mo perihēr. ubi definiens uerbum inquit & est semper eorum quæ de altero prædicatur nota, idest uerbum semper se tenet a pte prædicati. Constat igitur quid sit propositio categorica simplex.

Sed dices quare magis dicitur categorica, idest prædicatiua quam subiectiua, cum tam subiectum q̄ prædicatū sint partes ens? Præterea quare terminus præcedens uerbū sum, es, est, dicitur subiectum, subsequens autem dicitur prædicatum, & ipsum uerbum substantiuum dicitur copula?

Respondetur ad p̄mum, q̄ oē cōpositum denominandū est a parte sua digniori, Vnde homo dicitur rationalis & intellectualis ab anima intellectuali, quæ dignior est in eo quā sensitua & uegetatiua. Prædicatū autē dignius est subiecto qm̄ est sicut forma, subiectū uero sicut materia, & dicemus infra q̄ talia sunt subiecta, qualia, permittūtur a prædicatis. Cōgrue igit dicī categorica. i. prædicatiua & nō subiectiua.

Ad secūdū dī q̄ ideo terminus præcedens uerbum dī subiectum, quia de eo dī prædicatum ita q̄ subiicitur prædicato. Vnde & grāmaticus appellat ipm̄ suppositū. Terminus uero subsequēs uerbū dī prædicatum, quia prædicatur & dī de altero. i. de subiecto. Vnde apud grāmaticum dī appositum. Et aduerte q̄ totale subiectum est oīs terminus præcedens copulam, siue unus siue plures sint. V. G. homo est animal, homo est subm, homo magnus & honoratus ē p̄nceps in ciuitate, subiectū sunt oēs illi termini præcedētes, pars autem subiecti quilibet eorū. Idē intellige ex parte prædicati.

Sed dices. Quare subiectū & p̄dicatum per se inuicē notificant siue definiunt, cū definitio circularis uideatur. inutilis?

Respondetur quia hñt respectum ad inuicē, subiectum. n.

TRACTATUS TERTIVS

respicit prædicatū & prædicatum respicit subiectum, sicut filius respicit patrem, & pater filium. Respectiva autē conuenienter per se inuicem notificantur & definiuntur, qm̄ mutuum habent dependentiam. Sed de hoc alius loquemur in trac. de prædicabilibus, p̄ nunc sustine tu iuuenis ne inuoluaris. Constat igitur tibi quid sit propositio categorica.

Quantum ad eius diuisiones aduerte, ut habeas plenam de eis notitiam, sic disponendæ sunt.

Prima diuisio. Propositionum categoricarum, alia affirmatiua, alia negatiua.

Secunda. Alia uera, alia falsa.

Tertia. Alia cuius quantitatis, alia nullius.

Quarta. Alicuius quantitatis alia uniuersalis, alia particularis, alia indefinita alia singularis.

Quinta. Aliæ p̄cipiæ utroq; terminō, aliæ altero, aliæ nullo.

Sexta. Participantium utroq; termino, aliæ participant utroq; termino eodem ordine, aliæ ordine conuerso.

Septima. Participantium utroq; termino siue eodē ordine siue cōuerso quædā formantur in materia naturali, quædam in materia contingenti, quædam in materia remota.

Octaua. Participantium utroq; termino eodem ordine tam in materia naturali q̄ in materia contingenti & in materia remota quædam sunt contrariæ quædam subcōtrariæ, quædam contradictoriæ, quædam subalternæ.

Nona. Participantium utroq; termino ordine cōuerso & in triplici materia siue naturali siue contingenti siue remota quædam conuertuntur conuersione simplici, quædam conuersione per accidens quædā cōuersione p̄ cōtrapositionē.

Omnes istæ diuisiones dantur de p̄positione categorica simplici quæ dicitur de inesse. i. in qua prædicatū simpliciter & sine determinatione facta p̄ aliquē sex modos. i. uerū falsū necessariū cōtingens, possibile impossibile, dicit de subiecto. Quæ autē ex his diuisionibus cōueniat ēt categoricæ modali dicemus in cap. quarto huius trac. De singulis autē diuisionibus agēdū est in sp̄e & ordine, quo præpositæ sunt.

Verum anteq̄ descēdamus in sp̄e, qm̄ aliqua prædictarū

diuisionē datur de substantia pponis, aliqua de qualitate, aliqua de q̄titate ut tibi declarabit infra, ideo ad vltimā notitiā diuisionū, quæ fiet toto hoc nostro opere, ne simus coacti idem sæpius repetere, præponendi sunt omnes vlti modi, quibus solet fieri diuisio. Tu igitur aduerte q̄ in doctrina Aristotelis diuisio fit quatuor modis generalibus.

Primo generis in species.

Secundo totius in partes.

Tertio uocis significata.

Quarto diuisio secundum accedens.

Diuisio ḡn̄is in sp̄s, fit duob⁹ modis p̄mo ḡn̄is in sp̄s sub alternas, ut q̄n diuidit corpus p̄ aīatū & ināīatū, & aīatū per sensitiuū & nō sensitiuū, secundo ḡn̄is in sp̄s sp̄alissimas, ut q̄n diuiditur color per albedinem & nigredinem. Et hāc diuisionem cognosces in trac. de prædicabilibus.

Diuisio totius in ptes fit quinq; modis, p̄mo q̄n totū diuidit in ptes subiectiuas indiuiduales, ut q̄n diuidit hō in sortē Plā. Ioannē. Petrū, &c. Sc̄do q̄n totū diuiditur in partes essentialē, ut ens naturale cōpositū diuidit in materiā & formā, sicut diuidit hō in aīam & corpus, tertio q̄n diuiditur totū cōtinuū in partes suas integrales, ut domus in fundamētū, tectū, & parietē, & corpus animalis in partes, quæ sunt mēbra sua, ex qbus integrat corpus, quarto q̄n diuiditur totū discōtinuū in partes suas, inter quas & si nō sit cōtinuitas est tamē ordo & p̄portio. Hoc mō diuidit exercitus in milites, eqtes pedites, &c. quinto q̄n diuidit totū potētiāle siue potestatiuū in partes suas potestatiuas q̄n diuiditur anima per potentias suas & uirtutes suas, ut tibi manifestabitur ī libro de anima, & īfra manifestabimus tibi in libro de syllogismo Thopico.

Diuisio uocis in sua significata fit tribus modis primo uocis uniuoce in significata uniuoce, ut q̄n diuidit hō in sortem & platonē &c. secundo uocis æquiuoce in significata æquiuocata, ut q̄n diuiditur cancer in stellā siue signum cōeleste, & aquaticum aīal, & morbum, tertio uocis analogicæ in significata analogata, ut q̄n diuiditur sanū, in aīal sanū, urinā sanā, medicinā sanā, cibum sanum, ærem sanum, exer-

TRACTATUS TERTIVS

citiū sanū, &c. Et hanc diuisionē cognosces in trac. de pñtis.

Diuisio secūdū accidens fit tribus modis, primo subiecti in accidentia, ut hoīum alius paruus, alius magnus, alius albus, alius niger, alius medio colore coloratus, scđo accidentis in subiecta, ut accidentiū, quæ sunt in hoīe, aliud in aia, ut scīa, aliud in corpore, ut agilitas &c. tertio accidentis in accidentia, ut accidentiū, quædā dura, quædam liquida, quædā lucida, quædam tenebrosa, & hæc diuisio manifestabit tibi in philosophia naturali & præcipue in libro de generatione.

Isti igitur sunt modi uniuersales famosiores apud Aristotilem, quibus fieri consuevit diuisio.

Quantum ad pñam diuisionem, quæ est per affirmatiuā & negatiuam aduerte, q̄ affirmatiua dupl̄r definitur, p̄mo sic, Categorica affirmatiua est ppositio in qua prædicatum affirmatur de subiecto, ut homo est albus. Sed aduerte q̄ tñc prædicatū affirmatur de subiecte quando negatio nō p̄cedit copulā, q̄ si præcedit negatio, negatur p̄dicatum de subiecto, & efficitur negatiua, ut hic Sortes non est albus. Si autem subsequitur nō efficitur negatiua, sed permanet affirmatiua, ut homo est nō albus. Itē aduerte q̄ alio modo affirmat p̄dicatum de subiecto in affirmatiua uera & in falsa, nā in uera affirmatur re & uoce quia sic est in re, sicut dī, ut homo re & uocē est risibilis. In falsa autē affirmatur uoce tm̄ & non re. Nam licet dicam q̄ homo est asinus tamē non sic est in re, secūdo definitur sic. Affirmatiua est in qua uerbum p̄ncipale affirmatur de subiecto, ut homo est aial. Dī in qua uerbum principale affirmatur ad differentiam uerbi secundarii quod si negatur uel affirmatur, propter ipsum non fit propositio affirmatiua nec negatiua. Vnde ista non est negatiua. Sortes qui non currit, mouetur, nec ista est affirmatiua. Sortes qui currit, non mouetur. Nam in prima licet uerbum secundarium, quod est, currit, negetur, tamen principale quod est mouetur, affirmatur, ideo permanet affirmatiua. In secūda autem fit opposito modo, ideo permanet negatiua. Et ratio huius est, quia uerbū secundarium se tenet a parte subiecti, qđ patet resoluēdo in suū participiū siue actiuum siue passiuū, ut hic. Sortes qui non currit, id est. Sortes

non currens mouetur, sortes qui currit, id est sortes currens non mouetur: Subiectum autem coniunctum participio affirmatiuo negatiuo nō facit propositionem esse affirmatiuā uel negatiuā, sed negatio cadens super uerbum principale siue immediate, ut quando subsequitur subiectum, ut homo non est asinus, siue mediate, ut non homo est animal, dum modo sumatur negatio negans, & nō infinitans terminum, cui opponitur, nam si infinitaret, non faceret negatiuā.

Vnde hæc non est negatiua. Non homo currit, qm̄ ly non homo est nomen infinitum, &c. Vnde non homo currit, æquipollet isti, asinus qui est nō hō currit. Cōstat aut̄ hanc esse affirmatiuā Patet igitur quid sit categorica affirmatiua.

Categorica negatiua dupliciter definitur. Primo sic, categorica negatiua est propositio in qua prædicatum negatur de suo subiecto, aut hō non est lapis. Secundo sic, est propositio in qua uerbum principale negatur. Dicitur uerbum principale ad differentiam uerbi secundarii, quod ut docuimus siue affirmetur siue negetur, non facit propositionem affir. aut nega. Et aduerte, quod propositio potest fieri affir. uel nega. dupliciter scilicet explicite & implicite. Si explicite, fit per nomen & uerbum indicatiui modi, ut homo est risibilis. Si implicite potest fieri per unicum terminū, ut quando dicimus, homo est risibilis, & e conuerso, ly e conuerso æquipollet uni propositioni, quæ est hæc, & risibile est homo. Item aduerte quod diuisio per affirmatiuā & negatiuā non solum conuenit categoricæ, sed etiam hypotheticæ & modali, quomodo autem fiat hypothetica affir. & negat. similiter modalis, dicemus agentes de eis. Nunc autem sustine, ne confundaris ut nouus auditor. Hæc de prima diuisione dicta sint.

Quantum ad secundam diuisionem categoricæ scilicet per ueram & falsam, aduerte quod categorica uera, tam affirmatiua quam negatiua dupliciter definitur. Primo sic, uera est, quæ significat uerum, id est significat rem sicut est, si est affirmatiua, uel significat rem sicut non est, si est negatiua. Sed de hac satis diximus in ca. præcedenti in declaran-

TRACTATUS TERTIVS

do definitionem propositionis secundo autem sic definitur. Vera est illa, cuius significatum primum est verum. Significatum autem primum est illud quod exprimitur p^{ro} o^{mn}iⁿⁱbus in infinitum. Verbi gratia hæc est vera Deus est bonus q^{uia} deum esse bonum, est verum. Sic. n. est in re. Dico cuius primum significatum est verum ad differentiam secundarii. secundarium autem est quod continetur in primario & sequitur ad illud. Verbi gratia primum huius, homo est rationalis, est esse rationalem ad hoc autem sequitur esse animal, esse animatum, esse corpus esse subiectum. Iuxta igitur significatum primum & secundarium indicanda est propositio vera, q^{uia} est vera primo & per se ex eo, ex secundo autem est tantum consequenter. Nam bene sequitur q^{uia} si sortes est homo, sor. est animal. sed non econverso, ut declarabimus in trac. de consequentiis. Similiter falsa dupliciter definitur Primo sic, falsa est quæ aliter significat quam sit in re, ut hæc est falsa, homo est asinus, quia significat hominem esse asinum, & tamen aliter est in re, quia in re nō est asinus, sed homo siue rationalis, & de hac definitione iam diximus in cap. præcedenti in definitione propositionis. Secundo sic, falsa est illa cuius primum significatum est falsum. Verbi gratia hæc est falsa homo est asinus, quia hominem esse asinum est falsum, cū sit rationalis, & asinus irrationalis. Quod si fieret iudicium secundū secundarium significatum, quod est esse animal, esset vera. Nam hæc est, vera homo est animal, non tamen sequitur, ergo est asinus, ut declarabitur tibi in trac. de consequentiis Hæc de secunda diuisione dicta sint.

Quantum ad tertiam diuisionem scilicet quod aliqua est alicuius quantitatis, aliqua nullius. Alicuius quantitatis est illa, cuius subiectum stat pro aliquo uel pro aliquibus uel pro omnibus uel pro nullo, ut declarabitur in diuisione sequenti Nullius quantitatis est illa cuius subiectum suspenditur a propria denotatione, rōne p^{ro}bationis termini præcedētis ipsi qualis est exclusiua excetiua reduplicatiua, de quæ p^{ro}batione acturi sumus in trac. de probationibus ter tūc. n. ap^{pare}bit tibi q^uo iste probatur nō rōne subiecti, ut p^{ro}bat uni-

universalis particularis &c. sed rōne signi siue syncategorematis, ut exclusiua p tñ, reduplicatiua p inq̃tum exceptiua p p̃ter, &c. Tu igr sustine donec exercitar⁹ magis fueris, & ad p̃dictū trac. deuenerim⁹. Hæc de tertia diui. p nūc dicta sint.

Quantum ad quartā diui. s. q̃ propōnunt alicuius q̃tatis alia est ṽlis, alia particula. alia indefi. alia sing duo agēda sūt primo declarandum est q̃uo hæc diuisio est sufficiens, secundo pertractādum est de quolibet eius membro.

Quantum ad p̃mum aduerte q̃ q̃titas propōnis attēditur penes sub̃m prout stat p pluribus aut p uno solo. Pōt igitur cōsiderari sub̃m dupl̃r. Primo si stat pro uno solo. Secundo si pro pluribus si pro uno solo. Ita q̃ uni soli cōuenit facit p̃pōnem singu. si pro pluribus, hoc dupl̃r, quia uel pro pluribus indeterminate uel determinate, si indeterminate sic facit p̃pōnem indefi. si determinate dupl̃r quia hæc determinatio sub̃ti uel fit per signum ṽle affirmatiuū uel negatiuū, ut oīs nullus, & sic est propō ũlis, uel fit per signum particulare affir. uel nega & sic est propō particularis. Cōstat igit q̃ hæc diuisio est sufficiens. Et si quæras quid sit q̃titas p̃pōnis. Rādeo q̃ sicut q̃titas sub̃æ proprie accipit iuxta mensuram longitudinis, & latitudinis & p̃funditatis, sic quantitas p̃pōnis sumit iuxta mensuram subiecti, prout uerificatur p̃dicatiue de uno uel pluribus. Constat igitur q̃uo hæc diuisio est sufficiens, & quid sit & unde sumitur q̃titas propōitiōis.

Quantum ad secundum aduerte, q̃ propositio uniuersalis dupliciter definitur. Primo sic, propositio ṽlis tam affir. quam nega. est illa, in qua sub̃iicitur ter. communis signo uniuersali determinatus.

Primo dicitur in qua sub̃iicitur ter. cōis. i. ponitur in sub̃iecto ter. cōis. i. q̃ pōt cōuenire & p̃dicari de pluribus, & apud grāmaticum dē nomen appellatiuum, ut homo, capra, leo.

Secundo dicitur signo uniuersali determinatus. signa uniuersalia sunt quædam affirmatiua ut omnis quilibet quisq̃, negatiua sunt, nullus, nihil, neuter, dicunt uniuersalia quia faciunt stare sub̃iectum pro oībus aut pro nullo ut ista est uniuersalis affir. omnis homo est animal. Verificatur enim

TRACTATUS TERTIVS

subiectum pro quolibet homine in singulari. Nam si omnis homo est animal ergo & iste, & iste, & iste, & sic de omnibus aliis est animal.

Tertio dicitur determinatus. i. modificatus siue limitatus ad standum non absolute, sed pro omnibus aut pro nullo diximus. n. in tertia diuisione ter minorū, quod signa usla sunt termini syncategorematici, qm̄ sumpti cum alio, id est cum nomine substantiuo determinant ipsum in propositione ad standum pro omnibus aut pro nullo.

Sed aduerte, quod signum uniuersale ad hoc quod faciat propositionem uniuersalem simpliciter & proprie debet apponi subiecto in recto & explicite Nam si apponitur subiecto in obliquo, non facit eam uniuersalem simpliciter, sed secundum quid. Vnde ista cu uslibet hominis asinus, currit, non est uniuersalis absolute, quoniam signum non apponitur ly asinus, quod est principale subiectum, sed ly hominis, quod quoniam est obliquus est secundarium siue parziale subiectum. Vnde prædicta propositio absolute est indefinita, ut tibi declarabitur. Dicitur explicite, quoniam si ponitur implicite uel uirtualiter uel cum distinctione, non facit propositionem uniuersalem formaliter, sed tantum interpretatiue. Sicut sunt istæ, totus sortes est minor sorte, totum q̄ est in mundo est in oculo meo. Non homo currit, &c.

Quomodo autem sint uniuersales interpretatiue declarabitur tibi i trac. de probationibus terminorum, ubi distinguemus de toto, & q̄o ista æquipoleat uniuersali negatiue non homo currit, declarabitur tibi in cap. de æquipolentiis categoricarum. Nunc autem sisto ne te inuoluam. Similiter aduerte, q̄ uniuersalis affirmatiua potest fieri dupliciter, scilicet collectiue ut omnes Apostoli sunt duodecim, & distributiue, ut omnis homo est risibilis. Et iterum distributiue potest fieri dupliciter, scilicet absolute & accommode. Verum quomodo fiant & q̄o uerificentur, declarabitur tibi in trac. de suppositionibus, pro nunc sustine Hæc de propositione uniuersali dicta sint.

Propositio particularis est illa, in qua subiicitur termi-

nus communis signo particulari determinatus.

Dicitur in qua subiicitur ter communis, ea ratione qua & in propositione uniuersali.

De signo parti. determinatus, ad differentiam propoſitis uniuersalis: est autem signum particulare determinatio termini cōis qui est subiectum in hac propoſitione, per quod designatur subiectum accipi non pro oībus sub eo cōtēntis, sed pro aliquibus uel pro aliquo: ut quidam homo currit ergo uel iste. uel iste, uel iste currit: & sufficit quod uerificetur p aliquo posito quod tantum unus currat.

Et aduerte, quod propositio particularis potest fieri multis modis. Primo quando subiectum est ter. cōis cum signo particulari tam affirmatiue quam negatiue: ut quidam homo currit, quidam homo non currit. Secundo per ly aliqd sumptum adiectiue: ut aliquid est ī manu tua. Hæc est particularis uirtualiter, quoniam ly aliquid sic exponitur aliqua res est ī manu tua. Dico sumptum adiectiue quoniam sumptum substantiue facit propositionem indefinitam ut dicemus. Tertio quando subiicitur ter. cōis cum signo uniuersali, sed signo præponitur negatio: ut nō omnis homo currit, hæc enim æquipollet huic: quidam homo non currit. Quarto quando subiicitur termini. cōis cum signo uniuersali affirmatiuo, sed præponitur negatio & post ponitur: ut hic, non omnis homo non currit, æquipollet enim huic, quidam homo currit. Sed tertium & quartum modum declarabimus sic esse in cap. de æquipollentiis categoricarum. Hæc de propositione particulari dicta sint.

Propositio indefinita est illa, in qua subiicitur terminus communis, nullo signo uniuersali uel particulari determinatus: ut homo currit.

Primo dicitur in qua subiicitur termini. communis eadem ratione, qua dictum est in definitione propositionis uniuersalis & particularis.

Secundo dicitur nullo signo ad differentiam propositionis uniuersalis & particularis.

Tertio dicitur nullo signo uniuersali uel particulari ad

TRACTATVS TERTIVS

differentiam exclusiue, in qua pōnitur signum: tantum, & in reduplicatiua, in quantum, quæ signa quoniam non sunt uniuersalia, nec particularia, ideo non faciunt propositionē alicuius quantitatis.

Sed dices, quare dī indefinita, cum æquipolleāt particulari. Nā idē sensus est dicere, aliquis homo currit, & hō currit.

Rōdetur, dī indefinita. i. indeterminata, quia acceptio sui subiecti non determinatur ad certam quantitatem secundū modum enunciandi per signum uniuersale uel particulare: licet supponat subiectum determinate: ut dicemus in tract. de suppositionibus: & quando dicitur q̄ idem sensus est dicere: quidam homo currit & homo currit, conceditur quo ad suppositionem & uerificationem, sed non cōceditur quo ad modum enunciandi, & sic intendimus ipsam esse indefinitam, & non quo ad uerificationem & suppositionem. Sed p̄ nunc sustine, donec tractemus de suppositionibus. Hæc de propositione indefinita dicta sint.

Propositio singularis est illa in qua subiicitur terminus discretus uel termini communis cum pronomine demonstratiuo primitiue speciei, ut Plato currit. Iste homo comedit. Ille homo dormit.

Primo dicitur in qua subiicitur terminus discretus, ad differentiam propositionis uniuersalis & particularis. & indefinitæ, in quibus subiicitur terminus cōis opponitur autē terminus discretus terminus cōis, quoniam discretus de uno solo est aptus prædicari & grammaticus appellat nomen proprium q̄ uni soli conuenit, ut Plato. Cōis autem est aptus de pluribus prædicari, ut homo & animal, & grammaticus uocat ipsum nomen appellatiuum, quod pluribus conuenit.

Secundo uel termini communis cum pronomine demonstratiuo. Nam licet termini communis de se stet pro pluribus tamen per pronomen demonstratiuum restringitur ad standum pro uno solo indiuiduo, ideo æquipollet terminus discretus. Vnde ista propositio: hic homo currit, demonstrato sorte: æquipollet isti. Sortes currit.

Tertio dicitur primitiue speciei, ad differentiam prono-

minum deriuatiuæ speciei. Sunt autem pronomina demon-
stratiua primitiua speciei ergo, tu, lui, ille, ipse, iste, hic, & is.
Deriuatiua autem sunt meus, tuus, suus, noster, uester, no-
stras, uestras. Ideo autem ea, quæ sunt primatiua speciei cõ-
stituant propositionem singularem qm̃ trahunt subiectum ad
supponendum pro uno solo, ut iste homo demonstrato for-
te currit, & ego. s. Petrus curro, & tu. l. Plato curris. Ea uero
quæ sunt deriuatiua sp̃ei, ut meus, tuus, non constituent p-
positionem singularem, non n. restringunt subm, cui appo-
nuntur ad statum p uno solo, sed p̃t uerificari de pluribus.
Verbi gratia Petrus h̃et decem asinos, & dicit meus asinus cur-
rit, ly alinus nō stat pro isto tm̃, uel pro illo tm̃ sed p oibus
distinguitur. Nam si meus asinus currit, & habeo decem, ergo
uel iste, uel iste qui est meus currit. Pronomina aut̃ demon-
stratiua primitiua sp̃ei restringunt ter. cõem ad stādū p uno
solo demonstrato, ut ego. s. Petrus scribo, Tu uero. l. Plato
dormis. Constat igitur quid sit propositio singularis.

Tu tamē aduerte, quod nō solum p̃t fieri per ter. discre-
tum, & per ter. cõem cum pronomine demonstratiuo pri-
mitiua speciei, sed & per ter. relatiuum, ut posito quod so-
phroniscus habet tantū unum filium, cuius nomen ignore-
tur, si dico Sophronisci filius studet Papiæ, est singularis p-
positio similiter si dico. Pater Calix uenit, ē singularis, quo-
niam isti ter. relatiui æquipollent termini discretis. Item po-
test fieri per ter. discretum circunlocutum, ut si dico. Vir cri-
spus rubeus, & claudus cantat in platea. Iste enim circunstā-
tiæ manifestant talem hominem & non alium, ideo reddūt
propositionem singularem. Patet igitur quid sit propositio
singularis & quot modis fieri contingit.

Item aduerte, quod si quis te interrogat de substantia siue
natura propositionis, dicendo. Quæ propositio est ista. Sor-
tes est homo, respondere habes, categorica, & quæ est ista.
Si tu curris, tu moueris, respōdere habes hypothetica. Si au-
tem quis te interrogat de qualitate, propositionis dicendo.
Qualis est ista sortes currit respondere habet affirmatiua, &
Qualis est ista, homo non est asinus, respondendum est, ne-

TRACTATVS TERTIVS

gatiua. Si uero quis te interrogat de quantitate propōnis dicendo. Quanta est ista: oīs homo currit, respondendum est, uniuersalis, & sic de aliis. Vnde logici pro hoc triplici quæstio formauerunt hunc uersum. Quæ. ea. uel ip. qualis. ne. uel af. v. quanta. par. in. sin. i. Quæ. categorica, uel hypothetica. Qualis, negatiua, uel affirmatiua. V. quanta. i. uniuersalis uel particularis indefinita uel singularis.

Sed dices. Quæ est substantia propositionis, & quæ eius quantitas, & quæ eius qualitas?

Respondetur suba est eius natura siue essentia, puta qđ sit quid compositum ex talibus partibus. sc. ex subiecto & prædicato & copula ut categorica: uel ex duabus oronibus per aliquam coniunctionem coniunctis: ut si tu curris, tu moueris ut hypothetica. Quātitas eius est extensio subiecti ad standū pro uno uel aliquibus uel omnibus uel nullis. Qualitas, eius est secundum quam dicitur qualis: ut affirmatio, negatio, ueritas, falsitas, necessitas, contingentia, possibilitas, impossibilitas. Nam omnia ista qualificant propositionem. Vnde interroganti qualis sit ista, homo est animal, respondere debemus, quod est affirmatiua uera: non solum possibilis sed etiā necessaria.

Quātum ad quintam diuisionem, quæ est hæc, propōnū categoricarum, quædam participant utroq; termino, quædam altero, quædam nullo, aduerte, quod cum termini componentes categoricam sint subiectum & prædicatum: quæ etiam dicuntur extrema propositionis, participare termino uel terminis, est conuenire in subiecto uel in prædicato, uel in utroque. Non participare autem est non conuenire. His præmissis aduerte, quod duas categoricas participare utroque termino, est eas conuenire in subiecto & prædicato, ita qđ subiectum primæ est subiectum secundæ, & prædicatum primæ est prædicatum secundæ, nec in alio differunt nisi quod una est affirmatiua, altera negatiua, ut sunt istæ duæ, homo est animal, homo non est animal, participare in altero termino tantum scilicet uel solum in subiecto, ut hic: homo est animal, homo est rationalis, uel in prædicato tantum ut hic

ut hic: homo est animal, asinus est animal. Participare nullo termino, est non conuenire in subiecto nec in prædicato, ut hic, homo est risibilis, asinus est rudibilis.

Et aduerte quod hic loquimur de participatione formali & uirtuali, quod dico, quoniam licet istæ duæ cōueniant uirtualiter: homo est animal, risibile est animal: non tamen formaliter, quoniam formaliter non sunt idem homo & risibile, dato quod essent idem re, quod tamen non conceditur in uia thomistica.

Iterum aduerte, quod hæc diuisio data est, ut cognoscatur oppositio contraria, subcontraria, contradictoria, subalterna propositionū categoricarum de quibus acturi sumus infra. Nam illa supponit participationem propositionum oppositarum utroq; termino formaliter & non solum uirtualiter ut tibi declarabitur in diuisione octaua.

Quantum ad diuisionem sextam, quæ est q̄ propositionū categoricarum participantium utroq; termino formaliter, quædam participant utroq; termino eodem ordine, quædā ordine conuerso. Aduerte igitur quod duas categoricas participare eodem ordine utroq; termino, est sic, quod est subiectum in prima est subiectum in secunda, & quod est prædicatum in prima est prædicatum in secunda, ut hic. Sortes est homo. Sortes non est homo, & semper intelligendum est formaliter, & non uirtualiter tantum. Duas autem categoricas participare utroq; termino ordine cōuerso, est sic, quod est subiectum in prima est prædicatum in secunda, & quod est prædicatum in prima est subiectum in secunda, ut hic, homo est animal rationale, animal rationale est homo. Et hæc diuisio deseruiet quando loquemur de conuersionibus propositionum categoricarum, ut tibi manifestabitur.

Quantum ad septimam diuisionem, quæ est hæc. Propositionum participantium utroq; termino siue eodem ordine siue conuerso quædam sunt in materia naturali, quædam in contingenti, quædam in remota, aduerte, quæ illæ sunt in materia naturali in quibus prædicatum semper & inseparabiliter conuenit subiecto, & id fit multis modis, primo quando

TRACTATVS TERTIVS

genus, aut differentia, aut definitio, aut p̄prietas, aut qualitas naturalis prædicatur de re. Exemplum primi, homo est animal, secundi, homo est rationalis. Tertiū, homo est animal rationale, quarti homo est risibilis. quinti Ignis est calidus, mel est dulce, nix est alba. Item quando idem prædicatur de seipso: ut sortes est sortes.

Ille aut̄ sunt in materia contingenti, in quibus p̄dicatum potest aduenire & remoueri a subiecto, absq; hoc q̄ corrumpatur subiectum, & p̄ hoc distinguuntur a p̄positionibus i materia naturali, quoniam in illis si auferatur p̄dicatum, nō p̄manet subiectum. Nam si homo cessat esse animal, aut rationalis, aut risibilis, & si ignis cessat esse calidus &c. nec homo nec ignis permanent, sed corrumpuntur & desinunt eē. Tu igitur aduerte, q̄ omnis p̄positio, in qua p̄dicatum est accidens commune & separabile, & etiam inseparabile, modo non fluat a principiis speciei, sit in materia contingenti, ut istæ, homo est albus, ethiops est niger, aqua est calida &c. Dico modo non fluat a principiis speciei: ut p̄seruem rerum, p̄prietates: ut est risibilitas in homine, par & impar in numero, curuum & rectum in linea, sumum calorem in igne. Illæ nanq; faciunt p̄positionem in materia naturali. Quid nero sit fluere a p̄ncipiis speciei declarabitur tibi in trac. de p̄dicabilibus in cap. de proprio & accidente.

Illæ uero sunt in materia remota, in quibus p̄dicatum non potest uerificari de subiecto, imo ad inuicem repugnāt. Istæ autem sunt in quibus subiectum & p̄dicatum sunt opposita contraria uel contradictoria uel priuatiue uel relative opposita. Exemplum primi. Album est nigrum. Secundi, homo est non homo. Tertiū. Cæcus est uidens. Quarti, pater est filius. Et aduerte, q̄ dicuntur fieri in materia remota, scilicet repugnanti, qm̄ naturæ subiecti & p̄dicati in oib; p̄dictis repugnant ad inuicem, nec se compatiuntur. Inde est q̄ omnis affirmatiua in materia remota semp & de necessitate est falsa, negatiua autem semp & immutabiliter uera. In materia uero naturali est oppositio modo. Nam affirmatiua semp est uera, negatiua semp falsa. In materia cōtingēti

est medio mō, qm̄ tam affirmā. q̄ nega. aliqñ ē uera aliqñ fal-
sa, nam qñ p̄dicatum inest subiecto, affirmatiua est uera, ne-
gatiua falsa, qñ p̄dicatum remouetur, affirmatiua est falsa,
negatiua est uera. Hæc de septima diuisione dicta sint.

Quantum ad octauam diuisionem, quæ fuit hæc. Propo-
sitionum categoricarum participatium utroq; termino eo-
dem ordine triplici materia. s. naturali contingentī & remo-
ta aduerte, q̄ inter eas fit quadruplex oppositio. s. contraria
subcontraria, contradictoria, subalternā.

Oppositio contraria fit inter eas quarum una est uniuersa-
lis affirmatiua & altera uniuersalis negatiua, de eisdem su-
biectis & p̄dicatis uniuoce & æque ample & æque stricte
acceptis.

Primo dī quarum una est uniuersalis &c. Nam ut distin-
guantur a contradictoriis, debent esse eiusdem quantitatis &
diuersæ qualitatis. Si eiusdem quātitatis, ergo utraq; est uni-
uersalis uel particularis, non secundum quia non essent cō-
trariæ sed subcontrariæ: ut dicitur infra ergo primum. Si
diuersæ qualitatis, ergo ~~nulla~~ est affirmatiua & altera negatiua.

Secundo dī de eisdem subiectis et p̄dicatis: ut oīs homo ē
albus, nullus homo est albus, & defectu huius istæ duæ non
sunt contrariæ oīs homo est albus, nullum risibile est albū.
Tu tñ aduerte q̄ subiectum & p̄dicatum p̄nt esse idem tripli-
citer, p̄mo s̄m uocem tm̄ & non s̄m signatum, secundo s̄m
signatum tm̄ & non s̄m uocem, tertio s̄m uocem & secun-
dum significatum. Exemplum primi omnis canis latrat: nul-
lus canis latrat. Secundi. Omnis homo currit, nullum rōna-
le currit. Tertii. Omnis homo est aīal nullus homo est aīal.
Prima identitas non sufficit ad contrarietatem, ideo dicitur
in definitione, acceptis uniuoce, constat aut̄ q̄ canis est ter-
æquiuocus, secunda aut̄ sufficit ad contrarietatem virtualē
seu æquivalentē, sed nō ad formalem, tertia uero sufficit ad
contrarietatem proprie dictā & formalem, unde licet istæ duæ,
omnis homo currit, nullū rationale currit, sint cōtrariæ uir-
tualiter eo q̄ secundum significatum homo & rationale sunt
idem non tamen formaliter, qm̄ formaliter non participāt

TRACTATUS TERTIVS

utroq; terminò secundum uocem & secundum significatū.

Tertio dicitur æque ample & æque stricte acceptis. Defectu huius apud multos istæ duæ non sunt contrariæ. Ois homo est animal, nullus homo est animal, quoniam in prima potest teneri tam pro masculis quam pro foeminis, in secunda solum pro masculis. Tu tñ aduerte, q; secundum usum i utraq; accipi consuevit pro masculis ideo acceptantur: ut ueræ contrariæ. Item defectu huius, istæ duæ non sunt contrariæ. Omnis homo est albus, nullus homo fuit albus, quia in prima restringitur ad præsentēs, in secunda autem ampliatur ad præsentēs uel præteritos. Sed pro nunc sustine, donec pertractemus de ampliationibus & appellationibus. Tu tñ aduerte, q; prædictæ non sunt contrariæ non solum rōne dicta, sed quia copula non tenetur eodem modo in prima & i secunda. Nam in prima est ly est, in secunda est ly fuit. Vnde in definitione intelligendum est q; contrariæ debent esse de eisdem subiectis & prædicatis & copulis. Hæc de contrariis dicta sint.

Oppositio contradictoria est inter eas, quarum una est vltis affirmatiua, altera particularis negatiua, ut omnis homo est animal, quidam homo non est animal, uel altera est vltis negatiua, & altera particularis affirmatiua, ut nullus homo currit, quidā homo currit, de eisdem subiectis & prædicatis & copulis, uniuoce & æque ample, & æque stricte acceptis. Omnia debent intelligi sicut expositum est de contrariis.

Vt autem habeas maiorem noticiam de contradictione aduerte ex doctrina Aristotelis, q; quatuor conditiones requirit, & defectu cuiuslibet earum enitatur contradictoria oppositio.

Prima est q; sit affirmatio eiusdem de eodem & negatio, dummodo sumatur idem secundum rem & uocem, ut Sortes currit. Sortes non currit. Defectu cuius, ista apud logicū non sunt contradictoria formaliter sed virtualiter siue æqui pollenter tantum ex parte rei. Cicero currit. Marcus nō currit, posito enim q; sint sinonima ex parte significati quia idē homo dictus est Marcus & Cicero, tamē distinguuntur uoce

sive termino, quoniam duo sunt termini. Marcus & Cicero, ideo non sunt contradictoria formaliter sed æquipollenter. Acquipollenter quidem, quoniam idem individuum intelligitur per Marcum & Ciceronem, formaliter autem non, quoniam logicus obleruat oppositionem de uirtute sermonis, philosophus autem qui est artifex realis, de uirtute rei & significati. Vnde apud physicum ista contradicunt. Materia prima est ens in potentia. Primum subiectum non est ens in potentia. Pro eodem enim accipit materiam primam & primum subiectum.

Secunda est quæ duæ propositiones contradictoriæ referantur ad idem ut secundum idem, & propter huius defectum, istæ non contradicunt, Ethiops est albus dentes. Ethiops non est albus pedes, non enim fit prædicatio secundum eandem partem.

Tertia est. Quod teneatur similiter, ideo istæ duæ non contradicunt, nullum animal est genus, animal est genus. Nam in negatiua stat animal pro suppositis, in affirmatiua stat pro natura communi. Sed id non intelliges donec in tracta. suppositionum exercitatus fueris, ideo sustine.

Quarta est quæ referantur ad idem tempus. Et defectu huius, istæ duæ non contradicunt, sortes uenit hodie, sortes non uenit heri. Et aduerte quæ omnes istæ conditiones exprimuntur in diffinitione contradictionis, quæ extrahitur ex doctrina Aristotelis præcipue in quarto metaphysicæ, & est hæc. Contradictio est affirmatio & negatio, id est propositio affirmatiua & negatiua eiusdem prædicati de eodem subiecto, ad idem secundum idem, similiter & pro eodem tempore. Hæc de contradictoriis dicta sint.

Oppositio subcontraria est inter eas, quarum una est particularis affirmatiua uel indefinita, altera autem est particularis negatiua uel indefinita de eisdem prædicatis & subiectis & copulis uniuoce acceptis, & eodem modo supponentibus.

Primo dicitur propositio affirmatiua negatiua particulares aut indefinitæ, ut excludamus duas singulares. Nam illæ sunt contradictoriæ secundum rem & significatum licet.

TRACTATVS TERTIVS

non in figura, quoniam in figura ut declarabitur tibi infra, oportet unam esse uniuersalem affirm. uel negatiuam, alteram autē particularem affirm. uel nega. ut patebit in figuris quas infra describemus. Quare autem duæ singulares non sint subcontrariæ ratio est hæc, quia duæ subcontrariæ possunt esse simul ueræ, ut quidam homo currit, quidam homo non currit. Duæ autem singulares non possunt esse simul ueræ nec simul falsæ, sed una uera & altera falsa in omni materia, ut si hæc est uera sortes non est asinus, hæc necessario est falsa. Sortes est asinus. Ergo sunt contradictoriæ.

Secundo dī de eisdem subiectis &c. intelligendum est eodem modo sicut dictum est in oppositione contraria.

Tertio dicitur uniuoce tentis, defectu cuius istæ nō sunt subcontrariæ. Quoddam sanum est animal. Quoddam sanum non est animal.

Quarto dicitur eodem modo supponentibus, defectu cuius istæ, non sunt subcontrariæ homo est species, homo non est species, nam in prima homo supponit pro natura communi, in secunda pro natura partita in suppositis. Sic quidē dicimus pro nunc. In trac. autem suppositionum manifesta binus quomodo ista non est indefinita homo est species, sed singularis, & ideo manifestius tibi erit, q̄ nō sunt subcontrariæ, non solum quia non supponit homo in prima & secunda eodem modo, sed quoniam sunt singulares quas necesse est ut diximus esse oppositas contradictoriæ secundum rem & significatum.

Oppositio subalterna est inter eas, quarum una est v̄lis affirmatiua & altera particularis aut indefinita aut singularis affirmatiua. Vel una est v̄lis negatiua, & altera est parti. aut inde. aut singu. negatiua de eisdem subiectis & prædicatis & copulis &c. ut dictum est in alijs oppositionibus.

Hic sunt declaranda, primo quare dicuntur subalterne, secūdo quare duæ singulares affirmatiua & negatiua sunt subalternæ & non subcontrariæ.

Ad primū dicitur q̄ ideo uniuersalis affirm. & particularis affirmatiua dicuntur subalternæ quia una sub altera po-

nitur. scilicet particu. sub uniuersali. Vnde uniuersalis se habet, ut
 añs particu. ut pñs. Nam bene sequitur. Oninis homo est ani
 mal ergo quidam homo est animal, & homo est animal, &
 iste homo est animal, ut tibi manifestum erit in suppositioni
 bus. Non autem sequitur econuerso, quia ab inferiori distri
 butiue ad superius affir. non ualet consequentia, non enim le
 quitur, aliquis homo est stultus ergo omnis homo ē stultus.
 Et aduerte q̄ sicut dicuntur subalternæ per respectum sup
 positionibus, quem habet particulares ad uniuersales, sic di
 ci possent superalternæ, per respectum super positionis, quē
 habet uniuersales ad particulares. Sed primis placuit sic de
 nominare ab inferioribus, quorum est subiici & supponi su
 perioribus.

Ad secundum dicitur q̄ ideo duæ singu. affir. & neg. sunt
 subalternæ qm̄ sicut ualet consequentia ab uniuersali affir.
 uel nega. ad particu. & inde affir. & nega. sic ualet ad singu.
 affir. & nega. Nam si hæc consequentia ualet ois homo cur
 rit, ergo aliquis homo, & homo currit, sic ualet, ergo iste &
 iste currit, quoniam, ut declarabitur tibi in trac. suppositio
 num, signum uniuersale affirmatiuum & negatiuū distribuit
 terminum immediate sequentem & licet descendere ad sua
 singularia diuisiue. Sed pro nunc sustine ne confundaris, do
 nec habebis de suppositionibus notitiā. Et ideo sunt subal
 ternæ sicut particu. & indefi. Non autem sunt subcontrariæ
 ratione iam dicta, quoniam subcontrarias contingit esse si
 mul ueras, duæ autem singularis negatiua & affirmatiua, in
 omni materia ita se habent q̄ si una est uera altera est falsa,
 & non possunt esse simul ueræ nec simul falsæ, & ideo, ut di
 ximus non sunt subcontrariæ sed contradictoriæ. Constat
 igitur tibi quō propositiones categoricæ participantes utro
 que termino & eodem ordine, constituunt quatuor genera
 oppositionum. Et quoniam possunt formari in materia natu
 rali & remota & cōtingenti, ideo figurabimus tibi tres figu
 ras. Prima erit de oppositis in materia naturali, secunda de
 oppositis in materia remota, tertia de oppositis in materia
 contingenti, ut patet infra.

Figura oppositionum in materia naturali






Figura oppositionum in materia remota.





Pro completa intelligentia quatuor, generum oppositio-
num tam in materia naturali quam remota & contingenti
de quibus signauimus præpositas tres figuras, declarandum
est quomodo se habent ad ueritatem & falsitatem, & primo
quomodo possunt esse simul ueræ, uel falsæ, uel una uera, &
altera falsa, in materia naturali, secundo quomodo in mate-
ria remota, tertio, quomodo in materia contingenti.

Tu igitur aduerte, quod in materia naturali, duæ contra-
riæ ita se habent quod semper affirmatiua est uera, & nega-
tiua est falsa, nec possunt esse simul ueræ, nec simul falsæ. Et
ratio huius est quia in materia naturali, prædicatum de ne-
cessitate semper uerificatur, & cōuenit subiecto ergo propo-
sitiō uniuersalis negans prædicatum inesse subiecto semper
est falsa, & uniuersalis affirmatiua semper est uera.

Similiter duæ subcontrariæ in materia naturali ita se ha-
bent, quod particularis affirmatiua semper est uera, nam si
hæc est uera de necessitate omnis homo est animal, bene

TRACTATVS TERTIVS

sequitur, ergo & quidam homo & homo & hic homo est animal, ut tibi declarabitur in trac. de suppositionibus. Item si vñs negatiua semper est, falsa sequitur & particu. nega. esse falsam, qm̄ sub negatiua vñs defenditur ad omnia supposita distributiue negatiue. Nam bene sequitur, nullus homo est animal, ergo nec quidam homo, nec homo, nec Plato est animal. Vnde patet quod qm̄ uniuersalis negatiua est falsa, particu. & inde. & singu. negatiua est falsa. Et sic patet quod in materia naturali, natura & conditio contrarium est quod una sit uera, & altera falsa, nec unquam sint simul ueræ, nec simul falsæ, dummodo seruetur prædicatio directa. Quod dico, qm̄ in prædicatione indirecta, non inconuenit utraq; esse ueram, ut hic, omne animal est homo, nullum animal est homo. Nam ut patet utraq; est falsa, qm̄ utraq; est indirecta minus enim vñs est prædicatum quam subiectum. Sed in doctrina peripatetica semper loquendum est proprie & directe. Quid autem sit prædicatio directa & indirecta manifestabitur tibi in trac. de uniuersalibus, & in trac. de syllogismo formali, ideo pro nunc sustine.

Contradictoriæ uero in materia naturali ita se habent qd si una est uera altera est falsa & econuerso. Nam hoc est primum principium quod defenditur in quarto metaphysicæ ab Aristotele contra antiquos. scilicet quod in nulla materia duo contradictoria possunt esse simul uera nec simul falsa, ergo nec in materia naturali. Et ratio huius est, quia impossibile est idem simul & ueræ affirmari & negari de eodem, sed in contradictoriis affirmatur & negatur idem de eodem. Nam si ista est uera, omnis homo est animal, & hæc est uera, quidam homo est animal, & demonstro sortem. si ergo dicis qd particularis negatiua est uera. scilicet quidam homo demonstrato sorte non est animal, ergo affirmatur & negatur simul & ueræ idem de eodem. scilicet esse animal & non esse animal de sorte, quod est impossibile.

Subalternæ ita se habent in materia naturali, quod uniuersalis affirm. & particularis affirm. semper sunt ueræ, quoniam particularis sequitur uniuersalem. Nam bene sequitur. Si omnis homo est animal, quod quidam homo sit animal, ut

tibi declarabitur in trac. de consequentiis. Vniuersalis aut & particularis neg. semper sunt falsæ, quoniam prædicatum in materia naturali ut docuimus supra non potest remoueri neque negari a subiecto. Vnde hæc semper est falsa. Nullus homo est animal, ex consequenti & ista quæ est sua subalterna, quidam homo non est animal. Constat igitur tibi quomodo quatuor genera oppositionum se habeant ad ueritatem & falsitatem in materia naturali.

In materia autem remota sic se habent contrariæ. Vniuersalis affirmatiua semper est falsa ut omnis homo est asinus, & uniuersalis negatiua semper est uera, ut nullus homo est asinus, quia in materia remota, ut docuimus supra prædicatum repugnat subiecto, ergo propositio uniuersalis affirmatiua qua affirmatur prædicatum conuenire subiecto, est falsa, & negatiua, qua negatur prædicatum tale puta asinū conuenire subiecto puta homini est uera.

Subcontrariæ eodem modo se habent, scilicet quod particularis affirmatiua semper est falsa. Nam bene sequitur, quod si omnem hominem esse asinum est falsum, etiam sequitur quod aliquem hominem esse asinum sit falsum, ut tibi declarabitur in trac. consequentiarum.

Contradictoriæ ut iam diximus in omni materia ita se habent, quod si una est uera, altera est falsa, & e conuerso, ergo in materia remota.

Subalterna ita se habent, quod uis affirmatiua & particularis affirmatiua sunt falsæ. Nam bene sequitur, si omnem hominem esse asinum est falsum, ergo & quendam hominem esse asinum, est falsum, uis autem & particularis negatiua sunt ueræ. Nam bene sequitur, si nullum hominem esse asinum est uerum ergo quendam hominem non esse asinum est uerum, sed aduerte, quod ueritatem harum prædicatarum non apprehendes tu nouitii, donec consequentiarum tractatum adieris. Ideo pro nunc crede. Constat igitur quomodo quatuor genera oppositionum se habent ad ueritatem & falsitatem in materia remota.

In materia contingenti, id est quando prædicatum adest & abest præter subiecti corruptionem, ita quod non est de

TRACTATVS TERTIVS

essentia speciei, nec proprietas eius naturalis contrariæ ita se habent, quod tamen uniuersalis affirmatiua quam uniuersalis negatiua sunt simul falsæ loquendo absolute & simpliciter, ut omnis homo est albus, nullus homo est albus, & ratio huius est, quia in materia contingenti respectu accidentis se parabilis prædicatum inest aliquibus indiuiduis, & aliquibus non est, ut patet de albedine & caliditate de scientia de uirtute in hoīe. Nam aliqui hoīes sunt albi, sunt calidi, sunt docti, sunt uirtuosi aliqui autem sunt opposito modo. Qñ ergo aliquibus inest accñs separabile. Vniuersalis negatiua est falsa, qñ autem aliquibus non inest. Vniuersalis affirmatiua est falsa, ergo utraq; est falsa. Dixi loquendo absolute, qm̃ aliquo casu posito. Vna est uera, altera falsa, puta. Dato casu quod tantum decem homines essent in mundo, & omnes uirtuosi. Hæc esset uera state casu & nō aliter. Omnis homo est uirtuosus siue studiosus, & hæc est falsa. Nullus homo est studiosus. Dixi respectu accidentis separabilis, ut præseruem contrarias factas de accidente inseparabili. Ille enim se habent in ueritate & falsitate sicut contrariæ in materia naturali, licet enim non sit fluens a principiis speciei, tam inseparabiliter consequentur omne indiuiduum talis speciei puta nigredo omnem ethiopem, albedo omnem niuem. Vnde in istæ contrariæ nunquam sunt simul falsæ, sed uniuersalis affirmatiua est uera, negatiua autem est falsa.

Sed dices nunquid in materia contingēti sicut possunt esse simul falsæ nunquid possunt esse simul ueræ?

Rñdetur q̃ non duplici ratione, primo quia vñs affirm. signat prædicatum in esse omnibus indiuiduis contentis sub subiecto ut omnis hō est albus, ergo iste, & iste, & iste, & sic de singulis ē albus. Vñs autem neg. signat prædicatum nulli contento sub subiecto inesse, ut nullus homo est albus, ergo nec iste, nec iste, & sic de singulis est albus, sed impossibile est, ut patet p̃dicatum nullis suppositis & oībus inesse, ergo non possunt esse simul ueræ. secundo si possunt eē simul ueræ, ergo & duæ subcontrariæ, ergo & duæ contradictoriæ, p̃ma p̃na patet, qm̃ si hæc est uera, omnis hō est albus &

hæc est uera, quidam homo est albus, & si hæc est uera, nullus homo est albus, hæc etiam est, uera quidam homo non est albus secunda autem præmissa probatur sic, si propones quatuor angulorum ut figurantur super in tertia figura possunt esse simul ueræ ergo ueris affirm. & parti. neg. & ueris neg. & particu. affirm. possunt esse simul ueræ. Istæ autem sunt contradictoriæ, ut patet in figura ergo si duæ contrariæ in materia contingenti sunt simul ueræ, etiam duæ contradictoriæ, quod tamē est impossibile in omni materia ut diximus. Ex his corollarie sequitur, quod duæ contrariæ in materia contingenti, non repugnant nec opponuntur in falsitate sed in ueritate. Quod autem repugnent in qualitate sed non in quantitate, est commune contrariis in omni materia.

Subcontrariæ in materia contingenti & de accidente separabili ita se habent quod utraq; est uera, ut quidam homo est albus quidam homo non est albus. Nam prædicatum contingens separabile. Non necessario inest omni contento sub subiecto ergo potest aliquibus non inesse & de facto non inesse & tunc uerificatur parti. nega. Neque necessario remouetur ab omni contento sub subiecto, ergo potest aliquibus inesse, & de facto inesse, & tunc uerificatur parti. affirm. Dixi de accidente separabili, quoniam si sunt de accidente inseparabili, dicendum est de eis, ut diximus de subcontrariis in materia naturali, in quibus affirm. semper est uera, & neg. semper falsa, & nunquam sunt simul ueræ, nec simul falsæ.

Sed dices. Nunquid possunt esse simul falsæ, sicut possunt esse simul ueræ?

Rõndetur quod non quia si hæc est falsa, quidam homo est albus, ergo & ueris affirm. est falsa. Quod omnis homo est albus. Et si hæc est falsa, quidam homo non est albus, ergo & uniuersalis negatiua est falsa, scilicet nullus homo est albus. Ergo uniuersalis affirmatiua & particularis negatiua, & ueris negatiua & particularis affirmatiua possunt omnes esse falsæ. Sed sunt contradictoriæ, quæ in nulla materia possunt esse simul ueræ, neque simul falsæ. Constat ergo quod duæ subcontrariæ in materia contingenti non possunt esse simul falsæ, sed simul ueræ, ex

TRACTATUS TERTIVS

consequenti se hñt oppositum modo respectu contrariarũ. Nam diximus quod illæ possunt esse simul falsæ in materia contingenti, sed non simul ueræ: hic autem est opposito modo. Ex his sequitur corollarie quod duæ subcontrariæ i materia contingenti, non repugnant in ueritate: sed in falsitate. Quod autem repugnent in qualitate sed non in quantitate, est cõe omnibus subcontrariis in omni materia.

Sed contra. Vñ quod possunt esse simul falsæ, & arguitur sic istæ duæ sunt subcontrariæ cum sint indefinitæ affirmatiua & negatiua. Homo albus omnem colorem habet. Homo albus nullum colorem habet, & utraq; est falsa, ut patet ergo &c. Nec obstat quod non sunt duæ partiu. sed duæ indefinitæ, quoniam idem est iudicium de partiu. & indefinitis i hoc ut diximus supra.

Rñdetur, non sunt propriæ subcontrariæ sed potius cõtrariæ ex parte p̄dicati p̄ ly omnem colorem, & ly nullum colorem. Contrariæ autem in materia contingenti, ut diximus possunt esse simul falsæ. si autẽ uis eas reducere ad subcontrarias dices sic. Homo albus omnem colorem habet. Homo albus non omnem colorem habet, & tunc affirmatiua est falsa, & negatiua est uera: sic dicunt aliqui: mihi autem vñ quod ex parte p̄dicati, magis sapiant naturam contradictoriarum: quam subcontrariarum. Hæc. n. est uniuersalis affirmatiua ex parte p̄dicati. Homo albus omnem colorem habet, & hæc est particularis negatiua. Homo albus non omnem colorem habet, Et sic patet quod si subcõtrariæ ueræ & proprie formantur, non possunt esse simul falsæ.

Contradictoriæ in materia contingenti, sicut & in materia naturali & remota ita se habent quod si una est uera: altera est falsa nec unquã possunt esse simul ueræ, nec simul falsæ nulla exceptiõ facta est ratio quidem est, quia si possent esse simul ueræ aut falsæ sequitur q̄ de eodem individuo uerificatur affirmatio, & negatio, q̄ est contra primum principium, quo dicitur in. 4. metaph. Impossibile est idem simul esse & non esse. Probatur consequentia: Istæ sunt cõtradictoriæ. Omnis homo est albus, & quidam homo non est albus.

Si ista est uera omnis homo est albus, ergo sortes est albus, quia sortes est homo. Et si ista est uera. Quidam homo non est albus, sit ille sortes. Ergo uerum est dicere q̄ sortes est albus, & non est albus, quod est contra primum principium. Quod non possint esse simul falsa, declaratur sic. Si ista est falsa, omnis homo est albus, ergo sortem esse album est falsum, quia continetur sub homine. Si hæc est falsa. Quidam homo non est albus sit ille sorte ergo falsum est sortem nō esse album, ergo oppositum est uerum. s. sortem esse album. sed sortem esse album, est falsum qm̄ supponitur hanc esse falsam, omnis homo est albus, & sortem esse album est uerū ergo duo contradictoria non possunt esse simul falsa, sicut nec simul uera.

Subalternæ in materia cōtingenti ita se habent, q̄ si uniuersalis affirm. est uera, sua particularis affirm. subalterna est uera, ut si oīs homo est albus, quidam homo est albus. Nā subiectum v̄bis affirm. stat pro oībus suis suppositis ergo ly homo stat pro oībus hoībus. Si pro oībus ergo pro aliquo. Non autem conuertitur. s. q̄ si particularis affirm. est uera, uniuersalis affirm. sit uera. Non. n. sequitur q̄ si aliquis homo currit, oīs homo currit. Et rō huius est. Quia ut tibi manifestabitur in trac. de consequentiis. Ab inferiori ad suum superius affirmatiuæ, tētū distributiuæ, non ualet p̄na sicut patet hic. Non sequitur, homo currit, ergo omne aīal currit, eodē modo nec hic. Quidam homo currit, ergo oīs homo currit, se habent enim quidam homo & omnis homo sicut inferius & superius. Stat ergo q̄ particu. affirm. sit uera, & uniuersalis sit falsa. Si autem parti. affirm. est falsa, de necessitate uniuersalis est falsa. Nam si falsum est aliquem hominem currere, multo magis falsum est omnem hominem currere.

Hoc igitur modo se habent subalternæ affirmatiuæ i materia contingenti. Subalternæ autem negatiuæ ita se habēt quod si uniuersalis negati. est uera, particularis negati. est uera. Nam bene sequitur. Nullus homo currit, ergo quidam homo nō currit, prædicatum enim uniuersalis negatiuæ, remouetur ab omni contento sub subiecto, cum ergo quidā

TRACTATVS TERTIVS

homo contineatur sub hoīe, ut indiuiduum uagum sub spē,
 si currere remouetur uniuersaliter ab hoīe, ergo & a quodā
 hoīe. Quid autem sit indiuiduum uagum & signatum & spēs
 manifestabitur tibi in trac. de quinque prædicabilibus. Si au
 tē uniuersalis nega. est falsa in materia contingenti nō opor
 tet particularem nū gī. eius subalternam esse falsam, nam si
 istæ duæ sunt falsæ, nullus homo currit, quidam homo non
 currit cum contradictoria parti. nega. sit uniuersalis affir. pu
 ta omnis homo currit quæ est falsa, ut docuimus supra, seq
 uitur q̄ duæ contradictoriæ essent simul falsæ, quod in nulla
 materia potest concedi. Cōstat igitur quomodo subalternæ
 in materia contingenti se habent ad ueritatem & falsitatē.

Sed dices. Si duæ subalternæ in materia contingenti. pos
 sunt esse simul ueræ, ergo non opponuntur in figura.

Respondetur ad hoc q̄ duæ categoricæ eiusdem subiecti
 & p̄dicati opponant in figura sufficit q̄ opponantur aut in
 ueritate, aut i falsitate, aut in q̄titate aut in qualitate, ex quo
 sequit q̄ q̄to in pluribus opponuntur, tanto magis opponū
 tur, & q̄to in paucioribus, tanto minus. Vnde cōtradiçtorix
 maxime opponuntur, qm̄ ut docuimus i nulla materia sunt
 simul ueræ & simul falsæ, sed si una est uera reliqua est falsa.
 In figura autē: ut pater supius, opponuntur in q̄titate & qua
 litate, & sic oībus modis opponuntur. Post contradictorias
 opponuntur contrariæ, quas docuimus in materia naturali
 & remota non posse esse simul ueras nec simul falsas, i mate
 ria autē contingenti posse esse simul falsas, sed non simul ue
 ras. In figura uero conueniunt in q̄titate sed differunt in qua
 litate. Post contrarias opponuntur subcōtrariæ, quæ ut do
 cuimus in materia naturali & remota repugnant in uerita
 te & falsitate, in contingenti autem repugnāt in falsitate sed
 non in ueritate. In figura uero conueniunt in q̄titate, sed
 differunt in qualitate. Post subcontrarias opponuntur subal
 ternæ, quæ in materia naturali & remota: ut docuimus sic se
 hñt, q̄ in materia naturali si uniuersalis est uera tam affir. q̄
 nega, particu. affir. & negati. est uera, & econuerso, idē itelli
 ge de falsitate. In materia uero cōtingēti sic se hñt ut docui
 mus q̄

mus q̄ v̄l̄s affir. est falsa, particu. non affirmatiua est uera. Nam licet oninem hominem currere sit falsum, tñ quendā hominem currere est uerum. Si tamen ponatur v̄l̄s uera, particularis est uera sed non ecōtrario. Item si ponatur particularis falsa, v̄l̄s erit falsa. Nam si falsum est quendam hominem currere, multo magis falsum est, oninem hominē currere. In figura uero conueniunt in qualitate sed differūt in quantitate. Constat igitur q̄uo apud logicum subalternæ opponuntur in figura propter diuersam quantitatem, licet non opponantur in qualitate, nec semper in ueritate & falsitate, licet aliquādo sic, aliquando non, ut docuimus. Hæc de oppōnibus categoricarum participantium utroque termino eodem ordine dicta sint. Et sic compleuimus doctrinam octauæ diuisionis, in quam diuisimus categoricas participantibus utroque termino eodem ordine.

Quantum ad diuisionem nonam, quæ fuit q̄ categoricarum participantium utroque termino ordine conuerso in triplici materia, quædam conuertuntur simpliciter, quædā per accidens, quædam per contrapositionem, sex agenda sunt, primo quid sit conuersio de qua hic intendimus, secundo quot requirunt ad ueram conuersionem de qua hic lo cuturi sumus, tertio si tantum tres sunt species cōuersionis: scilicet simplex, per accidens & per contrapositionē, quarto agendum est de conuersione simplici, quinto de conuersione per accidens, sexto de conuersione per cōtrapōnem.

Quantum ad primū aduerte q̄ in doctrina Aristotelis inuenimus triplicem conuersionem: scilicet terminorum quod ad prædicationem, correlatiuorum quod ad mutuam referentiā, propositionum quod ad extremorum .i. subiecti & prædicati transpositionem, ea quæ est terminorum secū dum prædicationem, solet dici conuertibilitas, & est æqualis prædicatio duorum terminorum, ita q̄ de quocunque prædicatur unus, prædicatur & alter, & hæc conuersio inuenitur inter subiectum & propriam passionem: ut inter hominem & risibile, inter speciem & differētiā essentialē: ut inter hominem & rationale inter definitionē & diffinitū:

TRACTATUS TERTIVS

ut inter hominem & animam rationalem, & hæc omnia tibi manifestabunt in tractatu de vltimis & in tractatu de pñtiis. Ea quæ est correlatio ratiōis solet dici conuertentia, & est quæ mutuo se referunt, ut pater filii pater, filius patris filius. Dominus serui dominus. Seruus domini seruus, & hæc conuersio manifestabit tibi in pñdicamentis ad aliquid. Ea quæ est propōitum dicitur apud logicum transpositio extremorum, modo quo nunc tibi manifestabit. Relicta igitur conuersione primo & secundo modo dicta, inuestigandum est quid sit tertio modo dicta.

Tu igitur aduerte quæ conuersio tertio modo dicta solet sic definiri apud logicos. Conuersio est transpositio pñdicati in subiectum & subiecti in pñdicatum duarum propositionum categoricarum participantium utroque termino ordine conuerso, ut homo est animal, animal est homo. Verum nisi aliud huic definitioni addatur ita conuenit conuersioni veræ sicut conuersioni falsæ, nam sicut in istis homo est animal, anima est homo, transponit subiectum in pñdicatum & pñdicatum in subiectum, sic & in istis, omnis homo est animal, omne animal est homo, & tñ cōuersio prima est vera, secunda autē est falsa. ut patet. Quoniam igitur hic intēdimus loqui de vera conuersione propositionum categoricarum, quæ diuidenda est in simplicem & per accēs & per contrapōitē, addendum est pñdictæ definitioni: ut ita cōueniat conuersioni bonæ quod non malæ. Sic igitur definiatur. conuersio propositionum categoricarum est transmutatio subiecti in pñdicatum, & pñdicati in subiectum ita quæ inter conuertentem & conuersam & econuerso, est vera & forma malis consequentia: ut hic. Nā bene sequitur, homo est rationalis, ergo rationale est homo, & hic, bene sequitur, nullus homo est asinus ergo nullus asinus est homo. Si igitur inueniris transponi pñdicatum in subiectum & econuerso, & tñ inter conuertentē & cōuersam non ualero pñam: ut hic, omnis homo est animal, omne animal est homo cognosces quæ ei non conuenit definitio uere & bonæ conuersionis cuius species singulas consideraturi sumus. Hæc de primo dicta sint.

Quantum ad secundū aduerte quæ in omni uera & bona con

uersione quinq; de necessitate requirunt primo q; sint duæ propositiones ex eisdem terminis cõstitutæ, secũdo q; sint categoricæ, nam hypotheticæ non pprie conuertunt, tertio, q; ad una ad aliã ualeat gñā, quarto, q; totũ p̄dicatũ primæ fiat subiectum secundæ. Totã aut p̄dicatũ est totum quod sequitur copulã, nã ut declarabi; tibi in p̄uersione simplici si totũ p̄dicatũ nõ fiat subiectũ, multæ fient fallaciæ, quinto q; si ppõ fiat de uerbo adiectiuo, resoluat in suũ participiũ & in sum es est, & participiũ & quicquid sit adiunctũ participio, ponat pro subiecto secundæ. V. G. Si hæc debet cõuerti; ethiops hẽt dẽtes albos, resoluat ly hẽt in participiũ & sum, sic dicẽdo. Ethiops est hñs dentes albos, & sic cõuertatur. Habens dentes albos est ethiops. His seruatīs nunquã fiet error in conuersione propositionum.

Quantum ad tertium aduertẽ q; cõuersione ppõnũ duplẽ cõsiderari põt primo inquãtũ deseruit reductioni syllogorum qui sunt indirecte in prima figura, & qui formant in secunda & tertia figura. Oēs. n. reduci debẽt ad quatuor primos modos primæ figuræ, & reductio fit p cõuersionẽ propõnum. ut tibi manifestabi; in tract. de syllo formali, secundo inquãtũ est passio propõnũ categoricatũ siue sint de inessẽ siue modales siue sint alicuius quãtitatis siue hullius. Si cõsiderat primo mō, tunc p̄ ueritate nõ sunt nisi duæ sp̄es conuersionis. s. Simplex & p̄ accñs. Iste. n. tr̄m deseruiunt reductioni syllogorũ: ut patebit in trac. de syllo. Vñ & Aris. non fecit m̄tionẽ in lib. priorũ nisi de his duabus p̄termittens cõuersionẽ p̄ contrapõnẽ. Si aut p̄siderat secundo mō sic sunt tres. s. Simplex p̄ accñs, & per cõtrapõnẽ. Cuius sufficiẽtiæ rō hinc sumit. In oĩ cõuersione est trãsmutatio p̄dicati in subiectũ, & subiecti in p̄dicatũ, uel ergo in hñmōi trãsmutatione termini hñt põnem contrariam ita q; si in cõuersa sunt termini finiti, in cõuertentẽ trãsmutant in infinitos ut declarabitur infra. Et sic fit conuersio per contrapositionem, quæ est tertia species. Vel habent consimilem positionem, ita quod in utraque propositione permanent finiti. Et hoc dupliciter, quia aut habent consimilem posi-

TRACTATVS TERTIVS

tionem conuertibiliter : id est seruata eadem qualitate & quantitate & sic fit conuersio simplex, aut habent consimile positionem sed non cōuertibiliter, quia necesse est mutare quantitatem, & sic fit conuersio per accidens, & id tibi manifestum erit infra . Tres igitur sunt famosæ apud logicos conuersionis species, quas etiam posuit Boetius in libro suo de syllogismis. Dico famosæ, quoniam nonnulli moderni inuenerunt duas alias conuersionis species, quarum una est conuersio propositionum nullius quantitatis: ut exclusiue & reduplicatiue: Nam sic conuertitur exclusiua, tantum homo est rationalis, omne rationale est homo, reduplicatiua autem sic conuertitur . Homo in quantum homo est rationalis. Rationale est homo in quantum homo. Itē propositionum modalium : ut hominem esse album est possibile, ergo possibile est hominem esse album. Item alii imaginati sunt duas alias species . Prima est quando mutatur qualitas & non quantitas, ut hic, omnis homo est animal, omne animal non est homo, secunda est quando mutatur quantitas & qualitas: ut hic. Omnis homo est animal aliquod animal non est homo . Verum quia huiusmodi conuersiones non sunt in usu, nec nobis deseruiūt pro reductione syllogismorum, ideo immorabimur circa primam & secundam specie tangentes breuiter de tertia, omnibus aliis relictis.

Quantum igitur ad conuersionem simplicem, duo agenda sunt, primo quid sit secūdo quot seruanda sunt: ut sit uera & bona conuersio, ita quod a conuersa ad conuertentem ualeat consequentia.

Quantum ad primum aduerte q̄ sic diffinitur. Conuersio simplex trāspōsitiō p̄dicati in subiectū, & subiecti in p̄dicatū, manente eadē quātitate & qualitate p̄pōnum, absq̄ alia terminorum componentium mutatione facta .

Primo dicitur transpositio loco generis, est. n. quod communius transpositio p̄dicati in subiectum & econuerso, q̄ conuersio simplex. Nam omnis cōuersio p̄pōnum est transpositio p̄dicati in subiectum & econuerso, & tñ non ois conuersio est conuersio simplex, cū eius sint tres species.

Secundo dicitur manente eadē quātitate & qualitate p. pōnū ita q̄ si una est affir. partic. altera. s. cōuertens sit affir. particu. ut hic quidā hō est aial, ergo quoddam aial est hō. Et si vna est vls nega. cōuertens sit nega. vls: ut hic, nullus homo est asinus, ergo nullus asinus est hō. Et aduerte duo primo q̄ per hāc particulam, differt cōuersio simplex a cōuersione p. accidens, in qua mutatur quantitas sed nō qualitas ut tibi declarabitur secūdo q̄ licet particu. indefinita & singu. sint distinctæ quātitatis. quātum ad modū pronuntiandi & quantum ad terminū qui subiiciatur: ut docuimus supra, tñ quātum ad modū conuertendi reputantur ac si essent eiusdem quantitatatis, ita q̄ qua conuersione conuertit particu. eadem cōuertitur indefinita & singu. Vnde ad hoc q̄ seruet eadem quantitas sufficit obseruare ne conuertatur vls in particularem indefinitam aut singularem, nec econuerso. s. particula. inde singula. in vlem. Quod autem conuersa sit particu. & conuertens sit inde aut singu. aut econuerso, ppter hoc non mutatur quantitas, quoniam ut diximus in modo conuertēdi reputantur eiusdem quantitatatis. Vnde patet q̄ per conuersionem simplicem, singularis potest conuertere in particularem & indefinitam, modo omnes sint affirmatiua. Nam bene sequitur, Sortes est homo, ergo quidam homo est sortes, ergo homo est sortes.

Tertio dicitur absque alia rei minorū &c. ut per hoc differat a conuersione per contrapositionem. Nam licet in ea non mutetur quantitas nec qualitas propositionum, tamē mutantur termini finiti inter īfinitos ut infra declarabitur. Constat igitur tibi quid sit conuersio simplex.

Quantum ad secundum aduerte ut simplex cōuersio sit uera & bona, ita q̄ a conuersa ad conuertentem semper sit bona consequentia septem obseruanda sunt.

Primo si conuersa sit per verbum adiectiuum, antequam conuertatur resoluetur verbum in participiū & sum es est, & nunc participium & si quid adiungitur participio totum ponatur pro subiecto cōuertentis, nam si solum additū participio ponatur pro subiecto, fiet error. Verbi gratia sortes

TRACTATUS TERTIVS

videt lapidem, non pōt sic conuerti, ergo lapis uidet sortē,
Sed prius sic resoluatur. Sortes est uidens lapidem, & tūc sic
conuertatur. Videns lapidem est sortes. Idem intellige de
oib; aliis categoricis formatis per uerbum adiectiuum.

Secundo, Si conuerſe copula est sum es est, & post copu-
lam sequitur casus obliquus puta ablatiuus, antequam con-
uertatur sumatur participium quod est ens siue existens, &
simul cum casu obliquo fiat subiectum conuertentis, aliter
fiet error. Ver. gra. sortes est in pado, nō pōt sic conuerti.
Padus est in sorte. Sed sic, ens uel exis in pado est sortes.
Idem intellige de omnibus consimilibus.

Tertio Si subiectum conuerſe sit casus obliquus: ut con-
tingit in oratione facta per uerbum impersonale, antequā
conuertatur reducatur ad rectum & tunc fiat sic conuersio,
sortis inter est disputare. Illæ cuius interest disputare est sor-
tes. Me tedit uiuere. Ille quē tedit uiuere sum ego.

Quarto nullus terminus distribuatur inconuertente qui
non sit distributus inconuerſa, aliter argueretur a pōne su-
terioris ad pōnem inferiores, quæ pſequentia non ualeat: ut
declarabitur tibi in trac. de conſequentiis, sed pro nunc su-
ſtine, ne inuoluaris. Hac de cauſa per conuerſionem simpli-
cem non conuertitur particu. neg. in ſeipſam ſicut cōuertit
particu. affir. nec ulis affirmatiua in ſeipſam ſicut conuertit
uniuerſalis negatiua in ſeipſam, & huius ratio erit tibi mani-
feſta in trac. de ſuppoſitionibus, & in trac. de cōſequentiis.
Pro nunc crede ſic eſſe donec nouitiuſ es.

Quinto tam in conuerſa q̄ in conuertente, teneantur ter-
mini æque amplæ & æque ſtriſtæ, aliter ſi in una teneant
amplæ, & in altera ſtriſtæ, & econuerſo, ſequuntur manife-
ſtiſſimi errores. Hæc autem tibi clara erunt in trac. de am-
pliatiōe & appellatiōe, pro nunc crede ſic eſſe.

Sexto teneantur termini æque ſtriſti ſecundum congrui-
tatem grammatice aliter ſequitur error. Verbi gratia.
Hæc eſt uera. Nullus homo eſt mulier. Hæc autem eſt fal-
ſa, nulla mulier eſt homo, quoniam homo in conuerſa ſtat
pro genere maſculino, inconuertente autem pro genere

comuni, restringatur ergo in conuertente ad genus masculinum, sic, nulla mulier est aliquis homo.

Septimo signum appositum subiecto conuerse, apponatur toti subiecto conuertentis si oportuerit ipsum apponi. Verbi gratia. Quidam homo est albus, ergo quoddam album est homo. Nullus asinus est uolans, nullum uolans est asinus. Dixi si oportuerit ipsum apponi, ut præseruem propositionem conuertendam, cuius prædicatum est terminus discretus: ut hic. Quidam homo est plato, ergo plato est homo: Non enim oportet ly Plato apponi signum quidam, quia est indiuiduum signatum. His igitur seruatis nunquam fiet error in conuersione simplici, & a conuersa ad conuertentem ualebit consequentia. Hæc de puerfione simplici dicta sunt,

Quantum ad conuersionem per accidens duo agenda sunt, primo quid sit, secundo quot obseruanda sunt, ne in ea fiat error.

Quantum ad primum aduerte antequam diffiniatur, quod si ut præcedens species dicitur conuersio simpliciter, quia propositio conuertibilis simpliciter conuertitur per seipsam & non mediante alia: ut hæc per seipsam conuertitur in suam conuertentem. Homo est animal, animal est homo, & hæc, nullus homo est lapis, nullus lapis est homo. In econversione autem per accidens conuersa non conuertitur in suam conuertentem per seipsam sed per aliam, nam oportet sub conuersa facere de sensum, distributiuum ex parte subiecti, deinde aliquam acceptam sub tali de sensu conuerti simpliciter, & mediante ea conuertetur uniuersalis affirmatiua uel negatiua per accidens. Verbi gratia. Omnis homo est animal, ergo hic homo est animal & hic homo, & hic homo &c. ergo per conuersionem simplicem quoddam animal est homo. Sequitur ergo mediante ppositione simpliciter conuersa quod si omnis homo est animal, quoddam animal sit homo. De ergo conuersio per accidens quia uniuersalis affirm. & neg. conuertitur in particularem affirm. & nega. mediante particulari uel singulari, conuersa simpliciter modo quo exposuimus, & sic dicitur conuersio per accidens. i. mediante alia propositione, & non per seipsam.

TRACTATVS TERTIVS

His præpositis aduerte q̄ conuersio per accidens sic definitur. Conuersio per accidens est transpositio prædicati in subiectum & subiecti in prædicatum manente eadem qualitate, sed mutata quantitate, in qua conuertitur affirmatiua in particularem affirmatiua. & negatiua. vniuersalis in negatiua. particularem. Vt omnis homo est animal, ergo quoddam animal est homo, nullus homo est lapis, ergo quidam lapis non est homo.

Primo dicitur transpositio & cætera intelligendum est eadem ratione, qua & in definitione conuersionis simplicis.

Secundo dicitur seruata eadem qualitate sed mutata quantitate: ut differat a conuersione simplici & per contrapositionem, in quibus non mutatur qualitas nec quantitas.

Quantum ad secundum aduerte q̄ in conuersione per accidens: ut sit bona consequentia a conuersa ad conuertentem tria obseruanda sunt.

Primo non fiat transitus a suppositione ad suppositionem sibi repugnantem. Repugnat autem materialis formali, & simplex personali: ut tibi declarabimus in tract. de suppositionibus. Defectu huius, hæc non est bona conuersio. Nullus homo est species, ergo quædam species non est homo. Nam homo in conuersa supponit personaliter & est vera, in conuertente autem supponit simpliciter & est falsa. Vt ergo stet homo in conuertente personaliter conuertatur sic ergo quædam species non est aliquis homo. Signa enim uniuersalia & particularia si sunt eiusdem generis cum termino cui adiunguntur trahunt ipsum ad suppositionem personalem: ut tibi declarabitur loco suo. Pro nunc crede sic esse.

Secundo teneantur termini tam in conuersa quam in conuertente æque ample & æque stricte. Defectu huius hæc conuersio non ualet nullus homo est mulier, ergo quædam mulier non est homo. Nam in conuersa stat homo masculis tantum, in conuertente autem stat pro masculis & foeminis. Vt ergo fiat vera conuersio, & homo in conuertente teneatur pro masculis tantum sicut in conuersa, dicatur sic, ergo quædam mulier non est aliquis homo.

Tertio ut uideas aperte quod conuenienter conuertitur
 uniuersalis affirmatiua in particularem affirmatiuam, & uni-
 uersalis negatiua, in particularem negatiuam, sub uniuersali
 affirmatiua accipe suam subalternam, & eam conuerte sim-
 pliciter, & tunc uidebis q̃uo per conuersionem per accidens
 sequitur ad vlem affir. Ver. gra. omnis homo est animal er-
 go quidam homo est animal, hæc est sua subalterna, & hæc
 sic conuertitur per conuersionem simplicem ergo quoddā
 animal est homo. Ad istam ergo omnis homo est animal se-
 quitur per conuersionem per accidens: quoddam animal
 est homo. Eodem modo intellige de vli negatiua & particu-
 lari negatiua. Nam bene sequitur per conuersionem simpli-
 cem. Nullus homo est lapis; ergo nullus lapis est homo, &
 ad hanc sequitur sua subalterna, s. quidam lapis non est ho-
 mo. Ad istam ergo nullus homo est lapis sequitur per con-
 uersionem per accidens, quod quidam lapis non est homo,
 Hæc de conuersione per accidens dicta sint,

Quantum ad conuersionem per contrapositionem, duo
 agenda sunt. Primo quid sit. Secundo declarandum quomo-
 do uniuersalis affir. conuertitur in seipsam per contraposi-
 tionem & similiter quomodo particu. neg. in seipsam,

Quantum ad primum aduerte quod sic definitur. Con-
 uersio per contrapositionem est transpositio subiecti in præ-
 dicatum, & conuersio, non mutata quantitate nec qualita-
 te propositionum, sed mutatis terminis finitis in terminos
 infinitos; per quam cōuertitur uniuersalis affirmatiua in se,
 & particu. neg. in se.

Primo dicitur transpositio subiecti &c, eadem ratione si-
 cut dictum est in prima & secunda specie.

Secundo dicitur manente eadem quantitate, & qualitate
 propositionum, & in hoc nō differt a conuersione simplici;
 licet differat a conuersione per accidens, ut autem differat a
 conuersione simplici, & per accidens, additur mutatis termi-
 nis finitis in terminos infinitos. Quid autem sit terminus fi-
 nitus, & terminus infinitus uide supra in diuisione septima
 terminorum. Vniuersalis autem affirmatiua sic conuertitur

TRACTATVS TERTIVS

Omnis homo est aīal, ergo omne non aīal est non hō, particu. aūt nega. sic conuertitur. Quidā homo nō est lapis, quīdam nō lapis non est non homo. Dicitur aūt conuersio per contrapositionem, quia termini non solum transmutantur quo ad situm prout subiectum fit p̄dicatum & econuerso. Hoc. n. est cōe omni conuersioni propositionum, sed etiam quo ad significatum. Nam significatum ter. finiti opponitur significato ter. infiniti ut patet ex definitionibus eorum ut docuimus in septima diuisione terminorum. Cōstat igitur quid sit, & quare dicitur conuersio per contrapositionem.

Quantum ad secundum aduerte quod omnis categorica alicuius quantitatis conuertibilis est per aliquam trium specierum conuersionum de quibus nunc agimus, & quoniam per simplicem non conuertitur nisi uniuersalis nega in se & particularis affirmatiua in se, & per conuersionem per accidens non cōuertitur uniuersalis affirmatiua in se sed in particu. affirmatiua, & uniuersalis neg. non conuertitur in se sed in particu. neg. conuertitur autem per conuersionē simplicem, restat conuertere uniuersalem affir. in uniuersalem affir. & particu. neg. in particu. nega. non possunt autem cōuertj per conuersionem simplicem. Constat enim q̄ si uniuersalis affir. conuertitur in seipsam per conuersionem simplicem non ualet consequentia formaliter sed tantum gratia materię puta quando termini sunt conuertibiles, ut patet hic omnis homo est risibilis, ergo omne risibile est hō, absolute autem non ualet, ut patet hic, omnis homo est animal, non sequitur, ergo omne animal est homo. Similiter non ualet p̄ia formaliter si conuertatur particu. neg. in seipsam, sed tantū gratia materię. Verbi gratia licet ualeat hic, Quidam homo non est asinus, ergo quidam asinus non est homo, tamen nō ualet in omnibus. Non. n. ualet hic, quodā animal non est homo, ergo quidam homo nō est aīal. Nam conuersa est uera conuertens aūt est falsa. Necessesse est ergo dare tertiam speciem per quam infallibiliter & uniuersaliter cōuertatur uniuersalis affir. in se, & partic. neg. in se. Hanc aūt inuenit Boetius, ut habemus ex libro suo de syllo

categoricis, quæ dī cōuersio contrapōnē ex cā quā sup̄ra dī
 ximus, & qm̄ Aris. in lib. 1. priorū de ea nō fecit uerbum,
 ideo dicit partic. neg. nō cōuerti, qm̄ nō cōuertit simpliciter
 nec p̄ accēs. Vt aut̄ scias q̄ p̄ contrapōnē conuenienter cō
 uertunt̄ ulis affir. & particu. nega. in seipsas mutatis termi
 nis finitis in ter. infinitos. Et primo q̄ ulis affir. puta oīs hō
 est aīal, uertat̄ in istā, oē non aīal est nō hō, declaratur sic
 omnis hō est animal, ergo nullus homo est nō aīal, nam cū
 animal & non animal contradicant, si animal affirmatur de
 homine, de eo negatur non animal. Tunc ultra. Si nullus hō
 est non animal, ergo p̄ cōuersionē simplicē, nullū non aīal
 est homo. Tunc ultra. Si nullū non aīal est homo, ergo oē
 non animal est non hō. Nā cū hō & non hō cōtradicant. Si
 homo non uerificatur de non animali, de eo uerificatur nō
 homo, ergo ista est bona cōuersio, omnis homo est animal,
 ergo oē non aīal est non homo. Quod aut̄ partic. neg. puta
 quidam hō non est asinus, bene conuertatur in seipsam mu
 tatis ter. finitis in ter. infinitos, sic conuertendo quidam nō
 asinus non est non homo declaratur sic. Quidam homo nō
 est asinus ergo quidam homō est non asinus. Nam ut tibi
 declarabitur in trac. de consequentiis a. negatiua de prædi
 cato finito, ad affir. de p̄dicato infinito ualet consequentia.
 Tunc ultra, quidam homo est non asinus, ergo per cōuer
 sionem simplicem, quidam non asinus est homō. Tunc ul
 tra, quidam non asinus est homo, ergo quidā nō asinus non
 est non hō p̄ locum a. contradictoriis. Bñ ergo sequit̄ p̄ cō
 uersionem p̄ contrapōnem q̄ hæc sit bona cōuersio. Qui
 dam hō non est asinus, ergo quidam non asinus non est nō
 hō. Hæc de cōuersione p̄ contrapōne dicta sint, quā nō tra
 dit nobis Aris. utpote non necessariam ad reductionem syl
 logisimorum. Et p̄terea non ueræ seruat̄ identitas termino
 rum quo ad significatum cum ter. finitus & ter. infinitus ha
 beat̄ opposita significata. Ad formalem autem & p̄fectam
 cōuersionem, requirit̄ q̄ cōuertens & cōuersa sint pro
 positiones participantes utroque termino ordine tamē cō
 uerso & ideo hanc tertiam speciem sic p̄tractasse sufficiat.

TRACTATVS TERTIVS

Ultimo aduerte: quod logici inuenerunt quatuor uocales, quibus designarent ulem affirmatiuam & negatiuam, & particu. affir. & nega. conuertibiles, uocales sunt a, e, i, o, a signat ulem affir. e ulem negatiuā, i particu. affir. o particu. nega. & composuerunt hos uersus declarātes propositum.

Asserit a, negat e, sunt uniuersaliter ambe.

Asserit i, negat o, sunt particulariter ambe.

Ad cognoscendum autem qua specie conuersionis conuertantur, composuerunt hunc uersum.

Ecce, tibi, sim. armi. geros ac. arma. bono. cō.

Et sic exponitur. Sim. i. per conuersionem simplicem conuertitur ecce, id est e in e, id est uniuersalis negatiua in uniuersalem negatiuam, tibi, id est i in i, id est particularis affir. in particu. affir. Ac id est per conuersionem per accidens cōuertitur armi, id est a in i, id est uniuersalis affir. in particu. affirma. geros, id est e in o, id est uniuersalis nega. in partic. neg. con. id est per conuersionem per cōtrapositionem cōuertitur arma. id est a in a, id est uniuersalis affir. in uniuersalem affir. Bono, id est o in o, id est particu. nega. in partic. nega. De indefinita autem & singulari non fit particularis mentio, quoniam eodem modo conuertuntur sicut & particularis tam affirmatiue quam negatiue. Hæc de conuersionibus dicta sint. Et hic terminatur consideratio de propōne categorica de inesse, & de omnibus eius præmissis nouem diuisionibus. Sequitur consideratio de propositione hypothetica, & omnibus eius speciebus.

De propositione hypothetica: & eius
speciebus. Caput tertium.

IN hoc tertio capite agendum est de propositione hypothetica de qua tria agenda sunt. Primo quid sit. Secundo quare dicitur hypothetica. Tertio agendum est de singularibus speciebus eius.

Quantum ad primum aduerte, quod sic definienda est, Propositio hypothetica est propositio in qua coniunguntur plures categoricæ uel plures orationes habentes modum categoricarum coniunctæ per notam coniunctio-

his tanquam principales partes sui.

Primo ponitur propositio loco generis, est enim cōmuniō propositio quam propositio hypothetica. Nam & categorica est propositio, & tamen non est hypothetica. se habet igitur propositio ad propositionem hypotheticam sicut genus ad speciem.

Secūdo dicitur in qua cōiungunt plures categoricæ & c. ad dīam categoricæ, in qua solum coniungunt subiectum, & prædicatum per copulam uerbalem, ut homo est albus.

Tertio dicitur uel plures orationes, quoniam contingit fieri hypotheticam, & præcipue conditionalē per alios modos uerbi quam per indicatiuum, per quem solum sit uera categorica, ut docuimus in cap. præcedenti. Verbi gratia hæc est conditionalis uera. si homo haberet alas, posset uolare, sufficit autem quod istæ orationes asimilentur categoricæ in eo quod habent subiectum prædicatum & copulam ut principales partes sui: & quod reduci possunt ad ueras categoricas sic: si homo habet alas potest uolare.

Quarto dicitur coniunctas per notam cōiunctionis, quia nisi sic coniungerentur, hypothetica nō posset dici una propositio, sed plures simpliciter, sicut hic. fortes est homo. Bruellus est asinus. Dicitur autem propositio coniunctione una. Vnde aduerte quod sicut copula uerbalis uniens prædicatum cum subiecto facit categoricam esse propositionem unam simpliciter. sic nota coniunctionis uniens plures categoricas facit hypotheticam esse propositionem coniunctionem unam.

Quinto dicitur tanquam principales partes sui: ut in hoc formaliter & completiue distinguatur a categorica. Nam partes principales propositionis sunt illæ, in quas primo & immediate resoluitur. Sicut autem categorica primo & immediate resoluitur in subiectum & prædicatū, ita hypothetica primo & immediate resoluit in categoricas cōponētes ipsam uel in orōnes hātes modum categoricarū & illæ in terminos suos, merito ergo dicitur tanquam principales partes sui. Constat igitur tibi quid sit hypothetica propositio.

TRACTATUS TERTIUS

Quantum ad secundum aduerte quod hypothetica est terminus græci idiomatis & latine sonat suppositiua; eo q̄ hypo est sub & thesis positio. Dicitur ergo hypothetica q̄ propositio suppositiua eo q̄ in hypothetica secunda propositio uel oratio supponitur primæ ut sequens ab ea. Nam secunda se habet ad primam sicut consequens ad antecedens, ut patet in ista. Si sortēs est hō, sortēs est aīal. Nā ex eo q̄ est hō sequitur q̄ sit animal: & sic fundatur in prima ideo dicitur supponi. i. poni sub prima per consequentiam ut patet.

Sed dices, ergo sola conditionalis erit hypothetica, quia in ea sola subordinatur secunda primæ, ita q̄ ordinarie id obseruatur de necessitate consequentiæ. Nam in copulatiua nihil refert quæ & categoricis ponatur in primo loco, & quæ in secundo. Verbi gratia sortēs currit & Plato dormit, nihil refert si secunda ponatur in primo loco, & prima in secundo: sic Plato dormit & sortēs currit. Idem intelligende disiunctiua, nihil enim differt si dicatur sortēs uel est homo, uel est asinus; & sic, sortēs uel est asinus uel est homo, ergo sola conditionalis est hypothetica sumendo hypotheticam pro suppositiua.

Respondetur, si consideratur hypothetica quantum ad id cui nomē imponitur, & quantum ad famosum modum loquendi non solum conditionalis sed & copulatiua & disiunctiua, dicuntur hypotheticæ, eo quod in eis coniunguntur plures categoricæ per notam coniunctionis sicut & in conditionali. Si autem consideretur quantum ad id a quo nomen imponitur scilicet a suppositione, tunc sola conditionalis est ueræ & proprie hypothetica, quoniam in ea sola ut obiectio probat consequens, & ea, cui supponitur dicitur antecedens & huius sententiæ uidetur fuisse Boetius qui in libro suo de syllo. hypothetico inquit, propositio uero omnis aut catego. est quæ prædicatiua dicitur aut hypothetica quæ conditionalis uocatur. Et in. 1. lib. topi. suorum inquit. Conditionaliū propōnū quas græci hypotheticas uocāt, partes sunt simplices categoricæ quarū quæ prius est dicitur antecedens, & quæ posterius cōsequēs, & sic cōstat solas con-

ditionales esse ueræ hypotheticas, alias uero magis secundum usum loquendi.

Quantum ad tertium, aduerte quod si teneas hypothetica strictè etiam diximus, non se extendit nisi ad conditionalem expresse, eia enim est proprie suppositiua, eia deas uirtualiter reducuntur ad conditionales, ut causalis & rationalis. Nam in causali prima propositio est antecedens, secunda autem consequens, ut hic. Quia sol est super terram dies est. In rationali similiter, ut hic, sortes est rationale, ergo est homo. Si autè sumas secundum usum famosum sub se continet conditionalem copulatiuam & disiunctiuam, & in his tribus speciebus concordant cõter antiqui & solèniore logici. Quod dico, quoniam ex aliquibus modernis nõ habet determinat⁹ numerus harum spèrum. Nam aliqui ponunt quinque, illis tribus addentes duas. scilicet causalem & temporalem: ut hic quoniam sortes legit, plato dormit. Quia sortes legit, Plato adiscit, aliqui plures. Sed ne te inuoluam nolo singulas recitare. Sufficit tibi quod quæcunque aliæ assignant non sunt ueræ hypotheticæ, sed similitudinariæ præter eas, quæ ad conditionales reducuntur ut causalis & rationalis. Reliquæ autem ut localis, & temporalis & similitudinaria & comparatiua, non possunt dici hypotheticæ nisi quia in eis continentur duæ orationes coniunctæ per aliquam notam coniunctiuam, siue sit aduerbium, siue coniunctio, ut patet in istis. Sortes dormit. ubi Plato comedit, ego dormio quando tu uigilas. Sicut sortes interrogatur, sic respondet, tam bonus est sortes: quàm bonus est Plato. Unde omnes isti dicuntur esse categoricæ distinctæ. nec hypotheticæ sunt nisi per quandam similitudinem, eo quod una non supponitur alteri per modum necessariæ præpositionis: sicut se habent conditionales & reducibiles ad eas ut causalis & rationalis. Sufficit igitur tractare in primis de uero hypothetica, quæ dicitur conditionalis. Deinde de copulatiua & disiunctiua, quæ secundum uniuersalem modum loquendi dicuntur hypotheticæ.

Quantum ad conditionalem tria agenda sunt. Primo quid sit. Secundo quotupliciter sit. Tertio quid requiritur ad eius ueritatem & falsitatem.

TRACTATUS TERTIVS

Quantum ad primum aduerte, quod sic definitur. *Conditionalis est propositio hypothetica, in qua coniunguntur plures categoricæ per hanc conjunctionem si ex quibus categoricis prima dicitur antecedens, secunda autem pñs.*

Primo dicitur propositio hypothetica, quæ est ut genus secundum modum famosum loquendi ad conditionalem & copulatiuam & disiunctiuam.

Secundo dicitur in qua cōiunguntur plures categoricæ, quod est intelligendum formaliter, ut hic si tu curris: tu moueris, uel uirtualiter: ut qñ coniunguntur duæ ofones hñtes modum categoricarū, ut hic, si uenisses ad me, saluasset me.

Tertio dicitur per hanc conjunctionem si, ut ex hoc differat a copulatiua in qua partes coniunguntur per hanc notam et. Et a disiunctiua in qua coniunguntur per uel.

Quarto dicitur, ex quibus prima dicitur antecedens, secunda autem consequens. Nam omnis conditionalis est consequentia. In omni autem consequentia, propositio prima dicitur antecedens, secunda autem consequens, quoniam ordine illationis sequitur ad primam. Nam hæc propositio *Sortes est animal*, sequitur ad istam antecedentem. *Sortes est homo*. Nam bene & necessarie sequitur. si *Sortes est homo*, *Sortes est animal*. Constat igitur quid sit conditionalis. Et aduerte, quod propter ordinem necessarium, quem cognoscimus inter orationes componentes conditionalem reducimur ad eam propositionem causalem & rationalem. Exemplum primi. *Quia sol est in Cancro, dies longi sunt*, exemplum secūdi. *Tu curris, ergo tu moueris*.

Quantum ad secundum aduerte, quod conditionalis potest fieri affirmatiue & negatiue. Affirmatiue quidem quando nota conditionis affirmatur: ut hic, si tu es homo, tu es risibilis, negatiue autem quando ipsa nota negatur: ut hic, non si tu es homo, tu es lapis. Vnde aduerte, quod sicut affirmatio & negatio copulæ uerbalis, facit categoricam affirmatiuam & negatiuam, sic affirmatio & negatio notæ conditionis, facit conditionalem affir. & nega.

Negatiua autem fit tribus modis, primo quando negatio præponitur.

præponitur immediate ipsi notæ, sed non toti conditionali ut hic. Tu es homo non si tu es asinus, secundo quando negatio præponitur toti conditionali, sed non immediate ipsi notæ: ut hic, non tu es homo, si tu es asinus, tertio quando negatio præponitur toti conditionali & immediate ipsi notæ: ut hic non si tu es homo, tu es asinus, & hic est modus ordinarius formandi conditionalem negatiuam.

Affirmatiua uero regulariter fit uno modo, quando: scilicet nota conditionis præponitur toti conditionali: ut hic. Si tu es albus, tu es coloratus.

Quantum ad tertium aduerte quod ueritas conditionalis dupliciter manifestatur primo sic. Ad ueritatem eius requiritur quod antea non possit esse uerum sine consequente. i. quod si ponis antea, ponas consequens: ut hæc est uera. Si tu curris, tu moueris. Nam non potes ponere antecedens quin adsit consequens. Impossibile est enim te currere, si pons te non moueri secundo sic. Ad ueritatem conditionalis requiritur quod oppositum consequentis repugnet antecedenti, ita quod non possunt stare simul antecedens & oppositum consequentis. V. G. hæc est uera, si tu es homo, tu es animal. Nam te esse hominem, & te non esse animal, quod est oppositum consequentis, non se compatiuntur, nam ex opposito infertur oppositum, sicut enim sequitur. Tu es homo, ergo tu es animal, sic ex opposito sequitur. Tu non es animal ergo tu non es homo. Et aduerte quod isti duo modi quibus manifestatur ueritas conditionalis tendunt in idem quo ad sensum. Nam ideo antecedens non potest stare sine consequente in uera conditionali, quia oppositum consequentis repugnat antecedenti. Et ratio dictorum est, quia condicionalis est consequentia: ut declarabitur in trac. de consequentiis. Quæ ergo requiruntur & sufficiunt ad ueram consequentiam, requiruntur & sufficiunt ad ueram conditionalem. Ad ueram autem consequentiam: ut tibi declarabitur in principio trac. de consequentiis, oportet quod oppositum consequentis repugnet anti, id hæc est uera, tu es homo ergo tu es animal. Nam hæc duo repugnant, tu es homo, & tu non es animal. Hæc autem est falsa. Tu es homo, ergo tu

es Papa, Stat enim quod tu non sis Papa, & tamen quod sis homo. Cum igitur uera conditionalis sit consequentia uera eadem requiruntur & sufficiunt in utraque.

Falsitas autem conditionalis modis oppositis manifestatur. Primo sic, ad falsitatem conditionalis requiritur q̄ antecedens possit esse uerum sine consequente idest q̄ stet antecedens etiam q̄ remoueatur consequens, & ponatur eius oppositum. V. G. hæc est falsa. si tu es homo tu es iustus, stat enim q̄ tu sis homo, & non sis iustus. Secundo sic & reddit in idem quo ad sensum. Ad falsitatem conditionalis requiritur & sufficit, q̄ oppositum consequentis non repugnet antecedenti. Vnde hæc est falsa. Si tu es homo, tu sedes. Nam hæc duo non repugnāt, tu es homo, & tu non sedes & ratio quidem horum est, quia ut diximus conditionalis est consequentia. Ad consequentiam autem falsam ut uidebis in tracta. consequentiarum in principio sufficit quod oppositum consequentis stet cum antecedente. Constat igitur quid requiratur & sufficiat ad ueritatem & falsitatem conditionalis. Quot modi autem arguendi tam boni quam mali trahantur a condicionali manifestabitur tibi in tractatu de consequentiis, ubi de hoc particulariter tractabimus.

Pro nunc ut nouitius sustine.

Ex omnibus prædictis sequuntur ex communi sententia logicorum duo correlaria quorum primum est quod non oportet in specie considerare de possibilitate & impossibilitate: nec de necessitate & contingentia conditionalis, quoniam sub uera continetur necessaria & possibilis, sub falsa autem continetur impossibilis, nulla uero est contingens. dicitur enim quod omnis uera est necessaria, ex consequenti possibilis, & omnis falsa impossibilis, ex consequenti non contingens, ut declarabitur tibi in cap. de modalibus. Ut autem scias quomodo omnis uera est necessaria, aduerte q̄ nō est necessaria quia scilicet antecedens sit necessarium & consequens similiter ut hic. Si homo est animal, est animatus. Nam potest antecedens esse possibile & consequens similiter, & esse contingens, & consequens similiter, & antecedens

impossibile & consequens similiter, & tamen conditionalis erit uera & necessaria, exemplum primi si sortes est iustus, delectatur iustitia, exemplum secūdi, si sortes sedet quiescit, exemplum tertii, si sortes est asinus est rudibilis. Oēs istæ sunt ueræ, quia non stat antecedens sine consequente ut patet, & tamen nec antecedens nec consequens sunt necessaria in se. sed dī necessaria ex infallibili sequella consequentis ex antecedente. Nam ex antecedente siue necessario siue possibili siue contingenti siue impossibili necessitate illationis sequitur consequens, at stante hoc antecedente tu curris, necessario sequitur, ergo tu moueris. Constat ergo in quo sensu omnis uera conditionalis est necessaria. ex cōsequenti est possibilis. Nam possibile altum sequitur ad necesse, sicut genus ad speciem. Quid autem sit possibile altum, declarabimus in ca. de modalibus: pro nunc sustine. Quomodo autē omnis falsa sit impossibilis, aduerte, q̄ non dī impossibilis impossibilitate antecedentis aut consequentis. Stat enim antecedens & consequens esse impossibilia. s. sortes est asinus & sortes est rudibilis & tamen hæc conditionalis est uera. si sortes est asinus, sortes est rudibilis. Dī igitur omnis falsa impossibilis, quoniā cum omnis uera sit necessaria: modo quo oppositum est, & falsa opponatur ueræ, oportet ipsam esse impossibilem, quoniam si dantur duo opposita, puta sortē esse asinum, & sortem esse hominem si unum est necessariū puta sortem esse hominem alteræ est impossibile puta sortē esse asinum. Nam impossibile directe opponitur ipsi necesse ut tibi declarabit in cap. de modalibus. Cum igitur pbatū sit omnem ueram esse necessariam, & falsa opponuntur ueræ sequitur q̄ si uera sit necessaria, falsa sit impossibilis ex consequenti nulla est contingens. Nam ut dictum est, omnis uera est necessaria, omnis falsa est impossibilis.

Hinc patet ueritas illius vulgatissimi dicti. Conditionalis uera nihil ponit inesse. Nam dato quod conditionalis sit uera ex necessaria sequella consequentis ex antecedente, non sequitur antecedens & consequens poni in rerum natura, puta, licet sit uerum dicere. si tu es Papa, tu es Vi-

carius Dei, tamen non sequitur de facto, te esse Papam, aut uicarium Dei. Hæc de hypothetica conditionali dicta sint.

Quantum ad copulatiuā tria agenda sunt. Primo quid sit secundo quotuplex sit, tertio quid requiratur ad eius ueritatem, & falsitatem, & possibilitatem & contingentiam & impossibilitatem.

Quantum ad primum aduerte, q̄ sic definitur. Copulatiua est propositio hypothetica, in qua plures categoricæ, uel orationes habentes modum categoricarum coniunguntur per notam copulationis &, aut sibi æquiualentem.

Primo dicitur propositio hypothetica &c. usq; ibi, coniunguntur, quod totum intelligendum est sicut in definitione conditionalis.

Secundo dicitur per notam copulationis, & ut in hoc distinguatur condicionali & disiunctiua, in quarum altera coniunguntur plures categoricæ per si: & in altera per uel. Item ut distinguatur a categorica de subiecto aut prædicato copulato. Pro cuius notitia aduerte q̄ nota copulationis pōt teneri copulatiuæ & copulatiuæ. Tenetur copulatiuæ quādo mediat inter terminos, ut hic, sortes & plato sunt amici, copulatiuæ autem quando mediat inter propositiones, ut hic, sortes scribit & plato dormit ad hoc ergo q̄ nota copulationis constituat hypotheticam copulatiuam, oportet, ut mediet inter propositiones. Tu tamē aduerte quod nota copulationis accepta copulatiuæ pōt teneri diuisiuæ & collectiuæ, si diuisiuæ, categorica de extremo copulato æquipollet uni copulatiuæ ueræ quia pōt resolui in duas categoricas cōiunctas per &, ut hic, sortes & plato currūt, ergo sorte currit, & plato currit, si collectiuæ. Non pōt æquipollere uni copulatiuæ ueræ, et resoluitur, utraq; categorica erit falsa, ut hic, sortes & plato trahunt nauem, supposito quod neuter per seipsum sufficiat, sed ambo simul & non aliter sufficient.

Quarto dicitur, & sibi æquiualentem, qm̄ non solum ly &, sed etiam ly q̄, & ly atq;, constituunt copulatiuam æquipollentem enim apud grammaticum & logicum. Cōstat igitur

quid sit copulatiua,

Quantum ad secundum aduerte, q̄ copulatiua diuiditur in affirmatiuam, & negatiuam, & utraque diuiditur in ueram & falsam. Item diuiditur copulatiua in necessariam & impossibilem, impossibilem & contingentem, & de omnibus in specie sic accipe.

Copulatiua affirmatiua est in qua nota copulationis affirmatur, ut hic. Sortes currit & plato disputat.

Negatiua est in qua nota copulationis negatur, ut hic, non sortes currit, & plato disputat. Tu tamen aduerte q̄ negatiua fit duobus modis, primo quando præponitur toti copulatiuæ, ut hic, non tu curris & comedis, & hic est modus famosus & consuetus, secundo ponitur post primam categoricam sed ante copulam, ut hic. Tu curris non & tu comedis, sed istæ modus non est in usu, ideo standum est in primo.

Copulatiua affirmatiua uera est illa, quæ requirit utranq̄ partem principalem ueram, ita q̄ non sufficit unam esse ueram, ut hic. Sortes est homo, & sortes est risibilis. Hæc autem non est uera. Sortes est homo, & plato est asinus, qm̄ secunda pars non est uera, & ratio huius est. Quia sicut totum essentiale se habet ad existentiam, sic copulatiua affirmatiua uera ad ueritatem. Sed ad existentiam totius essentialis oportet omnes suas partes esse, q̄ si una deficit, desinit esse totum, uelut de homine, cuius partes essentielles sunt anima & corpus unitæ, ergo ad ueritatem copulatiuæ affirmatiuæ ueræ, requiritur utranq̄ partem principalem esse uerā, & si una deest, non permanet ueram.

Sed aduerte q̄ dicitur copulatiua affirmatiua uera, ad differentiam negatiuæ ueræ, ad cuius ueritatem sufficit unam partem esse ueram. Nam hæc est uera. Non tu es homo, & tu es asinus. Et q̄ sit uera probatur sic. Sua affirmatiua est falsa. Tu es homo, & tu es asinus, ergo negatiua est uera, qm̄ sunt duæ copulatiuæ singulares contradictoriæ. Contradictoriarum autem oportet alteram esse ueram, & alterā falsam, ut docuimus in capi. præcedenti.

T R A C T A T V S T E R T I V S

Copulatiua affirmatiua falsa est illa cuius utraq[ue] pars principalis uel saltem altera est falsa, ut hic. Sortes est asinus est & est rudibilis. Vtraq[ue] pars est falsa, & hic sortes est homo, & est asinus.

Sed dices propter quid ad ueritatem copulatiuæ affirmatiuæ, oportet utraq[ue] partem esse ueram, ad falsitatem autē sufficit unam esse falsam.

Respondetur; quia plura requiruntur ad construendum quam destruendum. Nam ad hoc quod homo sit sanus: oportet omnes humores esse adæquatos, ad hoc autem quod ægrotet, sufficit unum in adæquari affirmatiua autem uera, est sicut totum cōstructum, negatiua aut ut destructum & ideo ad eius constructionem ueram, oportet omnes partes esse ueras, ad destructionem autem, sufficit unam deficere a ueritate.

Copulatiua autem negatiua falsa est illa in qua utraque pars est falsa, ut hic. Non sortes est homo, & est risibilis, & non sufficit unam partem esse falsam, quoniam iam diximus quod ad copulatiuam negatiuam ueram: sufficit unam partem esse ueram, ut hoc non tu es asinus, & tu es homo.

Copulatiua necessaria est illa, cuius utraque pars principalis est necessaria, ut omnes copulatiuæ factæ in materia naturali, ut hic homo est rationalis, & est risibilis.

Copulatiua impossibilis est illa, cuius utraque pars est impossibilis, & sunt omnes copulatiuæ factæ in materia remota ut hic, sortes est asinus, & est rudibilis. Aduerte tamē quod sicut ad falsitatem copulatiuæ affirmatiuæ sufficit partem unam esse falsam, sic & ad impossibilitatem sufficit unā partem esse impossibilem. Vnde hæc est impossibilis, sortes est homo, & sortes est asinus.

Copulatiua possibilis est illa, cuius utraque pars est possibilis, ut tu sedes, & tu dormis, nec sufficit unam partem esse possibilem, quoniam si altera esset impossibilis, iam diximus, quod copulatiua esset impossibilis, ut hic. Tu sedes, & tu uolas.

Copulatiua contingens est illa, cuius saltem una pars est contingens, & altera non est impossibilis, nec alteri incon-
possibilis. Defectu primæ conditionis, hæc non est contin-
gens sed necessaria. Sortes est homo, & est rationalis. Defe-
ctu secundæ, hæc non est contingens sed impossibilis, sor-
tes est albus, & est asinus. Defectu tertiæ hæc non est con-
tingens sed impossibilis. Tu es, & tu nō es, licet enim sit con-
tingens te esse, quia potes non esse, & te non esse quia potes
esse, tamen simul te esse & non esse, non est contingens, im-
mo impossibile, cum sint contradictoria quæ impossibile est
esse simul uera. Hæc de copulatiua dicta sufficiunt.

Quot modis autem possumus arguere in copulatiua, dice-
mus in tractatu de consequentiis in capit. de hypotheticis
consequentis.

Quantum ad disiunctiuam tria agenda sunt. Primo quid
sit. Secundo quod duplex sit. Tertio quid requirit ad ueritatē
eius & falsitatem, & necessitatem, & impossibilitatē, & pos-
sibilitatem & contingentiam.

Quantum ad primum sic definitur, hypothetica disiuncti-
ua est propositio, in qua coniunguntur plures categoricæ p
hanc coniunctionem uel aut sibi consimilem, ut sortes est ho-
mo uel est asinus.

Primo dicitur propositio in qua &c. quod intelligen-
dum est sicut in aliis definitionibus datis de conditionali &
copulatiua.

Secundo dicitur per hanc coniunctionem uel, ad differē-
tiam conditionalis, cuius nota coniunctionis est si, & copula-
tiuæ, cuius nota coniunctionis est &.

Tertio dicitur aut sibi consimilem. quoniam nota disiun-
ctionis apud grammaticos non solum est uel, sed aut, & si
quid aliud æquipollet.

Sed hic dubium, quia non uidetur ly uel contingere ca-
tegoricas sed potius disiungere, aliter deberet dici proposi-
tio hypothetica coniunctiua & non disiunctiua. Præterea
quod non coniungat sed disiungat signum sumitur ex eo
quod uera & propria disiunctiua sit de partibus impossibi-

TRACTATUS TERTIVS

libus, ut hic. Vel tu es sanus, uel tu es æger. Vel tu es cæcus, uel tu es uidens. Quod si fiat de partibus composibilibus, non est propria, ut hic, tu es homo uel tu sedes, ergo & cætera.

Ad hoc respondetur communi sententiæ, quod inter conjunctiones, quædam coniungunt sensum & terminos siue propositiones, quales sunt conjunctiones conditionales & rationales & causales & copulatiuæ & istæ constituunt primam & secundam speciem hypotheticæ. Quædã autem coniungunt solum uoces aut terminos aut propositiones, sed disiungunt sensum ac significatum, & tales sunt *ly* uel aut & cætera. Obiectio quidem cõcludit, quo ad significatum, non autem quo ad uoces aut ter aut propositiones & cætera. Et aduerte quod dico quo ad uoces & terminos, ut includam disiunctiuam in uoce in mente in scripto.

Aduerte etiam quod sicut diximus notam copulationis teneri aliquando copulatim aliquando copulatiue, sic & cõiunctio disiunctionis aliquando tenetur disiunctim, aliquando disiunctiue. Disiunctim quidem quando ponitur inter prædicatum aut subiectum. Exemplum primi. Sortes est homo uel asinus. Exemplum secundo. Sortes uel plato currit, & hæc dicitur categorica de extremo disiuncto, quæ aliquando potest resolui in unam disiunctiuam, ut hic. Sortes uel plato scribit. Nam bene sequitur, sortes scribit, uel plato scribit, aliquando autem non, ut hic sortes uel plato trahunt nauem, non enim sequitur quod sortes trahat nauem, aut plato trahat nauem, supposito quod neuter diuisim sufficiat. Disiunctiue autem tenetur quando est nota inter duas propositiones categoricas, ut hic, plato currit aut plato quiescit. Constat igitur tibi quid sit hypothetica disiunctiua.

Quantum ad secundum aduerte, quod disiunctiua diuiditur in affirmatiuam & negatiuam, in ueram & falsam in necessariam & impossibilem, impossibilem & contingentem. Exemplum de affirmatiua, tu es homo uel asinus. De negatiua. Nō tu es homo uel asinus. De uera, tu curris uel quiescis.

De falsa, tu es asinus uel rudibilis. De necessaria, deus est uel sortes mouetur, de possibili sortes est asinus, uel tu es papa de impossibili. Vel deus non est, uel tu asinus, de contingencia. Antichristus est albus, uel tu curris. Verum non sufficit & exemplaria sed de singulis in specie agendum est, ut dicemus in immediate sequentibus.

Quantum igitur ad tertium aduerte quod disiunctiua affirmatiua est illa in qua nota disiunctionis affirmatur, ut tu es homo uel tu es asinus.

Negatiua est illa in qua nota disiunctionis negatur, negatur autem si cadit negatio super illam ut hic. Non tu es homo, uel tu es asinus, potest autem cadere dupliciter super illam, primo quando præponitur toti disiunctiue ut hic. Non tu es homo, uel tu es asinus, secundo quando postponitur præmax categoricæ, sed præcedit notam disiunctionis, ut hic. Sortes est asinus non, uel est homo. Sed primus modus est ordinarius & clarius ideo sequere illum.

Vera est illa, cuius una pars est uera, & alia falsa, ut sortes est homo, uel est asinus, & hæc est propria. Nam cum nota disiunctionis habeat disiungere significatum, & coniungere propositiones siue uoces aut terminos, si utraque pars esset uera, non disiungeret significatum, ut patet hic. Vel tu es homo, uel tu es risibilis, æquipollet enim copulatiue ueræ scilicet tu es, & tu es risibilis, & ideo tenendum est quod ad ueram & propriam disiunctiuam, oportet partem unam esse ueram, & aliam falsam. Si autem utraq; sit uera, erit disiunctiua uera quo ad modum pronunciandi sed non propria, quo ad significatum.

Falsa est in illa, cuius utraque pars est falsa. Nam si una est falsa, & alia uera, iam diximus quod disiunctiua esset uera & propria. Ut ergo distinguatur falsa a uera, cum sit ei opposita, oportet utraq; partem esse falsam. Vnde hæc est falsa. Sortes est asinus, uel habet alas.

Necessaria est illa, cuius utraque pars est necessaria, uel saltē una, exemplū primi. deus est, uel homo est animal exemplum secundi. deus est, uel sortes mouetur. Licet enim

TRACTATUS TERTIVS

una pars sit necessaria, & altera contingens, tamē denominatur a digniori & ueriori, quæ est necessaria.

Posibilis est illa, cuius utraq; pars est possibilis, ut fortes est albus, uel Plato currit. Nota tamen quod sufficit unam partem esse possibilem, ut hic, Antichristus est, uel homo est asinus. nam ista uel est impossibilis, uel possibilis, non impossibilis, qm̄ ut dicemus ad impossibilem oportet utraq; partem esse impossibilem, ergo est possibilis.

Contingens est illa cuius utraque pars est contingens, ut fortes est albus, uel ipse scribit, & ad cognoscendum disiunctiuam contingentem datur hæc regula. si copulatiua facta de partibus oppositis partibus disiunctiue est contingens, disiunctiua est contingens. Verbi gratia. Hæc est contingens tu curris uel tu non moueris. tumatur oppositum de ly tu curris scilicet tu non curris, & oppositum de ly tu non moueris scilicet tu moueris, & formetur hæc copulatiua. Tu non curris, & tu moueris. Patet quod est contingens, quoniam contingit te non currere, & tamen moueri, ut quando simpliciter ambulas, ergo & hæc disiunctiua est contingens. Tu curris, uel non moueris. Hæc de disiunctiua dicta sint, & per consequens de omnibus speciebus famosis propositionis. hypotheticæ. Quomodo autem & quot modis liceat arguere a disiunctiua, manifestabitur tibi in tractatu de consequentiis.

De propositione categorica modali.

Caput quartum.

IN cap. quarto agendum est de propositione modali categorica & hic sex agenda sunt. Primo in quo distinguit categorica modalis a simplici categorica secundo per quos & quot modos fit apud logicum uera & propria propositio modalis. Tercio quid sit. Quarto quot fiant. Quinto quomodo sumuntur in eis quatuor genera oppositionum. sexto de clarabitur hæc distinctio famosa. Modalium alia est de sensu diuiso alia de sensu composito.

Quantum ad primum aduerte, quod simplex categorica est illa, in qua simpliciter & sine limitatione aut alterius termini appositione prædicatum dicitur de subiecto, siue sic de secundo uel de tertio adiacente, exemplum primi. Deus est, homo est, cœlum est, exemplum secundi. Deus est iustus, homo est animal, cœlum est incorruptibile, & huiusmodi categoricæ dicuntur de inesse. quoniam sunt de simplici inhærentia prædicati ad subiectum. Categorica modalis est illa in qua prædicatur prædicatum de subiecto cum adiectione termini adiectiui determinantis substantium, uel oppositione aduerbii ad ipsum uerbum. Nam sicut adiectiuum determinat substantium, sic aduerbium determinat actum uerbi exemplum primi, homo albus currit. Nam currere non dicitur de homine simpliciter sed de homine sic determinato scilicet per album, exemplum secundi fortes currit uelociter, currere prædicatur de forte non simpliciter & qualitercunque sed cum uelocitate. Dicitur ergo modalis a tali determinatione uel limitatione: quæ apud logicum dicitur modus. Vnde sic definiri consuevit. Modus est adiacens rei determinatio, id est modus est limitatio siue restrictio apposita rei, id est substantiuo, quæ limitatio fit per adiectiuum, ut homo iustus dominatur, homo fortis defensat patriam. Quotuplex ergo est adiectiuum, totuplex est modus. Adiectiuum autem est duplex scilicet nominis & uerbi: Adiectiuum nominis est omne nomen adiectiuum adiacens nominis substantiuo ut bonus deus, bonus homo, fortis æquus alba uestis. Adiectiuum uerbi, est aduerbium adiacens uerbo in oratione. Vt fortes hodie uenit fortes bene currit.

Sed aduerte, quod aduerbia quatuor modis modificant & determinant uerbum. Primo gratia compositionis, id est indicant qualiter uerbum componat prædicatum cum subiecto, utrum scilicet necessario uel contingenter uel possibiliter uel ueræ uel falsæ. Et sic per huiusmodi aduerbia qualificatur propositio, ut dicatur necessaria uel contingens & possibilis &c.

secundo modificat & determinat uerbum, gratia rei uerbi, id est significati, ut aduerbia qualitatis, ut dicendo fortes uelociter currit, signatur quod cursus qui importatur p uerbum curro. Non est qualiscunq, sed uelox.

Tercio modificat uerbū gratia tēporis, & est quando significat actum uerbi sub differentia tēporis determinati, ut hodie legam in uespere cras disputabo in mane.

Quarto modificat uerbum gratia modi, ut aduerbia hortandi ut eya aduocata nostra adiua nos, quædam gratia optandi ut utinam audias me, & horum quatuor modorum ratio hinc sumitur. Verbum quatuor modis consideratur. primo ut designat compositionem prædicati cum subiecto, propter quod dicitur copula apud logicum, & ut sic aduerbium determinat uerbum, gratia compositionis prædicati cum subiecto. secundo ut signat actum suum. Et ut sic determinat uerbum aduerbia qualitatis, quarto ut significat cum tpe ad differentiam nominis, ut docuimus in trac. secundo & ut sic determinat uerbum, aduerbia tēporis quarto ut notat actum suum cum determinato modo, puta per modum imperantis ut hortantis aut desiderantis, cōminantis aut miserentis, & ut sic determinat uerbū aduerbia imperandi hortandi optandi miserendi, cōstat igitur quō differat simplex categorica a categorica modali, & quid sit modus, & quō adiectiuum est modus substantiui, & aduerbium modus uerbi, & quot modis aduerbia determinat uerbum.

Quantum ad secundum aduerte, quod apud logicum tantum isti sex modi constituunt propositionem modalem scilicet necessario contingenter possibiliter impossibiliter ueræ & falsæ, qui possunt accipi nominaliter sic, necesse contingens, possibile impossibile uerum falsum, possunt etiam sumi adverbialiter ut necessario contingenter, tamen sumpta nominaliter consueto modo & proprie constituunt propositionem modalem. Quomodo igitur soli isti sex apud logicum constituunt propositionem modalem, omnes alii relinquendi sunt siue sint nomina adiectiua siue aduerbia.

Sunt enim magis deseruientes grammatico quam logico

Præterea tantum ista sex determinant uerbum gratia compositionis prædicati cum subiecto, ut diximus supra. Cum igitur ad logicum spectet considerare de propositione, pro ut ex ea componitur syllogismus, eius est considerare quomodo isti modi constituunt & qualificant propositionem. Item aduerte quod licet uerum & falsum, annumerentur inter istos sex modos, tamen relinquentur, quoniam oppositio & æquipollentia propositionum quæ per eos constituuntur, sit eodem modo sicut in categoricis de inesse, ut tibi declarabitur in cap. v. Nostra igitur intentio uersabitur circa hos quatuor necesse contingens possibile impossibile.

Quantum ad tertium aduerte, quod sic definitur. Propositio modalis est propositio categorica, quæ proprie & usitate modificatur aliquo istorum quatuor modorum, qui sunt necesse contingens possibile impossibile, ut sortem currere est contingens, uel forte currit contingenter.

Primo dicitur quod est propositio categorica, quoniam habet subiectum prædicatum, & copulam tanquam partes principales sui. Quod patet quoniam fit per modum sumptum aduerbialiter, ut sortes est homo necessario. Nam sortes est subiectum, homo prædicatum, copula est, necessario autem neque subiectum neque prædicatum neque copula sed modus signans hanc esse necessariam. Sortes est homo. Idem patet si fiat per modum sumptum nominaliter ut hic, sortem currere est contingens. Nam infinitiua ideo est subiectum, contingens prædicatum, est copula. Secundo dicitur quæ proprie & usitate fit aliquo istorum quatuor modorum, ad differentiam earum quæ fiunt per hos modos uerum & falsum, & ad differentiam earum quæ fiunt per hos modos, per se & per accidens, ut hic homo est animal per se, sortes currit per accidens. Nam licet prima æquipolleat modali de necesse, & secunda modali de contingenti, tamen sunt formaliter modales. Et quidem quod æquipolleant patet hinc, si homo est animal per se, ergo necesse est ipsum esse animal, si sortes currit per accidens, ergo contingens est ipsum currere. De illis autem quæ fiunt per hos modos uerum & falsum, non est curandum, quoniam

TRACTATUS TERTIVS

relinquendi sunt ratione supra dicta.

Quantum ad quartum aduerte, quod si isti quatuor modis sumantur nominaliter quilibet eorum facit quatuor propositiones modales, & sic in summa fiunt quater quatuor. i. sexdecim. Pro cuius notitia aduerte tria primo quod omnis modalis facta per modum nominaliter sumptum constat ex dicto & modo. Modus quidem tibi iam manifestus est, ut necesse possibile contingens impossibile. Dictum autem est oratio infinitiua. V. G. sortem currere est contingens ly sortem currere est dictum, ly contingens est modus, secundo aduerte quod licet dictum possit subiici. i. poni pro subiecto, & modus prædicari. i. poni pro prædicato & etiam econuerso: ut patet hic, sortem currere est contingens. Contingens est sortem currere, tam ordinarie modus debet prædicari, & dictum subiici, dummodo fiat modalis de sensu composito. Nam sicut se habet copula in categorica de inesse sic modus in categorica modali. Constat autem quod in illa se tenet copula a parte prædicati. Vnde Aristoteles in primo perihermenias postquam definiuit uerbum inquit. Et semper est eorum quæ de altero prædicantur nota. Ergo & modus in modali debet se tenere a parte prædicati. Dixi dummodo fiat modalis in sensu composito: quoniam ut declarabimus quando fit in sensu diuiso melius est ut mediet inter partes dicti, ut hic album possibile est esse nigrum.

Tertio aduerte, quod quilibet modus potest facere quatuor propositiones, quarum prima erit affirmatiua de dicto & de modo ut sortem currere est contingens. secunda erit negatiua tantum de dicto, ut sortem non currere est contingens, tertia erit negatiua tantum de modo: ut sortem currere non est contingens, quarta erit negatiua de dicto & de modo, ut sortem non currere non est contingens eodem modo formabis quatuor de possibili, & quatuor de necesse, & quatuor de impossibili, & sic omnes simul sumpte erunt.

Sed dices. si dictum debet subiici & modus prædicari, quare Aristoteles in libro secundo perihermenias sic situat modales, quod modus semper subiicitur, & dictum prædi-

catur. Sic enim ordinat eas possibile est sortem currere possibile est sortem non currere &c.

Respondetur secundum uerum ordinem debet modus prædicari ratione iam dicta. Aristoteles autem in. 2. perihermenias non tantum attendit ad uerum ordinem quantum ad declarandum oppositiones inter modales. Oppositio autem clarius & citius deprehenditur si modus subiiciatur. Nam fit oppositio per negationem additam modo & non dicto, ut iste due possibile est sortem currere. Nam possibile est sortem currere opponuntur. Hac igitur de causa Arist. situat modum in subiecto & dictum in prædicato.

Quantum ad quintum aduerte, quod sic in categoricas de inesse quædam sunt contrariæ quædam subalternæ, quædam cōtradictoriæ, quædam subalternæ: sic & in modalibus. Sed ualde differenter. Nam in categoricis fit oppositio per signa uniuersalia & particularia apposita subiectis, & propter negationē. V. G. ratione ly omnis, & ratione ly nullus iste due sunt cōtrariæ, omnis homo currit, nullus homo currit. Sed in modalibus non fit oppositio per signa, sed per modos qui correspondent signis. Vnde aduerte quod possibile & contingens correspondent ly quidam, & possibile non, & contingens non, correspondent ly quidam non. Propter quod sicut istæ sunt duæ particulares subcontrariæ de inesse. Quidam homo currit, quidam homo non currit. Sic istæ sunt duæ particu. subcōtrariæ modales. Possibile est sortem currere, possibile est sortem non currere. Necesse uero, correspondet omni, & impossibile nulli. Vnde sicut in illis de inesse, istæ duæ sunt contrariæ. Omnis homo est albus, & nullus homo est albus, sic in modalibus istæ duæ sunt contrariæ. Necesse est hominem currere, impossibile est hominem currere. Habitis subcontrariis, & contrariis modalibus facile est habere contradictorias & subalternas. Nam sicut in illis de inesse istæ sunt contradictoriæ, omnis homo currit, quidam homo non currit. Nullus homo currit, quidam homo currit, sic in modalibus istæ contradicunt sortem non currere non est possibile. Sortem non currere est


TRACTATVS TERTIVS

possibile, sortem currere non est possibile, sortem currere est possibile. Et sicut in illis de inesse iste sunt subalternæ omnis homo currit, quidam homo currit. Nullus homo currit, quidam homo non currit, sic in modalibus, iste sunt subalternæ sortem non currere non est possibile, sortem currere est possibile, sortem currere non est possibile. sortem non currere est possibile.

Sed dices, ista assignatio contradictoriarum & subalternarum uideretur discordare ab immediate supradictis. Nam assignatæ sunt contrariæ per propõnem de necesse esse & per propõnem de impossibile esse ergo & contradictoriæ assignandæ sunt per eandem, ut. s. dicatur quod propositio de necesse esse, & propositio de possibile non esse contradicunt similiter propositio de impossibile esse, & de possibile esse contradicunt, eodem modo assignandæ sunt subalternæ. Hic autem quatuor genera oppositionum assignata sunt, solum secundum quatuor propositiones de possibili, ut patet, ergo assignatio ista discordat a supradicta.

Respondetur, licet discordet in terminis non tamen in sensu. Nam tota negatiua de possibile æquipollet toti affirmatiuæ de necesse, ut si non est possibile sortem non currere, necesse est ipsum currere, negatiua autem de modo æquipollet toti affirmatiuæ de impossibili. Nam sortem currere non est possibile, ergo sortem currere est impossibile. In sensu ergo præsens assignatio, non discordat prædicta. In terminis autem uoluimus discordare, ut seruaremus naturam oppositarum propositionum. Dictum est enim in assignatione quatuor generum oppositionum in categoricis de inesse, quod omnes propositiones oppositæ tam contrariæ, quam subcontrariæ, tam contradictoriæ quam subalternæ debent esse eiusdem subiecti & eiusdem prædicati. Et ideo ut id seruaretur immodalibus assignauimus quatuor genera oppositionum, iuxta quatuor propositiones de possibili, quarum tota negatiua æquipollet toti affirmatiuæ de necesse ut diximus, & negatiua de modo, toti affirmatiuæ de impossibili. Ut igitur præ oculis habeas quatuor oppositionum

sitionum genera in modalibus. proportionata quatuor generibus oppositionum in categoricis de inesse formauimus figuram sequentem.



Hæc de quatuor generibus oppōnū in modalibus dicta ſint.

Quantum ad ſextum aduerte, quod apud logicos & ī doctrina periparetica. Modalis eſt duplex. Vna in quatuor de ſenſu compoſito: altera de ſenſu diuiſo: differunt autem primo in modalī de ſenſu compoſito. modus aut p̄ponitur aut poſtponitur toti dicto ut hic album eſſe nigrum eſt poſſibile: uel ſic: poſſibile eſt album eſſe nigrum: & ut appareat eius ueritas uel falſitas: debet reſolui oratio infinitiua in indicatiuam ſic. Hæc præpoſitio eſt poſſibilis: album eſt nigrum & ſic ſtatim apparet q̄ eſt falſa: quoniam oppoſita eſſent in eodem ſcilicet albedo & nigredo, in modalī autem de ſenſu diuiſo. Modus nec præponitur nec poſtponitur dicto: ſed mediat inter partes dicti: ut hic album poſſibile eſt eſſe ni-

TRACTATUS TERTIVS

grum: & sic exponitur. Res quæ est alba: potest fieri nigra uel denigrari, & sic est uera: nam res quæ hodie est alba, potest amittere albedinem: & recipere nigredinem. secundo differunt, quia modalis de sensu composito debet tota siue discontinuitate proferri, ut scilicet non fiat pausa inter partes dicti, nec interdictum & modum, sed continuetur prolatio sic, album esse nigrum est possibile. Ea autem quæ est de sensu diuiso, proferri debet condiscontinuatione ut scilicet proferatur subiectum dicti, & in eo fiat punctum, deinde proferatur modus cum copula & reliquo dicti, ut hic, album possibile est esse nigrum. Tertio differunt, quoniam in ea de sensu composito, subiectum dicti stat pro re & pro forma sibi inhærente, id est ut est sub forma a qua denominatur, puta in ista. Album esse nigrum est possibile, stat ly album pro re ut in se habet albedinem. In sensu autem diuiso stat solum pro re ut potest esse sub forma puta in ista. Album potest esse nigrum, ly album stat pro re non in quantum est alba, sed pro re in se considerata, quæ potest esse sub albedine & nigredine non simul sed diuisum. Quarto differunt quia omnes modales factæ de dicto, cuius subiectum & prædicatum denominatur a formis oppositis, ut hic, calidum esse frigidum est possibile, in sensu composito sunt falsæ, quoniam impossibile est oppositas formas inesse eadem coniunctim. In sensu autem diuiso sunt ueræ, quoniam non inconueniunt eidem inesse oppositas formas diuisim siue successiue. Si autem fiant de non oppositis in utroque sensu possunt esse ueræ. Nam sumpta re frigida puta niue, si formetur talis conditionalis in sensu composito, frigidum esse album est possibile, est uera: quoniam non repugnat rei frigide ut est sub frigiditate esse album simul, ut patet de niue, & multis lapidibus, si etiam formetur in sensu diuiso erit uera, sic dicendo, frigidum possibile est esse album, quoniam non repugnat rei potenti esse frigidam, post frigiditatem recipere albedinem. Vnde solas modales factas de oppositis formis oportet distinguere per sensum compositum & diuisum, quoniam in uno sunt ueræ in alio falsæ, factas autem de non oppositis, non oportet sic

distinguere, quoniam utraq; potest esse uera. Hæc pro nunc
sufficiant ne tu iuuenis confundaris. Hæc de præsentī cap.
dicta sint.

De æquipollentiis categoricarum oppositarum
de inesse. Caput quintum.

IN cap. quinto agendum est de æquipollentiis categorica-
rum de inesse & modalium. Ordo enim doctrinæ requi-
rit ut postquā de earum oppositionibus pertractauimus,
nunc de earum æquipollentiis consideremus, & prius qui-
dem de æquipollentiis categoricarum de inesse quoniā sunt
priorēs modalibus, utpote simpliciores. Igitur in præsentī
cap. de æquipollentiis categoricarum de inesse tria agenda
sunt. Primo quid sit æquipollentia propositionum de qua
hic intendimus. Secundo quot regulis sufficienter sit & de
singulis regulis in specie pertractandum est. Tertio solu-
tur duo dubia.

Quantum ad primum aduerte, quod sic describitur apud
logicum æquiualentia est æquipollentia duarum proposi-
tionum in significato, sicutum in figura oppositionum per ad-
uentum negationis facta, ita quod ab una ad alteram est bo-
na consequentia.

Primo dicitur æquipollentia, quoniam est genus & quid
magis commune. omnis enim æquipollentia propositionū
est æquiualentia, sed non omnis æquiualentia est in proposi-
tionibus, est enim in terminis imcomplexis, ut duo synoni-
ma æquiualent in significato, est etiam in rebus commuta-
bilibus quo ad pretium, aliter in emptione & uēditione nō
seruarietur æqualitas & iustitia, est & in bonitatibus rerum,
unde solemus dicere. hanc medicinam æquiuallere illi.

Secundo dicitur duarum propositionum in significato,
ut excludamus propositiones factas de terminis æquiuocis,
quæ licet conueniant in uoce non tamen in significato, ut
hic, omnis canis lucet, nullus canis lucet.

Tertio dicitur s. tarum i fig. ira propōnum, ad differentiā

aliquarum propositionum quæ æquivalent in significato ut istæ duæ, tñ homo est rationalis ergo omne rōnale est hō, & tñ non dñr propriæ æquipollere, quoniam æquipollentia de qua hic intēdimus est tñ inter propositiones alicuius q̄tatis, quæ participant utroq; termino eodem ordine. Constat aut hanc, tñ homo est rationalis, non esse formaliter alicuius quantitatis, nec est eiusdem subiecti, & prædicati cū ista, omne rationale est homo ut patet.

Quarto dicitur facta per notam negationis, quoniam ut declarabitur ex eo solo quod negatio præponitur & postponitur, aut præponit, & postponitur duæ præpositiones oppositæ æquipollent. V. G. istæ duæ contradicunt. Nullus homo currit. Quidam homo currit. Si ly nullus præponitur non, ut non nullus homo currit, æquipollet isti quidam homo currit. Nam bene sequitur, non nullus homo currit, ergo quidam homo currit.

Quinto dicitur, ita quod ab una ad alteram valet consequentia, quoniam cum declaratum fuerit duas præpositiones æquivalere in signato, una sequitur ad alteram & e converso, nam bene sequitur, non omnis homo currit, ergo quidam hō non currit & e converso, & hæc ultima particula opponit, ut scias q̄tum tibi proderit scia æquipollentiarum in arguendo & rōdendo, constat igitur quid sit æquipollentia ppōnum categoricarum de in esse, de qua nūc intendimus.

Quantum ad secundum aduerte, quod logici in tribus regulis comprehendunt æquipollentias omnium propositionum oppositarum in figura quarum quædam sunt contrariæ, quædam subcontrariæ, quædā contradictoriæ quædam subalternæ, & aduerte quod per regulas sequentes intendimus æquipollentiam fieri p̄dictarum propōnum quo ad qualitatem, & q̄tatem, & ueritatem, & falsitatem earū.

Prima igitur regula est hæc, negatio præposita signo uniuersali, uel particulari, facit æquipollere contradictorias, ut non omnis homo currit, ergo quidam homo non currit, nō nullus homo currit, ergo quidam homo currit. Pro noticia huius regulæ aduerte tria.

Primo quod logici conuenienter incipiunt æquipollentias in contradictoriis, quoniam maxime opponuntur. Opponuntur enim in omni materia quo ad qualitatem & quantitatem & ueritatem & falsitatem, ut docuimus supra in cap. secundo huius tractatus. Contrariæ uero in nulla materia opponuntur quo ad quantitatem. Nec quo ad ueritatem & falsitatem nisi in materia naturali & remota. Nam in materia contingenti ut docuimus in eodem cap. sunt simul falsæ. Subalterna autem non opponuntur in qualitate sed quantitate nec in ueritate & falsitate, possunt enim esse simul ueræ, ut docuimus, in eodem cap. subcontrariæ uero minime opponuntur, & tamen non possumus dare regulam, per quam æquipolleant.

Secundo aduerte ad hoc, quod negatio adueniens faciat propositionum oppositarum æquipollentiam, oportet quod sit negatio negans. Pro cuius noticia aduerte, quod in doc. peripatetica inuenimus triplicem negationem scilicet negantem infinitantem & priuantem. Negans est illa, quæ quicquid post se inuenit destruit & suum oppositum inducit. Unde si inuenit propositionem uniuersalem, facit eam particularē & si affirmatiuam facit eam negatiuam, & econuerso & si ueram, facit eam falsam & econuerso, & hoc maxime uerificatur in contradictoriis quorum unum est uerum in omni materia & alterum falsum. Unde negatio præposita facit æquipollere duas contradictorias in qualitate, quantitate, ueritate, & falsitate. Negatio infinitans est illa quæ appositæ termino finito, facit ipsum infinitum, id est indeterminatum in significato. Quid autem sit terminus infinitus & terminus finitus, & quæ eorum significat a, iam docuimus in tractatu secundo in diuisione septima terminorum. Negatio priuans est negatio habitus aut formæ aut qualitatis perficientis subiectum, relicta tamen aptitudine in subiecto, & sic omnis priuatio ut cæcitas, tenebra, mors, ignorantia &c. dicitur negatio priuans. Negatio infinitans & priuans pro nunc relinquuntur donec pertractabimus de consequentiis. Nam æquipollentis propositionum quibus nunc intendimus, sufficienter deseruit negatio negans. De ea igitur ut facit æqui-

TRACTATUS TERTIVS

pollere contradictorias data est præposita regula.

Tertio aduerte q̄ ideo negatio negans præposita toti subiecto & signo contradictoriarum facit eas æquipollere, quia ut diximus, quicquid post se inuenit, destruit, & eius oppositum inducit. Inuenit autem contradictorias discordare in qualitate, qm̄ una affirmatiua altera negatiua ut oīs homo est albus, & quidam homo est albus, si igitur vñ affirmatiuæ præponatur negatio, facit eam negatiuam, ut non omnis homo est albus, est negatiua sicut ista, quidam homo nō est albus & econuerso ergo facit eas æquipollere in qualitate. Item inuenit eas discordes in quantitate, qm̄ una est vñis, altera particularis, si igitur negatio præponatur vñi, facit eam particularem & econuerso, ut non omnis homo est albus, est particularis sicut ista, quidam homo nō est albus, & econuerso facit ergo æquipollere contradictorias in quantitate. Item inuenit eas discordes in ueritate & falsitate, si igitur præponatur propōni contradictoriæ falsæ, facit eam uerā. Verbi gratia sit ista falsa, omnis homo est albus, sit ista uera quidam homo non est albus, præponatur ergo nega. falsæ: ut non omnis homo est albus, destruet falsitatem & faciet eam ueram. Vnde ista. Non omnis homo est albus, est ita uera sicut ista, quidam homo non est albus, Et ecōuerso, & qd̄ dixi de vñi affir. & particu. negatiua intellige etiam de vñi nega. & particu. affir. Constat igitur ueritas primæ regulæ.

Secunda regula est ista, negatio negans post posita signo vñi & toti subiecto fuit æquipollere duas contrarias. Aduerte q̄ hæc regula indiget duplici limitatione. Prima est q̄ ponatur negatio imediate ante copulam, ita q̄ exerceat uirtutem suam super copulam & totum prædicatum, & ponatur oīno post signum vñe & post totum subiectum, ita q̄ nullo modo præualeat supra signum nec supra subiectum quo ad mutationem quantitatis. Defectu cuius istæ duæ non æquipollent. Omnis non homo est animal, nullus homo est animal. Sed sicut dicatur. Omnis homo non est animal, ergo nullus homo est animal. Vel sic. Nullus homo non est animal, ergo omnis homo est animal.

Secunda est siant, duæ contrariæ, quæ teneantur uniformi-
ter. scilicet distributiue, & non altera collectiue puta uniuersalis
affirmatiua & altera distributiue, puta uniuersalis negatiua,
ut hic omnes apostoli Christi sunt duodecim, nulli aposto-
li Christi sunt duodecim, non enim istæ duæ æquipollent.
Omnes apostoli Christi non sunt duodecim ergo nulli apo-
stoli Christi sunt duodecim, nam hæc est uera, nulli aposto-
li Christi sunt duodecim, stat enim distributiue, ly nulli apo-
stoli. Hæc autem est falsa, omnes apostoli Christi non sunt
duodecim quoniam affirmatiua est uera. scilicet omne apostoli
Christi sunt duodecim, quoniam ly omnes apostoli tenetur
collectiue.

Quod autem hæc secunda regula si recte & sufficienter
posita ratio hinc sumitur. Contrariæ uniuersaliter & in omni
materia sumptæ, discordant in qualitate, & conueniunt in
quantitate. In materia autem naturali & remota nõ solum
in qualitate sed & in ueritate & falsitate discordant, quoniã
ut docuimus supra non possunt esse simul ueræ aut simul
falsæ. In materia uero contingenti, non sic pugnant, quo-
niam ambæ possunt esse simul falsæ. Vt ergo non mutetur
quantitas, ponitur post signum uniuersale & totum subiectũ
neque enim habet uim supra subiectum. neq; supra signum
nisi cadat supra ipsum. Et sic non destruit uniuersalita-
tem contrariarum. Vt autem mutet qualitatem ita quod
si inuenit affirmatiuam, faciat negatiuam & econuerso, po-
nitur ante copulam & totum prædicatum. Et sic facit uni-
uersalem affirmatiua æquipollere uniuersali negatiuæ & eco-
uerso. Vnde ista. Omnis homo non est asinus, est negatiua
uniuersalis, & æquipollet isti, nullus homo est asinus & ista,
nullus hō nõ est asinus est affirmatiua uniuersalis, & æqui-
pollet isti, omnis homo est asinus. Constat ergo quomodo
contrariæ æquipollent per positionem negationis post sub-
iectum & ante copulam ac totum prædicatum. Et sic patet
ueritas secundæ regulæ.

Tertia regula est ista, negatio præposita & post posi-
ta, facit æquipollere duas subalternas siue affirmatiuas,

siue negatiuas. Hæc regula sic debet intelligi, negatio propo-
sita signo uniuersali uel particulari, tam affirmatiuo quam
negatiuo, es toti subiecto, & postposita signo ac toti subie-
cto, tamen ante copulam & totum prædicatum, facit æqui-
pollere subalternas ut hic. Non omnis homo non currit, er-
go quidam homo currit, & econuerso. Non nullus homo
non currit, ergo quidam homo non currit & econuerso.

Ratio autem regulæ est hæc. Subalternæ conueniunt in qua-
litate, & discordant in quantitate, ergo sic situanda est nega-
tio, quod mutet quantitatem, & relinquat eandem qualita-
tem, ita quod non destruat eam. Vt ergo mutetur quanti-
tas, oportet eam præponere sicut diximus de contradicto-
riis, nisi autem post ponatur alia negatio. Prima mutaret
quantitatem & qualitatem, ita quod uiuersalem faceret
particularem & econuerso & affirmatiuam faceret negati-
uam & econuerso. Vt ergo impediatur uirtus negationis
præpositæ, ne mutet qualitatem, postponitur alia impedi-
tiua primæ. Vnde sicut prima per seipsam negat adiuncta
alteri affirmat: quoniam duæ negationes affirmant.

Constat igitur quomodo tres prædictæ regulæ sufficiunt
ad æquipollentias de contradictoriis & contrariis, & subal-
ternis. Pro quarum notitia. Logici hunc uersum artificiose
composuerunt.

Præcontradic. post contra. præ postque subalter.
- Et sic exponitur præ. id est præposita signo & subiecto,
- contradic. id est facit æquipollere contradictorias. Post
- id est posita post signum & totum subiectum, con-
- tra: id est fiunt æquipollere contrarias. præ post
- que id est præposita & post posita ut docui-
- mus, facit æquipollere subalternas. Vt au-
- tem oculo uideas prædictas æquipol-
- lentias descripsi figuram sequentē.

Omnis homo Contrariæ repugnan. Nullus homo currit.

Omnis homo Contrariæ æquipollentes Nullus homo non currit.

Ois hō currit. Contradic.repu. Quidam hō non currit.

Non omnis ho Contradic. æquipol. Quidam homo non currit.

Nullus homo cur. Contradi.repu. Quidam homo cur.

Non nullus hō cur. Contradi.æquipol. Quidā hō cur.

Ois homo currit. Subalter.repu. Quidam homo currit.

Non omnis homo. Subalt. æquipollen. Quidam homo non currit.

Nullus homo cur. Subalt.repu. Quidā homo nō cur.

Non nullus homo Subalt. æquipol. Non quidam homo non currit.

Constat igitur tibi in pſenti ordinatione, quō cōtrariæ & contradictoriæ & subalternæ ad inuicē repugnāt, & ad inuicem æquipollēt. Quare autē nō descriperimus subcōtrariarum repugnātiā & æquipollentiā dicemus in imēdiate ſequentibus, ut compleamus tibi notitiā oppositionum & æquipollentiarum in propositionibus categoricis de inefſe.

Quantum ad tertium duo dubia circa prædicta ſoluenta ſunt. Primum eſt. Quare non aſſignatur quarta regula pro æquipollentiā ſubcontrariarum? & præcipue quia repugnant in qualitate & ſi non in quantitate, & in materia naturali & remota repugnant in ueritate & falſitate ſicut &

contrariarum, licet enim in materia contingenti possint, esse simul veræ sicut & contrariarum simul falsæ ut docuimus supra non tamen in materia naturali & remota, sed de necessitate si una est vera altera est falsa & e converso.

Secundum est cum proprium sit negationis negare sicut affirmationis affirmare, unde est quod duæ negationes affirmant, & tamen duæ affirmationes non negant, immo magis affirmant. Idem ergo videtur dicendum de negationibus, quod quanto plures sunt, tanto magis negant, sicut privationes quanto plures sunt, tanto magis destruunt habitum. Unde videmus quod infirmitates, quanto magis complicantur, tanto magis destruant sanitatem & disponunt ad mortem.

Ad primum respondetur quod cum æquipollentia fiat per aduentum negationis præpositæ aut postpositæ, aut præpositæ & postpositæ, & non fiat alii modi ponendi negationem, nullo prædictorum modorum potest fieri æquipollentia in subcontrariis. Nam negatio præposita ut in contradictoriis & præposita ac postposita, ut in subalternis, mutat quantitatem, subcontrariæ vero non opponuntur secundum quantitatem, ergo per negationem præpositam, aut præpositam & postpositam non possunt æquipollere si vero, post ponatur ut in hæquipollentia contrariarum, aut post ponetur affirmatiue aut negatiue, non affirmatiue, quia tunc nullo modo differret a negatiua, ut si huic. Quidam homo currit, postponatur negatio, & dicatur. Quidam homo non currit, patet quod nullo modo differt a subcontraria negatiua. Quæ autem æquipollent & si conueniant in significatio, differunt tamen in compositione ut patet, in prædictis æquipollentiis. si autem postponitur negatiuæ fiet negatio dicendo quidam homo non currit, quæ vitanda est tam a logico quam a philosopho. Non ergo possunt æquipollere, & ideo tantum tres regulæ inuentæ sunt, quæ quantum valeant propter negationem aduenientem declaratur his versibus. Non omnis, quidam non. Omnis non, quasi nullus. Non nullus, quidam, sed nullus non va-

let omnis . alter , neuter , neuter non , præstat uterque.

Ad secundum dicitur quod negatio ut negatio semper negat & destruit, sicut affirmatio ut affirmatio semper affirmat . Quod autem oppositum inducat , hoc est ex conditione suæ naturæ, quæ est ad eo maligna , quod quicquid post se inuenit destruit, & oppositum inducit, ex quo sequitur quod si inuenit affirmatum, facit negatum & econuerso & hinc est quod duæ negationes affirmant. Nam si negatio de nouo adueniens, reperit aliam præcesisse, impedit præcedentem ne amplius neget, & uirtutem eius ac effectum destruit, quo destructo inducit oppositum, quod est affirmare, nec ualet similitudo sumpta ab affirmatione quoniam affirmatio habet uim constructiuam, negatio autem destructiuam non solum eius quod affirmatio construxit , sed etiam eius quod alia negatio sibi similis destruxit, & oppositum inducit . Nec est simile de infirmitatibus complicatis , quoniam non sunt puræ negationes, sed qualitates contrariantes sanitatibus oppositis. Hæc igitur de æquipollentiis categoricarum de inesse dicta sufficiant. & hic terminatur caput quintum.

De æquipollentiis categoricarum modalium.
Caput sextum.

IN sexto capitulo agendum est de æquipollentiis propositionum categoricarum modalium . Et hic quatuor agenda sunt primo quo sint ordinis modalium oppositarum & per quas ordinantur, secundo ponentur regulæ , per quas cognoscantur æquipollentiæ dictorum ordinum . Tertio assignabuntur aliæ regulæ , per quas cognoscemus æquipollentias omnium propositionum sexdecim , quæ formantur per hos quatuor modos , possibile impossibile necessarium & contingens . Quarto soluetur dubium de his duobus modis, uerum & falsum , quos supra diximus reliquendos.

TRACTATUS TERTIVS

Quantum ad primum aduerte, quod modalium æquipol-
lentiū quatuor assignantur ordines designati per has qua-
tuor dictiones. Amabimus, edētuli. Iliacæ. Purpurea, & quæ
libet earum continet quatuor syllabas cum quatuor uocali-
bus. f. a. e. i. u. A. signat affirmatiuam de dicto & modo. u. to-
tam negatiuam de dicto & de modo. e. negatiuam de dicto
tātum. i. negatiuam de modo tātum. Vnde uersus. Destruit.
u. totum sed a confirmat utrunque. Destruit e dictum. De-
struit. i. que modum. Isti ordines sic disponuntur quod. Pri-
mus est amabimus, secundus edētuli, tertius. Iliacæ, quartus
purpurea. Primus & secundus opponuntur subcontrariæ,
quartus & tertius contrariæ quartus & secundus contrariæ,
tertius & primus contradictoriæ quartus & primus subalter-
næ, tertius & secundus subalternæ. Quilibet horum quatuor
ordinum continet quatuor propositioes, prima est de possi-
bili, secunda de contingenti, tertia de impossibili, quarta de
necesse. Eaquæ est de contingenti est penitus similis ei, quæ est
de possibili, ita quod si ea, quæ est de possibili, est tota affir-
matua sic & ea quæ est de contingenti, & si tota negatiua si-
militer & illa &c. Nam possibile & contingens cōuertitur.
Possibile est. n. quod pōt esse & non esse, contingens uero
quod cōtingit esse & non esse. Propterea cuiusquæ æquipol-
let propositio de possibili, eidem æquipollet cōsimilis de cō-
tingenti, ut tibi declarabitur in regulis sequentibus.

Sed aduerte quod possibile sumitur dupliciter, primo ab-
solute, secundo contracte, ut distinguitur contra necesse, pri-
mo modo est superius ad necesse & ad possibile cōtractum.
Nam possibile absolute est illud quod potest esse, & ut sic se-
quitur ad necesse. Nam bene sequitur, hoc est necesse esse, er-
go est possibile esse. Vel enim est possibile uel impossibile
esse, non impossibile ut patet, ergo possibile. Possibile
autem contractum est illud quod potest esse & non esse, &
hoc conuertitur cum contingenti, & opponitur ipsi neces-
se nec sequitur ad ipsum. Nam illud est necesse, quod non
potest non esse, possibile autem contractum, quod potest
esse & non esse. Hic ergo quando dicimus quod pos-

sibile & contingens conuertuntur, intendimus de possibili contracto, & non de possibili absolute, & aduerte q^d possibile absolute apud philosophum dicitur possibile altum id est communius quam necesse & possibile contractum. Possibile autem contractum dicitur possibile cōtingens: ut declaratur in libro nono primæ philosophiæ. His præpositis descendendum est ad regulas æquipollentiam.

Quantum igitur ad secundum aduerce quatuor regulas, per primam manifestatur æquipollentia totius affirmatiuæ de possibili cum tota affirmatiua de contingenti, & cum negatiua de modo de impossibili & tota negatiua de necesse. Est ergo regula prima talis.

Cuicumque dicto affirmato attribuitur possibile, eidem attribuitur contingens, ab eodem remouetur impossibile ab eius opposito: id est a dicto negato remouetur necesse. Sensus regulæ est istæ. Ab affirmatiua tota de possibili, ad affirmatiuam totam de contingenti, ualet consequentia. Vt sortem currere est possibile, ergo sortem currere est cōtingens. Ab eadem ad negatiuam de modo de impossibili, ualet consequentia. Nam si sor. cur. est possibile, ergo sort. cur. non est impossibile. Ab eadem ad totam negatiuam de necesse, ualet consequentia. Nam si sortem currere est possibile. Sortem non cur. non est necesse quia potest currere & non currere. Si autem esset necesse eum currere, non posset non currere, patet ergo veritas primæ regulæ. Et aduerte quod tota prædicta regula manifestatur per primum ordinem dictum amabimus: ut patet in figura sequenti.

Figura	A Sortem cur. est possibile.
Primi	Ma. Ergo Sor. cur. est contingens.
Ordinis	Si. Ergo Sor. cur. non est impossibile.
Amabimus	Mus. Ergo Sor. non cur. non est necesse.

TRACTATUS TERTIVS

Secunda regula est hæc. Quicumq; dicto negato attribuitur possibile, eidem attribuitur contingens, ab eodem remouetur impossibile, ab eius opposito, id est a dicto affirmato remouetur necesse.

Sensus huius regulæ talis est, a negatiua de dicto de possibili, ad negatiuam de dicto de contingenti, ualet consequentia, nam bene sequitur, si sor. non currere est possibile. ergo sor. non cur. est contingens. Ab eadem ad totam negatiuam de impossibili, ualet consequentia. Nam bene sequitur si sor. non cur. est possibile, ergo sor. non cur. non est impossibile. Ab eadem ad negatiuam de modo tantum de necesse, ualet consequentia. Nam bene sequitur. si sor. non cur. est possibile. ergo sor. cur. non est necesse. Ergo regula est uera de qua patet hic figura.

Figura secundi ordinis cdentuli;	E. Sor. non cur. est possibile. den Ergo sor. non cur. est contingens. tu Ergo sor. non cur. non est impossibile. li. Ergo sor. cur. non est necesse.
---	--

Tertia regula, talis est. A quocunq; dicto affirmato remouetur possibile, ab eadem remouetur contingens, eidem attribuitur impossibile, eius opposito, id est dicto negato, attribuitur necesse.

Sensus huius regulæ talis est, a negatiua de modo de possibili ad negatiuam de modo de contingenti, ualet consequentia. Nam bene sequitur. si sor. cur. non est possibile, Ergo sor. cur. non est contingens. Ab eadem ad totam affirmatiuam de impossibili ualet consequentia, nam bene sequitur. si sor. cur. non est possibile, ergo sortem cur. est impossibile, ab eodem ad negatiuam tantum de dicto de necesse ualet consequentia. Nam bene sequitur, si sor. cur. non est possibile, ergo non cur. est necesse, ergo constat ueritas regulæ cuius figura patet hic.

Figura	I Sor. cur. non. est possibile.
tertii	li Ergo sor. cur. non est contingens.
ordinis	a Ergo sor. cur. est impossibile.
Illice	ce. Ergo sor. non cur. est necesse.

Quarta r̄ta talis est. A quocunq; dicto negatio remouet
posse, ab eodem remouetur contingens, eidei attribuit im-
posse, eius opposito. i. dicto affirmato attribuitur necesse.

Sensus r̄tæ est iste. A tota negatiua de possibili ad totam
negatiuam de contingenti, ualet consequentia. Nam bene
sequitur. si sor. non cur. non est possibile, ergo sor. non cur.
non est contingens. Ab eadem ad affir. de dicto tm̄ de impos-
sibili, ualet consequentia. Nam bene sequit. si sort. non cur.
non est posse, ergo sor non cur. est imposse. Ab eadem ad to-
tam affirmatiuam de necesse ualet consequentia. Nam bene
sequitur. si sortem non cur. non est posse, ergo sor. cur. est. ne-
cesse, & sic constat ueritas regulæ, figura eius patet infra.

Nam hinc sequitur quarti ordinis.

Figura	pur Sor. non cur. non est pos.
quarti	pu Ergo sor. non cur. non est contingens.
ordinis	re Ergo sor. non cur. est impossibile.
purpurea	a Ergo sor. cur. est necesse.

Quantum ad tertium aduerte, quod ultra quatuor p̄mis-
sas regulas, logici inuenerunt alias p̄ habendis æquipollētis
inter sexdecim p̄pōnes modales, formatas ex his quatuor
modis possibile, impossibile contingens, & necesse. sunt autē
tres, qm̄ licet propositiones de contingenti, & de possibili
sint distinctæ, tm̄ eodem modo æquipollent, eo quod possibi-
le & contingens conuertuntur modo quo diximus supra.
Prima igitur deseruit propositionibus de possibili & impos-
sibili. secunda propositionibus de possibili & necesse. Tertia
p̄pōnibus de impos. & necesse. Quæ autem deseruiunt p̄-
positionibus de possi. deseruiunt et̄ p̄pōnibus de contin-
genti, qm̄ idem est iudiciū de utrisq;.

TRACTATUS TERTIVS

Prima igitur est hæc, oēs propōnes de possibili & impossibili æquipollent uerbo sifr se habente, & modo disifr, pro cuius notitia aduerte, quod dī uerbum se habere similiter, quando negatur in utraq, uel affirmatur in utraq. Si autē affirmat in una & negatur in alia dissimiliter se habent. Idē intellige de modo se habente similiter uel dissimiliter. Hæc igitur regula sic intelligitur. Propō prima de possibili, quæ est tota affirmatiua æquipollet tertiæ de impossibili, quæ est negatiua de modo, ut sortem cur. est possibile, ergo sortem currere non est impossibile. Secunda de possibili, quæ est negatiua de dicto æquipollet quartæ de impossibili quæ est tota negatiua, ut sortem non currere est possibile. Ergo sor. non cur. non est impossibile. Tertia de possibili, quæ est affirmatiua de dicto & negatiua de modo, æqpollet toti affirmatiuæ de impossibili, ut sor. cur. non est possibile. ergo sor. cur. est impossibile ergo sor. cur. est impossibile, & hæc est prima de impossibili, quarta de possibili, quæ est tota negatiua, æquipollet secundæ de impossibili, quæ est negatiua de dicto, & affirmatiua de modo, ut sortem non cur. Nō est possibile, ergo sor. non cur. est impossibile, æquipollētīæ huius primæ regulæ patent in figura sequenti.

- | | | |
|-------|--------------------------|-------------------------------------|
| prima | Sor. cur. est pos. | ergo sor. cur. non impos. tertia. |
| 2 | Sor. non cur. est pos. | ergo sor. non cur. non est ipos. 2. |
| 3 | Sor. cur. non est pos. | ergo sor. cur. est impos. 1. |
| 4 | Sor. nō cur. nō est pos. | ergo sor. nō cur. est impos. 2. |

Secunda regula est hæc. omnes quatuor propositiones de possibili, & de necesse, æquipollent dicto & modo dissimiliter se habentibus. Hæc regula sic intelligenda est. Si propositio de possibili sit tota affirmatiua, propositio de necesse sit tota negatiua, ut hic, sor. cur. est possibile, bene sequitur ergo sortem non cur. non est necesse, & sic æquipollent, prima de possibili. & quarta de necesse. si propositio de possibili est negatiua de dicto, & affirmatiua de modo propositio de necesse sit affirmatiua de dicto, & negatiua de

modo ut hic Sor. non cur. est possibile, ergo sor. cur. nō est
 necesse, & sic æquipollent, secunda de possibili, & tertia de
 necesse. Si propositio de possibili est negatiua de modo &
 affirmatiua de dicto, ppositio de necesse, sit affir. de modo,
 & negatiua de dicto, ut hic, Sor. cur. non est possibile, ergo
 sor. non cur. est necesse, & sic æquipollent. Tertia de possi-
 bili, & secunda de necesse. Si ppositio de possibili est tota
 negatiua, propositio de necesse sit tota affir. ut hic sortē non
 currere non possibile, ergo sortem currere, est necesse, figu-
 ra ueritatis huius regula patet infra.

prima sor. cur. est possibile. ergo sor. nō cur. nō est neces. 4
 2 sor. non cur. est pos. ergo sor. non est necesse. 3
 3 sor. cur. non est pos. ergo sor. non cur. est necesse. 2
 4 sor. nō cur. non est pos. ergo sor. cur. est necesse. 1

Tertia regula talis est. omnes propositiones de impossi-
 bili & de necesse æquipollent dicto dissimiliter se habente,
 & modo similiter. Hæc regula sic intelligenda est. si propo-
 sitio de impossibili sit tota affir. ppositio æquipollens de ne-
 cesse sit neg. de dicto tantum, & sic æquipollēt prima de im-
 possibili, & secunda de necesse. Vt si sor. currere est impossi-
 bile, sor. non currere, est necesse. si ppositio de impossibili
 sit negatiua de dicto tantum, propositio æquipollens de ne-
 cesse, sit tota affir. & sic æquipollent secunda de impossibili
 & prima de necesse. Vt sortem non currere est impossibile,
 ergo sor. currere est necesse. si propositio de impossibili est
 nega. de modo tantum, ppositio de necesse sit tota nega. &
 sic æquipollent tertia de impossibili & quarta de necesse. Vt
 sor. currere nō est impossibile, ergo sor. non currere nō est
 necesse. si ppositio de impossibili est tota negatiua ppositio
 æquipollens de necesse sit nega. tantū de dicto. Et sic æqui-
 pollent quarta de impossibili, & secunda de necesse. Vt sor.
 non currere non est impossibile, ergo sor. currere nō est ne-
 cesse, & sic patet ueritas. Tertiæ rlx, de quatuor aut pponi-
 bus de ptingente non dat specialis regula, quoniā idem est

TRACTATUS TERTIUS

iudicium & æquipollentia de eis sicut de quatuor de possibili.
li. Diximus enim possibile & contingens esse conuertibilia
sumendo possibile contractum, & non possibile alium. sicut
absolutum modo quo supra docuimus. De tertia regula for-
manus sequentem figuram. Deinde describemus uniuersa-
lem figuram, qua ad oculum uidebis æquipollentias oppo-
sitionum omnium modalium.

prima for. cur. est possibile. ergo for. nō cur. est necesse. 2.
2 for. non cur. est pos. ergo for. non cur. est necesse. 1.
3 for. cur. non est pos. ergo for. non cur. nō est necesse. 4.
4 for. nō cur. non est pos. ergo for. cur. est necesse. 3.

Figura uniuersalis æquipollentiarum in modalibus
bus iuxta regulas quatuor priores.

Ordo quartus. Ordo tertius.
Pur. for. non cur. nō ē pos. Contrariæ. E. for. nō cur. ē ipos.
pur. for. nō cur. nō est contingens. li. for. cur. nō ē ptingens
re. for. non cur. est impos. 2. for. cur. est impos. 1.
a. for. cur. est necesse. 3. for. nō cur. est necesse. 4.


Subalternæ.
A. for. cur. est pos. Subcontrariæ. E. for. nō cur. est pos.
ma. for. cur. est contingens. 2. for. cur. est ptingens
bi. for. cur. non est impos. 3. for. nō cur. nō est impos.
mus. for. nō cur. nō est necesse. 4. for. cur. non est necesse.

Ordo primus. Ordo secundus.

Hæc dicta sint de oppositione & æquipollentia modalium.
 Quantum ad quartum soluendum est hoc dubium. Cum
 isti duo modi uerum & falsum numerentur inter modos
 seorsum facientes propositionem modalem, quare non memo-
 rantur in oppositione, & æquipollentia propositionum mo-
 dalium.

Ad hoc respondetur quod propositio modalis, potest su-
 mi tripliciter. primo generalissime. secundo generatur. ter-
 tio specialiter, generalissime dicitur modalis, cuius subiectū
 uel prædicatū modificatur aliquo adiectiuo ut homo al-
 bus est. Princeps iniustus regnat. Sortes est homo igno-
 rans &c. Generaliter dicitur, quando modus determinat
 compositionem prædicati cum subiecto, ita tamen quod
 oppositio & æquipollentia, fit eodem modo sicut in his de
 inesse, & sic uerum & falsum faciunt propositionem moda-
 lem, sicut & isti modi, opinabile, imaginabile, intelligibile,
 credibile, & eorum opposita. Verbi gratia opinabile est
 æstatem futuram pluuiam. Intelligibile est solem esse
 maiorem luna, &c. specialiter autem dicitur, quando mo-
 dus ita determinat compositionem prædicati cum subiecto,
 quod constituit propositionem, cuius oppositio & æquipol-
 lentia non possunt fieri eo modo quæ & in propositionibus
 de inesse, & in hoc tertio sensu soli quatuor modi. scilicet possibi-
 le contingens. Impossibile necesse constituunt propositio-
 nem modalem. Vnde quia uerum & falsum locantur in se-
 cundo sensu, ideo relinquuntur. Vt autem scias quod oppo-
 sitio & æquipollentia fiunt in propositionibus formatis per
 hos modos uerum, & falsum. Prius resoluas eas in oratio-
 nes, indicatiuas sic. Omnem hominem esse animal, est uerū,
 id est & hæc est uera. Omnis homo esse animal. Nullum ho-
 minem esse animal, est falsum, id est hæc est falsa. Nullus
 homo esse animal eodem modo procedat ad subcontrarias
 & contradictorias & subalternas, ut patet in sequenti figura.

TRACTATUS QVARTVS



Si autem uolueris uidere æquipollentias, sicut in categoricis de inesse, appones negationem modis, quibus dictum est in æquipollentiis ppositionum de inesse. I. contradictoriis ppones: contrariis postpones, subalternis ppones & postpones, subcontrariæ æquipollet non possunt ut supra ostendimus. Ver. gratia si uis facere æquipollere in ueritate duas contrarias in figura pmissa in ueritate, sic facies. Omne hominem esse aial est uerum, ergo nullum hominem non esse animal est uerum. Si autem uis eas facere æquipollere in falsitate sic facies. nullum hominem esse animal, est falsum, ergo omnem hominem non esse animal est falsum, eodem modo pcedes ad æquipollentiam contradictoriarū & subalternarum locando negationem, sicut in illis de inesse.

Constat igitur quare duo modi scilicet uerum & falsum

relinquuntur nec faciunt propositionem propriissime modalem, nec constituunt aliam oppositionem, nec æquipollentiam, quam illæ de inesse, & sic terminamus hic tractatum tertium qui est de propositione categorica simplici & modali, & de hypothetica, & earum oppositionibus & æquipollentibus. Hæc de cap. sexto dicta sint.

Explicit trac. tertius de propositione, ordinatus p Reuerendū Fratrem Chrysostomū lauellum Canapiciū, Ord. Prædicatorum Philosophiæ, & Sacræ Theologiæ, Doctorem.

SEQUITUR TRACTATUS

quartus qui erit de quinque prædicabilibus siue uniuersalibus, quorum sciam accepimus a Porphyrio in lib. de Isagogis ad categorias Aristot. idest in lib. de introductionibus ad prædicamenta Aristotelis.



POSTQUAM considerationem cōpleuimus de propositione & speciebus eius, & suis proprietatibus, quæ sunt conuersio, oppositio, æquipollentia, ordo doctrinæ p̄suetus apud logice tractatores pro ordinate instituendis nouitiis requirit, ut de terminis incōplexis cōibus & vñibus tractemus ex quibus p̄positiones scientifice p̄cipue componuntur, & ex huiusmodi p̄positionibus formandi sunt doctrinales & demonstratiui syllogismi. Sunt autem isti termini incōplexi quinque prædicabilia. scilicet genus, sp̄s, differentia p̄prium, & accidens, & decem categoriæ, quæ apud Latinum dicuntur decem prædicamenta. scilicet substantia, quantitas, qualitas, relatio, actio, passio. Vbi quando, situs & habitus. Horum igitur notitia sic ordinanda est, prius agendum est de quinque prædicabilibus. Ex hoc in p̄senti trac. posterius autem de decem prædicamentis, & hoc in sequenti trac. Hunc autem trac. dividemus in sex capi.

TRACTATUS QUARTUS

Primo agendum est de aliquibus: quorum præcognitio necessaria est antequam descendamus ad considerationem singuli prædicabilis.

Secundo agendum est de genere.

Tertio de specie.

Quarto de differentia.

Quinto de proprio.

Sexto de accidente.

Caput primum de præcognoscendis

IN hoc primo cap. tria in primis præconsideranda sunt: quorum notitie præexigitur, ne tu nouisti absque ordine ne erudiaris & ne eadem sapius repetere simus aliter.

Primo propter quid, prius agendum est de quinque uniuersalibus siue prædicabilibus quam de prædicamentis.

Secundo, ut definiamus uniuersale, & prædicabile de quo hic intendimus, inuestigandum est: quot modis dicitur, & sub quo sensu consideratur a logico, nam metaphysicus, & physicus, & logicus de uniuersalia considerantur.

Tertio agendum est de sufficientia quinque uniuersalium, siue prædicabilium.

Quantum ad primum aduerte, quod ideo prius de prædicabilibus agendum est quam de prædicamentis, quoniã prædicamentum constat ex ordinata collectione plurium prædicabilium secundum sub, & supra in recta linea prædicamentali, & a latere. In recta quidẽ ordinantur genera & species usque ad specialissima. A latere autem ordinantur differentie, ut tibi manifestabitur in quolibet prædicamento, ergo necesse est præcognoscere quid genus, & quotuplex genus, idem dico de specie, & de differentia. Præterea in quolibet prædicamento sunt quædã propria, quæ distinguunt prædicata, & se habent ut accidentia, ergo necesse est præcognoscere quid proprium, & quot modis dicitur. Idem dico de accidente, aliter esse impossibile scientia habere prædicamentis. Rationabiliter igitur trac. præsens, præcedit trac. de prædicamentis, & hoc de causa. Quod fuit Porphyrius Isagogas. Unde in principio libri sui inquit. Cum sit necessarium ad eam, quæ est apud Aristotelem prædicamentis.

mentorum doctrinam, nosce quid genus, quid species, quid differentia, quid proprium, quid accidens, &c. tentabo breuiter, uelut introductionis modo ea, quae ab antiquis dicta sunt aggredi.

Sed aduerte, quod non solum ad habendam sententiarum doctrinam oportet percipere notitiam de predicabilibus, sed etiam ut habeat doctrina definitionis & diuisionis, & demonstrationis teste Porphyrio. Nam definitio uera propria dat tantum de specie ut declarabit infra est definitionem ueram ac essentialem non ingreditur nisi genus proximum & differentia specifica, & excludendum est proprium & accidens a definitione ut manifestatur in septimo lib. metaphysicae, ergo si uolumus recte definire, oportet ista recognoscere. Praeterea diuisio aliquando est generis in species, aliquando generis in differentias, aliquando speciei in individua, aliquando subiecti in propria, aliquando subiecti in accidentia communis, ergo ut habeamus doctrinam recte diuidendi, atque definiendi, oportet ista recognoscere. Praeterea, sine notitia istorum non est possibile habere scientiam demonstrandi ex consequenti nec aliquam scientiam acquirere: quoniam sola demonstratio facit scire, ut declarabit in tract. de syllogismo demonstratiuo. In demonstratione autem oportet subiectum conclusionis esse aut genus aut speciem, predicatum uero proprium, & cauere ne sit accidens, medium uero esse definitionem subiecti aut passionis. Definitionem autem oportet constare ex genere & differentia, ergo sine notitia quinque predicabilium nec syllos demonstrari, nec aliqua scia haberi potest. Ut ergo praeparare nobis uiam ad notitiam praenotatam, ad periciam definiendi, & diuidendi, & demonstrandi, merito proponitur nobis praesentis tractatus. Et ut uerbo completatur. Qui sine phantasia istorum quinque predicabilium notitia, ad acquirendum uiam usque generis scientiam praebet, est sicut ambulans nesciens quod uadat.

Quantum ad secundum aduerte, quod in doctrina peripatetica uniuersale simpliciter accipitur ut infra, &c.

Primo dicitur uniuersale signum distributum terminum, &c. ut opponit, ut ostendit & nullas & quilibet, & de hoc locuti sumus

homo est animal rationale: ut manifestabitur tibi in trac. de suppositionibus si uero considerat in quantum tali naturæ communi attribuuntur ab intellectu prædicata intentionalia, quæ. si inuenit intellectus postquam apprehendit communiter & uniformitatem & conuenientiam eius in suis inferioribus. Puta postquam intellectus apprehendit aial esse naturam sensitivam, animatam, corpoream: aduertit id conuenire oī speciei aialis, & ideo attribuit sibi q̄ aial est prædicabile de multis distinctis specie: ut de homine & leone, ex cōsequenti attribuit sibi quod est genus, quod quidem prædicatū non reale sed intentionale dicitur, quoniam est factum per opus intellectus speculātis super naturam communem quā tum sit ex se, sic consideratur a logico, & in hoc ultimo sensu habemus hic pertractare de quinque uniuersalibus. sc. de naturis: ut stant sub illis conceptibus secundis, quos dicimus intentiones secundas genus, species, differentia, proprium, & accidens. Constat igitur relictis aliis modis, quomodo definiendum sit uniuersale de quo intendimus in hoc trac.

Assignatis modis, quibus dicitur uniuersale in uia peripatetica, assignandi sunt modi, quibus sumitur prædicabile. Tu igitur aduerte q̄ apud logicum qui solus modos prædicandi considerat, famosiores sunt tres.

Primo illud dicitur prædicabile, q̄ de uno uel de pluribus aptum est prædicari siue prædicetur uniuoce, siue æquiuoce siue analogice, siue directe siue indirecte, siue per se, siue per accidens. Et hic dicitur communissimus modus, quo dicitur prædicabile. Hoc enim est commune generi, speciei, indiuiduo, quod saltem de se ipso prædicatur: ut sortes est sortes, & de hoc non intendimus hic.

Secundo illud dicitur prædicabile, quod de multis prædicatur siue uniuoce: siue æquiuoce, siue analogice, & hoc modo non intendimus hic. Nam hoc modo sanum, canis, ita esset prædicabile & genus, quod non est uerum, ut declarabitur, sicut animal, & species, sicut homo & capra; & hic dicitur modus communis.

Tertio illud prædicabile dicitur, quod de multis & non

TRACTATUS QUARTUS

de uno solo aptum est prædicari uniuocè, & est determinata
 ræ naturæ, puta, aut substantia aut quantitas aut qualitas &c.
 & sic de prædicabili intendimus hic. Positis igitur modis
 quibus prædicabile dicitur & quibus uniuersale, nunc defi-
 nienda sunt iuxta sensum secundum quem intendimus, hic
 de eis pertractare.

Tu igitur aduerte q̃ uniuersale apud logicum est natura
 communis determinata: ut est in multis, uel non repugnat
 sibi esse in multis: ut animal, homo lapis &c.

Dicitur natura communis, ad differentiam, naturæ
 indiuiduæ & singularis: ut est hic lapis, & cor & Pla-
 to, quæ non est apta esse nisi in uno supposito. Dicitur
 determinata ad differentiarum sex transcendentium, quæ
 sunt.

Ens. De his formauimus specialem tractatum, isagogi.
Vnum. cum ad metaphysicam, quem de sex transcenden-
Verum. tibus nūcupauimus. Ista transcendētia non possunt
Bonum. dici uniuersalia in sensu, quem intendimus, qm̃
Aliquid. insunt nō solum in multis. Sed in oī re cuiuscunq̃
Res. naturæ siue sit res substantiæ, siue accidentis, siue in-
 creata, siue creata, siue corporea siue incorporea. In omni-
 bus enim inueniuntur. Nam & deus est maxime ens, uerum,
 bonum, unum, aliquid, & res. Non ergo sunt uniuersalia,
 sed super uniuersalia: utpote circumdantia omne genus en-
 tis.

Dicitur: ut est in multis, uel sibi non repugnat esse in mul-
 tis quoniam aliqua natura communis, de facto est in mul-
 tis: ut homo, capra, leo, & omnis natura specifica completa
 in mundo inferiori, quæ recipit perpetuitatem ex successio-
 ne indiuiduorum aliqui excipiūt phœnicem: sed de hoc trā-
 seat, aliqua autem non de facto est in multis, sed ei non re-
 pugnat esse in multis: in natura solis & lunæ & intelligen-
 tiarum, quorum natura specifica perpetuatur in uno indi-
 uiduo, & ideo non est opus eam partiri in multis indiuiduis,
 est tamen in potentia primi eam multiplicare secundum quod
 sapientia sua disponderet. Unde non est impossibile creati

plures soles, & lunas & cetera ex consequenti non repugnat
naturæ solis & lunæ communicari pluribus suppositis, & ut
sic est natura uniuersalis.

Prædicabile autem alio modo definitur a logico nomi-
nali, & a logico reali ac uere peripatetico. Nam logicus no-
minalis dicit quod prædicabile est terminus uniuocus aptus
natus prædicari de pluribus: ut ly animal de homine & asino,
& ly homo de sorte & Platone. Et sic nullus terminus
discretus siue singularis: ut sortes, nec transcendens: ut ens
& unum, nec compositus siue complexus: ut hominem es-
se animal nec æquiuocus potest esse, prædicabile & uniuersale
quod idem est. Ad hoc ergo quod sit prædicabile &
uniuersale, oportet quod sit terminus communis, simplex,
uniuocus aptus de pluribus prædicari. Quid autem sit ter-
minus æquiuocus & uniuocus & analogus, manifestabitur
tibi in trac. sequenti.

Logicus autem realis dicit quod prædicabile est natura
communis, apta nata prædicari de pluribus uniuoce: id est
est natura communicabilis multis siue speciebus siue indi-
uiduis, non in se con-
derata, sed ut fiat sub hoc conceptus
scilicet prædicari de pluribus actu uel aptitudine & uniuo-
ce: id est secundum eadem rationem & non secundum di-
uerfas. Verbi gratia Genus est natura communis & non
singularis: ut fiat sub hoc conceptu secundo, qui dicitur se-
cunda intentio: scilicet prædicari de pluribus differentibus
speciei: ut animal de homine, capra, aquo asino, & cetera
& sic secundum hanc uiam uniuersale & prædicabile, non
dicunt naturam communem absolute & in se considera-
tam, quia ut sic non cadit sub consideratione logici sed me-
taphysici, sed dicunt naturam communem: ut fiat sub se-
cunda intentione, quæ est conceptus secundus fundatus
super primum, qui dicitur prima intentio. Qui con-
ceptus secundus est prædicari de pluribus uniuoce, ita quod
prædicabile nec est natura tantum, nec conceptus tan-
tum, quem nominales dicunt terminum mentalem, sed
natura communis sub conceptu modo quo diximus,

TRACTATUS QUARTVS

Et hanc uiam intendo sequi, & in cap. sequenti in definitione generis manifestabitur quomodo genus nec aliud uniuersale definitur, ut terminus métalís, sed ut natura: ut stat sub secunda intentione. Constat igitur quot modis dicitur uniuersale & prædicabile, & quid utrunque sit secundum illum sensum, quem hic intendimus. Et aduerte quod utrunque est idem secundum rem & conuertibiliter, sed differunt ratione. Nam natura communis dicitur uniuersale inquantum est apta esse in multis, dicitur autem prædicabile, inquantum est apta prædicari de multis uniuoce.

Quantum ad tertium aduerte quod uniuersale & prædicabile sumpta in ultimo sensu iuxta distinctiones præpositas, sunt tantum quinque: scilicet genus, species, differentia, proprium & accidens, quorum sufficiencia sumitur ex hoc. Omne uniuersale & prædicabile iuxta ultimum præpositæ diuisionis sensum, & in multis & prædicabile de multis, ergo uel est prædicabile de multis uniuoce in qd uel in quate. Isti enim sunt uniuersalissimi modi prædicandi: ut declarabitur tibi in trac. sequenti si in quid, hoc potest esse dupliciter, quoniam uel in quid de pluribus differentibus specie, & sic est genus. Vel in quid de pluribus differentibus numero, & sic est species. Si in quale, hoc dupliciter, quia uel in quale, quod est de essentia rei, & hæc est differentia essentialis, uel generica uel specifica generica quidem: ut sensituum, specifica autem: ut rationale. Vel in quale quod est accidens in re. Et hoc dupliciter, quia uel tale accidens est proprium fluens a natura rei, sicut risibile fluit a natura rationali, & sic est quartum prædicabile quod dicitur proprium. Vel tale accidens est commune, non fluens a principiis rei, & sic est quintum prædicabile, quod facit propositionem accidentalem: ut homo est sedens, est currens, est sanus, est æger &c. Sed aduerte quod accidens siue proprium siue commune, constituunt quartum & quintum prædicabile, non respectu esse, sed respectu modi prædicandi, eo quod proprium constituit propositionem p se, accidens autem, constituit prædicationem p accidens: ut tibi declarabit loco suo, quando .s. tractabimus de differentia quarti & quinti præ-

dicabilis. Constat igitur tibi, quam sufficiens sit diuisio uni-
uersalis & p̄dicabilis in quinque: scilicet in genus, speciem
differentiam, proprium, & accidens ita quod hæc conclusio
est uera. Tantum quinque sunt uniuersalia & prædicabilia
iuxta sensum intentum a logico.

Quod si dicas, si tantum quinque sunt uniuersalia & præ-
dicabilia, ergo omnia uniuersalia & p̄dicabilia sunt quinque.
Hoc autem est falsum, quoniam genus esset quinque p̄dica-
bilitum, similiter species & differentia &c. consequentia pa-
tet, quoniam ab exclusiua ad uniuersalem affirmatiuam ua-
let consequentia: ut tibi declarabitur in trac. de p̄sequentis.

Respondetur, negatur consequentia, ad probationem di-
citur quod regula non tenet quando mutatur suppositio,
constat autem quod ly quinque in exclusiua tenetur colle-
ctiue, in uniuersali autem affirmatiua uidetur teneri distribu-
tiue. Vel dic quod ab exclusiua ad uniuersalem affirmatiua
non ualet consequentia, in terminis numerabilibus. Hæc de
primo cap. dicta sint.

Caput secundum de genere.

IN cap. secundo agendum est de genere logico quod est
primum & magis commune inter quinque uniuersalia
& prædicabilia. Et hic tria agenda sunt, primo: ut sciam^r,
quod & quid sit genus logicum, declarandum est quot mo-
dis sumitur genus, secundo definiendum est, iuxta sensum
intentum a logico tertio diuidendum est.

Quantum ad primum aduerte q̄ hic non intendimus as-
signare quoscunque modos quibus consuevit sumi genus
sed tantum illos, qui nostro proposito deseruiunt. Quod di-
co: ut præterem me a modis quibus sumitur genus apud
grammaticum: ut genus masculinum, foemininum, neutru,
promiscuum &c. Hæc enim nullam habent similitudinem
cum genere Logico, ideo relinquuntur. Nostro uero propo-
sito deseruit genus politicum siue ciuile, eo quod: ut declara-
bitur assimilationem habet cum genere logica & ideo assi-
gnandi sunt modi quibus apud ciuilem sumitur genus ut p̄
iplos manu ducamur ad genus logicum.

uniuocum & eiusdem speciei cum multitudine genita. Defectu cuius, nec Dominus, nec Coelum nec Sol potest dici hominum genus, quoniam sunt principia æquiuoca uniuersali, nec eiusdem naturæ cum genitis, licet sit uerum dicere quod Deus & Coelum, & Sol generant hominem, tertio requiritur quod tale principium distinctiue sit uel productionum uel conseruationum talis multitudinis per successionem prouenientis: ut excludamus locum & patriam uiolentiam. Hæc enim non dant nec conseruant, sed potius destruunt genitum. Vnde nec aqua potest dici genus hominum, nec aer pestifer, nec terra infœcunda. Solus ergo locus naturalis, meretur dici genus hoc secundo modo acceptum.

Visis modis, quibus dicitur genus apud civilem, declarandus est modus quo sumitur apud logicum, deinde manifestabitur, quam similitudinem habet est quam differentiam, genus civile primo & secundo modo sumptum, cum genere logico.

Tu igitur aduerte quod tertio sumitur genus pro eo, cui supponitur species, & hoc est genus logicum, in quo sensus color est genus, quia ei supponitur albedo: ut species & nigredo, & medij colores. Idem dico de animali, cui supponitur homo, capra, leo, canis &c. Hic declarandus esset sensus huiusmodi generis & definitionis suæ. Verum quia infra replicabitur, ideo pro nunc suscipe.

Visto quid sit genus tertio modo acceptum, quod est genus logicum declarandum est quam convenientiam & differentiam habet cum eo, genus civile primo & secundo modo acceptum. Tu igitur aduerte quod genus civile primo modo sumptum in uno conuenit cum genere logico, sed in duobus differt. Conuenit quidem in hoc, quod sicut genus civile importat collectionem multorum hominum, ita genus logicum importat multitudinem specierum, quæ sub ipso continent actu aut potentia: ut tibi infra declarabitur & sunt ad inuicem ordinare. Dunc ponit rerum speciem ut nunciet

TRACTATVS. QVARTVS

ut declaratur in nono lib. métaphysicæ, inter quas dat una perfectissima, ut mensura aliarum, sicut in genere animalis datur homo, ut pfectissima species, & in genere metalli dat aurum. Differt autem in duobus, primo quia genus ciuile primo modo sumptum, est quoddam totum p modum totius integrale, cuius partes sunt homines unius cognationis descendentes ab uno primo, sed genus logicum non est totum integrale, quoniam totum integrale est compositum ex partibus, genus autem logicum non est compositum ex suis speciebus, immo est suæ species, ideo dicitur totum uniuersale. Quomodo autem differant totum essenziale & integrale, & uniuersale, & potestatiuum, manifestabimus in trac. de syllogismo topico, secundo differt, quia genus ciuile primo modo sumptum non pdicat in recto de his, quæ sub eo continentur, quoniam totum integrale non pdicat in recto de partibus. Hæc enim est falsa, paries est domus, sic falsa est ista. Cæsar est genus Romanorum sumptum primo modo genus autem logicum cum sit totum uniuersale, pducatur in recto de speciebus sub eo contentis. Nam homo est animal, & leo est animal &c. Et ratio huius est, quia totum integrale differt realiter a partibus totum autem uniuersale, non differt realiter sed ratione a contentis sub eo ut tibi in philosophia manifestabitur. Constat igitur quomodo conueniunt & quomodo differunt genus ciuile primo modo sumptum, & genus logicum.

Differunt etiam & conueniunt genus ciuile secundo modo sumptum, & genus logicum. Conueniunt quidem hoc, quod sicut genus ciuile secundo modo sumptum est principium multitudinis ordinate ab eo descendens, sic & genus logicum est principium suarum spærum pstitutiuum, nam aial adiuncto rónali pstituit hominem, & adiuncto irrationali, constituit brutum. Differunt uero in hoc quod genus ciuile secundo modo sumptum, est principium extrinsecum productiuum. Nec est de essentia eorum quorum est principium, genus autem logicum est principium intrinsecum suarum spærum, & est sicut materia. Vnde spēs apud logicum constituitur ex genere & differentia
sicut

sicut apud physicum res naturalis ex materia & forma. Sed pro nunc crede, donec in philosophia erudiaris. Constat igitur tibi quomodo conueniunt & differunt genus ciuile. Secundo modo sumptum, & genus logicum. Rationabiliter ergo praemisimus tres modos, quibus dicitur genus.

Quantum ad secundum dimisso genere ciuilitate dicto, definiendum est genus logicum, tu igitur aduerte, quod apud nominales sic definitur. Genus est terminus uniuocus praedicabilis in quid de pluribus differentibus specie.

Primo dicitur terminus, qui debet intelligi, terminus mentalis, qui est conceptus intellectus, & non natura rei, quae concipitur, quoniam apud eos natura rei, non est de consideratione logici, sed philosophi qui est artifex realis. Logici autem est considerare conceptus & uoces tam complexas quam inconplexas.

Secundo dicitur uniuocus, quoniam terminus aequiuocus siue analogus ut diximus supra, non est aliquod uniuersaliū. Vnde neque canis neque sanum, neque ens, nec aliud transcendentium potest esse genus, quoniam non sunt uniuoca, ut tibi declarabitur in tractatu sequenti, in ante praedicamentis.

Tertio dicitur praedicabilis inquit, ad differentiam differentiae & proprii & accidentis, quae praedicantur in quale. Nam facta interrogatione, qualis est homo, respondetur rationalis, risibilis, albus uel niger. Genus autem praedicatur in quid, ut quid est homo, respondetur, est animal. Quid est albedo, respondetur, est color.

Quarto dicitur, de pluribus differentibus specie, ad differentiam speciei specialissime, quae praedicatur de pluribus differentibus solo numero & non specie, ut homo de hoc & hoc homine, idem intellige de asino & aequo &c.

Haec definitio tota acceptatur a logico reali praeter primam particulam scilicet ly terminus. Nam apud realem genus non est terminus, id est conceptus mentis, sed natura communis ut stat sub conceptu, qui est secunda intentio siue ut alii dicunt, genus sumitur hic pro re substrata secun-

de decem praedicamentis, quoniam constat quod sunt entia realia, & ut realia simpliciter considerantur a metaphysico, ut patet in lib. 5. metaphysice.

Secundo dicitur quod praedicatur de pluribus. Aduerte hic duo, primo ly praedicatur, intelligendum est in aptitudine & non in actu, ut dicatur sic. Genus est quod est praedicabile, uel aptum natum praedicari de pluribus. Nam posito casu quod omne animal desineret esse praeter hominem adhuc animal esset genus, quoniam & si de facto natura sensitiua, a qua dicitur animal, esset in solo homine & de eo praedicaretur, tamen ex sui natura, quae est communis, esset aptum esse in pluribus & praedicari de pluribus speciebus secundo subintelligendum est uniuoce & immediate, & per lineam rectam & non a latere, propter primum excluduntur aequiuoca, ut canis & cancer, quoniam & si praedicantur de pluribus, non tamen unica ratione, ideo non sunt genus, propter secundum excluditur praedicatio de indiuiduis. Nam & si genus praedicatur de pluribus indiuiduis, ut haec est uera. Sorte est animal, Plato est animal, tamen non potest dici genus indiuiduarum, quia non praedicatur de eis immediate, sed mediante specie, propter tertium excluditur praedicatio de differentia. Nam genus non praedicatur per lineam rectam de illa sed a latere, neque enim supponitur generi sed locatur a latere, ut uidebis in arbore, quam figurabimus infra, licet ergo genus praedicetur de pluribus differentiis: in quas diuiditur puta rationale est animal, & irrationale est animal, tamen non dicitur genus per respectum ad illas, quoniam non est praedicatio per lineam rectam, sed per lateralem.

Tertio dicitur, de pluribus differentibus specie pro cuius noticia aduerte quod licet Porphyrius non immoretur ad declarandum hanc particulam differentibus, tamen author minoris logicae. Petrus Hispan. propter nouitiorum instructionem diffuse hoc immoratur, & quoniam idem & differens opponuntur: & unum oppositorum cognoscitur per alterum, ideo prius manifestat modos, quibus dicitur

TRACTATUS QVARTVS

Idem, deinde transfert se ad modos quib⁹ dicitur differens. Quantum igitur ad modos identitatis ponit tres famulos, & tertium subdiuidit in quatuor.

Primus modus dicitur idem, genere: secundus idem specie, tertius idem numero.

Idem autem numero partitur quatuor modis scilicet idē nomine idem definitione, idem proprio, idem accidente, nunc singuli declarandi sunt & resoluendi ut infra.

Aduerte igitur quod illa dicuntur eadem genere, quæ sub uno genere continentur ut homo & asinus sub animali, albedo & nigredo sub colore.

Hic modus indiget duplici limitatione. Prima est, quod contineatur sub eodem genere proxime, & non sub eodem genere absolute, aliter homo & pomum essent eadem genere, quoniam continentur sub corpore animato. Verū quia inter hominem & corpus animatum: mediat aliud genus scilicet animal, sub quo continetur homo & non continetur pomum, ideo homo & pomum non sunt eadem genere scilicet proximo de quo solo hic intendimus. secundo quod contineantur saltem sub eodem proximo genere logico, licet nō physico, quod dico propter corpus corruptibile, ut terra, & incorruptibile, ut cœlum quæ licet non sint eadem genere physico, ut declarauimus in decimo metaphysice, sunt tamen eadem genere logico, quoniam continentur immediate sub corpore, quod de eis secundum unā rationem prædicatur. Quæ quidem ratio est hæc. Corpus est] substantia trina dimensione, id est longitudine, latitudine & profunditate signata. Hæc autem ratio competit terræ, & cœlo, ut patet. Constat igitur quæ sint eadem genere.

Eadem specie sunt, quæcunque sub eadem specie continentur, ut sortes & Plato.

Hic modus indiget unica limitatione scilicet quod contineantur sub eadem specie specialissima, quæ scilicet non habet sub se alias species. Defectu huius sortes & hic asinus non sunt eadem specie, licet contineantur sub animali, quod

est species corporis animati. Nam animal non est species specialissima, sed subalterna, ut tibi declarabitur in capitulo sequenti, pro nunc sustine. Intelligatur ergo sic, eadem specie sunt, quæ sub eadem specie specialissima continentur, ut duo homines sub homine, duo asini sub asino.

Eadem autem numero sunt, quæ non distinguuntur supposito, & in hoc distinguuntur eadem specie & eadem numero. Nam eadem specie licet sint unum in natura specificata, non tamen sunt unum suppositum sed plura, ut sortes & Plato, eadem autem numero sunt unum supposito, ut Marcus & Tullius &c. & omnia synonyma.

Eadem autem numero sunt quadruplicia, quoniam quædam nomine, quædam definitione, quædam proprio, quædam accidente. Et in omnibus istis modis seruatur identitas numeralis, quia seruatur identitas suppositi. Nam licet multiplicentur nomina synonyma, tamen idem suppositum seruatur, ut Marcus Cicero scribit. Similiter licet sortes sit homo, & sit animal rationale, & licet sit homo & risibilis, & licet sit homo & sit albus, tamē sortes semper est idē suppositum, quoniam definitio & definitum sunt idem essentialiter. Res autem & proprietas eius, & accidēs commune existens in ea, sunt eadem subiecto, ex consequenti non multiplicantur supposito, propterea in omnibus quatuor prædictis modis stat identitas numeralis.

Sed dices, quæ sunt eadem proprio, ut sortes risibilis & eadem accidente, ut sortes albus, non videntur esse eadem numero, quoniam non sunt eadem specie, nec eadem genere. Sortes enim est in specie hominis, & sua albedo in specie coloris, quod uero non sint eadem genere patet. quoniam sortes est in genere substantiæ, & albedo in genere accidentis, puta in qualitate, ergo non sunt eadem numero, probatur consequentia, identitas numeralis est maxima identitas. Maxima autem supponit miuorem. Minor uero est identitas specifica & generica, quoniam stant cum distinctione suppositorum quam excludit identitas numeralis ergo &c.

generalissima, ut declarabitur infra.

Differentia specie quæcunque sub diuersis speciebus continentur, ut sortes & hic asinus, sortes enim continentur sub homine & hic asinus sub asino.

Aduerte hic duo. primo quod intelligitur de diuersis speciebus specialissimis & non subalternis. Nam licet sortes, & hic asinus contineantur sub una specie subalterna, puta sub animali, tamen non dicuntur unum specie, quoniam non continentur sub una specie specialissima, sed sub diuersis, quæ sunt homo & asinus. secundo aduerte, quod ad hunc modum reducuntur quæcunque non solū sub diuersis speciebus continentur, ut duo indiuidua diuersarum specierum, sed etiam quæcunque sunt diuersæ species specialissime ut homo & asinus, albedo & nigredo, dulcedo & amaritudo &c.

Differentia numero sunt quæcunque diuersum numerum constituunt, id est quæ sunt plura supposita & non unum sub una specie specialissima contenta, & sic omnia indiuidua eiusdem speciei differunt numero, ut sortes plato. Petrus Ioannes &c.

Positis & enumeratis modis, quibus aliqua sunt idem, & quibus aliqua differunt, reuertendum est ad declarationem definitionis de genere, in qua dicitur quod prædicatur de pluribus differentibus specie, per quam particulam differt genus a specie specialissima & a differentia specifica, & a proprio. Hæc enim ut declarabitur tibi infra, prædicantur de differentibus solo numero, ut homo de sorte & Platone & rationale quod est differentia specifica de hoc, & hoc homine, & risibile quod est proprium de hoc, & hoc homine.

Vltimo dicitur in definitione generis, in eo quod quid ubi nota quod illud prædicatur in quid, ad quod conuenienter respondetur per interrogationem factam per quid, sed per genus conuenienter respondet ad interrogationem factam per quid. Nam quando interrogatur quid sit hō, conuenienter respondetur quod est animal, quod est genus. Sed aduerte,

TRACTATVS QVARTVS

quod hæc ratio sumitur a signo. Sed ex natura rei ideo genus prædicatur in quid, quia habet modum substantiæ, & quidditatis: sicut & differentia & proprium habent modum qualitatis: ideo non inquit sed in quale prædicantur, ut dicemus loco suo. Constat igitur quomodo definitio præmissa de genere uerificatur quo ad singulas particulas. Rursus sic definitur. Genus est cui supponitur species, id est genus est illud siue illa natura communis modo supra exposito, cui supponitur species. Pro cuius notitia aduerte, quod genus dupliciter considerari potest. primo ut est natura communis prædicabilis de multis & ab eis participabilis, quæ differunt specie, & sic data est præmissa, definitio. secundo ut respicit speciem sibi inferiorem. Nam genus & species sunt relatiua, ut dicemus infra, est enim genus speciei genus & species generis species, & sic de eo datur hæc secunda definitio scilicet. Genus est cui supponitur species quæ sic habet intelligi. Genus est cui directe & immediate & tanquam sub superiori supponitur species.

Primo dicitur directe, ad differentia differentiam diuidentium genus quæ non directe sed lateraliter respiciunt genus ut tibi manifestabitur in arbore porphyriana, quam scilicet Porphyrius adinuenit & ordinauit.

Secundo dicitur immediate, ad differentiam indiuiduorum quæ supponuntur generi, sed mediante specie, ut sortes subiicitur animali, sed mediante specie hominis, & hic asinus subiicitur animali sed mediante specie asini.

Tertio dicitur, & tanquam superiori, ad differentiam indiuidui uagi cui supponitur indiuiduum signatum, non tanquam inferius sub superiori formaliter & essentialiter, sed tanquam singulare certum sub singulari incerto & indeterminato, in hoc enim distinguuntur indiuiduum signatum, & indiuiduum uagum, ut tibi declarabitur infra, indiuiduum autem signatum est quod signatur nomine proprio aut pro nomine demonstratiuo: ut sortes & hic homo, & hoc facit propositionem singularem. Indiuiduum autem

uagum, signatur nomine specifico siue communi cum signo particulari: ut quidam uel aliquis homo. Pater igitur, quomodo secunda definitio data de genere est uera. Hæc de definitione generis tam prima quam secunda dicta sint.

Quātum ad tertium: scilicet quomodo diuidatur genus apud logicum & de mente Porphyrii, aduerte quod diuiditur in genus generalissimum & in genus subalternum, nā cum non sit processus in infinitum ascendendo in quolibet prædicamento in generibus: ut alias tibi manifestabitur in secundo metaphysicæ & in primo post. &c. est deuenire ad unum primum quod prædicatur uniuoce de omni contento sub tali uel tali prædicamento: ut tibi declarabitur in tract. sequenti, & hoc erit genus generalissimum: ut substantia in prædicamento substantiæ, & quantitas in prædicamento quantitatis, & cum sit descensus a generalissimo ad speciem specialissimam per lineam rectam & per multos gradus, ut tibi manifestabitur in arbore Porphyrii inter media erunt genera subalterna, quoniam prædicantur de pluribus differentibus specie in eo quo quid & subalternatur: id est supponuntur generi superiori: ut corpus substantia, & corpus animatum sub corpore, & animal sub corpore animato. Videndum est igitur quid sit genus generalissimum, deinde quid genus subalternum, postremo elicietur corollarium.

Tu igitur aduerte quod genus generalissimum sic describitur apud logicum & porphyrium. Genus generalissimum est illud super quod non est aliud genus superneniens, & sic intellige. Genus generalissimum est illud genus in singulo prædicamento, quod supra se non habet aliud genus, & sub se continet omnia alia genera illius prædicamenti: ut in prædicamento subiectæ, generalissimum est substantia, quæ licet supra se habeat ens & alia transcendētia, nō tñ aliud genus. Transcendentia, n. ut dicemus non sunt genera, & sub se continet alia genera in eodem prædicamento. Nā sub substantia est corpus & corpus animatum & animal. Hæc igitur sit prima definitio gñis gñalissimi ex qua sequitur secūda, q̄ est hæc

contineat oēm naturam. Sed ens & alia transcendentia nō dicūt determinatā naturā imo continent oēm & uerificant de omni natura, non. n. tñ substantia est ens, unū, uerū, bonum, &c. sed & quantitas & ad aliquid & qualitas, & omne contentum in quolibet p̄dicamento est ens, unū, uerū, &c. Non ergo sunt genera, & aduerte quod Porphyrius aliam rationem adducit, dicens quod decē generalissima nō conueniunt in ente uniuoce sed æquiuoce. Genus aut debet esse uniuocum: ut diximus supra, ergo ens ex alia transcendentia non sunt genera. In ergo autem metaphysicā. Aris. aliā rōnem adducit, quia. f. omne genus diuiditur per differentias formales, quæ sunt extra conceptum generis. Sed nihil est extra conceptum entis, quoniam p̄dicatur de oibus, ergo nec ens nec alia transcendentia sunt genera. Verū quia hmōi rationes potius sunt metaphysicales q̄ logicæ, ideo sustine, & pro nunc fidem habeas sic esse. Hæc de primo prædicabili dicta sint, & hic terminatur secundum caput.

Caput tertium de specie,

IN tertio capite agendum est de specie cuius consideratio rationabiliter subsequitur considerationem de genere, qm̄ sunt relatiua, est enim genus speciei genus, & species generis species, relatiua autem per se inuicē cognoscuntur licet per se inuicem definiuntur. De specie igitur tria uidenda sunt primo. Quot modis sumitur: ut sciamus modum in quo consideratur a logico, secundo quid sit secundū logicum, tertio quomodo diuiditur apud logicum.

Quantum ad primum aduerte q̄ spēs in uariis scientiis diuersimode sumitur, apud grāmaticū sumitur p̄ originali dispositione dictionis, prout originatur a priori dictione uel non originatur. Nā si nō, appellatur dictio primitiua speciei ut cœlum, si sic, appellatur dictio deriuatiua speciei, ut cœlestis. Apud rhetores & poetas sumitur pro aspectu & dispositione, quam ostendit homo in facie prout est tristis aut lætus aut amicus aut inimicus. Apud physicum sumitur pro rei similitudine, & in libro secundo de anima sumitur p̄ similitudine, qua res sensibilis sensu apprehenditur, & dicitur

TRACTATVS QVARTVS

species sensata, quæ imprimatur in sensu sicut imago in speculo. Idem fit in intellectu, & dicitur species intelligibilis, de qua pertractatur in tertio de anima, ubi inquit Aristoteles quod lapis non est in anima, sed species lapidis. Apud metaphysicum physicum sumitur pro forma exemplari, quæ apud græcum dicitur. Idea, iuxta quem sensum Plato naturas específicas appellavit ideas, de quibus satis, disputatur in libro septimo metaphysicæ. Apud communiter loquentes sumitur pro particularitate, & id frequentatum est apud iuristas, nam dicentes, & id in specie intendunt in particulari. Sumitur & pro pulchritudine. Vnde famosum est illud. Species priami digna est imperio, & illud speciosus forma præ filiis hominum. Sumitur uulgarissime pro aromate. Sed nullus horum modorum consideratur a logico nec illi deseruit præter modum, quo sumitur pro pulchritudine cuius & meminit Porphyrius in principio capitis de specie dicens. Species autem dicitur uniuscuiusque forma, secundum quam dictum est, priami quidem species, digna est imperio. A logico autem sumitur species pro natura communicabili pluribus indiuiduis, quæ sub determinato & certo genere ponitur: ut homo sub animali, albedo sub colore dulcedo sub sapore, & relictis omnibus aliis modis de hoc ultimo hic intēdimus qui aliquo modo assimilatur speciei sumpte pro pulchritudine. Nam sicut pulchritudo perficit iuventutem, ut dicit Aristoteles in decimo ethicorum sic species actuat & perficit gen^{us}. Vnde comparatur ad ipsum: ut forma ad materiam, sicut tibi manifestabitur in philosophia, pro nunc sustine.

Quantum ad secundum aduerte quod de specie apud logicum duplex definitio format. Prima cōuenit soli, specialissimæ, secūda aut conuenit cōiter speciei subalternæ & specialissimæ, quomodo autem differant dicemus infra.

Prima igitur est hæc. Species est quæ prædicatur de pluribus differentibus numero tantum & inquit.

Primo dicitur quæ: id est illa natura communicabilis ad differentiam naturæ indiuiduæ & singularis, quæ non

species sed suppositum dicitur secundo dicitur.

Secundo dicitur, quæ prædicatur, aduerte sicut diximus in definitione generis intelligendum est non actu sed aptitudine: ut sic exponatur, quæ prædicatur: id est apta quantum sit ex se prædicari de pluribus, nam stat quod sub natura communicabili pluribus sit tantum unum indiuiduum, & tamen sit species: ut licet in creatione hominis fieret & tantum Adami: adhuc homo est species, quia natura humana ex se est apta communicari pluribus. Idem intellige de sole & aliis erraticis astris, quæ omnia differunt specie, licet sub se de fato non habeant nisi unum indiuiduum. Sed causa huius manifestabitur tibi in libro de cælo.

Tertio dicitur de pluribus differentibus numero tantum per quod distinguitur species specialissima a genere, quod prædicatur de pluribus differentibus specie, & etiam de differentibus numero sed mediate, hæc enim est uera, homo est animal, & hæc est uera. Plato est animal.

Quarto dicitur, & inquit: ut distinguatur a differentia & proprio & accidente, quæ prædicantur in quale & non in quid. Nam si interrogaris quid sit sortes. Respondes, quod est homo, ergo species prædicatur inquit.

Constat igitur quomodo prædicta definitio est uera. Sed aduerte, ad hoc quod aliqua natura communis sit species, ultra condiciones positas & declaratas in definitione requiritur quod sit natura integra & perfecta, & non sit pars, propterea anima hominis non est species sed pars speciei apud Aristotelem quia anima non est homo, sed pars essentialis hominis, nec aliqua pars corporis est species, sed pars speciei integralis, & tamen anima prædicatur inquit de hoc & illa & illa anima, quæ differunt numero. Similiter manus & caput prædicatur de hac & illa manu, & caput de hoc & illo capite, & tamen non sunt species ratione dicta.

Secunda definitio est hæc, species est quæ ponit sub assignato genere, & de qua genus in eo quod quid est prædicatur.

Aduerte primo quod hæc definitio differt a præcedenti, eo quod est comunior, uerificatur enim non solum de specie

nere pertinet, respū cuius dicat spēs, sic spēs spālissima est illa, quæ cū sit spēs nō pōt esse genus, qā sub se nō pertinet aliqua inferiora respū q̄rū dicat genus. Tertia est ista, spēs spālissima est illa, sub qua nō est inferior spēs, nā sicut genus gñalissimū est illud sicut diximus, supra qđ nō est aliud adueniēs genus, sic spēs spālissima est illa sub qua nō est inferior spēs, & aduerte qđ hęc tertia est cā secūda, & se hēt ad illā ut aūs ad pñs. Nā bene sequit. Spēs spālissima est illa sub qua non est inferior spēs, ergo ita est spēs, qđ non pōt eē genus. Quarta est ista, spēs spālissima est illa, quæ cum sit tm spēs, non diuidit in spēs, sed tm in individua & ppter hoc differt a specie subalterna: ut statim apparebit. De specie autē subalterna datur duplex diffinitio, quarum prima est ea, quæ præmissa est. sc. spēs est, quæ ponit sub assignato genere. Hęc tm definitio cōis est speciei subalternæ, & speciei spālissimæ: ut supra docuimus, secunda uero quæ soli subalternæ competit est hęc, species subalterna est illa, quæ cum sit species, nō pōt esse genus, nā sicut genus subalternū: ut supra docuimus, est illud quod cum sit genus. sc. respectu inferioris est species respectu superioris. Verbi gratia corpus animatum cōparatū ad aīal ut suum inferius, est genus comparatum autem ad corpus qđ est superius, est species, sic est de subalterna specie, puta de animali, nā cōparatū inferioribus puta ut est hō asinus, leo &c. est genus, comparatum autem superiori. i. corpori animato, est species, quoniam minus cōmune est qđ corpus animatū: ut uidebis in arbore Porphyrii.

Sed dices, qūo idem pōt esse genus & spēs, cum sint opposita sicut magis commune & minus commune?

Respondetur respectu eiusdem est impossibile, quoniam ut obiectio pbat sunt opposita, nec opposita pnt simul in eē eidē. Respectu autē diuersorum nihil prohibet, & ut sic non sunt opposita. Pro cuius notitia aduerte, quod in prædicabilibus de quibus nunc loquimur, datur generalissimam & specialissimam & media. Generalissimum quidem non respicit nisi inferiora. Specialissimum autem tantum superiora. Media uero respiciunt superiora & inferiora. Hac de

TRACTATUS QUARTVS

causa generalissimum ita est gen^{us}, quod non species. Specialissimum ita est species, quod non genus. Media uero: ut respiciunt superiora, sub quibus continentur, sunt illorum species: ut autem respiciunt inferiora, quæ continent, sunt illorum genera. Ver. gra. in ordinatione prædicamenti substantiæ datur unum generalissimum, quod est substantia, non habens supra se nil ens & alia transcendentia, quæ ut supra docuimus, non sunt genera, datur sub substantia: corpus, sub corpore, animatum corpus. Sub animato corpore animal, sub animali homo, sub homine sortes & Plato oia intermedia inter substantiā & hominem, utpote speciem specialissimam, sunt genera respectu suorum inferiorum, & species respectu suorum superiorum.

Sed dices. Quare species specialissima non est species subalterna cum sub se contineat indiuiduum uagum, & indiuiduum signatum, & licet indiuiduum signatum non prædicetur de pluribus sed de uno solo, quoniam nominatur termino proprio siue discreto: ut sortes & Plato, tamen indiuiduum uagum prædicatur de pluribus sicut species specialissima, quoniam nominatur termino communi cum signo particulari: ut quidam homo currit, ergo hic homo currit, uel hic homo currit & sic de singulis.

Respondetur, species specialissima ideo non est subalterna, quia non diuiditur in sua indiuidua siue uaga siue signata, per differentias formales constitutiuas indiuiduorum, sed per materiam: ut tibi declarabitur in philosophia. Sed prout nunc sustine. Ad hoc autem quod sit species subalterna, oportet: ut diuidatur per differentias formales constitutiuas inferiorum: ut quia animal diuiditur per rationale & irrationale & rationale constituit hominem, irrationale uero brutum, ideo est species subalterna. Quia uero homo non multiplicatur in suis indiuiduis per differentias formales, sed per diuisionem materiæ ideo non est species subalterna: sed specialissima, quæ Aristoteles uocat indiuiduam siue indiuisibilem, quia non est diuisibilis in alias species sicut diuiditur subalterna. Ut autem omnia prædicta tibi pateant, uolumus descripsi infra figuram, quæ uocatur arbor Porphyrii.

Arbor Porphyrii

Caput quartum de differentia.

IN cap. quarto agendum est de differentia, cuius consideratio recte subsequitur considerationem generis est speciei, quoniam illa prædicantur in quid, differentia autem in quale, sed sicut quidditas & subiecta rei præcedit naturaliter qualitatem rei: quoniam qualitas fundatur in subiecta, sic prædicatio in quale posterior est prædicatione in quid. Vnde qui ordinate de aliqua re interrogat, primo interrogat quid sit, secundo qualis sit, conuenienter ergo post genus & speciem agendum est de differentia. De qua tria videnda sunt, primo quot modis sumitur, ut sciamus modum in quo est, tertium universale siue prædicabile, & possumus diffinire, secundo assignandæ sunt eius diffinitiones, & declarandæ, tertio ponendæ sunt diuisiones eius.

Quantum ad primum aduerte quod ad mentem porphyrii & Petri Hispani dicitur tripliciter, scilicet communiter proprie & magis proprie.

Differentia communis est omne accidens separabile, quod inest alicui per quod differt a quocunque alio non habente illud, uel saltem non æquali gradu, uel differt a seipso, ut sor. sanus differt a Platone infirmo, per sanitatem, qua inest Plato, & ipsemet sor. existens sanus, differt a seipso respectu illius temporis quo erat infirmus. Dixi uel saltem non æquali gradu, puta licet Sor. hodie & heri febricitauerit, si tamen heri intensius, hodie uero remissius, uerum est dicere quod sortes hodie febricitans differt a seipso febricitante heri.

Differentia propria, est omne accidens proprium uel commune inseparabile ab eo in quo est, per quod differt a quolibet non habente illud, ut Sortes per uisibile differt a brunello asino, & coruus per nigredinem differt a tigno, & aduerte quod tam proprium quam accidens commune inseparabile, faciunt differre differentia propria, licet accidens proprium pertineat ad quartum prædicabile, de quo loquimur in capitulo quinto & accidens commune inseparabile pertineat ad quintum prædicabile, de quo loquimur in cap. sexto; quoniam utrunque est accidens, & est ex-

ta rei essentialiter & diffinitionem, neque etenim proprium neque accidens esse siue separabile, siue inseparabile admittendum est in diffinitione, ut alias tibi manifestabitur.

Differētia magis propria est quā una res differt ab altera essentialiter & quiditative, ita quod remoto quocunque accidente siue proprio siue communi, siue inseparabili siue separabili adhuc differunt per aliquod essentialiter intrinsecum, ut homo essentialiter ante quodcunque accēs differt ab asino per rationale unde rationale est differētia magis propria & hæc sola continetur in arbore porphyrii, eo quod sola dividit genus essentialiter, & constituit speciem, ut declarabitur infra, & de hac tantum hic agendum, eo quod communis & propria non constituunt distinctum prædicabile. Continetur enim communis in quinto prædicabile, & propria quo ad accidens proprium in quarto, & quo ad accidens commune inseparabile in quinto. Sed magis propria constituit tertium prædicabile, ut manifestabitur tibi in definitione eius.

Quantum ad secundum adverte quod aliter definitur apud nominales & aliter apud reales. Nominales definiunt sic. Differētia magis propria est terminus uniuocus prædicabilis de pluribus in quale essentialiter, ut rationale quod prædicatur de sorte & Platone in eo quod quale, quia ad interrogationem factam per qualis est sortes, respondetur quod est rationalis.

Tertium uniuocum sumunt in eo sensu, quem exposuimus in diffinitione generis data per nominales.

Dicunt prædicabilis de pluribus, aliter non esset prædicabile proprie dictum, ut patet ex diffinitione prædicabilis proprie dicti, quam assignauimus in primo capitulo huius tractatus.

Non dicunt de pluribus differentibus specie uel numero sed absolute de pluribus, ut hæc definitio possit verificari de differentia generica, quæ prædicatur de pluribus differentibus specie, ut sensitiuum de homine & asino, & æquo & cætera, & de specifica conuertibili cum specie specialissima, quæ prædicatur de pluribus differentibus

TRACTATUS QUARTUS

numero tantum, ut rationale de sorte & prælatione. Nam differentia magis propria abstrahit a genericâ & specificâ, & ideo potest utrique applicari, & applicatur genericâ, prædicatur de pluribus differentibus specie. Si autem applicatur specificâ, prædicatur de pluribus differentibus numero tantum.

Dicunt in quale, ad differentiam generis & speciei quæ prædicantur in quid.

Dicunt in quale essentielle ad differentiam proprii & accidentis, quæ prædicantur in quale accidentale.

Hæc definitio acceptatur a realibus, præter primâ particulam, quoniam apud eos & de mente porphyrii, universale & prædicabile, ut docuimus in capitulo de genere. Non sunt termini siue conceptus, sed nam, communicabilis multis ut, stat sub secunda intentione, modo, quo supra exposuimus.

Tu igitur aduerte, quod apud reales, differentia magis propria & de mente porphyrii, quintupliciter diffinitur.

Primo sic, differentia magis propria est quod prædicatur de pluribus differentibus specie in eo quod quale scilicet, essentielle.

Primo dicitur, est quod, id est illud prædicabile uel universale, quod prædicatur &c.

Secundo dicitur de pluribus differentibus specie, & exemplificat porphyrius de rationali sicut & Petrus hic, dicit enim quod rationale prædicatur de homine & de diis, quoniam sumus rationales nos & dii, sed illi inmortales, nos autem mortales, & sic scilicet ipsum rationale est differentia generica, & non specifica.

Sed hic est dubium, cum porphyrius & Petrus non assignent aliam diffinitionem de differentia, ut est quid prædicabile de pluribus, uideatur prætermisisse ueram & specificam differentiam conuertibilem cum specie specialissima. Constat enim quod cum sit conuertibilis cum specie specialissima, Non prædicatur, nisi de differentibus numero, sicut & ipsa species, ergo porphyrius & Petrus sunt dimissuti.

Respondetur Petrus sequitur porphyrium, est enim eius

breuiator. Porphyrius intendit diffinire differentiam, quam cognoscimus & non aliter, experimur autem & est sententia Aristotelis quod proprias & conuertibiles & essentielles differentias specificas ignoramus, & ideo porphyrius nō diffinit eam, sed sufficit quod diffiniat eam, quam cognoscimus & communi sententia nominamus differentiam, hæc autem est generica ut animatum & sensitum, & rationale secundum porphy. Ex hoc sequitur quod si porphyrius specificā cognouisset, eam utiq; diffinisset per prædicari de pluribus differentibus numero in quale essenziale, sicut diffiniuit speciem specialissimam per prædicari de pluribus differentibus numero in quid. Non ergo fuit diminutus, quia non cognouit specificam ergo excusatur. Quod si quis tanti fuerit ingeni, ut eam cognoscat recte utiq; diffiniet per prædicari de pluribus differentibus numero in quale.

Sed dices, si propria & specifica differentia non est nota, ergo nulla erit uera & essentialis diffinitio.

Respondetur. Conceditur consequentia. Verum quia per multas differentias circunloquimur unam specificam conuertibilem cum diffō, uel accipimus loco differentie proprium rei emanās a subiecta aut forma aut materia rei, ideo dignamur dicere tales diffinitiones esse ueras & essentielles. Verbi gratia quia secundum porphyrium rationale est cōe diis & homini, & mortale est commune omni animali, licet utranque sit magis commune quam homo, tamen simul sumpta conuertuntur, & ideo per utrunq; simul sumptum circunloquitur differentiam propriam homini, diffinientes. n. dicimus quod homo est animal rationale mortale, & tunc patet quod licet rationale per se sumptum sit & mortale, prædicentur de pluribus differentibus specie tamen simul sumpta in diffinitione conuertuntur cum homine, & prædicantur de pluribus differentibus numero tantum sicut & homo. Solus enim homo est animal rationale mortale.

Tertio dicitur in eo q. quale. s. essenziale, quod quidem declarat signo & ratione, signo quidem, quoniam ad interrogationem factam de homine qualis sit, respondetur ratio

halls, mortalis factam de asino, respondetur rudibilis & c. ratione autem quoniam ut declarabitur in prædicamento qualitatis, differentia habet rationē qualitatis, ergo sicut qualitas est, per quam quales dicimur, sic per differentiam efficiamur quales. Verum quia per proprium & accidens commune se parabile & separabile, dicimur quales, ideo subintelligitur in diffinitione differentie magis propriæ i quale essenziale, quoniam proprium & accidens qualificant accidentaliter, differentia uero magis propria essentialiter. Constant igitur, quomodo uerificatur primo diffinitio data de differentia magis propria.

Secunda diffinitio est hæc. Differentia magis propria est illa, qua abundat species a genere. Pro cuius notitia aduerte, quod genus in sui ratione siue diffinitione nullam differentiam generis diuisuam actu includit, neque animal, ut animal est rationale uel irrationale. Nam si animal in sui ratione duas suas diuisivas actu contineret, in quocumque inueniretur de eodem prædicarentur sicut & genus, puta si de sui ratione esset rationale, cum asinus sit animal, esset animal rationale si autem irrationale, cum homo sit animal, esset animal irrationale. Constat ergo quod genus nullam suam differentiam diuisuam eiusdem includit actu. Sed species includit genus actu, cui subicitur actu, & ultra genus includit alteram differentiarum diuisarum generis, quoniam per ipsam constituitur, & per ipsam distinguitur, actu a qualibet alia specie. Verbi gratia homo includit animal actu, & includit rationale actu, eo quod per rationale constituitur & diuiditur a quacunque alia animalis specie. Cum ergo dicitur, Differentia est qua abundat species a genere, sic intellige Differentia est, quam in sui ratione species supra genus actu includit, quam non includit genus, & in hoc sensu dicitur, quod species abundat differentia a genere, eo quod genus ab utraque differentia sui diuisiva abstrahitur, quas species oppositæ includunt, ut homo includit rationale brutum uero irrationale.

Præterea. Dicitur differentia, qua abundat species a gene

re, quoniam omnia quæ sunt de diffinitione generis, sunt et de diffinitione speciei. Sed species ultra omnia illa super addit propriam differentiam. Verbi gratia. Animal sic diffinitur. Animal est substantia corporea, animata, sensitiua. Hæc oia sunt etiam de diffinitione hominis, sed super addit rationale mortale. Nam homo est substantia corporea, animata, sensitiua, rationalis, mortalis propterea dicitur, quod differentia est, qua abundat species a genere.

Tercia diffinitio est ista. Differentia magis propria est illa, quæ apta nata est diuidere genus, & ea, quæ sub genere posita sunt. Pro cuius notitia aduerte quod duo sunt actus differentie, primus est diuidere genus. Nam ut probatur in decimo metaphysicæ. Quodlibet genus diuiditur duabus primis differentiis contrariis, ut substantia per corpoream & incorpoream, & quantitas per continuam & discretam, & linea per rectam & obliquam, & hoc tibi patet in arbore porphyrii supra posita. Secundus actus est quod differentia simul cum genere constituit speciem siue subalternam siue specialissimam, exemplum primi. Corporeum adiunctum substantiæ constituit corpus, & incorporeum adiunctum substantiæ constituit substantiam se paratam, quam dicimus intelligentiam, & in diuina lege dicimus angelum, exemplum secundi. Congregatiuum adiunctum colori constituit nigredinem, est enim nigredo color congregatiuus visus. Dilgregatiuum autem adiunctum colori, constituit albedinem, est enim albedo color dilgregatiuus visus, ex his ergo constat quod differentie contrarie diuidentes genus, constituunt species oppositas, contentas sub genere diuiso, quæ licet conueniant in genere, tamen diuiduntur siue distinguuntur ab inuicem per differentias, quæ diuiserunt genus & simul cum genere constituerunt ipsas species. Ideo bene dicitur, quod differentia magis propria est illa, quæ est apta diuidere genus, & ea, quæ sub genere posita sunt.

Quarta diffinitio est hæc. Differentia magis propria est illa, quæ differunt a se singula. Pro cuius

TRACTATUS QVARTVS

notitia aduerſe, quod ſicut apud phyſicum entia naturalia conueniunt in materia & differunt a ſe inuicem ſuis propriis formis, ut omnia metalla conueniunt in aqua. Nam in eis prædominatur aqua, aliter non liqueſcerent, ſed differunt propriis formis, alia eſt. n. forma auri, alia argenti &c. ſic & apud logicum ſingulæ ſpecies continentur ſub uno genere conueniunt in genere quod ſe habet, ut materia, & differunt a ſe inuicem ſuis propriis differentiis, quæ emanant a propriis formis, ut rationale ab anima intellectiua. Conſtat ergo quò differentia eſt, quæ differunt a ſe ſingula.

Quinta diffinitio talis eſt. Differentia magis propria eſt quæ conducit ad eſſe rei, & eius quod eſt eſſe rei pars eſt. Pro cuius notitia aduerſe, quod differentia in duobus aſſimilatur formæ rei. Nam ſicut apud phyſicum forma dat eſſe ſe composito etiam in artificioſis, ut forma gladii dat eſſe gladio neque enim ferrum eſt actus gladii antequam recipiat formam gladii ſic apud logicum differentia, quæ ſumitur a forma dat eſſe ſpeciei. Nam ex eo quod homo eſt rationalis habet eſſe hominis, & non ex eo quod eſt animal. Nam ex eo quod eſt animal non habet eſſe niſi animalis, in quo non differt ab aliis ſpeciebus contentis ſub animali. Similiter forma apud phyſicum eſt pars eſſentialis rei compositæ & ſpectat ad quidditatem eius, ſic apud logicum differentia eſt pars eſſentialis ſpeciei. Sicut enim homo ut compositum naturale componitur ex materia & forma puta ex corpore & anima ſic homo, ut ſpecies componitur ex genere & differentia puta ex animali & rationali. Hæc tamen compositio differt ab illa, quoniam apud phyſicum illa eſt realis, diſtinguitur enim realiter materia & forma ut potentia & actus, apud logicum autem eſt compositio generis & differentię ſecundum rationem quoniam genus & differentia non realiter differunt. Sed pro nunc ſuſtine quoniam iſta non reſoluitur ultimate niſi apud metaphyſicum, ut docui mus in quaſtionibus noſtris metaphyſicalibus. Conſtat igitur quomodo differentia conducit ad eſſe rei, & eſt pars eius, ut diſtinguitur a proprio & accidente, quæ & ſi dant aliquo

modo esse rei, non tamen essentialiter, nec sunt essentialis pars rei, neque secundum rem neque secundum rationem, quoniam non ingrediuntur definitionem. Differentia autem ingreditur & complet, ut alias tibi manifestabitur. Constant igitur tibi omnes definitiones quæ dari centuerunt apud logicum de differentia magis propria in quibus omnes conueniunt tam differentia genericæ quam specificæ præter primam, quæ, ut sonat non conuenit nisi genericæ, licet aliqui dicant quod conuenit etiam ultimæ specificæ non repugnāter, id est quia non repugnat differentia, ut differentia est prædicari de pluribus differentibus speciei, aliter repugnaret omni differentia, sicut non repugnat cælo, ut corpus est diuidi in partes, uerum hæc opinio quantum ualeat pro nunc relinquatur, ne confundatur nouitius, & standū est in expositione, quam supra posuimus in solutione obiectionis factæ contra primam definitionem datam de differentia.

Quantum ad tertium aduerte quod ad mentem porphyrii, differentia quintupliciter diuiditur.

Prima diuisio est hæc. Differentiarum quædam facit alterum, quædam facit aliud. Illa facit alterum, quæ facit differre habentem a non habente accidentaliter, ut accidens proprium & accidens commune siue separabile siue non quoniam neutrum est de essentia rei differentis, & id, scilicet facere alterum competit differentia communiter & proprie acceptæ, licet magis conueniat differentia communiter acceptæ quam proprie. Nam proprie accepta & si non secundum se, tamen in quantum proprium accidens fuit a principis speciei, uidetur participare actum differentia magis proprie, quæ facit aliud, quoniam licet homo differat essentialiter ab asino per rationale primum, tamen secundario differt essentialiter per risibile. Nam bene sequitur homo est risibilis ergo distinguitur essentialiter & specificæ ab asino, quod non est uerum de differentia communi. Non enim sequitur. Homo est albus, ergo differt essentialiter a coruo, ut patet. Illa autem facit aliud quæ facit differre habentem a non habente essentialiter, ut differentia magis propria quæ est de essen

ia rei differentis, ut sensitiuum in animali, & rationale in homine. Nam bene sequitur. Animal est sensitiuum, ergo differt essentialiter a planta, homo est rationalis, ergo differt essentialiter ab asino.

Secunda est. Dīarum quædam est separabilis ab eo, cui inest, ut differentia communiter accepta, quæ fit per accidens commune. Quædam inseparabilis, quæ fit per accidens proprium, & est differentia proprie dicta, uel per differentiam essentialem, quæ dicitur differentia magis propria. Nam & proprietates rei, ut risibile, & differentia essentialis ut rationale sunt inseparabiles a re cui insunt, quoniam alterum fluit ab essentia, alterum est de essentia rei.

Tertia est. Dīarum inseparabiliū, quædam sunt per se quædam per accīdens. Aduerte q̄ apud porphyrium, dīæ per se sunt illæ, quæ ingrediuntur diffōnem & istæ sunt magis propriæ ut sensitiuum quod ingreditur diffōnem animalis, & rationale quod ingreditur diffōnem hominis. Dīæ autē per accidens sunt illæ, quæ licet prædicentur per se de subiecto, ut risibile de homine, tamen nō ingrediuntur diffōnem rei, nisi sumantur loco dīæ essentialis, sicut solemus diffinire asinum per rudibile, & æquum per inibile, & canem per latrabile, eo q̄ pprias & essentielles ignoramus dīas. Igitur inter dīas per accidens in sensu dicto, numeramus accidentia propria, de quibus loquimur in capitulo sequenti.

Quarta est, Dīarum quædam suscipiunt magis & minus quædam non. Quæ suscipiunt magis & minus sunt dīæ cōiter dictæ, quæ fiunt per qualitates cōes & præcipuæ in tertia sp̄e qualitatis, ut sunt colores & sapes & odores, & tangibiles qualitates. Nam de Socrate uerum est dicere q̄ differt a Pla. in albedine, qm̄ & si uterq̄ sit albus, tñ magis albus est Socra. uel minus q̄ Pla. Quæ autem non suscipiunt magis & minus sunt dīæ ppriæ & magis propriæ, non enim dē unus homo, magis risibilis aut magis rationalis q̄ alius. Quid autem sit recipere magis & minus, declarabitur tibi in trac. sequenti, cum loquimur de proprietatibus p̄nti substantiæ. Pro nunc sustine, ne idem inutiliter repetamus.

Quinta est dīarum, quādam est diuīsiua, quādam consti-
tutīua. Pro notīcia huius quintae diuīsiōis aduerte pmo q
nōn datur nisi de differentia magis propria, qm̄ illa tm̄ diui-
dit genus essentialiter & constituit spēm, ut patet ex defini-
tionibus supra positīs. Aduerte secundo q membra huius di-
uīsiōis nō oportet esse distincta realiter sed sufficit q sint
distincta fm̄ rationem, nam eadem differentia est diuīsiua &
constitutīua, sed respectu diuersorum, qm̄ diuidit genus &
constituit spēm, ut autem diuidit dī diuīsiua, s. generis, ut ue-
ro constituit dī constitutīua, s. spēi, & sic distinguitur ratione
a seipsa ut diuidit & cōstituit. Verbi gratia. Rationale & suū
oppositum diuidūt animal ut patet in arbore porphyrii, qm̄
animalium aliud rationale, aliud irrationale, & utrunq; illo-
rum simul cum genere constituit spēm nam rationale addi-
tum animali constituit hoīem. Irrationale additum aīali cō-
stituit brutum. Aduerte tertio q differentiae magis propriae
tres sunt, actus, p̄mus est diuidere genus, & ab hoc dī diuīsi-
ua, secundus est constituere spēm siue subalternam siue spe-
cialissimam, ut sensitiuum constituit animal, Rationale con-
stituit hoīem, & ab hoc dī constitutīua, tertio facit differre
ab inuicem ea quae constituit, ut per rōnale differt homo a
bruto, & ab hoc dī differentia. Nam quae differunt, differen-
tia differunt. Aduerte quarto q ex eo q differentia simul
cum genere constituit spēm sequitur corollarie q sola spēs
diffinitur. Nam uera diffō constat ex gñe & differentia essen-
tiali. Hae autē duō constituunt spēm, ergo sola spēs diffinit.
Vnde quaecunq; diffiniuntur & nō sunt species aut subalter-
na aut specialissima. Qualia sunt decem generalissima. Sex
transcendentia. Omnia individua cuiuscunq; p̄nti, nō uera
& propria diffiniuntur sed describuntur. Quomodo autem
differant uera diffinitio & descriptio, manifestabitur tibi in
Tractatu de syllogismo topico. Bene ergo dixit Boetius, q
sola species diffinitur. Constat ergo tibi diuīsiōes dari de
differentia simul cum definitionibus suis, co modo siue illis
modis quibus potest notificari. Hae de praesenti capi, di-
sta sunt.

TRACTATVS QVARTVS

Caput quintum de proprio

IN quinto capitulo agendum est de quarto prædicabili quod dicitur proprium. Cuius consideratio ordinare sequitur considerationem generis & speciei & differentiarum, eam namque prædicantur essentialiter. Proprium uero prædicatur accidentaliter, sed essentialiter præcedit accidentale, ergo post considerationem illorum trium ordo doctrinæ requirit, ut tractemus de proprio. Quare autem prius de proprio quam de accidente cum utrumque sit accidentale dicemus in capitulo sequenti. De proprio autem tria uidenda sunt. Primo quod modis sumitur, secundo quid sit proprium quod ponit quatum prædicabile, tertio si solus ultimus modus, quo dicitur proprium est unus ex quinque prædicabilibus.

Quantum ad primum aduerte quod ad mentem porphyrii, & in doctrina peripatetica, quatuor sunt modi quibus dicitur proprium.

Primo illud dicitur proprium, quod competit soli uni speciei, sed non omni indiuiduo illius speciei; immo reperitur in minori parte, ut esse logicum siue grammaticum, esse medicum, esse moralis & honestæ uitæ, competit soli homini, quoniam solus homo inter omnia animalia uiget parte intellectiua, hæc autem insunt ei propter intellectum & uoluntatem, quæ ad partem intellectiuam spectant. Sed esse logicum siue medicum est proprium primo modo, dummodo importent esse actu logicum siue medicum, si enim importarent solam aptitudinem, non essent proprium primo modo sed quarto modo, sicut & risibile in homine, nā licet soli homines & pauci sint actu logici siue medici, omnes tamen & soli sunt apti esse logici &c. aliter illud principium Aristotelis in primo suæ metaphysicæ esset falsum. Omnes homines natura scire desiderant. Desiderium autem sciendi supponit aptitudinem naturalem ad scientiam aliter uanum esset desiderium. Et aduerte, quod est simile de ridente & risibili, nam esse actu ridentem conuenit soli homini, sed non omni homini, quoniam non omnes actu rident. Sunt enim eadem hora aliqui flentes aliqui ridentes,

esse ergo ridentem est proprium homini primo modo.
Esse uero aptum ad ridendum conuenit soli & omni homi-
ni & semper ergo est proprium hominis quarto non ut de-
clarabitur.

Secundo illud est proprium quod omni indiuiduo alicu-
ius speciei & semper conuenit remoto impedimento & ca-
su; sed modo soli speciei sic esse bipedem est proprium homi-
nis secundo modo, nam esse bipedem & gradi duobus pedi-
bus conuenit omni homini qui sit uerus homo, sed non soli
homini, conuenit enim multis animalibus & praecipue uo-
larilibus.

Dixi remoto impedimento, ut secludantur homines, qui
ex infirmitate aut abscissione non sunt bipedes.

Dixi & casu, propter monstra, quorum aliqua aut nullius
aut unius, aut plurium quam duorum sunt pedū, de quibus
iam locuti sumus in secundo physicorum.

Dixi uerus homo, ut excludam quaedam animalia habē-
tia effigiem humanam, ut dicitur quod in india inueniuntur ho-
mines qui tantum unum habent pedem, & unum oculum
in fronte qui gradiuntur saltando. Isti non sunt magis homi-
nes quam simia, ideo de eis non est hic sermo.

Sed aduertit quod quando dicitur illud est proprium se-
cundo modo, quod omni sed non soli conuenit. Exponen-
dum est ly. conuenit pro accidit, aliter esse animal est pro-
prium secundo modo. Conuenit enim omni homini sed nō
soli ut patet licet autem conueniat omni homini sed non so-
li, non tamen accidit homini sed est de essentia eius, quoniam
praedicatur de eo in quid.

Tertio illud est proprium quod conuenit soli uni speciei,
& omni eius indiuiduo sed non omni tpe, immo solum in ta-
li tpe, puta esse canum uel canescere conuenit soli & omni
homini, sed non nisi in senectute, loquendo de canescere na-
turaliter, id est secundum ordinem naturae, & proprie.

Dico secundum ordinem naturae, quoniam accidit ex
aliis causis hominem canescere ante senectutem, & praeci-
pue ex longa & intensa animi tristitia, propterea inquit Boe-

TRACTATUS QVARTVS

tius in pmo de consola. Metro pmo. Intempestiui fundunt
tpe cani. scapilli, aut pp malam & intemperatam complexio-
nem qualis est phlegmatica & melancolica. Vtrantq; nanq;
est frigida, & canicies ex frigiditate puenit. Nam ideo nō ca-
nescit homo iu iuuentute, quia calor naturalis, sup abundat
tempotans frigidum, in senectute autem ex defectu caloris
supabundat frigidum & humidum supfluum, ideo in sene-
ctute canescit homo, & inter alias complexionones sanguinea
tardius canescit, post iptam colerica, pp caloris abundantia
temperantis frigidum & consumentis humidum indigestū
siue superfluum.

Dico pprie, quoniam licet aliqua animalia ut lupus & ca-
nis, uideant inutare pilos suos naturales in albos. Non tamē
pprie canescunt, sed potius griseſcunt. Nam causa pprie, ca-
niciei est supabundans frigiditas cerebri, quæ inest homini
sup omnia alia animalia, & ideo male odorat hō, ut dī i. 2.
de aīa. q̄ aut aliqua bruta mutent pilos in albos, non est ex
supabundanti & indigesta frigiditate cerebri, cuius signum
est q̄ usq; in finem uitæ subtilissimæ odorant: sed est ex indi-
gestis frigidis humoribus respersis p totum corpus, & præci-
pue quando brutum est uorax sicut lupus & canis.

Quarto illud est pprium, q̄ conuenit soli uni spēi, & oī
eius indiuiduo & semp. i. p oī tpe & necessario, ut esse risibi-
le ē pprium hoīs hoc quarto mō. Nā hō cū sit rōnalis semp
est aptus natus ridere, licet non semp actu rideat, & aduerte
qd ly conuenit exponendū est p accidit, alr rōnale esset p-
pprium quarto mō, qm conuenit soli & oī hoī & semp & ne-
cessariæ, cū sit gradus, eius distinctiuus a bruto, p tanto autē
non est pprium sed dīa ut docuimus supra qm est de essen-
tia & de diffōne hoīs pprio aut quarto mō id non competit
cum sit accidens fluens a forma rei aut materia, a forma q̄
dem ut risibile & disciplinabile ab aīa humana, a materia au-
tem ut corruptibile a compositione contrariorum elemen-
torum. Constat igit quot sint modi quibus consuetum ē su-
mi pprium. Nunc aut relictis alijs, immemorandum est circa
quartū, qm solus iste est quartū pdicabile ut declarabimus.

Quantum igitur ad secundum manifestandum est quid sit in via peripatetica. Tu igitur aduerte quod noiales sic definiunt, proprium quarto modo est terminus uniuocus predicabilis de pluribus in eo quod quale accidentale & conuertibiliter.

De terminus uniuocus loco generis, eo quod est magis cois, nam ut patet supra apud noiales & genus & spes & differentia sunt terminus uniuocus, & tamen non sunt proprium, ergo in plus est esse terminum uniuocum, quam esse proprium quarto modo.

De predicabilis de pluribus, aliter non esset uerum predicabile computatum inter quinque: ut docuimus in c. 1. huius tractatus.

De de pluribus indistincte non explicando distinctis siue differentibus specie uel numero, quoniam aliquod proprium consequitur genus: ut esse aptum dormire & uigilare consequitur animal. Solum. n. animal & omne & semper. s. p. aliquo tempore dormit & uigilat: ut docuimus in lib. de somno & uigilia. Aliquod autem consequitur spem specialissimam, ut risibile & strobile primum quidem predicatur de pluribus differentibus specie sicut & genus, secundum autem de pluribus differentibus numero sicut & species specialissima.

De in eo quod quale, ut distinguatur a genere & a specie quae predicantur inquit, uerum quia dicta predicatur in quale, id ut distinguitur ab ea subiungitur, in quale accidentale. Nam dicta, ut docuimus supra, predicatur in quale essentiale, cum sit de essentia eius cuius est dicta. Proprium autem predicatur in quale accidentale cum sit extra essentiam eius cuius est proprium, & non sit pars eius.

De conuertibiliter, aliter non esset proprium quarto modo. Nam si predicaretur de aliquo, de quo non predicatur illud cuius est proprium, iam non conueniret soli illi, parum si risibile predicatur de aliquo, de quo non predicatur homo, non conueniret soli homini, ex consequenti non esset proprium hominis quarto modo sed secundo modo.

Tota haec definitio acceptatur a logico reali excepta prima particula, quoniam realis logicus: ut saepe diximus non concedit praedicabile esse terminum siue conceptum,

TRACTATUS: QVARTVS

sed naturam communem pluribus, ut stat sub hoc cōceptu .1. p̄dicari de pluribus uniuoce in quid uel in quale &c. ut do-
cuimus in cap. 1. & 2. huius tractatus.

Posita igitur definitione proprii secundum nominales, ui-
dendum est quid sit ad mentem Aristotelis. Tu igitur aduer-
te q̄ in p̄mo topico. sic definitur, p̄prium est quod inest om-
ni soli & semp, & conuersim p̄dicatur de re, & non indicat
quid est esse rei.

Per p̄mam particulam: scilicet soli omni & semp distin-
guitur ab aliis modis p̄prij. nam iuxta p̄mum modum inest
soli, sed non omni, iuxta secundum inest omni, sed non soli,
iuxta tertium inest omni & soli sed non semp, quarto autē
modo inest soli omni & semper.

Per secundam particulam: scilicet & conuersim: id est cō-
uertibiliter p̄dicatur de re, distinguitur ab accidēte commu-
ni, quod est quintum p̄dicabile, quod non conuertitur cum
eo cui inest. Nam licet ista sit uera. Omnis coruus est niger,
hæc tamen est falsa, omne nigrum est coruus. In p̄prio au-
tem quarto modo p̄dicatio conuertitur. Nam si omnis ho-
mo est risibilis, omne risibile est homo.

Per tertiam particulam: scilicet & non indicat quid est
esse rei, distinguitur a definitione. Nam ut declarabitur tibi
in tractatu de syllogismo topico. Definitio est oratio indicās
quid est esse rei per essentialia: id est declarans essentiam &
naturam rei definitæ per sua principia priora & intrinseca,
quæ sunt genus & differentia. Et quoniam proprium non
est principium prius intrinsecum & essentialiale eius, cuius est
proprium, sed est, quid posterius fluens ab ipsis principiis:
ut risibile originatur a rationali, nam ex eo quod homo est
rationalis, naturali sequella concluditur, quod est risibilis,
& non concluditur econuerso a priori, sed a posteriori,
ideo non indicant naturam rei a priori, sicut indicat uera
definitio.

Dico a priori, quoniam cum propriæ rerum differentiæ
sint nobis incognitæ, ueniamur rerum quidditates per esse-
ntias proprias, & p̄ suas proprietates, & ut in pluribus assu-
mimus

mimus propria accidentia in diffinitionibus loco differentiarum. Sed hoc est indicare quod quid est rei a posteriori & non a priori. Et quādo dicitur in diffinitione praemissa de proprio q̄ non indicat quid est esse rei, intelligendum est a priori ad differentiam ueræ diffinitionis. A posteriori autē non est dubium, aliter non uerificaretur illud in primo de anima. Accidentia scilicet propria, magnam partem conferunt. i. multum nobis deseruiunt ad cognoscendum quod quid est. i. rei essentiam & naturam. Verum quia hæc sunt altioris negotii. metaphysici, ideo tu nouiti ne desperes, si nunc non penetras, sufficiat tibi superficialiter apprehendere. Constat igitur tibi quid sit proprium quarto modo secundum nominales & reales, sed tu sequere uiam realium: utpote magis conformem doctrinæ peripateticæ.

Quantum ad tertium aduerte quod proprium nō oībus modis est uniuersale sed tantum quarto modo. Nam solum quarto modo prædicatur accidentaliter conuertibiliter mō quo exposuimus, & suum adæquatum subiectum est ppriæ species specialissima, ex consequenti sicut species specialissima prædicatur uniuoce & immediate de pluribus differentibus numero, quæ sunt eius indiuidua, sed prædicatur inqd. Sic eius proprium prædicatur de eisdem sed in quale, ideo facit distinctum prædicabile ab omnibus alijs. Hæc de proprio dicta sint. Quomodo autem faciat distinctum prædicabile ab accidente, cum & ipsum proprium sit accidens, dicemus in cap. sequenti. Hæc de cap. 5. dicta sint.

Caput Sextum. De accidente.

IN capitulo sexto agendum est de quinto prædicabili qđ dicitur accidens, cuius consideratio ordinate sequitur considerationem de proprio, quoniam licet utrunque prædicetur de pluribus in quale accidentaliter in quantum utrunque est accidens, tamen in perfectiori modo prædicatur quam proprium. Nam proprium prædicatur conuertibiliter non autem accidens ut declarabitur. Item proprium facit propositionem per se, non autem accidens. De acci-

TRACTATUS QVARTVS

dente igitur quatuor uidenda sunt. Primo quot modis sumitur, ut sciamus modum iuxta quem ponitur quintum predicabile, secundo quid sit: ut est quintum predicabile, tertio quomodo diuiditur, quarto quomodo facit distinctum predicabile a proprio, cum & proprium sit accidens.

Quantum ad primum aduerte q̄ famosiores modi i uia Arist. quibus sumitur accidens, sunt quatuor.

Primo sumitur per omni eo quod non est de ratione alicuius, & sic omnia quæ non sunt de rōne hominis sunt accidentia homini, cum igitur risibile non sit de rōne hominis, nec Sortes nec Plato sint de intellectu hominis, potest. n. intelligi homo non intellecto. Sorte & Platone, & cuius signum est q̄ hæc est indirecta, homo est Sortes lequitur q̄ in hac prima acceptiōe & proprietates speciei & individua sint accidentia homini, & iuxta hunc modum in tractatu de syllogismo sophistico assignabitur fallacia accidentis.

Secundo sumitur accidens pro omni ente quod non est suba sed inhæret subæ, & diuiditur in nouem p̄nta: ut declarabitur tibi in tract. sequenti, iuxta quem modum dicimus quantitatem & qualitatem esse accidens, & appellatur accidens p̄ntale. Et est alterum membrum diuisionis, qua diuiditur ens in substantiam & accidens.

Tertio sumit accidens pro omni eo quod euenit p̄ter intentionem agentis: ut quando homo fodit agrum ut seminet, si fodiendo inuenit thesaurum, est accidens, & hoc accidens dī fortuna & casus, de quo agitur in. 2. physicorum.

Quarto sumit accidens p̄ omni eo quod positum in predicato facit prop̄tionem per accidens siue illud sit suba siue accidens p̄ntale siue non. Ad hoc autem quod fiat p̄positio p̄ se oportet predicatum esse de essentia aut de ratione subiecti aut p̄prium eius quarto modo, omnia ergo alia predicata faciunt p̄positionem p̄ accidens. Vnde hæc est p̄ accidens. Animal est homo & hæc homo est sortis & uniuersaliter quando inferius predicatur de superiori & omnis propositio in qua predicatum est accidens cōe siue separabile siue inseparabile, qm̄ tale accidens non est de diffōne subiecti, nec eius proprium,

aliter soli subiecto conueniret. Vnde hæc est ppositio pacci dens, homo est albus, nix est alba, ethiops est niger, & solū quarto modo est pdicabile distinctum ab aliis. Et quidem q sit pdicabile probatur quoniam pdicatur de pluribus. uniuoce differentibus siue specie siue numero, nam nigredo pdicatur uniuoce de coruo & carbone & ethiope, qui differunt spē & pdicatur de hoc & illo coruo qui differunt numero. Qd autem sit distinctum ab aliis patet de genere & specie, quoniam pdicatur in quale, illa autem in quid, patet de dīa, qm illa pdicatur in quale essentiale, hoc autem in quale accidentale, de proprio etiam constat, quoniam proprium pædicatur in quale accidentale conuertibiliter, accidens autem inconuertibiliter. Constat ergo quot modis sumitur accidens, & iuxta quem modum sit pædicabile.

Quantum ad secundum aduerte quod apud nominales accidens ut est quintum pædicabile sic diffinitur: 'Accidens est terminus uniuocus, de pluribus pædicabilis in eo quod quale accidentale non conuertibiliter.

Primo dī terminus uniuocus in eodem sensu, in quo est diffinitum, genus & species & dīa & proprium secundum nominales, & ut in secundo cap. exposuimus.

Secundo dī de pluribus pædicabilis, quoniam ex hoc habet q sit pdicabile, pprie dictum, modo pdicetur uniuoce: ut patet ex diffōne data de pdicabili in. 1. cap. Et aduerte q non dicitur de pluribus differentibus spē siue numero, qm contingit accidens pædicari de differentibus genere: ut animal est album, nix est alba, et de differentibus specie: ut coruus est niger, & homo est niger puta ethiops, & de differentibus numero, ut sortes est albus, & Berta est alba, pp hoc igitur diffinitur accidēs pædicabile pdicari de pluribus indistincte siue specie siue numero.

Tertio dicitur in eo q quale, quoniam ad interrogatiōē factam qualis est homo, respondetur albus aut niger, aut sanus aut æger.

Quarta dicitur accidentale: ut distinguatur a differentia, quæ: ut supra docuimus pædicatur in quale essentiale,

quoniam est de definitione eius, cuius est differentia. ¹²¹¹¹⁸
 Quinto dicitur conuertibiliter: ut distinguatur a proprio
 sicut iam supra docuimus.

Hæc diffinitio tota acceptatur a logico reali, præter primam particulam, quoniam: ut sæpe diximus realis logicus non concedit prædicabile esse terminum uel conceptum, sed esse naturam communicabilem multis: ut stat sub hoc conceptu, quod est esse prædicabile de multis. Aliæ particulæ omnes acceptantur.

Apud realem autem logicum & ad mentem Porphyrii de accidente: ut est quintum prædicabile datur triplex diffō.

Prima est hæc. Accidens est quod adest & abest præter subiecti corruptionem

Aduerte quod hæc diffinitio alio & alio modo intelligenda est a logico & a philosopho. Nam logicus considerat accidēs secundum modum prædicandi, philosophus autem sed modum essendi. Logicaliter ergo sic intelligatur. Accidens est illud prædicabile quod adest & abest: id est quod prædicatur affirmatiue & negatiue de suo subiecto, præter subiecti corruptionem: id est absq; hoc quod remoueatur subiectū. Verbi gratia esse album, sedere, stare, currere, sunt accidentia homini, quia uerificantur de homine affirmatiue & negatiue, nam utraque harum est uera cum sint in definitioe in materia contingenti. Homo est albus. Homo non est albus, & adhuc stat homo siue sit albus siue non sit albus, non solum autem uerificantur istæ duæ sumendo hominem: ut stat præ distinctis suppositis sed etiam respectu eiusdem pro diuerso tamen tempore, nam uerum est dicere, quod hic homo aliquando est albus, aliquando non est albus, & tamen stat subiectum. Realiter autem & apud philosophum sic intelligitur. Accidens est ens, quod adest & abest: id est quod aduenit subiecto iam constituto in esse quo ad substantiam & interest & illi, & remouetur ab eo, & tamen subiectum non definit. Et definitio sic intellecta, uerificatur propriæ de accidente communi quod: scilicet non consequitur subiectum ex natura subiecti: ut excludam accidens propriam conlequens

naturam specificam, ut risibile in homine uel principia indi-
uiduantia, quibus hic homo est hic homo. Ista. n. non remo-
uentur, quin corrumpatur subiectum. Hæc enim semper est
falsa, homo non est risibilis, quia licet possit intelligi homo
non intellecto risibili cum non sit de essentia eius, tamen nō
potest existere sine risibili, qm̄ naturaliter fluit a natura ho-
minis, sicut lux a sole. Licet autem prædicta diffinitio intelli-
gi possit & exponi logicaliter & physica, in præsentī loco
exponenda est logicaliter, qm̄ logicus non habet considera-
re accidens, ut ens est, sed ut prædicabile est.

Secundo diffinitio est hæc. Accidens est, quod contingit
eidem, scilicet subiecto inesse & non inesse, ut esse sanum, tri-
stem, lætum, honoratum &c. est accidens sorti, quoniam al-
quando est sanus aliquando æger, aliquando tristes, aliquan-
do lætus, & hoc modo accidens conuertitur cum contingē-
ti. Contingens est, quod potest esse & non esse. Et aduerte qd
per hanc secundam definitionem probatur prima. Nam
bene sequitur. Accidens est quod potest inesse & nō inesse
subiecto, ergo accidens est quod adest & abest præter subie-
cti corruptionem.

Tertia diffinitio est hæc. Accidens, scilicet prædicabile
est illud quod neq; est genus, neq; species, neq; differentia,
neq; proprium, inest autem alteri.

Dicitur, accidens prædicabile, ut excludam accidens in-
quantum est prædicamentale, puta albedinem in prædica-
mento qualitatī, corpus & superficiem in prædicamento q̄-
titatis. Nam albedo est species coloris, corpus & superficies
sunt genera quantitatis continuæ, non inconuenit ergo ac-
cidens prædicamentale esse species & genus &c. Sed inquan-
tum est prædicabile id sibi repugnat. Est autem prædicabile
ex particulari modo prædicandi, qui est prædicari de pluri-
bus in quale accidentaliter inconuertibiliter, per hunc autē
modum prædicandi negatur sibi posse esse genus & species,
quia prædicantur inquit, similiter esset differentia, quia præ-
dicatur in quale essentiale, similiter esse proprium, quia præ-
dicatur in quale accidentale: sed conuertibiliter. Constat

Igitur tibi, quid sit accidens, ut prædicabile. *Quantum ad tertium aduerte, quod apud porphyrium datur tantum una diuifio de accidente prædicabili, quod est accidens commune distinctum contra proprium, quod est quatum prædicabile. Petrus autem hispalus, adiungit secundam.*

Prima est, accidentium communium, quæ prædicantur per accidens de subiecto, quoddam est separabile, quoddam inseparabile. Separabile ut homo, est sedens. Inseparabile, ut coruus est niger. Ratio huius diuisionis est, quia aut accidens causatur in subiecto a causa naturali fixa & perseverante quasi immutabiliter, & sic est accidens commune inseparabile, ut nigredo in coruo, quæ causatur ex intensa caliditate, & siccitate, complexionali, quæ prædominantur in eo supra frigidum & humidum. Et nigredo in æthiope, quæ causatur ex aduisione regionis, a qua nullo tempore multum elongatur sol, habitant enim circa tropicum canceri, aut causatur in subiecto a causa instabili diuersimode se habente pro diuerso tempore, & sic est accidens separabile, ut albedo & denigratio in sorte italo, nam in æstate ad solem denigratur propter accessum ad caput nostrum, in hyeme autem dealbatur propter elongationem. Idem intellige de calore & frigiditate aeris in climate quinto & sexto & septimo & magis ultra. Constat igitur quomodo hæc diuifio est sufficiens.

Sed aduerte, quod hæc diuifio magis verificatur apud physicum, quam apud logicum. Physicus enim considerat accidens prædicamentale & modum suum realem essendi in subiecto, logicus autem considerat accidens sub modo intelligendi & prædicandi. Quantum igitur spectat ad physicum. Profecto verum est quod aliquod est separabile, ut accidens aduentitium, sicut album & nigrum calidum & frigidum in homine, aliquod autem est inseparabiliter inhærens, ut calidum in igne, nigrum in coruo, album in niue, dulce uel asperum in hoc uel illo pomio, & breuiter omne accidens congenitum fluens a principiis indiuidui, & tali uel

rali commixtione elementorum, apud logicum autem omne accidens quantum ad modum intelligendi uel prædicandi est separabile, quoniam subiectum, quo ad essentialia sua potest intelligi & diffiniri non intellecto accidente siue proprio siue communi. Proprio quidem, ut possum intelligere ac diffinire hominem, nulla facta mentione de risibili. Constat enim prima apprehensio & quidditatiua diffinitio ex solo genere & differentia communi autem aduētitiō constat. Communi uero congenito, ut nigredine in coruo constat quod possum intelligere & diffinire quo ad principia essentialia, absque hoc quod fiat mentio de accidente cōgenito, possum enim intelligere hominem, qui est æthiops in quantum homo est, ut inquit porphyrius nitentem candore. Nō enim æthiops, ut homo habet nigredinem, sed ex regione adusta radiis solis, cuius signum est, quod si æthiops deducatur ad regionem temperatam, paulatim per successionem generationis, geniti albescent. Hæc ergo diuisio accidentis per separabile & inseparabile, licet in aliquo sensu posset intelligi logicaliter, absolute tamen exponenda est physica, quod innuens porphyrius posita prædicta diuisione, ne uideretur contradicere diffinitioni datæ, quæ dictum est accidens esse illud quod potest adesse & abesse & cætera ex consequenti uidetur omne accidens esse separabile, quasi soluens inquit, potest autem intelligi & coruus albus & æthiops nitens candore præter subiecti corruptionem. Ac si dicat, licet physica non omne accidens postquam aduenit subiecto possit remoueri, tamen logicaliter quantum ad modum intelligendi subiectum potest remoueri modo quo diximus, nulla ergo est contradictio. Verum ergo est dicere, quod apud physicum datur accidens separabile & inseparabile quantum ad inesse subiecto. Sed apud logicum omne est separabile quantum ad hoc, quod est intelligere & diffinire subiectum.

Secunda diuisio quam ponit Petrus Hispanus est hæc. Accidentium quoddam est commune quoddam est proprium. Aduerte quod accidens

TRACTATVS QVARTVS

potest dici commune & proprium duplr̃ primo q̃ illud dicatur cōe, quod aptum est inueniri in multis substantiis genere & specie dictis, ut calidum, frigidū, humidum, & siccum aspectum, lene, graue, leue.

Proprium autem dicatur illud, quod uni soli generi uel speciei conuenit conuertibiliter, ut rerum proprietates, ut summa lux in sole & summum calidum in igne, par est impar in numero, risibile in homine, secundo ut dicatur accidens cōe, cuius subiectum nominatur termino cōi & non discreto, ut homo alb⁹, coruus niger, illud autem dicatur accidens proprium, cuius subiectum nominatur termino discreto, ut sortes albus, uel albedo in sorte. In hac secūda diuisione sumitur cōe & proprium in secundo significato, & nō in primo, nam iuxta p̃mū distinguitur quartum prædicabile a quinto. Iuxta autem secundum tam cōe q̃ proprium continetur in quinto prædicabili. Constat igitur quō diuidatur accidens apud logicum in prædicabilibus. Dico in prædicabilibus, qm̃ alio modo diuidendum est in prædicamentis, ut tibi manifestabitur in tractatu sequenti.

Quantum ad quartum ut scias, quomodo accidens facit quartum prædicabile distinctum a quinto cum tamen utrūque sit accidens & non substantia, aduerte q̃ accidens dupliciter considerari potest, primo ut est ens distinctum contra substantiam, & qđ in tractatu sequenti distinguemus in nouem prædicamenta accidentium, secundo ut dicitur prædicatum per accidēs distinctum contra prædicatum per se, iuxta quem sensum omne quod prædicatur per accidens de altero dicitur accidens, & omne quod prædicatur per se, dicitur per se, & iuxta eundem sensum accidens facit propositionem & prædicationem per accidens. Per se autem facit propositionem per se, quæ quō & quot modis fiat, declarabitur in trac. de syllogismo demonstratiuo.

Iuxta primum sensum non datur medium inter substantiam & accidens, quia ut manifestum tibi erit in trac. sequenti, ens sufficienter diuiditur in substantiam & accidens, nam ens aut est aptum esse in subiecto, uel non in subiecto. Si pri

num est accidens, si secundum, est substantia, & sicut inter duo contradictoria non potest dari mediū sic nec inter substantiam & accidens sic accepta, potest dari medium. Iuxta autem secundum sensum datur medium inter substantiam & accidens. Nam proprium non est substantia, nec est accidens. i. prädicatum per accidens. Non. n. facit prädicationem per accidens sed per se in secundo modo, qui modus manifestabitur tibi in trac. de syllogismo demonstratiuo.

Ad propositum ergo dico quod accidens distinctum contra substantiam non facit quintum pädicabile distinctū a quarto, qm̄ & ipsum proprium continetur sub accidente primo modo sumpto. Accidens autem sumptum p. pädicato per accidens distincto contra prädicatum per se facit quintū pädicabile distinctum a quarto, qm̄ illud est prädicatum per se ex quibus sequitur qd̄ omne accidens cōe in quantum facit pädicationem & propositionem per accidens continetur in quinto pädicabili, & omne prädicatum pädicationis indirecte. s. quando inferius prädicatur de superiori continetur in eodem pädicabili. In quo sensu dum prädicatur homo de animali, homo est accidens in quinto pädicabili.

Vt autem scias, quæ sit pädicatio indirecta & accidentalis, quæ faciunt quintum pädicabile declarandum est quid sit directa & indirecta, essentialis & accidentalis apud logicū.

Tu igitur aduerte, quod pädicatio directa est illa, in qua superius prädicatur de suo inferiori, id est magis commune de minus cōi uel æquale de æquali. Exemplum primi, homo est animal, animal est corpus, corpus est substantia, substantia est ens, exemplum secundi, homo est risibilis, animal est sensituum, numerus est par uel impar.

Indirecta autem est quando inferius prädicatur de superiori. i. minus commune de magis communi, ut suba est corpus, corpus est animal, animal est homo.

Prädicatio essentialis est illa, in qua termini sunt eiusdē prädicamenti, dum modo sit directa, ut homo est animal quoniam subiectum & prädicatum sunt prädicamento substantiæ, & prädicatur superius de inferiori. Idem esset si

TRAC. II. DE PRAEDICAB.

praedicaretur aequale de aequali ut quando praedicatur differentia specifica de specie, ut homo est rationalis.

Praedicatio accidentalis est in qua termini sunt distinctorum praedicamentorum ut homo est risibilis, homo est albus. Nam homo est i praedicamento substantiae risibilitas uero & albedo sunt in praedicamento qualitatis. Sed aduerte quod accidentalis est duplex. Quaedam enim est accidentalis per se & fit quando praedicatur proprium accidens de proprio subiecto, ut homo est risibilis, numerus est par uel impar, & est in quarto praedicabili. Quaedam est accidentalis per accidens & fit quando praedicatur accidens commune de subiecto, ut homo est albus, coruus est niger, & haec est in quinto praedicabili, in eodem etiam est praedicatio inferioris de superiori, ut animal est homo. Accidit enim animali esse hominem. Nam posito quod homo non esset, adhuc potest esse animal quia potest saluari in alia specie, puta in equo in leone &c. propterea haec & similes sunt per accidens & in quinto praedicabili, animal est homo, corpus est animal, substantia est corpus. Haec de sexto capite dicta sint in quo terminatur intentio nostra expositiua super quinque praedicabilia. Nec mireris tu nouitii, si relinquimus proprietates & communitates, quas assignat porphyrius, & Petrus hispa. & differentias quinque praedicabilium ad inuicem comparatorum quoniam declaratis & expositis singulorum praedicabilium definitionibus quo ad singulas particulas, ut supra exposuimus, poteris per te ipsum huiusmodi communitates & differentias comprehendere. Ideo hoc sistendum est.

Explicit trac. qui est quartus in ordine, compendii logice peripateticae, & est de quinque uniuersalibus siue praedicabilibus ordinatus per Reue. magistrum Chrysostomum ordinis praedicatorii, philosophiae & diuiniae scientiae professorem. Post hunc tractatum sequitur quintus, qui erit de decem categoriis, quas latini dicunt decem praedicamenta quorum consideratio erit hic tantum logicaliter, quod si aliquo modo physicae aut metaphysicae, hoc erit praeter intentionem, ut tibi manifestabitur.

INCIPIT TRACTATUS QUINTVS QVI

est de ante prædicamentis, & prædicamentis
& post prædicamentis.



Ost habitam considerationē de quin
que vñibus siue prædicabilibus, doctri
næ ordo requirit, quod de categoriis,
quæ apud latinum prædicamenta di
cuntur pertractemus. Ordinavit enim
Porphyrus isagogas ad habendam
eam prædicamentorum doctrinam,
quam tradidit nobis Aristoteles. præ
terea in trac. præcedenti actum est

de rationibus & diffinitionibus ac diuisionibus quinque uni
uersalium. In trac. autem præsehti acturi sumus de ordina
tione quinque uniuersalium, quæ constituitur prædicamentū
ut dicemus, ergo necesse fuit præscire ipsa quinque vñia, ut in
pñti trac. sciamus ea ordinare in linea prædicamentali. Vane
enim conantur ordinate qui prius nō nouit ordinabilia. Rō.
nabiliter ergo. post doctrinam traditam de quinque vñibus,
agendum est in præsehti tractatu de prædicamentis. Quæ
diuidemus in tres partes, sicut & Aristoteles uidet diuisisse.

Pars prima erit de ante prædicamentis.

Secunda de prædicamentis.

Tertia de post prædicamentis.

Partem primam diuidemus in quatuor capita.

Primo pertractanda sunt quedam, quæ præcognoscere
oportet, ne per incognita procedamus, aut simus coacti ea se
pius repetere.

Secundo agendum est de pmo. ante pñto sumpto in gene
re, quod continet tres definitiones. sc. æquiuocorum, uniuocorū
et denominatiuorū. Tertiō agendum est de secūdo ante pñto
sumpto in genere q̄ continet duas diuisiones terminorum.
Quarto agendum, est de tertio ante pñto sumpto in genere
q̄ continet duas regulas, quarum pma ualeat ad cognoscen
dum ea, quæ locantur secundum sub & supra ordinate, secū
da autem ualeat ad cognoscendū impermixturem pñtorum.

TRACTATVS V. PARS I.

Depræcognoscendis. Caput primum.

IN primo capitulo agendum est de his, quorum præcognitio necessaria est, antequam descendamus ad tractandum in specie de ante prædicamentis & de pñtis, & de post prædicamentis, & sunt quatuor, primo quod sit prædicamentum. secundo quod ante prædicamentum, tertio quid post prædicamentum, quarto si ad logicum spectat & quomodo tractare de prædicamentis.

Quantum ad primum aduerte, ut scias in qua sensu tractare intendimus de prædicamēto, quod quatuor pñ summi potest, pñmo pro omni termino prædicabili siue de uno ut sorres siue de pluribus ut homo. Nam cum prædicamentum a prædicando dicatur, quicquid de aliquo uel de aliquibus prædicatur, dici pñt in hoc pñmo sensu prædicamentum, secundo pro oī termino quo de pluribus prædicatur, ut ab hoc scdo sensu excludatur terminus discretus tertio pro genere generalissimo cuiuscūq; prædicamenti, in quo sensu substantia, quætitas, qualitas, ad aliquid &c. dñr prædicamenta quarto pro coordinatione plurium prædicabilium, quæ se habent, ut inferius & superius essentia pñt in linea recta prædicamentali, ut tibi in singulis prædicamentis declarabitur infra, & in hoc quarto sensu acturi sumus de prædicamēto diffiniēdo quid sit.

Tu igitur aduerte quod uno modo diffinitur apud nominales, & alio modo apud reales. Nam nominales sic diffiniunt, prædicamentum est coordinato plurium terminorū secundum sub & supra, & per ly plurium terminorum intendunt plurium prædicabilium. Nam ut docuimus in trac. præcedenti, tenent prædicabilia non esse res siue naturas cōmunicabiles multis, sed terminos siue conceptus, & qm reales non concedūt prædicabilia esse terminos sed naturas cōmunes modo quo in trac. præcedenti exposuimus ideo non acceptāt prædictam diffinitionem nisi aliud addatur. Igitur apud reales sic diffinitur, prædicamentum est ens dicibile, in complexum, ordinabile in genere secundum sub & supra, prout substat termino talem ordinem significanti.

Primo dñ ens, ad differentiam non entis ut est chimera,

& negationes quæ non reponuntur in prædicamento. Nam ut probatur in libro sexto metaphysicæ solum ens extra animam quod est ens reale reponitur in prædicamento, & sic excluditur ens rationis, & ens fictitium, & negationes & priuationes in quantum sunt negationes.

Secundo dicitur, ens dicibile, id est de aliquibus prædicabile, ad differentiam singularium quæ non proprie reponuntur in prædicamento, eo quod aliquibus subiiciuntur, i. speciebus, sed de aliquibus non prædicantur cum non habeant inferiora. Vnde coordinatio cuiuslibet prædicamenti, clauditur inter generalissimum & specialissimum.

Tertio dicitur, incomplexum ad differentiam complexorum quæ secundum se tota in nullo uno prædicamento reponitur sed per partes in distinctis, ut hominem esse album, per ly hominem reponitur in prædicamento substantiæ, per ly album in prædicamento qualitatis. Quod si in eodem prædicamento reponitur non tamen in uno genere uel una specie, sed secundum unam partem reponitur in genere, & secundum aliam in specie. Vt hominem esse animal. Cõstat enim hominem locari in specie, & animal in genere.

Quarto dicitur, ordinabile in genere ad dñam transcendentiã, quæ licet sint ens prædicabile & incomplexum, tamẽ nõ reponuntur in aliquo uno pñto, sed circumdant omne pñtum prædicatur enim de decem generalissimis, & de omnibus contentis sub decem generalissimis. Quicquid autem reponitur in pñto, Non egreditur limites illius pñti, ut tibi maris festabitur infra.

Quinto dicitur secundum sub & supra. Oportet enim ut omne per se & directe reponibile in prædicamento se habeat ad aliud ut inferius ad superius uel econuerso, & dicat per se & directe, ut per ly per se excludantur ea quæ tantum reductiue sunt per se in prædicamento, ut partes essentielles & integrales, quæ non sunt per se in prædicamento, sed gratia totius. Vnde materia & forma non sunt in prædicamento, nisi quia totum compositum est in prædicamento, & per indirecte excluduntur dñæ, quæ non directa linea sed a li-

tere, ut patet in arbore porphyrii, continentur in pñto.

Sexto dī, prout substat termino talem ordinem signāti, ut scias q̄ pñta non considerant a logico, ut simplr sunt entia realia sicut declarabimus infra, sed ut stant sub conceptibus secundis, qui per terminos significantur puta consideratur sub a ut generalissimum. Similiter quantitas & qualitas &c. Constat igitur tibi quid sit pñtum.

Quantū ad scdm aduerte, qđ ante pñtum est pñū traditū nobis ab Arist. conferens immediate ad pñtoꝝ sciam pñdam. Pro cui⁹ notitia aduerte qđ & pñdicabilia tradita nobis a porphyria & ē ab Arist. in li. topi. sub rōne pñtorum, & ante pñdicamenta tradita hic ab Arist. conferunt scīa pñtoꝝ consequendæ. Sed diuersa rōne. Nam pñdicabilia conferunt pmo & mediate: Imposse est. n. scire ordinem pñtalem. nisi pñciamus quid genus quid spēs, & multiplices eorū diuisiones ut docuimus in trac. pñcedenti. Ante pñta aut supposita notitia pñdicabilium proxime & immediate conferunt, ut tibi manifestabit. Sed aduerte q̄ & post pñta conferunt, aſr non fuisset ab Arist. eorū notitia annexa doctrine pñtoꝝ. Conferunt tñ aſr q̄ añ pñta. Nam ex parte addiscentis ante pñta sunt pñta cognitione q̄ pñta & post pñta. Sed post pñta, complent notitiam pñtorum. Vnde ante pñta sunt principium cognitionis pñtalis. Sed post pñta sunt terminus eiusdem cognitionis. Hinc est q̄ aliqui dicunt ante pñta conferre a priori, post pñdicamenta uero a posteriori.

Quantū ad tertium aduerte q̄ post pñtum ut ex pñmis potes coniecturare est de documentum traditum ab Arist. pro complemento doctrine pñtalis. Dicit enim Arist. in pñdicamentis assignans proprietates pñtorum puta in pñto sub a q̄ sub a nihil est contrarium, q̄ eadem numero sub a, & si non simul, successiue tñ est receptiua contrariorum. Hæc autem non possumus perfecte scire, nisi cognoscamus qđ sit oppositio, & quæ eius spēs, cuius una est oppō contraria. Itē oportet scire modos simultatis, & motus &c. & de singulis agendum est in post pñtis. Ergo ad complendam pñtoꝝ doctrinam, oportet in ultima pte trac. de post pñtis agere. Cō-

stat igitur tibi quid sit post pñtum, & ad qd ordinaratum est.

Quantum ad quartum aduerte qm̄ famosum est, logicā uersari circa entia rōnis & intentiones secundas, pñdicamenta aut sunt entia realia & entia extra aīam: ut tenet Arist. in lib. 6. metaphysicæ, ideo non vñ q̄ ad logicum spectet pñtrare de pñdicamentis. Sed ad metaphysicum cuius offm̄ est considerare de maxime vñbus in cauando quales sunt substantiæ abstractæ, & in pñdicando qualia sunt transcendentia & uniuersales modi essendi: ut pōt & actus, unum & multa, finitum & infinitum, necessarium & contingens, per se & p accidens &c. Et decem pñta. Vnde Arist. in li. 5. meta. pñtrare de suba & quātitate & de ad aliqd, & de qualitate &c.

Vt igitur scias in quo sensu spectat ad logicum considerare de pñtis & in quo non, aduerte duas distinctiones, Prima est hæc. Ens rōnis sumitur dupliciter, primo solum pro eo, quod fabricatum est ab intellectu, & extra intellectum nulum habet esse, & sic oratio propositio syllogismus, consequentia, antecedens, consequens subiectum pñdicatum vñe singulare suppositum, genus species differentia & reliqui termini secundæ intentionis, dñr proprie entia rationis, secundo sumitur pro omni ente reali non secundum se sed in ordine ad rationem, & prout ratio circa illud negocians, attribuit sibi aliquod fabricatum per rōnem, puta negocians circa aīal attribuit sibi conceptum gñis, & homini conceptum sp̄ei. Et forti cōceptum singularis, & in hoc sensu omne ens reale potest dici ens rōnis. Et quando dicitur q̄ logica uersatur circa entia rationis & secundas intentiones, concedendū est primo & secundo modo ita q̄ nihil consideratur ab ea quin sit ens rōnis primo aut secundo mō. Et q̄do dñr q̄ pñdicamenta sunt entia realia, concedendum est secundum sui naturam, cum quo tamen stat, q̄ ut intellectus eis attribuit secundas intentiones puta conceptū generis generalissimi & subalterni & sp̄alissimi & aliquas proprietates in ordine ad rōnem, puta dici de subiecto, & non esse uel esse in subiecto, dici pñt entia rōnis secundo modo & ut sic considerant a logico secundū aut naturam suā, considerant a metaphysico.

TRACTATVS V. PARS I.

Secunda distinctio est hæc, ens reale pōt in aliqua scīa cōsiderari dupl'r. primo modo reali. i. in ordine ad passiones reales, puta ut subiicitur motui uel tpi uel loco, aut inquantum est finitum uel infinitū corruptibile generabile uel suū oppositum, secundo mō logicali, puta ut refertur ad subiici & ad prædicari, & ut alia prædicata intentionalia attribuit ei ratio, puta esse ordinabile in genere aut in specie &c.

Primo modo scientiæ reales considerant de ente reali, ut physica & mathematica & metaphysica. secundo mō sciæ rōnales inter quas est logica, considerat de ente reali, quod ut diximus sic consideratum potest dici ens rationis. secundo modo sumptum iuxta distinctionem præcedentem, & sic constat tibi quō logicus de pñtis quæ sunt entia realia tractat modo logicali & non modo reali.

Sed dices, immo logicus considerat prædicamēta modo reali. Nam Aristoteles ut tibi manifestabitur in pñto substātiæ & quantitatis & qualitatis considerat eorum proprietates & cōitates reales modo reali, puta q̄ subiecte nihil est contrarium, q̄ est susceptiua contrariorum, quod non recipit magis & minus &c. ergo &c.

Respondet, logicus habet considerare pñta principaliter & ex proposito modo logicali, q̄ autem aliquo modo reali hoc est secundario & incidenter, put. s. talis cōsideratio mō reali confert considerationi pleniori habende mō logicali, & hoc non uideatur mirum. Nam ut inquit Arist. in. 4. metaphysicæ circa idem uersatur dialecticus & metaphysicus. Vnde sicut metaphysici est considerare de oibus, sic & dialectici sed diuersa rōne ut tibi alias manifestabit. Hinc est qđ Arist. in scīa reali puta in physica aliquando utitur rōnibus logicalibus, quæ dicuntur rōnes cōes, & in logica aliquando procedit modo reali, ut insinuet uniuersalitem & conformitatem quæ sunt in logica & metaphysica ideo dicuntur scīæ cōes. Constat igitur tibi, quod obiectio præposita non præualet determinationi facte. Hæc de. i. cap. huius primæ partis Trac. 5. dicta sint. Nunc accedendum est ad specificā considerationem ante prædicamentorum.

De primo

De primo antepñto in genere, caput secundum,

In cap. secundo agendum est de primo antepredicamento in genere quod dicitur diffinitio: quoniam tres continent diffinitiones conferentes ad cognitionem predicamentorum, prima est de æquiuocis, secunda de uniuocis, tertia de denominatiuis, primo igitur diffinienda sunt æquiuoca, secundo uniuoca, tertia denominatiua.

Quantum ad primum antequam deueniamus ad diffinitionem aduerte duo, primo uoluit Aristoteles notificare æquiuoca & uniuoca & denominatiua, ut admoneret adiscentem, nullum æquiuocum reponendum esse in pñto. Admoneret etiã totam coordinationem unius predicamenti deberẽ constare ex uniuocis. Admoneret quoq; quomodo accidentia reducenda sunt ad substantiam per predicationem denominatiuã neq; enim accidentia uerificantur de substantia in abstracto sed in concreto ut declarabitur. Hæc enim est falsa, homo est albedo, sed hæc est nera, homo est albus, secundo aduerte quod æquiuocum est duplex. scilicet æquiuocans & æquiuocatum, æquiuocans est nomen siue terminus plura. id est diuersa secundum naturam significans, ut canis significat animal latrans, & sidus cœleste, æquiuocatum est ipsa res siue natura diuersa per illud nomen significata, ut animal latrans & sidus cœleste, sunt æquiuocata huius nominis canis, eandem distinctionem intellige de uniuoco, nam aliquod est uniuocans aliquod uniuocatum. Vniuocans est nomen siue terminus communis pluribus conuenientibus in una natura cõis siue in una rōne. id est diffōne. Vt animal uiuum est uniuocum uniuocans: qm̃ predicatur de omni sp̃e animalis s̃m hanc rōnẽ. scilicet quod est suba animata sensitiua. Vniuocata sunt res conuenientes in uno noĩe & in una natura uel saltem in una rōne diffinitiuã, ut homo, capra, leo, &c. sunt uniuocata huius nominis animal uiuum. Hic Aristot. intendit diffinire æquiuocum æquiuocatum, & non æquiuocans. Idem intellige de uniuoco, his pñotatis aduerte quod æquiuoca sit diffiniunt æquiuoca. scilicet æquiuocata dñr quorum solum nomen est cõe, & rō subæ est diuersa, quæ diffinitio sic intelligenda est.

Primo dicuntur, idest significantur illa quorum nomen &c. & aduerte quod Aristoteles diffinit ea per dicunt, & non per sunt: quoniam cum æquiucata sint entia realia, non spectat ad logicum considerare ea quo ad esse, sed quo ad dici & prædicari, & hoc est considerare ea modo logicali, & nō modo reali qui ad philosophum spectat, ut diximus in cap. præcedenti.

Secundo quorum solum nomē est commune: idest quæ in nullo præterquam in nomine cōueniunt, quia sic placuit primo instituenti ea nominare, & sumitur nomen pro termino per se significatio categoriæmarico siue sit nomen siue uerbum, nam & in uerbo datur æquiucatio. Plura. n. omnino diuersa per idem uerbum significantur. Vt hoc uerbum habeo significat rem temere siue possidere, & significat intelligere. Nam cum dicit loquens audienti, habes me, intendit, intelligis me.

Tertio ratio substantiæ est diuersa, aduerte quod hic nō sumitur rō pro sola & propria diffōne, sed pro quacūq; descriptione siue notificatione, qua manifestat nobis rei æquiucatiue natura. Præterea, hic non sumitur substantia ut distinguitur contra accidens alioquin in sola substantia daretur æquiucatio quod est falsum, nam & magnitudo est æquiucum nomen & acutum, & cætera multa ut tibi nota erūt locis suis. Sumitur autem substantia ut extenditur ad significandum cuiuscūq; rei essentiam, siue sit ueræ substantia, siue quantitas, siue qualitas &c. est ergo talis prædictæ diffōnis intellectus, æquoca æquiucata dñr illa, quæ in solo uno nomine cōueniunt per appellationem, sed in ratione notificationis essentia eorum nullo modo cōueniunt: quoniam alia est ratio unius in intellectu, & alia ratio alterius in eodem intellectu, sicut alia & alia est essentia eorū. Quæ omnia patent in animali latrante & pisce marino & sidere cœlesti, nam licet hæc tria appellentur hoc nomine canis, tamen sicut alia est natura sideris cœlestis & animalis latrātis, sic est alia, & alia ratio notificationis essentia eorum. Constat igitur quid sit æquiucum æquiucatum, Quomodo autem distin

guatur per æquiuocum a consilio, & æquiuocum a casu, manifestabimus infra.

Quantum ad secundum aduerte quod apud Arist. uniuoca uniuocata (de his enim proprie intēdimus sicut diximus etiam de æquiuocis) sic diffiniuntur. Vniuoca dicuntur quorum nomen est cōe, & rō substantiæ secundum illud nomē est eadem, ut homo bos & leo sunt uniuoca respectu aīalis: qm̄ in noīe & in una rōne aīalis cōueniunt, nam hæc est uera homo est aīal, & hæc, bos est animal &c. ergo conueniūt in uno cōi noīe, & hæc est uera, homo est substantia aīata sensitiua, & hæc, bos est substantia aīata sensitiua, ergo conueniunt in una cōi rōne substantiæ. Sic ergo intelligatur hæc diffinitio. Vniuoca dicuntur. i. significantur illa quæ in uno noīe cōi, & una cōi rōne indicatiua substantiæ. i. essentiæ siue naturæ eorum cōueniunt, siue sit uera diffinitio siue descriptio notificatiua substantiæ. Quod dico qm̄ si oporteret eorum rōnem esse ueram diffinitionem, sola species specialissima esset aptud logicum uniuoca: qm̄ ut diximus in tract. præcedenti, sola species diffinitur. Verum quia apud logicū non solum species specialissima, sed & generalissimum & subalterna genera usq; ad specialissimam speciem sunt uniuoca, & tamen non propriæ diffiniuntur, ideo ly ratio sumēda est ut se extendit ad diffinitionem et descriptionem et notificationem essentiæ, quocumq; modo possit haberi.

Sed aduerte quod uniuocum est duplex: scilicet logicum & physicum, quæ in aliquibus conueniunt, & in aliquo differunt nam conueniunt in tribus primò in uno nomine, secūdo in una rōne formata ab intellectu, tertio inconuenientia æquali illius rōnis, oportet. n. q. illa una rō æqualr uniuocatis conueniat, nam si prius uni, & posterius alteri conuenit, nō stat uniuocatio, sed erit analogia ut dicemus infra. Hac de causa sanum non est uniuocum: quoniam ratio sani prius conuenit animali sano posterius autem urinæ & medicinæ: quoniam non conuenit eis nisi in ordine ad animal sanum. Hæc tria, ergo oportet inueniri, in uniuoco, tam logico quam physico. Sed physicum addit quartum quod nō est ne

cessarium in uniuoco logico. Hoc autem quartum est unitas naturæ, nam quæ sunt diuersarum naturarū non uniuocant̃ in aliquo uno importatē diuersas naturas etiam quod de eo habeatur una ratio communis in qua conueniunt. Hac de cā corpus non est uniuocum phisicum sed logicum tantum quoniam diuiditur per corruptibile ut est elementum, & p̃ incorruptibile ut est cœlum, quæ sunt omnino diuersarum naturarum, eadem causa species specialissime apud physicū non uniuocantur in genere suo proximo: quoniam cuiuslibet speciei natura diuersa est formaliter ab alia quam diuersitatem indicant dīæ essentielles diuidentes genus & constitutētes spēm. Vnde in .7. physicorum dixit Aristoteles, quod iuxta genera .s. apud physicum licet non apud logicum latent æquiuocationes. Sola autem species specialissima est uniuoca logicæ & physicæ, logicæ quidem quoniā est unius nominis & rationis in quibus conueniunt omnia sua indiuidua æqualiter. Physicæ autem: quoniam natura specifica ex se est una, nec est apta plurificari formaliter per dīas formales, sed solum per materiam qua plurificantur indiuidua, ut tibi manifestabitur in metaphysica. Sed pro nunc sustine, cōstat igitur tibi, quid sit uniuocum & quomodo conueniunt ac differunt uniuocum logicum & uniuocum physicum.

Quantum ad tertium ut scias quid sint denominatiua de quibus hic intendimus & quorum p̃noticiam reputamus opportunam ad habēdam p̃dicamentorum doctrinam p̃ponenda sunt duo notabilia.

Primum est quod denominatiua sunt triplicia, nā quædam sunt uoce tantum, quædam significatione tm̃, quædā uoce & significatione simul ea sunt denominatiua uoce tm̃, quæ ita se habent quod denominans & denominatiuum dicunt eandem naturam sed differunt solum sicut apud grammaticum per nomen primitiuum & nomen deriuatiuum, & hoc mō homo & humanitas, animal & animalitas Deus & deitas, se habent ut denominatiuum & denominans deriuatur enim homo ab humanitate, Deus a deitate, sed homo non dicit aliam naturam ab humanitate, nec aīal ab aīalita

DE ANTEPRAEDICAMENTIS. 99

te, nec deus a deitate, ea sunt denominatiua significatione tantum, quæ ita se habent quod denominans et denominatum conueniunt in significato sed non in nomine, nam aliud nomen imponitur denominanti, & aliud denominatiuo, ita quod non conueniunt in principio nec differunt in fine, & hoc modo apud mortales se habent uirtus & studiosus. Dicitur enim studiosus ille qui hêt & operatur secundum uirtutem, & uulgariter dicitur uirtuosus a uirtute, ergo ut denominante dicitur studiosus de nominatiue secundum significationem, sed non secundum uocem, quoniam in uoce & pronuntiatione nullo modo conueniunt uirtus, & studiosus, ea autem sunt denominatiua uoce & signato, quæ conueniunt in uoce siue termino in principio & differunt in fine, a denominante, & dicunt siue addunt aliam naturam a natura denominantis, nam denominans dicitur accens, denominatiuum autem dicitur subam in se habentem tale accens, hoc modo se habent apud logicum & physicum albedo & album, iustitia & iustus, sapientia & sapiens. Hic non intendimus loqui de denominatiuis nisi in tertio sensu: quoniam ea sunt proprie & formaliter denominatiua.

Secundo notandum quod apud philosophum denominans dicitur abstractum quasi simplex & pura forma ut albedo apud grammaticum dicitur primitiuum quasi non dependens nec originatum ab altero. Denominatiuum autem apud philosophum dicitur concretum quasi compositum ex subiecto & forma ut album, apud grammaticum autem dicitur deriuatiuum quasi descendens ab altero. Sed aduerte quod logicus & grammaticus in hoc ualde differunt. Nam logicus dicit illud nomen esse abstractum, quod significat formam secundum se, & non per modum inheretis subiecta. Nomen autem concretum dicitur esse illud quod significat formam in subiecto ut album. Nam licet album puram qualitatem significet ut dicemus infra, tamen subiectum concernit. Grammaticus autem qui uersatur circa dictiones & syllabas dicit illud esse nomen primitiuum quod est pauciorum syllabarum. Deriuatiuum autem quod est plurium. Vnde apud ipsum iustus est primitiuum iustitia est deriuatiuum, cum tamen quo ad ueritatem rei sit oppositum, quoniam dicitur homo iustus a iu-

istitia & non econuerso. Vnde intellectus logici rationabilior est, sūtpote consideratiuus uerij& falsi.

His prænotatis aduerte quod denominatiua in tertio sensu sic describuntur ab Aristotele. Denominatiua dicuntur quæcūq; ab aliquo, solo differentia casu, secundum nomen habet appellationem, ut a fortitudine fortis. Hæc descriptio sic intelligenda est. Denominatiua, s. nomina, quæ apud physicum dñr concreta, dñr esse illa, quæ sunt differentia ab aliquo, s. nomine denominante siue abstracto, secundum physicum, solo casu, i. sola terminatione, qm̃ conueniunt in principio dictionis & differunt in fine, ut iustus & iustitia, & sim illud nomen, s. concretum hñt appellationem, i. prædicant de subiecto, non, n. denominantia siue abstracta prædicantur de subiecto, sed denominatiua siue concreta. Hæc enim est falsa, homo est iustitia. Sed hæc de uera, homo est iustus, ex quibus oĩbus patet quod ad ueram & formalem denominationem acceptam in tertio sensu tres conditiones requiruntur. Prima est, q̃ abstractum & concretum conueniāt ī uno nomine quo ad pñcipium dictionis, secunda q̃ differant in fine tertia quod concretum dicat aliam rem siue naturam a subiecto, ut hic, homo est albus nam homo est substantia, albu autem quod albedinem cum connotatione subiecti importat, spectat ad pñtum qualitatis, & sic patet q̃ quando prædicatur differentia essentialis de genere aut de specie, ut aial est sensitiuū, homo est rōnalis, nō ē uera & propria prædicatio de nominatiua, qm̃ dñia essentialis non dicit alienam naturam ne eo cuius est dñia. Restat ergo ut uera denominatio fiat iuxta quartum & quintum prædicabile prædicatione directa qm̃ ut docuimus in trac. præcedenti, dñt naturam accidentalem aduenientem subiecto quod denominat, ut risibile est in pñto qualitatis & album & nigrum &c. Subiectū autem quod denominatur est in pñto substantiæ. Dixi prædicatione directa, qm̃ indirecta parum existimatur in arte, cum sit mere accidentalis. Hæc de æquiuocis & uniuocis & denominatiuis, quæ comprehenduntur in primo anteprædicamento dicta sufficiant, & in his terminatur secundum caput.

Caput tertium de secundo antepredicamento.

IN tertio cap. agendum est de secundo antepredicamento in genere, quod continet duas diuisiones, quarum prima est de terminis per se significatiuis & categorematicis, qui de aliquo uel aliquibus apti sunt predicari, secunda est de entibus quae aptae sunt in subiecto esse, uel de subiecto dici, & quae non. Iste autem duae diuisiones antepredicamenta hic reponuntur, quoniam cognitioni praetoriorum omnino opportunae sunt, nam prima deseruit ad cognoscendum differentiam eorum quae ponuntur in praetoriorum ab his quae non ponuntur, secunda autem deseruit ad cognoscendum differentiam eorum ab inuicem quae reponuntur in praedicationis ut uidebis, primo igitur manifestanda est prima diuisio, secundo secunda.

Quantum ad primam aduerte quod Arist. intendens praemouere discipulum ex quibus constet ordinatio & dispositio praetorialis inquit eorum quae dicuntur, quaedam quidem simpliciter complexione dicuntur quaedam sine complexione, quae secundum complexione dicuntur sunt homo currit, homo uincit, ea uero quae sine complexione dicuntur sunt, ut homo, bos, currit, uincit &c.

Pro noticia huius diuisionis aduerte tria, primo quod coincidit cum ea quam posuimus in tractatu. Secundo assignantes diuisiones terminorum, & est decima diuisio, quae fuit haec. Terminorum alius complexus, alius incomplexus. Hic autem dicit Aristoteles eorum quae dicuntur. id est dictionum quae uoce praefertur, quaedam sunt cum complexione. id est sunt complexae, quaedam sine id est sunt incomplexae, secundo aduerte ut scias quid sit uere complexum, & quid incomplexum de quibus intendit Aristoteles hic loqui quod complexum est triplex. Quae uoce tantum. Significato tantum, uoce & significato simul.

Complexum uoce tantum est quando per plures uoces per se significatiuas circūloquimur aliquam unam rem, quam ne scimus uno proprio nomine nominare, ut primogenitus Socratis filius atheniensis. Incomplexum tali complexo oppositum est, quando per unam uocem per se significatiuam uniuocam rem unam nominamus, ut Socrates, homo, asinus &c.

Complexum significato tantum est, quando unam uocem tantum

quæ tamen plura habet significata proferimus, ut canis, canis
 cer sanum, nam sub una uoce plura indistincte cõpletimur.
 Incõplexum tali complexo oppositum est, quando unâ uo-
 cem tantum habentem tantum unum significatum proferi-
 mus, ut homo, capra, leo &c.

Complexum uoce & significato simul est, quando plures
 uoces plura significantes proferuntur, ut homo albus, ho-
 mo currit, homo est animal & hoc complexum semper est
 oõ aut perfecta si est cum copula, ut homo est albus, aut
 imperfecta si est sine copula, ut homo albus incõplexu huic
 cõplexo oppositum est, qñ una uox simplex uel composita
 significans unum profertur, exẽplum pmi, homo, animal,
 exẽplum secũdi armiger, scutifer, paterfamilias, iconomus.
 Aduerte tertio quod Aristoteles hanc diuisionem fecit ut
 innueret quod in prædicamento non reponitur secundum
 se totum complexum secundo modo, & tertio modo dictũ,
 quoniam omne repõibile secundum se totum in prædicamen-
 to dicit unam & determinatam naturam, cum sit aut genus
 aut species, aut differentia. Sed complexum secundo, & ter-
 tio modo, non dicit unam & determinatam sed plures, ut
 patet de cane, & de hac oratione homo est albus, nam ho-
 mo importat substantiam, & albus qualitatem. Dixi secũdo
 & tertio modo ut excipiam complexum primo modo, quo-
 niam re est incomplexum licet uoce sit cõplexum ideo non
 excluditur a prædicamento, sicut nec incomplexum uoce
 & c. Dixi secundum se totum, ut excipiam partes, nam li-
 cet totum hoc complexum homo albus non reponatur in
 aliquo uno prædicamento, tamen secundum distinctas repo-
 nitur in distinctis prædicamentis, ut homo in prædicamen-
 to substantiæ & albus in prædicamento qualitatis. Restat er-
 go ut in prædicamentis reponantur sola incomplexa siue si-
 gnificentur nomine simplici, siue composita, siue circumlo-
 quuto. Hæc de prima diuisione dicta sint.

Quantum ad secundum aduerte quod Aristoteles relicto
 primo membro, primæ diuisionis subiuidit secundum, scili-
 cet incõplexa, & format secundam diuisionem continẽtem

quatuor partes, & est talis, eorum quæ sunt, alia de subiecto dicuntur, sed in subiecto, non sunt. Alia in subiecto sunt, sed de subiecto non dñr. Alia de subiecto dicuntur, & in subiecto sunt. Alia neq; de subiecto dicuntur, neq; in subiecto sunt.

Pro euidencia huius diuisionis quæ est diuifio incòplexorum tria aduertenda sunt, deinde exponemus singulas partes diuisiones.

Aduerte primo quod hæc diuifio fupponit ut fcias modos generales, quibus res dicitur eſſe in aliquo, puta an ſicut pars in toto, uel ſicut totum in partibus an ſicut accidēs in ſubiecto, uel ſicut ſuperius in ſuo inferiori, & qui Ariſtoteles modos generales eſſendi i, numerauerat in quarto libro phyſicorum agens de loco, noluit hic repetere, quoniã forte libros de phyſico auditu prius tradiderat quam artem uerem, uerum quia nouicius in logica libros de phyſico auditu nundum nouit ideo ad inſtructionem eius ne tēdat per incognita, numerādi ſunt hic modi eſſendi in, ut ſcias in quò ſenſu loquitur philoſophus cū dicit alia ſunt in ſubiecto &c.

Tu igitur aduerte ut recolligit Petrus hiſpa, in antepredicamentis, modi eſſendi in, reducūtur ad octo. Primus eſt ſicut pars integralis in toto ut manus brachiū caput in corpore humano, ſcđus eſt econuerſo ut corpus humanū in ſuis mēbris, & rectū paries & fundamētū in domo eſt ecōuerſo, tertius eſt ſicut ſpēs in gñe ut hō in āali, & oē inferius in ſuo ſuperiori, quartus eſt ſicut genus in ſpecie, & oē ſuperius i ſuo inferiori, quintus eſt ſicut forma in māteria, & iſte ſubdiuiditur, qm̄ ut declarabitur in. i, phy. forma eſt duplex, ſ. ſubſtācialis ut anima in homine, & accidentalis ut albedo in manu ſubſtācialis dicitur proprie eſſe in māteria: quoniam immediate in ea recipitur. Accidentalís uero dī proprie eſſe in ſubiecto conſtituto ex māteria & forma, & dicitur māteria ſeconda. Sed pro nunc ſuſtine donec erudiaris in philoſophia naturali, ſextus eſt ſicut effectus in cauſa efficiente, ut ſlos in radice, regnum i rege, ſeptimus eſt ſicut aliquid i ſine, ut uirtus in beatitudine, octauus eſt ſicut contemptum in continēte, ut locatum in loco, & res temporalis in tpe. Vnde uerſus

TRAC. QVINTI PARS I.

1 2 3 4 5
Insunt pars, totum, species, genus, & calor igni.

6 7 8
Rex in regno, res in fine, locoq; locatum.

Assignatis modis essendi in aduerte secundo q; quādo dicit Aristote. alia sunt in subiecto, nō accipit subiectum pro toto nec pro gñe, nec pro superiori, nec pro inferiori, nec p materia in qua recipiū forma subaiis, sed pro corpore in quo recipitur accidēs, & dī subiectum inhæisionis siue sustētationis qm accidens non potest esse apud Aristote. sine subiecto.

Aduerte tertio quod cum dicit Aristote. quædam dicuntur de subiecto, per ly dicuntur intendit prædicantur, per ly de subiecto intendit de inferiori, & non intendit de subiecto accidentis, sicut quando dicit, quædam sunt in subiecto.

His prænotatis, p̄dicta diuisio quatrimebris sic debet intelligi eorū quæ sunt. i. entiu siue ierū, quædā dñr de subiecto, id est p̄dicatur de inferiori, ut patet in arbore porphy. in p̄nto subæ descēdēdo gñalissimo p̄ subalterna usq; ad specialissimā inclusiue, nā suba p̄dicatur de corpore, corpus de animat aiatum de animali, animal de hoīe, homo de sorte & platone, in subiecto uero non sunt. i. nō inhærent, nec recipiuntur in subiecto, sicut accētia quæ sustētantur per subm, & hæc pars p̄ma diuisionis conuenit oībus gñibus & spēbus & differētiis p̄nei substantiæ. Quædā non dñr de subiecto. i. non p̄dicant de inferiori nec sunt in subiecto. i. non recipiuntur nec sustērantur per subiectum sicut accidentia, & hæc scda pars diuisionis conuenit oībus indiuiduis signati, quæ continentur sub spē specialissima in p̄nto subæ, nam sub indiuiduo nō datur inferius, aliter indiuiduū nō esset indiuiduū sed genus aut species. Dixit indiuiduis signatis, ut excipiam indiuiduum uagum. qm & si sim rem, non prædicantur de inferiori sicut prædicatur species tamen scdm uocē p̄dicat. Prædicatur. n. qdam homo de sorte & platone & ioanne &c. Quædam dñr de subiecto. i. prædicantur de inferiori, ut in p̄nto quantitatis incipiēdo a generalissimo usq; ad specialissimū inclusiue. Nam q̄ntitas p̄dicatur de continua & discreta,

et continua prædicatur de linea & superficie, & corpore, & linea prædicatur de linea curua & linea recta, & sunt in subro, id est recipiuntur & sustentantur per subm. qm sunt accntia quorum esse est inesse ut dicemus infra, & hæc tertia pars diuisionis, cōuenit oībus gñibus, & spēbus pntorum accidentium & eorū dñis. Quædam autem non dñr de subiecto. i. non prædicantur de inferiori, ut omnia indiuidua pntorum accidentium, ut hæc albedo, hæc dulcedo, hæc linea, hic locus &c. nam cum sint indiuidua, eis repugnat habere inferiora de quibus prædicentur. Sed sunt in subiecto: qm cum sit accidentia sustentari non possunt sine subiecto, & hæc quarta pars conuenit omnibus indiuiduis nouem pntorum accidentiū. Constat igitur tibi quis sit sensus secundæ diuisionis antepædicamentalis. Constat etiā q̄tum deseruiat cognitioni pntorum: nam per p̄mam & secundam partem cognosces q̄o se habent tam substantiæ v̄is q̄ singulares in p̄nto substantiæ p̄ tertiam & quartam cognosces q̄o se habet accidentia v̄sia, & singularia in nouem p̄ntis accidentium. Hæc igitur dicta sint de secūdo antep̄nto in gñe, & hic terminat tertiū caput.

Caput quartum de tertio antepædicamento.

IN quarto cap. agendum est de tertio antep̄nto in genere, quod duas regulas continet. deseruiētes doctrinæ p̄ntorum ut tibi manifestum erit. Tu igitur aduerte quod prima ualet ad cognoscendum ordinem eorum quæ in eodem prædicamento ordinantur secundum sub & sup̄ q̄o, .i. unum de altero prædicatur, igitur circa p̄mam regulam duo agenda sunt, p̄mo declaranda est secundum uerum sensum Arist. secundo assignandæ sunt cōditiones obseruandæ in ipsa regula, ne error in ipsa eueniat.

Quantum ad primum aduerte quod regula prima apud Aristotelem talis est, quando alterum de altero prædicatur ut de subiecto, quæcūq; de eo quod prædicatur dicuntur, omnia etiam de subiecto dicuntur, ut homo prædicatur de quodam hoīe animal uero de homine, ergo et de quodam hoīe prædicatur aīal, quidā enim homo est homo, & est animal.

Hæc regula sic intelligenda est. Quando superius,

de inferiori ut animal de homine quicquid prædicatur de superiori essentialiter prædicatur. Verbi gratia quia in arbore porphyrii, homo essentialiter prædicatur de sorte, & de homine essentialiter prædicatur animal & de animali corpus animatum & de corpore animato corpus, & de corpore substantia, oēs iste consequentiæ ualent per regulam istam. Sortes est homo, homo est animal, ergo sortes est animal. Homo est animal, animal est corpus animatum, ergo homo est corpus animatum, & sit ascende usque ad generalissimum. Vnde patet quod hæc regula optime deseruit ad cognoscendum ordinem essentialem inter superiora & inferiora in quolibet prædicamento.

Quantum ad secundum aduerte quod Arist. hanc regulam non introduxit infallibiliter ueram nisi in ordine essentiali superiorum & inferiorum in eodem prædicamento, in quibus nunquam est error. Qui autem uolunt eam extendere ad aliud propositum, conantur apponere diuersas condiciones quibus non seruatis regula non ualet. Quod igitur in ordine essentiali prædicato ualeat absolute & sine aliqua limitatione patet ex se. Si autem uis ea uti in aliis propositis oportet ut serues sex condiciones.

Prima est ut arguas in prædicatis per se, prædicatur autem per se genus species differentia & proprium. Vnde bene sequitur, sortes est homo, homo est rationalis, ergo sortes est rationalis. Item sortes est homo, homo est risibilis, ergo sortes est risibilis. In prædicatis autem per accidens non ualet. Vnde non sequitur, sortes est homo, homo est albus, ergo sortes est albus.

Secunda est, ut arguas in prædicatis per se est primæ intentionis, ut hic sortes est homo, homo est animal, ergo sortes est animal. Nam in prædicatis secunda intentionis non ualet. Non enim sequitur. Homo est animal, animal est genus, ergo homo est genus. Nam genus est terminus secundæ intentionis.

Tertia est, ut serues prædicationem directam præcipue in secunda propositione. Vnde non sequitur, homo est animal, animal est asinus, ergo homo est asinus.

Quarta est quod non facias utranque propositionem negatiuam. Vnde non sequitur. Homo non est asinus, asinus non est rationalis, ergo homo non est rationalis.

Quinta est quod quando primo propositio fit per uerbū adiectiuum aut per sum es est, sed p̄dicatum est obliquum, primo modo resoluat in suum participium & totum qđ sequitur copulam sit subiectum propositionis secundæ, alr sequitur error ut hic, homo habet manus, manus sunt duæ, ergo homo est duo. Non sequitur, sed dicatur sic, homo habet manus, habens manus est duo, ergo &c. arguitur quidē per regulam, sed secunda propositio est falsa: ideo neganda, secundo modo sumatur participium de sum es est, quod est ens cum ipso obliquo, & fiat subiectum secundæ propositionis, aliter sequitur error, ut hic: Nauis est in mari, in mari sunt pisces, ergo nauis est piscis. Non ualet, sed dicatur sic, nauis est in mari, ens in mari est piscis, ergo &c. arguitur qđdem per regulam, sed secūda propositio est falsa, neq; enim omne ens in mari est piscis, & ideo neganda est.

Sexta est ut teneant, termini in utraq; propositione uniformiter. Nam si fiat transitus a cōcreto ad abstractum, aut mutetur suppositio sequitur error, exemplum primi. Non sequitur. Homo est albus, album est accidens uel qualitas, ergo homo est accidens, uel homo est qualitas exemplum secundi. Homo est animal, animal est trisillabum, ergo est trisillabum fit enim transitus a suppositione formali est suppositionem materiale. Ne igitur decipiaris aut concede p̄dictam regulam solum in ordine p̄ntali, sicut eam introduxit Arist. aut in aliis propositis concede eam cum limitatio nibus p̄positis, & non aliter. alioquin erit tibi causa deceptionis & non ueritatis. Hæc pro prima regula dicta sint.

Circa regulam secundam aduerte anteq; descendamus ad eam quod Arist. introduxit eam, ut cognoscas coordinationes p̄dicamentorum esse penitus impermixtas, ita quod nec idem genus, nec eadem spēs, nec eadem dīa potest poni in distinctis p̄dicamentis, nec distincta genera, nec distinctæ spēs, nec distinctæ dīæ possunt poni in eodem p̄dicamento, modo quo tibi exponemus, primo, igitur assignabitur regula cum uero sensu Arist. secundo defensabitur.

Quantum ad primum aduerte quod apud Aristotelem

TRACTATUS V. PARS I.

regula talis est diuersorum generum & non subalternatim positorum, diuersæ sunt species & dñæ, ut animalis & scīæ animalis quidem differentię sunt ut gressibile & uolabile & bipes, scīæ uero nulla harum est, neq; enim scientia a scīa differt in eo quod est bipes. Subalternorū uero generum nihil prohibet easdem esse dñas. Superiora enim de inferioribus p̄dicantur, quare quæcunq; fuerint p̄dicatī differentię, erunt eadem subiecti.

Pro notitia huius regulæ, declarandum est quæ sint genera subalternatim posita, & quæ non, deinde exponet regula. Tu igitur aduerte quod genera subalternatim posita sunt illa quorum unum ponitur sub altero immediate, ut aīal sub aīato, & aīatū sub corpore, & corpus sub suba, uel duo sub uno tertio, ut aīal & planta sub corpore non subalternatim posita sunt illa quorum unum non ponitur sub altero neq; immediate, neq; mediate, neq; duo sub uno tertio, utpote quia non ordinantur in eadem linea p̄ntali sed i diuersis ut animal & color non subalternantur. Spectat. n. aīal ad p̄ntum subæ, & color ad p̄ntum qualitatī. Constat igitur quid sit genera subalternari & quid non.

Sensus autem regulæ talis est. Si dantur duo genera, quorum unum non ponitur sub altero, neq; ambo sub tertio, necesse est eorum esse diuersas species & differentias, ita qđ impossibile est eandem speciem locari sub distinctis generibus non subalternatis, idem intellige de differentia. Verbi gratia asinus non potest locari sub animali, & sub colore. Rationale non potest locari sub animali, & sub numero, & rō huius regulæ est hæc. Diuersorū principiorum diuersa sunt p̄ncipiata sicut diuersarum causarum, diuersi sunt effectus. Sed genera sunt principia specierum & differētiarum, ergo quando sunt diuersa genera & non subalternatim posita necesse est esse diuersa species & dñas, ex opposito autem sequitur quod si duo sint genera subalternatim posita, non inueniunt eandem sp̄m sub utroq; locari, sed immediate sub uno mediate sub altero ut homo immediate locatur sub animali, mediate autem sub corpore animato, nam hæc est uera, ho

mo est animal, & hæc, homo est corpus animatum, quia animal est corpus animatum, & hoc est quod dicit Arist. quia superiora de inferioribus prædicantur, diuersæ species erunt eadem.

Quantum ad secundum aduerte quod per hanc regulam non intendit negare quin una & eadem res non possit locari in diuersis prædicamentis. Hoc, enim, contradiceret doctrinæ suæ. Tenet, enim, in. 3. phys. eundem motum locari in prædicamento actionis & in prædicamento passionis, & sciã & sensum locari in prædicamento qualitatis & relationis, & hominem generantem in prædicamento substantiæ & in prædicamento relationis. Sed intendit quo nulla res sub una & eadem ratione potest sub diuersis prædicamentis locari, quod si locatur, hoc erit propter aliam, & aliam rationem. V. G. motus ut est a mouente est in prædicamento actionis, quia mouere est actio mouentis, ut autem recipitur in mobili, est in prædicamento passionis, quia mouere est passio moti siue mobilis, & sciã ut qualificat & perficit intellectum est in prædicamento qualitatis ut autem refertur ad scibile, est in prædicamento relationis, quoniam scientia est scibilis sciã, sicut sensus est rei sensate sensus, unde sensus in quantum est potentia animæ, est in prædicamento qualitatis in quantum autem respicit obiectum sensatum, est in prædicamento relationis, & homo ut animal est in prædicamento substantiæ, ut generans sibi simile & dicitur pater est in prædicamento relationis, licet igitur coordinationes prædicamentorum sint impermixte non tamen res prædicamentales. Sed hæc tibi manifesta erant in. 5. metaph. Pro nunc autem sustine.

Sed dices, si diuersa genera non subalternatim posita habent diuersas species & differentias, quare corpus quod est species subalterna ut declaratum est in tracta præcedenti, locatur in prædicamento substantiæ ut patet in arbore porphyrii & in prædicamento quantitatis, ut tibi manifestum erit in parte sequenti. Similiter, quare rationale ponit diuersa animalis & diuersa sciã. Diuiditur enim animal per rationale & irrationale, & sciã per realem & rationalem.

Respondetur, corpus & rationale non secundum eandem rationem, immo quasi æquiuoce ad diuersa spectant prædicamenta, nam corpus ut est substantia non abstracta a quantitate & materia, & in prædicamento substantiæ, & opponitur

TRACTATUS V. PARS I.

substantiæ incorporeæ ut autem est trina dimensio, scilicet longitudo latitudo & profunditas est in prædicamento quantitatis, ut tibi declarabitur in parte sequenti. Rationale autem ut dicit naturam intellectualem discursiuam siue argumentatiuam qualis inter omnia animalia est homo, est diuisio animalis ut autem dicit habitum intellectus uersantem circa ens rationis est diuisio scientiæ, sub qua continetur logica ut manifestauimus in tract. primo cap. quinto. Hæc de præsentis cap. dicta sint in quo compleuimus doctrinam de antepreceptis.

Explicit pars prima, Tractatus quinti, quæ est de antepreceptis.

INCIPIT PARS SECUNDA EIVSDEM Tractatus quinti, quæ est de prædicamentis.



Xpedita traditione antepreceptorum, accedendum est ad secundam partem eiusdem tract. quinti, quæ erit de doctrina decem præceptorum, tradita nobis ab Arist. a qua non deuiat Petrus hispa. sequitur. n. uiam peripateticam ad unguem. Hanc igitur secundam partem distinguemus in undecim capit.

Primo quid requiritur ad hoc quod aliquid reponatur secundum se in prædicamento & quot sint.

Secundo agendum est de substantia.

Tertio de quantitate.

Quarto de ad aliquid: id est de relatione.

Quinto de qualitate.

Sexto de actione.

Septimo de passione.

Octauo de quando.

Nono de ubi.

Decimo de situ.

Vndecimo de habitu.

Post hæc

DE ANTEPRÆDICAMEN. 105

Post hæc aggrediemur doctrinam de postp̄dicamentis, quæ compleatur intentio nostra in hoc quinto tractatu.

Caput primū, quid requiratur ad hoc q̄ aliquid sit secū-
dū se in p̄dicamento, & quot sint p̄dicamenta
secundum doctrinam Aristotelis.

IN primo capitulō inuestigandum est quid requiratur ad hoc q̄ aliquid secūdum se reponatur in p̄dicamento. Deinde quot sint, & hoc secūdum doctrinam peripateticam.

Quantum ad primum aduerte quod quatuor conditiones requiruntur ad hoc quod aliquid s̄m se siue per se ipsum reponatur in p̄dicamento. Primo requiritur q̄ sit incomplexum, & huius rationem assignauimus in parte p̄cedenti, capitulo secundo declarantes quare complexum nō secūdum se totum sed solum per partes reponitur in p̄dicamento, secundo requiritur q̄ sit uniuersale ita q̄ sit ap̄tū esse, in multis & p̄dicari de multis, ex quo sequit quod deus non est reponibile in p̄dicamento. Prophatum enim est dicere deum esse quid uniuersale uel particulare, cum sit omnino implurificabilis, nec sub aliquo genere aut specie contineatur: ut tibi declarabitur in philosophia, tertio requiritur q̄ sit ens extra intellectum: id est ens reale, & nō ens rationis, quale est ens imaginatum ut chimera, & secundæ intentiones, quas intellectus rebus attribuit, ut intentio generis & speciei & subiectum & p̄dicatum, & similia. Nam Aristotelis in sexto metaphysicæ diuidit ens, in ens in anima quod dicitur ens rationis, & ens extra animam, quod particur in prædicamenta, quarto requiritur quod sit ens limitate & determinate nature, puta quod sit substantia & non quantitas, quod sit quantitas & non qualitas. Ex quo sequitur quod sex transcendentia non reponuntur in prædicamentis, sed superiora sunt, & de quolibet prædicantur, nam substantia & quantitas &c. sunt ens & uerum & bonum & aliquid & cætera.

Quantum ad secundum aduerte quod apud Aristotelem prædicamenta sunt decem signata per decem dictiones incomplexas, de quibus inquit Aristoteles. Eorum quæ secun

TRAC. QVIN. PARS SECVNDA

dum nullam cōplexionē dicunt. I. Dictorum incōplexorū singulū signat aut substantiam ut hō æquus, aut quantitātē, ut bicubitum, aut qualitātē: ut albū: aut ad aliquid: ut duplum: aut ubi: ut eē in loco: aut qñ: ut esse in tpe: aut sicū: ut sedet, iacet: aut habitū: ut calciatū esse, armatū esse, aut facere: ut secare, urere: aut pati & secari, & uri. Horū quidē sufficiētia diuersimode assignant logici, atq; phi sit patet in tertio physiorū & in .s. meta. Verū ne nouitiis inuoluat leuiori modo pcedentes p nunciatē sufficiētia assignamus, pdicamēta dñt a modis pdicandi, modi autē pdicandi si debent esse ueri & nō fictitii neq; chimerici, debent sumi a modis essendi. Quot ergo sunt modi generalissimi pdicandi & essendi, tot sunt pdicamenta. Tales autē modi sunt decem. Quod sic declaratur. Omnis modus essendi, aut est nō in alio, aut in alio: aut ad aliud. Si nō in alio, conuenit substantiæ: ut dicemus infra, si in alio dupliciter, quia aut res existens in alio conuenit ei ratione materiæ, & sic est quantitas: aut conuenit ei ratione formæ, & sic est qualitas. Si ad aliud aduerte quod ad aliud importat respectum, qui est duplex. S. intrinsecus & extrinsecus. Intrinsecus facit pdicamentum relationis. Extrinsecus autem facit sex ultima pdicamenta. Quæ distinguūtur a quatuor primis per dominationem extrinsecam, quæ denominatio aut fit per actionem, & sic constituitur pdicamentum actionis aut per passionem, & sic constituitur pdicamentum passionis: aut per tempus & sic constituitur pdicamentum quando: aut per locū comparando ipsum ad totum locatum, & sic cōstituitur pdicamentum ubi, aut comparando locum ad partes locati & sic constituitur pdicamentum situs, qui & positio dicitur: aut per ea quæ adiacent corpori humano ut sunt uestes & arma & alia tegumēta, & sic constituitur pdicamentum habitus, qui uidetur cōpetere soli hōi, & brutis ut deputant humanis obsego. Hæc p nūc dicta sufficiāt, neq; n. poteris hæc plene capere absq; philosophia, quæ considerat materiam formam motum actionē passionē, tempus & locū. Sustine igitur, & sufficiat nobis assignasse tibi conditiones requisitas ad hoc q; aliquid

reponatur secundum seipsum in praedicatione, & quot sunt praedicationes superficialiter exemplando, sicut exemplavit Aristoteles.

Et aduerte quod hic semper loquimur secundum doctrinam Aristotelem ut excludamus imaginationes Pythagoricas, quas refert Aristoteles in libro primo metaphysicae. Posuit enim Pythagoras viginti praedicationes, decem quidem ex parte boni, & decem ex parte mali. Quae nunc referre superfluum est, & inutile praedicationis proposito. Ideo praetertransundum est. Haec de praedicationibus capitulo dicta sunt.

Caput secundum. De praedicatione substantiae.

In hoc secundo agendum est de praedicatione substantiae; ut patet de primo & perfectiori, est enim fundamentum sustentationis omnium accidentium de quibus extrahitur huiusmodi praedicationes sequentia. De praedicatione igitur substantiae tria agenda sunt, primum diuidenda est secundo diffinienda, & eius definitiones declaranda, tertio tractandum est de proprietatibus substantiae.

Quantum ad primum: ut scias in quo sensu tractaturi sumus de substantia, formabimus duas distinctiones. Prima erit ad mentem Philosophi secunda ad mentem logici.

Prima sit haec, substantiae apud physicum dicitur prima corpora, ex quibus omnia inferiora componunt, & sunt principales partes mundi inferioris & appellantur quatuor elementa. Item quod est primum fundamentum cuiuscunque rei constitutum, aut sustentationis & conservationis dicitur rei substantia. In quo sensu, fundamentum est substantia domus, & cibus bene nutritivus est substantia animalis. Item forma rei naturalis dicitur substantia eius, quoniam dat esse rei & conservat inesse, & ipsa remota definit rem esse. In quo sensu anima est substantia hominis & cuiuscunque animalis. Item essentia & natura & quidditas cuiusque rei dicitur substantia eius. In quo sensu sumpta est substantia in diffinitione virtutum & aequivocorum, ut exposuimus in parte praecedenti. Item sumitur substantia pro eo quod substantia accidentibus in quo sensu manus calida est substantia caloris, nix est substantia albedinis. Anima est substantia scientiae & virtutis & dimissis omnibus praedictis aliis significatis, quoniam ad philosophum purum pertinent, considerandus est in logica ultimus sensus, quoniam ut videbis Aristoteles describet

TRAG. QVIN. PARS PRIMÁ

substantiam per hoc quod est accidentibus substat.

Secunda igitur distinctio sit hæc. Substantia quantum ad id a quo nomen imponitur aliqñ dicitur a subsistendo. i. a p se essendo, pro ut per se esse opponitur inesse alteri nō simpliciter sed inhærenter, & in hoc sensu quicquid non inest alteri, sed per se subsistit: ut sunt supposita & individua naturalia: ut sortes, hic asinus, hic lapis, sunt substantia. Et posito quod essent in alio dūmō non inhæreant sicut accidens inhæret subiecto, sunt substantia. In quo sensu partes essentielles composita naturalis, quæ sunt forma & materia, sunt subiecta, & partes integrales eiusdē: ut in hoīe caput, man^{us}, pedes, ossa, caro & nervi sunt substātia. In eodē sensu deus & intelligentiæ sunt nobilissimæ substantiæ, quia per se & in seipsis & non in altero ut partes subsistunt. Aliqñ dicitur substantia a substando, quia sola substat accidentibus sustentans ea, qm̄ ut dicemus infra, esse accidentis non esse ens per se, sed in altero: id est in subiecto quod est substantia. Et in hoc sensu, omnis substantia præter deum dicitur substātia, omnis. n. substantia pter deum substat aliquibus accidentibus ut tibi in phia manifestabit. Et qm̄ oīs nostra cognitio incipit a notiorib^{us}, & ad sensum nobis cōstat substācias corporales substat accidentibus, ideo Aris. in p̄dicamentis cōtentatus est notificare substantiam ut dicitur a substādo, relinquens sensum pro nunc ut dicitur a subsistendo: utpote magis occultum & spectantem ad altiore sciētiam quam sit logica. Hanc igitur substantiam a substādo dictam. Aris. antequam diffiniat, diuidit in primam & secundam, cuius diuisionis ratio est, quoniam cum substantia ut hic consideratur dicitur a substando, & alia sit uniuersalis ut animal & homo alia particularis ut sortes & Plato, substat contingit dupliciter. s. per se primo & nō per se primo, sed per aliud, si per se primo. Sic est prima substācia quæ particularis est, si per aliud, sic est substantia secunda, quæ est uniuersalis, & hæc tibi manifesta erunt in diffinitionibus earum.

Sed dices. Quare non prius diffinitur substantia quam diuidatur in primam & secundam.

Respondetur, quoniam substantia ut dicitur a substando non est quid uniuocum sed analogum. Nam substande prius conuenit primæ substantiæ. Deinde in ordine ad primam conuenit secundæ. Neque enim homo est albus, nisi quia hic uel hic homo est albus, omne autem analogum cum declinet ad æquiuocum prius est diuidendum quàm diffiniendum. Quod autem analogum declinet ad æquiuocum patet ex eo quod uniuocum dicit unam rationem tantum, & æqualiter participatam a suis uniuocatis, æquiuocum autem dicit plures rationes omnino diuersas conuenientes suis æquiuocatis, & absque ordine: ut docuimus in parte præcedenti. Analogum autem ut medium magis declinans ad æquiuocum quàm ad uniuocum, dicit plures rationes in ordine tamē ad primum analogatum ut sanum. Vel unam inæqualiter participatam eo quod primo & per se conuenit primo analogato, posterius autem aliis in ordine ad primum ut ens, est. n. ens, cui debetur esse, quæ quidem ratio primo & per se conuenit substantiæ quoniam est ens simpliciter, secundario autem conuenit accidenti in ordine ad substantiam, nam accidens non est ens, nisi quia est entis. id est. nisi quia respicit substantiam ut subiectum sustentatiuum. Et in eodem sensu substantia dicta a substando, est analogum, quoniam eius ratio est hæc, substantia est quæ substat accidentibus, quæ quidem ratio primo & per se conuenit substantiæ primæ. Deinde in ordine ad primam conuenit secundis ut tibi manifestabitur per diffinitiones sequentes, ergo est analogum declinans ad æquiuocum. Et confirmatur, quoniam solet. Analogum dici æquiuocum a consilio, ergo & cetera. Hæc de primo dicta sint.

Quantum ad secundum positum prædictis distinctionibus diffinienda est substantia prima & secunda ut dicitur a substando. Tu igitur aduerte quod ad mentem Aristotelis substantia prima est, quæ proprie principaliter & maxime substande dicitur. Itē substantia prima est quæ neque in subiecto est, neque de subiecto dicitur.

Primo dicitur, quæ proprie. Aduerte quod subintelligendum est quæ immediate: ut excludat materia prima, quæ licet sit primum subiectum substantans formæ substantiali & accidentibus eius non tamen immediate sed mediante forma substantiali in

TRAC. QVIN. PARS SECUNDA

nia nostra. Nā forma substantialis immediate recipit in materia, accidens autē in cōposito exiſte actu ſubſtancialiter, ut tibi manifeſtabit in philoſ. Dē autem pprie ad dīam ſuperficiē, quæ uidetur immediate & pprie ſubſtare colori, nam ut inquit Ariſt. infra. Quanta eſt ſuperficies, tñ album dices, & tñ non pprie ſed apparentes ſubſtat, qm non p ſeipſam ſed uirtute ſubſtantie cui inēſt. Dē principaliter ad dīam ſecundæ ſubſtantie, quæ eſt genus aut ſpecies. Nā licet hæc ſit uera, hō eſt albus, non tñ eſt uera niſi quia hæc eſt uera, hic hō uel hic hō eſt albus, ergo albedo principaliter eſt in ſubſtantia ſingulari quæ dicitur ſubſtantia prima, & ſecundario qm ppter primā eſt in ſubſtantia uniuerſali quæ dicit ſubſtantia ſecunda. Dicitur maxime, quia eſt ratio q̄ ſecundæ ſubſtantie & partes primæ ſubſtantie ſubſtent accidentibus, non enim partes ignis ſunt calidæ niſi quia totus hic ignis eſt calidus nec partes niuis ſunt albæ, niſi quia tota hæc nix eſt alba. Cōſtat ergo quō ſubſtantia prima eſt illa q̄ immediate & pprie & principaliter & maxime dī ſubſtare, i. ſubēſſe accidentibus, rāquam primum eorum ſubiectum receptionum.

Pro euidētia aut ſecundæ diſſinitionis primæ ſubſtantie quia dicitur q̄ eſt illa quæ neq̄ de ſubiecto neq̄ in ſubiecto eſſe dicitur, aduerte q̄ per primam particulā differt prima ſubſtantia a ſecūda. Nā cum oīs ſecūda ſubſtantia ſit vſis ex p̄tī p̄dicabilis de pluribus oportet q̄ dicat de ſubiecto; id eſt de inferiori: ut genus de ſpecie & ſpecies de indiuiduo. Cum autem prima ſubſtantia ſit ſingularis & ſub ſingulari non detur inferius: ut patet in arbore Porphyrii, repugnat primæ ſubſtantie dici de ſubiecto id eſt de inferiori, ſiue ſignetur per indiuiduum uagum, ſiue per indiuiduum ſignatum. Nam licet quidam hō dicatur de ſorte & Platone, nō tñ ut ſuperius de inferiori ſecundum rem; ſed tantum ſecundū uocem. Vt runq̄. n. dicit naturam ſingularem, ſed alterū indeterminate & alterum determinate. Per ſecundam autē particulam differt ab omni accidente, quoniam omne accidens ſiue uniuerſale ſiue particulare eſt in ſubiecto in quo recipitur, nulla autem ſubſtantia ſiue ſecunda ſiue prima eſt

in subiecto cum sit ens per se, neque enim substantia pendet ab accidente sed accidens a substantia.

Diffinita prima substantia diffinienda est secunda. Tu igitur aduerte q^d apud Aristo. secundae substantiae sunt species in quibus sunt prime substantiae & genera specierum, usque ad generalissimum. Nam aliquis homo puta sortes est in homine, sicut individuum in specie & hō in aiali ut spēs in genere & sic ascende usque ad generalissimum. Individua igitur sunt prime substantiae, quia primo & per seipsas substant accidentibus. Species uero & genera sunt secundae substantiae, quia substant secundario accidentibus, nam sic non existunt in rerum natura nisi quia habent esse in primis, sic non substant accidentibus, nisi quia prime substant in quibus sunt. Ideo enim albedo est in homine, quia est in aliquo homine in quo existit homo.

Hoc igitur modo descripta sit secunda substantia: ut dicitur substantia a substando.

Sed dices, Secundae substantiae sunt in primis, aliter non predicarentur in quid de primis. Nam haec ideo est uera, sortes est homo, quia natura hominis seruat in sorte, ergo primae non sunt in secundis aliter idem esset includens & inclusum, quod est impossibile.

Respondetur & conceditur q^d secundae sunt in primis, & primae in secundis sed diuersa ratione. Nam secundae sunt in primis, ut superiora sunt inferioribus iuxta quartum modum essendi in assignatum in parte praecedenti. Prime autem sunt in secundis iuxta tertium modum essendi in eadem parte praecedenti assignatum. Negatur autem esse impossibile idem esse includens & inclusum respectu diuersorum, sicut non est impossibile idem esse continens & contentum respectu diuersorum. Nam, de anima uerum est dicere quod continetur in corpore, sicut forma recepta in materia sua propria. Et uerum est dicere quod continet corpus, quando corpus seruat corpus inesse integro & uiuo quam diu est in corpore, qua separata corpus desinit in corruptionem.

Assignatis diffinitionibus prime & secundae substantiae, aduerte

duo notabilia quæ sunt ad mētē & de snia Arist. quib⁹ adhuc
euidētius declarant diffōnes supraposite, q̄rū primū est hoc;
inter ea quæ dñr de subiecto, & ea quæ sunt in subiecto, est
hæc dñia qđ quæ dñr de subiecto: ut superiora de inferiori-
bus p̄dicant de inferioribus noīe & rōne ut aīal de hoīe &
hō de sorte & Platone, hæc. n. est uera. Sortes est hō & est
aīal rōnale: Nā spēs p̄dicat in quid de indiuiduis, ergo essen-
tialiter ergo noīe & rōne. Quæ aut sunt in subiecto ut acci-
dentia si sumant in abstracto nō p̄dicant de subiecto neque
noīe neq; rōne, hæc. n. est falsa, hō est albedo, hō est color
disgregatiuis uisus, nā si hō est albedo ergo est accidēs, ergo
substantia est accidēs, q̄ implicat cōtradictionē. Si aut lu-
minis in cōcreto, nō incōuenit p̄dicari noīe de subiecto. Nā
hæc est uera, hō est albus, qm̄ est hñs albedinē, nunq̄ autem
p̄dicat rōne, qm̄ p̄dicari rōne, est p̄dicari essentialiter, acci-
dentia aut non p̄dicant essentialiter de subiecto, cū sint ex-
tra essentiā eius, & possint adesse & abesse p̄ter subiecti cor-
ruptionē. ut docuimus in trac. p̄cedenti. Ex hoc aut notabili
aduertere qđ utraq; diffinitio data de prima substantia pōt pro-
bari & prima quidē sic. Illud de quo oīa p̄dicant, aut in quo
oīa alia sunt, pprie & principaliter & maxime substare dī.
Sed de prima substantia omnia alia superiora p̄dicantur, &
omnia accidentia in concreto, & in ea sunt, ergo pprie prin-
cipaliter & maxime substare dī. Secunda autem sic. Illud
de quo omnia superiora p̄dicantur, & in quo omni acciden-
tia sunt, neque dicitur de subiecto, neq; est in subiecto. Sed
de prima substantia oīa superiora p̄dicant ut patet in arbo-
re Porphyi & in ea sunt oīa accidentia, qm̄ est principale rece-
ptiuū accidentiū, ergo neq; de subiecto dī neq; est in subto.

Ex hoc igitur qđ omnia p̄dicantur aut sunt in prima sub-
stantia, sequit ut inquit Arist. qđ non existentibus in rerum
naturā primis substantiis impossibile est aliquid aliorum re-
manere id est existere in rerum natura, nam si non existe-
ret aliquod in indiuiduum naturæ humanæ, homo ut ho-
mo non existeret, quoniam ad mentem Aristotelis, uniuersa-
le nō existit nisi in singularibus: ut excludam⁹ imaginatas

Ideas platonicas, de quibus in logica nō est loquendum sed est officium metaphysici. Item nullum accidentium in existeret, qm̄ natura cōis non subest accidentibus nisi ut habet esse in indiuiduis nam hāc esset falsa, homo est albus, nisi aliquis hō existens esset albus, primū ergo fundamentū exīdij substantiis secūdis & in exīdij accidentibus est prima substantia.

Secundum autem a notabile est hoc. Sumendo substantiam substantando accidentibus. Spēs specialissima est magis substantia quam genus. Omnes autem spēs specialissime, sub eodem genere contentae sunt equaliter substantiae. Primum declarat sic. Cum prima substantia maxime substantia ut declaratum est in prima diffinitione sua, qm̄ maxime substat accidentibus, substantia illi p̄pinq̄ior est magis substantia q̄ remotior ab ea, sed species specialissima est p̄pinq̄ior primae substantiae quā genus. p̄dicatur enim immediate de prima substantia, genus autem non p̄dicatur de ea nisi media specie specialissima, ergo est magis substantia quam genus secundum autem declarat sic, omnes species specialissime sub se non habent inferiores species, aliter non eēnt specialissimae sed subalternae, ergo omnes substantiae accidentibus equaliter, quia immediate sub se continent primas substantias, quae maxime & per se ipsas substantiant. Nec obstant quod una species substat pluribus accidentibus quā alia puta homo quam asinus, quoniam homo substat accidentibus corporalibus & intellectualibus, asinus autem tantum corporalibus. Hoc inquam non obstat, quoniam hāc aequalitas substantiandi non attenditur p̄cōnes pluralitatem aut paucitatem accidentium, sed p̄cōnes aequale p̄pinq̄uationem ad primas substantias, quae aequaliter seruatur in homine & in asino. Nam sicut inter hominem & hūc hominem nullum est medium, sic nec inter asinum & hūc asinum.

Ex hoc autem secundo notabili declaratur diffinitio data de secunda substantia in qua dictum est quod secundae substantiae sunt species & genera in quibus sunt primae substantiae, & dicuntur secundae substantiae quia secūdarīo substantiant. Dubitaret ergo aliquis cum tam genera quam species si ut

TRAC. QVIN. PARS SECVNDA

secundæ substantiæ quia secundario substant. Nunquid sunt æqualiter uel æqualiter substantiæ. Respondetur quod genera & species sunt inæqualiter, quia species magis substant quàm genus. Omnes autem species specialissimæ æqualiter, modo quo diximus. Constat igitur tibi ad mentem Aristotelis & logici realis quid sit prima & secunda substantia, & earum diffinitiones declaratæ sunt.

Sed dices. Cum Aristoteles intendat hic pertractare de predicamentis queritur qui diffinitio ex supradictis conuenit, Substantiæ. ut est predicamentum in se continens genus generalissimum est genera sua subalterna & species specialissimas usque ad indiuidua.

Rõdetur quod usque huc Aris. non considerauit substantiam nisi ut dicitur a substando, in quo sensu ut docuimus nõ est quid uniuocum sed analogum, & quãdo diuisit in primam & secundam, nõ diuisit eam ut genus generalissimũ; sed ut quid analogum in analogata. Ex consequenti qñ diffiniuit primam per hoc quod est maxime substatẽ, & secundam per hoc quod est secundario substatẽ, non intendit de genere generalissimo. Quodlibet. n. genus est uniuocum & non analogum nec æquiucum, ut docuimus in trac. pcedẽti. Ne igitur substantia ut constituit predicamentum & ut est quid uniuocum, & ut diuiditur in arbore Porphyrii, remaneat tibi omnino incognita sic procedemus. Primo diffiniemus substantiam uniuersalissime sumptam. Secundo substantiam contractam ad substantiam predicamentalem, & quæ est generalissimum. Tertio ordinabimus predicamentum substantiæ a generalissimo usque ad indiuiduum.

Quantum ad primũ aduerte q substantia uisissime sumpta ut se extendit ad creatam & increatam, ad simplicem & compositam ad eam quæ est pars & quæ est totũ, & breuiter ut distinguitur contra accidens sic diffinitur. Substantia ut substantia est ens nõ in subiecto exis, per cuius oppositũ accidẽs ut accidens est ens in subiecto existens. Hæc substantiæ diffinitio conuenit deo & creaturæ, & quoniam nihil est commune uniuocum deo & creaturæ, & necesse est genus

generalissimum esse uniuocū, constat quod substantia sic definita non est substantia p̄ntalis sed analoga sicut ens.

Quantū ad secundū aduerte quod substantia p̄dicamentalis & ut est genus ḡnālissimum sic diffinienda est. Subiecta est ens non in subiecto inesse participato siue finito, ex̄ns, p̄ hoc quod d̄r ens non in subiecto, differt a p̄dicamento accipientis, p̄ hoc quod dicitur ex̄ns in esse participato excipit deus gloriosus, qui ex sua infinitate est extra oē genus, & subiecta sic diffinita p̄dicat uniuoce de oī substantia creata corporea & incorporea simplici & cōposita &c. Cōstat igit̄ tibi quid sit substantia p̄dicamentalis fm̄ logicū realē. Si aut̄ uis eam diffinire ad m̄etē nominaliū, sicut eam diffinies, Substantia p̄dicamentum est coordinatio plurium terminorum uniuocorū significantiū substantiani secundum sub & supra. Nam secundum eos plura p̄dicabilia, quae p̄dicentur de inferioribus in quid significantia ens non in subiecto ordinata secundum sub & supra a generalissimo ad specialissimum constituūt p̄dicamentum substantiae.

Quantum ad tertium aduerte ne idem figuremus oīs, & replicemus inutiliter, quod in trac. p̄cedenti inuenies arborē Porphyrii, in qua totam p̄dicamentī substantiae seriem formatam uidebis, quae tibi sufficiet.

Viso quid sit substantia ut est p̄dicamentū, accedendū est tertio loco ad pertractandum de p̄prietatibus & cōitatibus substantiae, quae ad mentem Aristotelis sunt sex.

Prima est, neq; substantia prima est in subiecto neq; substantia secunda, & qm̄ oīs substantia est prima uel secunda, quia uel est singularis uel uniuersalis si singularis est prima, si uniuersalis est secunda, ergo nulla substantia est in subiecto. Antequam probemus p̄positū aduerte q̄ hāc est cōitas & p̄prietas substantiae respectu diuersorum, cōitas quidem est, qm̄ non soli substantiae sed oī puenit in q̄ sensu dicere possumus risibile esse cōe hoī qm̄ cōuenit oī homini. Proprietas aut̄ est qm̄ non puenit nisi substantiae. Nā cū omne ens sit substantia uel accidēs, & oē accēs sit ens in subiecto, soli substantiae puenit nō eē in subiecto. Nec obstat q̄ dicit Ari. hoc non

TRAC. QVIN. PARS SECVNDA

esse propriū substantiæ, qm̄ conuenit dñis. scilicet subalibus, quasi quod nō sint substantia. Hoc inq̄ nō obstat, qm̄ Aris. nō excipit dñas quia nō sint substantiæ sibi rē, sed quia hñt modū qualitatis, & quia non ordinantur per lineam rectam, sed a latere in p̄dicamento substantiæ. Intentio est autem Aris. in p̄dicamentis assignare communitates & proprietates eorum, quæ directe locantur in eis. Viude si uolumus facere hanc esse proprietatem substantiæ ad mētem Aristo. sic for manda est proprium est substantiæ directe & per lineam rectam locate in p̄dicamento, non esse in subiecto, & sic excluduntur differentiæ quantum ad modum significandi, licet non quantum ad rem significatam.

Hanc autem cōitatem & proprietatem substantiæ modo exposito probat. Aris. de prima & secunda substantia. De prima sic. Secunda diffinitio primæ substantiæ data est supra per non esse in subiecto, neque dici de subiecto ergo conuenit omni primæ substantiæ non esse in subiecto. Con. patet, quoniam diffinitio debet cōpetere omni cōtento sub diffinito. De secunda autem probat inductione & syllogismo. Quid sic inductio & syllogismus dicemus in tract. sequenti. Inductione igitur sic probatur, nec homo est in subiecto nec leo, nec animal, nec corpus &c. & sic de singulis speciebus & generibus substantiæ, ergo nulla secunda substantia est in subiecto. Syllogismo sic. Quod est in subiecto, non prædicatur nomine & ratione de subiecto, hæc declarata est supra in expositione primi notabilis sed omnis secunda substantia prædicatur nomine & ratione de subiecto, id est de inferiori quod sub ea continetur. Nam animal nomine & ratione p̄dicat de homine, & homo de suis indiuiduis, ergo nulla substantia, secunda est in subiecto.

Et aduerte quod cum dicit. Aristoteles, nullā substantiā esse in subiecto, accipit subiectum pro subiecto inhæsionis, in quo sensu omne & solum accidens est in subiecto, & est quintus modus essendi in pro secundo membro, ut docuimus in parte præcedenti. Propterea non obstat huic proprietati quod partes substantiæ uidentur esse in subiecto, quæ

non p se sed in toto hñt esse. Hoc inq non obstat, qm̃ intelli-
gimus substantiã non esse in subiecto, iuxta quintum mo-
dum essendi in p secundo mēbro, partes autem non sunt in
toto iuxta quintum modũ, sed iuxta primũ. Vide tu supra
hæc de prima cõitate & proprietate subst̃tiæ dicta sint.

Secunda pprietas est hæc. Omnibus secundis substantiis
& earum differentiis scilicet essentialibus conuenit uniuoce
prædicari.

Aduerte ad hoc quod hæc sit proprietas tria requirun-
tur. Primo quod sit contracta & restricta ad secundas sub-
stantias tantum. Nam si extendatur ad substantiam, ut est
cõis primæ & secundæ, & differentiis substantialibus non
erit proprietas sed cõitas. Nam & prima substantia p̃dicat
uniuoce de seipsa, & differentia essentialis de indiuiduis. Sic
ergo intelligatur, proprium est secundis substantiis & earũ
differentiis essentialibus uniuoce p̃dicari. Secundo quod in-
telligatur p̃dicari uniuoce & essentialiter, aliter hoc nõ esset
proprium substantiæ, quoniam, & proprium quarto modo
puta risibile p̃dicatur uniuoce de his quorum est proprium,
sed non prædicatur essentialiter, ut genus & species & dif-
ferentia, sed accidentaliter ut docuimus in trac. p̃cedenti est
enim proprium extra essentiam eius, cuius est proprium.
Tertio quod intelligatur p̃dicari uniuoce & essentialiter de
primis substantiis, ut excludatur accidens puta color &
albedo. Nam licet prædicetur uniuoce & essentialiter de
inferioribus suis, ut hæc albedo est albedo, hic color est
color hæc dulcedo est dulcedo, tamen non prædicatur uni-
uoce essentialiter de primis substantiis, hæc enim est fal-
sa. Sortes est albedo, sic ergo intelligatur hæc proprie-
tas. Proprium est secundis substantiis & earum differen-
tiis prædicari uniuoce & essentialiter de primis. Quæ de-
clarata sic probatur secundæ substantiæ, & earum differen-
tiæ prædicantur de primis nomine, & ratione ergo uniuo-
ce. Consequentia patet ex diffinitione uniuocorum quam
posuimus in parte præcedenti. Antecedens probatur, & qui-
dem quo ad nomen patet nam sortes est homo & est ani-

TRAC. QVINT. PARS SECVNDA

mal, & est rationalis quo ad rationem probatur. Superiora sunt de ratione quidditatiua inferiorū ut docuimus in traci pcedenti. Sed secunde substantiæ tam genera quam species sunt superiores ad primas ut patet in arbore Porphyrii; ergo p̄dicantur ratione de primis. Vnde sortes non solum dicitur homo sed & animal rationale quæ est ratio hominis & non solum dicitur animal, sed & substantia animata sensitiua, quæ est ratio animalis. Hæc de secunda proprietate dicta sunt.

Tertia proprietas habet tres partes, prima est. Substantia prima significat hoc aliquid. Secunda est substantia secunda uidetur significare hoc aliquid sub appellationis figura, tertia est suba secunda nō significat hoc aliquid sed quale qd.

Pro euidētia prime partis aduerte, quod hoc aliquid tria requirit; Primo quod sit res singularis, unde uniuersale non est hoc aliquid, secundo quid sit substantia. Vnde nullum accidens neque in concreto neque in abstracto est hoc aliquid, tertio quod sit substantia singularis perfecta in specie, qualia sunt supposita sub specie specialissima. unde nulla pars essentialis nec integralis accepta in singulari ut hæc anima, hæc manus, hoc caput est hoc aliquid sed solum indiuiduum de quo directe prædicatur species est hoc aliquid, ut sortes, hic leo, hic asinus.

Declarata prima particula probatur sic. Prima substantia significat indiuiduum & unum numero, ergo significat hoc aliquid. Con. patet ex conditionibus assignatis. Nam idem est indiuiduum & unum numero. scilicet in genere substantiæ & perfectum in specie; & hoc aliquid. Assis autem probatur, quoniam prima substantia non p̄dicatur de inferiori. cū sit ultima & terminus inferioris p̄dicamentali, ergo significat indiuiduum & unum numero. Vnde dixit Aristoteles quod a prima substantia nulla est p̄dicatio. Non enim de subiecto idest de inferiori dicitur.

Pro euidētia secundæ partiæ aduerte quod significare hoc aliquid sub appellationis figura, est significare hoc aliquid & similitudine nominationis. Nam quando duo eo

dem nomine nominantur, videntur idem significare. Sed eodē nomine nominamus primā & secundam substantiam. Nam dicimus quod sortēs est homo, & quod homo est homo, ergo non est mirum si secunda substantia uideatur significare hoc aliquid sicut prima.

Pro euidētia tertię particulę aduerte quod significare quale quid, est significare substantiam multis suppositis cōmunicabilem, & directē opponitur ei quod est hoc aliquid, & quoniam substantia secunda est species aut genus, quę dicunt naturam communem multis saltem secundum aptitudinem, hinc est quod secunda substantia non significat hoc aliquid, id est substantiam incōmunicabilem, sed quale quod id est substantiam communicabilem multis, & est ea quę est apta esse in multis & p̄dicari de multis uniuoce. Hęc de tertiā proprietate dicta sint.

Quarta quę est cōitas est hęc. Substantiā nihil est cōtrarium. Dicitur cōitas, quia non solum conuenit substantiā, sed etiam quantitati ut tibi manifestabitur in cap. sequenti.

Pro euidētia huius cōitatis aduerte tria primo aliud est habere in se contrarium, & habere sibi contrarium. Nā primum est recipere in se formam cui est alia forma contraria ut recipere calorem cui contrariatur frigiditas, & post calorem esse aptum recipere frigiditatem, & e conuerso. Secundum autem est, aliquid esse talis naturę, quod alia natura sibi contrariatur, ut dulcedo dicitur habere sibi contrarium, quoniam est talis naturę quod ei amaritudo contrariatur, & quoniam sunt contrarię se mutuo expellunt ab eodē subiecto, & per receptionem unus corrumpitur altera. In communitate p̄dicta quando dicitur substantiā nihil est cōtrarium, intelligitur in secundo sensu, & non in primo. Nā de primo dabitur sexta proprietas, ubi declarabitur quod proprium est substantiā recipere in se contraria successiue. Secundo aduerte quod contraria sunt duplicia quędam cōmuniter, quędam proprie. Communiter sunt illa quę ita se habent quod unum est ut priuatio, alterum est ut habitus, quod est ut priuatio dicitur imperfectum respectu alterius,

TRAC. QVINT. PARS SECVNDA

quod autem est ut habitus, dicitur perfectum respectu alterius imperfecti. Proprie sunt illa, quæ sunt duæ formæ acti-
uæ & passi- uæ ad inuicem succedentes sibi inuicem in eodẽ
subiecto, & se mutuo expellentes ab eodẽ, quales sunt qua-
litates tertie speciei de quibus dicemus infra, ut calidum fri-
gidum humidum siccum durum molle, asperum lene, dul-
ce amarum. In cõitate p̃dicta intelligitur quod substantiæ
nihil est contrarium in secundo sensu & non in primo. Ac
si dicatur, substantia non est contraria substantiæ cõtrarie-
tate p̃prie dicta qua contrariantur duæ qualitates repughan-
tes acti- uæ & passi- uæ ad inuicem. Quod autem una substan-
tia contrarietur alteri in primo sensu non inconuenit, quo-
niam omne genus in p̃dicamento substantiæ diuiditur dua-
bus differentiis oppositis, quarum una est perfectior altera,
ex consequenti una est ut habitus, altera ut priuatio, & quæ
est perfectior constituit substantiam perfectiorem, ut ratio-
nale hominem, quæ autem imperfectior imperfectiorem,
ut irrõnale constituit brutum. Vnde hõ ut substantia p̃fe-
ctior contrariatur bruto imperfectiori contrarietate in pri-
mo sensu, nõ aut in secundo sensu de quo intendit Aristõ.

Tertio aduerte quod substantia põt imaginari cõtrariari
substantiæ contrarietate p̃prie dicta dupliciter. Primo secũ-
dum se inquantum est substantia. Secundo ratione alicuius
sibi intrinseci adiuncti puta qualitatis actiue aut passiue. In
primo sensu impossibile est substantiam contrariari substan-
tiæ ut & habitus in secundo sensu uerum est, nec id intendit
negare Aristoteles nam ponit quatuor elementa sibi inuicẽ
contraria propter qualitates elementares contrarias, ut pa-
tet in libro secundo de generatione. Quarta ergo cõitas sub-
stantiæ sic formanda est, nulla substantia contrarietur sub-
stantiæ contrarietate p̃prie dicta, nec secundum se sed ra-
tione qualitatum contrariarum. Quæ sic intellecta põt hoc
modo probari. Subiecto receptiuo contrariorum, nihil est
contrarium, hanc pro nunc crede, quoniam tibi manifesta-
bitur in primo physicorum. Sed ut uidebis in proprietate
texta. Substantia est subiectum receptiuum contrariorum
ut anima

ut aīa recipit uirtutem & uicium, corpus sanitatē & agridinē, a qua calorem & frigiditatem, ergo suba non cōtrariatur suba modo supra exposito. Præterea, oīa ueræ & propriæ contraria sunt in subiecto per diffōnem contrariorum. Sunt. n. ueræ & propriæ cōtraria formæ actiue & passiue eidē subiecto apte nate in esse, a quo uicissim se mutuo expellunt &c. Sed suba non est in subiecto ut patet per primam proprietatem, ergo substantiæ non contrariatur suba modo supra exposito.

Quinta cōis est quod suba non suscipit magis & minus.

Pro cuius euidētia duo aduerte, primo quod dī cōitas: qm̄ non est proprium suba, nam ut cognoscēs in p̄nto quantitatis, quantitas non suscipit magis, & minus, secundo aduerte quod multū differt subam magis & minus subitare, & substantiam esse maiorem & minorem, & subam magis & minus suscipere, nam magis & minus subitare est respectu accidentium, esse maiorem & minorem est p̄p̄ maiores & minores extensiones & dimensiones. Suscipere autē magis & minus, quod idem est quod intendi & remitti, siue augeri & minui non quantitatiue sed perfectionaliter est p̄p̄ p̄fectius & imp̄fectius esse, quod dat forma subiecto & participatur a subiecto. Primum quidem competit substantiæ, nam declaratum est supra, quod prima substantia maxime substat, & qđ spēs magis substat quam genus, ut homo quam aīal: qm̄ species propinquior est primæ substantiæ quam genus.

Secundum etiam competit substantiæ, nam ad sensum uidemus quod una & eadem substantia uno tpe est minor, ut fructus in principio, & idem fructus maturos est maior, tertium autē & de quo p̄p̄riæ intendit Aristoteles non conuenit suba, nam sic suscipere magis & minus, est formam paulatim recipi in subiecto secundum esse magis ac magis perfectum, & hoc est intendi & augeri perfectionalr. Minus autē & remitti & diminui perfectionalr est, forma paulatim expelli a subiecto, ita quod ab esse perfectiori deuenit ad eē minus, & minus perfectū, quod patet in aqua dum calefit intenditur calor: dum frigesit remittitur. Qđ igit, hoc tertiu

non conueniat substantiæ. Probat sic Aristoteles. Homo non est magis; homo nunc quam prius, nec unus homo est magis homo quam alter, sicut per oppositum uidemus, quod album est magis album nunc quam prius, puta paries de nouo dealbatus, & unum album est albius altero, ut nix quam paries. Verum quia hæc probatio est magis exemplaris quam scientifica, ideo probanda est hæc communitas ratione sic.

Omne quod suscipit magis, & minus duobus modis continetur: quoniam aut per remotionem a suo contrario, sicut dicimus quod calor aquæ intenditur, quando dum calefit minus admiscetur frigiditati. Si autem magis admiscetur, remittitur, aut quia magis firmatur in subiecto, ut calor ignis receptus in ferro. Si autem debiliter recipitur uelut in superficie, ut calor in manu remittitur. Sed substantia neutro modo potest suscipere magis, & minus, non primo quia non habet contrarium per quartam communitatem, non secundo per primam proprietatem: quoniam non est in subiecto, nec receptibilis in subiecto, ergo &c. 12.

Nec obstat quod una substantia est perfectior altera puta homo, quam asinus, & una aqua frigidior altera, & unus homo rationalior altero. Nam ad hoc quod substantia recipiat magis, & minus, non sufficit quod sit perfectior aut imperfectior altera, sed quod unamet dum generatur, sit apta nata successiue fieri perfectior, aut imperfectior, quod non conuenit substantiæ: quoniam non fit per motum, sed per generationem instantaneam. Hoc tamen intelligere non potes donec ad quartum librum physicorum peruenieris, aut ad librum nonum metaphysicæ. Ideo sustine ex eo autem quod una aqua sit frigidior altera, aut ipsamet magis in uno tempore, quam in alio. non arguitur quod aquæ substantia suscipiat magis, & minus, sed quod frigiditas ut est in substantia aquæ sicut in subiecto. Similiter ex eo quod unus homo uidetur rationalior altero, uel idem homo magis uno tempore, quam alio non concluditur intentum, quia non est rationabilior quo ad substantiam animæ intellectiue, quæ est unius speciei in omni homine, sed uidetur ratio-

nalior, quia subtilius & prudentius utitur ratione pp organa, & phantasmata magis disposita & ordinata. Sic pro nūc dictum sit, licet in metaphysica intēdam sustinere unam formam substantialem eiusdem speciem cum altera, esse perfectiorem quam altera, & tamen non recipere magis & minus. Verum quia hęc transcendunt negocium logicum, iō non est in eis immorandū. Hęc de quinta cōitate dicta sunt.

Sexta quæ est ueræ proprietatis substantiæ prædicamentalis est hęc. Maxime proprium est substantiæ, esse susceptibilem contrariorum, ut eadem manus aliquando est calida, aliquandō frigida. Idem homo aliquando prauus, aliquandō studiosus, id est uirtuosus siue probus.

Pro noticia huius proprietatis duo notanda sunt, deinde probabitur.

Primio notandum quod hęc proprietatis non conuenit substantiæ uniuersalissime sumpte: quoniam non conuenit Deo, in quo nullum suscipitur accidens siue tale accidens habeat contrarium siue non. Nec conuenit materiæ primæ secundum uiam nostram, nam primum receptibile est forma substantialis, & mediante illa recipiantur accidentia in composito. Sed Aristoteles intendit hanc proprietatem uerificari de substantia immediate, Cum igitur non cōueniat substantiæ absolute sumptæ, oportet ut intelligatur de substantia quæ ponitur in prædicamento, ut excipiat Deus, & quæ est actus uel actu, ut excipiat materia prima, quæ non est ens nec substantia actu per seipsam sed in pura potentia, ut tibi declarabitur in. 1. lib. physicorum.

Secundo quod substantia eadem numero manens, successiue & non simul, & p mutationem sui, & non solum p mutationem alterius, est apta nata suscipere in se contraria, etsi non omnia saltem aliqua. Dicitur eadem numero manens: quoniam ad uerificandam hanc proprietatem esse propriam substantiæ quarto modo, non sufficit quod duæ substantiæ suscipiant in se contraria, puta quod sortes recipiat albedinē & Plato nigredinem, sed quod ipsemet sortes, sit aptus recipere utrunque. Dicitur successiue: quoniam cum contraria

se mutuo expellant ab eodem subiecto. Sunt enim actiua, & passiuæ ad inuicem & corruptiuæ. Non se compatiuntur simul in eodem subiecto & per eadem partem, & in gradibus iutensis, licet forte se compatiantur in gradibus remissis ut in tepido, sicut alibi tibi in philosophia declarabit. Sed nunc sustine.

¶ Dicitur & per mutationem sui: quoniam cum contraria non se compatiatur simul in eodem, oportet quod substantia transmutetur ab uno contrario ad aliud, ita quod dum recipit unum remouetur aliud, ut aqua per calefactionem recipit caliditatem, & deperdit frigiditatem. Dicitur & non per mutationem alterius, per quod soluitur instantia quam facit Aristoteles de oratione & opinione, quæ eadem nuthero manens, recipit ueræ & falsum. Nam hæc oratio Sortes sedet, est uera sorte sedente, & falsa sorte surgente, quinto hæc proprietas conuenit alteri substantia. Hæc inquam instantia, non ualet: quoniam uerum & falsum non recipit in oratione sicut in subiecto sed sicut in signo, in re autem est ut in causa, sed in intellectu ut in subiecto, & ideo non est necesse quod oratio mutetur, sed sufficit rem quæ est causa mutari, puta quod sortis sedens desinat sedere & surgat, & sic mutetur, nam ut inquit Aristoteles ab eo quod res est, uel non est, dicitur oratio uera uel falsa, si autem oratio reciperet uerum & falsum ut subiectum & non ut signum necesse esset ipsam mutari. Unde quia intellectus siue anima intellectualis recipit ueram & falsam opinionem & orationem mentalem de re contingenti, necesse est ipsam mutari de uera opinione ad falsam & econuerso, pro uaria distantia temporis.

Dicitur suscipere in se contraria, hic subintelligendum est in se ut in subiecto quod, & non quo, uel propria uirtute, & non uirtute alterius ut excludat superficies quæ uidetur immediate recipere contrarios colores, quos quidem non recipit uel quod, sed ut quo, nam quia substantia non est extensa nisi per quantitatem, & non recipitur color nisi in subiecto extenso, propter hoc substantia recipit contrarios colores medio quantitatis, & sic quantitas est subiectum immediatum quo, & uirtute substantiæ, substantia autem est ex sua uirtute medium receptiuum quod.

Dicitur & si non omnia, saltem aliqua, nam sufficit cuilibet substantiae pñtali si est apra suscipere in se contraria, cōpetentia naturæ suæ, ut natura intellectualis contraria intellectualia, puta contrarias uolitiones, & corpora cœlestia contraria sibi non repugnantia, qualia sunt, rerum & dēsum clarum & obscurum in luna, & contrarias differentias locales ut sursum & deorsum dextrum, & sinistrum, ante & retro, ut declarabitur tibi in secundo libro cœli, & elementis, & cñtatis sufficit recipere contrarias qualitates actiuas & passiuas, ut calidū, frigidū, humidum, siccum, & scđas profluentes a pñis, ut tibi manifestabitur in libro quarto meteororū.

Hanc proprietatem sic declaratam probat Arist. hoc modo, nō uidemus aliquid aliorum manens unum numero suscipere in se contraria, neq; n. idem numero color aliquñ est albus, aliquñ niger, neq; eadem numero actio aliquñ bona, aliquando praua. Sifr & in aliis quæ substantiæ non sunt. Videmus autem ad sensum quod eadem numero substantia est capax contrariorū, ut idem numero homo aliquñ est calidus aliquando frigidus, aliquando bonus aliquando prauus ergo maxime proprium est substantiæ pñtalis esse susceptiuā contrariorū, & hic terminatur consideratio de prædicamento substantiæ, ad mentē Aristotelis.

Caput tertium de prædicamento quantitatis.

IN cap. tertio agendum est de prædicamento quantitatis ad mentem Arist. & tria agenda sunt, pmo ponentur diuisiones. cōes quantitatis secundo de singulis membris diuisionum agendum est, tertio agēdum est de proprietatibus & communitatibus quantitatis prædicamentalis.

Quantum ad primum ut scias in quo sensu locuturi sumus hic de quantitate aduerte quinque diuisiones.

Prima est, quantitatū alia est: perfectionalis siue virtualis, alia dimensiuā siue mensuratiua substantiæ in qua est.

Quantitas uirtualis est ipsa rei bonitas siue pfectio gradabilis sñm magis, & minus & maxime, iuxta quem sensum dicimus sortē magnum oratorem, & Demosthenē maximū & ducem maioris authoritatis, militē uero minoris, & hæc

quantitas est eiusdem vltatis cum bono transcendenti, unde reperitur in deo maxime & infinite, & intelligentis iuxta earum gradus, & in corporalibus sicut quod se invicem excedit in perfectione substantiali vel accidentali, & de hac non sumus hic locuturi, quoniam spectat ad punctum qualitaris pro quanto reperitur in creatis, ut excludamus eam quae est in deo. quoniam si esset divina substantia non locatur in puncto sic nec aliqua eius perfectio.

Quantitas dimensiva siue mensurativa subae in qua est, est accūs, quo redditur subim mensurabile continuae vel discretae, ita quod per illud dicimur quater vel quoti, puta bicubitales vel ericubitales, decem aut viginti, & de hac tamen locuturi sumus, & consequitur subim punctalem materiale siue corpoream, tamen non intellectuales natura ut intellectualis denudata est ab omni quantitate ut tibi manifestabit in lib. 8. phy. & in secundo metaphysico.

Secunda est, quantitas vel quantum dimensionum, duplex est, quoniam aliud per se, aliud per accidens, membra divisionis manifestabimus infra.

Tercia est, quantitas per se, aliud genus est quantitas continua aliud discreta.

Quarta est, quantitas tam continua quam discreta, alia habet positionem alia positione caret.

Quinta est, quantitas continua quinque sunt species, linea, superficies, corpus, tempus, locus. Discreta vero duae, numerus, & oratio.

Quantum ad secundum declaranda sunt singula membra singularum divisionum. Relicta igitur quantitate virtuali quae ad hoc negotium non spectat, & quantum dimensionum primo divisum est in quantum per se, & quantum per accidens. Adverte quod quantum per se siue quantitas per se est illa prae proprie & essentialiter & ex se, etiam renoto quocumque respectu ad alterum est divisibilis quantitatiue ut linea quae est essentialiter longitudo, & superficies latitudo, nam in omni longitudine, & latitudine est accipere partes in quas divisibiles sunt, ut ad sensum patet. Quantum autem per accidens est illud quod non proprie & essentialiter nec ex se sed per respectum ad subiectum in quo recipitur quod est per se quae

tum est diuisibile in partes quantitativas ad diuisionem sui subiecti quanti. In quo sensu qualitates sensibiles receptas in substantia quanta, siue immediate in superficie, dicimus esse quantas per accidens. Diuiduntur enim ad diuisionem superficiem, secundum naturam autem suam sunt in diuisibiles. Vnde dicitur Aristoteles, quod dicimus album multum, quia superficies in qua recipitur albedo est multa. Quanta enim superficies fuerit, tantum album dices. Sunt ergo huiusmodi quanta per accidens quia respiciunt quantum per se, puta dicitur actio longa quia longum est tempus in quo durat, & motus multus, quia in multo tempore fit. Et aduerte quod non solum qualitates sensibiles recepte in quanto dicuntur quante per accidens, sed etiam formae substantiales recepte in materia quanta praeter animam intellectuam, dicuntur fieri & esse quante, & extense per accidens, sicut super omnes formas naturales rerum inanimatarum, & animalium imperfectorum, ut tibi declarabitur in libro secundo de anima. Sed pro nunc sustine.

Quantum ad noticiam partium tertiae diuisionis aduerte quod apud Aristotelem & mathematicos, quantitas continua est illa, cuius partes ad unum terminum eodem copulantur. In qua est accipere aliquod unum indiuisibile secundum talem diuisionem, quod est finis partis praecedentis, & principium partis sequentis, ut in linea est signare punctum indiuisibile secundum longitudinem, quod est terminus partis lineae praecedentis, & principium partis sequentis & tale indiuisibile dicitur hic terminus eorum, ad quem partes quantitatis continuae copulantur. Quid autem sit tale indiuisibile in superficie & corpore, & loco, & tempore dicemus in sequentibus.

Quantitas discreta est illa, cuius partes non copulantur ad unum terminum communem, sed semper remanent discretae, & separatae, aduerte quod partes quantitatis discretae non ita sunt separatae ab inuicem, & distinctae, quin sint ordinatae secundum prius, & posterius. Sed dicuntur separatae, quoniam nihil, ut communis terminus copulat eas ad inuicem. Verbi gratia. Summo numerum denarium,

eius partes æquales sunt quinque, & quinque, inæquales autē sunt septem & tria, sex & quatuor, iste quidem partes ita ordinare sunt, quod unitates ordine suo componunt ens, puta quinque & quinque consurgentes ex prima, secunda, tertia, quarta, quinta unitate nō, tamen ita sunt ordinate, quod tertia unitas sit finis ternarii, & principium binarii, nec quinta unitas est finis primi quinarīi, & principium secundi quinarīi sed ultima unitas primi quinarīi est finis eius, & prima unitas secūdi quinarīi est principium eius, iō dicūtur partes quātitatis discretæ non copulari ad terminum cōem, sed permanere discretæ. i. distincte, & separate. i. non continue, licet quandiu componūt suum totum sint ordinate, sicut milites ordinati sunt quandiu componunt exercitum.

Quantum ad noticiam partium quartæ diuisionis aduerte quod quantitas habens positionem est illa cuius partes copulantur ad unum terminum communem, & sitē sunt alicubi, Pro cuius notitia aduerte quod de ratione quantitatis habentis positionem duo sunt, primo quod partes eius copulentur ad unum terminum, communem modo quo expositum est. Defectu huius numerus non est quantitas habens positionem. Licet enim partes numeri quæ sunt unitates habeant inter se ordinem, non tamen positionem, quia nulla unitas est finis præcedentis unitatis, & principium sequentis, secundo quod partes sint situate alicubi & permanentes ita quod non sint in continuo fluxu. Defectu huius nec tempus nec motus, nec oratio dum profertur sunt quātitates habentes positionem. Consistunt enim in fieri, & de ipsis non habetur actu nisi indiuisibile, ut in tempore instans in motu mutatum esse, in oratione dum profertur syllaba uel litera, & hæc tibi manifestabuntur in physicis. Pro nunc sustine, quoniam hoc negotium transcendunt, ex his duabus conditionibus constabit tibi quæ sunt quantitates habentes positionem, & quæ non. Nam linea superficies corpus & locus, habent positionem, copulantur enim in eis partes ad unum terminum communem, ut tibi manifestabitur in sequentibus, & sitē sunt alicubi, quoniam non sunt in con-

tinuo fluxu ut patet. Numerus uero & oratio & tps et motus sunt quantitates non habentes positionem, qm̄ in nullo eorum seruatur utraq; conditio. Nam & permutantia partium. In oratione dum profertur deficit utraq;.

Quantum ad noticiam partium quintae diuisionis assignanda est primo sufficientia specierum quantitatis continua. Deinde discrete. Deinde de singulis speciebus agendum est, tu igitur aduerte, quod quantitatis continuae quinque sunt species, scilicet linea. Superficies, corpus, locus, tempus, quarum sufficientia hinc sumitur. Omnis quantitas continua est mensura substantiae, aut ergo mensurat intrinsecæ, aut extrinsecæ. Mensurare intrinsecæ est mensurare, subiectum in quo est subiectiue ipsa quantitas mensuratiua, extrinsecæ autem est mēsurare aliquid in quo non est subiectiue ipsa quantitas mensuratiua, sed per applicationem, aut continentiam mensurat illud ut exemplificabimus. Si ergo mensurat intrinsecæ hoc est tripliciter quoniam aut secundum longitudinem tantum, & sic est linea, aut secundum longitudinem & latitudinem, & sic est superficies, aut secundum longi, & lati, & profunditatem, & sic est corpus. Si extrinsecæ, dupliciter, quia autem mensurat substantiam ab ea contentam, & circumdatam in qua tamen non est subiectiue, & sic est locus, locus. n. ut tibi manifestabitur in quarto physicorum continet locatum, & nō est subiectiue in eo, sed in corpore locante, aut mensurat substantiam ut est sub motu, & sic est tempus, quod non est subiectiue in omni mobili cuius motum mensurat, sed in primo mobili, id est primo cœlo moto motu tantum diurno, ut tibi manifestabitur in quarto physicorum. Constat, ergo tibi ratio quare species quantitatis continuae sunt tantum quinque. Quantitatis autem discrete species sunt duae, scilicet numerus, & oratio, quorum sufficientia hinc sumitur. Omnis quantitas discreta mensurat substantiam, ut habetur partes separatas, id est non copulatas ad unum terminum communem habet ordinatas modo, quo exposuimus supra, hoc autem contingit dupliciter, quia aut il-

le partes separate, licet ordinate sunt permanentes, & sic est numerus, aut successiua, & sic est oratio in prolatione.

Posita sufficientia specierum quantitatis continuæ, & discretæ, de singulis speciebus agendum est, & primo de speciebus continuæ, secundo de speciebus discretæ. De singulis autem tria uidenda, sunt primo quid sit, secundo quod est, & ritas, tertio quod est continua uel discreta.

Incipiendo igitur a speciebus quantitatis continuæ propriè ordinantur, aduerte quod linea apud mathematicum sic diffinitur, linea est sola longitudo cuius extrema sunt duo puncta.

Dicitur longitudo sola, quoniam imaginatur causari ex fluxu puncti, punctum autem cum sit penitus indiuisibile, non potest imaginare fluere nisi in longum, & ideo dicitur quod est sola longitudo, ut distinguatur a superficie & corpore. Dicitur extrema sunt duo puncta, quoniam cum causetur a fluxu puncti imaginatur incipere a puncto, & terminari ad punctum.

Tu tamen aduerte quod hæc diffinitio uidetur competere soli lineæ rectæ finitæ, & non circulari, nec infinitæ. Nam in circulari idem punctum est principium, & finis, & infinita caret extremis. Repugnat enim infinitum terminari secundum quod est infinitum, & ideo linea absolute sumpta sic definienda uidetur. Linea est sola longitudo fluxu imaginatio puncti per longum causata. Quod autem linea sit quæritas per se patet quia est per se diuisibilis in partes quantitativas, & est mēsurā substantiæ, in quā est. Nam per lineam cognoscitur eius longitudo. Quod uero sit quantitas continua patet ex eo quod partes suæ copulantur ad unum terminum communem, id est idem punctum numero, quod terminat partem præcedentem, & initiat partem sequentem.

Superficies sic diffinitur a mathematico. Superficies est longitudo est latitudo sine profunditate, cuius extrema sunt duæ lineæ. Dicitur longi & lati, quoniam imaginatur causari

fari ex fluxo; lineæ ad latus, ex linea; ergo habet longitudinem, & ex fluxo eius in latus habet latitudinem, & est sine profunditate, ut distinguatur a corpore. Dicitur cuius extrema sunt duæ lineæ, quoniam sicut linea incipit a puncto per longum & terminatur ad punctum sic superficies incipit a lineâ, & terminatur ad lineam, & ideo sicut in linea extrema sunt duo puncta, sic in superficie extrema, sunt duæ lineæ. Tu tamen aduerte quod hæc diffinitio non uidetur competere, nisi superficiiei finitæ, sicut etiam diximus de diffinitione lineæ. Superficies igitur absolute sumpta, sic uidetur diffinienda. Superficies est longitudo & latitudo sine profunditate, causata ex imaginario fluxu lineæ in latum. Quod autem superficies sit quantitas, per se, patet ex eo quod est diuisibilis in partes quantitativas, & est mensura substantiæ in qua est. Nam per superficiem cognoscitur quod substantiæ longitudo, & latitudo.

Quod uero sit quantitas continua patet ex eo, quod partes eius copulantur ad unum terminum cōmunem qui est, una & eadem linea, quæ est finis præcedentis partis superficiesiei, & principium sequentis.

Corpus autem sic diffinitur apud mathematicum. Corpus est longitudo cum latitudine, & profunditate; cuius extrema sunt duæ superficies. Dicitur longitudo cum lati, & profum, quoniam mathematicus imaginatur, quod sicut linea causatur ex fluxu puncti in longum, & superficies ex fluxu lineæ in latum, sic corpus causari, ex fluxu uel protractione superficiesiei in profundum. Vnde corpus a linea, habet longitudinem, a superficie latitudinem, & a protractione superficiesiei profunditatem, & sic corpus ut est species quantitatis est ipsa trina dimensio. Dico ut est species quantitatis, ut excipiat corpus quod est genus subalternum in prædicamento substantiæ, quod non est trina dimensio sed substantia subiecta trinae dimensionis. Dicitur cuius extrema sunt duæ superficies: quoniam ille fluxus siue protractio superficiesiei in profundum incipit ab una &

terminatur ad aliam ideo ille duæ dicuntur extrema corporis. Tu tamen aduerte quod hæc diffinitio competit corpore finito sicut diximus de linea & superficie, nam in corpore infinito repugnat dari duas superficies terminatiuas. Vnde corpus ut est species quantitatis absolute sumptum sic uidetur definiendum. Corpus est longitudo & latitudo, & profunditas causata ex tractu imaginario superficiei in profundum. Quod autem sit quantitas per se, patet ex eo quod si omnis dimensio per se sumpta est quantitas multo magis tria dimensio simul sumpta. Sed corpus in pnto quantitatis est tria dimensio per diffinitionem datam, ergo est multo magis quantitas quam linea, & superficies. Quod autem sit, quantitatis continua patet ex eo, quod partes suæ copulantur ad unum terminum cõem, quod est una numero superficies, quæ est terminus partis superioris, & principium partis inferioris, & præterea constat corpus esse diuisibile in partes quantitatiuas, quarum quælibet adhuc est diuisibilis in partes eiusdem rationis.

Locus: quoniam est de consideratione physici ut patet in quarto physicorum sic diffinitur ab Aristote. in quarto physicorum, locus est superficies corporis continentis, id est circumdantis locatum. Quod autem sit quantitas patet ex eo quod mensurat locatum quod est substantia corporea, ut uase puta phiala aut metecta mensuratur uinum, & sextario bladum, & sacco farina. Quod uero sit quantitas continua patet ex hoc quod locus est superficies, & superficies est quantitas continua ut docuimus supra, ergo locus est quantitas continua tenet & argumentum per regulam antepredicamentalem. Quando alterum de altero prædicatur & ex nec obstat quin locus sit species quantitatis continuæ distincta a superficie, licet sit superficies, nam superficies potest dupliciter considerari, primo in quantum est subiectiue in continente, & sic dicitur quantitas continentis eius superficies, secundo in quantum respicit contentum in continente in ratione contentiua licet non sit in contento subiectiue, & sic dicitur locus.

Tempus similiter est de consideratione physici, & sic diffinitur ab Aristotele in quarto physicorum. Tempus est numerus, id est mensura motus secundum prius & posterius, & quoniam sensus huius diffinitionis non est intelligibilis a nouicio in logica, ideo sustine donec erudiaris in physicis, quod autem sit quantitas patet ex eo quod est mensura substantiae mobilis ut stat sub motu. Quod uero sit quantitas continua, patet quia partes suae copulantur ad idem instans quod est finis praeteriti & principium futuri. Constat igitur tibi quo modo sunt quinque species quantitatis continuae & quid sit una quaeque earum.

Post considerationem de speciebus quantitatis continuae agendum est de speciebus quantitatis discretae. Sunt autem duae, scilicet numerus & oratio. Numerus est multitudo ordinata aggregata ex unitatibus. Dicitur multitudo, quoniam sola unitas non facit numerum, sicut nec solum punctum facit lineam. Praeterea, omnis quantitas est diuisibilis sed sola unitas non est diuisibilis, ergo &c.

Dicitur ordinata, quoniam oportet quod in numero unitates consequenter se habeant. Dicitur aggregata ad differentiam partium quantitatis & continuae, quae continuatur & non solum aggregantur adinuicem.

Quod autem numerus sit quantitas patet ex eo quod mensurat substantiam. Nam per numerum denarium numeramus decem lapides, & per quaternarium quatuor elementa, numerare autem est mensurare. Quod uero sit quantitas discreta patet ex supradictis, quoniam partes suae non copulantur ad unum terminum communem, ut docuimus supra. Quomodo autem distinguatur numerus materialis a numero formali, & quomodo solus numerus materialis sit in puncto quantitatis, formalis autem sit transcendens non est praesentis negotii, sed in lib. 8. metaphysicae, id tibi manifestabitur. Ideo pro nunc sustine.

Oratio ut est in puncto quantitatis sic diffinitur, oratio est mensura distinctorum sonorum & distinctarum syllabarum atque dictionum pro ut ore profertur.

Dicitur mensura distinctorum sonorum: quoniam soni distincti & uoces syllabicarum distinctae, quas oratio dum profert mensurat, sunt immediatum subiectum orationis, & habent uicem substantiae sicut & superficies dum recipit colorem primum uero & principale subiectum, est aer expiratus.

Dicitur prout ore profertur, ad differentiam orationis in mente, & in scripto, nam in mente est in prima specie qualitatis: quoniam perficitur & est subiectiua in intellectu. In scripto autem est in quarta specie qualitatis: quoniam scriptura est speciesfigurationis. Quod autem sit quantitas patet ex eo quod est mensura substantiae modo quo dictum est. Quod uero sit distincta patet ex eo, quod partes eius quae sunt litterae & syllabae & dictiones non copulantur ad unum terminum communem, sed permanentes discretae & ordinate, componunt orationem. Licet autem sit discreta quantitas, est tamen species distincta contra numerum, quoniam numerus causatur per replicationem unitatum, oratio autem causatur ordinatione syllabarum & ditionum absque replicatione, nec replicatio eiusdem positionis numero fieri posset, cum sit res successiua. Constat igitur tibi quae sint species quantitatis discretae & quid sint.

Quantum ad tertium, principale agendum est de proprietatibus & concomitantibus quantitatis & sunt tres.

Prima est quod quantitati nihil est contrarium. id est quantitati non contrariatur quantitas, sicut nec substantiae contrariatur substantia, ut declaratum est in capitulo praecedenti.

Pro huius evidentia antequam probetur aduerte, primo quoniam non habere contrarium ita conuenit substantiae sicut quantitati, non potest dici proprietas quantitatis, quarto modo, sed uel dicetur communitas, cum non conueniat sibi soli, uel danda est proprietas secundo modo, quia licet non conueniat soli quantitati, conuenit tamen omni, secundo aduerte, quod intentio philosophi est loqui de contrarietate perfecta & proprie dicta quae tres condiciones requirit, primo quod sit repugnancia inter duas formas quae sint eiusdem generis, ut repugnancia inter albedinem, & nigredinem quae continentur sub colore, secundo quod ille forma sine apte

acquiri per motum & diuisibiliter, sicut calore, & frigiditas quæ gradualiter & paulatine acquiruntur in subiecto per calefactionem & frigectionem, tertio quod inter eas sit maxima distantia, ita quod sub eodem genere non possit maior inueniri, nec intelligi, nec imaginari. Vnde dulcedo, & amaritudo contentæ sub sapore sunt formæ proprie, & perfectæ contrariæ: quoniam sapes magis distantes, & differentes non possunt inueniri, nec intelligi, cuius signum est quod omnes alii sapes dicuntur medij, & participant de utroque aliquo modo. Iste sunt conditiones proprie, & perfectæ contrarietatis, ex quibus si una deest, non seruatur contrarietas perfectæ, tertio aduerte quod philosophus intendit quantitati ut quantitas est: id est absolute, & simpliciter sumptæ, nihil esse contrarium, quod dico: quoniam si consideretur comparatiuæ, uel ut stat sub ratione relatiuæ, puta sub ratione magni & parui, & sub ratione multi, & pauci, uidetur, primo aspectu in quantitate esse contrarietatem. Nam magnum uidetur contrariari paruo, & multum paucis, & tamen in ueritate non potest ex his probari uerā & propriam contrarietatem esse in quantitate: quoniam magis sunt in prædicamento relationis quam quantitatis, nam res dicitur magnam comparata alteri, & similiter parua, ut mons est magnus comparatus lapidi, & lapis est paruus comparatus monti, & ceterum homines sunt multi comparati decem, & decem sunt pauci, comparati centum. Intentio ergo philosophi est loqui de contrarietate perfectæ, considerando quantitatem in se & absolute, & non sub ratione comparatiuæ, & relatiuæ.

Posita hæc declaratione, probatur hæc conclusio. Quantitati ut quantitas est, nulla quantitas proprie & perfectæ contrariat, & primo probat eam Aristoteles inductione dicens. Manifestum est: quoniam nihil est contrarium ut bicubito tricubito uel supficienti uel alicui talium &c. Vex quia posset aliquis negare idem esse iudicium de oibus aliis quantitatibus, ideo aliter probandum est, & arguitur, ratione sic. Quantitas autem est determinata numero sicut bicubitū tricubitū,

TRACTATUS V. PARS II.

& quatricubitus &c. aut non determinata, ut linea absolute sumpta & superficies: & corpus. Si est determinata, deficit sibi conditio secunda posita supra. scilicet quod oportet perfectæ contraria paulatim & diuisibiliter acquiri, hoc autem repugnat quantitati determinatæ numero, consistit enim bicubitus in indiuisibili sicut, & binarius, similiter tricubitus sicut & ternarius. Si est indeterminata numero deficit sibi tertia conditio, quæ ex maxima distantia. Neque enim potest dari linea adeo longa, quin possit intelligi longior, & superficies latior, & corpus maius in infinitum. Nec est instantia de differentiis localibus in uniuerso. scilicet de centro mundi & superficie orbis lunæ concaua, quæ uidentur extrema maxime distantia secundum motum grauium & leuium. Hoc inquam non obstat: quoniam & si sint extrema maxime distantia apud physicum qui considerat motum grauium & leuium non tamen apud mathematicum & logicum, qui abstrahunt a materia & motu. Vnde mathematicus & logicus potest intelligere lineam longiorem in infinitum quam sit linea ducta a centro mundi ad concauum orbis lunæ, ex consequenti extrema distantiora in infinitum quam sit centrum mundi concauum prædictum, ergo nec quantitas determinata numero, nec indeterminata habet aliquid propriæ & ueræ contrarietatis.

Sed dices. Si non est uera contrarietas in quantitate ergo in ea non est motus, quod est falsum, ut patet in quinto physicorum. Patet consequentia: quoniam Aristoteles in 5. physicorum non alia ratione negat motum in substantia, nisi quia in ea non est contrarietas ut docuimus in cap præcedenti, ergo &c.

Respondetur ad hoc quod inter aliqua duo sit motus, non oportet quod sint perfecte contraria secundum tres prædictas conditiones, sed sufficit quod habeant duas, scilicet sint termini a quo & ad quem eiusdem generis, & sint diuisibiliter ac paulatim acquisibiles, non est autem necesse quod sint maxime distantes, nam a calido ut duo, ad calidum ut octo datur motus calefactionis, & tamen non maxime distantes cum sint media inter calidum ut unum, & summæ calidum & quoniam

Et quoniam esse diuisibiliter acquisibile conuenit quantitati non determinate numero: ut patet de loco sursum & deorsum, quoniam sic paulatim ab uno receditur per motum localem; sic paulatim ad alterum acceditur, ideo datur in quantitate motus, qui est motus augmenti & decrementi. Localis autem motus est in puncto ubi: ut tibi declarabitur in quinto physicorum, & tangemus de hoc in postea. Et quia haec conditio deficit in substantia, quoniam cum producat per generationem producit diuisibiliter hac de causa non est motus in substantia. Et ideo non est simile de quantitate & substantia. Haec de prima proprietate dicta sunt.

Secunda est, quod quantitas non suscipit magis & minus, antequam probetur aduerte duo, primo quod haec non est proprietas in quarto modo, quoniam conuenit alteri. scilicet substantiae ut docuimus in cap. praecedenti, ergo non est proprietas nisi secundo modo, quia conuenit omni sed non soli. Est ergo comitas respectu quarti modi, & proprietas respectu secundum modi. Aduerte secundo, quod aliud est suscipere magis & minus, & suscipere maius & minus. Nam primum est tendere de esse imperfecto ad esse perfectius & perfectius per motum acquisitionem formae recipiende in subiecto, secundum est extendi uel contrahi in maiorem aut minorem dimensionem. Primum dicitur augmentum secundum maiorem & maiorem perfectionem, secundum autem dicitur augmentum secundum maiorem & maiorem extensionem philosophus intendit quantitatem non suscipere magis & secundum primum per sensum, & non intendit negare secundum aliter negaret augmentum & decrementum in quantitate. Non enim est aliud augeri quantitatiue quam extendi secundum dimensionem. Minui autem est contrahi secundum dimensionem. Verum est ergo dicere. Quantitatem non intendi sed extendi, non remitti contrahi.

Hanc proprietatem non probat Aristoteles nisi inductione dicens, non uidetur quantitas magis & minus suscipere, neque enim aliud alio magis cubitum neque bicubicum, neque in numero: ut ternarius & quinaris, nihil enim magis

tria dicentur quam quinque, neque tempus aliud alio magis & minus dicitur, quare quantitas non suscipit magis & minus. Verum quia philosophus non facit inductionem nisi in quantitate discreta, & continua determinata numero. Diceret aliquis non esse idem iudicium de continua quantitate non determinata numero, & de numero, quoniam illa non stat in indiuisibili, hæc autem sic, ideo bene stat illam posse intendi & remitti, hanc autem non, propter quod probatur intentum de quantitate absolute sumpta tali ratione. Suscipere magis siue intendi causatur per depurationem unius contrarii ab altero contrario: ut docuimus in cap. præcedenti suscipere autem minus causatur per admixtionem unius contrarii cum altero contrario. Nam calorem intendi est magis ac magis separari a frigidityte, remitti autem est magis ac magis misceri frigidityti, sed quantitati ut quantitas est nihil est contrarium, ergo quantitas ut quantitas est, non suscipit magis & minus. Sic pro nunc dictum sit, si autem aliter videbitur, dicemus in philosophia. Hæc de secundâ proprietate quantitatis dicta sunt.

Tertia proprietas est hæc. Maxime proprium quantitatis est secundum eam æquale uel inæquale dici.

Pro notitia huius proprietatis aduerte duo deinde probabitur, primo aduerte ad hoc quod hæc proprietas sit in quarto modo: ita quod omni & soli quantitati conueniat & semper oportet intelligere de quantitate finita. Nam sicut inter quantitates infinitam & finitam nulla datur proportio, sic nec æqualitas aut inæqualitas, sumendo quantitatem infinitam secundum se totam. Quod dico quia non inconuenit ex quantitate, infinita sumere partem finitam, puta decem cubitorum, & comparare eam quantitati alteri quæ sit quinque cubitorum, tunc constat quod essent inæquales.

Secundo aduerte quod intendit philosophus hanc esse proprietatem quantitatis dimensionis, quoniam de hac solum hic intendit: ut excludamus quantitatem perfectionalem, de qua locuti sumus in principio huius capituli, nam & secundum eam dicimur æquales uel inæquales, ut sortes, & Plato sunt æquales in scientia uel authoritate, Senex & iuuenis sunt in æqua-

les uiribus. Immo omnes ens actu comparatum alteri pōt dici æquale uel inæquale, qm̄ comparatum illi aut est in eodem gradu bonitatis & perfectionis, & sic est æquale, aut in maiori uel minori, & sic est inæquale.

Hæc p̄prietas sic declarata pbat̄ ex diffinitione æqualitatis & sui oppositi, & ex diffinitione æqualium & inæqualium. Nam æqualitas est rerum differentium eadem quantitas. Inæqualitas autem est rerum differentium diuersa q̄titas. Aequalia uero dñr quæ adinuicem comparata nec excedūt nec exceduntur. Inæqualia uero sunt, quorum unum excedit aliud. Tunc sic, ois excessus sumitur ex mensura & mensura ex quantitate, & solum per ipsam cum ipsa sola sit mensura substantiæ, ergo oī & soli quantitati conuenit ut p̄ eam dicatur aliquid æquale uel inæquale. Hæc de p̄nto quātitatis sint dicta secundum logicos reales, & ad intentionem Arist.

Quantum uero spectet ad nominales breuibus se expediunt, diffiniunt prædicamentum quantitatis, deinde assignāt genus generalissimum & genera subalterna usq̄ ad specialissima & indiuidua.

Diffinientes autem dicunt quod prædicamentum quantitatis est coordinatio plurium terminorum: scilicet uniuersalium & uniuocorum significantium quantitatem secundū sub & supra. Termini autem significantes quantitatem sunt illi per quos respondetur ad interrogationem factam per quantum aut quot, ut quantus & sortes, respondetur, bicubitalis, quot sunt homines in templo, respondetur, decem. Bicubitale & decem important quantitatem. Verum quia ut sæpe diximus apud reales, nec prædicabile nec prædicamentum, dicunt solos terminos, sed naturam: ut stat sub illis terminis, ideo tu sequere uiam realium ut conformiorē Aristoteli, & uia Thomisticæ.

Quantum ad ordinationem prædicamēti, aduerte quod assignant eam sicut Aristoteles, & logici reales, excepto q̄ non nominant orationem inter species quantitatis discrete, sed assignant solum numerum & ne uideātur contradicere aut deuiare ab Aristote. qui numerat orationem in quantitate

discreta. Dicunt quod Arist. non loquitur *fm* mentem propriam, sed iuxta *sniam* Architæ Tarentini sic igitur ipsius *pñti* seriem disponunt. Quantitas dimensiu est genus generalissimum. Sed quantitate sunt duo genera subalterna, & neutrum est superius ad alterum nec *pñdicatur* de altero. *s.* Quantitas continua, & quantitas discreta. Subcontinua sunt quinque species. *s.* linea superficies corpus locus tempus. Hæc indiuidua sunt hæc linea, hæc superficies, hoc corpus hic locus hoc tps. Subdiscreta est numerus, sed numero sunt species *i* infinitū ut binarius, ternarius &c. Sub qualibet numeri spē, sunt sua indiuidua: ut hic binarius, hic ternarius.

Hæc de prædicamento quantitatis dicta sint, ad mentem nominalium, & realium.

Caput quartum de prædicamento ad aliquid:
id est relationis.

IN quarto cap. agendum est de prædicamento ad aliquid de quo tria uidenda sunt, primo quid sit, secundo quæ sint genera siue species suæ, tertio quæ sint proprietates siue conimunitates suæ.

Quantum ad primum aduerte anteq̃ deueniamus ad definitionem ipsius quod ad aliquid siue relatiuum est duplex. *s.* secundum esse & secundum dici. Relatiuum secundum esse est illud quod principaliter & essentialiter dicit respectum ad aliud: ut duplum & dimidium pater & filius. Relatiuum secundum dici est illud quod principaliter & essentialiter dicit absolutum, puta de genere qualitatis ut scientia & sensus & opinio, aut de genere substantiæ, puta manus caput pes, nam licet scientia & sensus & opinio importent principaliter qualitatem & perfectionem siue in prima siue in secunda specie qualitatis ut declarabitur in capit. sequenti. tamen secundario & connotatiue important respectum ad alterum. Scientia enim est scibilis scientia, & sensus est rei sensibilis sensus, & caput licet principaliter importet partem substantiæ, tamen connotant respectum ad alterum, est enim caput capitati caput, & manus manuati manus. His prænotatis aduerte quod apud Aristotelem & logicos

reales, datur de ad aliquid duplex diffinitio; prima competit relatiuis secundum esse & secundum dici, secunda autem relatiuis secundum esse tantum, & est correctiua primæ, nam prima datur secundum sententiam ueterum, secundā autem dat Aristoteles secundum mentem propriam.

Prima igitur diffinitio est hæc. Ad aliquid dicuntur quæcunq; hoc ipsum quod sunt, aliorum esse dicuntur, uel quomodolibet aliter ad aliud, ut pater, filii pater. Dominus, serui dominus.

Primo dicitur dicuntur, & non dicitur sunt, ut innuat quod hic non tractat de relatiuis principaliter ut sunt entia realia. Id enim spectat ad metaphysicum. Vnde in lib. 5. Metaph. ex proposito pertractat Arist. de modis relatiuorum. Pertractat autem hic de eis intentionaliter sicut quæ referuntur ad dici & prædicari. Nonnulli arbitratur quod Arist. utatur hoc termino dicuntur, ut innuat quod hæc diffinitio non est ex sua sententia, sed ex sententia platonis, & ideo dabit secundam diffinitionem ut uidebis, quæ erit ad mentem suam.

Secundo dicit. Quæcunq; hoc ipsum quod sunt aliorum esse dicuntur. i. Dicuntur esse omnia illa, quæ sicut illud quod importat uel significant, referuntur ad aliud, ut ad terminum & dicitur aliorum. i. in genitiuo casu, ut duplum refertur ad dimidium & e conuerso, in genitiuo. Dicitur enim duplum dimidii duplum, & dimidium dupli dimidium & pater, filii pater, & filius patris filius.

Tertio dicit, uel quomodolibet aliter ad aliud. Hoc exponitur dupliciter, primo sic uel quomodolibet aliter id est uel posito quæ non significant solum respectum ad aliud, dummodo contentent respectum, dicuntur ad aliquid, & sic per hanc particulam denotat relatiua sicut dici, per primam autem denotat relatiua sicut esse, secundo sic, uel quomodolibet aliter, id est uel referuntur ad aliud ut ad terminum non solum in genitiuo sed quomodolibet aliter, puta siue in datiuo siue in accusatiuo. Nam quædam relatiua dicuntur ad suum correlatiuum in genitiuo, ut dominus, serui dominus, quædam in datiuo, ut similis simili similis, uicinus uicino uicinus, quædam

in ablatiuo; ut maius minore maius, quædam in accusatiuo, ut mons magnus ad montem paruum. Sensus ergo diffinitionis est istæ. Relatiua dicuntur quæcunq; essentialiter important respectum uel connotant respectum ad aliud, ita qd se referūt in genitiuo uel datiuo uel accusatiuo uel ablatiuo. Hæc est prima diffinitio.

Secunda talis est: Ad aliquid, sunt quibus hoc ipsum esse, quod sunt est ad aliud quodammodo se habere. Hæc diffinitio datur ab Aristotele ut correctiua præcedentis, eamq; ut diximus communis est relatiuis simpliciter dictis, quæ sunt relatiua *fm* esse quæ proprie reponuntur in pdica mento ad aliquid, & relatiuis *fm* quid, quæ sunt relatiua *fm* dici, & quo ad principale significatum sunt alio pnto, q̄ in alio ad aliquid, ut scientia sensus opinio in pnto qualitatis. Caput autem & manus & pes in pnto substantiæ reductiue. Dicit igitur Aristoteles, quod ad aliquid proprie & simplr sunt nō quæcunq; quomodolibet ad aliud sunt, ut dicit prima diffinitio, sed quibus hoc ipsum quod sunt est ad aliud se habere, quodammodo. i. speciali modo & non quocunq; modo. Hic autem modus specialis est, ut non secundario sed principaliter & essentialiter dicant respectum, ut in hoc distinguatur relatiua secundum dici a relatiuis secundum esse. Cōstat igitur quis sit sensus utriusq; diffinitionis.

Quantum ad secundum aduerte qd sub ad aliquid ut est genus generalissimum assignantur tria genera subalterna, quæ dicuntur relatio æquiparantiæ, relatio superpositionis relatio suppositionis, & sic describuntur.

Relatio æquiparantiæ est illa quæ in utroq; extremo denotat æqualitatem, ita qd neutrum ut sic excedit alterum nec exceditur, species huius generis sunt uicinitas, similitudo amicitia, æqualitas, & ad denotandum hmoi æqualitatē solēt relatiua æquiparantiæ nominari eodem nomine cum suis correlatiuis quia fundantur super eandem formam simul cum suis correlatiuis, ut duo albi, dicuntur similes, duo eiusdem quātitatis dicuntur æquales duo in mutua dilectione dicuntur amici.

Relatio superpositionis est illa, quæ in suo relatiuo denotat maioritatem super correlatiuum, ut paternitas in patre super filium. Dominiũ in domino super seruum. Vnde relatiua superpositionis dicunt respectum excedentis ad excessum, i. maioris ad minus. Supponitur enim maius minori: ut pater filio, dñs seruo magister discipulo.

Relatio suppositionis est illa quæ in suo relatiuo denotat minoritatem erga solum correlatiuum, ut filiatio in filio erga patrem, & seruitus in seruo erga dominum. Vnde relatiua suppositionis sunt illa quorum significata indigniora sunt significatis correlatiuorum, ut seruus, filius, discipulus, est enim filius natura inferior patre, & seruus domino, & cætera.

Species relationis æquiparatiæ dicte sunt, species autem relationis superpositionis sunt duplum ad dimidium, tripulum ad duplum, & sic ascendendo in numeris, dominus ad seruum, pater ad filium &c. Species autem suppositionis sumuntur et conuerso, ut dimidium ad duplum duplum ad tripulum, seruus ad dominum. Et aduerte q̃ hic non sumuntur superpositio & suppositio secundum sub & supra in linea prædicamentali, aliter unum prædicaretur de altero, puta q̃ seruus est dominus, quod est impossibile. Sed sumuntur s̃m sub & supra in maioriæ & minoriæ, ideo unum non prædicatur de altero sed opponitur alteri oppositione relatiua, de qua dicemus infra. Constat igit̃ tibi quæ sint genera subalterna & species in ad aliquid. De modis autem relatiuorum nõ est præsentis negotii pertractare, sed spectat ad librum quintum Metaphysicæ.

Quantum ad tertium agendum est de communitatibus & proprietatibus relatiuorum. Et hic duo agenda sunt, primo declarandæ sunt communitates & proprietates eorum quæ sunt quatuor secundo assignanda sunt duo corollaria & declaranda.

Prima quæ est communitas, est hæc. Contrarietas est in relatione nam uirtus contrariatur uitio, & scientia ignorantie. Sed hæc sunt in relatione, refertur enim uirtus ad

opus uirtuosum & uitium ad opus uitiosum, & scientia ad scibile, & ignorantia ad ignoratum, ergo constat q̄ contrarietas est in relatione. Aduerte quod dicitur cōitas, qm̄ non cōuenit soli relationi, cōuenit enim qualitati ut dicemus in capi sequenti. Item non cōuenit omni relationi quoniā neque duplo neque triplo est aliquid contrarium. Est ergo cōmunitas.

Sed aduerte q̄ hæc cōmunitas indiget multa declaratione. Primo magis seruetur in relatiuis fm̄ dici quam secū dum esse, Cuius signum est, q̄ Aristote. exemplificat de relatiuis secundum dici, qualia sunt, uirtus & uitium scientia & ignorantia, secundo hæc cōmunitas est uera non ratione ipsorum respectum, sed ratione fundamentorum. Nam quia uirtus & uitium sunt qualitates oppositæ, super quas fundantur duo respectus, unus super uirtutem ad actum uirtuosum alter super uitium ad actum uitiosum ideo dicitur q̄ in relatione est contrarietas, tertio aduerte q̄ duo relatiua opponuntur relatiuæ & contrariæ. Relatiuæ quidem ut comparantur ad sua correlatiua. Contrariæ autē ratione fundamentorum, quæ sunt qualitates contrariæ, quarto aduerte circa exemplum datum de scientia & ignorantia, q̄ ignorantia non contrariatur scientiæ nisi sit ignorantia erronea, ut præseruem ignorantiam simplicis negationis, qualis est in idiota. Hæc enim non contrariæ sed priuatiue opponitur scientiæ, ut declarabitur tibi in post prædicamentis. Hæc de prima cōmunitate dicta sint.

Secunda quæ est cōmunitas talis est. Relatiua suscipiunt magis & minus, ut aliqua duo dicuntur magis similia, quam alia duo. Verbi gratia duo calida intensa, sunt magis similia quam intēsum calidum & remissum calidum. Præterea linea cubitalis & bicubitalis sunt minus inæquales quam cubitalis & decem cubitorum. Hæc autem est cōmunitas quia non soli relationi cōuenit. Nam cōuenit qualitati. Item non cōuenit omni, nō enim cōuenit relatiuis denominatis a numero, ut duplo triplo & quatuorplo. Consistunt enim in indiuisibili sicut & numeri. Sed

aduerte quod hæc cōitas non uerificatur de relatiuis nisi ppter fundamenta. Nam si fundamenta non suscipiunt magis & minus, nec etiam relatiua. Vnde quia qualitates fundātes similitudinem & dissimilitudinem suscipiunt magis & minus puta quia in uno extremo est pfectior albedo, in alio autem parum imperfectior, dicentur dissimilia. Si autem in alio sit adhuc imperfectior dicentur magis dissimilia, ex quibus patet, qd cōtrarietas, & intensio & remissio nō conueniunt p se, sed p aliud relatiuis. Soli autē qualitati conueniunt primo & per se, ut tibi declarabitur in cap. sequenti.

Sed dices. Aristoteles uult quod inæquale sicut dissimile suscipiat, magis & minus, sed inæquale fundatur in quantitate de qua diximus in cap. præcedenti, quod non suscipit magis, ergo inæquale nec per se, nec ratione fundamenti suscipit magis & minus.

Respondetur quod suscipit magis & minus ratione fundamenti. Nam licet quantitas ut quantitas denominatur a numero non suscipiat magis & minus, tamen non inconuenit quantitati non denominate a numero suscipere magis & minus ut declarabimus in quarto physicorum in cap. de uacuo in quæstionibus nostris. Vel dicendum quod quantitas suscipit magis & minus extensiuæ, sicut qualitas intensiuæ. & hoc sufficit saluandum quod relatiua suscipiunt magis & minus. Hæc de secunda communitate dicta sint.

Tertia quæ est proprietas talis est. Relatiua dicuntur ad conuertentiam, ut pater, filii pater, & filius, patris filius. Pro cuius notitia declarandum est quid sit conuertentia, & quid dici ad conuertentiam. Tu igitur aduerte quod, differentia est inter conuertentiam & conuertibilitatem, & conuersionem. Nam conuertentia est mutua dependentia duorū correlatiuorum in aliquo casu puta in genitiuo uel datiuo uel ablatiuo, & dici ad conuertentiam est aliqua referri inter se secundum mutuam dependentiam in aliquo casu, puta pater dicitur ad filium per cōuertentiam, quia pater est filii pater, & conuerso filius est patris filius. In datiuo autem dicitur relatiua æquiperantiæ ad conuertentiam, ut æquale est

TRACTATUS V. PARS II.

equali equalē simile est simili simile. Amicus est amico amicus. &c. Et in hoc sensu conuertentia est proprietas uera relatiuorum quia non conuenit alicui absoluto ut absolutum est. Conuertibilitas autem est æqualis duorum terminorum conuertibilium uerificatio. Sūt autem termini conuertibiles, qui mutuo de se inuicem & eque ample uerificantur, huiusmodi sunt subiectum & propria passio ut homo & risibile. Diffinitio & diffinitum. Species & differentia specifica, ut homo & rationale. Nam de quocunque prædicatur unum prædicatur alterum, & de se mutuo prædicantur. Et ab uno ad alterum, & econuerso in subsistendo ualet consequentia, nam bene sequitur, homo est ergo risibile est ergo rationale est, ergo animal rationale est. Et hæc non est proprietas relatiuorum, sed potius terminorum incomplexorum conuertibilium. Conuersio autem est transmutatio prædicati in subiectum & econuerso. & est propositionum & nō terminorum, ut supra docuimus agentes de conuersionibus propositionum categoricarum. Constat igitur tibi quid sit relatiua dici ad conuertentiam.

Quarta est proprietas quæ talis est. Relatiua sunt simul natura ita quod posito uno ponitur reliquū & remoto uno remouetur reliquum. Neq. n. est intelligibile quod ponat pater & non ponatur filius aliter non dicerentur ad conuertentiam neq. est imaginabile quod ponatur duplum & non ponatur dimidium, respectu cuius dicitur dimidium.

Sed aduerte quod hæc proprietas requirit duas conditiones primo quod sumantur relatiua, & non quantum ad eorum fundamenta, nam quantum ad eorum fundamenta, non inconuenit unum esse prius, alterum posterius ut pater & filius ratione qua sunt homo. In rōne autem gñantis & geniti sunt simul natura quoniā generans est alicuius geniti generans, & genitum est ab aliquo generante genitum, secundo oportet quod intelligatur simul natura actu uel potentia. Quod dico propter relatiua secundum dici, qualia sunt scientia & scibile, sensus & sensibile. Virtus & opus uirtuosum. Nam non est necesse quod si est sensibile in

actu sit sensus in actu, stat enim lapidem esse in fundo maris, & tamen a nullo sentiri, & ideo sic intelligendum est. Si utrumque relatiuum in esse relatiuo est actu, sunt simul natura actu. Si autem utrumque in esse relatiuo est in potentia, sunt simul natura in potentia. Hæc de quarta proprietate dicta sint.

Positis proprietatibus & communitatibus relatiuorum assignanda sunt duo correlaria ad mentem Aristotelis & logicantium realium.

Primum est, Relatiua posita se ponunt, & perempto uno perimitur reliquum, & sic intelligitur. Si ponitur unum ponitur reliquum, & corrupto uno, corrumpitur reliquum, & hoc corollarium, pendet a quarta proprietate. Nam bene sequitur, relatiua sunt simul natura, ergo simul incipiunt & desinunt, ea enim sunt simul natura quorum est unus ortus & occasus ergo posita se ponunt, & perempto uno perimitur reliquum.

Sed aduerte quod duæ conditiones requirantur. Primo quod considerentur in esse relatiuo, & non quo ad fundamenta. In quantum res absolutæ sunt. Nam licet non ponatur filius ut filius nisi ponatur pater, ut pater neque desinat esse filius, ut filius nisi desinat pater ut pater, tamen filius ut homo potest poni corrupto patre, ut homo est & e converso. Vnde solet dici quod hoc corporum verificatur de relatiuis formaliter acceptis, & non materialiter siue fundamentaliter consideratis. Secundo quod sumatur correlatiuum totaliter, & non solum partialiter. Quod dico quia corporum patris est filius. Vnde posito quod unus pater haberet decem filios, & moriantur aliqui, propter hoc non desinit esse pater nisi partialiter. scilicet respectu filiorum defunctorum. Ad hoc autem quod omnino desinat esse pater, oportet quod omnes filii deficiant, quoniam omnes simul sumpti sunt totale corporum patris. Sed id ad plenum tibi manifestabitur in quinto metaphysicæ sequendo viam thomisticam.

Secundum est. si quis diffinit, id est determinat, & resolute nouerit unum relatiuorum, noscet, & reliquum.

TRACTATUS V. PARS II.

Ut si quis determinate nouit quid sit duplum, noscet determinat cuius sit duplum, quia dimidii, & ratio huius est, quia unum diffinitur per reliquum & econuerso, ita quod in diffinitione dupli ponitur dimidium & econuerso, & in diffinitione domini ponitur seruus & econuerso. Vnde in eodem instanti fertur intellectus relatiuum, & suum correlatiuum. Cum igitur diffinitio faciat determinate scire diffinitum, & relatiua mutuo diffiniantur, ergo mutuo cognoscuntur.

Sed dices, Si mutuo diffiniuntur, ergo est circulus in diffinitionibus qui reprobatur in primo posteriorum.

Respondetur, prohibetur circulus in absolutis, quia non sunt de mutuo intellectu licet. n. aia sit intellectu hominis, nō tamē econuerso. Qm̄ autē relatiua, sunt de mutuo intellectu, ideo non inconuenit circulus in eorum diffinitionibus.

Hæc de prædicamento relationis dicta sint ad mentē philosophi & logici realis.

Nominales uero de hoc prædicamēto cito se expediunt. Nam diffiniunt illud eodem modo sicut & reliqua prædicamenta & assignant genus generalissimum, & genera subalterna, & species specialissimas.

Diffiniunt autem sic. Prædicamentum ad aliquid est ordinatio plurium terminorum scilicet uniuocorum & de pluribus prædicabilium secundum sub & supra, & significantiū relationem. Termini autem significantes relationem, sunt illi per quos conuenienter respondetur ad interrogationem factam de aliquo ad quid est. Nam sicut in prædicamento substantiæ interrogatio fit per quid, & in p̄nto quantitatis per quantum & in prædicamento qualitatatis per quale, sic in prædicamento relationis, fit interrogatio per ad quid. Ut q̄do quæritur ad quid refertur uel dicitur patet, respondetur ad filium, & dominus ad seruum &c.

Hanc autem huius prædicamenti seriem sic disponunt genus generalissimum est relatio supple realis, ut excludamus relationem rationis, quæ cum sit ens rationis in nullo est prædicamento, ut identitas qua sortis est idem sibiip̄si. Sed de hoc agendum est in libro quinto Metaphysicæ, est autem

realis & pñtalis relatio, quæ tres condõnes habet, primo qđ extrema sint entia realia, cuius defectu relatio prædicati ad subiectum sp̃ei ad genus, non est realis secundo quod extrema sint entia realia reaf̃r distincta ab inuicem, cuius defectu relatio identitatis, quæ est eiusdem ad seipsum, non est realis. Tercio quod extrema sint eiusdem ordinis. i. q̃ mutuā habeant dependentiam ab inuicem, cuius defectu relatio inter Deum & creaturam ex parte Dei nō est realis, q̃a Deus est penitus independens. Relatio igit̃ realis est genus generalissimum. Sub relatione sunt tria genera subalterna. s. Relatio æquiparantiæ. Relatio sup̃põnis. Relatio sup̃põnis. Sub relatione æquiparantiæ sunt iste sp̃es. Vicinitas, amicitia, æqualitas sifitudo, quarū indiuidua sunt, hæc vicinitas. hæc amicitia, hæc æqualitas, hæc sifitudo. Sub relatione superpositionis sunt iste sp̃es. s. Paternitas, Dominium, Magisteriū, Maioritas, & sua indiuidua sunt hæc. Hæc paternitas, hoc dominium, hoc magisterium, hæc maioritas. Sub relatione suppositionis sunt iste species. s. filiatio, seruitus, disciplinatus, minoritas, & idiuidua sunt hæc. Hæc filiatio, hæc seruitus, hæc minoritas, hic disciplinatus & hic terminatur intentio nostra, super prædicamentum ad aliquid.

Caput quintum de prædicamento qualitat̃is.

IN quinto cap. agendum est de pñto qualitat̃is ad mentē Aristotelis, & logici realis, de quo quatuor uidēda sunt. Primo de qualitate quid sit. Secundo quæ & quot sint species qualitat̃is. Tercio agendum est de concreto qualitat̃is, quod dicitur quale. Quarto agendum est de cōitatibus & proprietatibus qualitat̃is.

Quantum ad primum aduerte quod apud Aristotelem qualitas est secundum quam quales dicimur, ut secundum iustitiam iusti. Quæ quidem diffinitio datur ab effectu & a posteriori, qualitas enim est causa formalis, qua efficiimur quales, & si accipiatur ut sonat, & non aliter exponatur, nō conuenit soli qualitati p̃dicamentali. Nam & per differentiam essentialem dicimur quales, ut qualis est homo, respondetur, rationalis. Vnde & porphyrius dicit in prædicabili-

bus quod homo differt ab equo rationali qualitate, & per actionem dicimur, quales, similiter per passionem. Ut qualis est fortis rñdet, est scribens, uel calefactus &c. Ut ergo sit propria diffinitio qualitatis pñtalis. Sic intelligenda est. Qualitas est forma accidentalis secundum quam primo & per se dicimur. i. denominamur quales.

Per ly forma accidentalis excluditur differentia essentialis, quæ secundum rem non est qualitas, sed tantum secundum modum prædicandi ideo nō est in prædicamento qualitatis sed substantiæ.

Per ly primo & per se excluditur actio & passio, quoniā per eas non dicimur quales nisi quia sunt uix ad qualitates, ut calefactio ad calorem, & frigeffectio ad frigiditatē. Vnde secundario & non primo & per se per eas dicimur quales.

Per ly dicimur, non est intentio Aristotelis, intelligere nos solos homines, quasi quod tantum homo recipiens qualitatem denominatur qualis, sed est modus sic loquendi. Vnde ut extendatur diffinitio vltter potest sic formari. Qualitas est forma accidentalis, secundum quā omne receptiuum qualitatis primo & per se dicitur quale. Et sic declarata & formata. conuenit omni & soli qualitati.

Quantum ad secundum aduerte, q̄ apud Arist. quatuor sunt species qualitatis quæ quidem non sunt specialissime, sed subalterne quoniam quilibet earum est habens sub se species ut tibi manifestabitur.

Prima est habitus & dispositio, pro cuius resolutione quatuor agenda sunt. Primo quomodo comparatur dispositio ad habitum. Secundo quid sit habitus & dispositio, ut sunt duo genera qualitatis condistincta. Tertio in quo differunt & in quo conueniunt. Quarto quæ qualitates in hac prima specie reponuntur.

Quantum ad primum aduerte, quod dispositio dupliciter considerari potest primo generaliter pro omni qualitate qua disponitur subiectum ad operandum operationes sibi debitas, siue sint perfectæ siue imperfectæ. secundo particulariter per omni qualitate qua imperfectæ disponitur su-

biectum ad operandum operationes sibi debitas licet imperfectas. In primo sensu dispositio est genus ad dispositionem particulariter dictam, & ad habitum & in hoc sensu tam habitus quàm dispositio particulariter dicta sunt dispositio. Unde in hoc sensu intelligendum est illud quod dicit Aristot. quod omnis habitus est dispositio, quoniam omnis habitus disponit subiectum ad operandum. In secundo sensu dispositio est species qualitatis distincta contra habitum, sicut distinguitur imperfectum contra perfectum, & non prædicatur de habitu affirm. sed neg. Et in hoc sensu intelligitur illud quod dicit Aristot. dispositiones non necesse est habitus esse. Nam qui dispositi sunt, non omnino continent habitum. Constat ergo quomodo dispositio est genus ad habitum & dispositionem, & quomodo est species distincta contra habitum.

Quantum ad secundum aduerte, quod habitus est qualitas radicata in subiecto de difficili mobilis, qua perfecte & permanenter disponitur subiectum ad operandum operationes sibi conuenientes, tam in bonum quam in malum. Unde omnis scientia perfecte acquisita, est habitus. Omnis ars, omnis uirtus, omne uitium, cum radicata hæc fuerint in anima, sunt habitus, quia non de facili transmutantur nec remouentur a subiecto. Dispositio uero condistincta contra habitum, quam Aristoteles appellat affectionem est qualitas de facili mobilis & cito permutabilis a subiecto, non disponens ipsum ad operandum nisi leuiter, & imperfecte. Et exemplificat Aristoteles de calore & frigidityte de sanitate & agitudine, & aliis huiusmodi. Nam inquit Aristoteles cito afficitur homo circa eas, & cito permutatur, ut ex calido sit frigidus & e conuerso, ex sano æger & e conuerso nisi forte in his, quæ per temporis longitudinem in naturam cuiusque transferuntur, ut ægritudo longitudine temporis effecta insanaibilis, ut prius, podagra hydropsis paralisis. Tunc enim non dispositiones siue affectiones sed habitus quis uocabit. Constat igitur quid sit habitus, & dispositio, ut sunt species condistinctæ.

Quantum ad tertium aduerte quod habitus & dispositio

conueniunt in forma significata. Nam eadem qualitas pōt dici dispō & habitus in quantum actuat & qualificat subiectū disponens ipsum ad operandum. Sed differunt in modo disponendi. Nam si talis qualitas nondum sit perfecte acquisita nec formata in subiecto, dicatur dispō, ut scia & ars & uirtus, qñ incipiunt de nouo acquiri, sicut contingit in discipulis. Disponitur. n. subiectum imperfecte per ipsam. Si autem perfecte acquisita fuerit, ut ars in artifice iam exercitato tūc dispō transit in habitum, & sic constat quod habitus differt a dispōne in duobus, primo quia habitus est qualitas permanentior & diuturnior. Dispō autē est de facili trāsiens, nisi longitudine tēpis & exercitio transcat in habitum. Secundo differunt, quia habitus pōt dici dispō, sed non e cōuerso. Nam qui habet habitum dispositus & aptus est operari sūm habitum remoto impedimento, & in hoc sensu dispō est quid superius ad habitum genus ad spēm, ut docuimus supra. Cōstat ergo quomodo conueniunt & differunt.

Quantum ad quartum aduerte, quod in hac prima specie qualitatis continentur omnes qualitates habilitantes, & disponentes subiectum ad operandum operationes sibi cōuenientes. Tales sunt omnes qualitates & corporales, & spirituales disponentes subiectum ad operandum, quæ si firmate sunt dñr habitus, si non firmate dñr dispōnes. Corporales quidem sunt sanitas & suum oppositum, pulchritudo & suum oppositum, elegantia & suum oppositum, robur & suum oppositum. Nam forinæ contrarie sub eodem genere continentur, spirituales sunt habitus animæ tam morales q̄ intellectuales. Morales quidem sunt temperantia, fortitudo, iustitia, & prudentia, & alii habitus, de quibus pertractauimus in tertio quarto quinto ethicorum, & uicia eis contraria. Intellectuales sunt, sapientia scia, intellectus, i. notitia p̄morum principiorum ars tam liberalis quam mechanica, & opinio, & uirtutes infusæ. Omnia hæc sunt in prima specie qualitatis, utpote habilitantia subiectum ad operandum.

Secunda species scilicet subalterna, dicitur naturalis potētia uel impotentia, de qua tertia uidenda sunt. primo quid
sint

sint, secundo quō conueniunt & differunt ab habitu & dispositione, tertio. Quæ qualitates in hac specie reponantur.

Quantum ad primum aduerte quod naturalis potentia est congenita & inseparabilis rei proprietas, quæ ex sui natura ut principio formali potens est operari operationes sibi conuenientes a natura, & potens est resistere contrariis & nocuiis ut animal dicitur sanatiuum ex uirtute sua naturali, quādo potens est operari opera sua naturalia, & potest resistere malis accidentibus ne patiatur ab eis. Naturalis autem in potentia est congenita & inseparabilis rei proprietas, quæ ex sui natura & complexione impotens est ad operandum operationes sibi debitas, nec resistere potest contrariis & nocuiis accidentibus. Vt homo dicitur ægrotatiuus, quia naturalem impotentiam habet operandi opera sua naturalia, nec resistere potest contrariis sed de facili patitur ab eis. Et sicut dictum est de sanatiuo & ægrotatiuo, intellige etiam de duro & molli. Durum enim dicitur per naturalem uigorem, quo potest resistere secanti uel percutienti uel perfuranti. Molle uero dicitur per naturalem debilitatem, quæ non potest resistere secanti uel percutienti & cætera sed facile cedit eis, ita quod de facili secatur aut percutitur, aut prosternitur.

Quantum ad secundum aduerte quod habitus & dispositio, & naturalis potentia uel impotentia, conueniunt & differunt. Conueniunt, quidem quoniam sunt principia formalia subiecto in quo sunt operandi ut sibi conuenit. Differunt autem in duobus, primo quoniam habitus & dispositio sunt qualitates aduentitiæ & non congenitæ, sed acquiruntur: aut exercitio & consuetudine sicut habitus corporales & morales similiter dispositiones, aut inuentione aut doctrina ut habitus & dispositiones intellectuales. Propterea, non sunt inseparabiles a subiecto. Naturalis uero potentia & impotentia, non exercitio non inuentione non disciplina, sed ex forma rei, & ex complexione rei ut patet in naturalibus simplicibus & compositis: aut a simplici essentia rei, ut in imaterialibus substantiis emanant. Ideo sunt congenitæ & insepa-

TRAC. QVIN. PARS SECVNDA

rabiles a subiecto, & dicuntur naturales habitudines, secundum differunt quoniam dispositio prædicatur de habitu modo quo declaratum est supra, nunquam autem impotentia prædicatur de potentia ut patet.

Quantum ad tertium aduerte quod in hac specie reponuntur omnes aptitudines & inclinationes naturales, quibus unaquæque res mouetur ad operandum uel consequendum finem suum: ut caliditas in igne, grauitas in lapide lux in sole & omnes rerum proprie passionis ut risibile rudibile disciplinabile &c. & omnes inclinationes ac dispositiones, quæ in sunt diuersis indiuiduis ex influxu causarum superiorum, quibus absque habitu acquisito, apti & inclinati sunt ad uaria humana opera & artificia, moralia & intellectualia, iuxta quas aliqui dicuntur ex naturali inclinatione iusti aliqui opposito modo, aliqui naturaliter temperati fortes magnifici ueraces aliqui opposito modo & omnes dispositiones corporales ingenite quibus redditur homo aptus ad diuersa exercitia corporalia laudabilia absque habitu acquisito: ut naturaliter cursores pugiles athletæ, gratiosi lufores ex naturali eutropelia.

In eadem specie qualitatibus sunt omnes animæ uergetariæ potentia, omnes animæ sensitiuæ potentia exteriores & interiores, omnes animæ intellectiuæ potentia, tam appetitiuæ quàm intellectiuæ. Omnes potentia motiue tam directiuæ, quàm imperatiuæ & executiuæ. De quibus omnibus plenam noticiam habebis in secundo & tertio de anima in epitomatibus nostris naturalibus. Hæc de secunda specie qualitatibus dicta sint.

Tertia species dicitur passio & passibilis qualitas, de qua tertia uidenda sunt. Primo quid sit passio & passibilis qualitas, secundo quæ & quot qualitates in ea reponuntur, tertio soluetur dubium.

Quantum ad primum ut scias in quo sensu sumitur passio hic, & in quo sensu passibilis, aduerte quod passio tribus modis sumitur, primo in quantum respicit agens, a quo est actio, cuius effectus est ipsa passio: ut calefactio passiuæ se habet ad calefactionem actiuam ut effectus eius ut dicitur tibi infra, & in hoc sensu non est species qualitatibus sed

prædicamentum particulare ut manifestabimus infra, secundo sumitur pro motu appetitus sensitui quo impellimur ad aliquid agendum, & quo alteratur corpus qualis est timor audacia, desiderium amor odium spes ira de quibus omnibus loquemur in tertio de anima, & sic passio est quidem in prædicamento qualitatis, quoniam qualificat subiectum. Interrogamus enim de Socrate qualis est, & respondetur, quod est iratus aut audax aut timorosus aut tristis &c. Sed passio sic dicta est in secunda specie sicut est potentia animæ appetitiua, tertio sumitur pro qualitate sensibili: id est ab aliquo quinque sensuum perceptibili cito transiens nec denominans subiectum quale simpliciter sed secundum quid: ut tibi declarabitur, & sic de ea est hic sermo habendus. Sic autem diffinienda est. Passio est qualitas cito transiens inferens passionem uel illata ab aliqua passione: ut pallor proueniens ex timore uel ira, & rubedo ex uerecundia. Passibilis uero qualitas non dicitur passibilis quasi sit apta pati tanquam subiectum patiens aut passibile, sed dicitur passibilis, quia causat passionem in sensu, dum sentitur. Verum nisi aliud addatur, non distinguetur a qualitate, quæ dicitur passio. Nam ut diffiniuimus & ipsa infert passionem uel infertur a passione. Ut ergo distinguatur sic diffinienda est. Passibilis qualitas, est qualitas firmata in subiecto, difficulter uel nunquam separabilis a subiecto, inferens passionem sensui dum sentitur, uel illata ab aliqua passione simpliciter denominans subiectum suum quale.

Dicitur firmata in subiecto, ad differentiam qualitatis quæ dicitur passio, quæ quasi transcuntes adhæret subiecto: ut rubedo ex uerecundia.

Dicitur difficulter uel nunquam separabilis, quoniam aliqua qualitas est congemita subiecto ut albedo in niue, calor in igne, dulcedo in melle, amaritudo in absinthio, & iste dicitur qualitates passibiles inseparabiles, aliqua autem de nouo aduenit subiecto, sed longitudine temporis adeo firmata quod uix amoueri potest, ut color croceus ex ictericia. Et palor ex phthisi, & amaritudo in lingua ex colera adusta.

TRAC. QVIN. PARS SECVNDA

Dicitur inferens passionem sensui dum sentitur, aduerte quod ut declaratur in libro de anima, sentire est pati, & sensatio est passio, prout sensibile agit in sensum, & sensus recipit impressionem a sensibili, ideo passibilis qualitas quæ est apta ab aliquo sensu sentiri, dicitur inferre passionem.

Dicitur simpliciter denominans subiectum quale, ut in hoc distinguatur a qualitate quæ est passio. Nam licet sit essentialiter qualitas, non tamē denominatiue simpliciter sed tantum aliquo modo. Vnde dicit Aristoteles, quod non dicimur rubei, facti rubei propter uerecundiam, sed passi ruborem. Pro cuius notitia aduerte quod ad denominationē simpliciter dictam tria requiruntur, primo quod forma in sit subiecto pro aliquo gradu intenso, & non simpliciter remisse, huius defectu, tepidum non dicitur calidum simpliciter, quoniam in tepido non est calor nisi remisse, secundo quod forma informet subiectum secundum totum uel pro maiori parte, huius defectu licet æthiops sit albus dentes tamen, tamen non dicitur simpliciter albus, sed simpliciter niger, quoniam per totum exceptus dentibus est niger, excipitur autem quando ex parte est aptum denominari totum, ut licet simitas sit tantum circa nasum, & gibus circa dorsum, & crispitudo circa capillos, tamen homo denominatur simpliciter simus ex naso, crispus ex capillis, gibosus ex dorso, tertio quod pro aliqua notabili longitudine temporis forma in sit subiecto, huius defectu, nec erubescences dicuntur rubei, nec timentes pallidi, nec lauantes manus in aqua frigida frigidi, sed ruborem pallorem & frigiditatem passi. Constat ergo quid sint & in quo differant passio & passibilis qualitas. Etsi bene aduertes inuenies quod sicut se habet in prima specie dispositio ad habitum, sic in tertia specie, passio ad passibilem qualitatem.

Quantum ad secundū aduerte quod in tertia specie qualitatis continentur omnes qualitates quæ percipiunt quinque sensibus exterioribus: ut color & omnes species colorum, & sonus & omnes species sonorum, & odor & omnes species odorū & sapor & omnes species saporum, & omnes qualitates tangibiles

primæ ut calidum frigidum humidum siccum, & secundæ ut asperum & lene, durum & molle, graue & leue. Omnes enim immutant sensum, ex consequenti passionem inferunt sensui dum sentiuntur. Item secundum eas fit alteratio. Alteratio autem maxime fit in tertia specie qualitatis: ut tibi declarabitur in septimo libro physicorum, ergo &c. Cõstat igitur tibi quæ qualitates in hac tertia specie contineantur.

Quantum ad tertium aduerte q̃ dubiũ oritur circa p̃dicta. Nam Aris. in prima specie numerauit calorem & frigiditatem, & in secunda specie numerauit durum & molle, & in tertia specie, eadem numerata sunt, sed impossibile est diuersorum generum & non subalternatim positorũ esse eadẽ species: ut docuimus in antep̃t̃is. Constat aut̃ q̃ tertius genus non subalternatur secundo, nec secundũ subalternatur primo, ergo calor & frigiditas nõ p̃nt, p̃tineri in prima & in tertia sp̃e nec durũ & molle p̃nt p̃tineri sub secũda & tertia.

Respondei calor & frigus dupliciter sumuntur, primo inquantum sunt principia actionis, secundum inquantum p̃cipiuntur sensu & passionem inferunt sensui, primo modo continentur in prima specie, secundo modo in tertia eandẽ distinctionem intellige de duro & molli, primo modo sunt in secunda specie, secundo modo in tertia. Nec obstat q̃ dicitur. Diuersorum generum &c. Intelligitur enim q̃ eadẽ res sub eadem ratione, non potest esse species diuersorũ generum, sub diuersa autem nihil p̃hibet, sicut etiam scientia inquantum perficit subiectum est in p̃dicamento qualitatis, inquantum habet respectum ad scibile est in p̃t̃o ad aliquid. Hæc de tertia specie qualitatis dicta sint.

Quarta species dicitur forma & circa aliquid constans figura, & tria uidenda sunt, primo quid sint forma & figura, secũdo quæ reponunt in hac sp̃e tertio remouebit dubium.

Quãtum ad primũ ut scias in quo sensu forma constituit quartam speciem qualitatis & quid sint forma & figura, & quõ differant & p̃ueniunt aduerte q̃ forma apud philosophũ tripliciter sumitur ut tibi declarabitur in primo physicorũ & in quinto & in primo de generatiõẽ, primo sumitur pro

TRAC. QVIN. PARS SECUNDA

forma substantiali, qua cōpositum naturale constituit inesse actuali ut per aīam informātē, hō est hō, leo est, leo & hæc non est in p̄dicamēto qualitatis, qm̄ non est accidens, sed est in p̄dicamento substantiæ non quidē primo & per se sed reductiue ut pars essentialis substantiæ cōpositæ, sicut docuimus in p̄dicamento substantiæ, & de hac non est hic sermo nec intentio Aristot. secundo sumit pro omni re quæ uere est accidens, quæ dat esse subiecto, postq̄ cōstitutū est in se substantiali performam substantiālē, ita q̄ est posterior natura uel tpe, q̄ forma substantialis, natura quidē, ut accidentia p̄pria tpe aut ut accidentia aduenticia, & in hoc sensu forma accidentalis sumpta vlt̄, reperit in p̄dicamētis oībus nouem accidentium, p̄cipue aut in quantitate & qualitate, & in omni specie qualitatis nā habitus & dispositio, potentia & impotentia, passio & passibilis qualitas, dant esse accidentale subiecto in quo sunt, tertio sumitur particulariter & specificē p̄ re accidentali, quæ p̄cedit ex quātitate sic uel sic terminata lineis aut superficiebus prout cōuenit rei naturæ, & in hoc tertio sensu est quarta spēs quantitatis & sic definienda est ad mentem Aristotelis, forma est terminatio siue clausura linearū & superficialiū in corpore naturali cōposito siue animato siue inanimato, p̄t forma substantialis requirit. Ideo uidemus aliā formam lineamentarē in hominem æquo in leone, & in humana specie tanta diuersitate formarū in diuersis indiuiduis figura aut est ordinatio, siue terminatio aut clausura linearū & superficialiū. Nō ut respicit formā substantiālē, cui p̄portionat, sed ut respicit quantitātē debitā corpori, cuius est figura. Conueniunt aut forma & figura in hoc, q̄ eadē qualitas numero & secundū essentiam dicitur forma & figura. Sed ad inuicem cōparata differunt in duobus. primo quia forma respicit formā substantialem, quæ tale linearum & superficialiū lineationem & p̄tractionē requirit, figura aut respicit debitā quātitatem corporis, secūdo dīnt, q̄a forma p̄prie dī in rebus naturalibus tā aīatis q̄ inanimatis figura uero in rebus artificialis.

Quantum ad secundum aduerte q̄ in hac specie continē

tur omnes figuræ de quibus pertractat mathematicus, ut Sphæra, triagulus, quadratum, pentagonum, exagonum & sic in infinitū. Et curvitas & rectitudo quæ sunt circa lineā, & concauum & conuexum & planum quæ sunt circa superficiē. Et sphæricum & pyramidale quæ sunt circa corpus. Nam per hæc omnia dicimur quales ergo &c.

Quantum ad tertium aduerte q̄ dubium est de raro & denso, de aspero & leni. Nam primo aspectu uidentur esse qualitates, quoniam secundum ipsa corpus denominat̄ quale. Nam si interrogatur quale sit hoc corpus, respondetur, rarum uel densum, asperum uel lenē, ex alio autem uident̄ spectare ad p̄dicamentum situs, sicut manifestabitur ex diffinitionibus suis. Ex alio uidentur esse in tertia specie qualitatis, computantur enim inter qualitates tangibiles, quas supra diximus contineri in tertia specie qualitatis.

Respondetur. Rarum & densum asperum & lenē, tripliciter considerari possunt primo quantum ad illud quod simpliciter significant. Significatum autem innotescit ex diffinitione. Diffinitiones uero eorum manifeste respiciunt positionem. Nam secundum Aristotelem. Rarum est, cuius partes non cohærent sed distant ab inuicem: ut patet in aqua calefacta uel ebuliente. Densum uero est, cuius partes bene cohærent & ualde propinquæ sunt, ut patet in aqua congelata, & in terra sicca, lenē autem est, cuius partes æqualiter situate sunt nec una supereminet alteri. Asperum uero est cui⁹ partes non æqualiter situantur, sed una supereminet alteri. Quantum ergo ad suum significatum sumptum ex diffinitionibus, spectant ad p̄dicamentum situs siue positionis, de quo loquemur infra, secundo possunt considerari in quantum causantur ex diuersa protractione linearum & superficialium. Nam in raro sit maior protractio in denso autem breuior, & in leni sit protractio in rectum in aspero autem in curuo aut concauo &c. Et ut sic spectant ad quartam speciem qualitatis, sicut rectum curuū cōcauum planū &c, tertio possunt considerari ut immutant sensum tactus & passionem causant in eo, sicut cætere qualitates tangibiles.

TRAC. QVIN. PARS SECVNDA

& ut sic sunt in tertia specie qualitatatis, sicut forma & figura in quantum sunt sensibilia communia ut tibi declarabitur in secundo de anima. Sed pro nunc sustine. Constat igitur tibi quomodo sunt quatuor species subalterne predicamenti qualitatis, & quid sit unaquaque earum, & quæ in unaquaque continentur. Nunc de quali quæ est cōcreta qualitatatis agendum est.

Quantum ad tertium principale agendum est de cōcreto qualitatatis, quod dicitur quale. De quo tria agenda sunt. Primo quid sit, secundo quod modis sumitur a qualitate, tertio quomodo conuenit & differt a qualitate.

Quantum ad primū aduerte quæ apud Arist. sic diffinitur in plurali. Qualia dñr, siue sunt, quæ sñm hæc denotatiue dñr, uel quolibet aliter ab his. Quæ diffinitio sic intelligenda est. Qualia sunt cōcreta quæ sñm hæc, i. secundum has quatuor spēs qualitatatis denominatiue dñr, ut iustus a iustitia. Sensitiuus a sensu, albus ab albedine, triangularis a triangulo, uel quolibet aliter ab his. i. uel dicuntur quocunque alio modo a qualitate quæ denominatiue, nam ut dicemus aliqua dicuntur qualia, quæ tamen non denominantur ab aliqua qualitate cui sit nomē impositū, ut dicem⁹ de cursore & pugillatore.

Quantum ad secundū aduerte quod quale sumitur a qualitate tribus modis, primo a qualitate nominata nomine abstracto; ita quod conuenit cum nomine abstracto in principio & differt in fine ut a iustitia iustus, & hoc est quale sumptum denominatiue re & nomine a qualitate, secundo a qualitate innominata, & hoc modo non dicitur quale de nominatum sic uel sic a tali qualitate ex quo illa qualitas est innominata, sed dicitur quale quoniam secundum rem deriuatur ab aliqua qualitate quæ inest subiecto. Et hoc modo dicitur quale in secunda specie qualitatatis respectu potentiarum naturalium quæ non sunt nominare nominibus propriis, ut potentia currendi & pugillandi & pugnandi & palestrandī, a quibus dicuntur cursor & pugillator, & pugnator & palestricus. Hoc igitur modo dicitur quale a qualitate nō denominatiue sed deriuatiue non secundū nomen sed sñm significatū. Sed aduerte quæ cursor & pugnator possunt

dicti ab arte cursoria & pugnatoria, quod si dicantur ab arte quæ est in prima specie qualitatis, dicuntur quales a qualitate denominatiue, quoniam artes nominantur nominibus propriis. Si autem a potentiis naturalibus in nominatis dicuntur a qualitate non denominatiue sed deriuatiue significato tantum. Tertiò a qualitate nominata, sed non eadem nomine abstracto, cum quo concretum conueniat in principio & differat in fine. Et hoc modo studiosus est qualis & dicitur a uirtute quæ est qualitas nominata. Verum quia non conuenit in nomine cum uirtute, ideo non est denominatiue formaliter ab ea, sed tantum realiter. Studiosus est enim qui habet uirtutem. Quoniam igitur his tribus modis, quale dicitur a qualitate siue denominatiue siue non. Verum est dicere quod qualia sunt absolute & uniuersaliter loquendo, quæ a qualitate dicuntur, siue denominatiue siue aliter.

Quantum ad tertium aduerte ut scias quomodo conueniunt quale & qualitas, quod se habent ut concretum & abstractum quæ conueniunt in uno & differunt in quatuor. Conueniunt quidem in principali significato quoniam eandem rem siue essentiam siue formam dicunt, nam sicut album significat & non substantiam, sic quale puram qualitatem significat. Differunt autem primo, quoniam abstractum significat eandem formam cum concreto, sed cum præcisione & exclusionem subiecti, concretum autem non excludit sed connotat subiectum in quo est forma, album enim non est simpliciter albedo, sed est albedo ut in subiecto recepta ut nix est alba quia in se recipit albedinem. Differunt secundo quoniam abstractum non predicatur in recto de eo cui inest. Concretum autem sic. Hæc enim est falsa. Nix est albedo, hæc autem est uera nix est alba. Differunt. Tertiò quoniam abstractum se habet ut causa formalis. Concretum autem ut effectus formalis; nam album albedine est album. Differunt quarto quoniam abstractum secundum se est genus aut species in predicamento, ut albedo dulcedo scientia triangulus. Concretum autem non est species neque genus, nisi ratione principalis signifi-

TRAC. QVIN. PARS SECUNDA

cati, in quo est idem cum abstracto ut diximus, ut autem cernit subiectum est cōpositū per accēs. Df. n. album, ut albedo cōponit cum subiecto, non cōpōne ex his sed cōpositione cum his. Nullum autem cōpositum per accidens est per se in p̄dicamento ergo non est genus neq; est spēs. Constat ergo q̄uo cōueniunt & differunt abstractū & concretū ex p̄nti quale & qualitas. Hæc de quali dicta sint.

Quantum ad tertium principale, aduerte quod Aristoteles tria assignat qualitati, ex quibus duo sunt communitates, tertium autem est proprietas.

Primum quidem est, quod contrarietas est in qualitate, constat enim calorem contrariari frigiditati, humiditatem siccitati, pro cuius euidentia aduerte tria, primo q̄ hæc non est proprietas sed communitas neq; enim conuenit soli qualitati sed etiam actioni & passioni, nam sicut calor contrariatur frigiditati, sic calefactio frigefactioni, ut tibi manifestabitur in capitulo sequenti. Propterea non cōuenit omni quantitati. Non enim cōuenit quarte speciei, quoniam sicut quantitati nihil est contrarium sic nec formis & figuris causatis & fundatis in quātitate ut supra docuimus. Propterea non conuenit secundum Aristotelem mediis coloribus qui sunt medii inter album & nigrum, ut est color cinericius, pallidus, alurgus, croceus rubeus &c. nec mediis saporibus, qui mediant inter dulce & amarum, ut ponticus & austerus & crassus &c. Nam contraria sunt quæ sub eadem genere existentia maxime distant, ut declarabitur tibi in post p̄dicamentis. Sed medii colores & medii saporis non maxime distant sub genere caloris & saporis. Magis enim distat album a nigro quam pallidum a nigro & magis distat dulce ab amaro quam ponticum ab amaro. Et ideo non sunt contraria contrarietate perfecta qualis est inter extrema. Secundo aduerte quod licet Aristoteles non excipiat a contrarietate nisi quartam speciem, & medias qualitates tertie speciei tamen loquendo de propria & perfecta contrarietate, quæ requirit quod sint formæ actiue & passiue adinuicem, & secundum eas fiat alteratio, non est in prima

& in secunda specie, sed tantum in tertia, ut tibi declarabitur in septimo physicorum. Sed pro nunc sustine. Quando autem dicit Aristoteles, quod iustitia est contraria in iustitie, ex consequenti omnis uirtus uitio sibi opposito, intelligendum est de contrarietate non propriissime dicta. Illa autem est non propriissime dicta, cui deficit saltem una conditio propriissime contrarietatis, quæ sunt quatuor, primo quod sint formæ eiusdem generis secundo quod maxime distent tertio quod sint actiue & passiue adinuicem quarto quod non se simul compariantur in eodem subiecto, sed se mutuo uicissim expellant per motum alterationis. Omnes istæ conditiones inueniuntur in sola tertia specie qualitatis inter extremas qualitates ideo in ea sola inuenitur omnino perfecta contrarietas. In prima specie & in secunda deficit tertia conditio, & ideo non est contrarietas perfecta in illis & sic pater quomodo intelligendum sit quod iustitia sit contraria iniustitiæ. Tertio aduerte cum dicit Aristoteles quod in qualitate est contrarietas. Non sumit qualitatem pro genere generalissimo quoniam qualitas ut sic non habet genus sub quo contineatur. Necesse est autem contraria sub eodem genere contineri. Sumit igitur qualitatem ut est in speciebus suis. Quasi dicat. In generibus siue speciebus qualitatis est contrarietas, ut declaratum est in tertia & in prima.

Secundum est quod qualitas suscipit magis & minus. Nam inter alba aliquod est albius, & minus album altero, & inter iustos aliquis est iustior altero. Pro euidetia huius aduerte duo, primo quod hæc non est proprietas, non enim conuenit soli qualitati: sed etiam actioni & passioni, ut tibi manifestabitur in capitulo sequenti, nec competit omni qualitati. Non enim conuenit contentis in quarta specie quæ denominantur a numero, ut triangulus & quadratum & cætera. Nam licet detur maior aut minor triangulus secundum maiorem aut minorem protractionem linearum, nõ tamen datur magis & minus triangulus, & ratio huius est, quoniam declaratum

TRAC. QVIN. PARS SECUNDA

est in p̄dicamento quantitatis, quod quantitas denominatur
a numero ut bicubitum & tricubitum non suscipit magis
& minus ergo nec forme & figuræ super quantitatem fun-
date. Præterea non conuenit qualitatibus secunde speciei,
quæ fluunt a rei essentia quoniam rei essentia cōsistit in in-
diuisibili, sic proprietates & potētiz naturales fluentes ab es-
sentia. Vnde sicut unus homo non est rationabilior altero
sic nec risibilior aut minus risibilis, nisi forte secundum actū,
sed tunc non dicitur magis risibilis, sed magis ridens. Conue-
nit autem maxime qualitatibus tertie speciei, & aliquibus
prime, & aliquibus quarte. Nam iuxta eas quæ sunt ter-
tie speciei fit alteratio proprie dicta, ut tibi declarabitur in
septimo physicorum, quod conueniant aliquibus quæ sunt
in prima specie, ut uirtuti morali, & scientie, & arti patet
quoniam perfectius & perfectius possunt in esse subiecto, &
aliquando in eis proficimus aliquando deficimus. Quod cō-
ueniat aliquibus quarte speciei patet ex eo quo dicimus hanc
lineam magis uel minus curuam quam illam similiter &
corpus. Constat igitur quomodo hæc non est proprietas sed
communitas qualitatis. Aduerte secundo quod suscipere
magis & minus non conuenit qualitati, nec cuiusque al-
teri forme accidentali in abstracto sed in concreto. Nam
in abstracto forma est in simplici: & inuariabili essentia con-
sistens. Quod autem in concreto patet ex diffinitione in-
tensionis & remissionis. Nam formam intendi. est magis
ac magis radicari in subiecto, & dare esse perfectius ac per-
fectius subiecto. Remitti autem est opposito modo, cla-
rum est ergo quod forma dum intenditur aut remittitur
concernit subiectum. Non ergo in abstracto sed in concre-
to suscipit magis & minus. Propterea dicit Aristoteles. Iu-
stitiam nanque a iustitia non multum aunt magis ac mi-
nus dici, nec sanitatem a sanitate. Minus autem alterum
altero, sanitatem habere sic & iustitiam & grammaticam.
Grāmatitior enim alter altero dicit, sic & iustior & sanior.
Tertium est quod secundum solas qualitates dicitur simi-
le & dissimile, ut albus albo similis dicitur albus autem ni-

pro dissimilis. Pro notitia huius aduerte duo. Primo quod similitudo & suum oppositum dicuntur dupliciter scilicet generaliter & particulariter. Generaliter quidem sumitur similitudo pro quacunque conuenientia duorum in aliquo p̄dicato siue sit p̄dicatum substantiale siue accidentale. Dissimilitudo autem est disconuenientia duorum in illo p̄dicato & iuxta hunc sensum inuenitur simile & dissimile extra p̄dicamentum qualitatis. Nam & duo agentia & duo patientia dicuntur similia aut dissimilia, & duo homines dicuntur similes in humanitate, & in esse rationali: & duo serui dicuntur similes in seruitute: & duo patres in paternitate. Patet ergo quod generaliter loquendo, sunt in p̄dicamēto substantiae & qualitatis & ad aliquid & actionis & passionis, particulariter uero sumitur similitudo pro conuenientia aliquorū in qualitate, quæ sit speciei specialissime, puta in albedine aut nigredine aut iustitia, aut grammatica. Dissimilitudo autem opposito modo, & sic est pprietas qualitatis in quarto modo, quoniam cōuenit omni, & soli sicut, & æqualitas & suum oppositum, conuenit soli quantitati, & quidē quod similitudo & suum oppositum sint in secundo sensu, ppria qualitatis, patet ex diffinitionibus earum, quæ tibi manifestabuntur in metaphysica. Pro nunc sic accipe ad mentem Aristoteli. Similitudo est rerū differentiū eadē qualitas in sp̄e, ut duo lapides albi. Dissimilitudo autē est rerū differentiū diuersa qualitas, ut duo hoīes, q̄rū unus iustus, alter iniustus.

Secundo aduerte quod simile & dissimile potest esse tribus modis. Primo omnino simile, secundo omnino dissimile. Tertio modo mixto scilicet simile & dissimile. Omnino sunt similia quæ in eadem qualitate specifica pro eodē gradu cōueniūt, ut duo pugilli uiuis in albedine. Omnino dissimilia sunt, quæ in vna qualitate pro nullo gradu conueniūt ut nix & fuligo siue carbo extinctus. Mixto modo similia sunt, quæ in eadem qualitate pro diuerso gradu conueniūt, sicut album ut tria, & album ut sex. Intentio autem Aristotelis est loqui de similitudine & suo opposito in secundo sensu & non in primo, & hoc siue conueniant in eadem

TRAC. QVINT. PARS SECVNDA

qualitate pro equali gradu siue non &c.

Hæc de prædicamento qualitatis ad mentem Aristotelis & logici realis dicta sint. Quid autem nominales de eodem loquantur, cito me expediam. Tu igitur aduerte quod duo tantum de eo pertractant primo quid sit prædicamentum qualitatis. Secundo quæ & quot sint genera subalterna immediate posita sub qualitate, ut est genus generalissimum.

Quantum ad primum sic diffiniunt, prædicamentum qualitatis est ordinatio plurium terminorum uniuersalium, & uniuocorum secundum sub & supra, significantium qualitatem. Hæc quidem diffinitio quoniam conformis est definitionibus aliorum prædicamentorum quas supra assignauimus ad mentem nominalium. ideo eodem modo eam intelliges & expones sicut supradictas. Termini uero significantes qualitatem sunt illi per quos respondetur ad interrogantem quærentem de substantia qualis sit, ut qualis est fortes, respondetur, iustus. Iustus significat qualitatem.

Quantum ad secundum aduerte, quod ordinantur prædicamentum ipsum conformiter Aristoteli. Nam ponunt qualitatem genus generalissimum sub quo locant quatuor genera subalterna, non tamen secundum sub & supra. Primum est habitus & dispositio, cuius species sunt grammatica rhetorica physica, uirtus moralis ut temperantia iustitia &c. Eius indiuidua sunt, hæc grammatica hæc rhetorica &c. Secundum est naturalis potentia & impotentia, cuius species sunt durum & molle &c. Eius indiuidua sunt hoc durum hoc molle. Tertium est passio, & passibilis qualitas, cuius species sunt dulcedo amaritudo, albedo nigritudo &c. Indiuidua autem sunt hæc dulcedo, hæc amaritudo &c. quartum est forma & circa aliquid cõstans figura, cuius species sunt circulus triangulus quadratum &c. Indiuidua sunt hic circulus hic triangulus, & sic habes in prædicamento qualitatis, generalissimum, genera subalterna species specialissimas & indiuidua. Hæc de prædicamento qualitatis dicta sint.

Caput sextum de prædicamento actionis.

Postquam tractatū est a nobis de quatuor primis prædicamentis ad mentem Aristotelis, agendum est de sex ultimis scilicet de actione & passione, de quando & ubi, de situ & habitu, quæ Aristoteles pertransiit. Quoniam existimauit ut puto, quod ex cognitione, & doctrina quatuor primorum, hæc ultima possint esse nota adiscenti. Nā ad confirmationem huius dicit postquam compleuit tractatum de quatuor primis. De reliquis autem, eo quod manifesta sint, nihil de his aliud dicitur, quam quod in principio dictum est. Verum quia non omnis adiscens potest ex dictis excipere sufficientem doctrinam de his sex ultimis, ideo Gilbertus porretanus, compleuit sex prædicamentorum ultimorum doctrinam quæ sex principia nominauit de quibus nunc agere intendimus, iuxta sententiam. Gilberti quæ peripatetica reputatur, licet nonnulli sed pauci aliter sentiant. Primo igitur agendum est de prædicamento actionis. De qua tertia agenda sunt. Primo distinguendum est de actione, ut scias in quo sensu hic loqui intendimus de actione. Secundo diffinienda est actio, ut facit prædicamentum distinctum ab aliis. Tertio assignande sunt communitates, & proprietates huius prædicamenti prout distinguitur ab aliis.

Quantum ad primum aduerte quod in doctrina Aristotelis ut tibi manifestabitur in libro nono metaphysi. Actio est duplex scilicet immanens & transiens. Immanens est illa quæ remanet in agente & perficit ipsum & est subiectiue in ipso, & iste sunt actiones animæ ut intelligere uelle desiderare sentire, & breuiter omnes actiones morales & intellectuales. Transiens est illa quæ causatur ab agente sed recipitur subiectiue in passio, ita quod licet agens sit eius principium non tamen subiectum, ut calefactio aque est ab igne, sed non remanet in igne, sed recipitur in aqua. Idem enim per calefactionem actiuam est ab igne: & per calefactionem passiuam recipitur in aqua. Actio transiens solet distinguui in actionem, & factionem. Actio est illa, per quam

TRAG. QVINT. PARS SECVNDA

tion uidetur produci aliquis effectus remanens post ipsam
ut cantare citharizare, nauigare, factio est illa per quam pro
ducitur effectus remanens post ipsam, ut fabricare, edifica
re. Nam post fabricationem & ædificationem, remanet fa
bricatum, & ædificatum, idem intellige de aliis factionibus
mechanicis. Hic non sumus locuturi de actione immanenti,
quoniam ut tibi declarabitur in lib. 9. meta. est in p̄dicamē
to qualitatis in prima specie, cū sit uelut dispō aut habitus p
ficiens agentem, ex p̄nti non est in p̄dicamento actionis, lo
cuturi ergo sumus t̄m de actione trāseunte diuisa in actionē
& factionem. Hæc. n. sola constituit p̄dicamentū p̄æsens.

Quantum ad secundum aduerte quod sic diffinitur apud
reales. Actio secundum quam in id quod subiicitur agere
dicimur. Vt secans dicitur agere in eo quod secat puta in li
gno, & ideo sectio est actio.

Hæc diffinitio sic intelligenda est Actio est forma acciden
talis, secundum quam, id est per quam uelut per causam for
malem per modum emanantis & non permanentis, dicitur
agens agere, id est causare aliquid in eo quod subiicitur, id
est in materia circa quam agit ut calefactio est actio, quo
niam ignis per illam causat calorem in materia circa quam
uel in quam agit puta in manu uel in ligno uel in aqua. Di
citur per quam uelut per causam &c. pro cuius notitia ad
uerte quod agēs potest dici agere in passum triplici medio.
Primo per qualitatem sibi intrinsecam, & permanentem ut
ignis per calorem suum agit in aquam, & sol per lucem in
hæc inferiora. Secundo per actionem cuius principium for
male est ipsa qualitas intrinseca agenti. Tertio per instru
mentum, ut secans securi secat lignum. Primo modo dici
tur agere forma permanenti. Secundo modo forma fluē
te, utroque tamen modo causa formali. Tertio modo effe
ctiuo instrumentali in genere causæ efficientis, ut igitur di
stinguatur actio a forma intrinseca agenti, & a causa effecti
ua instrumentali, dicitur in diffinitione, per quam uelut per
causam formalem per modum emanantis, siue fluētis ab
agente, & non permanētis intrinsece & subiectiue in agēte,
& aduerte

& aduerte quod hæc diffō cōuenit oī actioni transeunti, siue post ipsam relinquatur effectus siue non. Nam licet p citharizare nihil relinquat pmanens, tñ ei competit diffō: qm̄ p citharizationem citharizans agit in aerem & nauigans in aquam commouendo ipsam. Constat igitur tibi quod sit actio prædicamentalis.

Quantum ad tertium aduerte quod actioni attribuuntur, una proprietas, & duæ communitates.

Proprietas quidem est hæc, proprium est actioni ex se inferre passionem, p cuius notitia aduerte quod inferre passionem non est idem quod cāre passionem, alr hoc non esset proprium actioni, nam ignis in hoc sensu infert passionē in manu, & sensibile in sensu. Vnde dī in. 2. de aīa quod sentire est pati, est autē pprie inferre passionem, sequi p consequētiam infallibiliter passionem ad actionem. Vt sit sensus, posita actione ex parte agentis, ponitur passio ex parte patientis, ita quod uno posito uel remoto, ponitur uel remouetur aliud, & in hoc sensu inferre passionem est pprium quarto modo actionis. Nam licet agens causet passionem, non tñ ifert: qm̄ non sequitur, ignis est, ergo passio est. Pōt. n. ignis esse, & tñ nihil actu calefieri, ut in suprema pte suæ sphaeræ. Valet autē consequentia. Actio est, ergo passio est, cuius rō ē: qm̄ actio est passio se habent ut cā in actu & effectus in actu, quæ simul sunt ut tibi declarabitur in. 2. physi. Constat ergo quō & in quo sensu, hæc est proprietas actionis.

Prima communitas est hæc. Recipiunt autem agere & pati contrarietatem. i. una actio est contraria alteri, similiter passio nam calefactio est contraria frigefactioni, & ægrota-tio sanationi, est autē cōitas: quoniam conuenit etiam qualitati ut dictum est supra, secūda autem communitas est hæc, recipiunt agere & pati magis & minus. i. una actio est intensior & pfectior altera, similiter passio. Nā calefactio ut octa-uo est, intensior actiūæ & passiūæ quā calefactio ut quatuor & hoc conuenit et qualitati, ut dictum est supra. Tūc tamē aduerte, quod aliter, & aliter conueniunt hæc duo qualitati & actioni, et passioni, nam qualitati conueniunt pmo & p se

TRACTATVS V. PARS II.

actioni autem, & passioni dependenter a qualitate, ita quod qualitas si est intensa, est causa intense actionis uel passionis, ex quo sequitur quod si qualitates aliquæ, sunt principia actionum. & passionum, & non sunt contrariæ, nec recipiunt magis & minus, nec actiones & passionem fundatæ super eas, contrariantur nec intenduntur, nec remittuntur iste ergo communitates sic intelligendæ sunt. Agere & pati contrariatur intenduntur & remittuntur si qualitates super quas fundantur, contrariæ sunt, & recipiunt magis & minus. Hæc de pñto actionis dicta sint ad mentem realem.

Nominales autem cito se expediunt sicut & de aliis quatuor primis. Nam diffiniunt actionem ut est prædicamentum conformiter sicut & alia, & assignant genus generalissimum, & sua genera subalterna, & species specialissimas, & indiuidua.

Actionem ut est pñtum sic diffiniunt, prædicamentum actionis est ordinatio plurium terminorum: scilicet uniuersorum & prædicabilium, significantium actionem ordinatorem secundum sub & supra.

Termini autem significantes actionem sunt illi, per quos rationabiliter respondetur quærenti de aliquo in quid agit, nam interroganti in hoc prædicamento, assignatur quæsitum in quid. Ut in quod agit carpentarius, respondetur in lignum & in quod agit statue factor, respondetur in terram uel lapidem uel lignum uel es.

Genera subalterna dicunt esse sex locata sub actione ut est generalissimum. Sunt autem ista, generare, corrumpere, augere, minuere, alterare, mouere secundum locum. Quid sit unumquodque eorum dicemus in postprædicamentis in cap. de motu. Species primi, & secundi generis sunt, generare hominem, corrumpere æquum. Indiuidua sunt sic generare hominem, sic corrumpere æquum. Quarti, & tertii, generis sunt species. Augere in longum, minuere in latum. Indiuidua autem sunt, sic augere in longum, sic minuere in latum.

Quinti generis species sunt, calefacere, & frigescere. In-

diuidua autem sunt, sic calefacere, sic frigefacere. Sexti autem generis species sunt, mouere sursum, mouere deorsum. Indiuidua autem sunt sic mouere sursum, sic mouere deorsum. Hæc de actione prædicamentali dicta sint secundum reales, & nominales. Quomodo autem actio sit motus, & quomodo subiectiue sit in passo, & non in agente, dicitur tibi in nono libro metaphysicæ, pro nunc sustine.

Caput septimum de prædicamento passionis.

IN cap. septimo agendum est de prædicamento passionis & hic tria agenda sunt, primo ut scias in quo sensu passio est prædicamentum declarandum est quot modis sumitur, secundo quid sit, tertio de proprietatibus eius.

Quantum ad primum aduerte quod in doctrina Aristotelis passio consuevit sumi, sex modis primo pro propria qualitate fluente a principiis naturalibus alicuius rei, ut risibilitas in homine latratusque cane initus in æquo, & dicuntur passionibus proprie siue specificè siue indiuiduales, secundo pro conceptu intellectus iuxta quem sensum dicit Aristoteles in primo peri hermene. Sunt autem ea quæ sunt in uoce, earum quæ sunt in anima passionum notè: id est uoces sunt signa conceptuum, tertio pro motu appetitus sensitui, in quo dicuntur esse animi passionibus, de quibus iam pertractauimus in lib. tertio de anima, quales sunt amor odium desiderium ita &c. & isti motus dicuntur passionibus: quoniam insurgunt cum alteratione corporis. Vnde dicitur quod ita est accensio sanguinis circa cor in primo de anima, quarto pro pœna alicui inflicta siue iuste siue iniuste. Vnde pœna martiris, dicitur eius passio, sicut & passio Christi.

Quinto pro qualitate sensibili non firmata in subiecto, de qua actum est in tertia specie qualitatis, ut est rubor ex uerecundia, sexto ut caulatur, & infertur ex actione fluente ab agente ut calefactio passiuæ illata ex calefactione actiuæ emanante ab igne, ut calidus est. In nullo ex prædictis modis constituit prædicamentum distinctum ab aliis. nisi sexto modo. Nam primo, & secundo, & tertio, & quinto modo est in prædicamento qualitatis, quarto au-

TRACTATVS V. PARS II.

tem modo continetur in p̄nto passionis tanq̄ spēs eius, sicut uerberatio, aut vulneratio aut occisio passiuā, sexto igitur modo pertractanda & diffinienda est.

Quātū igitur ad scđm aduerte quod sic diffinitur sumpta sex modo. Passio est effectus illatioq; actionis ut calefieri īfertur ex calefacere. Pro cuius notitia aduerte tria, primo quod subintelligendum est immediate, ut sit sensus, passio est immediate effectus &c. alr hęc diffō non conuenit sola passioni. Nam calor causatus in aqua ab igne est effectus calefactionis actiuę & tñ distinguitur a calefactiōe passiuā sicut distinguitur motus & terminus motus siue realr, siue rōne. Verum quia calor in aqua non causatur a calefactione actiuā, nisi p passionem quę est calefactio passiuā: ideo hęc diffō conuenit sic intellecta soli passioni, secūdo aduerte qđ passio alia rōne dī effectus actionis & alia rōne illatio. Nam dī effectus pro quanto comparatur ad actionem principiatum ad principium & causatum ad causam. Dī autem illatio pp bonam consequentiam. Nam bene sequitur. Actio ē: ergo passio est, nam si calefaciens calefacit aliquid calefit, ergo aduerte quod licet actio & passio sumpta sex modo, cōstituant duo p̄nta, tñ non distinguuntur realr ut tibi declarabitur ī. 3. physi. ubi probabitur quod sunt unus motus numero. Sufficit autem quod distinguantur rōne, & qm̄ hęc transcendunt negocium logicum: ideo pro nunc sustine.

Quantum ad tertiū aduerte quod passioni attribuuntur duę proprietates, prima est quod passionis proprium est īferri primo & inmediate ex actione. Hęc iam declarata est in diffōne passionis, secunda est, quod passio est subiectiuā ī patiēte. Nam passio uel est motus, i. alteratio causata ab agēte in passio: uel forma recepta in passio. Sed utroq; modo est in passio, nam primo modo est motus. Motus autem est subiectiuā in mobili quod est patiens, ex. 3. physi. secundo autem modo est forma recepta ab agēte, receptum autem est subiectiuā in recipiente quod est ipsum passum: ergo utroq; modo est in patiente & non in agente.

Quod si inueniatur in agente, hoc erit per accidens: quo-

niam non est in agente ut agens est, sed ut repatitur, uel inquit idem agit in seipso, ita quod idem est agens & patiens, ut quando quid est percutit seipsum. Hæc de passione dicta sint, quo ad reales.

Nominales uero sic diffiniunt prædicamentum passionis, & assignant genus generalissimum & subalterna, & specialissima & indiuidua ut infra.

Prædicamentum passionis est ordinatio plurium terminorum uniuocorum & vltimum significatum passionem, scilicet sub & supra, illi autem termini significat passionem, per quos conuenienter respondetur ad interrogationem factam per a quo. Quæsitium enim huius prædicamenti est ly a quo ut a quo homo generatur, a quo illuminatur aer, &c.

Sic autem assignat ordinationem huius prædicamenti. Passio, scilicet sex to modo sumpta est generalissimum. Sub quo sunt sex genera subalterna, scilicet generari, corrumpi, augeri, minui, alternari scilicet locum moueri quorum diffinitiones manifestabuntur tibi in post prædicamentis in cap. de motu. Primi, & secundi generis specialissima sunt, hominem generari, æquum corrumpi, indiuidua autem sunt hunc hominem generari, hunc æquum corrumpi, tertii generis et quarti specialissima sunt augeri locum minui in latum indiuidui sunt, hoc augeri in locum, hoc minui in latum.

Quinti generis specialissima sunt calefieri & infrigidari in indiuidua sunt hoc calefieri, hoc infrigidari, sexti generis specialissima sunt, moueri sursum, moueri deorsum, indiuidua sunt, hoc moueri sursum, hoc moueri deorsum. Hæc de prædicamento passionis dicta sint.

Caput octauum de prædicamento quando.

IN cap. octauo agendum est de prædicamento quando. De quo tria agenda sunt, primo ut scias in quo sensu est prædicamentum declarandum est quot modis sumitur, secundo diffiniendum est in illo sensu in quo est prædicamentum, tertio assignande sunt eius proprietates & communitates.

Quantum ad primum aduerte, quod quando consuevit sumi tribus modis, primo relatiue, ut sortes comedit, quando Plato legit. in illo tpe sortes comedit, in quo Plato legit,

secundo interrogatiue, ut si interrogat quis. Quando Plato natus est; & respondetur heri, tertio indiffinitè, & tunc quando importat esse in tempore, id est mensurari aliqua differentia temporis, ut fuisse in tempore præteritum esse in tempore præsentis, fore in tempore futuro, ita quod quando æquipollet denominari rem temporalem ab aliqua differentia temporis. mensuratiua rei & esse eius nõ absolute, sed ut est sub motu, ut tibi declarabitur in quarto physico. & in hoc tertio sensu est prædicamentum, in primo autem, & secundo sensu potius sunt species huius prædicamenti, quam ipsum genus generalissimum, ut declarabitur tibi infra.

Quantum ad secundum aduerte quod in tertio sensu quādo existens prædicamentum, sic diffinitur. Quando est quod ex adiacentia temporis in re tēporali derelinquitur. Pro cuius noticia aduerte, quod sicut ex applicatione ulne mensuratur quantitas panni, sic ex applicatione temporis mensuratur duratio rei temporalis, ex eo autem quod ulna ut mēsurā applicatur panno confurgit respectus conformitatis inter ulnam, & pannum, qm̄ quanta est ulna semel uel totiens replicata, tantus est pannus, eodem modo ex eo quod tempus applicatur rei temporalis. & cognoscitur eius duratio, cōfurgit quidam respectus inter tempus, & rem temporalem, qui est respectus mensuræ, & mensurati. Qui respectus importatur per quando. Quod idem est quod esse in tempore puta esse hodie, fuisse heri, fore cras. Sic ergo intelligenda est diffinitio. Quando est respectus, qui ex adiacētia. i. ex applicatione temporis ad rem temporalē sicut mensuræ ad mensuratum derelinquitur in re temporalis.

Quantum ad tertium aduerte, quod duæ communitates attribuuntur ipsi, quando, & una proprietas. Prima communitas est quod quando nihil est contrarium, secūda quod quando non suscipit magis & minus, ratio est, quoniā quando fundatur in tempore, tempus autem, neq; intenditur, neque remittitur, licet magis & minus extendatur, neq; tpi est aliquid contrariū cū sit, quātitas quantitati aut ut docuimus in prædicamento quantitatis neq; est aliquid ueræ & perfe-

Et contrarium, neq; intenditur & remittitur, licet magis & minus extendatur pro quanto una quantitas est maior altera. Proprium autem quando est quod est in omni eo quod incipit esse in tempore, & ratio huius est. Quia respectus mēsure est in omni eo quod per mensuram mensuratur, sed qñ est respectus mēsure inter tempus & rei temporalem, ergo est in omni eo quod incipit esse in tempore, id est mensuratur tpe siue secundum totum siue secundum partes. Quod dico propter cœlum, cuius motus si esset æternus, non mensuraretur tempore secundum totum, quia non habere principium & finem in tempore. Mensuratur tamen secundum omnes partes: quoniam quælibet circulatio fit in tempore finito, in uiginti quatuor horis.

Aduerte ultimo, quod qñ solet diuidi in simplex & cōpositum, & per qñ simplex intelligitur quando res temporalis mensuratur tempore imperceptibili & quasi momento, ut ictus oculi. & per compositum intelligitur, quando res temporalis mensuratur notabili tempore, puta hora die mensæ, anno. Sed hæc sunt improprie dicta, quoniam omne tempus quantumcunq; breue est quid continuum ex consequenti compositum & partibus quantitatis, & sicut dicendum est de quando. Hæc de quando dicta sint secundum reales.

Nominales uero sic definiunt hoc pñtum. Prædicamentum, qñ est ordinatio plurium terminorum uniuocorū, & vñum significantium qñ. i. esse in tpe, ut heri hodie cras, in hora in die in mense &c. Ordinationem huius prædicamenti sic assignant. Genus generalissimum est quando, sub quo sunt tria genera subalterna. scilicet esse in tempore, esse in æuo, esse in æternitate, quorum species sunt heri hodie cras. Indiuia sunt nunc in hoc die, in hoc mensæ &c.

Sed aduerte q; hæc assignatio non est uera ad mentē Aristotelis, quoniam si quādo respicit tempus, sicut ubi locum. Si ait incorporea non sunt in loco, sic æterna, & æiterna non sunt in tempore, ergo sicut de incorporeo non uerificatur ubi nisi per quandā similitudinem, sic ut nec de æterno, & æiterno uerificatur quādo, nisi per quandā consisten-

tiam, ut tibi declarabitur in quarto physicorum, tã de ubi, quam de quando, sed pro nunc sustine: quoniam excedunt negocium logicum.

Caput nonum de ubi.

IN cap. nono agendũ est de ubi, de quo tria uidenda sunt primo ut scias in quo sensu est pñtum, & hic diffiniendũ declarandum est quod modis sumitur, secundo quid sit ut ẽ prädicamentum, tertio assignabuntur communitates suæ.

Quantum ad primum aduerte quod cum ubi significet esse in loco, tot modis sumitur ubi, quot modis esse in loco, esse autem in loco sumitur tribus modis, primo circumscriptione, et est quando locatum circumscribitur, et continetur a locante, & hoc modo omne corpus contentum in alio & ab eo circumdatum dicitur esse in loco circumscriptione, in quo sensu nulla substantia incorporea est in loco, neq; sibi competit ubi circumscriptione, secundo diffinitione siue determinatione & est quando uirtus agentis incorporei est finita, & ita applicatur uni loco in quo operatur quod pro tunc non pñt applicari alteri loco cũ finita, & determinata sit, & hoc modo angelus est in loco, & sibi competit ubi in hoc secũdo sensu, & non in pmo qm caret & quantitate repletina loci, tertio contẽtiue vñter, siue repletive vñter & est qñ uirtus agentis est infinita, & operatur ac influit in omni loco, & hoc modo deus solus est in loco, & competit sibi ubi solum in hoc tertio sensu. Hic non est sermo de ubi nisi in pmo sensu, qm in secundo, & tertio est de consideratione metaphysici.

Quantum ad secundum aduerte quod ubi in primo sensu, & i quo facit pñtum distinctum ab aliis sic diffinitur. Vbi est circumscriptio corporis locati, a circumscriptione loci procedens, pro cuius noticia aduerte quod circumscriptio sumitur tripliciter, primo actiue, & est idem q; circumdatio siue contentia, qua corpus locans circumdat et in se cõcludit corpus locatũ, & in hoc sensu est ut actio, & si est in aliquo pñto est in pñto actionis, scđo passiuẽ, & est idem q; cõclusio qua concluditur locatum a locante ut aqua a uase, & in hoc sensu est ut passio, & si est in aliquo prädicamento, est in präd

tamento passionis, tertio respectiue, & est idem quod ordo locati ad locum, consurgens inter locatum, & locum ex eo quod locus circumscribit, & locatū circumscribitur, & in hoc tertio sensu circumscriptio est prædicamentum distinctū ab aliis. Vtrum autem ubi & locus distinguatur realiter uel tantum ratione declarabitur tibi in quinto metaphysicæ.

Quātum ad tertium aduerte q̄ ubi attribuuntur duæ cōtates, scilicet non habere contrarium, nec recipere magis & minus & ratio est quia quantitati nihil est contrarium nec recipit magis & minus ut dictum est in prædicamento quantitatis. Sed ubi fundatur in quantitate: qm̄ in loco, ergo &c. nec obstat q̄ ubi sursum & ubi deorsum uidetur esse cōtraria. Hoc enim iam soluimus in p̄nto quantitatis. Nec obstat q̄ in ubi est motus ergo contrarietas. Nam hoc idem soluimus in p̄nto quantitatis. Hæc de p̄nto ubi dicta sint, quo ad reales.

Nominales uero sic diffiniūt, p̄ntum ubi est ordinatio plurimum terminorū uniucorum vltimum, significantium ubi s̄m sub & supra termini autem significantis ubi, sunt illi p̄ quos conuenienter respondetur ad interrogationē factā per ubi, ut sunt isti termini, hic illic istic in tēplo in platea in domo.

Assignant autem ordinationem huius p̄nti hoc modo. Genus ḡnālisimum est ubi circumscriptiue sumptum, ḡnā eius subalterna sunt ubi, simplex, & ubi cōpositum. Vbi simplex, est illud quod a simplici, idest minimo loco procedit, ut ubi ipsius p̄cti, ubi cōpositū est illud quod a loco cōposito. i. h̄ntē partes manifestas quantitatuas p̄cedit, ut ubi lapidis & hoīs, hæc. n. occupant locum manifeste diuisibile. Simplicis ubi specialissima sunt nobis incognita, ex minima entitate, composita autem ubi specialissima sunt esse in domo esse in platea. Individua autem sunt, esse in hac domo, & in hac platea &c. Hæc de prædicamento ubi dicta sint.

Caput decimum de prædicamento situs siue positionis.

IN cap. decimo agendū est de p̄nto positionis, de quo tria uidenda sunt, primo ut scias in quo sensu est prædicamentum, assignandi sunt modi quibus dī positio, secundo. Quid, sit tertio quæ sint eius cōmunitates, & proprietates.

TRACTATUS V. PARS II.

Quantum ad primum aduerte, quod positio tribus modis sumitur, primo dicitur positio propositio quæ ut uerissima ponitur siue supponitur in aliqua scientia ad deducendum conuersionem, puta apud mathematicum hæc est positio, punctus est, cuius pars non est, & ista, a puncto ad punctum licet lineam deducere, & de positione in hoc sensu non est hic sermo, sed potius spectat ad librum posterum, secundo dicitur propositio ordo partium inter se, & per respectum ad totum, & in hoc sensu spectat ad prædicamentum quantitatatis. Vnde ut docuimus illic quædam quantitates dicuntur habere positionem, quædam non, tertio dicitur positio ordinatio partium alicuius corporis locati in loco. Non solum enim locatum secundum totum est in loco, sed & partes sunt, sic & sic locatæ: quoniam aliqua sursum, ut caput in homine aliqua deorsum ut pes, aliqua a latere ut brachium &c. & in hoc sensu positio est prædicamentum ab aliis distinctum & diffiniendum.

Quantum ad secundum aduerte quod sic diffinitur. Positio est quidam situs partium, & generationis ordinatio, ut statio sessio &c. Pro cuius noticia aduerte quod sicut ubi importat ordinem, & respectum totius locati ad totum locum qui respectus fundatur super circumscriptionem, & conclusionem passiuam locati a loco, sic positio importat ordinem partium locati, & respectum ad partes loci. Sicut enim totus locus correspondet toti locato, sic partes loci correspondent partibus locati. Nam ab alia partes acris continetur caput, ab alia pectus ab alia brachium, etcæte. Sic ut ergo ubi importat situm totius locati in toto loco, sic positio importat situm partium locati in partibus loci correspondetur. Qui quidem situs partium potest esse a natura, & ab accidente, & a uoluntate, a natura quidem, ut in homine caput situatur in parte superiori acris continentis, spes autem in parte feriori, ab accidente autem, ut si contingat hominem cadere capite uerso a uoluntate, ut si homo eligat, sic uel sic stare, uel sic iacere, uel sic sedere. His prænotatis sic intelligenda est diffinitio. Positio est quidam

determinatus situs, id est dispositio, & ordinatio partium locati in partibus loci, per quam correspondent partes loci, partibus locati, quo ad conclusionem, & continentiam eorum. Quæ quidem ordinatio potest esse a natura, & dicitur in diffinitione, generationis ordinatio, id est ordinatio competens partibus locati, a generatione rei locatæ, potest etiã esse ab accidente, & a uoluntate ut docuimus. Iuxta quam partium ordinationem, aliqua dicuntur stantia aliqua iacentia, aliqua sedentia, & denominantur a speciebus positionis quæ sunt iactio, sessio, statio, &c. Constat igitur quid sit positio ut est prædicamentum.

Quantum ad tertium aduerte quod duæ communitates attribuantur positioni, & una proprietas. Prima communitas est quod positioni nihil est contrarium, secunda quod positio non recipit magis, & minus, & ratio est, quia positio fundatur in loco, & locus est quantitas, & quantitati nihil est contrarium, nec sulcipit magis, & minus, ergo nec positio.

Proprietas autem est, quod substantiæ proximæ assistit, omnibus aliis formis suppositis. Pro cuius noticia aduerte quod assistere est inhærere. Inhæret autem substantiæ omnibus aliis formis: id est prædicamentalibus formis, suppositis quæ præcedunt ipsam positionem. Nam positio supponit ubi, ordinatio enim partium in loco, supponit ordinationem totius locati in loco, & ubi supponit motum localem, & iste supponit qualitatem, & quantitatem, ut patet ex citato, ergo positio adhæret substantiæ omnibus aliis formis. scilicet accidentalibus suppositis, de quibus hactenus locuti sumus in superioribus prædicamentis. Hæc de positione dicta sint secundum reales.

Nominales uero hoc prædictum sic diffiniunt. Finitum positionis est ordinatio plurium terminorum uniuocorum & usum significantium positionem sive sub & supra. Termini autem significantes positionem, sunt illi ad quos respondetur per interrogationem factam per quomodo, uel per qualiter, ut quando interrogatur quis. Quomodo uel quare sortes est in loco

TRACTATUS V. PARS II.

utrum iacēs, utrum sedens uel aliquo alio modo. Nam quæsitium huius prædicamenti est quomodo uel qualiter. Ordinationem uero huius prædicti sic assignant. Genus generalissimum est positio tertio modo sumpta, eius subalterna sunt positio a natura, positio ab accidente siue a pposito. Species specialissimæ sunt situari sursum, situari deorsum, situari a dextris, situari a sinistris, situari ante, situari retro. Sessio, statio, iactio &c. Individua uero sunt hæc statio, hæc sessio &c. Hæc de prædicamento positionis dicta sint.

Caput undecimum de prædicamento habitus.

IN hoc capitu. undecimo agendum est de prædicamento habitus, quod uidetur esse determinatum ad hoīem tantum, nam reliqua animalia nisi ueniant in obsequium hominis nō dicuntur habituata, neque enim uestitur æquus neque te armatur, neque fateatur, neque salerat nisi ppter sellorem. De habitu igitur tria uidenda sunt, primo ut scias in quo sensu est prædicamentum, assignandi sunt modi quibus sumitur habitus, secundo diffiniatur, ut est prædicamentum, tertio assignandæ sunt proprietates eius.

Quantum ad primum aduerte, quod in doctrina Aristotelis, habitus sumitur quinque modis primo pro qualitate radicata, & de difficili est mobilis, & sic est prima species qualitatis, secundo pro forma debita alicui subiecto determinato, cui opponit negatio eiusdē formæ, cum aptitudine derelicta in eodē subiecto, ut oculo debet uisus, cuius negatio est cecitas, & intellectui debetur scientia, cuius negatio est ignorantia, & sic de habitu agemus in post prædictis, in cap. de oppositis, tertio sumitur ut deriuatur ab habere, uel haberi, iuxta quem sensum dicitur libræ habitus a me sicut, & pecunia est habita a me, & aurum est habitum a me, & in hoc sensu tractatur de eo, in post prædicamentis in cap. de habere, quarto sumitur pro ueste sic, uel sic figurata, & incisa, & consuetata, puta uestis militis uestis muliebris, uestis monachi, & sic est in prædicamento substantiæ, quantum ad entitatem, & in quarta specie qualitatis quantum ad figurationem, quinto sumitur pro accidente consurgente ex ueste ut uestita, &

homine ut uestiente siue habente uestem, & solum in hoc ultimo sensu est prædicamentum distinctum ab aliis, & ut sic diffiniendum est.

Quantum ad secundum aduerte, quod sic diffinitur. Habitus est adiacentia corporum, & eorum quæ circa corpus sunt. Pro cuius noticia aduerte quod ly adiacentia debet exponi causaliter, ut sit sensus. Habitus est accidens respectiui proueniens ex adiacentia siue applicatione inutua corporum, & eorum quæ circa corpus scilicet humanum sunt. Sicut sunt uestes arma calicæ calicæ biretum caputium &c. Vnde aduerte quod sicut, quando non est tempus mensurans, nec res temporalis mensurata, sed est respectus confurgens ex adiacentia, & applicatione temporis ad rem temporalem, quem respectum circunloquimur per hoc quod est esse in tempore, sicut ubi per hoc quod est esse in loco, sic habitus, non est uestis, nec homo habens siue circundans, sibi uesti, sed est respectus confurgens, & medians inter uestem, & hominē, ex eo quod uestis adiacet, & applicatur corpori, quē respectum circunloquimur per hoc quod est esse uestitum, esse amatum, esse calciatum. Sic ergo intelligenda est diffinitio. Habitus est accidens, respectiui proueniens, ex inutua adiacentia corporum humanorum & uestium, & ponitur corporum, humanorum, & uestium, ut differat habitus a quando, & ab ubi, & a situ. Dicunt enim respectum proueniētem ex adiacentia temporis rei temporali, & ex adiacentia loci rei locatæ, & ex adiacentia partium loci partibus rei locatæ. Constat igitur tibi quid sit habitus ut est prædicamentum.

Quantum ad tertium aduerte, huic prædicamento assignatur duæ communitates, & una proprietas. Prima communitas est quod habitus suscipit magis, & minus, ut dux est magis: id est perfectius uestitus quam miles, & æquus est armatior peditæ. Sed aduerte quod cum habitus sit accidens respectiui, non recipit magis, & minus, nisi ratione fundamenti sicut etiam diximus in prædicamento ad aliquid. Vbi docuimus quod similitudo, et dissimilitudo recipiunt magis

& minus, quia qualitas in quia fundatur, puta albedo & dulcedo suscipiunt magis & minus, cuius signum est quod similitudo fundata in quarta specie qualitatis non recipit magis & minus. Nam figuræ quæ denominantur a numero non recipiunt magis, & minus, ut docuimus in prædicamento qualitatis. Quia igitur uestis, & alia indumenta, & armatura recipiunt magis & minus: quoniam sunt magis & minus preciosa, & magis ac minus decorant hominem, & magis ac minus seruant, & protegunt hominem, ideo habitus dicitur suscipere magis, & minus, secunda communitas est quod habitus non habet contrarium, cuius ratio est, quia habens quod est corpus humanum, & habitum quod est uestis siue indumentum sunt substantiæ. Substantiæ autem nihil est contrarium ut docuimus in prædicamento substantiæ, ergo habitus qui fundatur in habente, & habito non habet contrarium. Præterea posito, & concesso quod habitus fundetur in habente, & habito non ratione substantiæ, sed ratione figuræ, non potest habere contrarium: quoniam in quarta specie qualitatis nulla est contrarietas ut docuimus illic. Cum igitur accidens respectiuum non habeat contrarium, neque recipiat magis, & minus, nisi ratione fundamenti, constat quod habitus non potest habere contrarium. Si autem recipit magis, & minus, est quia fundamentum ut diximus recipit magis & minus.

Proprietas autem est quod habitus semper est in pluribus existens, est enim in homine habente uestem dum actu uestitus est, & in ueste coaptata corpori. Nam habitus ut diximus causatur ex adiacentia, & applicatione corporis ad uestem, & econuerso, ergo existit in utroque.

Sed aduerte, quod hæc proprietas, potest esse falsa, & uera, falsa quidem si ponatur habitus esse unum accidens numero puta habitus consurgens ex adiacentia huius uestis ad hoc corpus, & si proprietas intendat quod sit in pluribus subiectiue: quoniam ut tibi declarabitur in philosophia, impossibile est unum accidens esse in pluribus subiectis, recipit. n. unitatem, & pluralitatem a subiecto. Vera autem est, si in-

telligatur, quod sit in pluribus, sed in uno ut in subiecto puta in habente, & in alio ut in termino puta in re habita, uel econuerso, quod scilicet sit subiectiue in re habita ut ubi in locato, & actio in re facta, ut in termino, autem sit in habente, sicut ubi in locâte, & actio in agente ut in principio a quo & hoc uerius reputatur. Hæc de prædicamento habitus dicta sint quo ad reales.

Nominales autem sic diffiniunt. Prædicamentum habitus est ordinatio plurium terminorū & uniuersalium, significantium habitū s̄m sub & supra. Termini autem significantes habitum sunt illi per quos conuenienter respondetur ad quæstionem quærentem de aliquo, qualiter est habituatus. Nam hoc prædicamentum caret proprio quæsitiuo, sed circunloquimur ipsum per hoc totum: scilicet qualiter est habituatus. & conuenienter respondetur, quod est uestitus, uel calciatus, uel armatus.

Ordinationem uero huius prædicamenti sic assignant. Genus generalissimum est habitus ultimo modo sumptus iuxta distinctionem assignatam supra in principio huius capi. Genera subalterna sunt habitus totius, & habitus partis. Totius quidem, ut uestitum esse, rogatum esse, partis autem ut coronatum esse uel calciatum esse. Species specialissimæ sunt. Tunicatum esse, diploidatum esse, loricatum esse, chirotecatum esse, indiuidua sunt. Sortem sic uestitum esse, Platonem sic armatum esse. Sortem sic calciatum esse. Platonē sic pileatum, uel bireatum esse. Hæc de habitu prædicamento ultimo dicta sint secundum sententiam realium & nominalium.

Explicit secunda pars quinti tracta, quæ est de decem prædicamentis, ordinata per Reuerendum patrem Magistrum Chrysostomum Iauellum Canapicium ordinis prædicatorum philosophiæ & sacræ theologiæ professorem.

INCIPIT TERTIA PARS EIVSDEM
trac. quinti ordinata per eundem, & est de
postprædicamentis.



T compleatur doctrina decem prædicamentorum, agendum est de post prædicamentis, quid autem sit prædicamentum & antepædicamentum, & postprædicamentum, iam diximus in principio huius trac. Similiter quò & qua ratione conferant cognitioni decem prætorum, diximus in parte prima huius trac. cap. 1. Acturi igit in hac tertia parte de post prætoris diuidemus ipsam in quinque capita: quoniam quinque ab Arist. assignantur post præta, & de singulis in specie agendum est. Sunt aut hæc. Oppositio, prioritas, motus, simultas, habere siue habitio.

In primo cap. agendum est de oppositione, & singulis eius generibus.

In secundo de prioritate, & singulis eius modis.

In tertio de motu & singulis eius generibus.

In quarto de simultate, & singulis eius modis.

In quinto de habitatione siue de habere, & singulis eius modis.

Caput primum de oppositione.

IN primo cap. agendum est de oppōne, & singulis eius generibus & hic sex agenda sunt primo ut scias in quo sensu hic agendum est de oppōne, declarandi sunt modis quibus dī, & diffinienda est iuxta sensum quem intendimus secundo assignabimus sufficientiā quatuor generū oppōnis, tertio agemus de oppōne relatiua, quarto de oppōne cōtraria, quinto de oppōne pmitiua, sexto de oppōne prædictoria.

Quantum ad primum aduerte quod oppositio est duplex, quædam est propositionum, quæ repugnant aut in ueritate & falsitate, aut in quantitate, aut in qualitate, & de hac non est hic sermo, sed de ea pertrāctauimus in tract. secundo agēs de categoricis, est. n. p̄prietas terminorum complexorum.

rum quædam autem est terminorum incōplexorum quorum significata adinuicem repugnant: ut homo & non hō lux & tenebre, albedo & nigredo, & de hac intendimus hic nam tractatus istæ est de terminis incomplexis primæ intentionis. Et sic diffinitur. Oppositio est duorum terminorū incōplexorum repugnantia quo ad significatum, nō per mittentium se simul in eodem, neq. n. potest idē esse simul uidens & cæcum. Et pater & filius respectu eiusdem.

Quantum ad secundum aduerte q̄ vltia genera oppositis incōplexæ sunt quatuor. scilicet. relatiua cōtraria priuatiua contradictoria, quorum sufficientia hinc sumit. Cū oppositio sit repugnantia duorū terminorū &c. uel uterq. eorum signat ens, uel alter ens, & alter nō ens. Si primo dupliciter quia uterq. est terminus absolutus, & sic est oppō. contraria: ut albū & nigrū, uel uterq. est terminus relatiuus, & sic est oppositio relatiua: ut pater & filius. Seruus & dñs. Si secundo dupliciter, quia uel alter significat non ens simplr, & sic est oppositio contradictoria, uel est non ens circa determinatū subiectum, & sic est oppō. priuatiua. Nā priuatio dicit negationem in subiecto determinato, & non absolute, puta cecitas est negatio uisus in oculo. Vnde auris non pōt dici ceca quia non est apta habere uisum, pōt autem dici non uidens, quia uidens & non uidens sunt contradictoria, & de quolibet ente uerificatur alterum contradictoriorum. Cōstat igitur ratio quare sunt quatuor oppositionum genera.

Quātum ad tertium aduerte quod oppositio relatiua est repugnantia relatiui & sui correlatiui respectu eiusdem subiecti, quia nō se compatiuntur in eodem respectu eiusdem, neque enim sortes potest esse pater Platonis, & filius eiusdē, quia sequeretur idem esse generās & genitum respectu eiusdem, & sequeretur idem esse maius & minus respectu eiusdem, ut si idem posset esse duplum & dimidiū respectu eiusdem. Hæc autem impossibilia sunt & implicantia contradictionem ut patet ad sensum. Respectu autem diuersorum non opponuntur. Nam sortes simul est filius & pater, filius quidem A. & pater. B.

TRAC. QVIN. PARS TERTIA

Quantum ad quartum aduerte quod oppositio contraria est repugnantia duorum contrariorum, non se compatiuntur simul in eodem subiecto, sed mutuo se expellunt ab eodem, pro cuius notitia aduerte quæ sint uere contraria, & quoruplicia sint.

Contraria quidem sunt opposita quæ sub eodem genere posita. s. proximo & maxime a seinuicem distant distantia formali & non materiali tantum: ut excludamus marem & sceminam, & eidem susceptibili uicissim in sunt. i. apta nata sunt in eodem subiecto numero successiue recipi, a quo mutuo se expellunt: scilicet propria actione, uel mediante aliena, exemplum primi: ut calidum expellit frigidum exemplum secundi: ut siccum expellit humidum, mediante actione caloris, nisi alterum contrariorum in sit subiecto: a natura: ut calor in igne, gratitas in lapide, albedo in niue, hæc enim inseparabilia sunt.

Contraria sunt duplicia, quædam mediata, quædam immediata, mediata sunt inter quæ est medium, eiusdem generis: ut inter album & nigrum est rubeum & uiride & alii medii colores, nec est necesse semper alterum inesse subiecto. Potest enim corpus esse rubeum, & non album aut nigrum. Immediata sunt inter quæ non cadit medium eiusdem generis, ut inter sanum & ægrum, & quia inter ea non cadit medium necesse est alterum eorum semper inesse subiecto donec stat subiectum. Vnde necesse est omne animal eum aut sanum aut ægrum. Sed aduerte quod dicuntur immediata per remotionem medius positiui, non autem per remotionem medii per abnegationem. Nam licet non detur aial, quod non sit sanum aut ægrum, tamen datur lapis, qui non est sanus nec æger. Præterea aduerte quod contraria mediata sunt duplicia, nam quædam sunt quorum mediis nomina sunt imposita: ut mediis coloribus mediis saporibus, multis mediis extremorum moralium, quædam autem sunt, quorum media sunt innominata: ut media inter bonum & malum, quæ circumloquimur p hoc quod dicimus, hoc non est bonum neque malum, & multa familia inueniuntur

In moribus: ut tibi declarabitur in ethicis. *Dei* *et* *homo*
 Quantum ad quintum aduerte quod priuatiua oppositio
 est repugnantia habitus & priuationis, ita quod non se com-
 patientur in eodem subiecto, nec uicissim possunt eidem
 inesse. Pro cuius notitia aduerte tria primo quod habitus
 est forma realis dans esse reale subiecto determinato uelux
 est habitus aeris, quoniam dat aeri esse lucidum, & scientia
 est habitus intellectus, quoniam dat intellectui esse scienti-
 am. Priuatio autem est negatio ipsius habitus in subiecto
 determinato relinquens in subiecto aptitudinem ad ipsum
 habitum, non enim aufert principia naturae, quibus est apta
 ex sui natura habere habitum. Verbi gratia cecitas non
 aufert oculum, tenebra non aufert diaphaneitatem ab aere,
 qua est aptus suscipere lumen; secundo aduerte quod priua-
 tiue opposita sunt illa, quae habent fieri circa idem subiec-
 tum ordine irregressibili, & tempore determinato a na-
 tura. Dicitur ordine irregressibili ad differentiam contra-
 riorum quae uicissim in sunt eidem subiecto, nisi ut diximus
 alterum in se a natura, nam uidemus aquam saepe calefieri,
 & saepe infrigidari & e contra. In priuatione autem opposi-
 tis, uidemus processum ad habitum ad priuationem, sed non
 est regressus per uirtutem agentis naturalis, ut praeterue-
 nimus agens diuinum. Nam uidemus uidentem fieri cum
 & uiuentem mori, sed non e contra. Dicitur tempore de-
 terminato a natura, quia non omni tempore subiectum est
 capax habitus: ut oculus catuli, non est aptus uidere ante
 nonum diem, & ideo nisi post nonum diem non potest di-
 ci cecus, nec infans potest dici orbatus potentia genera-
 di, quia non est aptus generare nisi in pubertate, tertio ad-
 uerte quod illa propositio. A priuatione ad habitum non
 est regressus, intelligenda est de habitu naturali & non ad-
 uentitio. Est autem habitus naturalis qui inest rei ex sui na-
 tura, & est rei naturam consequens: ut uita inest animali ex
 natura animalis, & uisus inest oculo, & auditus auri ex na-
 tura rei. Habitus autem aduentitius est ille, qui aduenit rei
 ex propria acquisitione uel actione agentis extrinseci, ita

quod res ipsa ex sui natura nec habitum tantum, nec priuationem habet, sed est pene indifferens ad utrumq, talis habitus est lumen respectu aeris, non enim ex natura sua est lucidus, sed fit lucidus illuminatione corporis luminosi, similiter se habet scientia ad intellectum humanum, qui ex natura sua & in sui principio est sicut tabula rasa ut dicitur tibi in libro tertio de anima. Vnde nisi uia sensus acquirat scientiam, non est sciens. Dico ergo quod illa propositio. A priuatione ad habitum, non uerificatur nisi de habitu naturali ut patet ad sensum, nam uidemus ignorante fieri scientem, & obliuiosum fieri memorem, & aerem tenebrosus fieri lucidum &c.

Quantum ad sextum aduerte quod contradictoria oppositio, est repugnantia duorum terminorum incomplexorum, quorum significata non possunt de aliquo simul esse uera, cuius repugnantie non est dare medium, & significatur per eundem terminum sumptum affirmatiue & negatiue: ut homo & non homo, album & non album, sedere & non sedere. Ratio autem propter quam non datur medium in contradictoriis est quia unum extremum est ens, & alterum non ens simpliciter. Sed inter ens & non ens simpliciter non potest dari medium ullo modo. Dico ullo modo, quoniam medium & duplex, scilicet per participationem utriusque extremi, quales sunt medii saporis; & per negationem utriusque extremi, & est quando inuenitur subiectum, cui neutrum extremum inest. Hoc declarato aduerte quod oppositio relativa habet medium per negationem. Nam de lapide uerum est dicere, quod nec est pater, nec filius, nec dominus nec seruus &c. idem inuenitur priuatiua. Nam de elemento uerum est dicere, quod nec est uiuum nec mortuum. Idem inuenitur in contraria respectu contrariorum immediatorum. Nam de terra uerum est dicere, quod nec est sana nec infirma. Respectu autem contrariorum mediatorum inuenitur medium utroque modo, per participationem quidem, ut inter album & nigrum datur rubeum & croceum &c. per negationem autem ut de substantia incorporea uerum est dicere, quod nec est

alba nec nigra, nec aliquo medio colore colorata. De contradictionis autem, neutro modo est uerū dicere q̄ habeāt medium, quoniam ut probatur in quarto metaphysicæ de quolibet est uera affirmatio uel negatio. Quid autem sit contradictio iam diximus in trac. tertio agentes de propositionibus contradictoriis. Hæc de primo post prædicamentum dicta sint.

Caput secundum de priori, & singulis eius modis.

IN capitulo secundo agendum est de priori & eius modis. Tu igitur aduerte quod apud antiquos quatuor ponuntur modi prioris, & Aristoteles addit quintum. Primus modus dicitur prius tempore, secundus prius natura, tertius prius ordine, quartus prius dignitate, quintus prius causalitate.

Prius tempore est illud quod est uel fuit in aliquo tempore in quo non fuit aliud: ut Priamus fuit prior tempore Hectori. Respectu autem futuri, illud dicitur prius tempore, quod pro aliquo tempore erit, in quo nondum erit aliquid aliud: ut prius erit messis quam uindemia, & ad hunc modum reducitur esse prius quacunque duratione: ut licet nec deus nec angelus mensurantur tempore, tamen uerum est dicere quod duratione: scilicet eternitate & x̄uo sunt priores homine. Ad eundem modum reducitur esse prius loco, quoniam locus & tempus sunt mensure rei extrinsece. Vnde in descensu a primo cœlo ad ultimum, uerum est dicere spheram Saturni esse priorem spherâ Iouis &c.

Prius natura est a quo non conuertitur subsistendi consequentia: id est quādo duo sunt & ab esse unius ad esse alterius ualet consequentia. Sed non conuertitur tunc inter ea est prioritas naturæ, & hæc prioritas seruatur inter species numeri arguendo a maiori numero ad minorem ut bene ualet, quatuor sunt, ergo tria sunt. Sed non ualet, tria sunt, ergo quatuor sunt, & ideo tria sunt priora natura quam quatuor. Idem modus seruatur inter genera & species suas. Nam quia a specie ad genus ualet consequentia. Sed non e contra affirmatiue, ideo genus est prius natura quam species.

& sic quodlibet magis uniuersale, quolibet minus uniuersali. Nam bene sequitur, homo est, ergo animal est. Sed non sequitur, animal est, ergo homo est; ideo animal est prius natura quam homo.

10. Prius ordine est illud quod præcedit aliud non quocunque modo, sed doctrina & cognitione, & sic principia scientiæ sunt priora quàm scientia, quoniam præcognoscuntur, & literę sunt priores syllabis quoniam prius adiscuntur. Dixi non quocunque modo, quoniam sumendo prius ordine indefinite inuenitur in primo modo, & in loco, & in secundo & dicitur ordine temporis, ordine loci, ordine naturæ &c.

20. Prius dignitate est illud quod præcedit aliud & est eminentius authoritate potentia doctrina & titulo, sicut rex est prior duce & dux prior marchione, & marchio prior ciue, unde rectores dici consueuerunt priores, & hic modus est maxime usitatus in moralibus & politicis ad eundem modum reducitur prioritas speciei & prioritas formæ respectu generis & materiæ, quoniam species est perfectior genere, & forma est dignior materia utpote actus eius.

30. Prius causalitatem est illud a quo aliud pendet, & non econuerso ut natura rei est causa ueritatis in propositione: ut quia homo est animal, hæc propositio est uera, homo est animal, & ideo rei natura prior est causalitate quam oratio uera. Hæc de priori & singulis eius modis dicta sunt.

Caput tertium de simul & eius modis.

IN tertio capitulo agendum est de simul, de quo quinque agenda sunt primo quid sit simultas, secundo quot modis sumitur tertio agendum est de simul tempore, quarto de simul in conuertentia, quinto de simul diuidentiam.

1. Quantum ad primum aduerte quod simultas importat in hoc loco negationem prioritatis & posterioritatis: ut generaliter ea dicantur simul quorum utrumque existit, nec unum præcedit aut subsequitur aliud in eo modo quo sunt simul. Verbi gratia quæ sunt simul tempore incipiunt esse in eodem tempore &c. Dico in eo modo quo sunt simul,

nam bene stat quod duo sint simul tempore, & tamen non sint simul natura, immo quod unum natura sit prius & alterum posterius: ut ignis & calor ignis, subiectum & propria passio.

Quantum ad secundum aduerte quod hic non intendimus tractare de omnibus modis quibus uniuersaliter aliqua dicuntur esse simul. Nam non solum tribus modis hic numerandis, aliqua dicuntur esse simul, sed pluribus aliis, puta simul loco: ut quæ sunt in eodem loco, simul causalitate: ut duo simul trahentes nauem, simul autoritate, ut plures rectores, simul unius populi quorum unus non agit sine altero, simul consensu & uoluntate: ut duo ueri amici. Sed de his modis, non est sermo hic. Intendimus autem tantum de modis qui deseruiunt doctrinæ & cognitioni prædicamentorum quæ sunt tres: scilicet tempore, conuertentia, Diuisione, & quomodo deseruiant cognitioni prædicamentorum dicemus agentes de singulis. Eorum igitur sufficientia sumitur hinc. Quæcunque sunt simul simultate deseruiente doctrinæ prædicamentorum aut sunt simul tempore, aut simul natura. Si simul tempore sic est primus modus. Si simul natura, dupliciter, quia aut conuertentia ut correlatiua, sic est secundus modus, aut diuisione ut differentia diuise generis, sic est tertius modus.

Quantum ad tertium aduerte secundum Aristotelem quod ea dicuntur simul tempore, quorum generatio est in eodem tempore ita quod in eodem instanti incipiunt esse: ut si duo homines in eodem instanti oriantur dicuntur simul tempore ex parte inceptionis, quia unus non est prior nec posterior altero. Idem intellige ex parte definitionis: ut si duo homines in eodem instanti moriantur. Possunt ergo aliqua esse simul tempore tribus modis: scilicet ex parte inceptionis tantum, & ex parte definitionis tantum, & ex parte utriusque. In eodem modo simultatis continentur subiectum & propria passio, ut homo & risibile. Nam quocunque instanti ponitur homo ponitur risibile per naturalem sequentiam, & quocunque instanti desinit

TRAC. VIN. PARS TERTIA

esse homo, desinit esse risibile, quoniam est accidens, cuius esse est inesse subiecto. Tu tamen aduerte quod licet subiectū & passio sine simul tpe, non tñ natura, qm̄ subiectū est causa, a qua passio fluit, causa aut̄ natura est prior causato. Constat igitur quis sit modus primus simultatis deferuiens doctrinæ p̄dicamentorū. Deferuit aut̄ in hoc, quod ut supra docuimus in omni p̄dicamento sunt quædam p̄prietates ut ergo scias an̄ sint tpe simultanee, uel priores uel posteriores his quorū sunt p̄prietates, ponitur hic primus modus sif.

Quantum ad quartum aduerte q̄ secundus modus simul, est simul in conuertentia, ea autem sunt simul in conuertentia, quando ab uno ad alterum est bona consequētia & econuerso, tam in ponendo quam in remouendo. i. affirmatiuæ & negatiuæ, ita quod si ponitur unum, ponitur reliquum & econuerso, & si remouetur unum remouetur reliquum. Et hoc secundo modo omnia mutua relatiua sunt simul, nam bene sequitur in secundo adiacente. Si pater est filius est, & econuerso. Item si pater non est, filius nō est, & econuerso; & ratio huius est, quia ut docuimus in p̄dicamento ad aliqd correlatiua per seinuicem diffiniuntur & intelliguntur. Sed aduerte quod non sufficit huic secundo modo mutua consequentia, sed quod unum non sit causa alterius. Et sic uerificatur de omnibus correlatiuis inquantum sunt correlatiua; quoniam ut sic sunt opposita oppositione relatiua nullum autem oppositum est per se causa sui oppositi. Dico inquantum sunt correlatiua, quoniam si sumantur materialiter, puta inquantum substantiæ sunt non inconuenit unū esse cām alterius, ut sortes pater, inquantum est substantia generat filium, non tamen pater formaliter pater, est cā filii formaliter filii, qm̄ dicunt respectus oppositos. Et aduerte q̄ hic modus secundus ualet ad cognoscendū proprietates p̄nti ad aliqd, inter quas ē ista q̄ p̄priū est relatiuorū dici ad p̄uertētā.

Quantum ad quintum aduerte quod tertius modus est, esse simul in ratione diuisiua, ea autem sunt simul in ratione diuisiua, quæ ex æquo & absque ordine prioris & posterioris diuidunt, & participant aliquod commune illis su-

perius, put respiciunt illud cōmune, Sicut duæ dīæ diuīsiue unius generis, & duæ spēs constitutæ ex illis dīis, & constitutæ sub illo genere, ut rationale & irrōnale simul: idest ex equo diuidunt animal, neq. n. prius rationale est animal neq. magis quam irrationale. Dico put respiciunt illud cōmune, quoniam si cōparent adinuicem: & non ad cōe quod diuidunt, non inconuenit unam esse priorem altera & perfectiorem ut rationale irrationali, idem dico de speciebus cōstitutis, ut homine & asino. In ratione autem aīalis eque & simul conueniunt. Cōstat igitur tibi quis sit tertius modus simultatis deseruiens cognitioni p̄dicamentorum. Deseruit autem ad cōgnosendum q. in omni p̄dicamēto sunt dīæ oppositæ, simul diuīsiue sui generis. Et vlr omnia inferiora dicunt simul contineri sub suis superioribus iuxta hūc tertium ordinem. Et aduerte quod secundus & tertius modus dicunt simul natura. sed distincta ratione nam secundus dicit simul natura ppter conuertentiam, ita tamen quod unum non est causa alterius, ut excludamus subiectum & passionem suam, tertius autem est simul natura ppter simultaneam diuisionem alicuius superioris, ut excludamus diuisionem analogicam in qua unum diuidens est prius altero ut substantia est prior accidente quæ diuidunt ens tibi, ut declarabitur in quarto metaphysicæ, & sanum dictum de animali, est prius sano dicto de medicina. Hæc de simul ut est post p̄dicamentum dicta sint.

Caput quartum de motu & eius generibus.

IN cap. quarto agendum est de motu ut est post p̄dicamentum & hic sex agenda sunt primo ut scias in quo sensu hic sumitur motus ponendi sunt modi quibus apud philosophum dicit motus, secundo assignanda sunt genera motus & eorum sufficientia, tertio agendum est de generatione & corruptione, quarto agendum est de augmento & decremento, quinto agendum est de alteratione, sexto agendum est de motu locali.

Quantum ad primum aduerte quod ut tibi declarabitur in sexto physicorū mutari siue moueri, est aliter rem se ha-

TRAC. QVIN. PARS TERTIA

bere nunc quam prius. Motus ergo est dispō qua subiectum aliter se habet nunc q̄ prius. Oīs ergo uariatio subiecti dicitur motus aut dupliciter sumi consueuit, qm̄ cum sit uariatio id pōt contingere in aīa, & in re corporali. Si in aīa solet dici motus, qui est actus perfecti, qui potius est de consideratio ne metaphysici quā physici & logici, & de eo non est hic sermo. Si in re corporali, solet dici motus qui est actus in perfecti, siue existentis impotentia, de quo pertractat Aristoteles in tertio physicorum. Hic autem motus dupliciter sumitur, primo generaliter, secundo specialiter primo modo idē est quod mutatio cōiter sumpta siue sit instantanea, id est fiat in instanti, ita quod eius terminus acquirat̄ indiuisibiliter, uel deperdat̄ indiuisibiliter siue sit successiua, ita quod eius terminus acquirat̄ uel deperdatur diuisibiliter & in tpe, secūdo modo idem est quod motus proprie dictus, de cuius ratione est successio, & ei⁹ terminus acquirat̄ siue deperditur diuisibiliter, & necessario fit in tpe, & repugnat ei fieri in instanti. Hic non sumit̄ motus pprie dictus qm̄ eius tantum tria sunt genera, ut tibi manifestabitur in .s. phys. s. motus in quantitate, qui dicit̄ augmentum & decrementum, motus in qualitate, qui dicit̄ alteratio, motus in ubi qui dicitur motus localis. Hic autem de motu recitant̄ sex species subalternæ quæ etiam sunt genera, ergo hic sumit̄ motus generaliter dictus, ut sub se continet mutationem pprie dictam quæ est in instanti, ut gñatio & corruptio substantialis & motum pprie dictū qui est in tpe & successiuus, ut augmentum & decrementum, & alteratio & motus secundū locū.

Quantum ad secundum aduerte quod Aristoteles in post prædicamentis enumerat sex species motus, & sunt iste generatio corruptio, augmentum diminutio alteratio, secundum locum mutatio, quarum sufficientia hinc sumitur. Omnis motus est uia & processus ad aliquem terminū. Omnis autem terminus est uel substantia uel accidens. Si substantia, uel est affirmatiuus uel negatiuus. Si affirmatiuus, est generatio, ut tibi declarabit. Si negatiuus, est corruptio. Si est accidens, uel est accidens connotans respectum,

& sic est loci mutatio, uel est accidens absolutum, & hoc dupliciter, quia aut est qualitas & sic est alteratio, aut quantitas. Et hoc dupliciter, quia aut est quantitas perfecta, & sic est augmentum, aut est quantitas imperfecta, & sic est diminutio siue decrementum. Constat igitur tibi propter quid assignatur sex species motus generaliter dicti.

Quantum ad tertium aduerte quod Aristoteles in post praedicamentis non imoratur ad diffiniendum singulas praedicatas species motus, id enim reservat ad librum quintum physice. Logici autem reales ut disponant nouitium aliquantulum ad philosophiam diffiniunt eas & precipue Petrus Hispanus. Incipiens ergo a generatione inquit. Generatio est progressio a non esse ad esse. Pro cuius notitia aduerte quod progressio dupliciter sumitur, primo pro motu locali in animali quo animal tendit per potentiam animae motiuam de loco ad locum, & dicitur motus progressiuus secundo pro quacunque uia, qua res acquirit esse. Progressio quidem primo modo dicta, est progressio propria, & de ea agit in tertio de anima. secundo autem modo dicta est per similitudinem. Nam sicut animal ambulans gradit de loco ad locum, sic res dum generatur praecedit a non esse, ad esse. Nam ante generationem non est, quia si esset non generaretur & post generationem est, & ideo per similitudinem quod generat dicitur progressio a non esse ad esse. Sed aduerte quod ly non esse & ly esse debent exponi substantialiter & non accidentaliter, ut sit sensus. Generatio simpliciter dicta est, progressio id est uia a non esse substantialem, ad esse substantiale. Nam si esset progressio a non esse accidentali ad esse accidentale. Non distingueret ab alteratione, ut tibi manifestabitur in quinto physico.

Corruptio autem est progressio ab esse substantiali, ad non esse substantiale, nam cum opponatur generationi, contrario modo est progressio, & convenienter dicitur progressio ab esse substantiali ad non esse, quoniam quod corrumpitur est, & desinit esse, sicut ex opposito, quod generatur non est, sed incipit esse per negationem de praesenti & positionem de futuro, ut tibi manifestabitur in tractatu de pro-

bationibus terminorum:

Quantum ad quartum aduerte quod augmentum & diminutio dupliciter considerantur. Primo ut fiunt in rebus animatis per potentiam animæ augmentatiuā, quæ est potentia animæ uegetatiue. Secundo ut fiunt in rebus animatis, & inanimatis siue ab extrinseco, siue ab intrinseco per additionem uel subtractionem quantitatis a quantitate. Hic intendimus loqui in secundo sensu, & non tantū in primo. Nam de primo tractatur in secundo de anima. Augmentum igitur in secundo sensu sic diffinitur. Augmentum siue augmentatio, est p̄existentis quantitatis additamentū, quod sic probatur, quoniā augmentum est motus de minori quantitate ad maiorem, sed non potest esse motus nec terminari a minore quantitate ad maiorem nisi minori superaddat maior, ergo diffinitio est uera. Decrementum autem aut diminutio, in secundo sensu, est p̄existentis quantitatis minorationem: & probatur sic. Decrementum est motus a maiori quantitate ad maiorem & minorem. Si non p̄t esse motus nec terminari, a maiori q̄titate ad minorem, nisi minuatur p̄x̄s q̄titas, ut puta si erat q̄titas duorū cubitorū fiat unū.

Sed aduerte quod aliquando fit augmentum in quantitate sine acquisitione alicuius partis substantiæ, ut in rarefactione, & decrementum ut in condensatione. Nam quando aqua congelatur fit decrementum in quantitate, quoniam dimensiones cōtrahūtur, & tamen nihil de substantia aquæ deperditur: & quādo dissoluitur per calorem augetur, quoniam dimensiones prius contracte extenduntur, & tamen nihil de substantia aquæ acquiritur. Aliquādo autem fit augmentum & decrementum cum acquisitione & deperditione alicuius partis substantiæ, ut quando augetur paries per additionem laterum & decrescit per subtractionem. Vtrū autem possit fieri augmentum & decrementum sine alteratione, manifestabitur tibi in lib. octauo physicorum.

Quantum ad quintum aduerte quod alteratio dupliciter sumitur primo pro motu ad quancunque qualitatem siue sit perfectiua subiecti, siue non, & in hoc sensu potest inueni

ri in prima & tertia & quarta specie qualitaris, secundo pro
motu ad contrariam uel median qualitatem, quæ compa-
rata alteri extremo est ueluti cōtraria ut dicemus, & in hoc
secundo sensu est alteratio proprie dicta, & est tātum in ter-
tia specie qualitaris. Illis enim qualitatibus patitur & alterat
subiectum tam animatum quam inanimatum, ut calefactio-
ne alteratur aqua, & animal secundum tactum, & de hac in-
tendimus, hic, & sic diffinitur. Alteratio est mutatio subiecti
a qualitate contraria ut a termino a quo, ad qualitatem con-
trariam uel ad mediam, ut ad terminum ad quem. Pro cu-
ius notitia aduerte quod alteratio potest esse in qualitatibus
contrariis immediatis, & tunc semper est mutatio ab extre-
mo contrario ad extremum contrarium ut sanatio est mu-
tatio ab egritudine ad sanitatem, egrotatio uero est opposi-
to modo. Et potest esse inter qualitates cōtrarias mediatas,
& tunc uerificatur diffinitio, quod est mutatio a qualitate
contraria ad contrariam uel ad mediam, ut patet in colori-
bus & sonis, & saporibus & odoribus. Vnde aduerte q̃ in
his contingit fieri alteratio tribus modis. Primo ab extre-
mo ad extremum, & tunc est simpliciter a contrario cōtra-
rium, ut calefactio, quæ est a frigido ad calidum. Secundo
ab extremo ad medium, quod cōparatam alteri extremo
est uelut contrarium, ut quando mouetur aqua ab intenso
frigido ad repidum, & dicitur repefactio. Nam repidum re-
spectu frigidi intensi est calidum, & ut sic est contrarium fri-
gido. Tertio a medio ad medium, & tunc utrunq; medium
est ut contrarium comparatum extremo cui magis propin-
quat, ut quādo mouetur corpus fuscum ad croceum. Nam
fuscum se tenet ex parte nigri, croceum autē ex parte albi,
& ideo uirtualiter est motus a contrario ad contrarium, li-
cet non formaliter.

Quātum ad sextū aduerte qđ motus localis est duplex. s.
rectus ut motus grauiū & leuiū, & sphaericus ut motus cœ-
li, q̃ sic dñt quod motus rectus, est ille p̃ quē mobile mutat
locū & s̃m totū, & s̃m partes, relinqr. n. totālī primū locū,
& rēdit ad aliū, ut lapis descēdēs, & ignis ascēdēs, per motū

TRAC. QVINT. PARS TERTIA

autem sphæricum. Non mutat mobile locum secundum totum, quoniam semper mouetur super eodem polos, & circa idem centrum, & ideo semper manet in eodem loco secundum se totum, quoniam autem partes mutant locum quoniam una succedit alteri, & secundum quod una recedit, altera ad eundem locum succedit, ut patet in partibus rotæ, quæ sibi inuicem succedunt in puncto signato in spacio. Hoc notato aduerte quod licet hic sit sermo de utraq; specie motus localis, principaliter tamen in primo sensu, & ideo sic diffinitur motus secundum locum est mutatio de uno loco in alterum scilicet secundum totum, ita quod principaliter diffinitur motus localis rectus tanquam notior nobis. Cuius signum est quod Petrus Hispanus posita diffinitione, assignat sex differentias locales, de quibus pertractat Aristoteles in secundo cœli, secundum quas uidemus mobile motu recto moueri secundum totum & partes, non autem mobile motu sphærico secundum totum. Neque enim totum cœlum magis mouetur sursum quam deorsum, neque magis ante quam retro, & cætera aliter non esset motus cœli circa medium præcise, sed a medio ad medium, quod non conuenit mobili sphærico, ut sphæricum est, ut tibi declarabitur in primo cœli. Intelligendo ergo de motu recto principaliter sic diffinitur. Motus secundum locum, est mutatio ab uno loco ad alium.

¶ Constat igitur tibi, quomodo sunt sex species motus, quarum notitia deseruit doctrinæ decem prædicamentorum. Nam per generationem, & corruptionem cognoscimus quomodo acquiritur & deperditur substantia, per augmentum & decrementum, quomodo acquiritur & deperditur quantitas, per alterationem qualitas, per motum, locale ubi siue locus. Rationabiliter igitur motus ponitur post prædicamentum.

Caput quintum de habere, & eius singulis modis.

IN quinto capite agendum est de habere, & hic duo uidenda sunt. Primo quot sint recitati ab Aristotele modi ipsius habere. Secundo ponetur eorum sufficientia.

Quantum ad primum aduerre, quod Aristoteles non intendit uniuersaliter & absolute numerari modos habendi, sed famosiores & magis consuetus. Vnde inquit in fine. Forte tamen & alii apparebunt modi de eo quod est habere. Sed qui consueuerunt dici, pœne omnes numerati sunt. Numerat ergo septem modos.

Primo dicitur quis habere qualitatem, ut sor. habet scientiam, uel uirtutem, uel albedinem &c. & hoc habere nō est aliud q̄ in formari qualitate sibi inhærente siue secundum animam, siue secundum corpus.

Secundo dicitur quis habere quantitatem, ut sor. habet quantitatem bicubitalem, & Plato tricubitalem & hoc habere non est aliud q̄ extendi uel dimensionari tanta uel tāta quantitate intrinseca sibi inhærente.

Tertio dicitur quis habere ea quæ adiacent corpori, & hoc dupliciter, quia aut adiacent toti corpori, ut uestis ad protectionem, aut parti, ut anulus digito, biretum capiti, calceus pedi ad protectionem & decorem, & hoc habere constituit ultimum prædicamentum, de quo actum est supra.

Quarto dicitur quis habere membrum, ut sortes habet manum, & pedem & uniuersaliter omne totum habet suas partes, sicut arbor habet ramos, & domus fundamentum & parietem & tectum. Et hoc habere non est aliud q̄ totum ex partibus sibi debitis constare.

Quinto dicitur quis habere contentum, ut lagena habet uinum, & modius triticum, & uniuersaliter continens habet contentum, intelligendo de continentia locali & circumdatiua, ut præseruetur continentia uirtualis, ut anima continet corpus, & rex regnum. Hæc enim continentia non est locatiua, sed conseruatiua tantum, & hoc habere non est aliud quam locare, aut conseruare.

Sexto dicitur quis habere possessionem ut agrum aut uineam, & hoc habere non est, aliud quam rem suam possidere.

Septimo dicitur quis habere uxore, & nō est aliud habere

TRAC. QVINT. PARS TERTIA

uxorem, quam esse uxorem, uel cohabitare familiariter cum uxore, & ideo dicit Aristoteles, hunc modum est alienissimum, id est minus proprium cæteris modis habendi. Vnde parum de eo curandum est in hoc proposito quoniã non deseruit doctrinæ p̄dicamentorum. Alii. n. manifeste deseruiunt. Nam primus deseruit p̄dicamento qualitatis. Secundus p̄dicamento quantitatis. Tertius p̄dicamento habitus. Quartus p̄dicamento substantiæ. Quintus p̄dicamento ubi. Sextus p̄dicamento relationis dicitur. n. relatiue possessor ad rem possessam. Septimus autem ut per se constat, nullo modo deseruit, ideo, alienus est a p̄senti proposito. Non. n. hic agitur de habere nisi, ut est post p̄dicamentum de ratione autem post p̄dicamenti est secundum omnem modum suum deseruire cognitione p̄dicamentorum.

Quantum ad secundum aduerte quod sufficientia p̄dictorum modorum sic sumitur. Habere importat habitudinem habentis ad rem habitam sicut amare habitudinem amantis ad rem amatam, haberi autem sicut amari ecõuerso. Hæc autem habitudo uel est ad aliquod intrinsecũ quod est de substantia eius, & sic est quintus modus, quo modo totum habet partes, quæ sunt de substantia totius, uel ad aliquod extrinsecum quo ad substantiam habentis, ita quod non est de substantia eius, & hoc dupliciter, quia illud extrinsecum a substantia habentis, uel est sibi inhærens sicut accidens uel non. Si primo mō, aut inhæret ratione formæ, & sic est primus modus, qualitas enim formam rei consequitur, aut inhæret ratione materiæ, & sic est secundus modus, quia titas enim consequitur materiam, ut tibi declarabitur in secundo & octauo metaphysicæ. Si non est inhærens, hoc dupliciter, quoniam licet non sit inhærens est tamen unitum uel distans. Si unitum, dupliciter quoniam aut est unitum ut continens & ambiens, & hic est quintus modus, aut est unitum solum, ut adiacens uel adaptatum, & sic est tertius modus. Si distans hic est septimus modus, quem dicit Aristoteles esse alienum, id est improprium, iuxta quẽ modum uir dicitur habere uxorem, quæ non est sibi unita nisi quo ad actum

actum matrimoniale, & cohabitationem. Vnde uxoratus, non habitans cum uxore, non copulans se uxori, non potest dici iuxta hunc modum habere uxorem, nisi quo ad nexū matrimonii. Hæc de postprædicamentis dicta sunt.

Explicit tractatus quintus qui est de antepædicamentis & prædicamentis & postprædicamentis, ordinatus per Reuerendum. P. Fratrem Christostomum Iauellum canapiciū ordinis prædicatorum, Philosophiæ & Sacræ Theologiæ professorē. Sequitur de syllogismo simpliciter uel formaliter dictol.



Actenus perstrinximus, quæ Aristoteles tradidit in tota arte ueteri, quæ constat ex libro prædicamentorum, & perihermie. & libro prædicabilium, quæ superaddidit porphyrius ut isagogicum ad librum prædicamentorum. Nunc transeundum est ad artem nouam, in qua pertractare debemus,

de arte argumentandi cuius in doctrina Aristotelis quinque sunt species. Syllogismus, consequentia, Enthimema. Inductio, exemplum. Syllogismus autem diuiditur in formalem idest absolute sumptum non contractum ad aliquam materiam, in demonstratiuum: id est scientificum, in topicum, id est probabilem in sophisticum, idest fallacem & deceptorium. De formali pertractat Aristoteles in libro priorum, cui correspondet præsens tractatus. De demonstratiuo pertractat in libro posteriorum. Nam secundum quod innuit Aristoteles in primo priorum consideratio & doctrina de syllogismo formali, immediate & principali intentione ordinatur ad demonstrationem. Vnde inquit. Postea uero: id est postquam de syllogismo formaliter & uniuersaliter sumpto tractatum fuerit, dicemus de demonstratione, prius enim dicendum est de syllogismo quam de demonstratione eo quod uniuersalior est syllogismus. Nā demonstratio syllogismus q-

dem est. Non omnis autem syllogismus demonstratio. Quoniam igitur. Syllogismi demonstratiui doctrina sequitur immediate librum porum, ideo post presentem tractatum, disponemus tractatum de syllogismo demonstratiuo cui correspondet lib. posteriorum Aristotelis, licet aliter proposuerimus in principio huius compendii. Deinde si Deus Optimus auxiliatus nobis fuerit formabimus tract. de syllogismo topico, postremo de syllogismo Sophistico.

In presenti igitur tract. acturi de syllo. formam, & non contra. Et ad aliam materiam diuidemus ipsum in sex capita principalia.

In primo agendum est de præcognoscendis, sine quorum præcognitione impossibile foret tradit ueram & completam doctrinam de arte syllogizandi.

In secundo agendum est de prima figura, & singulis eius modis.

In tertio agendum est de secunda figura & singulis eius modis.

In quarto agendum est de tertia figura, & singulis eius modis.

In quintum agendum est de coniugationibus in utilibus ad mentem Aristotelis.

In sexto trademus reglas generales defensivas modorum recte & utiliter concludentium, & precipue in prima & secunda figura.

Caput primum de præcognoscendis.

IN cap. primo agendum est de his, quorum præcognitio necessario requiritur ad consequendam ueram & completam artem syllogizandi. Sunt autem quinque primo cum syllogismus sit quoddam totum constans ex propositionibus & terminis, agendum est de partibus eius propinquis & remotis inuestigando quid sint & quot requirantur, secundo agendum est de principiis regulatiuis syllogismi, per quæ sciemus syllogismum utilem, & inutilem, tertio definiendus est syllogismus ut syllogismus est & singulæ diffinitæ partes declarandæ, quarto agendum est de forma syllogismi, quinto agendum est de sufficientia trium figurarum syllogismi, ita quod non sunt nisi tres ordinarie, & non possunt esse plures efficaciter &

uniuersaliter concludentes.

Quantum ad p̄mum aduerte quod in omni toto materia li considerando p̄cedere possumus uia constructiua, & uia resolutiua. In constructiua quidem incipimus a p̄tibus remotis & simplicioribus, & deuenimus ad p̄tes p̄pinquas compositas ex remotis, & ex p̄pinquis debite dispositis constitui tur totum, ut patet in arte ædificandi nam artifex intendens construere domum, p̄mo parat lapides idoneos secundo ex eis sic uel sic ordinatis, construit fundamentum & parietes tertio ex his debite approximatis & figuratis, facit constare domum. In uia autem resolutiua, p̄cedimus modo opposito. scilicet a composito ad simplicia. Nam qui destruit domum, resoluit domum in tectum & parietem & fundamentum, destructiue. id est redigit tectum in tegulas separatim, & in ligna & in tabulas, & in clauos. Parietes autem ex fundamentum redigit in lapides sparsim & separatim. Hic p̄missis aduerte quod syllogismus est quoddam totum constans ex terminis & p̄positionibus: ut tibi declarabitur infra, ergo in consideratione eius p̄cedere possumus a p̄tibus ad totum uia constructiua, & econuerso uia resolutiua. Primo modo p̄cessimus in 2. & 3. tracta. ubi actum est de terminis constitutiuis orationis & p̄positionis, & de p̄positione ut ordinatur ad constitutionem syllogismi, sicut lateres ordinantur ad parietem componendum, & paries ad domum, utpote partes domus remote & p̄pinque, secundo autem modo p̄cessuri sumus hic ad mentem Aristot. Vnde sicut in uia compositiua, incipimus a p̄tibus simplicibus & remotis & deueniemus ad p̄tes p̄pinquas, & a p̄tibus p̄pinquis ad ipsum totum ita opposito modo p̄cedimus in uia resolutiua. Cum igitur pars p̄pinqua & immediata sit p̄positio, remota autem sit terminus, incipiemus p̄mo a p̄positione assignando quid sit, & quot requirantur ad syllogismum. Deinde dicemus de termino quid sit, & quot requirantur ad constitutionem ueri syllogismi. Hoc enim ordine procescit Aristoteles in primo priorum.

Quantum ad p̄positionem aduerte quod Aristot. in primo priorum sic diffinit eam p̄positio est oratio affirmatiua, uel negatiua.

alicuius de aliquo. Et sic debet intelligi. Propositio est oratio.
1. perfecta indicatiua in qua p̄dicatur aliquod p̄dicatum
de aliquo subiecto affirmatiue: ut homo est animal. uel nega-
tiue: ut homo non est asinus. Et aduerte quod Petrus hispa-
addidit, uel alicuius ab aliquo: ut sit sensus clarior. Nam in
affirmatiua p̄dicatur p̄dicatum de subiecto attributiue. In ne-
gatiua autem p̄dicatur remotiue. Et ly designat attributi-
ue; & ly absignat remotiue.

Sed dices. Cum unius rei sit tantum una uera & sufficiens.
diffinitio, quare Aristoteles dat de propositione duas diffini-
tiones? Vnam enim dedit in libro perihermenias, dicens q̄
est oratio uerum uel falsum significans. Alteram autem in
primo priorum, quam hic assignauimus.

Respondetur quod unius rei est tantum una diffinitio cō-
siderate sub una & eadem rationem. Si autem consideretur
secundum diuersam rationem non inconuenit eam diuersi-
mode diffiniri. Vnde in proposito Aristoteles dupliciter cōsi-
derauit propōnem. Primo inquantum enunciat rem sicut
est, uel aliter quam sit, & sic diffiniuit eam in libro perihē-
per significare uerum uel falsum, secundo inquantum com-
ponit syllogismum & ponitur pro conclusione p̄banda, vñ
d̄r propō, quia pro conclusione ponitur, & d̄r p̄missa, quia p̄-
mittitur conclusioni, & sic diffinitur in primo priorum per
affirmatiuam aut negatiuam orationem de aliquo.

Sed dices. Quare in primo priorum, non diffinit eam per
uerum & falsum sicut in libro perihē.

Respondetur. Quia in lib. priorum tractatur de syllogis-
mo formali, qui abstrahit a ueritate & falsitate p̄positionū
& conclusionis nam dummodo fiat syllogismus secundum
debitum modū & figuram est ualidus de forma, et q̄ p̄mis-
se & cōclusio sint falsæ ut patet hic, oīs homo est asinus. Oīs
æquus est hō, ergo oīs æquus est asinus. Argumentum est in
barbara, & est uerus de forma licet nō de materia. Non autē
abstrahit ab affirmatiōe & negatione, qm̄ ut dicemus infra,
necesse est utrāq; p̄missarum aut saltem alteram esse affir. Et
si altera p̄missarum fuerit nega, necesse est conclusionē fore

negatiuam. Et ideo rationabiliter Aristoteles cōsiderans hic propositionem inquantū est pars propinqua syllogismi diffinit, diffinit eam per orationem affirm. aut negat. et nō per uerum aut falsum.

Viso quid sit propositio ut componit syllogismum, declarandum est ex quot propōnibus de necessitate cōponitur. Tu igitur aduerte q̄ si conclusio esset intrinseca syllogismo & de essentia eius tres essent necessarie. s. duæ præmissæ & cōclusio. Si r̄ si syllogismus non distingueretur a consequentia duæ sole sufficerent quæ uocantur antecedens & cōsequens uerum quia ut dicemus infra declarationem diffinitionem syllogismi, conclusio secundū unam opinionem est extrinseca a syllogismo, & ab eo distinguitur specie consequentia, ideo duæ sufficiunt, quarū p̄ma d̄ maior, & secunda minor, ut tibi manifestum erit infra & quō tres termini duas propōnes constituunt. Tenentes aut̄ conclusionem esse de essentia syllogismi ponunt ipsum constare ex tribus propositionibus.

Quantum ad terminum aduerte q̄ Arist. cōsiderans ip̄m non inq̄tum constituit propōnem, sed inq̄tum in ipsum ultimate resoluitur sic diffinit ipsum in lib. primo priorum. Terminus est in quem resoluitur propō, ut prædicatū & de quo prædicatur. i. subiectum. Nam sicut domus resoluitur immediate in fundamentum & parietem &c. fundamentum autē & paries immediate ac ultimate in lateres, sic syllogismus immediate resoluitur in propōnes & ille ultimate in terminos ideo cōuenienter d̄ q̄ terminus est in quem &c. Sed aduerte q̄ hic non sumit terminum in illa v̄itate, s̄m q̄ de eo locuti sumus in secundo trac. ubi famosiores eius diuisiones assignauimus, sed hic se restringit ad terminum categorematicum, & tandem ad nomen & uerbum prout possunt cōponere propōnem ut subiectum & p̄dicatum & in ipsa resolui. Et sic ab hac diffinitione termini, excluduntur termini cōsignificatiui, & signa v̄sa & particularia, & breuiter omnes termini, qui per se sumpti, non possunt esse subiectum aut p̄dicatum in propōne componente syllogismum. Quot autē modis sumatur terminus in uia Aristotelis, iam diximus in

trac. secundo uide tu illic nec est ratio repetendi.

Viso quid sit terminus, ut ingreditur propositionem cōponēre syllogismum & in quem ipsa propō resoluitur, declarandum est ex quot terminis cōstat syllogismus formalis. Tu igitur aduerte q̄ sicut duæ propōnes requirūtur. s. maior & minor, sic & tres termini in quos duæ propōnes resoluntur, quorum p̄mus d̄r medius terminus secundus d̄r maior extremitas, tertius minor extremitas, quare autem sic uocantur, & q̄nō diuersimode situati constituunt tertias syllogismorum figuras, dicemus infra. Pro nunc supponendū est tres terminos sufficere, qui tamē duas propōnes non cōstituerēt, nisi unus eorum & est ille qui uocatur medium bis sumeretur ita q̄ assumitur in maiori & minori propōne per replicationem. Nam cum duæ sint propōnes componentes syllogismum, & quælibet earum habeat proprium p̄dicatū & subm, necesse est duas propōnes constare ex quatuor terminis, aut ex tribus ex quibus unus gerat uicem duorum & hic est medius terminus, ut sic arguatur. Oīs homo est aīal, sortes est homo ergo sortes est aīal. Constat q̄ ly homo gerit uicem duorum. Est, n. subiectum in maiori, & p̄dicatū in minori. Quare autem tres termini requirantur & nō plures nec pauciores, & quare uocentur maior & minor extremitas & medium dicemus infra pro nunc tibi sufficiat scire, quid sit pars materialis cōpositiua syllogismi formalis tam propinqua quam remota, & quot sint ex necessitatem.

Quantum ad secundū. s. p̄ncipia regulatiua syllogismi aduerte q̄ Arist. in p̄mo priorum, duo assignat. s. dici de omni & dici de nullo, & per dici de omni regulantur syllogismi affirmatiui, & per dici de nullo, regulantur negatiui. Et aduerte q̄ Arist. in p̄mo priorum declarans quid sit dici de omni inquit. Dicimus autem de omni p̄dicari, q̄n̄ nihil est sumere subiecti, de quo non dicatur alterum. Et intendit q̄ dici de omni est q̄n̄ nihil est sumere sub subiecto, de quo non dicatur p̄dicatum. Et hic seruatur in omni p̄positione v̄si affirmatiua sub cuius subiecto licet descendere distributiue. Et hoc principium æquipollet huic maxime. Quicquid

dicitur de subiecto distributo, dicitur de quolibet sumpto sub subiecto pro quo facta fuit distributio, ut in ista. Omnis homo est risibilis, & isti sunt omnes homines, ergo iste & iste & iste & sic de singulis est risibilis. Declarans autem Arist. quid sit dici de nullo inquit, Et de nullo sifr. Et intendit quod dici de nullo est quando nihil est sumere sub subiecto, a quo non remoueat prædicatum. Et hoc principium æquipollet huic maxime. Quicquid remouetur siue negatur a subiecto distributo, negatur ab omni contento sub tali subiecto. Et id seruatur in omni vtriusque negatiua ut in ista. Nullus homo est lapis et isti sunt omnes homines, ergo nec iste nec iste etc. ē lapis. Et isti descensus distributiui affirmatiui & negatiui manifesti tibi fient in tracta. de suppositionibus. Cōstat igitur tibi quid sit dici de omni, & dici de nullo.

Sed aduerte ut scias quō hęc duo p̄ncipia sufficienter regulant syllogismos, quod indigent tribus limitationibus primo non regulant per se & immediate nisi syllogismos perfectos, qui sunt per quatuor modos primæ figuræ, eo quod non reducuntur ad alios, syllogismos autem concludentes indirecte & secundæ & tertiæ figuræ, nō regulant nisi prius reducantur ad quatuor primos primæ figuræ. Vnde Aristoteles in primo priorum antequam tradere duo principia regulatiua, distinxit syllogismum in perfectum & imperfectum deinde dedit prædicta duo principia regulatiua perfectorum. Postea subiunxit unum principium regulatiuum imperfectorum. scilicet conuersionem p̄pōnum. Nam ut tibi manifestabitur infra, modi concludentes indirecte, & modi secundæ ac tertiæ figuræ reducuntur ad quatuor p̄mos per conclusionem simplicem aut per accidens. Qui reducti regulantur per dici de omni & de nullo sicut & quatuor primi.

Secundo nō regulant nisi syllogismos factos ad intellectum & nō ad sensum, & uoco syllogismum ad intellectum, in quo mediū ē vtriusque ad sensum aut in quo mediū ē singulare tātū singulariter ut est syllogismus expositorius, cuius p̄missæ sunt duæ singulares, & ideo ibi nō est dici de oī nec de nullo. In syllogismo aut factio ad intellectum, necesse ē aut utraq; præmissarū aut

alteram esse uniuersalem affirmatiuam aut negatiuam, qm̄ ut tibi manifestabitur ex puris particularibus indefinitis aut singularibus, non sit syllogismus ualidus ad intellectum, ex consequenti ergo necesse est in omni syllogismo ad intellectum seruari dici de omni aut de nullo.

¶ Tercio alio modo seruatur dici de omni & de nullo in syllogismo concludente in materia necessaria & remota, & alio modo concludente in materia contingenti. Nam pmo modo seruatur de omni & de nullo absolute, s. pro omni differentia temporis. In materia enim necessaria prædicatum semper conuenit subiecto etiam remoto esse existentie subiecti. Vnde hæc est uera, Adā est homo, est animal, est substantia &c. secundo autem modo non seruatur de omni & de nullo, nisi pro exigētia temporis, puta pro tempore præsentis in quo subiectum existit, qm̄ prædicata contingentia non uerificantur de subiecto, nisi cum consistentia subiecti. Vnde hæc nō est uera nisi pro hominibus existentibus. Omnis homo currit. Hæc autem est semper uera. Omnis homo est animal, ut tibi alias declarabit. Ex his ergo sequitur, quod si quis arguat sic. Omnis homo currit adam est homo, ergo adam currit. Non ualet, qm̄ in maiori non uerificatur de omni nisi p hominibus existentibus, in minori autem sub homine sumitur Adam, prout homo sumitur absolute, & non solum pro tempore præsentis. Vnde magis ample sumitur homo in minori quam in maiori, ideo non sequitur argumentum. Nam dicemus in regulis generalibus defensiuis syllogismorum, quod oportet terminos teneri æque ample, & æque stricte in præmissis & in conclusione, aliter sequitur multiplex error. His igitur limitationibus obseruatis, inuenies quod prædicta duo principia sufficienter regulant syllogismos.

Quantum ad tertium, s. quid sit syllogismus formaliter sumptus aduerte qd Arist. in pmo priorum sic diffinit. Syllogismus est oſo in qua positis quibusdam aliud quidem ex necessitate contingit, q̄ diffōnem Petrus his. magis explicās inqt. Syllogismus est oſo, in qua quibusdam positis & cōcessis, necesse est aliud accidere, per ea quæ posita sunt & concessa.

Primo dī oratio, & ponitur loco generis, qm̄ magis cōis est. Nam omnis syllogismus est oratio, sed non econuerso. Sed aduerte quod nō est oratio una categorica. Constat. n. ex duabus præmissis, quarum utraq; ut in pluribus est categorica. Vnde respectu categorice, uerius diceretur quod est orationes, s. maior ordinate in modo & in figura, quā quod sit oratio. Vt igitur scias qm̄o est oratio aduerte quod hic ē duplex opinio. Quidam dicunt quod est oratio non simp̄r dicta, sed est oīo argumentatiua, quæ complectitur duas categoricas debite dispositas in modo & in figura, & sic syllogismus est una oratio complexiue sed est duæ orationes leparatim acceptæ. Quidam autem dicunt quod est una oratio non categorica ut patet sed hypothetica complectēs plures categoricas coniunctas, ut p̄ncipales partes sui. Quæ autem hypothetica sit, an copulatiua, an conditionalis ē duplex sententia. Quidam dicunt quod est copulatiua, qm̄. Ma. & minor debent coniungi per conjunctionem copulatiuam, ut sic arguendo in barbara. Omne animal est substantia, & omnis homo est animal ergo omnis homo est substantia. Quidam uero dicunt quod est hypothetica rationalis, qm̄ maior & minor coniunguntur cum conclusione per hanc conjunctionem ergo. Rationalis autem reducitur ad conditionalem ut docuimus in trac. tertio. Siue autem teneas primā sententiam siue secundam constat quomodo syllogismus est oratio & non orationes.

Secundō dicitur in qua quibusdam positis id est duabus præmissis. s. maiore & minore, bene ac debite ordinatis in modo est in figura ut declarabitur infra.

Tertio dicitur & concessis. Aduerte quod Aristoteles non ponit hanc particulam sed Boetius eam addidit, & Petrus hisp. imitatus est Boetium. Ratio autem, p̄pter quam Aristoteles non posuit, sed Boetius est hæc, quoniam Aristoteles diffinit syllogismum simpliciter prout ordinatur ad syllogismum demonstratiuum. Boetius autem ipsum diffinit ut ordinatur ad syllogismum dialecticum siue probabilem. Distinguitur autem demonstrator a dialecti-

co in hoc, quod demonstrator non petit ab eo contra quem arguit, an concedat præmissas antequam conclusionem inferat, sed simpliciter eas ponit, quoniam procedit ex necessariis, & de necessitate concludit. Dialecticus autem quoniā nō ex necessariis sed ex probabilibus procedit, quæ possunt negari antequam concludat præmissas positas in modo & in figura, petit ab eo contra quem arguit an cōcedat eas, qm̄ si non concedit concludere non poterit. Respectu ergo syllogismi dialectici efficacia dicitur in diffinitione, in qua quibusdam positis & concessis.

Quarto dicitur necesse est. Aduerte quod per hoc distinguitur syllogismus ab exemplo, quod solam habet probabilitatem ut dicit Aristote. in primo posteriorum, eo quod sit argumentum rhetoricum id est suasiuum & non ultra, & ideo ex eo non ex necessitate inferitur intentum.

Quinto dicitur aliud accidere. Aduerte quod ly aliud stat pro conclusione, ac si dicat, syllogismus est oratio hypothetica siue argumentatiua, in qua præmissis debite positis & cōcessis de necessitate conclusio sequitur, quæ est distincta a duabus præmissis.

Sed hic sunt duo dubia primum est circa ly aliud, secundum est circa ly necesse.

Circa ly aliud dabitur qñ conclusio sit aliud a præmissis, cum componatur ex eisdem terminis, ex quibus præmissæ, excepto medio ut tibi manifestabitur infra. Item si ita est aliud quod non sit de essentia syllogismi.

Respondetur, si conclusio consideretur quo ad materiam qui sunt termini componentes non est aliud a præmissis, ut argumentum probat, si autem quo ad formam, sic est aliud nam maior & minor extremitas non componūt præmissas nisi assumantur cum medio, & disponātur in debito modo & figura. Cōponunt autem conclusionem relicto medio & ideo conclusio est tertia propō realiter & essentialr̄ distincta a duabus præmissis, & qm̄ Aristot. cōsiderauit conclusionem quo ad formam, ideo dixit eam esse aliud.

Quantum ad illud, utrum ita sit aliud quod non sit de es-

sentia syllogismi aduerte quod ibi sunt duæ sniæ. Vna tenet partem negatiuam, cuius rō est, quia remota cōclusionē, ad huc remanet syllogismus perfectus in specie sua, remanet, n. in debito modo, & debita figura, cum ibi sit debita dispositio trium terminorum & duarum propōnum ut disponuntur in barbara & celarent &c. ergo conclusio non est de essentia syllogismi, sed potius sequens necessario ad illum. Altera autem tenet partem affirmatiuam cuius ratio est, quia syllogismus est consequentia formalis, est enim oratio hypothetica rationalis in qua coniunguntur tres categorice per notam illationis. s. per ergo aut igitur. In omni autem pñā formali requiruntur essentialiter antecedens & pñs. Antecedens autem sunt duæ præmissæ & consequens est conclusio illata per notā illatiuam, ergo conclusio est de essentia syllogismi, & qm̄ hæc sententia est probabilior, ideo tenenda est, nec obstat, quod dicit Arist. necesse est aliud, id est conclusionem sequi, non enim intendit conclusionem esse aliud a syllogismo, sed aliud a præmissis, modo præexposito. Ad argumentum autem alterius opinionis negatur antecedens, ad probationem dico quod probat seruari omnia quæ requiruntur, ad uerum antecedens requisitum in syllogismo in quantum est consequentia formalis, sed nō seruantur omnia quæ ad totum syllogismum requiruntur, nisi ex præmissis ut ex antecedente, inferatur conclusio ut consequens requisitum ad perfectam consequentiam.

Circa ly necesse dubitatur, quia aliquando concluditur cōclusio contingens ut hic. Omnis homo currit. Sortes est homo, ergo sortes currit, aliquando conclusio impossibilis, ut hic. Omnis homo est asinus. Sortes est homo, ergo sortes est asinus. Sed contingens & impossibile non necessario sequitur. Quod enim necessario sequitur, necessarium est, sed nec contingens nec impossibile est necessarium ergo nō est uerū quod semper sit necesse conclusionem sequi nisi qm̄ conclusio est necessaria, & syllogizatur ex præmissis necessariis.

Respondetur. Hoc dubium soluitur per distinctionem de necessitate consequentiæ & pñtis, concludit qdem argm̄ de

necesitate consequentis, sed non consequentie & de hac intendimus in diffinitione syllogismi. Quid autem sit utraque necessitas, & quo modo differat, tetigimus in trac. tertio loquentes de conditionali, de qua diximus in quo sensu omnis conditionalis sit necessaria, & omnis falsa impossibilis. Constat igitur tibi quid syllogismus formaliter sumptus, & aduerte quod omnes particule diffinitionis præter primam ponuntur loco differentie, ut scilicet distinguatur syllogismus ab aliis argumentationis speciebus, ut a consequentia enthymemate inductione exemplo & conuersione. Quid sit cōsequētia, manifestabitur tibi i trac. de cōsequentis. Enthymema autem est syllogismus truncatus in quo tacita altera præmissarum & præcipue minore, inferitur statim cōclusio, ut hic. Omnis homo est animal, ergo sortes est animal, taceatur autem minor. s. sortes est homo. Inductio uero est progressus a particularibus sufficienter numeratis, ad vñe concludendum, ut hic. Iste homo & iste & iste, & sic de singulis est bipes, ergo omnis homo est bipes. Exēplum uero est qđ singulariter propositum, aliud singulare ostendere contēdit per aliquod simile in utroq; repertum ut hic. Decet Carolū imperatorem obliuisci iniuriarum, sicut & Cæsarem decuit. Omnes autem huiusmodi argumentationes differunt a syllogismo, qm̄ aut in eis non ponuntur plures præmissæ aut si ponuntur non disponuntur in modo & in figura?

Quantum ad quartum aduerte quod sicut est duplex materia syllogismi scilicet propinqua ut propositio, & remota ut terminus sicut declarauimus, sic duplex est eius forma scilicet propinqua & remota, propinqua quidem est modus ut barbara celarent. Remota autem est figura, ut prima figura uel secunda &c. Modus autem est ordinatio duarum præmissarum scilicet maioris, & minoris secundum debitā qualitatem & quantitatem. Debita autem qualitas est, quod utraque sit affirmatiua, uel saltem altera quoniam ex puris negatiuis, non sit ualidus syllogismus. Nam quādo ex præmissis ueris concluditur conclusio falsa Non est ualidus syllogismus. Contingit autem ex præmissis negatiuis ueris

concludi falsum ut hic. Nullus homo est lapis. Nullus iaspis est homo ergo nullus iaspis est lapis. Constat præmissas esse ueras, conclusionem autem falsam, ergo ex puris negatiuis est in ualidus syllogismus. Debita uero quantitas est quod utraq; præmissarum sit uniuersalis uel faltem una quoniam ex puris particularibus indiffinitis, & singularibus nihil sequitur. Cōtingit enim ex puris particularibus ueris concludi falsum: ut hic animal est asinus, homo est animal, ergo homo est asinus ergo &c. Præterea ad debitam quantitatem spectat qd si aliqua præmissarum fuerit particularis, conclusio sit particularis, non tamen oportet esse econuerso. Nam contingit conclusionem esse particularem, & tamen utraq; præmissarum est uniuersalis ut patet in baralip. & in darapti, & in selapton. Ratio autem huius regulæ est quia talis debet esse unio maioris & minoris extremitatis in conclusione, qualis fuit in medio. Sed quando altera præmissarum est particularis, unio cum medio est particularis ut patet in darii & ferio ex parte minoris, ergo & in conclusione unio extremitatum debet esse particularis. Præterea, ad debitam qualitatem spectat, quod si altera præmissarum fuerit negatiua, conclusio sit negatiua & econuerso: cuius regulæ ratio est: quia unio uel separatio extremitatum in conclusione sequitur unionem cum medio uel separationem a medio in præmissis. Sed quando una præmissarum est affirmatiua & altera negatiua duæ præmissæ separantur in medio, ex eo quod una coniungitur medio a quo alia separatur ergo oportet illas extremitates separari ab inuicem in conclusione, & sic conclusionem esse negatiuam.

Figura autem est debita ordinatio trium terminorum. scilicet maioris extremitatis, & minoris, & medii secundum subiectionem & prædicationem. Quæ quidem ordinatio, consistit in hoc quod medium sumatur cum maiori extremitate in præmissa prima, quæ dicitur propositio maior. Deinde sumatur cum minori extremitate in præmissa secunda, quæ dicitur propositio minor. Deinde excludatur a conclusione. Neq; enim medium potest intrare conclusionem aliter cō-

clusio non differret ab altera præmissarum. Nam si medium in conclusione coniungeretur cum maiore extremitate, nõ differret conclusio a propositione maiori, & si coniungeret cum minori, extremitate, non differret a propositione minori, ut ergo seruetur differentia inter præmissas & conclusionem medium excludendum est a conclusione. Constat igitur quæ sit forma syllogismi propinqua & remota.

Quantum ad quintum aduerte antequam descendamus ad specificam considerationem figurarum & modorum cuiuslibet figuræ inuestigandum est quot sint ualide syllogismorum figuræ. Et hic inuenio duas sententias, quarum una est Arist. in. i. priorum. Secunda attribuitur Galeno.

Secundum Aristotelem sunt tantum tres quoniam cum figura sit ordinatio siue dispositio trium terminorum secundum debitam subiectionem & prædicationem, quorum principale est medium, tot erunt ualide syllogismorum figuræ quot modis contingit debite variari medium secundum subiectionem & prædicationem in utraq; præmissarum. Hæc autem variatio contingit fieri utiliter tribus modis. primo contingit medium subiici in propositione maiori, & prædicari in propositione minori, & sic constituitur prima figura sic arguendo. Omnis homo est animal. homo est animal, ergo animal est animal. secundo contingit medium prædicari in utraq; præmissarum, & extremitates subiici, & sic constituitur secunda figura sic arguendo. Nullus lapis est animal, omnis homo est animal, ergo nullus homo est lapis. tertio contingit medium subiici in utraq; præmissarum, & extremitates prædicari, & sic constituitur tertia figura, sic arguendo. Quoddam animal non est homo omne animal est substantia, ergo quoddam substantia non est homo, & cum secundum Arist. non possit pluribus modis, variari medium utiliter & uniuersaliter, ita quod syllogismus ualeat in omnibus consimili forma arguendi retenta, ut declarabitur, sequitur quod tantum tres sunt syllogismorum figuræ.

Secundum Galenum autem tribus prædictis additur quarta, in qua medium prædicatur in maiori, & subiicitur in mino-

ri sic arguendo, omnis homo est animal, omne animal est substantia, ergo omnis homo est substantia. Sed hæc regula non est necessaria, quoniam equipollet regulæ antepredicamentali in qua dictum est ad mentem Aristotelis. Quando alterum de altero prædicatur, Quicquid prædicatur de prædicato, prædicatur de subiecto, & in antepredicamentis assignauimus limitationes eius, ne contingat error. Vide tu illic, & ideo non est opus addere quartam, tres ergo cum prædicta regula antepredicamentali sufficiunt. Hæc de præcognoscendis pro acquirenda doctrina syllogismi forma. dicta sint, & hic terminatur caput primum.

Cap. secundum de prima figura & singulis eius modis.

In secundo capite agendum est de prima figura, de qua tria uidentur. primo an sit perfectior uel imperfectior secunda & tertia, secundo assignandæ sunt regulæ obseruandæ in prima figura, ne circa eam contingat error in arguendo. tertio agendum est de singulis eius modis tam directe quam indirecte concludentibus.

Quantum ad primum aduerte quod ut diximus in cap. precedenti prima figura est in qua medium subiicitur in maiori & prædicatur in minori. Cuius perfectio super secundam & tertiam & præcipue quoad quatuor primos modos directe concludentes ostenditur ex tribus primo ex eo quod per eam concluduntur omnia conclusionum genera scilicet affirmati. & uniuersalis ut in barbara, & negati. uniuersalis, ut in celar, & parti. affir. ut in darii, & parti. nega. ut in inferio. In secunda autem figura non concluduntur nisi uniuersalis negatiua & particularis negatiua, ut tibi manifestabitur. In tertia autem non concluditur uniuersalis sed tantum particularis affirmatiua, & nega. Quoniam igitur in prima concluduntur omnium conclusionum genera, merito perfectior est. Vnde ut ostendimus in trac. de syllo. demonstratiuo, est magis scientifica, & præcipue quia per illam tantum concludimus conclusionem uniuersalem affirmatiuam, de qua proprie est scientia, quæ de uniuersalibus. secundo est perfectior ex parte medii. Nam solum in prima figura medius terminus mediat inter maiorem & minorem

extremitatem & coniungit eas, ita quod & positione siue situ & coniunctione est uere medium. In secunda autem figura & tertia non est medium positione inter extremitates cū in secunda prædicetur in utraq; pmissarum, & in tertia subiiciatur. Est autem medium solum quo ad coniunctionem. Nā maior & minor extremitas in secunda figura coniungunt i uno p̄dicato quod est medium & in tertia coniunguntur in uno subiecto, quod similiter est medium, ex parte, ergo medii termini prima figura est perfectior, tertio est perfectior ex eo quod quatuor primi modi. Non reducuntur ad priores, sed omnes alii secundæ & tertiæ figuræ & quinque indrecte concludentes reducuntur ad quatuor primos primæ figuræ ut tibi manifestabitur. Constat ergo quomodo ex tribus causis est perfectior, & ideo merito ponit primo loco.

Quantum ad secundum aduerte quod duæ generales regulæ obseruandæ sunt in prima figura quo ad quarto primos modos directè concludentes.

Prima est. In prima figura minore existente negatiua, nihil sequitur, id est non fit ualidus syllogismus formalis, qui teneat in omnibus seruato tali modo arguendi. Cuius ratio est, quia contingeret ex præmissis ueris concludi falsum, ut hic omnis asinus est animal. Nullus homo est asinus ergo nullus homo est animal. Constat præmissas esse ueras: & conclusionem falsam. Diximus autem supra quotiens ex ueris concluditur falsum, esse inualidum modū arguendi, eadem regula seruanda est in omnibus modis tertiæ figuræ: ut tibi declarabitur.

Secunda est. Maiori existente particulari indefinita uel singulari in prima figura, nihil sequitur, id est inualidus est syllogismus, ratione supradicta, ut hic. Quoddam animal est homo. Omnis asinus est animal, ergo omnis asinus est homo. Constat præmissas esse ueras, & conclusionem falsam, ergo est inualidus syllogismus, eadem regula obseruanda est in secunda figura ut tibi declarabitur quo ad omnes modos. Dixi notanter quo ad primos quatuor modos concludentes directè quoniam istæ regulæ non sunt necessariæ in modis

indirecte. Nam in sapelmo, minor est negatiua, in friselmo
 rum maior est particularis. Quid autem sit directe, & indire
 cte concludere, dicemus in sequentibus.

Quātum ad tertium aduerte quod modi expressi ab Ari
 stotele in primo priorum & ut principales ac naturaliter cō
 cludentes sunt quatuor: scilicet.

Barbara. Quibus Boetius in lib. de syllogismo categori
 Cœlaren. co ex autoritate Theophrasti & Eudemi, & as
 Darii. sensu Porphyrii, addidit quinque modos con
 Ferio. cludentes indirecte, unde Boetius in prædicto
 suo libro inquit. Quatuor primos modos in analiticis suis:
 i. in lib. i. priorum posuit Arist. Cæteros uero quinque Theo
 phrastus, & Eudemus addiderūt, quibus Porphyrius uir gra
 uissime authoritatis uisus ē cōsensisse. Sūt autē isti quinque modi.
 Baralipton. Tu tamen aduerte quod Theophrastus, & Eu
 Cœlantes. demus, non fuerunt primi inuentores modo
 Debitis. rum omnium concludentium indirecte. Nam
 Sapelmo. Aristoteles in primo priorum, manifeste po
 Friselmo nit quartum, & quintum: scilicet sapelmo, &
 rum. friselmorum. Sic enim inquit. Cum autem p
 dicatiuus, & p̄uatiuus, & uniuersaliter sumptus priuatiuus,
 semp syllogismus fit minoris extremitatis. ad maiorem ut
 si a quidem omni. b uel alicui, b autem nulli c, conuersis p
 positionibus necesse est c alicui a non inesse. Similiter autem
 & in altis figuris. Semp enim p cōuersionem fit syllogismus
 & intendit Aristoteles quod quando una ppositio: scilicet
 maior est uniuersalis affirmatiua altera uero: id est minor
 uniuersalis negatiua, erit syllogismus concludens minorem
 extremitatem de maiore in prima figura, & hoc est indire
 cte concludere. Nam sicut directe concludere, est maiorem
 extremitatem p̄dicari de minore in cōclusionē, sic indirecte
 concludere est minorem extremitatem p̄dicari de maiori ī
 conclusionē. Hoc autem quod dixit Arist. fit in sapelmo. Sic
 enim arguit, omnis homo est animal, nullus asinus est hō,
 ergo quoddam animal non est asinus. Constat quod maior
 ē uis affirm. & mi. uniuersalis neg. & cōclusio p̄ticularis neg.

indirecta ergo Aristoteles posuit fapesimo. Item dicit quod quando una præmissarum: id est ma. est particularis affirm. & altera: id est mi. uniuersalis neg. erit syllogismus concludens minorem extremitatem de maiori in prima figura, ex consequenti concludet indirecte, & hoc fit in frisesomorum sic enim arguitur. Aligua uirtus est bona, nullum uitium est uirtus, ergo aliquod bonum non est uitium, ergo Aristoteles posuit frisesomorum, ex quinque ergo modis primæ figuræ concludentibus indirecte, duos habemus ab Aristotele, alios autem tres aduerte potuerunt Theophrastus & Eudemus quod innuit Boetius ubi supra. Sic enim iquit. Hoc quod nuper diximus in secundo priorum analyticorum libro, ab Aristotele monstratur. Quod soli Theophrastus, & Eudemus principium capientes, ad alios in prima figura syllogismos adijciendos animum adiecere. Licet ergo Aristoteles, oēs modos indirecte concludentes non expresserit uirtualiter tamen ab eo processerunt.

Descendentes igitur ad singulos modos aduerte prius, p uniuersali intelligentia omnium modorum primæ, & secundæ, & tertiæ figuræ, quod continentur his uersibus.

Barbara, Cœlarent, Darii, Ferio, Baralip-ton,
Cœlantes, Dabitis, Fapesimo, Frisesomorum,
Cæsare, Camestres, Festino, Baroco, Darapti,
Felapton, Disamis, Datifi, Brocardo, Ferison.

In omnibus his modis continetur aliqua ex his quatuor uocalibus a e i o. A signat uniuersalem affirm. e uniuersalem neg. i particularem affirm. o particularem neg.

Omnes isti modi continent tres syllabas, prima signat, p positionem maiorem, secunda minorem, tertia conclusio-nem, si quis autem modus continet quatuor syllabas ut Baralip-ton, uel quinque ut frisesomorum, tantum tres primæ deseruiunt, aliæ autem sunt pp complementum uersus.

Quatuor pmi primæ figuræ incipiunt ab his literis b c d f, & omnes sequentes tam primæ, quam secundæ tertiæ figuræ incipiant ab eisdem, & denotatur quod incipientes a b, reducuntur ad Barbara, & incipientes a c ad cœlarent, & incipiē

tes a d ad Darii, et incipientes ab f ad ferio.

In omnibus modis exceptis quatuor primis ponitur aliqua ex his quatuor literis. *f* p m c, *f* signat quod ille modus reducitur per conuersionem simplicem, *p* signat quod ille modus reducitur per conuersionem per accidens *m* signat quod ille modus debet reduci p transpositionem pmissarum, ut. *C* maior fiat minor & econuerso, *c* signat quod ille modus reducitur per impossibile. Vnde uersus.

Simpliciter uerti uult *f* p uero per acci.
M uult transponi, *c* per impossibile duci.

His prænотatis descendamus ad quatuor primos primæ figuræ per quos secundum Aristotelem in primo priorum sunt syllogismi perfecti, per omnes autem alios sequentes & secundæ & tertiæ figuræ sunt imperfecti. Non enim quatuor indigēt firmari, neq̃ reduci ad alios, omnes autem alii reducendi sunt ad quatuor primos ut firmentur per illos, sicut tibi declarabitur, quatuor ergo primi sunt perfecti, reliqui uero per quatuor primos perficiuntur.

Primus & perfectior est Barbara, eo quod in eo solo concluditur uniuersalis affirm. & facit magis scire ut tibi declarabitur in tracta. sequenti. Constat autem Barbara ex tribus a signantibus *ma.* & *mi.* & conclusionem uniuersales affirm. & sic arguitur.

Bar Omne animal est mortale,
ba Omnis homo est animal,
ra. Ergo omnis homo est mortalis.

Regulæ obseruandæ ut defendatur modus arguendi in Barbara ponentur in ultimo cap. huius tractatus.

Secundus modus primæ figuræ, p quē concludit vñs neg. est.

Cœ Nullum animal est lapis,
la Omnis homo est animal,
rent. Ergo nullus homo est lapis.

Regulæ defensionis modi arguendi in cœlarent ponentur in ultimo capite.

Tertius modus primæ figuræ, per quem concluditur particularis affirm. est.

Da Omnis homo est rationalis,
ri Sortes est homo,
i Ergo sortes est rationalis.

Regulæ defensionis modi arguendi in Darii ponetur in cap.
ultimo.

Quartus modus primæ figuræ, per quem concluditur par-
ticularis neg. est.

Fe Nullum bonum est malum,
ri Viuere est bonum,
o. Ergo uiuere non est malum.

Regulæ defensionis modo arguendi in ferio, ponentur in ca-
pit. ultimo.

Primus modus primæ figuræ concludens particu. affirma.
indirecte est.

Ba Omne animal est uiuens,
ra Omnis homo est animal,
lip. Ergo quoddam uiuens est homo.

Aduerte quod reducitur ad barbara p conuersionem cō-
clusionis p accidens, nam tertiæ syllabæ apponitur P. Sic au-
tem reducitur, omne animal est uiuens, omnis homo est ani-
mal, ergo omnis homo est uiuens. Nam uniuersalis affirma.
conuertitur in particularem affirm. p accidens ut docuimus
in trac. tertio agentes de speciebus conuersionis.

Sed aduerte quando dicitur quod Baralipton reducitur
ad barbara p conuersionem conclusionis per accidens, id
potest habere duplicem sensum, prius est quod conclusio
de Baralipton conuertat p accidens in uniuersalem affirm.,
& hic sensus est falsus: quoniam cum sit ppositio particu-
laris affirma. non conuertitur nisi p conuersionem simplicem
in particularem affirm. secundus est quod conclusio de Ba-
ralipton conuertat uniuersalem affirmati. p accidens, & hic
sensus est uerus: quoniam uniuersalis affirma. conuertitur p
accidens in pticu. affirm. ita quod vltis est conuersa & pticu-
laris est cōuertens, est ergo sensus quod Baralipton reducitur
ad barbara p conuersionem conclusionis actiuam p accis,
& non passiuam, quia & si non cōuertatur in vltim. affirm. cō-

uertit tamen vñem affir. per accidens, & hic est sensus Boetii in lib. suo de syllogismo categorico. Vbi positus quatuor primis modis primæ figuræ agens de quinto qui hic nominatur Baralipson inquit. Quintus modus ex duabus vñibus affirmationibus est, particularem colligens hoc modo. Si a fuerit in omni b & b fuerit in omni c posset æquidem concludi quod a esset in omni c. Sed quoniam ista vñis propositio ut dictum est particulariter: id est in particularem conuertitur, prætermisso eo quod a terminus de omni c termino prædicatur, conclusio esse dicitur quod c terminus de quoddam a termino prædicatur. Quod hoc exemplo monstrandum est. Si. n. sint propositiones sic, omne iustum bonum est, ois uirtus iustum est, posset et concludi quod ois uirtus bonum est. Sed quoniam ista propositio si bi particulariter conuertitur. i. conuertitur in particularem, fit ut quoddam bonum sit uirtus, & sic conclusio particularis syllogismi colligitur ex duabus vñibus affirmatiuis. Hæc Boetius, ex quibus constat quod particularis affirm. quæ est conclusio in Baralip. non est conuersa in vñem affir. ut reducatur ad Barbara, sed quoniam est conuertens vñem affir. Vnde potest conclusio diuisa affirm. quæ est conuersa, & tunc syllogismus est in Barbara, & potest concludi particul. affirm. quæ est conuertens uniuersalem affirm. & tunc argumentum est in Baralipson.

Sed primæ figuræ concludens indirecte vñem negatiuam est.

Cœ Nullum animal est lapis

lan Omnis homo est animal

tes Ergo nullus lapis est homo.

Reducitur ad cœlaræt. si conuertatur conclusio simpliciter:

id est in uniuersalē neg. sic, nullum animal est lapis, omnis homo est animal, ergo nullus homo est lapis.

Regula defensiva modi arguendi in cœlantes, ponetur in capite ultimo.

Tertius modus primæ figuræ concludens indirecte particul. affirm.

Da Omne animal est uiuens

bi Homo est animal

tis. Ergo quoddam uiuens est homo.

Reducitur ad darii conuersa conclusione simpliciter, id est in particularem affir. siue indiffinitam sic omne animal est uiuens homo est animal, ergo homo est uiuens.

Regula defensiuæ modi arguendi in dabitur, ponetur in cap. ultimo.

Quartus modus primæ figuræ concludens indirecte particularem negatiuam.

Fa Omne animal est substantia,

pes Nullus lapis est animal.

mo. Ergo quædam substantia non est lapis.

Reducitur ad ferio maiore conuersa per accidens, id est particularem affir. ut omne animal est substantia, quædam substantia est animal, & minore conuersa simpliciter, id est in uniuersalem neg. ut nullus lapis est animal, nullum animal est lapis & per transpositionem præmissarum sic conuersarum, ut. s. minor conuersa fiat maior, & maior conuersa fiat minor.

Tunc enim syllogismus erit in ferio sic arguendo. Nullum animal est lapis, quædam substantia est animal, ergo quædam substantia non est lapis.

Regula defensiuæ modi arguendi in capitulo ponetur in cap. ultimo.

Quintus modus primæ figuræ concludens indirecte particularem negatiuam.

Fris Quidam homo est animal.

el Nullus asinus est homo

mo. Ergo quoddam animal non est asinus.

Reducitur ad ferio, maiore conuersa simpliciter, id est in particularem affir. ut quidam homo est animal, quoddam animal est homo, & minore conuersa simpliciter, id est in uniuersalem neg. ut nullus asinus est homo, nullus homo est asinus, & per transpositionem præmissarum conuersarum, ut. s. minor conuersa fiat maior, & maior conuersa fiat minor, & tunc argumentum erit in ferio. Sic arguendo, nullus homo est asinus, quoddam animal est homo, ergo quoddam animal non est asinus. Hæc de modis primæ figuræ tam directe quam indirecte concludentibus dicta sint.

Caput tertium de secunda figura, & singulis eius modis.

IN tertio capi. agendum est de secunda figura, in qua tria agenda sunt, pmo q̃uo se habet secunda ad p̃mam, & ad tertiam, quoad perfectionem, secundo ponendæ sunt regulæ generales obseruandæ, ne fiat error in arguendo in secunda figura, tertio agendum est de singulis eius modis.

Quantum ad primum aduerte quod est media s̃m perfectionem inter p̃mam & tertiam, nam est imperfectior p̃ma quoad quatuor modos directe concludentes qm̃ in p̃ma cõcluditur ṽs affirm. in secunda autem non. Præterea medium in p̃ma ueræ mediat inter extrema positione & coniunctione, in secunda autem tantum coniunctione, qm̃ prædicatur in utraq; præmissarum. Præterea: modi secundæ reducuntur ad modos p̃mæ ut tibi manifestabitur tanquam imperfecti ad perfectos, & nō econuerso, ergo cõstat secunda esse imperfectiorem p̃ma, est autē perfectior tertia, qm̃ in secunda cõcluditur ṽs neg. & parti neg. in tertia autē solū particularis affirm. & neg. ergo facit minus scire q̃ secunda, p̃terea in secunda medium p̃dicatur in utraq; in tertia uero subiicit nobilius est autem p̃dicari, q̃ subiici, qm̃ p̃dicatum habet rōnē formæ, subiectum uero rationem materiæ. Constat ergo q̃ est media quoad perfectionem inter primam & tertiam.

Quantū ad secundū aduerte quod tres regulæ obseruandæ sunt, ne contingat error in arguendo in secunda figura. Prima est, in secūda figura, nunquam maior sit particularis: Secunda est, non sit utraque præmissa affirm. sed una affirm. & altera negatiua.

Tertia est, semper conclusio sit negatiua.

Ratio p̃mæ regulæ & secūdæ, & tertiæ est, quia cõtingeret præmissas esse ueras & cõclusionē falsam, ergo esset inutilis modus arguendi. Diximus enim supra, q̃ in uero & formali modo arguendi, ex ueris non cõcluditur nisi uerum. Quod autem maiori existente particulari, contingat ex ueris concludi falsum, patet hic.

Homo est albus,

Nullus ethiops est albus,

Ergo nullus ethiops est homo.

Cōstat me. esse ueram cum sit indefinita, & mi. esse ueram ad sensum & tanten conclusio est manifeste falsa.

Quod uero existente utraque præmissarum affirmatiua, cōtingat ex ueris concludi falsum, patet hic.

Omnis homo est animal

Omnis asinus est animal

Ergo omnis asinus est homo

Constat utranque præmissarum esse ueram, quoniam animal prædicatur essentialiter de omnibus speciebus suis, ut declaratum est in tractatu quarto, conclusionem autem esse falsam nemo dubitat.

Quod etiam si cōclusio fiat affirm. cōtingat ex ueris cōcludi falsum patet in argumēto pcedenti. Præterea, regula tertia sequitur ex necessitate a secunda, nā si est necesse in secunda figura alterā pmissarum esse negatiuam, oportet cōclusionē esse negatiuā, nō est. n. imaginabile alteram pmissarum esse neg. & cōclusionē fieri affirm. ut patet discurrenti. Constat igit prædictas tres regulas obseruandas esse in secunda figura.

Quantum ad tertium aduerte q̄ secunda figura cōtinet quatuor modos directe cōcludentes, ex qbus duo pmi cōcludunt vñem neg. & duo sequentes particularem negatiuā.

Primus est

Ca Nullum uitium est uirtus.

sa Omnis iustitia est uirtus

re. Ergo nulla iustitia est uitium.

Reducit ad cœlarent ma. conuersa simpliciter, id est in uniuersalem negatiuam sic nulla uirtus est uitium, oīs iustitia est uirtus, ergo nulla iustitia est uitium.

Regula defensiua modi arguendi in cœlare, ponet in ulti. ca. Secundus modus est.

Ca Omne animal est uiuens.

mes Nullus lapis est uiuens.

tres, Ergo nullus lapis est animal.

Reducitur ad cœlarent, conuertendo minorem simpliciter, est in vñem neg. & conclusionem simp. fr. id est in uniuers

saalem neg. & transponendo minorē & maiorē, & maiorē in minorem sic arguendo. Nullum uiuens est lapis, omne animal est uiuens, ergo nullum animal est lapis

Regula defensiua modi arguendi in cameres, ponitur ultimo capitulo.

Tertius modus est

Fe Nullus asinus est homo

sti Sortes est homo

no. Ergo sortes non est asinus.

Reducitur ad ferio maiore conuersa simpliciter, id est in uniuersalem negatiuam sic nullus homo est asinus, sortes est homo ergo sortes non est asinus.

Regula defensiua modi arguendi in festino, ponetur in cap. ultimo.

Quartus modus est.

Ba Omnis uirtus est laudabilis

ro Auaritia non est laudabilis

co. Ergo auaritia non est uirtus.

Reducit ad Barbara per impossibile, est autē reducere p impossibile sumere oppositū conclusionis & alteram pmissarum & inferre oppositū alterius pmissæ. Verbi gratia in argumento pposito conclusio est hæc. Auaritia nō est uirtus, sumat oppositū cōtradictorium. s. oīs auaritia est uirtus maior est hæc oīs uirtus est laudabilis minor est hæc, auaritia nō est laudabilis, oppositum cōtradictorium est hoc, oīs auaritia est laudabilis. Arguatur ergo sic, oīs uirtus est laudabilis, oīs auaritia est uirtus, ergo oīs auaritia est laudabilis, qd est oppositū minoris. Regula defensiua modi arguendi in Barocho, ponet in cap ultimo hæc de modis secundæ figuræ dicta sint.

Caput quartum de tertia figura, & singulis eius modis.

IN cap. quarto agendum est de tertia figura¹, quæ est imperfectior secunda: qm̄ per eam concluditur solum partu, affirm. & neg. & de singulis eius modis. De ea igitur duo agenda sunt, priō ponentur duæ regulæ generales obseruandæ, ne fiat in tertia figura syllogismus inutilis, secundo agendum est de singulis eius modis.

TRACTATVS SEXTVS

Quantum ad primum aduerte duas regulas obseruandas ne fiat error. Prima est quod minor non sit negatiua, aliter ex ueris concluderetur falsum ut hic, omnis homo est animal, nullus homo est asinus, ergo asinus non est animal. Cōstat præmissas esse ueras, & conclusionem falsam, ergo iste modus arguendi est inutilis in tertia figura.

Secunda est hæc, nunquā conclusio sit vñs, aliter ex ueris concluderetur falsum, ut hic, omnis homo est animal, omnis homo est substantia, ergo omnis substantia est animal. Constat præmissas esse ueras, & conclusionem falsam, ergo esse inutilis modus arguendi, necesse est ergo in tertia figura minorem esse affirmatiuā, & cōclusionem esse particularem siue affirmatiuam, siue negatiuam.

Quantum ad secundum aduerte quod primus modus tertiæ figuræ, dicitur.

Da Omnis homo est substantia,

ra Omnis homo est animal.

pri Ergo quoddam animal est substantia.

Reducitur ad darii minore conuersa per accidens: id est in particu. affir. ut hic omnis homo est substantia, quoddam animal est homo, ergo quoddam animal est substantia.

Regula defensiua modi arguendi in darapti, ponetur in. c. ul.

Secundus modus dicitur,

Ecc Nullum animal est mortuum,

Iip Omne animal est uiuum,

ton. Ergo uiuum non est mortuum.

Reducitur ad ferio minore conuersa per accidens, id est in parti. affir. ut hic. Nullum animal est mortuum. Quoddā uiuum est animal, ergo quoddam uiuum non est mortuum.

Regula defensiua modi arguendi in felapton, ponetur in capi. ultimo.

Tertius modus dicitur,

Di Quidam homo est iustus,

ti Omnis homo est animal,

mis. Ergo quoddam animal est iustum.

Reducitur a darii cōuersa maiore simpliciter: id est in partic.

affir. & cōuerſa conſuſione ſimpliciter. id eſt in partic. affir.
& tranſponendo præmiſſas ita quod minor fiat maior, & ma
ior conuerſa ſimpliciter fiat minor, & concludatur cōcluſio
conuerſa ſimpliciter ut hic, omnis homo eſt animal, quod
dam iuſtum eſt homo, ergo quoddam iuſtum eſt animal.
Regula deſenſiua modi arguendi in diſamiſ ponetur in ul
timo capi.

Quartus modus dicitur,

Da Omnis homo eſt ſubſtantia,

ei Quidam homo eſt animal,

ſi. Ergo quoddam animal eſt ſubſtantia.

Reducitur ad Darii, conuerſa minore ſimpliciter in. i. par
ticulari. affirmati. ut hic omnis homo eſt ſubſtātia, quoddam
animal eſt homo, ergo quoddam animal eſt ſubſtantia.

Regula deſenſiua modi arguendi in Datiſi, ponetur in ca
pi. ultimo.

Quintus modus dicitur,

Bro Quidam homo non eſt iuſtus,

car Omnis homo eſt rationalis,

do. Ergo quoddam rationale non eſt iuſtum.

Reducitur ad Barbara per impoſſibile. Sic autem reduce
tur. Summat̃ oppoſitum conſuſionis, quod eſt hoc, om
ne rationale eſt iuſtum. Sumatur minor ut ſtat. ſ. omnis ho
mo eſt rationalis, & concludatur oppoſitum maioris, quod
eſt hoc omnis homo eſt iuſtus, tunc patet quod argumētum
erit in Barbara, ſic ſyllogizando, omne rationale eſt iuſtum,
omnis homo eſt rationalis, ergo omnis homo eſt iuſtus.

Regula deſenſiua modi arguendi in Brocardo, ponetur in
cap. ultimo.

Sextus modus dicitur.

Fe Nullum uitium eſt uirtus,

riſ Quoddam uitium eſt peſſimum,

on. Ergo quoddam peſſimum non eſt uirtus.

Reducitur ad ferio conuerſa minore ſimpliciter, id eſt in
particulari. affirmati. ut patet hic, Nullum uitium eſt uirtus,
quoddam peſſimum eſt uitium, ergo quoddam peſſimum

non est uirtus.

Regula defensionis modi arguendi in ferison, ponetur in ea, ul. Hæc de tertia figura, & singulis eius modis dicta sint.

Cap. quintum de coniugationibus inutilibus ad mentem Aristotelis.

IN cap. quinto tangendum est summarie de combinationibus inutilibus de quibus pertractat Aristoteles in libro priorum satis diffusè. Tu igitur aduerte quod cōiugatio siue combinatio sumitur hic pro dispositione trium terminorum. scilicet maioris & minoris extremitatis & medij, & duarū præmissarum ad inferendam conclusionem. Talis igitur cōbinatio duplex est. scilicet utilis, & inutilis. Vtilis est quādo ex tribus terminis, & duabus præmissis ueris recte dispositis semper sequitur conclusio uera seruata eadem forma arguendi, ita quod impossibile est ex eadem arguendi forma stantibus præmissis ueris sequi conclusionem falsam. Quod si concludetur falsa aliqua præmissarum erit falsa, uel omnes ut sic arguendo in darii. Omnis homo est asinus. Sortes est homo ergo sortes est asinus. Cōbinatio quidē est utilis quō ad formam, sed peccat in materia, & ideo non est mirum si ex maiori falsa concluditur conclusio falsa & qm̄ in oībus modis trium figurarum ex ueris nunq̄ concluditur falsum, sed uerum ex ueris, & falsum ex falsis, seruatis regulis generalibus de quibus actum est supra, ideo sunt, cōbinationes utiles. Cōbinatio autem inutilis cognoscitur, quando consimili forma arguendi seruata ex præmissis ueris concluditur conclusio aliquando uera, aliquando falsa. Verbi gratia. Si in p̄ma figura sumatur minor negatiua, ex ueris concludetur uerum & falsum. Verum quidem si sumatur species & genus cum termino extraneo, idest qui est alterius generis, ut homo animal lapis & arguatur sic omnis homo est animal, nullus lapis est homo, ergo nullus lapis est animal falsum autē. Si sumatur duæ species cum genere, ut homo asinus, & animal, & arguatur sic, oīs homo est animal, nullus asinus est homo, ergo nullus asinus est animal. Præterea. Cognoscitur combinatio inutilis, ex eo quod in ea dantur termini in quibus om

ni & in quibus nulli. Dari terminos in quibus nulli: est dari tres terminos, ex quibus fiunt duæ præmissæ ueræ secundum aliquam combinationem cum quibus stat uniuersalis negatiua uera. V. G. si quis dicat quod arguere ex puris particulis, est combinatio utilis, sumat animal et hominem & asinum, & arguat sic. Quoddam animal est asinus, quidam homo est animal, ergo quidam homo est asinus. Certum est quod cum his duabus præmissis ueris stat uis negatiua uera. scilicet nullus homo est asinus, ex quo sequitur hanc combinationem esse manifeste inutilem: quoniam tu concedis per illam duo contradictoria esse simul uera, nam constat hanc esse ueram, nullus homo est asinus, & tu concedis hanc esse ueram quidam homo est asinus quoniam est conclusa ex duabus præmissis particularibus ueris, quam combinationem tenes esse utilem. Sed istæ sunt contradictoriae, nullus homo est asinus, quidam homo est asinus, ergo tu concedis duo contradictoria esse simul uera. Dari terminos in quibus omnis, est dari terminos ex quibus fiant duæ præmissæ ueræ secundum aliquam combinationem, cum quibus stat uis affirmatiua uera. V. G. si tu dicis, quod arguere in prima figura ex maiori particulari est combinatio utilis, sumas speciem ex genere suum & terminum extraneum a genere, puta hominem animal lapidem, & arguas sic. Lapis non est animal, nullus homo est lapis, ergo nullus homo est animal, certum est quod cum his duabus præmissis ueris, stat uis affirmatiua uera. scilicet omnis homo est animal, ex quo sequitur prædictam combinationem esse inutilem: quoniam tu concedis duas propositiones contrarias in materia naturali esse simul ueras. Constat. n. hanc esse ueram, omnis homo est animal, & tu concedis per prædictam combinationem, quam reputas esse utilem, hanc esse ueram nullus homo est animal, & istæ sunt duæ contrariæ in materia naturali, ergo &c. Ulterius concedis duas contradictorias esse simul ueras, nam ad istam nullus homo est animal sequitur quod aliquis homo non sit animal sed omnis homo est animal, & aliquis homo non est animal, contradicunt, ergo concedis contradictoria simul esse uera, quod cum sit impossibile, sequitur prædictam combinationem esse inutilem. Constat igitur tibi quid sit combinatio utilis & inutilis, & ex quibus deprehenditur. Hæc de quinto cap. dicta sint.

Cap. sextum de regulis defensionis syllogismorum.

IN sexto cap. ponendæ sunt regulæ defensionis modorum trium figurarum, quibus obseruatis non fiet error in aliquo prædictorum modorum, ita quod semper concludatur uerum ex ueris aut falsum ex falsis, & nunquam falsum ex ueris. Sed antequam descendamus ad modos speciales. Ponendæ sunt regulæ generales deseruientes omni figuræ & omni modo, sunt nouem.

Prima est, nunquam medium sit terminus æquiuocus, nec analogus analogia plurium rationum, & propterea hic syllogismus non ualet. Omnis canis latrat. Stella est canis, ergo stella latrat, neque iste ualet, omne sanum est animal, urina est sana, ergo urina est animal. Dixi analogus, analogia plurium rationum: quoniam si analogum dicat tantum unam rationem, sed inæqualiter participatam, quale est ens in uia thomistica, non impedit quin sit uerum medium, & uerus syllogismus, ut hic cuiuslibet enti debetur esse. Substantia est ens, ergo substantiæ debetur esse. Idem concluditur de accidente, necesse est, ergo medium esse uniuocum, uel analogum, analogia unius rationis inæqualiter participatæ.

Secunda est, quod neutra præmissarum sit hypothetica, sed utraq; categorica: quoniam modi, & figuræ de quibus locuti sumus, dantur ab Aristotele de syllogismo categorico & non hypothetico, syllogismus autem categoricus constare debet ex categoricis & non ex hypotheticis, & præea hic syllogismus non ualet in barbara, omne animal si est rudibile est asinus, omnis homo est animal si est rudibile, ergo ois homo est asinus. Non ualet quoniam præmissæ sunt hypotheticæ, & conclusio est categorica.

Tertia est, maior, & minor extremitas, teneantur impermixte in præmissis, ita quod maior extremitas, neq; secundum partem, neq; secundum totum replicetur in minori, & præea non sequitur in Barbara. Omne secundum immediate sequitur primum, omne tertium immediate sequitur secundum, ergo omne tertium immediate sequitur primum.

non ualet: quoniam maior extremitas quæ est hoc totum, immediate sequitur primum, replicatur secundum partem in minori, sed debet sic formari minor, omne tertium est secundum, & tunc argumentum ualet in Barbara, sed minor est falsa.

Quarta teneant termina in præmissis & in cōclusionē æque ample, & æque stricte, nam si in præmissis teneant ampliatiue, & in cōclusionē restrictiue, siue econuerso, nunquā argumentum ualet, & hoc tibi manifestabit infra in multis.

Quinta est non fiat argumentum ex quatuor terminis neq; expresse, neq; implicite, aliter argumentum non tenet ut tibi manifestabitur.

Sexta est, nunquam ponatur medium, neq; pars mediū in cōclusionē, unde nō sequitur in Baroco, omnis homo differt ab asino, Brunellus non differt ab asino cum sit asinus, ergo Brunellus non differt ab homine, non ualet: quoniam medium est hoc, differt ab asino, cuius pars ponitur in cōclusionē: scilicet differt, unde debet sic concludi, ergo Brunellus non est homo, quod est uerum.

Septima non fiat transitus a suppositione ad suppositionem sibi repugnantem. Repugnat autem materialis formali simplex personali. Determinata siue confusa tantum, distributiue, distributiua collectiue, Distributiua absoluta distributiue accommode.

Octaua est, syncategoremata recte disponantur in præmissis, & cōclusionē, & defectu huius regulæ, multi committuntur errores in modis arguendi, ut tibi manifestabit in sequentibus.

Nona est, concludatur conclusio, ut præcise sequitur ex præmissis, & non aliter defectu cuius multi tibi manifestantur errores in prædictis modis arguendi.

Positis regulis generalibus obseruandis, descendendum est ad modos particulares, in quibus committitur error, propter defectum alicuius regulæ ex prædictis.

In Barbara hoc argumentum non ualet, propter defectum secundæ regulæ. Omne rationale: uel irrationale est

TRACTATVS SEXTVS

homo. Hæc est uera: qm̃ cum sit disiunctiua, una pars est uera, & sufficit. omnis asinus est rōnalis uel irrōnalis, & hæc est uera eadem ratione: qm̃ una pars est uera, & tñ cōclusio est falsa: scilicet oninis homo est asinus.

Hoc argumentum non ualet: quoniam cum conclusio sit categorica debet concludi ex categoricis & non ex hypotheticis, constat autem ma & mi. esse hypotheticas disiunctiuas. Vnde deberet sic argui. Omne rationale est homo, omnis asinus est rationalis, ergo omnis asinus est homo, & tūc argumentum uere est in barbara, sed minor est falsa.

Item in barbara hoc argumentum non ualet ppter defectum quintæ regulæ quicunq; dicit sortem esse animal, dicit uerum. Quicunq; dicit sortem esse asinum, dicit sortem esse animal: quoniam asinus est animal, ergo quicunq; dicit sortem esse asinum dicit uerum.

Hoc argumentum non ualet, quoniam constat ex quatuor terminis uirtualiter, stat enim animal in ma. p animal rationali tantum, & in mi. pro animal irrationali tantum. Constat autem quod non est idem animal rationale & irrationale ex significato. Quod si sumatur animal in utroq; pmissarum pro eodem significato, constat minorem esse falsam, & ideo argumentum non ualet de forma, quod si de forma ualet minor est falsa.

In cœlarent hoc argumentum non ualet propter defectum tertiæ regulæ nullum animal dum dormit uigilat omnis homo est animal animal dum dormit ergo nullus homo uigilat: non ualet: quoniam replicatur pars maioris extremi tatis in minori propositione scilicet ly dum dormit. Sed sic formari debet minor. Omnis homo est animal, ergo nullus homo dum dormit uigilat.

In darii hoc argumentum non ualet ppter defectum septimæ regulæ, omne indiuiduum alicuius speciei est asinus. Nā demonstrata hæc sp̃e puta asinina. Omne indiuiduum illius sp̃ei asinina, est asinus. Sortes est indiuiduum alicuius sp̃ei, ut patet, ergo sortes est asinus. Nō sequit: qm̃ subsumit minor ac si ly alicuius sp̃ei staret distributiue in maiori, quod nō est

uerum

est uerum sed stat & supponit determinate aut discrete. Vnde arguitur a non distributo ad distributum. Si autem deberet ualere, oporteret sic arguere. Omne indiuiduum omnis speciei est asinus. Sortes est indiuiduum huius speciei puta humanæ, ergo sortes est asinus. Argumentum ualeat de forma sed maior est falsa.

Item in Darii, hoc argumentum non ualeat propter defectum eiusdem regulæ omnes apostoli sunt duodecim. Petrus & Paulus sunt apostoli, ergo Petrus & Paulus sunt duodecim. Non sequitur quoniam fit transitus a suppositione collectiua ad distributiuam, nam ly apostoli stat collectiue in maiori, & tunc subsumitur Petrus & Paulus ac si staret distributiue.

Item in Darii hoc argumentum non ualeat propter defectum octauæ regulæ, omne risibile est animal. Præcise homo est risibilis, ergo præcise homo est animal, non sequitur, quoniam ly præcise non debet poni in conclusione, est enim regula generalis, & non debet plus poni in conclusione cum maiori extremitate quam positum fuerit in propositione maiori cum prædicato illius, constat autem quod hoc sine categoria præcise non fuit positum in propositione maiori, ergo non debet poni in conclusione. Sed debet sic concludi, ergo homo est animal.

Inferio hoc argumentum non ualeat propter defectum tertie regulæ. Quatrinum non ualeat solidum. Ducatum ualeat quatrinum ergo ducatum non ualeat solidum, non sequitur, quoniam pars maioris extremitatis replicatur in minori propositione. S. ualeat. Sed debet formari sic minor. Ducatum est quatrinum, ergo &c. Tunc argumentum ualeat de forma, sed minor est falsa.

In baralipton hoc argumentum non ualeat propter defectum quintæ regulæ. Omne album est qualitas. Omnis nix est alba, ergo quædam qualitas est nix, non sequitur, quoniam in maiori stat album abstracte, i. pro albedine, iuxta sensum, quem dicit Aristoteles in prædicamento qualitatis, quod album puram qualitatem significat, aliter maior esset falsa. In minori autem si debet esse uera oportet quod stet concrete,

id est pro re siue substantia alba, secundum quod dicimus hominem album, niuem albam, & sic constat q̄ aut maior aut minor est falsa, aut argumentum est ex quatuor terminis implicite.

- In celantes hoc argumentum non ualet propter defectum quintæ regulæ. Pono casum quod nulla rosa sit in mūdo, puta in hieme, & arguitur sic, nullum spirans odorem est rosa, quia per casum rosa non est omnis flos est spirans odorem. Hæc est uera, posito quod non semper sentiat a nobis, ergo nulla rosa est flos. Non sequitur, quoniam argumentum est ex quatuor terminis, nam rosa in ma. stat pro rosa existente, in conclusionem autem stat pro rosa ut rosa, ita q̄ abstrahit ab existente & non existente, & quoniā hæc est in primo modo per se rosa est flos, sicut ista, homo est animal, ideo est sempiternæ ueritatis. Cum igitur non stet rosa pro eodem in ma. & in conuersione argumentum non ualet.

- In Dabitur non ualet hoc argumentum propter defectū septimæ regulæ. Omnis homo est indiuiduus siue singularis. aliqua species animalis est homo, quia animal, prædicatur de homine inquit, ergo aliqua species animalis est indiuidua siue singularis. Nō sequitur, quoniam fit transitus a suppositione personali ad suppositionem simplicem, nam homo in ma. supponit personaliter distributiue, in mi. autem supponit simpliciter, siue ut dicunt nominales materialiter. Hæc autem tibi manifesta erunt in trac. de suppositionibus.

- In sapelmo non uidetur ualidus modus arguendi, eo q̄ utraq; præmissarum est uniuersalis, & tamen conclusio est particularis, quod uidetur repugnare Aristoteli in lib. priorum. Vult enim Aristote. quod conclusio assimiliari debeat alicui præmissarum, hic autem nulli ex præmissis assimilatur cum sit particularis, & ambæ præmissæ sint uniuersales. Præterea in sapelmo minor est negatiua, quod est contra regulam generalem positam in prima figura, in qua dictum est, quod in prima figura minore existente negatiua nihil sequitur, ergo syllogismo in sapelmo est inutilis.

Respondetur. Quando dicit Aristotel. in primo priorū, quod oportet conclusionem assimilari alicui ex præmissis intendit quo ad qualitatem & non quo ad quantitatem, & intendit q̄ si aliqua conclusio sit negatiua oportet aliquam præmissarum esse negatiuam, & hoc uerificatur i fapesimo, nam quoniam conclusio est negatiua, altera præmissarum: id est mi. est negatiua, non autem intendit quo ad quantitatem, nani & in tertia figura, darapti constat ex duabus uersalibus, & tamen conclusio est particularis. Nec obstat etiam quod mi. sit negatiua, quoniam regula posita. s. quod in prima figura mi. existente negatiua nihil sequitur intelligitur de quatuor primis modis concludentibus directe. In fapesimo autem sicut & in frisesomorum concludimus indirecte ideo nihil obstat mi. esse negatiuam. Constat igitur quod syllogismus in fapesimo non est inualidus.

In frisesomorum non uidetur ualidus modus arguendi duplici de causa. Primo quoniam maior est particularis, qđ est contra regulam positam ut generalem in prima figura. Dictum est enim q̄ in prima figura ma. existente indefinita particulari uel singulari, nihil sequitur secūda quia nō regulatur per dici de omni uel dici de nullo, nā cum ma. sit particularis, non sit sub sumptio in mi. sub subiecto distributiōis. Constat. n. q̄ subiectum ma. non stat distributiue sed determinate, ergo syllogismus in frisesomorum non est ualidus.

Respondetur regula posita in prima figura quod maior non sit particula. intelligitur de quatuor modis primis directe concludentibus, frisesomorum autem concludit indirecte, ideo non obstat. Præterea, non obstat quod per se nō reguletur de omni uel de nullo, quoniam cum sit syllogismus imperfectus, & perficiatur per reductionem ad ferio, sufficit quod mediante reductione ad ferio reguletur, constat autem quod ferio habet maiorem uniuersalem nega. & sic constat q̄ frisesomorum licet non reguletur per seipsum per dici de omni uel de nullo, quoniam habet ma. particula rem, tamen regulatur per reductionem ad ferio, neq; enim dici de omni & dici de nullo sunt regulatiua oīum syllogis-

morum trium figurarum per se & immediate, sed quatuor primorum modorum primæ figuræ, aliorum autem per reductionem ad quatuor primos. Hinc est quod Aristoteles in primo priorum uocat syllogismos quatuor primorum modorum, syllogismos perfectos respectu aliorum quoniam quatuor non perficiuntur per alios, sed econuerso. Constat ergo non obstantibus prædictis syllogismum in frisesomorum esse ualidum. Hæc pro defensione nouem modorum primæ figuræ dicta sint.

Secundo loco defendendi sunt quatuor modi secundæ figuræ in quibus multi solent fieri parallogismi pp non obseruantiam prædictarum regularum.

In Casare hoc argumentum non ualet, pp defectum septimæ regulæ. Nullum dextrum est sinistrum, cuiuslibet hominis manus est sinistra ergo nullius hominis manus est dextra. Præmissæ quidem uidentur uere, De maiore patet, quoniam oppositum non prædicatur de opposito. De minori etiam patet, supposito quod homo habeat duas manus, unam dextram alteram sinistram. Et tamen conclusio est falsa, quoniam homo ut homo remoto impedimento habet manum unam dextram, alteram sinistram.

Hoc argumentum non ualet, quoniam fit transitus a suppositione determinata ad suppositionem distributiuam, nam manus in minore supponit determinate, in conclusione autem distributive & sic arguitur a non distributo ad distributum, & ideo argumentum est inualidum, nec est in Casare nisi apparenter.

In camestres hoc argumentum non ualet pp defectum quartæ regulæ omne mortuum siue corruptum est non ens nam corruptio est progressus ab esse ad non esse. Nullus homo est non ens ergo nullus homo est mortuus siue corruptus, non ualet, quoniam ly homo non tenetur æque ample & æque strikte in minori & in conclusione. Nam in minori stat p presentibus tantum, in conclusione autem ratione participii de præteritis stat p presentibus & præteritis ut tibi declarabitur in tractatu de ampliatione & appellatione.

In festino hoc argumentum non ualat pp defectum nonæ regulæ. Nullum animal præter hominem est rationale. Risibile est rationale ergo risibile non est animal. Non sequitur, quia in minori non debet subsumi risibile. Sed aliquod diuersum ab homine quoniam in maiori exceptuatus est homo, ex consequenti exceptuatur risibile. Debet ergo subsumi aliqd quod nō sit homo puta asinus, & sic formare mi. asinus est rationalis & tunc argumentum est bonum de forma, sed mi. est falsa.

Aduerte insuper quod argumentum non ualet, quoniā non tota maior extremitas ponitur in conclusione. Nam ly præter hominem, est pars maioris extremitatis, quæ tamē non ponitur in conclusione, ideo argumentum non est bonum de forma.

In Baroco hoc argumentum nō ualet propter defectum sextæ regulæ omnis asinus est aliud ab homine qm differt essentialiter ab eo sortes non est aliud ab homine, qm homo prædicatur inquit essentialiter de sorte, & de quolibet homine singulari, ergo sortes non est aliud ab asino, non sequitur qm pars medii. i. ly aliud ponitur in conclusione. Sed debet sic concludi, ergo sortes non est asinus: Hæc pro defendendis modis secundæ figuræ dicta sint.

Tertio loco defendendi sunt modi tertiæ figuræ qui sunt sex.

In Darapti hoc argumentum nō ualet pp defectum septimæ regulæ cuiuslibet hoīs alter est oculus dexter, cuiuslibet hoīs alter est oculus sinister, ergo oculus sinister est oculus dexter. Non sequitur quia arguitur a suppositione determinata ad distributiuam. Nam oculus nō distribuitur in maiori sed tantum ly hominis, & tamen subsumitur oculus in mi. ac si distribueretur in ma. Non debet ergo subsumi oculus sed aliud & formare sic argumentum. Cuiuslibet hominis alter est oculus dexter, quilibet homo est animal, ergo animalis alter est oculus dexter.

Eodem modo intelligendum est hoc, cuiuslibet contradictionis altera est pars uera, cuiuslibet contradictionis altera

est pars falsa, ergo pars falsa est pars uera, non debet sic formari mi, sed sic. Quælibet contradictio est oppositio, ergo oppositionis altera est pars uera.

Item non ualeat hoc argumentum ex defectu eiusdem regulæ in Darapti. Omnem hominem esse rationale est necesse, omnem hominem esse animal est necesse, ergo animal esse rationale est, necesse non sequitur, qm animal in mi. supponit simpliciter, in conclusione personaliter. Tu tamen potes totum concedere, & argumentum ualere de forma & de materia, & conclusionem esse ueram. Nam licet hæc uis sit falsa. Omne animal esse rationale est necesse nihil tamen prohibet particularem siue indefinitam esse ueram. Hæc autem conclusio in darapti est indefinita, animal esse rationale est necesse, & æquipollet huic particulari, aliquod animal puta hominem esse rationale est necesse.

In selapton non ualeat hoc argumentum p defectum septimæ regulæ nullus homo est genus. Omnis homo est aial ergo animal non est genus. Non sequitur quia fit transitus a suppositione personali ad suppositionem simplicem siue, ut dicunt nominales ad suppositionem materialem, nam aial in mi, supponit personaliter in conclusione simpliciter fm reales, & materialiter secundum nominales.

In disamis non ualeat hoc argumentum Propter defectum nonæ regulæ. Alicui homini inest sanitas, omni homini inest risibilitas, ergo risibilitas est sanitas, non bene concluditur. Sed debet sic concludi, ergo cui inest sanitas, ei inest risibilitas.

Eodem modo dicendum est ad hoc, ab aliquo homine uidetur asinus ab omni homine uidetur, luna ergo a luna uidetur asinus. Non bene concluditur, sed concludatur sic, ergo a quo uidetur luna ab eo uidetur asinus.

In Datifi hoc argumentum non ualeat, propter defectum decimæ regulæ. Omne animal est in mundo, aliquod aial est in domo, ergo domus est mundus, non ualeat, quia anteq concludatur debet sic resolui. ma. & mi. Omne animal est ens in mundo, aliquod animal est ens in domo & tunc sic bene

concludet, ergo ens in domo, est ens in mundo qm̄ domus est pars mundi, & pars continetur in toto.

In Brocardo hoc argumentum non ualet propter defectum quintæ regulæ. Sortes non est minor sorte, totus sortes est minor sorte, ergo minor sorte non est minor sorte, quod implicat contradictionem. Non sequitur qm̄ sortes nō tenetur in eodem significato in ma. & mi. nam in ma. tenetur pro ipso supposito sortis, & est uera, & in mi. tenetur p partibus integralibus sortis, quarum nulla sigillatim sumpta est æqualis forti, & hoc est tenere totum syncategorematicè, ut tibi declarabitur in trac. de probationibus terminorū, & ideo cum argumentum sit uirtualiter ex quatuor terminis, non ualet.

In ferison hoc argumentum non ualet propter defectum septimæ regulæ, nullum futurum est, aliquid futurum est homo, ergo homo non est, non sequitur quoniam in mi. stat homo pro homine futuro. i. generando, in conclusione autem stat pro hoīe præsentē. Et sic homo in mi. stat ampliatiue, in conclusione autem appellatiue. Hæc pro defensione aliquali omnium modorum primæ & secundæ & tertiæ figuræ dicta sint.

Tu tamen aduerte nouitæ, quod prædictas defensiones seruare non poteris, donec intellexeris trac. suppositionum & ampliationum & appellationum & probationum terminorum. Ideo pro nunc sustine. Cum autem prædictos trac. intellexeris, reuertere ad prædictas regulas defensiuas, & tunc absque dubio tibi manifeste erunt. Disceſque absque difficultate sustinere & defensare, tres figuras & singulos eorū modos syllogizandi. Et hic terminatur trac. de syllogismo formali categorico. Quod dico ut excipiam syllogismum hypotheticū, qui constituitur ex præmissis hypotheticis, de quo nunc non intendimus tractare, ne nouitii ingenium confundatur. Pro nunc sufficit habere noticiam de categorico cuius duo sunt modi scilicet Syllogismus categoricus de inesse, & Syllogismus categoricus modalis. Primus constat ex categoricis de inesse, secundus ex categoricis modalibus.

Categoricus de inesse est duplex. scilicet ostensiuus & ad impossibile. Ostensiuus est ille qui tantum unum continet discursum ex duabus præmissis unam conclusionem concludentem, si cut docuimus supra in singulis modis trium figurarum. Syllogismus ducens ad impossibile, est ille qui principaliter continet duos discursus, quorum primus a est præmissis ad conclusionem, secundus autem est a contradictorio conclusionis ad contradictorium alterius præmissæ, ut tibi manifestabimus in trac. de syllogismo demonstratiuo. Tunc enim ostendimus, quomodo fit demonstratio ducens ad impossibile & cætera.

Explicit tractatus sextus qui est de syllogismo formali categorico ostensiuo, ordinatus per Reuerendum magistrum Chrisostomum Laellum canapicium ordinis prædicatorum, & philosophiæ professorem.

INCIPIIT TRACTATVS DE SVPROPOSITIONIBUS ordinatus per Reuerendum Magistrum Chrisostomum Laellum Canapicium ordinis prædicatorum. Philosophiæ professorem.



Ost doctrinam de arte syllogizandi re solute a nobis ordinatam, superest ut tractemus de his, quæ cõiter apud Logicos parua logicalia dicuntur. Sicut enim in philosophia naturali, post ordinarios libros habemus parua naturalia ueluti parua opuscula, in quibus de sensu & sensato, de somno & uigilia de memoria & reminiscencia &c. pertractatur, in quibus cõpletur rerũ naturalium doctrina. Sic & in arte logices post ordinarios artis ueteris & nouæ libros composita sunt per summos dialecticos innitentes fundamentis & principiis peripateticis, quædam opuscula, quæ parua Logicalia nuncupantur, sine quibus pœne impossibile est assequi ueram & perfe

Etiam syllogizandi ac disputandi scientiam, est autem logica ars siue scientia argumentatiua atque disputatiua. De his igitur nunc agendum est, & primo de suppositionibus, & secundo loco de ampliationibus, & tertio loco de appellationibus. Nā sine horum noticia tractatus de syllogismo formali, remanet apud nouitium. Nō intellectus. Diximus enim in illo trac. cap. sexto quod non oportet fieri transitū a suppositione ad suppositionem sibi repugnantem, & quod termini teneantur in præmissis & in conclusione æque ample, & æque stricte.

Post hæc agemus de consequentiis, & ultimo loco de probationibus terminorum, siue quibus trac. de consequentiis ad plenum formari & intelligi non posset. Singuli horum tractatum, & si non habeantur expresse ab Aristotele, tamen doctrine peripateticæ consonant, ut tibi constabit postquam in Aristotele, disciplina tam in logicalibus quam in physici atq; metaphysicis eruditus fueris. Reliqua uero parua logicalia, quæ sophistæ inuenerant non sciendi gratia, sed aut decipiendi aut contundendi, utpote non ordinata ad aliarum scientiarum acquisitionem, post ponenda sunt, non enim intendimus nisi logicam peripateticam; ut regulam & artē omnium uere scientiarum directiuam.

In hoc igitur trac. acturi de suppositionibus ad mentem realium quos existimamus magis inharere menti ac doctrinæ Aristotelis diuidemus ipsum in nouem capita.

Primo, quid sit suppositio.

Secundo ponentur omnes diuisiones generales suppositionis.

Tertio tractabitur de suppositione materiali.

Quarto de formali naturali.

Quinto de accidentali simplici.

Sexto de accidentali personali.

Septimo de terminis habentibus uirtutem confundendi & distribuendi.

Octano De pluribus singulis.

Nono De suppositione relatiua.

TRACTATUS SEPTIMVS

Caput primum quid sit suppositio.

IN capitulo primo inuestigandum est quid sit suppositio. Verum quia hic terminus suppositio multipliciter sumitur in doctrina Aristote. ideo ut scias in quo sensu hic diffinienda est & de ea pertractandū aduerte quod quatuor modis potest sumi.

Primo dicitur suppositio propositio, quæ in aliqua scientia acceptatur ut manifeste uera, nec indiget in illa scientia demonstrari, sed est uelut principium suppositum ac firmatum in tali scientia, ut apud Geometram, hæc est suppositio. Omne totum est maius sua parte apud physicū hæc est suppositio. Motus est. Apud metaphysicū hæc est suppositio, ens est, euidetur esse. Apud logicū hæc est suppositio. Voces sunt signa conceptum, & de suppositione hoc modo dicta, iam actum est in tracta. de syllogismo demonstratiuo. Vbi de primis principiis actum est.

Secundo dicitur suppositio relatio inferioris ad superiorem, ut quæ est filii ad patrem, serui ad dominum. Nam sicut relatio superioris ad inferiorem dicitur superpositio, sic opposita dicitur suppositio, quoniam inferior ponitur sub superiori, & de hac locuti sumus in prædicamento ad aliquid, ubi assignauimus tres relationis species scilicet æquiperantiæ superpositionis, suppositionis.

Tertio dicitur suppositio positio termini sub termino in linea prædicamentali in quo sensu indiuiduum supponitur speciei, & species generi, & genus inferius generi superiori, & sic ascendendo usque ad generalissimum & de hac satis actum est in tractatu de prædicamentis, quoniam prædicamentum est ordinatio plurium prædicabilium secundum sub & supra.

Quarto dicitur suppositio positio termini pro alio id est pro aliquo suo significato, in quo sensu dicimus quod in hac oratione. Deus est bonus, ly deus ponitur pro suo significa-

ro ut sit sensus, id quod significatur per ly deus est bonum. Et in hoc quarto modo considerandum est hic de suppositione, & primo diffinienda est.

Quantum ad diffinitionem eius aduerte quod diuersimo de solet diffiniri, nam Petrus hispa. dicit quod suppositio est acceptio termini substantiui pro aliquo id est pro aliqua re significata per terminum, ex quo sequitur secundum ipsum quod termini non significatiui non supponunt, nec adiectiua ut adiectiua sunt. Sed id magis declarabitur infra. Petrus autem Mantuanus sic eam diffinit, suppositio est statio termini in oratione, & declarans re inquit. Terminus equaliter significat in oratione & extra oratione, sed non supponit nisi in oratione, quoniam a se nullus terminus habet ut supponat, sed a uerbo uel participio trahit suppositionem si a uerbo uel participio, ergo in propositione. Constat enim propositio ex nomine & uerbo. Paulus autem sic diffinit suppositio est acceptio termini in propositione pro aliquo uel pro aliquibus. Exemplum primi Petrus scribit exemplum secundi sortes & plato currunt formalis autem & completa diffinitio, quam intendo seruare & declarare sit hæc; suppositio est acceptio termini substantiui, uel substantiue tenti in propositione extremaliter se habentis, pro aliquo suo significato.

Primo ponitur acceptio loco generis, est enim in plus quam suppositio ut patet, nam acceptio potest sumi actiue & passiue, & neutraliter, actiue quidem dicit actum siue actionem accipientis, nam qui accipit acceptione accipit sicut qui calefacit, calefactione actiua calefacit, passiue autem dicit passionem, accepti, sicut calefactio passiuia dicit receptionem caloris in calefactio. Neutraliter autem non dicit acceptionem actu actiuam neq; passiuam, sed aptitudinalem sicut risibilitas, & hæc est proprietas termini substantiui scilicet quod sit aptus natus accipi propositione pro aliquo suo significato. Est ergo suppositio aptitudinalis sumptio passiuia termini substantiui &c.

Secundo dī termini substantiui ad dīam termini adiectiui

TRACTATUS SEPTIMVS

quoniam adiectiua proprie non supponunt sed copulant. nō quod ueniant plures terminos ad inuicem, hoc enim modo copulant conjunctiones, ut nota copulationis uel conditionalis uel rationalis, sed quia uniunt se substantiuis quibus adiacent & quæ determinant.

Tertio dī uel substantiue tenti, qm̄ licet adiectiuū ut adiectiuum non supponat, tamen ut includit substantiuum, uel ponitur loco substantiui supponit, tunc enim est uirtualiter substantiuum, ut hic iustus erit in memoria eterna. Pro cuius noticia aduerte quod adiectiuum quinq; modis pōt supponere. Primo qñ est relatiuum, qm̄ ponitur loco sui antecedentis, quod est substantiuum ut homo qui currit mouetur, ly qui supponit sicut ly homo qm̄ ponitur loco eius secundo qñ sumitur in neutro genere absq; suo substantiuo, tunc, n. substantiuatur, ut album currit. i. res albedinem habens currit. Tertio qñ est pronomen demonstratiuum, qm̄ indicat substantiuum, ut ille currit demonstrato sorte. quarto qñ est adiectiuum superlatiuum, quod proprie de uno inter multos uerificatur, ut fortissimus defendit Troiam, id est Hector inter Troianos. quinto quādo adiectiuum est participium, significant enim actum existentem in substantiuo, ut currens mouetur. i. homo qui currit, uel cui inest actus currendi mouetur. His igitur quinq; modis potest adiectiuū suppoere, qm̄ habet in se uim substantiui. Quotiens autem tenetur mere adiectiue & hoc est quando ponitur in propositione cum suo substantiuo, habet uim copulatiuam modo quo supra diximus, & non supponendi.

Quarto dicitur in propositione ad differentiam significationis, quoniam terminus substantiuus in propositione & extra p se sumptus significat, sed non supponit nisi in propositione. Pro cuius noticia aduerte quod significare præcedit supponere, & supponere præcedit uerificari. Nam significare est imponere terminum siue uocem ad aliquid certi representandum. Sicut quando imponitur ly homo ad significandum hominem apud latinos, & ly theos ad significandum deum apud græcos. Vnde facere significare spectat ad

primos auctores, qui rebus nomina imponunt. Constat autem quod auctor antequam propositionem formet, potest ordinare & statuere talem rem per talem terminum representandam & intelligendam, ergo significare est rem representare siue extra propositionem, siue in propositione. Supponere autem est accipere terminum iam impositum ad significandum, ut sit in propositione per aliquo suo significato uel supposito. Vnde sicut facere significare spectat ad primos auctores, sic facere supponere spectat ad formantes propositionem. Nam formans propositionem singularem intendit subiectum aliter supponere quam quando formet propositionem indefinitam ut tibi declarabitur infra. Verificari autem restringit supponere. V. G. in hac propositione, homo currit, ly homo supponit determinate, sub quo licet descendere disiunctiue, ut tibi declarabitur infra, & licet possit supponere per pluribus, quoniam non inconuenit quod plures currant. modo non omnes homines currant tamen sufficit quod verificetur pro uno. Nam dummodo sortes solus currat, hæc est vera: homo currit, ex quibus omnibus constat quod significare est in plus quam supponere, & supponere quam verificari. Supponere tamē & verificari est respectu propositionis tantum.

Disputant hic Thomistæ. Si est meus tho. terminum supponere intus & extra propositionem, uel tantum in propositione, aliqui tenent partem affirmatiuam. scilicet quod intus & extra, aliqui autem negatiuam. scilicet quod non nisi in propositione. Primi fundant se super dictum b. tho. in prima parte. q. 39. articulo. quarto, ubi inquit quod hoc nomen Deus habet ex modo significandi quod possit supponere pro persona: sicut & hoc nomen homo & in responsione ad tertium dicit quod homo per se supponit pro persona, Deus autem per se supponit pro natura. Si ergo homo per se & Deus per se supponunt sequitur quod terminus substantius per se sumptus extra propositionem supponit.

Qui autem tenent partem negatiuam dicunt intentionē b. tho. esse quod nec Deus nec homo nec aliud substantiuū, habet uim supponendi nisi in ordine ad propositionem,

TRACTATUS SEPTIMVS

quod constat in eodem loco in quo se fundat pcedens opinio. Nam postquam b. tho. dixerat, quod Deus supponit p se p natura, statim declarans huiusmodi suppositione format hanc ppositionem, ut cum dicit Deus creat. Declarans etiam quomodo supponit p psona, format ppositionem, ut cum dicitur, Deus generat Deus spirat, & quoniam hac opinio est uniuersalior, ideo intendo sequi eam. Nec obstat qd dicit b. tho. quod Deus p se supponit p natura & homo p se supponit p psona. Nam p ly per se non intendit quod per se sumptus extra ppositionem supponat, sed intendit quod ex se respectu cuiuscunque pdicati absoluti supponit p natura, ut Deus creat, Deus prouidet, Deus est bonus, Deus est sapiens &c. Nunquam autem supponit p psona, nisi determinet p pdicatum relatiuum, ut Deus generat, Deus est pater Deus est filius, ergo Deus non ex se, sed respectu talis prdicati supponit pro persona.

Quinto dicit extremaliter se habentis ad dfiam uerbi, qd non supponit sed est extremorum supponentium, id est subiecti & pdicati unitiuum. Vnde dicit copula, quoniam copulat pdicatum cum subiecto. Sed aduerte quod hoc intelligit tantum de uerbo sum es est, quoniam est irresolubile in pus uerbum, ideo ipsum solum est pmo & p se copula. Reliqua autem quæ dicuntur uerba adiectiua, ut scribo pugno curro, quoniam resoluuntur in sum es est & in participium suum, ideo licet non superponant rationem sum es est, qm ut sic sunt copula, & non extremum, tamen ratione participii supponunt, quoniam participium est prdicatum, ut patet hanc resoluendo, homo currit, homo est currens.

Sexto dicitur pro aliquo suo significato, ad differentiam termini non significatiui, & syncategorematis quod formaliter sumptum nihil per se significat, ut signa uniuersalia & particularia & dictio exclusiua & exceptiua & cætera. Verbi gratia si dico, aliquis homo currit, omnis homo currit, tantum homo currit ly aliquis non supponit, nec ly omnis nec ly, tantum, sed tantum qualificat suppositionem. Nam aliquis trahet subiectum ad suppositionem

determinatam, omnis ad distributiuam, tantum ad conclusam.

Hæc pro declaratione diffinitionis datæ de suppositione dicta sint.

Caput secundum de generalibus diuisionibus
suppositionis.

IN secundo capite antequam deueniamus ad specificam considerationem de speciebus suppositionis, assignandæ sunt generales eius diuisiones, tu igitur has diuisiones aduerte.

Prima, suppositionum, alia absoluta, alia relatiua. Absoluta est quæ fit de terminis absolutis sumptis in propositione, ut omnis homo est animal, nullus homo est lapis &cær. Relatiua est quæ fit per terminos relatiuos grammaticaliter sumptos, ut qui talis qualis, alius alter, ut homo qui legit disputat. Dixi grammaticaliter sumptos, ut excipiam relatiuum logicum de quo actum est in prædicamento ad aliquid, cuiusmodi sunt pater filius, dominus seruus, æqualis similis &c. Nam huiusmodi termini ita supponunt sicut absoluti. Vnde sicut in ista. Omnis homo est animal, ly homo stat distributiue, sic & in ista omnis dominus est superior seruo. De absoluta igitur acturi sumus in præsentī, de relatiua autem in fine trac.

Secunda suppositio absoluta duplex est scilicet propria & impropria. Propria est, quando terminus supponit pro suo proprio & ordinario significato, ut hæc est propria, homo est rationalis, quoniam id quod est homo est rationale. Impropria autem est, quando terminus supponit non pro suo proprio & per se significato, sed sibi accommodato secundum communem usum loquendo. Verbi gratia Apostolus significat indifferenter Apostolos, & poeta indifferenter poetas, & tamen accommodatur soli Paulo, & poeta soli Virgilio, sicut Philosophus soli Aristoteli. Vnde in hac propositione, Apostolus prædicat,

TRACTATUS SEPTIMVS

apostolus secundum suppositionem propriam supponit determinate, secundum autem in propriam supponit discrete, quoniam intelligit Paulus. Quandoquid ergo terminus sumit in propositione per alio quam per suo proprio significato, erit suppositio in propria, ut in hac propositione monasterium regitur bono capite, caput quidem sumitur, proprie per principali parte animalis in qua uigent sensus: hic autem sumitur pro plato, ideo supponit in propria. Idem intellige quando sumit pars pro toto, uel totum pro parte, & quando sumitur continens pro contento. In omnibus his seruatur suppositio in propria, quæ quoniam parum deseruit tractatui de syllogismis, & acquisitioni scientiarum realium, sed est magis de consideratione grammatici & rhetoris & poetæ, ideo circa eam non immorabimur.

Hac igitur relicta reuertentes ad absolutam propriam diuidimus eam prima diuisione in materialem & formalem cuius diuisionis ratio est. Quia cum suppositio sit acceptio termini substantiui in propositione extra materialiter se habetis pro aliquo suo significato, quotuplex est significatum termini supponentis, cotuplex erit suppositio, significatum autem, termini est tantum duplex scilicet materiale & formale ergo suppositio absoluta propria prima diuisione est tantum duplex scilicet materialis & formalis, est autem significatum formale termini illud ad quod significandum principaliter fuit impositum, & de quo uerificatur sine signo materialitatis, ut significatum formale hominis est animal rationale, & lapidis est corpus durum offendens, & uerificatur per seipsum non appposito signo materialitatis, sunt autem hæc signa materialitatis, ly, hæc dictio, hoc nomen, hic terminus, nam hæc est uera, homo est animal rationale lapis est corpus durum. Quod si apponeretur signum materialitatis, essent false. Constat enim quod hæc est falsa, iste terminus homo est animal rationale, & hæc, hic terminus lapis est corpus durum. Significatum autem materiale termini est ipsemet terminus, & dicitur significatum naturale, quoniam unumquodque prius est naturaliter significat ac
representat

repræsentat seipsum, quam aliquid extra se. Signum autem quando supponit terminus pro seipso aut sibi consimili est hoc quod non uerificatur nisi appposito signo materialitatis, ut ly homo est nomen, ly homo est bisyllabam, ly homo est declinabile. Si aut sumat sine signo materialitatis, oēs sunt falsæ, ut homo est nomen. Nā hō ex uisui significati formalis est aīal rōnale, & nō ut sic est nomen, sed substātia corporea &c. Cōstat ergo ratio ppter quā suppositio absoluta p̄pria diuiditur prima diuisione in materialem & formalem.

Suppositio autem formalis secundum terminatas coincidit conuertibiliter cum personali, ita quod omnis formalis est personalis & econuerso, ex consequenti terministe non diuidunt ulterius formalem nisi in suppositionem discretā & communem, communem autem in determinatam & cōfinsam ut tibi infra declarabitur. Verum apud reales nō coincidit cum personali, sed est magis communis, & antequā deueniant ad personalem diuidunt suppositionem formalem in naturalem & accidentalem. Est autem huius diuisionis ratio, quia cum diffinitio suppositionis formalis sit acceptio &c. pro suo formali significato, uel accipitur terminus in p̄positione respectu prædicati per se, quod conuenit subiecto essentialiter uel consequitur subiecti essentiam, & sic in omni propositione per se tam primo quam secundo modo datur suppositio naturalis siue essentialis: ut hic. Homo est animal. Homo est rationalis. Homo est risibilis, uel accipitur terminus in propositione respectu prædicati sibi conuenientis accidentaliter ut homo est albus, homo currit. Et hanc diuisionem: scilicet in naturalem & accidentalem, ponit b. tho. in tertio sent. di. prima, q. secunda art. quarto.

Suppositio autem accidentalis apud reales diuiditur in personalem & simplicem, cuius diuisionis ratio est hæc. Suppositio accidentalis, est respectu prædicati conuenientis subiecto accidentaliter, uel ergo conuenit subiecto ut habet esse extra animam in suppositis, & sic est personalis, quia uerificatur prædicatum pro supposito uel suppositis, ut aliquis homo currit, ergo iste uel iste currit, uel conuenit su-

TRACTATVS SEPTIMVS

subiecto non in quantum habet esse in supposito, sed ut habet esse in anima puta in quantum intellectus intelligit naturam communem ut prædicabilem de multis, & non: ut habet esse in hoc uel illo supposito: ut quando dicit quod homo est species, animal est genus, substantia est genus generalissimum. Rationale est differentia. Risibile est proprium. Album est accedens. Primo modo dicitur suppositio personalis, quia stat prædicatum pro supposito, secundo modo dicitur simplex quia stat prædicatum pro natura simplici & & in se considerata, & prout intellectus attribuit sibi intentionem uniuersalitatis puta speciei aut generis.

Et aduerte quod terministæ reponunt suppositionem simplicem sub materiali. Vnde apud eos sicut in ista. *Ly homo est nomen*, *ly homo* supponit materialiter, sic & in ista, *homo est species*, *animal est genus*, quorum fundamentum est quod non existimant uniuersalia ut genus & species esse naturas reales ut stant sub secundis intentionibus, sed esse terminos uniuocos prædicabiles de pluribus &c. In hac ergo propositione, *homo est species* secundum eos *homo* non supponit pro natura communi sed pro termino. Talis autem suppositio est materialis, & ideo quam dicunt reales simplicem, dicunt ipsi materialem. Verum quia magis est consonum uiz peripateticæ uniuersalia esse naturas quàm terminos, non quidem extra singularia: ut Aristoteles in tota doctrina sua imponit Platoni & præcipue in septimo libro metaphysicæ, ideo realium quo ad suppositionem simplicem, sententiam sequi debemus. Hæc de primis & generalibus diuisionibus suppositionis, nunc accedendum est ad cuiuscunque membri considerationem, incipiemus igitur a materiali absoluta propria.

Caput tertium, de absoluta & propria
suppositione materiali.

IN tertio capite iuxta ordinem diuisionum quæ supra di-
sposte & ordinate sunt, agendum est de suppositione
materiali, de qua tria uidenda sunt, primo quid sit se-

Et tunc quomodo & in quæ diuiditur, tertio assignande sunt generales regulæ quibus cognosces quando termini supponunt materialiter & quando non.

Quantum ad primum aduerte quod sic diffinitur. Suppositio materialis est acceptio termini substantiui in propositione extremaliter se habentis pro suo materiali significato. Tota hæc diffinitio quo ad singulas particulas, manifesta est in diffinitione suppositionis ut suppositio est. Ultima particula: scilicet pro materiali significato ponitur ut distingatur a formali suppositione. Est autem materiale significatum termini, quando sumitur solum pro seipso & sibi consimili, & non pro eo ad quod significandum principaliter est impositum ut docuimus supra: ut quando dicitur homo est nomen animal est trisyllabum, constat q̄ ly homo & ly animal sumuntur ut sunt termini & non pro re ad quam significandam sunt imposita. Hæc enim est falsa. Hic terminus homo est res quæ est homo, neque enim res quæ est homo, est nomen sed substantia rationalis. Idem intellige de animali.

Quantum ad secundum aduerte q̄ terministe diuidunt suppositionem materialem in discretam & communem. Communem in determinatam & confusam. Confusam in confusam tantum & confusam distributiuam. Confusam tantum inconfusam tantum mobilem, & confusam tantum immobilem. Confusam distributiuam inconfusam distributiuam mobilem, & confusam distributiuam immobilem, quas diuisiones & singularum partium diffinitiones & exempla uide tu in Paulo Veneto, quia nolo esse hic merus recitator, & singula eius exempla recipies exceptis his, homo est species animal est genus &c. Nam quando prædicatum est aliquod quinq; uniuersalium, subiectum apud reales supponit simpliciter & non materialiter. Nos autem intendimus sequi uiam realium.

Reales aut̄ nō multiplicāt tot diuisiones de suppone materiali, sed existimāt sufficere adiscēti, si diuidāt eā in discretā & cōm̄ & illic sistere. Aduertūt .n. quod suppo materialis

TRACTATUS SEPTIMVS

magis deseruit grammatico qui uersatur circa nomina quæ ad articulos & declinationes & compositiones & deriuationes, & circa huiusmodi uersatur suppositio materialis. Cum igitur in logica, & in aliis scientiis acquirendis per logicam sequendo uiam peripateticam & non sophisticam, suppositio materialis non sit multum necessaria, sufficit ut ad mētē reallum ut diuidamus eam in discretam & cōem.

Materialis discretā est acceptio termini substantiui materialiter supponentis, cum pronomine demonstratiuo. Nam pronomina demonstratiua primitiua speciei faciunt propositionem singularem cuius subiectum tantum uni conuenit, ut docuimus in trac. secundo agentis de quantitate propositionum. In omni autem propositione singulari sicut subiectum est terminus discretus uel æquipollet termino discreto, sic supponit discrete. Vt hæc est materialis discreta.

Iste terminus homo, quem nunc scribo est nomen, est bisyllabum est declinationis tertiæ, est numeri singularis, est generis communis.

Materialis communis est acceptio termini substantiui materialiter supponentis sine pronomine demonstratiuo. Nam talis terminus non limitatus per pronomine demonstratiuum, est terminus communis ut ibi, homo est nomen. Iste terminus homo ideo est communis, quia conuenit huic termino homo hic scripto, & huic termino homo ore nunc prolato. Idem intellige de qualibet nomine proprio: ut de sorte & Petro &c. Nam licet quo ad significatum formale, sint termini singulares, quia tantum uni conueniunt quod est indiuiduum signatum, tamen quo ad significatū materiale sunt termini communes, possunt enim cōuenire termino in scripto & in ore & in mente. Vnde in hac propositione. Petrus est nomen, subiectum supponit suppositione materiali communi, potest enim uerificari de hoc termino Petrus in uoce in scripto in mente &c. Vnde utraque istarum est uera. Petrus est nomen. Petrus non est nomen. Sensus secundæ est. Res quæ est Petrus, non est nomen, quia est substantia. Sensus primæ est hic terminus Petrus est nomen quia de-

clinatur per genus & casum. Reliquas igitur diuisiones suppositionis materialis: utpote non multum necessarias, nec usitatas in scientiis realibus, relinquamus terministis.

Quantum ad tertium aduerte tres regulas generales quibus cognoscitur suppositio materialis.

Prima est. Omnis terminus habens solum unum significatum: scilicet formale, nunquam supponit materialiter sed formaliter, probatur, quia non potest supponere nisi pro significato quod habet, sed habet tantum formale, ergo nunquam supponit materialiter, tales termini sunt termini transcendentes ut ens unum aliquid res qui ideo non habent nisi si significatum formale, quoniam quocunque modo sumantur siue cum signo siue signo materialitatis de omnibus & de seipsis verificantur. Nam sicut ista est vera, ens est ens ita & ista, ly ens. id est hic terminus ens est ens & est aliquid & est res, & est quid unum, ens enim & unum conuertuntur; ut tibi in philosophia prima manifestabitur.

Secunda est. Omnis terminus habens utrunque significatum, si apponitur ei signum materialitatis trahitur ad suppositionem materiale, ut ly homo est nomen. Si autem non apponitur ei signum materialitatis trahitur ad suppositionem formalem, & tunc aliquando propositio est vera, ut hō est aīal, aliquando falsa, ut homo est nōmen quoniā homo sine signo materialitatis supponit pro significato formali, de homine autem sumpto formaliter falsum est dicere quod sit nomen quoniam ut sic est substantia rōnalis.

Tertia est, signum particulare & uniuersale affirmatiuum & negatiuum. Si est eiusdem generis cum termino substantiuo cui additur, trahit terminum ad suppositionem personalem, ut aliquis homo currit. Si autem sumantur in neutro genere trahunt terminum ad suppositionem materiale: ut aliquod homo est nomen: id est aliquis ter. & ratio huius regulæ est, quia termini ut supponunt materialiter sunt neutri generis & indeclinabiles, ut distinguantur quando supponunt formaliter. Tunc enim sumuntur in suo proprio genere siue masculino, siue foeminino &c. & sunt declinabiles;

TRACTATVS SEPTIMVS

ut omnis homo est bipes, aliqua auis est nigra, aliquod lignum est durum. Quoniam igitur quando supponunt materialiter sunt neutri generis & indeclinabiles, ideo conuenienter apponitur eis in neutro genere signum uniuersale uel particulare. Ex quibus sequitur, quod hæc est uera, omnis homo est nomen, hæc autem est falsa, omnis homo est nomen.

Tres istæ regulæ sufficiant tibi, pro notitia termini quando supponit materialiter & quando non. Si alias uis, quærere tu in terministis, has reputo sufficere, prout contingit uti suppositione materiali in acquisitione scientiarum.

Caput quartum de suppositione formali naturali.

IN cap. quarto agendum est de suppositione formali naturali, de qua tria uidenda sunt, primo quid sit, secundo quomodo diuiditur apud reales, tertio assignabuntur regulæ generales de illa.

Quantum ad primum aduerte quod sic diffinitur. Suppositio formalis naturalis est acceptio termini &c. respectu prædicati essentialis uel consequentis essentiam subiecti, pro cuius notitia aduerte quod suppositio formalis naturalis, est acceptio termini substantiui in suppositione extremaliter se habentis pro suo significato formali, respectu prædicati essentialis uel consequentis essentiam subiecti. Dicitur autem prædicatum essentialiale dupliciter primo quia prædicatur in quid essentialiter de subiecto: ut animal de homine, homo de sorte, secundo in quale essentialiter: ut rationale de homine, sensitivum de animali. Dicitur uero prædicatum consequens essentiam subiecti, quod licet non sit de essentia, fuit tamen a principiis essentialibus: id est uel a forma ut homo est risibile, sequitur enim risibile, animam intellectiuam, uel a materia: ut homo est corruptibilis, procedit enim corruptibile a compositione contrariorum qualia sunt elementa ex quibus homo componitur. In utroque sensu est suppositio formalis naturalis. Et pro regula generali accipe quod in omni propositione facta in materia naturali est suppositio formalis naturalis, quia naturaliter prædicatum uerificatur de subiecto, & non accidentaliter. Et ad-

uerte q̄ in trac. de syllo demōstratiuo, p̄dicatum naturale est p̄dicatum per se in primo & secundo modo per se.

Quantum ad secundum aduerte q̄ terministæ non diuidunt suppositionem formalem naturalem, quoniam eam non ponunt distinctam a personali, ideo non aliter diuidit apud eos quam suppositio p̄sonalis, de cuius diuisionibus dicemus infra. Ratio autem p̄pter quam non ponunt eam distinctam a personali est quia non concedunt p̄dicatum reale siue sit essentialē siue accidentale, uerificari de subiecto, nisi subiectum existat in rerum natura, ideo sicut ista est personalis aliquis hōmo currit, sic ista aliquis hōmo est animal, & sicut descendere sub illa licet disiunctiue, sic sub ista, & sicut illa est falsa, nullo homine existente, sic & ista, apud reales autem in p̄dicatis essentialibus non requirit̄ existentia subiecti, quoniam p̄positio per se est sempiternæ ueritatis, ut tibi declarabitur in prima philosophia. In p̄dicatis autem accidentalibus, requirit̄ existentia subiecti, quoniam non uerificatur de subiecto nisi subiectum existat, & ideo distinguūt reales inter formalem naturalem & formalem accidentalem, quæ est respectu p̄dicati accidentalis. Tu tamen aduerte q̄ aliter datur suppositio accidentalis respectu p̄dicati accidentalis conuenientis subiecto ut habet esse extra aīam, & ut habet esse in anima. ut tibi manifestabitur infra.

Cum igitur reales teneant suppositionem naturalem distinctam a personali alio & alio modo distinguunt eas & diuidunt in sua inferiora.

Naturalem igitur sic diuidūt. Suppositionis naturalis alia discreta, alia cōmunis. Discreta est acceptio termini, discreti uel sibi æquualētis respectu p̄dicati essentialis: ut sortes est hō, est aīal, est corpus, est substantia est ens, uel æquualentis: ut hic hō est rōnalis. Sophronie filius primogenitus est disciplinabilis. Cōis alia indefinita alia determinata. Indefinita est acceptio termini cōis respectu p̄dicati essentialis siue aliquo signo: ut hōmo est animal, lapis est inanimatus. Determinata est acceptio termini communis respectu p̄dicati essentialis cum aliquo signo, ut quidā hō est aīal, & diui-

TRACTATUS SEPTIMVS

ditur in particularem & confusam. Particularis est acceptio termini communis respectu pdicati essentialis cū signo particulari: ut aliquis homo est risibilis siue rationalis. Confusa diuidit in confusam tantum & confusam distributiuam siue uniuersalem. Confusa est acceptio termini cōis respectu pdicati essentialis, cum aliquo syncategoremate habēte uim confundendi: ut si homo est animal, est sensituius, tantū homo est rationalis. Distributiuā siue uniuersalis est acceptio termini communis respectu pdicati essentialis cū signo uniuersali ut omnis homo est animal. Omne animal est uiuēs. Sed dices. Quare in suppositione naturali non fit mentio de descensu sub termino comuni ad sua inferiora siue supposita, disiunctiue uel disiunctim uel copulatiue, sicut fiet descensus in suppositione personali: ut declarabitur. Respōdetur. Ideo non fit descensus, quia apud reales ad ueritatem ppositionis per se non requirit consistentia suppositorum. Vnde nullo homine existente, hæc est uera & semper, homo est animal, animal est substantia. Ideo autem fiet descensus in personali quoniam psonalis pprie apud reales est respectu pdicati accidentalis quod in est naturæ communi ut habet esse in suppositis. Hæc enim non est uera. Homo est albus, nisi quia hic uel hic est albus. Constat igitur quid sit. Suppositio formalis naturalis & quomodo diuidatur.

Quantum ad tertium aduerte quatuor regulas deseruiētes suppositioni formali naturali.

Prima est. In omni ppositione in qua pdicatum pdicatur per se de subiecto in primo modo uel secundo uel quarto, semper subiectū supponit naturaliter. Qui sint & quot modi per se, iam diximus in trac. de syllogismo demonstrat. uo. Exemplum primi, homo est animal rationale, exemplum secundi, homo est risibilis. Exemplum quarti, paries albet albedine. Aduerte q̄ non fit mentio de tertio modo per se, quia non est modus pdicandi sed modus essendi siue existendi. Vnde cum dicitur sortes est per se in domo, sic intelligitur. Sortes est solus in domo, ita q̄ ly per se dicit priuationem cōsortiū. Et hæc ppositio, sortes est per se. 1. solus

in domo, non signat subiectum supponere naturaliter, sed
personaliter qm̄ ly solus est p̄tum accidentale & separabile a
subiecto ut patet. Ratio autem huius regulæ, est qm̄ p̄dica-
tum per se aut est de essentia subiecti aut consequitur eius es-
sentiam, nam in primo modo est de essentia, in secundo &
quarto consequitur essentiam, ut tibi declaratum est tract.
de syllogismo demonstratiuo.

Secunda regula est. Omnis p̄positio cuius subiecti sup-
ponit naturaliter est semp̄ & uniuersaliter uera, etiam sub-
iecto non apponai signum uniuersale ut hic Homo est ani-
mal, quidam homo est animal, nam omnis talis p̄positio est
in materia naturali, in qua p̄dicatum conuenit omni & sem-
per contento sub subiecto. Vnde licet prioristice. Hæc nō sic
p̄positio uniuersalis sed indefinita homo est animal, est tñ
uniuersalis posterioristice loquendo. Non sic autem contin-
git in suppositione personali, qm̄ p̄positiones in quibus sub-
iectum supponit personaliter: ut in pluribus formant in ma-
teria contingenti, & ideo nec pro omnibus nec temper ueri-
ficatur p̄dicatum de subiecto. Vnde prioristice & posteriori-
stice hæc est indefinita. Homo est albus.

Tertia regula est. In suppositione naturali, non ualet cō-
sequentia a propositione de tertio adiacente ad eam quæ est
de secundo, ut non ualet, homo est animal, ergo homo est,
& ratio huius regulæ est quia in p̄positionibus per se p̄dica-
tum spectat ad essentiam & non ad existentiam, essentia au-
tem abstrahit ab existentia & non existentia, ut tibi in pri-
ma philosophia declarabitur. Præterea ly est in tertio adia-
cente in propositionibus per se dicit habitudinem & conue-
nientiam naturalem prædicati cum subiecto. Et ideo siue
subiectum existat siue non, semper p̄dicatum per se est aptū
uerificati de subiecto, sed ly est in secundo adiacente dicit
existentiam, & ideo nisi subiectum puta homo existat, hæc
est falsa, homo est, & in hoc discordant terministe & reales,
nam ut declarabitur tibi in tract. de consequentiis termi-
niste uolunt quod a tertio adiacente ad secundum affirma-
tiue siue in prædicatis per se, siue in prædicatis accidenta-

TRACTATUS SEPTIMVS

libus ualeat consequentia dummodo prædicatum non sit terminus distrahens neque diminutus, sed pro nunc sustine, donec erudiaris in consequentiis.

Quarta regula est pendens a tertia. In quacunque propositione subiectum supponit naturaliter, ad eius ueritatem non requiritur quod extrema existant in rerum natura, nam hæc semper fuit & erit uera, homo est animal rationale etiam posito quod nec homo nec animal existerent. Et ratio huius regulæ est apud reales, quia ad ueritatem affirmatiue per se, sufficit habitudo & unio prædicati cum subiecto immutabiliter, sed siue extrema existant siue non, hæc habitudo & unio inmutabiliter seruatur ita quod oppositum & repugnat, ergo regula est uera, & peripatetica ut tibi manifestabitur in prima philosophia. Hæc de suppositione formali naturali dicta sint.

Capitulum quintum De suppositione accidentali simplici.

In capitulo quinto agendum est de suppositione accidentali simplici, nam in secundo capitulo diuisimus formalem accidentalem in simplicem & personalem, quoniam licet utraque sit respectu prædicati accidentalis, in hoc tamen distinguuntur, quod simplex est respectu prædicati intentionalis; quod non conuenit alicui ex suppositis alicuius superioris ut esse spiritum non conuenit alicui homini, sed homini ut homo est, personalis autem est respectu prædicati realis quod conuenit alicui superiori siue uniuersali ratione sunt suppositorum, ut hominem esse album, conuenit homini non ut homo est, sed quia conuenit illi uel illi homini. De simplici igitur agendum est in presenti capite. De personali uero in capitulo sequenti. De simplici autem tria uidentur. Primo quid sit, secundo quomodo diuiditur, tertio assignabuntur regulæ generales de illa.

Quantum ad primum aduerte quod sic diffinitur apud reales, suppositio simplex est acceptio termini substantiui in propositione extremaliter se habentis pro suo formali significato respectu prædicati conuenientis subiecto non ut habet esse ad extra in suppositis, sed ut habet esse in anima per abstractionem ab omni suo supposito pro cuius

noticia aduerte, q̃ natura cōis puta hō aīal corpus duplici-
 ter pōt p̃siderari ab intellectu, primo ut habet esse & diuersi-
 ficat in suppositis, & sic itell̃s attribuit ei p̃dicata realia, quæ
 conueniunt naturæ cōi ratione suorum suppositorum, ut
 hō est albus est sanus est æger, & hæc faciunt suppositionē
 p̃sonalem, secūdo ut est cōis multis & p̃dicabilis de multis,
 quæ conueniunt in eadem ratione diffinitiuā ipsius naturæ
 cōis, & ut sic considerata est una, quoniam ut sic non est re-
 spicit supposita, per quæ diuersificat, sed abstrahit ab eis, &
 in hoc sensu attribuit & itell̃s p̃dicata intētionalia quæ ex-
 plicant p̃ aliquod quinq; vñum, ut homo est spēs, aīal est ge-
 nus, rationale est dñia &c. & hæc faciunt suppositionē sim-
 plicem apud reales. Quæ dicitur suppositio simplex a cōmu-
 ni natura simpliciter & abstracte sumpta & considerata. Cō-
 stat igitur quid sit, & respectu cuius prædicari.

Quantum ad secundum aduerte, qm̃ suppositio simplex
 non conuenit ter. supponenti respectu suppositorum, imo
 conuenit ut abstrahit a suppositis, non est diuidenda ut diui-
 det̃ suppositio p̃sonalis. s. indiscretā, & cōem autē indeter-
 minatam & p̃fusam &c. Nā omnia hæc diuisionum mēbra
 respiciunt supposita, & potest ad ea fieri descensus p̃terquā
 indiscreta ut tibi manifestabit, ergo diuidenda est iuxta di-
 uisionem p̃dicati, q̃ conuenit naturæ cōmuni ut conside-
 rat̃ ab intellectu, potest autem iuxta triplicem actum intel-
 lectus, tripliciter considerari. primo ut est diffinibilis siue in-
 telligibilis. Secundo, ut p̃dicabilis de pluribus. Tertio ut de
 ea est aliqua proprietatē demonstrabilis, & iuxta hanc tripli-
 gem considerationē assignatur triplex suppositio simplex,
 prima fit iuxta primum actum intellectus, ut homo est diffi-
 nibilis, est intelligibilis, de eo potest haberi scientia. In om-
 nibus his propositionibus supponit homo simpliciter, quia
 non licet descendere ad sua inferiora, cum abstrahat ab eis,
 ut stat sub prædictis prædicatis. Neq; enim homo, ut est iste
 uel ille, sed ut homo diffinibilis intelligibilis scibilis est. Sup-
 ponit autem simpliciter iuxta primum actū intellectus, qui
 est simpliciter apprehendere. Secunda fit iuxta. Secundum

TRACTATUS SEPTIMVS

actum intellectus, qui est componere & diuidere. ut homo est species animal est genus. Rationale est differentia. Tertia fit iuxta tertium actum intellectus, qui est discursus siue argumentari, ut risibile demonstratur de homine. Sic igitur diuidatur suppositio simplex.

Quantum ad tertium aduerte tres regulas generales pro suppositione simplici.

Prima est. Termini supponenti simpliciter non est apponendum signum particulare nec uſe nō aut particularē, neque eiusdem generis neque alterius generis. Ratio huius regulæ est, quia signa apposita termino communi in eodem genere trahunt ipsum ad suppositionem personalem, ut aliquis homo est albus. Si autem in alio genere puta in neutro trahunt ipsum ad suppositionem materialem, ut aliquod homo est nomen omne hō est bisyllabum. Cū igitur terminus supponens simpliciter non supponat personaliter, quia non respicit supposita, nec materialiter quia stat pro natura in se considerata ut communis pluribus, nullo modo apponendum est signum particulare nec uniuersale, sed simpliciter enunciandum est, quod homo est species, quod animal est genus, quod rationale est differentia.

Secunda regula est. Omnis terminus supponēs respectu prædicati concernentis actum animæ siue spectet ad actum primum, siue secundum siue tertium, supponit simpliciter, ut homo diffinitur, homo intelligitur. Homo prædicatur de pluribus differentibus numero. Ratio huius regulæ constat ex diffinitione data de suppositione simplici.

Tertia regula. Omnis propositio cuius subiectum supponit simpliciter est singularis. Nam cum sit categorica, ut homo est species oportet quod sit alicuius quantitatis, ut declaratum est in secundo trac. non potest esse uniuersalis nec particularis, quoniam nullum apponitur signum, nec indefinita, quoniam cum non respiciat supposita non potest sub subiecto fieri aliquis descensus. Sed sub subiecto cuiuslibet indefinite licet descendere disiunctiue ut tibi declarabitur in cap. sequenti, ergo a sufficienti diuisione est singularis.

Sed dices. In hac propositione homo est species, subiectū est terminus communis cū sit aptus prædicari de pluribus, ergo non potest esse prepositio singularis. Consequentia patet, ex diffinitione propositionis singularis.

Respondetur. In hac propositione homo est species ly homo non est terminus communis quia non respicit supposita ut superius inferiora. Sed tenetur discrete, quia stat pro natura apprehensa ab intellectu ut una, & ut sic est singularis, quoniam excludit omnia sua supposita. Vnde se habet ut forma abstracta a materia, quæ in se est una. Et hæc natura intelligitur denudata ab omni conditione indiuiduali, per quam diuersificat in suppositis ideo æquipollet singulari abstracto, & terminus supponens pro ea stat singulariter. In hac igitur, hō est spēs, & in hac aīal est genus, & in hac, Substātia est generalissimum, & in hac ens est transcendens, subiectum tenetur singulariter, & hæc tibi manifestabuntur in se primo lib. primæ philosophiæ pro nūc tu nouitii, supponas sic esse. Hæc de suppositione simplici dicta sint.

Caput sextum de suppone accidentali personali.

IN cap. sexto agendum est de suppositione accidentali personali, cuius usus frequentior est in sciētiis realibus de ea igitur tria videnda sunt. primo quid sit. Secundo ponent omnes diuisiones sue usitate in scientiis. Tertio assignabunt regulæ generales de illa.

Quantum ad primum aduerte quod sic diffinitur. Suppositio accidentalis personalis est acceptio termini substantiui uel substantiux tenti in propositione extra materialiter se habentis, pro suo formali significato respectu prædicati accidentalis realis, cōuenientes subiecto ut habet eē ad extra.

Iste particu. prædicati accidentalis, & realis ut habet esse ad extra, ponuntur ut distinguatur suppositio personalis a naturali & simplici, & intellige ut habet esse ad extra, id est in rerum natura pro aliqua differentia temporis, quoniam ut tibi manifestabitur in trac. de ampliatione. Subiectum in suppositione personali aliquando tenetur pro eo quod est aliquando pro eo quod est uel fuit aliquando pro eo quod

TRACTATVS SEPTIMVS

est uel erit, aliquando pro eo quod est uel potest esse, & tunc exemplificabitur. In hac igitur propositione homo est iustus, homo supponit personaliter, quoniam prædicatum iustus est prædicatum reale & accidentale, & conuenit homini pro aliquo suo supposito existenti. Hæc enim est uera. Homo est iustus quia hic uel hic est iustus. Constat igitur tibi quid sit suppositio personalis distincta a naturali & simplici: Quod distinguatur a materiali, nemini est dubium, quoniā in illa stat termini. pro materiali significato, hic autem pro formali.

Quantum ad secundum aduerte quod diuisiones suppositionis personalis sic ordiuntur.

Suppositio personalis, prima diuisione diuiditur in discretam & communem. Discreta est acceptio termini substantiui discreti, uel termini. communis cum pronomine demonstratiuo in singulari numero &c. respectu prædicati realis accidentalis conuenientis subiecto, ut habet esse ad extra, exemplum primi. sortes est iustus, exemplum secundi. Iste homo est iustus. In petre scribis, & aduerte quod si propositio conuertatur simpliciter, sicut subiectum in conuersa supponit personaliter discrete sic prædicatum in conuertente eodem modo supponit, ut hic. sortes est iustus, iustus est sortes, & hic. Ille homo currit uel tu curris, currens est ille homo, currens es tu.

Communis diuiditur indeterminatam & confusam. Determinata est acceptio termini. communis substantiui &c. sine signo uel cum signo particulari tantum sub quo licet descendere ad sua supposita disiunctiue, ut homo est albus, & licet sic descendere & isti sunt omnes homines, ergo iste homo uel iste, uel iste & sic de singulis est albus, ergo homo est albus, & sicut de hac infinita, sic intellige de hac particulari. Quidam homo est albus. Quod si de nullo uerificaretur prædicatum, propositio esset falsa, quoniam prædicatum non conuenit subiecto nisi ratione alicuius suppositi.

Consula est acceptio termini substantiui communis &c.

sub quo non licet descendere disiunctiue, sed si descendatur descendetur disiunctim. Pro cuius notitia aduerte quod descendere disiunctiue, est formare plures disiunctiuas singulares, ex quibus necesse est unam esse determinate ueram. Verbi gratia sub hac. *Quidam homo currit sic descenditur disiunctiue, & isti sunt omnes homines, ergo uel iste homo currit uel iste homo currit, uel iste homo currit &c.* ita quod necesse est unam ex his esse determinate ueram, & dum modo unus currat, hæc est uera, aliquis homo currit. Descendere autem disiunctim est formare unam categoricam de extremo disiuncto quam non est necesse uerificari determinate pro uno sed potest uerificari pro pluribus & pro omnibus in confuso & indistincte. Verbi gratia. In ista. *Tantum homo est sapiens, ly homo supponit confusum & licet de ascendere sub eo disiunctim sic & isti sunt omnes homines, ergo uel hic homo, uel hic homo, uel hic homo est iustus.* Hæc est una categorica de subiecto disiuncto, & non inconuenit quod uerificetur pro pluribus hominibus, uel etiam pro omnibus indistincte, nam cum soli homini conueniat iustitia inter omnia animalia nihil obstat quin reperiatur in pluribus, nec repugnat quin reperiatur in omnibus.

Confusa diuiditur in confusam tantum & confusam uniuersalem exemplum prime, *tantum homo est iustus, tantum homo est figuræ rectæ.* Exemplum secundæ. *Omnis homo est iustus.*

Confusa tantum diuiditur in mobilem & immobilem. Confusa tantum mobilis est acceptio termini &c. sub quo licet descendere disiunctim, ut *tantum homo est iustus, ergo tantum hic uel hic uel hic est iustus.* Confusa immobilis est acceptio termini substantiuæ &c. sub quo nullo modo licet descendere, ut in ista. *Tantum tres ciues seruant patriam.* Non licet descendere, quoniam omnes istæ sunt falsæ, ergo tantum iste seruat patriam, uel tantum iste seruatur patriam. Nec ualeat disiunctim ergo tantum iste, uel iste uel iste quoniam tres ciues collectiue, & non disiunctiue seruant

TRACTATUS SEPTIMVS

patriam, posito casu quod sic sit. Et aduerte quod terministe
exēplificantes de confusa tantū īmobili formant hāc ppo
sitionem. Necessario homo est aīal, sub qua dicūt non licere
descendere disiunctim ex parte subiecti, quoniā nullus ho-
mo singularis necessario est animal sed ptingēter, quoniam
potest non esse. Id non recipiunt reales, qm dicunt illam eē
suppōnem naturalem in qua p̄dicatum est de essentia subie-
cti, & p̄dicatur essentialiter de omni p̄tento sub subiecto, er-
go necessario & semper & immutabiliter. Vnde ita est ne-
cessaria ista, sortes est animal sicut ista, homo est aīal. Nec
obstat quod sortes possit non esse, quia in suppositione na-
turali, non requiritur existentia extremorum, sed immuta-
bilis habitudo & unio p̄dicati cum subiecto. Vnde hāc con-
sequentia non ualet sortes cōtingenter est, ergo contingē-
ter est aīal. Nec ista sortes nēcessario est animal, ergo necessa-
rio est, quia in prima fit transitus ab esse existentie ab esse ef-
sentie, in secunda autem fit transitus econuerso.

Confusa uniuersalis diuiditur in distributiua & collecti-
ua. Distributiua diuiditur in mobilem & immobilem. Di-
stributiua mobilis est acceptio termini &c. sub quo licet de-
scendere copulatiuæ ad omnia sua supposita: ut omnis ho-
mo est mendax, ergo hic hō est mendax, & hic homo est
mendax, & sic de aliis omnibus. Distributiua immobilis est
acceptio termini &c. sub quo non licet descendere copulati-
ue, ut si omne animal currit omnis homo currit. Non enim
sequitur, ergo si hoc animal puta asin⁹ currit, omnis homo
currit, & si hoc animal puta equus currit, omnis homo cur-
rit. Constat enim conditionalem esse ueram & tamen om-
nis copulatiua formata est falsa. Distributiua mobilis diuidi-
tur in absolutam & accommodam. Absoluta est acceptio
termini &c. sub quo licet descendere copulatiue absolute, &
nulla appositione facta, ut omnis nix est alba, omnis stella
lucet, ergo ista stella & ista & ista, & sic de oībus, nulla exce-
ptuata lucet. Accommoda est acceptio termini &c. sub quo
non licet descendere copulatiue absolute, sed oppositione
facta, uel pro tali aut tali genere, ut omnes diligūt munera
scilicet

ſcilicet Iudices iniuſti, omnes homines reſurgent. ſ. qui fue-
rint mortui, omnis qui petit, accipit. ſ. ſi debite & rōnabili-
ter petit, & hæc ſuppō diſtributiuā accōmodā, neceſſaria eſt
p̄ intelligētiā Sacræ ſcripturæ, & i politiciſ legibꝫ ac decretis.

Vniuerſalis collectiuā eſt acceptio termini &c. ſub quo
non licet deſcendere copulatiuæ, ſed aut non deſcendere,
aut deſcendere copulatiuā, ut omnes Apoſtoli ſunt duode-
cim, non ſequitur, ergo iſtæ eſt duodecim, & iſtæ eſt duode-
cim, & iſtæ, & iſtæ omnes ſunt falſæ ut patet. Sed deſcenda-
tur ſic, ergo iſte, & iſte, & iſte, & oēs alii ſimul ſumpti ſunt
duodecim, & aduerte quod deſcendere copulatiuæ eſt de-
ſcendere per propoſitiones copulatiuās ſingulares. Copula-
tiuā autem eſt deſcendere per unam categoricā de extre-
mo copulato, exemplum primi omnis nix eſt alba, ergo &
hæc nix eſt alba, & hæc eſt alba &c. exēplum ſecundi. Om-
nia eſta ſunt quatuor, ergo hoc eſt hoc, & hoc & hoc ſimul
ſumpta ſunt quatuor. Conſtat igitur quid ſit ſuppoſitio for-
malis, perſonalis, & quot ſint eius diuiſiones famoſæ, & qd
ſit ſingulum membrum ſingulæ diuiſionis.

Quantum ad tertium aduerte quod ſingulis membris di-
uiſionum ſuppoſitionis perſonalis aſſignantur certæ regulæ
uniuerſales per quas cognosces, quomodo, & in qua ſpecie
perſonalis ſuppoſitionis termini ſupponunt.

Incipientes igitur a perſonali diſcreta, aſſignamus ea ta-
lem regulam.

Omnis terminus diſcretus, uel communis cum p̄nomi-
ne demonſtratio ſingularis numeri, uel circūlocutus exi-
ſtens pars orationis ſiue ex parte ſubiecti, ſiue ex parte p̄di-
cati, ſiue p̄cedat ſignum particulare, ſiue uniuerſale, ſiue af-
firmatiuum, ſiue negatiuum ſupponens p̄ſonaliter, ſuppo-
nit diſcretæ, exemplum primi ex parte ſubiecti. Sortes cur-
rit. Iſte hō currit, ſophronici primogenitus currit, exēplum
ſecūdi ex parte p̄dicati, ſiue ſigno uniuerſali, aliquod currēs
eſt ſortes, aliquod currens eſt iſte hō, aliquod currēs eſt ſo-
phronici primogenitꝫ. Cū ſigno aut uniuerſali affirmatiuō;
ut hic oēs peccauerūt in Adam, omnes peccauerunt in pri-

TRACTATVS SEPTIMVS

mo homine, omnes peccauerunt in primo creato ad imaginem dei, cum signo uniuersali negatiuo, ut hic, nullus asinus est sortis, nullus asinus est iste hō, nullus asinus est primogenitus sophronici, in oībus his datur suppositio discreta personalis, in omnibus exemplis primi modi ex parte subiecti, & in omnibus exemplis secundi modi ex parte prædicati.

Determinate psonali assignatur hæc regula, omnis terminus quem nullum signum pcedit, uel si pcedit est signum particulare affirmatiuum, supponens psonaliter, supponit determinate, tam a parte subiecti quam a parte prædicati, exemplum primi, homo est iustus, tam sub subiecto quam prædicato licet descendere disiunctiue ut patet exercitato, ergo tã subiectum quam prædicatum supponunt determinate, exemplum secundi. Aliquis homo est iustus, tam prædicatum. quã subiectum eodem modo supponunt.

Confusæ tantum mobili assignantur istæ regulæ ut generales. Cuiuslibet ylis affirmatiue prædicatum si est terminus cōis, supponens psonaliter supponit p̄fuse t̄m mobiliter. Vt oīs homo est bipes, ly bipes stat confuse t̄m mobiliter, quia licet descendere disiunctim, nã bene sequitur oīs homo est bipes ergo uel est hic bipes, uel hic bipes, uel hic bipes. Dicitur affirmatiue: quoniam in uli negatiua, distribuit subiectum, & prædicatum ut hic, nullus hō est lapis, ut tibi manifestabit in cap. sequenti. Dicitur terminus communis: quoniam si prædicatum esset terminus discretus, supponeret discrete, ut dictum est in regula assignata suppositioni personalis discretæ.

Cuiuslibet ppositionis exclusiue tã affirmatiue quã negatiue primi ordinis, dummodo negatio non cadat super notã exclusionis subiectum supponens psonaliter, supponit confuse tantum mobiliter, quia licet sub subiecto descendere disiunctim, nam bene sequitur, tantum hō est albus p casum ergo tantum hic hō, uel hic hō est albus. Dicitur tam affirmatiue quã negatiue: quoniam sicut in ista tantum homo est albus, hō supponit confuse tantum mobiliter sic & in ista, t̄m hō non est albus. Dicitur dummodo negatio nō cadat &c. quoniam negatio, cadat super notam exclusionis propositio erit

tota negatiua, ut non tantum homo est albus, & tunc mutat suppositio subiecti. Dicitur primi ordinis: quoniam ut tibi manifestabitur in trac. de prob. ter. exclusiua fit tribus modis, primo quando nota exclusionis antecedit subiectum ita quod cadit super illud, ut tantum homo est risibilis, & hæc est primi ordinis, secundo quando ipsa nota mediat inter subiectum, & predicatum siue antecedit uerbum siue subsequatur, exemplum primi ut Plato tantum scribit, exemplum secundi, fortes comædit tantum panem, & hæc est secundi ordinis, ergo quando in tertio ponitur nota exclusionis. Ut, habeo unum librum tantum, & hæc est tertii ordinis. Regula apposita intelligenda est de exclusiua primi ordinis: quoniam æquipollet uniuersali affirmatiue de terminis transumptis, ut tantum homo est risibilis, ergo omne risibile est homo, & in hac uniuersali predicatum supponit confuse tantum mobiliter, ut tibi declarabitur in sequentibus.

Confuse tantum immobili assignatur hæc regula, quando cunque predicatum non potest verificari de contentis sub subiecto diuissim, sed solum coniunctim, supponitur subiectum confuse tantum immobiliter, ut hic elementa mundi sunt quatuor. Planete sunt septem, predicamenta sunt decem, nam si fiat descensus diuissim sub subiecto predictarum propositionum, manifeste erit falsus. Verbi gratia fiat sic descensus sub prima, & omnia hæc sunt elementa mundi, ergo hoc elementum, uel hoc, uel illic est quatuor, manifestum est quod descensus est falsus: quoniam predicatum numerale non verificatur de subiecto nisi coniunctim. Idem intellige de subiecto aliarum propositionum. Similiter hic est suppositio confusa immobilis. Duo homines trahunt nauem, & hic. Tres persone sunt trinus Deus, & hic. Pater, & filius sunt unum principium spiritus sancti. Qui uero sint termini, qui communiter confundunt immobiliter, declarabuntur in cap. sequenti.

Confuse distributiue mobili assignatur hæc regula, omnis propositionis uniuersalis affirmatiue, & negatiue subiectum supponit confuse distributiue mobiliter, & licet descendere sub eo copulatiue. ut omnis homo currit, nul-

TRACTATVS SEPTIMVS

huc homo currit, ex parte uero prædicati, in affirmatiua stat confusæ tantum mobiliter, in negatiua, autem distributiue, ut omnis homo est albus ly albus stat confusæ tantum mobiliter, quia licet descendere disiunctim, nullus homo est lapis, ly lapis distribuitur quia licet descendere copulatiuæ, idem intellige de prædicato particularis negatiuæ. Nam licet subiectum stet determinate si est terminus communis, tamen prædicatum stat distributiue propter negationem habentem uim distributiuam si non sit impedita. Vnde in ista, aliquis homo non est albus, homo stat determinate, quia licet descendere disiunctiuæ, & ly albus distribuitur, quia licet descendere copulatiuæ. Descende tu.

Confusæ distributiuæ immobili assignatur hæc regula. In omni conditionali, cuius subiectum præcedit signum uniuersale affirmatiue uel negatiue, supponit subiectum distributiue immobiliter in ordine ad totam conditionalem, ut hic. Si omne animal currit, omnis homo currit, & hic, si nullum animal currit nullus homo currit. Non enim possunt sic descendere; ergo si hoc animal currit, omnis homo currit, quia hoc animal non est omnis homo, idem intellige ex parte negatiuæ, non enim sequitur. Hoc animal demonstrato brunello non currit, ergo nullus homo currit potest enim sortes currere, non currente brunello.

De distributiua absoluta mobili, iam data est regula, de accommodata autem datur hæc. Quodcumque prædicatum uniuersalis affirmatiuæ uel negatiuæ non uerificatur de subiecto absolute, sed per appositionem, subiectum supponit distributiue accommodatæ, ut hic, omnes homines indigent poenitentia, apposituiue peccantes, nam infans est homo quia est animal rationale, & tamen non indiget poenitentia quia non peccat, & hic, non est inuentus qui placet deo apponit in filiis peccatorum.

Collectiuæ assignatur talis regula, in propositione uniuersali affirmatiua in qua prædicatum non uerificatur de subiecto pro omnibus contentis sub eo nisi simul sumptis, subiectum supponit collectiuæ, ut omnes Apostoli sunt duo decim, omnes Senatores regunt ciuitatem constat enim quod

omnes simul, & non aliquis diuifim regit ciuitatem.

Hæc pro regulis assignandis cuilibet membro fingulæ diuifionis personalis fuppositionis dicta fint.

Caput feptimum de terminis habentibus uirtutem confundendi tantum mobiliter, & diftribuenti mobiliter, & immobiliter.

IN cap. feptimo agendum eft de fignis & fyncategorematibus, & terminis fiue fint omnia, fiue uerba, quæ habent uirtutem confundendi, & diftribuenti mobiliter uel immobiliter, & primo expediemus nos de terminis cõfufiuis, tantum fiue mobiliter fiue immobiliter, fecunda de terminis diftributiuis.

Quantum ad primum ponuntur octo regulæ.

Prima eft, dictio exclufiua confundit confufæ mobiliter tantum, terminum immediate fequentem fi eft terminus communis, ut tantum homo eft rifibilis, quia fub ly homo licet defcendere difiunctum ut patet.

Secunda eft, dictio exceptiua confundit confufæ tantum mobiliter fuum cafuale fi eft terminus cõis, quia licet defcendere fub eo difiuncti, ut nullum animal præter hominem eft loquens ly præter hominem ftat confufæ tantum mobiliter.

Tertia eft, dictio reduplicatiua confundit fuum cafuale confufæ tantum mobiliter, & prædicatum cõfufæ tantum immobiliter ut homo in quantum homo eft rationalis, ly hõ ftat p̃fufæ tantum mobiliter, & ly rationalis immobiliter.

Quarta eft, uerba concernentia actum mentis, ut fcire intelligere uelle credere, defiderare, & opinari, & dubitare, & imaginari, pfundunt confufæ tantum mobiliter terminum immediate fequentem, fi eft terminus communis, & nõ fupponat fimpliciter, ut ego fcio aliquam p̃clufionem, ergo hæc uel hanc. Dico fi eft ter. communis: quoniam fi effet terminus difcretus, uel communis cum p̃nomine demõftratiuo, fupponeret difcretæ, ut fcio hanc p̃clufionẽ, credo Socrati imaginor Cafarem. Dixi & non fupponat fimpliciter: qm̃ fub termino communi fupponenti fimpliciter nõ fit aliquis defcenfus ftat, enim natura ut una in fe p̃fiderata. Vnde fub

ista. Intellige hoīem, scio rosam, nullus debet fieri defensio,
quoniam sumitur homo ut homo, rosa ut rosa, ut diximus
supra.

Quinta regula, aduerbia, numeralia, localia, temporalia
si adhærent uerbo, cuius actus super idem numero reiterari
potest, confundunt confusæ tantum mobiliter terminum
immediate sequentē, ut bis uidi hominē, ergo bis uidi hunc,
uel hunc, uel hunc hominem. Hic & illic uidetur homo, sem-
per erunt elementa, &c. Si aut adhærent uerbo cuius actus
super idem numero reiterari non potest, confundunt con-
fusæ tñ immobiliter, ut bis comædi panem, ly panē stat immo-
biliter quia hic descensus est falsus, bis comædi hūc, uel hūc,
uel hunc panem, quia panis semel comestus non est itera-
to comestibilis ut patet, idem intellige hic. Hic et Romæ
uenditur piper. Ubique est corpus, & hic. Semp erit, homo,
neque enim idem piper numero simul uenditur hic & Ro-
mæ cum non possit esse idem corpus in duobus locis, neq;
idem corpus numero, occupat omnem locum, neq; idem
homo numero erit semper secundum cursum naturæ cum
sit natura corruptibilis ut patet.

Sexta regula est. Termini modales excepto necesse no-
minaliter sumpti, & aduerbialiter, confundunt confusæ tñ
mobiliter omnes terminos cōes non distributos siue pce-
dant modum siue sequantur, ita tamen q; fiat modalis de-
sensu composito exemplum quando modus pcedit, contin-
gens est hominem esse album, impossibile est hominem esse
lapidem. Exēplum qñ modus subsequitur. Hominem esse al-
bum est contingens. Hominē esse lapidem est impossibile.
Apud reales contingit descendere disiunctim tam sub subie-
cto quam sub pdicato ipsius dicti. Nam bene sequitur contin-
gens uel possibile est hominem esse album, ergo uel hūc uel
hunc hoīem, ergo uel hoc, uel hoc albū. Item bene sequit,
impose est hoīem esse lapidē, ergo impose est hūc uel hunc
hoīem esse lapidem, eodē modo descende sub lapide. Dixi
termini modales excepto necesse: qñ propositio de necesse
si est uera, est in materia naturali in qua pdicatum est de es-

sentia, uel consequitur essentiam subiecti, ut necesse est hominem esse animal uel rationale uel risibile etc. tūc suppositio est naturalis, in qua non fit aliquis descēsus, ut docuimus in cap. quarto. Vnde in ista, necesse est hominem esse aīal tā ly hominem quam ly animal stat immobiliter. qm̄ in suppositione naturali non requiritur existentia extremorum, & in hoc discordant reales a terministis ut docuimus in eodē cap. Dixi ter, communes, ut excipiam discretus, ut hic contingens est sortem esse album, uel impossibile est sortem eē asinum. Terminus enim discretus non est capax suppositionis confusæ, est autem capax suppositionis discretæ. Dixi nō distributus: quoniam si fiat propositio modalis uniuersalis de dicto siue affirmatiua, siue negatiua, extrema dicti supponunt sicut extrema categoricæ uniuersalis affirmatiuæ, uel negatiuæ, quem modum supponendi declarauimus in cap. pcedenti, & in sequentibus magis declarabimus. Dixi ita quod fiat in sensu composito: quoniam non est eadem ratio de modali in sensu composito: & de ea in sensu diuiso, Nam diuersimode pbat̄ur, ut tibi declarabitur in trac. de p̄bationibus terminorum, ideo non seruatur eadem suppositio, in quo autem differant, & in quot iam diximus in trac. tertio cap. quarto. Vide tu illic.

Septima regula. Hæc uerba p̄mitto debeo obligor, Terminus communem non distributum, quem regunt, confundunt confusæ tantum immobiliter, ut sortes promittit tibi denarium, ly denarium stat immobiliter, quia hic descēsus est falsus, promitto tibi hunc, uel hunc uel hunc denarium. Nam possum tibi promittere denarium, qui nondum fabricatus aut formatus est, ideo non licet descendere.

Octaua regula. Dictio conditionis ut si, & rationis, ut ergo, oēs suos terminos communes non distributos confundunt confusæ tantum immobiliter, & hoc in ordine ad hypotheticam, ut si homo est, animal est. Homo currit, ergo animal currit, tam ly hō, quā ly aīal confusæ tm̄ immobiliter in utraque supponunt modo sumantur in ordine ad hypotheticam. Pro cuius notitia aduerte q̄ ly homo & ly aīal

dupliciter considerari possunt, primo ut sunt pars categori-
cæ, nam hæc est categorica, homo currit cuius pars est ly
homo, & hæc est categorica, animal currit, & ut sic ly ho-
mo, & ly animal supponunt determinate, & licet descende-
re disiunctiæ, cum sint duæ indefinitæ, secundo ut sunt
pars hypotheticæ, & intendo quod considerentur non in-
quantum componunt has duas categoricas, ut categoricas,
sed inquantum componunt has ut partes hypotheticæ per
notam conditionis uel rationis, & hoc est sumere in ordine
ad hypotheticam, & non in ordine ad categoricam, ut cate-
gorica est, & in hoc sensu intelligendum est, quod confun-
dunt confusæ tantum immobiliter.

○ Sed dices. Videtur hic descensus esse bonus. Si homo est,
animal est, ergo si hic homo, uel hic homo est, animal est;
repugnat enim ponere hominem sine animali, cum animal
sit prædicatum per se in primo modo de homine.

○ Respondetur pro nunc, quod regula intredit descensu ual-
lido de forma, & non de materia. Valet autem prædictus
descensus de materia, sed non de forma. De materia quidē
ualet, quia in utraque propositione prædicta homo est ani-
mal supponunt personaliter. Si autem formentur duæ pro-
positiones de tertio adiacente in quibus homo, & animal
habeant suppositionem naturalem, ut hic. Si homo est ani-
mal, homo est sensitiuus, non licet aliquis descensus, quia om-
nis descensus est ad supposita. Sed ut docuimus supra, in na-
turali suppositione non requiruntur supposita, nec existen-
tia suppositorū. Hæc enim conditionalis est uera, ante crea-
tionem mundi, Si homo est animal, homo est sensitiuus.
Hæc de regulis pro terminis confusiuis tantum mobiliter
uel immobiliter dicta sint.

○ Quantū ad secundum, ut scias terminos hñtes uim distri-
buēdi mobiliter, uel immobiliter ponunt quatuor ræ gñales.

○ Prima regula. Omne signum uniuersale affirmatiuum
positum in recto terminum immediate sequentem, facit sta-
re distributiua, & immediate sequentem confusæ tantum,
dummodo sit terminus communis, & signum non sit impe-

dictū per aliud superueniens signum distributum, ut omnis homo est albus, ly homo distribuitur: quoniam licet descendere sub eo copulatiuæ, & ly albus confunditur confusæ tantum mobiliter: quoniam licet descendere sub eo disiunctim. Dixi positum in recto, ut excipiantur has propositiones, uidens omnem hominem est animal. Nec ly uidens distribuitur, nec ly animal confunditur: quoniam est una in definita, in qua prædicatum, & subiectum supponunt determinate. Nec obstat ly omnem hominem: quoniam cum non sit subiectum, sed pars subiecti, uirtus signi non transit ad prædicatum. Secus esset si diceretur omnis uidens hominem est animal, tunc ly uidens distribueretur, & ly animal confunderetur. Item intellige in hac. Cuiuslibet hominis asinus est currens, ly asinus non distribuitur, nec ly currens confunditur, sed stat utrumque determinate: quoniam uirtus signi uniuersalis positi in obliquo non transit super ea, solum ly hominis distribuitur: quoniam est eiusdem obliqui cum signo uniuersali. Dixi dummodo sit terminus communis: quoniam discretus non est capax distributionis, nec confusionis, cum nō habet inferiora, ad quæ fiat descensus. Dixi, & signum non sit impeditum: quoniam si aliud signum, uel syncategoram distributum superuenerit mutat suppositionem. Verbi gratia in ista omnis homo est albus, ly homo distribuitur, & albus confunditur. Si autem superueniat nō, & dicatur non omnis homo est albus, cum hæc æquipolleat huic quidam homo non est albus, ly homo stat determinate, & ly alb⁹ distribuitur propter negationē, quæ habet uim distribuendi si non est impedita, ut dicemus in regula sequenti.

Secunda regula, omnia signa uniuersalia negatiua, & omnis negatio non impedita, faciunt stare distributiue mobiliter terminum communem mediate, & immediate sequentem, ita quod distribuunt subiectum, & prædicatum, remoto impedimento, ut nullus homo est albus, tam subiectum quam prædicatum distribuitur: quoniam licet sub utroq; descendere copulatiuæ. Dixi terminum communem, ut exclu-

TRACTATVS SEPTIMVS

dam discretum. Dixi mediate, & immediate sequentem, ut distinguatur a signo uniuersali affirmatiuo, qui nō distribuit nisi terminum immediate sequentem. Dixi remoto impedi-
nento, quod potest esse duplex, primo. Si signum non ap-
ponatur subiecto in recto, sed parti subiecti in obliquo, ut
hic. Nullus hominis asinus currit, nec ly asinus, nec ly cur-
rens distribuitur, sed tantum ly hominis: quoniam uirtus si-
gni negatiui, non se extēdit ultra obliquum cui apponitur.
Vnde cum hæc sit indefinita asinus currit, stat subiectum, &
prædicatum determinate, secundo si aliud distributiuum su-
perueniat, ut hic. Nonnullus homo currit. Ly non impedit
distributionem factam per nullus, & facit æquipollenter
particularem affirmatiuam, nam æquipollet isti. Quidam
homo currit, in qua constat subiectum, & prædicatum sup-
ponere determinate.

Tertia regula, quæ continet quatuor partes est hæc. Gra-
dus comparatiuus, & superlatiuus confundunt distributiue
terminum rectum ex natura comparisonis, terminū autē
rectum ex natura excessus confundunt cōfusæ tantum mo-
biliter. Super terminum autem rectum a parte antea id est
positū in subiecto, nullum habent uim. Verbi gratia æquus
est maior asino altitudine cubiti, ly asino stat distributiue, ly
altitudine cubiti stat cōfusæ tantum mobiliter. Ly æquus
stat determinate, cum sit propositio indefinita. Si autem ap-
ponatur signum uniuersale stabit distributiue per primam
regulam, ut omnis æquus est maior asino. Hæc est prima
pars regulæ.

Secunda pars est hæc. Istæ dictiones ita sicut, tam & quā,
terminum immediate sequentem distribuunt, ut Hercules
est ita fortis sicut leo, ly leo stat distributiue, canis est tam
uelox quam lepus, ly lepus distribuitur, hæc est secūda pars.

Tertia pars est hæc. Hoc uerbum differt, & isti termini
aliud non idem diuersum, diuisum, distinctum, distribuunt
terminum sequentem aliquod prædictorum, ut asinus dif-
fert ab homine, est aliud ab homine, non est idem homi-
ni, est diuersus, & diuisus, & distinctus ab homine, ly ho-

nunc in omnibus prædictis distribuitur, & ratio huius assignabitur infra.

Quarta pars est hæc. Ista uerba egeo, indigeo, careo distribunt terminum immediate sequentem capacem distributionis: id est communem deducto omni impedimento, quod etiam debet intelligi in partibus præcedentibus. Verbi gratia. Sortes caret ueste, eget pecunia, ly ueste, & pecunia sunt distributiuæ: quoniam hæc propositio. Sortes caret ueste, æquipollet huic. Sortes non habet uestem. Negatio autem per secundam regulam distribuit terminum sequentem. Vnde aduerte quod ratio istius regulæ quo ad omnes partes prædictas stat in hoc quia omnes termini prænominati includunt negationem, ut tibi manifestabitur in tractatu de probationibus terminorum, ideo habent ex negatione inclusa uirtutem distribuendi terminum sequentem.

Quarta regula est hæc. Dictio exclusiua terminum sequentem mediate: id est prædicatum si est terminus communis distribuit, ut tantum homo est rationalis ly rationalis distribuitur, & ratio huius regulæ est, quia exclusiua æquipollet uniuersali affirmatiuæ de terminis transpositis, ut tantum homo est rationalis, ergo omne rationale est homo, constat quod ly rationale distribuitur per primam regulam. Hæc de reliquis per terminis habentibus uim distribuendi dicta sint.

Caput octauum de pluribus signis distributiuis.

IN octauo capite agendum est de pluribus signis, quæ ponuntur in eadē propōne, & habent uim distribuendi. Hic igitur pro uniuersali resolutione tria aduertenda sunt.

Primo aduerte quod si subiectum propositionis sit terminus communis non distributus puta quia est subiectum indefinite uel particularis, adueniēte signo distributiuo, distribuitur. Verbi gratia in ista, hō currit, ly hō stat determinate. Si adueniat signum uniuersale affirm. uel neg. distribuit, ut omnis hō currit, nullus hō currit. Si autem signo distributiuo adueniat aliud distributiuum, impedit distributionem, & aliā suppositionē inducit. Verbi gratia. In ista, oīs homo currit, ly omnis causat distributionem. Si autem addas aliud

TRACTATUS SEPTIMVS

distributiuum puta ly non impeditur uirtus distributua de ly omnis, ut dicendo, non omnis homo currit, ly homo nō amplius distribuitur, sed stat determinate: quoniam æquipollet isti. Quidam homo non currit in qua cum sit indefinita ly homo stat determinate, ex prædictis, ergo infertur apud logicum. Hoc uniuersalissimum principium, & ut uniuersalissima lex. Quicquid mobilizat immobilitatum immobilizat mobilitatum. Cuius sensus est iste. Quodcunque signum distribuit terminum non distributum impedit distributionem distributi. Verbi gratia in hac propositione homo est albus, ly homo est terminus non distributus. Si præponatur sibi signum uniuersale affirmatiue, uel negatiue, distribuetur, ut omnis homo est albus, uel nullus homo est albus. Si autem adueniat aliud signum distributiuum impedit distributionem termini prius distributi, puta huic omnis homo est albus, superueniat non, & dicatur sic, non omnis homo est albus, ly non impedit ne distribuat homo, qui prius distribuebatur per signum uniuersale affirmatiue, sensus ergo illius principii erit iste. Quicquid distribuit non distributum, immobilizat: id est impedit distributum.

Secundo aduerte quod ex illo principio uniuersalissimo, extrahuntur istæ regulæ, si duo signa affirmatiua, distributiuia cadant immediate, ita quod uirtus utriusque signi æque primo cadat super eundem terminum faciunt ipsum stare non distributiue, sed determinate, ut asinus est differens ab omni homine, ly hoīe stat determinate. Si unū sit affirmatiue, & alterum negatiue, faciunt sibi stare determinate, ut non oīs hō est albus. Si utrūq; sit negatiue, faciunt stare sibi determinate, ut nonnullus hō est albus. Dixi quod cadant immediate: qm̄ si inter illa mediat terminus distributus, non faciūt stare terminum super quem cadunt determinate sed confuse tantum, ut in ista, nullus hō non est albus, ly albus non stat determinate sed confuse tm̄, nam æquipollet isti. Quilibet hoīo est albus, in qua constat quod ly albus stat confuse tantum, sic prædicatum uniuersale affirmatiue. Dixi ita quod uirtus utriusque signi æque primo cadat super illum terminū: quo

niam si quoddam ordine caderet, ita quod prius super aliquod præcedens terminum, quam supra ipsum terminum, non faceret stare ipsum determinate, ut hic. Nullus homo est omnis homo, ly homo a parte prædicati non stat determinate, quia licet supra ipsum cadant duo signa: scilicet nullus & omnis, non tamen æque primo, sed nullus cadit primo super hominem in subiecto, deinde super hominem in prædicato. Similiter in ista nullum differens ab ente est ens, ly ab ente non stat determinate licet cadant super ipsum duo distributiva: scilicet nullum, & differens: quoniam ly nullum prius cadit super differens quam super ly ente.

Tertio aduerte, quod si duo signa distributiva cadant super aliquem terminum, quorum non quodlibet per se sumptum distribuit terminum, super quem cadit, unum nõ impedit distributionem alterius ut hic. Omnis homo omne risibile est, ly risibile stat distributive: quoniam licet duo signa distributiva præcedant ipsum: scilicet omnis & omne, tamen primum per se sumptum non distribueret ipsum dicendo omnis homo risibilis est, nam cum sit prædicatum universalis affirmatiuæ, stat confusæ tantum mobiliter. Si autem duo signa distributiva quorum quodlibet per se sumptum est aptum distribuere terminum sequentem, cadant super eundem terminum, unum impedit aliud ne distributio fiat ter. ultimo, ut hic Hector est fortior omni hoie, ly hoie nõ distribuitur, quia cadunt super ipsum ly fortior, & ly omni, quorum utrumque per se sumptum distribuit hominem, ut hic Hector est fortior homine, & hic. Deus illuminat omnem hominem &c. Hæc de pluribus signis cadentibus super eundem terminum habentibus uim distribuendi dicta sint, & hic terminatur consideratio nostra de suppositione absoluta.

Caput nonum de suppositione relatiua.

IN hoc capitulo agendum est, de suppositione termini relatiui, sumendo relatiuum grammaticum, ut qui qualis quantus alius & cætera. Nam relatiuum logicum

de quo actum est in pdicamento ad aliquid, supponit sicut terminus absolutus. Vnde in ista, nullus pater est filius ly pater est, & ly filius ita st at distributive mobiliter, sicut in ista, nullum nigrum est album. De suppositione igitur, & de modis supponendi relatiuorum terminorum apud grammaticum hic agendum est, & hic agenda sunt quatuor, primo quid sit relatiuum grammatiale de quo hic intendimus, secundo quotuplex sit, tertio qui sint modi generales quibus supponit, quarto qui sint modi speciales quibus supponit. scilicet an discrete, an determinate an confuse &c.

Quantum ad primum aduerte, quod apud grammaticum sic diffinitur. Relatiuum est rei ante late: id est ante posite representatiuum siue recordatiuum. Nam relatio apud grammaticum est rei ante late: id est posite siue rei pposite recordatio. Verbi gratia in hac propositione. Sortes qui loquitur, orat. ly qui est relatiuum, quia representat sortem ante positum in propositione. Sic enim exponitur. Sortes qui: scilicet sortem loquitur orat.

Sed dices, cum grammatica, & logica sint distincte scientie non habent considerare de eodem: quoniam uersantur circa distincta obiecta, ut grammaticus circa congruum & incongruum, logicus circa uerum, & falsum. Sed grammaticus considerat de terminis relatiuis grammaticalibus, ut patet in Prisciano, ergo non spectat ad logicum considerare de eodem.

Respondetur, licet relatiuum de quo hic intendimus consideretur a grammatico, & a logico non tamen eadem ratione, nam consideratur a grammatiko, ut per ipsum pot fieri oratio congrua, & incongrua, ut hic. Sortes qui currit mouetur, hæc est congrua, hic autem est incongrua. Sortes quod currit mouetur. Apud logicum autem consideratur in quantum ex diuerso modo supponendi ut tibi declarabitur, potest reddere propositionem ueram, & falsam. Constat igitur tibi quod sit relatiuum grammatiale.

Quantum ad secundum aduerte quod usitata, & famosa visiones generales relatiui grammatialis sunt iste.

Prima est. Relatiuorum quoddam est relatiuum substantiæ, ut qui, quæ, quod, quoddam est relatiuum accidentis, ut talis qualis, tantus quantus.

Secunda est. Relatiuorum substantiæ, quoddam est relatiuum identitatis, ut qui, quoddam diuersitatis ut alius.

Tertia est. Relatiuorum substantiæ identitatis, quædam sunt nomina ut quis, qui, quæ, quod, quædam sunt pronomina, ut ille, ipse, iste, & is.

Quarta est. Relatiuorum substantiæ identitatis, quæ sunt pronomina, quædam sunt reciproca ut sui sibi, & possessiui sui suus, suum, quædam non reciproca, ut ille, iste, hic, & is.

Quinta est. Relatiuorum accidentis, aliud est identitatis, ut talis, qualis, tantus, quâus, aliud est diuersitatis, ut alter, & alterius modi.

Sexta. Relatiuorum accidentis identitatis, quædam sunt qualitatis, ut talis, qualis, quædam sunt quantitatis cōtinuæ, & discretæ. Continuæ, ut tātus q̄tus, discrete, ut tot quot.

Septima. Relatiua accidentis identitatis, aliquando signātur per nomina, ut talis qualis, tantus quantus, aliqui per aduerbia, ut taliter qualiter, tantum quantum, toties quoties.

Positis his diuisionibus assignandæ sunt descriptiones suorum membrorum principalium.

Relatiuum substantiæ est illud quod refert idem numero cum suo antecedente, ut sortes qui disputat est doctus, ly qui refert sortem. Item homo qui comœdit, uiuit.

Relatiuum accidentis est illud quod refert idem in specie & non idem in numero cum suo antecedente, ut sortes est albus & talis est Plato. Dico idem in specie, & non idem in numero, quia idem accidens numero puta eadem albedo in numero non potest esse indistinctis subiectis, ergo nec in sorte, & Platone.

Relatiuum identitatis substantiæ est quod refert, & supponit pro eodem numero, pro quo supponit suum antecedens, ut Plato qui currit mouetur, ly qui refert Platonem, supponit pro eo.

Relatiuum diuersitatis substantiæ, est illud, quod

TRACTATUS SEPTIMVS

refert idem numero cum suo antecedente, sed supponit pro alio, ut Plato disputat, & alius puta sortes qui est alius a Platone legit ly alius refert Platonem, sed nō supponit pro Platone, sed pro sorte.

Relatiuum identitatis substantiæ reciprocu, est illud quod refert aīns per modum patientis, ut sortes pcutit se ly se refert sortem p modum patientis, quia pcutio recipit in sorte, & aduerte quod relatiuum reciprocum semper ponit in obliquo: quoniam apud grāmaticum licet nominatiuū possit esse patiens, ut sortes uerberat, non tñ potest habere modum patientis, unde modus patientis semper est in obliquo.

Relatiuum identitatis substantiæ non reciprocum est illud quod refert, & supponit absolute per eadem re numero & non per modum patientis, ut sortes disputat, & ipse est doctus, ly ipse refert, & supponit absolute pro sorte.

Relatiuum accidentis identitatis est illud quod refert eandem qualitatem, aut quantitatem in specie, & supponit pro eadem in specie, ut sortes est doctus, & talis est Plato, sortes est magnus, & tantus est Plato.

Relatiuum accidentis diuersitatis est illud quod refert eandem qualitatem, aut quantitatem in specie, sed supponit pro alia distincta specie, ut sortes est albus, & alterius modi est Plato puta q̄a niger. Sortes est bicubitalis, & alterius modi est Plato, quia cubitalis.

Quantum ad tertium ut scias modos generales, quibus supponunt diuersa relatiua iuxta diuisiones prædictas aduerte quinque regulas.

Prima est. Relatiuum identitatis substantiæ reciprocum, & non reciprocum dummodo non sit possessiuū, supponit pro eodem numero pro quo supponit suum aīns, in cōparatione tñ ad alterum extremorū, exēplum de non reciproco nō posse siuo, ut aliquid homo est iustus, & ille defendit iustitiam, ly ille non supponit absolute & indeterminate pro aliquo homine, sed pro aliquo homine iusto, & p̄p̄ea secūda pars copulatiuæ: scilicet & ille defendit iustitiam, non significat absolute & indistincte q̄ aliquis hō defendit iustitiā, sed q̄ aliquis

aliquis homo iustus defendit iustitiam, & hoc est dictum in
 comparatione ad alterum extremorum. Nam ly iustus est
 extremum primæ categoricæ quia est eius prædicatum, ex
 hoc sequitur quod hæc copulatiua est falsa aliquis homo est
 animal, & asinus est illud, nam secunda categorica est falsa.
 Significat enim q̄ asinus sit illud animal quod est aliquis ho-
 mo, & hoc est falsum ut patet. Hæc autem est uera. Plato
 est homo, & sortes non est illæ, quia ly ille significat q̄ sor-
 tes licet sit homo, non tamen est homo q̄ est Plato sed alius.
 Exemplum de reciproco. Omnis homo uidet se. Sicut ly ho-
 mo distribuitur sic ly se. Sed intelligendum est quod non est
 sensus quod omnis homo uideat absolute omnem homi-
 nem, sed referendo singulos ad seipsos. Sic descendendo.
 Omnis homo uidet se, ergo iste homo uidet seipsum & ille
 uidet seipsum, & ille &c.

Secunda regula. Relatiuum diuersitatis substantiæ & re-
 latiuum possessiuum non supponit pro eodem, pro quo sup-
 ponit suum antecedens sed pro alio, exemplum de primo.
 Duorum contrariorum immediatorum unum est in subie-
 cto, alterum non. Patet quod pro alio contrario supponit
 ly unum, & pro alio supponit ly alterum, puta ly unum sup-
 ponit pro sano, & ly alterum supponit pro ægro. Exemplum
 de secundo: id est de possessiuo, aliquis homo currit, & suus
 asinus dormit, constat quod antecedens supponit pro homi-
 nem & relatiuum suus supponit pro asino.

Tu tamen aduerte quod relatiuum possessiuum duo si-
 gnificat, unum in recto: scilicet rem possessam, alterum in
 obliquo: scilicet possessorem, ut quando dicitur. Sortes cur-
 rit, & suus asinus dormit, ly suus in recto significat asinum
 possessum, & in obliquo sortem possessorem. Sic enim intel-
 ligitur, & suus asinus: id est asinus sortes siue possessus a sor-
 te dormit. Cum igitur relatiuum possessiuum duo significet
 potest pro duobus supponere: scilicet pro re possessa in re-
 cto, & pro possessore in obliquo. Et sic erit uerum q̄ relati-
 uum possessiuum supponit pro eodem pro quo suum ante-
 cedens sed in obliquo & pro alio, sed in recto: ut docuimus.

Verum quia suppositio in recto est principalior, ideo regula non facit mentionem de suppositione in obliquo.

Tertia regula. Relativum identitatis accidentis, non supponit pro eodem numero, pro quo supponit suum antecedens, sed pro alio simili aut æquali: ut *sortes est albus*, qualis est *Plato* ly qualis non supponit pro sorte albo, sed pro *Platone albo*, qui est alius a sorte albo. Et hic. *Sortes est cubitali*, quantus est *Plato*, ly quantus non supponit pro sorte sed pro *Platone*.

Sed dices. Si non supponit pro eodem pro quo suum antecedens, ergo non debet dici relativum identitatis. Est. n. relativum identitatis quod refert & supponit pro eodem quo suum antecedens.

Respondetur, differt relativum identitatis substantiæ a relativo identitatis accidentis, & conuenit. Conuenit quidem in hoc quod utrumque refert idem aliquo modo identitatis, est enim identitas triplex. scilicet in substantia, quæ absolute dicitur identitas, & identitas in qualitate, quæ dicitur similitudo. Est enim similitudo rerum differentium eandem qualitatem, & identitas in quantitate, quæ dicitur æqualitas, est. n. æqualitas rerum differentium eandem quantitatem. Differt autem in hoc quod relativum identitatis substantiæ refert & supponit pro eodem numero substantialiter, pro quo suum antecedens supponit, ut *sortes* qui disputat est doctus. Relativum autem identitatis accidentis supponit pro eodem accidentaliter, quia pro identitate in qualitate, ut talis & qualis, uel pro identitate in quantitate: ut tantus & quantus. Verum quia identitas accidentaliter non est simpliciter identitas, sicut est identitas substantialiter, ideo dicitur in regula apud logicum, quod relativum identitatis accidentis non supponit pro eodem numero pro quo supponit suum antecedens, sed pro simili aut æquali. Et hoc est quod diximus supra, quod supponit pro eodem in specie.

Quarta regula. Relativum diuersitatis accidentis, supponit pro dissimili illi aut inæquali illi pro quo supponit suum antecedens, ut *nix est alba* & alius modi est *fuligo*, ly alius

modi non supponit pro re alba, sed pro nigra quæ est dissimilis rei albæ.

Quinta regula. Omne relatiuum supponit eodem modo generali quo supponit suum antecedens. Nam modi generales supponendi sunt isti. Materialiter, naturaliter, simpliciter, personaliter. Intendit ergo hæc regula, quod si antecedens supponit materialiter, sic & suum relatiuum: ut ibi. *Ly homo est nomen, quod est primitiuum. Ly quod supponit materialiter sicut ly homo. Si antecedens supponit naturaliter, sic & relatiuum, ut homo est animal, qui scilicet, homo est substantia. Si antecedens supponit simpliciter, sic & relatiuum ut animal est genus, quod est prædicabile de pluribus. Idem intellige de suppositione personali: ut homo currit qui mouetur. Hæc dicta sint de modis generalibus, quibus relatiua supponunt.*

Quantum ad quartum ut scias modos speciales supponendi relatiuorum, aduerte quinque regulas.

Prima regula, omne relatiuum identitatis substantiæ in eadem categorica sui antecedentis, semper supponit eodem modo particulari quo supponit suum antecedens, ita quod si antecedens supponit distributiue, sic & relatiuum. Si confuse confuse, si determinate determinate, si discrete discrete præbatur inductiue: ut hic, *omnis homo qui currit mouetur, ly homo & ly qui stant distributiue, & hic, ois homo est animal, quod est rationale, ly animal & ly quod stant confuse tantum. Et hic. Homo qui currit mouetur, ly homo & ly qui stant determinate, & hic. Sortes qui dormit quiescit, ly sortis & ly qui stant discrete. Idem intellige de relatiuo identitatis substantiæ reciproco tam non possessiuo quam possessiuo. Exemplum de non possessiuo ut *omnis homo uidet se, ly homo & ly se stant distributiue, nam bene sequitur, ois homo uidet, se ergo iste uidet se & iste uidet se, & sic de singularis, non absolute, sed referendo singulos ad semetipsos. Exemplum de possessiuo aliquis homo diligit filium suum, ly homo & ly suum stant determinate. Et in ista, Pater sortis uocauit, ly illum ly sortis & ly illum stant discrete.**

Et aduerte quod ex hac regula extrahuntur tres conclusiones. Prima est. Datur aliqua propositio uniuersalis affirmatiua, cuius prædicatum ita distribuitur sicut subiectum: ut in ista. Omnis homo uidet se, secunda est. Quando prædicatum est relatiuum idemprædicationis substantiæ, signum uniuersale affirmatiua ita habet uirtutem distribuendi prædicatum sicut subiectum: ut patet in propositione præmissa. Dixi quando prædicatum est relatiuum: ut excipiam absolutum. Dicitur enim supra quod in absolutis signum uniuersale affirmatiua distribuit terminum immediate sequentem, & mediate sequentem confundit: ut in ista, omnis homo est animal, tertia est. Dantur duo termini communes, sequentes signum uniuersale affirmatiua non impeditum per aliud signum distributiuum superueniens, ex quibus remotior a signo distribuitur, & non propinquior: ut patet in ista. Omnis homo est uidens se, ly uidens quod est propinquius signo uniuersali affirmatiua confunditur & ly se quod est remotius distribuitur.

Secunda regula, omne relatiuum diuersitatis substantiæ, non semper supponit eodem modo particulari, quo supponit suum antecedens. Sed diuersimode, eodem quidem modo supponunt ut hic. Vnus homo currit, & alius dormit, ly homo & ly alius supponunt determinate, & in hac. Omnis homo doctus docte loquitur, & omnis aliud ruditer loquitur, ly homo & ly alius stat distributive. Diuerso modo supponunt ut hic. Omnis homo iustus iuste uiuit, & alius iniuste, ly homo distribuitur & ly alius stat determinate. Aliquando antecedens supponit confusus quam relatiuum: ut in propositione præmissa, aliquando econuerso: ut hic, aliquis homo disputat, & tantum alius currit, ly homo supponit determinate: & ly alius confuse propter motam exclusionis.

Tertia regula, omne relatiuum idemprædicationis substantiæ relatiuum hypotheticæ ad suum antecedens supponens confuse tantum, non supponit eodem modo sed determinate, habito respectu ad totam compositionem sui antecedentis: ut hic. Omnis homo est animal, & illud est rationale ly animal stat confuse, & ly illud stat determinate. Et ideo hæc secunda

categoria. scilicet & illud est rationale, est falsa. Significat enim quod illud quod est omnis homo, est rationale, & hoc est falsum significatum, quoniam nullum est animal quod sit omnis homo. Unde non potest uere dici quod illud est rationale.

Quarta regula, omne relatiuum identitatis substantiæ, hypothetice relatum ad suum antecedens supponens discrete aut determinate aut distributive, supponit eodem modo ut suum antecedens, habito respectu ad totum compositionem sui antecedentis, uel ad alterum extremorum. Exemplum de suppositione discreta. Sortes est hoc animal quod est hoc rationale, ly animal in antecedente, & ly hoc in secunda categorica stant discrete. Exemplum de suppositione determinata, aliquis homo currit, & tu es ille, ly homo & ly ille stant determinate. Exemplum de distributiva. Quilibet homo est animal, & idem est rationalis. Sensus est. Quilibet homo est animal, & idem. id est. quilibet homo est rationalis.

Quinta regula. Relatiuum accidentis siue identitatis siue diuersitatis, non semper supponit eodem modo particulari, quo supponit suum antecedens sed secundum exigentiam sui signi eodem modo supponit, ut in ista, aliquis homo est albus, & talis est cignus, ly albus, & ly cignus supponunt determinate. Et in ista. Omnis homo rudis arat, & nullus talis disputat, ly rudis & ly talis stant distributive. Diuerso autem modo ut hic. Omnis homo albus currit, & talis disputat, ly homo albus stat distributive, & ly talis confuse tantum, aliquis autem antecedens supponit determinate, & relatiuum distributive, ut hic aliquis homo est albus, & nullus talis est ethiops, ly albus supponit determinate & ly talis distributive. Et hic, aliquis homo est niger, & omnis athiops est talis, ly niger stat determinate, & ly talis stat confuse tantum. Idem intellige de relatiuo diuersitatis accedens. Nam aliquando supponit eodem modo, ut suum antecedens, ut hic aliquis homo est albus & aliusmodi est ethiops, ly albus & ly aliusmodi stant determinate. Aliquando autem supponunt diuerso modo, ut hic, aliquis homo est niger, & non aliusmodi est coruus, ly niger stat determinate, & ly aliusmodi stat distributive, propter negationem quæ non impeditur.

TRAC. SEPTIMVS DE SUPPOSI.

distribuit terminum communem imediate & mediate sequentem, ut declaratum est supra. Hæc dicta sint de modo speciali supponendi relatiuorum. Et hic terminatur intentio nostra de suppositionibus tam absolutis propriis & impropriis quam relatiuis.

Explicit Trac. de suppositionibus ordinatus per Reuerendum Magistrum Christostomum Iauellum Canapicium ordinis prædicatorum, philosophiæ doctorem. Sequitur Trac. de ampliacionibus & appellationibus.

INCIPIT TRACTATUS DE AMPLIATIONIBUS, & appellationibus ordinatus per Reuerendum Magistrum Christostomum Iauellum Canapicium, ordinis prædicatorum, Philosophiæ professorem.



Ost tractatum de suppositionibus, expedit tractare de ampliacionibus & appellationibus, quoniam ut docuimus in trac. de syllogismo formalis sicut propter transitum a suppositione ad suppositionem sibi repugnantem, committuntur multi errores & quam plures fallaciæ in arte syllogistica, sic & a transitu ab ampliacione ad appellationem. Nam nisi teneantur termini in præmissis & in conclusione æque ample & æque strictæ, syllogismus semper est inualidus, & ita potest concludi conclusio uera ex præmissis falsis sicut ex ueris. Ut ergo scias uitare errores in arte syllogizandi qui eueniunt propter ampliacionem & appellationem terminorum, tradenda est resoluta doctrina in hoc tractatu de ampliacionibus & appellationibus. Diuidemus igitur ipsum in duo

capita.

In primo agendum est de ampliacione.

In secundo de appellatione.

Caput primum de ampliacione.

IN primo cap. agendū est de ampliacione, hic ergo tria uideā sunt, primo quid sit ampliatio termini de qua hic intendimus, secundo quæ & quot sint uniuersales regulæ ampliacionum, tertio soluentur quædam dubia.

Quantum ad primum aduerte quod de ampliacione inuenio apud logicos duas descriptiones, quartum utraq; recipi & defensari potest.

Prima est hæc. Ampliatio est extensio termini communis a minori suppositiōe ad maiorem, ut cum dicitur homo potest esse antichristus, ly homo non solum supponit pro p̄sentibns, sed etiam pro futuris.

Aduerte quod ly extensio ponitur loco generis, tāquam quid magis commune, & sumitur per similitudinem. Nam extensio proprie & dilatatio alicuius quanti, ut quando ipsum quantum trahitur ad maiores dimensiones. Verbi gratia cera congelata si liquefiat extenditur quoniā recipit maiores dimensiones, & occupat maiorem locum, per similitudinem autem in proposito est dilatatio termini cōis in quantum sumitur in aliqua propositione ad supponendum pro pluribus suppositis q̄ ante. Nam ampliatio attenditur principaliter in suppositione personali, quæ est respectu suppositorum, ut diximus in trac. præcedenti.

Dicitur extensio termini communis, ad differentiam termini discreti, qui non potest supponere aliquando pro pluribus aliquando pro paucioribus, sed tantum pro uno solo, & ideo iuxta terminum discretum non fit ampliatio neque appellatio.

Dicitur a minori suppositione ad maiorem non intensiue sed extensiue. Est autem minor suppositio personalis extensiue, quando stat ter. communis in propositione pro paucioribus suppositis, ut hic. Homo est albus, ly homo stat tantum pro p̄sentibus,

maior autem est, quando stat pro pluribus, ut hic. Homo potest esse albus, ly homo stat pro eo qui est homo uel potest esse homo ut tibi manifestabitur infra. Vnde in prima homo restringitur, in secunda autem ampliatur.

Et aduerte p ly a minore suppositione &c. distinguitur ampliatio ab appellatione, ut tibi erit notum in cap. sequenti. Hæc est prima descriptio.

Secunda talis est. Ampliatio est acceptio termini in propositione temporaliter supponentis ultra conſignificationem uerbi principalis uel participii eiusdem. Pro cuius notitia aduerte quod ampliatio termini, est ampliata suppositio termini respectu uerbi cui coniungitur pro diuersa differentia temporis. Verbi gratia. Hic terminus homo si coniungitur uerbo præsentis temporis ut dicemus in cap. sequenti, stat solum pro præsentibus, ut homo currit. Si autem coniungitur uerbo præteriti uel futuri temporis, stat pro præsentibus uel præteritis uel futuris, ut album fuit nigrum, uel album erit nigrum. Constat igitur quid sit ampliatio apud logicum.

Quantum ad secundum aduerte quatuor regulas generales prima est. Omnis terminus supponens a parte ante respectu uerbi de præterito uel sui participii supponit pro eo quod est uel fuit. Verbi gratia. In hac propositione, homo fuit ab æterno. Ly homo nō supponit solum pro homine qui nunc est. Nec solum pro homine qui fuit, licet p hoc diſiuncto, homo qui est uel fuit homo, fuit ab æterno, & secunda pars est uera, supposito quod mundus sit æternus in uia peripatetica.

Pro confirmatione huius regulæ aduerte quod idem dicendum est de uerbo præteriti imperfecti sicut præteriti perfecti. Vnde i ista, homo currebat, ly homo supponit ampliatiua pro eo qui est uel erat homo. Hoc autem non uerificatur rōne sui participii, quoniam præſens & præteritum imperfectum habent idem participium. Verbū autem præſentis tps ut dicemus in cap. sequenti, restringit terminum ad supponendum solum pro eo quod est. Sic & participium eius

Inquantum deseruit temporis præsentis. Aduerte etiam quod regula debet sic intelligi. Omnis terminus supponens a parte ante respectu uerbi de præterito uel eius participio, supponit pro eo quod est uel fuit, nisi talis terminus restringatur, ut hic homo qui nunc est fuit, ly homo non ampliatur, sed stat solum pro præsentibus per ly qui nunc est. Quare autem magis ampliatur a parte ante quam a parte post dicā infra.

Ex ista regula trahitur ueritas harum propositionum. Puer fuit uir. Nam qui est uel fuit puer, fuit uir, & secunda pars est uera. Qui enim est uir in trigésimo anno, fuit puer in decimo anno. Virgo concepit. Nam quæ est uel fuit uirgo, concepit. Quæ enim fuit uirgo, in decimo quarto anno concepit, licet nunc non sit uirgo.

Quod dictum est de uerbo præteriti temporis, intellige de participio eiusdem. Nam in ista, homo est suscitatus a mortuis, ly homo supponit pro eo qui est uel fuit homo, & secunda pars est uera & in ista. Cæcus est illuminatus, ly cæcus supponit pro eo qui est uel fuit cæcus, & secunda pars est uera. Vñ ut diximus in tractatu de syllogismo formali. Hoc argumentum non ualet in Darii. Omnis cæcus est illuminatus. Sortes est cæcus, ergo sortes est illuminatus. Nam in maiori supponit cæcus pro eo qui est uel fuit, cæcus, in minori autem solum pro eo qui est cæcus ut declarabitur in capitulo sequenti. Vnde cum in mai. stet ampliatiue & in mi. restrictiue non ualet argumentum. Hæc de prima regula dicta sint.

Secunda regula est. Omnis terminus supponens a parte ante respectu uerbi de futuro uel sui participii, ampliatur ad supponendum pro eo quod est uel erit, ut hic. Homo generabitur, id est qui est uel qui erit homo generabitur, & secunda pars est uera. Nam homo qui est, iam genitus est, ergo non generabitur. Qui uero erit homo, & nondum est, ille generabitur.

Hæc regula resoluta est apud logicos, nec indiget alia expositione aut limitatione, & ex ea sequitur harum propositionum ueritas,

TRACTATVS OCTAVVS

Magnus erit paruus id est qui est uel erit magnus, erit paruus, & secunda pars est uera. Nam sit puer quinque annorum, qui in secundo anno erit magnus, in decimo anno erit paruus. Corrupta erit uirgo. Meretrix erit uirgo. Nam quæ est uel erit corrupta, & quæ est uel erit meretrix, erit uirgo, sit enim puella quinque annorum quæ sit futura meretrix aut corrupta in decimo quinto anno, ista quæ erit meretrix in decimo tertio anno, erit adhuc uirgo in decimo anno.

Mortuus ambulabit, id est qui est uel erit mortuus, ambulabit, & secunda pars est uera. Nam sit homo qui hinc ad annum morietur. Verum est dicere quod hinc ad mensem ambulabit, & forte hodie uel cras.

Tertia regula. Omnis terminus supponens a parte ante uel a parte post respectu horum uerborum incipit, & desinit potest & contingit, & suorum participiorum, & nominum uerbalium desinentium in bilis uel in bile, uel in or, ampliat ur ad supponendum pro eo quod est, uel incipit uel desinit uel contingit uel potest esse exemplum de incipit. Album incipit esse id est quod est album uel incipit esse album incipit esse. Exemplum de desinit, calidum desinit esse id est quod est calidum uel desinit esse calidum, desinit esse. Exemplum de potest album potest esse nigrum, id est quod est uel potest esse album, potest esse nigrum. Exemplum de contingit, Calidum contingit esse frigidum id est quod est uel contingit esse calidum contingit esse frigidum. Exemplum de eorum participiis & uerbalibus nominibus quia non sunt multum in usu, ideo pertransleo. Quæretur. Sed aduerte quod licet secundum omnia prædicta uerba possit fieri ampliatio. Præcipue tamen per uerbum potest, & per nomen uerbale terminatum in bile ut possibile. Nam potest & possibile faciunt propositionem de sensu composito & diuiso ut tibi declarabitur in trac. de probationibus terminorum, & ideo eorum ampliatio est magis in usu & restrictio.

Ex hac regula sequitur ueritas harum propositio-

nun.

Dulcissimum potest esse dulcius, id est quod est dulcissimum potest esse dulcissimum, potest esse dulcius, & secunda pars est uera. Nam sumpta una quando incipit maturari, & est aliquantulum dulcis, eritque hinc ad mensem dulcissima hodie uerum est dicere, quod potest esse dulcissima, & hinc ad decem dies erit dulcior, ergo uerum est dicere quod dulcissimum, id est quod potest esse dulcissimum, potest esse dulcius.

Infimum potest esse inferius, id est quod est infimum uel potest esse infimum, potest esse inferius, & secunda pars est uera & declaratur sicut præcedens. Verbi gratia. Sumatur lapis, qui debeat descendere a loco supremo ad infimum per tria media A B C & D sit locus infimus, quando lapis erit in B. uerum erit dicere, quod lapis est uel potest esse infimus. & quando erit in C. erit inferior & continue erit inferior, donec perueniat ad D. Tunc enim erit infimus quia de facto erit in loco infimo.

Ergo infimum, id est quod potest esse infimum potest esse inferius.

Ex eadem regula patet ueritas harum propositionum, respectu participii & nominis uerbalis.

Genitum est generabile, id est quod est genitum, uel potest esse genitum est generabile, & secunda pars est uera, nā sicut quod potest esse calefactum, est calefactibile sic quod potest esse genitum est generabile.

Corruptum est corruptibile, id est quod est corruptum uel potest esse corruptum, est corruptibile, id est potest corrumpi, & secunda pars est uera. Nam sicut quod potest esse uisum, est uisibile aliter non posset esse uisum nisi esset uisibile, sic nihil potest esse corruptum, nisi sit corruptibile ergo ista est uera, corruptum est corruptibile modo præposito.

Quarta regula. Omnis terminus supponens a parte post in uerbo actiuo, uel a parte ante in uerbo passiuo, respectu uerbi extendentis actum suum tam ad rem existentem quā

non existentem ut sunt ista uerba, cognosco, intelligo, imaginor opinor, ampliatur ad supponendum pro eo quod est uel ē cognoscibile aut intelligibile aut imaginabile aut opinabile aut possibile esse. Vt in istis intelligo rosam, uel rosa intelligitur. Imaginor montem aureum, opinor alterum mundum ampliatur ad standum pro eo quod est, uel est possibile uel intelligibile & cetera dato quod non sit in rerum natura. Vnde rosa non existente ut in hieme si dico. Intelligo rosam, sic habet intelligi. Intelligo rosam quæ est uel potest esse. Si dico. Opinor alterum mundum, sic habet intelligi. Opinor alterum mundum qui est uel opinabilis est esse. Si dico imaginor montem aureum. Sic habet intelligi. Imaginor montem aureum qui est, uel qui est imaginabilis esse.

Istæ sunt præcipuæ & magis famosæ regulæ ampliatio-
num apud logicum, ex quibus omnibus sequuntur tria
correlaria.

Primum quando subiectum uel prædicatum est terminus ampliatus siue sit participium siue nomen. Non ualeat consequentia, a tertio adiacente ad secundum adiacens. Exemplum de participio. Non sequitur, Homo est mortuus, ergo homo est. Homo est generandus, ergo homo est. Nam in antecedente homo ampliatur ut patet per primam & secundam regulam in consequente autem restringitur ad hominem præsentem, & ideo antecedens est uerum, & consequens falsum exemplum de nomine. Rosa est intellecta a me, ergo rosa est non sequitur, quoniam in antecedente ampliatur rosa ad supponendum, pro rosa quæ est uel potest esse, ut est intelligibilis. In consequente autem restringitur ad rosam existentem de præsentis, propter copulam præsentis temporis.

Secundum. Hæc conuersio, non ualeat. Aliquis homo est futurus ergo aliquod futurum est homo. sed debet sic conuerti, ergo aliquod futurum est uel erit homo.

Tertium. Hic syllogismus non ualeat. Omne præteritum fuit. Diluuium est præteritum, ergo diluuium est quoniam

in minori tenetur diluuium ampliatiue pro eo quod est uel fuit. In conclusione autem tenetur restricte ad tempus præsens, ergo syllogismus non ualet. Docuimus enim in tracta. de syllogismo formali, quod argumentum non tenet quando termini non tenentur æque amplæ & æque strictæ. Hæc pro regulis ampliationum dicta sunt.

Quantum ad tertium aduerte quod in prædictis regulis multa uidentur dici ad placitum, & absque ratione, & ideo multi non admittunt has regulas, & dicunt terminum non supponere nisi iuxta differentiam temporis cui adiungitur. Verbi gratia. Si iungitur tempori præsentis supponit pro tempore præsentis, si præterito, pro præterito, si futuro, pro futuro.

Primum dictum ad placitum est, quod uerbum de præterito, uel de futuro, uel eorum principia ampliant terminum a parte ante & non sit mentio de termino a parte post cum tamen uideatur eadem ratio. Nam in ista puer fuit senex, tam subiectum quam prædicatum supponunt determinate, ergo qua ratione ampliatur subiectum, eadem ratione & prædicatum.

Secundum dictum ad placitum est quod terminus supponens respectu uerbi de præterito uel de futuro, ampliat ad standum pro his qui sunt uel fuerunt uel erunt. Non autem terminus supponens respectu uerbi de præsentis, quoniam ille stat. tantum pro his qui sunt. Hæc autem differentia uidetur mere uoluntaria quoniam pro ea nulla adducitur ratio in regulis supradictis.

Tertium dictum ad placitum est, quod ista uerba potest incipit definit contingit, habent particularem uim ampliandi terminum a parte ante & a parte post, quod non habet uerbum substantiuum, nec alia uerba, & scipue in tempore præsentis modi indicatiui, ut excipiam uerbum substantiuum & multa alia uerba, quæ habent uim ampliandi in tempore præterito & futuro ut patet per primam & secundam regulam. Cum ergo nõ assignetur causa talis regulæ quæ est tertia in ordine, uidetur uoluntarie posita.

TRACTATVS OCTAVVS

Quartum dictum ad placitum est quod solus terminus rectus a parte post uerbi actiui, uel a parte ante uerbi passiuuel eius participii habentis naturam transeundi indifferenter ad possibile & imaginabile, ampliatur ad standum pro eo quod est, uel est possibile esse, uel imaginabile. Hoc autē dicunt uidetur mere uoluntarium, cum non assignetur ratio propter quam appareat quod id magis conuenit tali termino quam alii.

Ad primum dicitur quod regulas ampliationum nō oportet fundare tam in aperta ratione, quam in usu primorum authorum, nam quia primi auctiores uidentur loqui secundum hos modos ampliatiuos idēo posteriores eos respiciūt & quidem quod authores primi utantur his modis patet p̄cipue apud Aristotelem, nam in primo priorū utitur ampliatiue hoc uerbo contingit, & in primo elenchorum hoc futuro sanabitur, & in secundo perihermenias hoc uerbo potest. Quod igitur respectu uerbi de præterito uel de futuro uel respectu suorum participiorū terminus rectus a parte ante ampliatur, & nulla fiat mentio de termino recto a parte post, alia non est manifesta ratio nisi quia authores primi sic uisunt loqui. Nec id debet mirum uideri quoniam cum tractatus ampliationum multum adhereat grammatices, i qua magis attenditur autoritas primorum instituentium quam euident ratio, sufficere debet pro approbatione regularum ampliationum eadem autoritas.

Quidam tamen cupientes satisfacere his qui in omnibus rationem querunt quos reprehendit Aristoteles in secundo metaphysicæ, quoniam, in multis eportet credere primis inuentoribus, dicunt huius rationem esse, quia terminus rectus a parte ante supponit de per se respectu huius uerbi est inclusi in uerbo ampliatiuo. Sed terminus sequens uerbum non supponit de per se respectu huius uerbi est, sed solum respectu participii a quo determinatur. Verum si aduertis. Hæc ratio uidetur ad placitum adducta, sicut & regula ampliationum. Et ideo melius est assentire primis authoribus, quam rationi in euidenti.

Ad secundum dicitur quod & si principaliter inhærendum sit primis authoribus tamen aliquantulum evidenter ratio haberi potest quam in antedictis, & ratio quidem est hæc. Verbum substantivum de præterito & futuro includit idem verbum de præsentis, ut patet resolvendo in suum participium, ut hic. Homo fuit, id est homo est præteritis, homo erit, id est homo est futurus. Quod enim fuit, verum fuit aliquando dicere hoc est, & quod erit. Verum erit aliquando dicere, hoc est. Verbum autem substantivum præsentis temporis, ut ly est, non includit præteritum & futurum. Stat enim ut declarabitur tibi in sexto physicorum, quod aliquod pro hoc instanti sit, quod tamen ante hoc instans non fuit, nec post hoc instans erit. Non est ergo eadem ratio de verbo præterito & futuro, & de verbo præsentis temporis.

Ad tertium dicitur ut supra. Sed & aliqualis ratio est in promptu. Nam ista verba incipit & desinit contingit potest sunt talis naturæ, quod eorum actus possunt se extendere ad rem actu existentem & non existentem, id est ad rem præteritam vel futuram. Nam ut declarabitur tibi in tract. de probationibus terminorum aliqua incipiunt esse per positionem de præsentis & negationem de præterito, ut hic. Homo incipit esse. Homo nunc est, & ante hoc nunc non fuit, ergo homo incipit esse, aliqua autem incipiunt esse per negationem de præsentis, & positionem de futuro ut motus incipit esse. Motus nunc non est, & post hoc nunc immediate erit, ergo motus incipit esse. Idem intellige de hoc verbo desinit. Nam quædam desinunt per positionem de præterito, & negationem de præsentis, quædam autem per positionem de præsentis & negationem de futuro, & hæc omnia tibi manifesta erunt in tract. de probationibus terminorum.

Similiter actus istorum verborum potest & contingit, & suorum principiorum & suorum nominum verbalium ut possibile & contingens, possunt transire super rem actu existentem & actu non existentem. Nam hæc est vera, homo currens potest currere. Nam si non posset currere,

non curreret, & hæc est uera. Homo sedens potest currere. Nam remoto impedimento, per potentiam motiuam, potest homo quiescere per sessionem, & uelociter moueri per cursum. De contingit. Hæc est uera. Hominem sedere contingens est, & hæc est uera, rosam generari in uere contingens est. In prima uerificatur contingens de homine existente. In secunda uerificatur de rosa non existente, & ideo non est mirum si prædicta uerba habent uim ampliandi, quam non habent communiter omnia alia uerba.

Ad quartum dicendum est, ut ad tertium. Nā uerba quæ concernunt actum animæ cognoscitiuæ, ita uerificantur de existente sicut de non existente dummodo non existens sit intelligibile aut opinabile aut imaginabile, & ideo nō est mirum si sunt uerba ampliatiua. Et quidem quod talia uerba puta intelligo, cognosco, opinor, imaginor, somnior uerificantur tam de re existenti quam non existenti, declaratum est in regula quarta, & eadem tibi manifestiora erunt in lib. 3. de aīa. Hæc de ampliatiōibus dicta sint, p. quanto eas recipiunt logici cōiter. Quod dixerim, qm̄ Petrus Mantuanus terminista, apparuit negans absolute ampliatiōem termini respectu cuiuscunq; uerbi & tpsis uerbi ut patet in logica. Verum ne nouitii intellectus confundat, hoc p. transco. Si tamen tibi est appetitus id uiuendi & intelligendi, quære in Mengo. in parte secunda, ubi defensat ampliatiōem terminorum contra Petrum Mantuanum, & illic inuenies fundamenta & argumenta Petri Mantuani, & Mengi Fauentini satis resolutas rñsiones. Hæc de ampliatiōibus dicta sint.

Caput secundum de appellationibus.

IN secundo capite agendum est de appellationibus, de quibus tria uidenda sunt. Primo, quot sint modi famosi quibus dicitur appellatio. Secundo quid sit appellatio in sensu de quo hic intendimus. Tertio quæ & quot sint regulæ magis usitatæ de appellatione.

Quantum ad primum aduerte, quod appellatio solet cōmuniter dici quatuor modis primo dicitur recursus a minori iudice suspecto ad maiorem propter iniustitiam latæ sententiæ

sentētiæ, & de hac considerat ciuilis, nō autem logicus neq; physicus neq; mathematicus, neq; metaphysicus, secūdo dicitur appellatio cōicatio multorum in aliquo uno noīe, & sic ab appellatione dicitur nomen appellatiuum quod pluribus conuenit, ut homo animal corpus, & de hac considerat grammaticus distinguens nomen in proprium & appellatiuum, quod dicitur apud logicum terminus discretus & terminus cōis, tertio dicitur denominatio alicuius ab aliquo accidentalis, tam ab intrinseco quam ab extrinseco: ut nix appellatur alba. i. denominatur alba ab albedine. Dixi tam ab intrinseco quam ab extrinseco, quoniam res aliquando appellatur talis ab accīte sibi inhāēte: ut aqua calida a calore sibi intrinseco, aliqñ autem ab accidente inhāēte alteri: ut res appellatur locata a loco, & tamen locus non est subiectiue ī loco sed in locante. Idem intellige de re temporali, ut denominatur a tempore, & de agente ut denominatur ab actione. Et hæc tibi manifestabuntur in. 3. & 4. physicorum. Et de hoc modo appellationis locuti sumus in anteprædicamentis tractantes de denominatiuis, quarto dicitur restrictio termini supponentis, & ut sic opponitur ampliatiōi. Nam sicut ampliatio est extēsiō termini a minori ad maiorem suppositionem, modo quo exposuimus in cap. præcedenti, sic appellatio opposito modo est restrictio termini a maiori ad minorem suppositionem, ut tibi manifestabitur infra, & de hoc quarto modo tantum agendum est hic.

Quantum ad secundum aduerte quod appellatio quarto modo sumpta, & ut opponitur ampliatiōi sic diffinitur. Appellatio est acceptio termini in propositione supponentis tantum pro differentia temporis uerbi, cui adiungitur, ita quod si adiungitur uerbo præsentis temporis, supponit solum pro præsentibus: ut homo currit. Si uerbo præteriti temporis, pro eo quod fuit. Si uerbo futuri temporis, pro eo quod erit, ut tibi declarabitur in sequentibus. Et aduerte quod hæc descriptio non discordat ab ea quam ponunt reales dicentes quod appellatio est restrictio termini communis a maiori ad minorem suppositionem. Nam in ampliati-

tione supponit terminus pro pluribus cum pluribus differentiis temporis: ut pro eo quod est uel fuit, aut pro eo quod est uel erit, aut pro eo quod est uel potest esse, uel est intelligibile uel opinabile uel imaginabile esse. Ex consequenti supponit pro pluribus suppositis, quoniam pro presentibus aut preteritis aut futuris aut possibilibus aut imaginabilibus. In appellatione autem supponit terminus pro paucioribus, quoniam pro his tantum quæ sunt sub una differentia temporis: ut pro presentibus tantum: aut preteritis & futuris & possibilibus tantum. Et ideo bene dicitur quod est restrictio termini a maiore ad minorem suppositionem, quia in appellatione terminus supponit pro paucioribus suppositis modo quo dictum est.

Quantum ad tertium aduerte quod de appellationibus datur talis diuisio. Appellationum quædam est appellatio temporis, quædam ampliacionis, quædam formæ.

Appellatio temporis est acceptio termini in propositione pro aliquo uel pro aliquibus secundum solam consignificationem uerbi cui coniungitur uel sui participii: ut homo currit, ly homo appellat tempus præsens, quia supponit solum pro presentibus.

De appellatione temporis dantur duæ regulæ, generales. Prima est. Omnis terminus supponens respectu uerbi de presenti non ampliatiui, nec distracti per participium ampliatiuum, tam subiectum quam prædicatum appellat tempus præsens: id est supponunt solum pro presentibus: ut homo est albus, homo currit. Dicitur non ampliatiui: ut excipiantur ista uerba incipit & desinit contingit potest, & uerba concernentia actum mentis: ut intelligo cognosco, quæ ut docuimus in cap. præcedenti in tertia & quarta regula, habent uim ampliandi etiam in tempore presenti: ut album potest esse nigrum ly album stat pro eo quod est uel potest esse album &c. Dicitur nec distracti per participium ampliatiuum: ut excipiantur participia præteriti & futuri temporis: ut hic homo est genitus, homo est generandus, ly homo stat pro homine qui est uel fuit uel erit, quia licet coniu-

gatur uerbo substantiuo præsentis temporis, Tamen rationem participii præteriti, & futuri, non appellat tempus præsens, sed stat ampliatiue.

Secunda regula est hæc. Omnis terminus sequens uerbum præteriti, uel futuri temporis solummodo, appellat tempus præteritum, uel futurum: id est supponit tantum pro præteritis siue pro futuris, ut hic, album fuit nigrum, album erit nigrum, ly nigrum appellat tempus præteritum in prima propositione, supponit enim solum pro eo quod fuit nigrum, & in secunda appellat tempus futurum: quoniam supponit solum pro eo quod erit nigrum. Dicitur terminus sequens, ad differentiam termini præcedentis, qui regitur a parte ante: quoniam ut tibi declaratum est in capit. præcedenti in regula prima, & secunda ampliatur ad supponendum pro eo quod est uel fuit, uel erit. Vnde in ista album fuit nigrum, ly album stat ampliatiue, & ly nigrum appellatiue.

Appellatio ampliationis est acceptio terminis in propositione limitati per uerbum, quod habet uim ampliandi, tam a parte ante quam a parte post, uel per suum participium. Verba autem habentia uim ampliandi a parte ante, & post sunt ista. Incipit definit, contingit potest. V. G. Homo incipit esse iustus, tam ly homo quam ly iustus stant ampliatiue ratione uerbi incipit, & supponunt pro eo quod est, uel incipit esse, tamen ly iustus appellat, & restringit inceptionem, ita quod licet stet, & possit uerificari p eo quod est, uel incipit esse iustum: tamen restringitur ad standum pro eo solū, quod incipit esse iustum. Subiectum uero stat simpliciter ampliatiue. s. pro eo qui est uel incipit esse homo.

Pro appellatione ampliationis datur hæc uniuersalis regula, omnis terminus rectus a parte post ita q sequatur uerbum aliquod ex istis, incipit definit potest contingit &c. uel suum participium, uel suum uerbale appellat. i. restringit illorum ampliationem, ut patet in exemplo dato de homine incipiente esse iusto, ita quod uerum est debere quod incipit uel definit, uel contingit, uel potest esse iustum.

TRACTATVS OCTAVVS

Appellatio formæ est acceptio termini in propositione sequentis uerbum uel eius participium, quod concernit actû mentis. Sunt autem huiusmodi uerba intelligo uolo cognosco scio opinor imaginor &c. Terminus igitur sequens aliquod istorum uerborum dicitur appellare formam. i. stare p. sua ratione formali, quam insinuamus per dictionem reduplicatiuam: ut cognosco patrem meum. i. sub ratione qua pater, ratio autem est, quia genuit me. Dico ergo cognoscere patrem meum, si cognosco eum in quantum genuit me. Similiter cognosco hominem, si cognosco eum in quantum est homo. i. ut est animal rationale.

Et aduerte quod appellatio formæ semper est ex parte prædicati, unde dicimus quod prædicatum formam appellat: id est stat formaliter, subiectum autem inaterialiter. Hæc de causâ multæ sunt propositiones, quæ aliquando sunt uere, & aliquando sunt falsæ factæ per uerba concernentia actum mentis secundum quod terminus præcedit aut subsequitur uerbum. Verbi gratia Si dico. Deum trinum cognouit Aristoteles, est uera quoniam Aristoteles cognouit Deum qui est trinus. Si autem dico. Aristoteles cognouit Deum trinum, est falsa, quoniam licet cognouerit Deum qui est trinus, non tamen cognouit eum in quantum est trinus. i. prout est una substantia in tribus suppositis nam hoc negasset Aristoteles. Item si dico. Cibus uenenosus desidero, potest esse uera, quia possum desiderare fongium qui est uenenosus licet nesciam esse uenenosum. Si autem dico. Desidero cibum uenenosum, est falsa, quoniam sensus est. Desidero cibum in quantum scio ipsum esse uenenosum & mortiferum quem nullus sanæ mentis desiderat.

Item aduerte quod inter species appellationis prima & tertia est satis in usu apud doctores, & maxime tertia, ut tibi declarabitur in tract. de syllogismo sophistico. Secunda autem minime est in usu.

Item aduerte quod regulæ præpositæ de appellatione temporis & ampliacionis, magis acceptantur ex auctoritate primorum authorum quàm ex euidenti ratione. Sicut etiam

diximus de regulis ampliacionum. Et ideo non est hic inimo-
randum ad inuestigandum, quæ sit efficax & manifesta apud
intellectum ratio de prædictis, sed sufficit quod recipiantur
ex firmato usu apud authores. Hæc de appellationibus di-
cta sufficiant.

Explicit Tractatus de ampliacionibus & appellationibus
ordinatus per Reuerendum magistrum Chrysostomum Ia-
uellum Canapicium ordinis prædicatorum philosophiæ p-
fessorem. Sequitur Tractatus de consequentiis fundatus in
doctrina Aristotelis.

INCIPIT TRACTAT. DE CONSEQUEN-
tiis ad uiam peripateticam, ordinatus per Reueren-
dum Magistrum Chrysostomum Iauellum Ca-
napicium ordinis prædicatorem, & Phi-
losophiæ professorem.



N hoc nostro Trac. de consequentiis
non est intentio nostra immorari in
recitandis modernorum logicorū ua-
riis & captiosis sententiis, quæ magis
inuoluunt q̃ illuminent adiscantis in-
tellectum. Nostra ergo intētio est age-
re de cōsequentiis ad uiam peripateti-
cā prout sunt nobis uia in acquirēdis
aliis sciētiis, & cōpendiosius ac efficacius quacūq; alia uia ar-
gumētatiua. Hūc igitur tractatū diuidemus in quatuor cap.

Primo diffinietur consequentia.

Secundo ponentur suæ diuisiones universales.

Tertio assignabuntur regulæ generales consequentiæ
formalis.

Quarto descendemus ad regulas particulares.

Caput primum quid sit consequentia.

IN primo capite ne tendamus per incognita, inuestigan-
dum est quid sit consequentia. Sed antequam deueniam

ad diffinitionem aduerte quod consequentia potest tripliciter considerari, primo absolute ut pñtia est, non contrahendo ipsum ad bonam, nec ad malam, sed ut ab utraq; abstrahit, secundo ut contrahitur ad bonam, tertio ut contrahitur ad malam. Item aduerte quod pñtia absolute sumpta dupliciter potest diffiniri. scilicet quo ad materiam, & quo ad formam, sicut & domus, nam si dicatur quod domus est quid compositum & lapidibus, & lignis, & cemento est diffinitio per materiã, quæ & materialis dicitur. Si autem dicatur quod domus est habitaculum prohibens nos a frigore, & ab estu pluuiæ, & niue &c. est per formam, quæ etiam dicitur diffinitio formalis, siue per finem. Hic igitur ad uniuersalẽ doctrinam habendam de consequentia diffinienda est primo absolute ut est abstrahens a bona, & a mala siue ut est cõis bonæ, & male, secundo diffinitur consequentia, ut est bona, tertio ut est mala.

Quantum ad primum aduerte quod materialiter sic diffinitur. Consequentia est oratio plures continens propõnes coniunctas per notam illationis denotantem sequellam unius ad alteram, ut homo est rationalis, ergo est risibilis.

Primo ly oratio ponitur loto generis, est enim magis cõmunis quam cõsequentia, nam & syllogismus est oratio, nõ tamen est pñtia, secundo dicitur plures continens propositiones, ut distinguatur ab oratione categorica, nam consequentia est oratio hypothetica, hypothetica autem oratio continet plures categoricas coniunctas per aliquam coniunctionem. Sed aduerte quod per ly plures intelliguntur duæ, una pcedens notam illationis, altera subsequens, nam si plures quam duæ, & ordinarentur in modo & in figura iam non esset consequentia, sed syllogismus ut docuimus in trac. de syllogismo formali, tertio dicitur coniunctas per notam illationis. id est per ly ergo uel igitur quoniam denotat quod secunda propositio sequitur ex prima uere aut putatiue. Vere quidem, ut hic. Sol est super terram, ergo dies est, putatiue autem ut hic. Deus creauit mundum, ergo creauit ab æterno.

Formaliter autem sic diffinitur. Consequentia est habitudo uera uel existimata sublequentis propositionis ad præce-

dentem designata per notam illationis, illatiue tentam.

Primo dicitur habitudo, qm sequentia, & sequella, & consequentia dicunt formaliter respectum, respectus autem est habitudo apud logicum, ut docuimus in pnto ad aliquid sicut paternitas est respectus, & habitudo patris ad filium, & filiatio econuerso. Sic & consequentia est habitudo subsequents propositionis ad precedentem, ut hic. Homo currit, ergo homo mouetur, nā ex eo q currit sequitur q mouetur, quoniam cursus est species motus, & de quocunq pndicatur species, pndicatur genus, secundo dī habitudo uera uel existimata, qm hic diffinitur consequentia ut cōis est bonæ, & male, in utraq autem denotatur habitudo, sed differenter, qm in uera consequentia est uera habitudo in mala autem est putatiua siue existimata, & ideo ut scias q hic diffinitur consequentia ut cōis est bone, & male dicitur disiunctim q est habitudo uera uel existimata, tertio dicitur de signata per notam illationis illatiue tentam, quoniam nota illationis habet uim conclusiuam ex sui natura, dummodo teneatur illatiue, quoniam si teneretur materialiter, non de signaret illationem, ut in hac propositione, ergo est coniunctio, siue ergo est indeclinabile.

Quantum ad secundum aduerte quod diffinitio bonæ cōsequentię si diffiniatur quo ad materiam est hæc. Consequentia bona est oratio. s. hypothetica rationalis, habens uerum antecedens, & uerum pns eiusdem antecedentis tāquam principales partes sui, & notam illationis illatiue tentam, ut sortes est homo, ergo sortes est aīal. Antecedēs est propō quæ in bona pntia pcedit notam illationis, ut sortes est homo. Consequens est propō subsequens notam illationis uel quæ inferitur ex antecedente mediante nota illatiua, ut ergo sortes est animal. Si autem diffiniatur quo ad formam, sic diffinienda est. Consequentia bona est consequentia in qua est uera illatio siue uera sequella ueri consequentis ex uero antecedente per notam illationis designata.

Primo ly pna ponitur loco gnīs, qm est in plus q pna bona, secundo dī in qua est uera illatio & totū residuū dicitur

ad differentiam consequentiae male, in qua est illatio non uera sed existimata, nec prima propositio est uerū antecedens nec secunda est uerum consequens, nec nota illationis. uere infert sed hæc omnia tantum sunt apparenter siue superficialiter in consequentia mala, ut tibi manifestabitur.

Quantum ad tertium aduerte qm̄ p̄na bona & mala sunt oppositæ cognito quid sit p̄na bona, de facili tibi cōstat quid sit mala nam oēs condiciones oppositæ cōditionibus conuenientibus p̄ne bene manifestant tibi p̄nam malam. Est igitur p̄na mala, quæ licet sit oīo hypothetica rationalis, tamen nō habet uerum antecedens, nec uerum p̄ns ex eodem antecedente, nec notam illationis uere illatiuam, nec est formaliter illatio uera siue sequella p̄ntis ex antecedente, sed oīa hæc in ea continentur quasi per quandam similitudinem ad p̄nam bonam. Vnde in rei ueritatem consequentia mala nō est proprie consequentia licet nominetur consequentia.

Et si quæras in quo stet essentialis differentia inter p̄nam bonam & malam per quam infallibiliter cognoscuntur.

Respondetur s̄m reales bona p̄na essentialiter distinguuntur a mala per hoc q̄ in bona antecedens non potest esse uerum sine p̄nte. In mala autem nihil prohibet antecedens esse uerum sine consequente. Exemplum de bona. Tu es homo ergo tu es rationalis, nam non est possibile, q̄ tu sis homo, quin sis rationalis, qm̄ rationale est de diffinitione hominis, & prædicatur de eo essentialiter ut docuimus in tractatu de prædicabilibus. Exemplum de mala, tu es homo, ergo tu es diues, nam bene stat q̄ tu sis homo, & tamen non sis diues, non enim est necesse hominem esse diuitem, qm̄ hæc est in materia contingenti. Homo est diues.

Secundum terministas autem distinguitur bona a mala in hoc q̄ in bona oppositum cōsequentis repugnat aīti. Tunc autem repugnat qm̄ & aīte et opposito consequentis non potest fieri una copulatiua cuius utraq̄ pars sit posis, Verbi gratia. Hæc est bona. Sortes est homo, ergo est animal, qm̄ oppositum cōsequentis. Ergo est non animal, non potest stare antecedente. Hæc enim copulatiua est impossibilis

Sortes est homo, & non est animal, qm̄ animal est de diffōne hominis, & hæc est in materia naturali, homo est animal, in qua negatiua semper est falsa. In mala autem oppositū p̄ntis non repugnat ānti, immo potest stare cum eo, cuius signum est quod potest fieri una copulatiua possibilis, cuius prima categorica erit antecedens & secunda erit oppositum p̄ntis, ut gratia exempli, hæc est mala. Tu es homo, ergo ut uigilas. Nam oppositū consequentis. s. tu non uigilas, stat cum antecedente Vnde hæc copulatiua est possibilis, qm̄ utraq; pars est possibilis. Tu es homo, & tu non uigilas.

Et aduerte quod reales & terministe in hoc non dissentiūt sed conueniūt secundum sensum. Nam si in consequentia bona antecedens non potest esse uerum sine consequente, ergo oppositum consequentis repugnat antecedenti, & si in consequentia mala antecedens potest esse uerum sine consequente, ergo oppositum cōsequentis stat cum antecedente, ut exemplificatum est. Constat igitur quid sit consequentia ut est communis bone & male, & quid sit bona, & quid mala, & per quid essentialiter differunt & infallibiliter cognoscuntur.

Caput secundum de generali diuisione
consequentia bonæ.

IN hoc secundo cap. relicta consequentia mala, quæ proprie non est consequentia, ut docuimus in capitulo præcedenti, & quæ nobis non deseruit in scientiis acquirendis, sed potius est causa erroris, immorandum est circa diuisiones generales bonæ consequentia. Tu igitur aduerte qd apud terministas & reales prima diuisio est in bonam, & malam siue in uerā & falsam. & quid utraq; sit & q̄to differant dictum est in cap. præcedenti.

Secunda diuisio est, bona consequentia prima diuisione diuiditur in formalem & materialem.

Formalis quidem est illa in qua oppositum consequentis formaliter & manifeste repugnat antecedenti, ita quod apud nullum utentem ratione, & scientem terminos imaginabile non est nec opinabile quod oppositum consequentis

TRACTATVS OCTAVVS

possit stare cum antecedente. Vnde hæc est bona formalis. homo currit, ergo homo uelociter mouetur. Nam nullus utens ratione & sciens significatum huius termini currit, potest concipere nec imaginari quod homo currat, & quod non uelociter moueatur, nam motus uelox est de ratione cursus.

Materialis est illa in qua oppositum consequentis repugnat antecedente, sed non manifeste, potest enim quis imaginari & opinari quod stet oppositum consequentis cum antecedente, licet imaginatio & opinio sit falsa. Vnde hæc est materialis. Homo est, ergo anima eius est immortalis. Nam oppositum consequentis non manifeste & ad sensum repugnat antecedenti. Multi enim, licet falso opinantur hanc copulatiuam esse ueram. Homo est, & anima eius est mortalis. Similiter hæc est materialis. Deus nō est, ergo nullus homo est. qm̄ licet in ueritate oppositū consequentis repugnat antecedenti, tamen apud multos est imaginabile quod stet cum antecedente, ut apud illos qui negant deum esse, Vnde ipsi reputant hanc copulatiuam esse possibilem Deus non est, & aliquis homo est. Qui tamen seipso decipiūt. Patet igitur quid sit cōsequētia formalis & materialis.

Vsq̄ue hunc reales & terministe conueniunt. Discordant autem reales a terministis in duabus regulis datis de consequentia bona materiali.

Dicunt. n. terministe quod ex impossibili sequitur quod libet, i. si antecedens sit propositio impossibilis, consequens potest esse quæcūq; alia propositio & consequentia erit bona materialis ut hic. Asinus est homo, ergo baculus est in angulo, & hic, deus non est, ergo gallus cantat. Dicunt etiam quod necessarium sequitur ad quodlibet, i. Quæcūq; propositione posita pro antecedente si inconsequente ponitur propositio necessaria, consequentia erit bona materialis ut hic gallus cantat, ergo homo est rationalis.

Has regulas non concedunt reales ut sonant id est in sua uniuersalitate quoniam diffinitio bone consequentiæ, non seruatur per eas. Diximus enim quod bona p̄na est uera il.

latio & sequella consequentis ex antecedente.

Per has autem regulas constat apud sane mentis mirum non seruari ueram sequellam nec dependentiam consequentis ex antecedente, in consequentiis prædictis. Nec oppositum consequentis repugnat antecedenti. Nam hæc duo non repugnant. Asinus est homo, & baculus non est in angulo. Nec ista duo repugnant. Gallus cantat, & homo non est rationalis. Reales igitur non concedunt primam nisi in hoc sensu. Ex antecedente impossibili sequitur quodlibet impossibile inclusum in tali antecedente impossibili. Nam bene sequitur, homo est asinus ergo est irrationalis, ergo est rudibilis, ergo est indisciplinabilis, ergo est iumentum, ergo est quadrupes. Nam hæc omnia prædicantur de asino, & ideo concessio primo impossibili, sequuntur prædicta omnia impossibilia, secundam autem regulam concedunt in hoc sensu. Si consequens est necessarium sequitur ad quodlibet antecedens necessarium includens ipsum consequens. Nam quia hoc consequens est necessarium, ergo homo est risibilis, sequitur ad hoc antecedens, homo est rationalis, & ad hoc homo est animal rationale, & ad hoc homo est animal admirabile.

In hoc igitur sensu reales concederent prædictas regulas & non vltiter. Verum si bene aduertis in sensu dicto faciunt consequentiam formalem, quoniam oppositum formaliter repugnat antecedenti, ita quod non est imaginabile a uiro sane mentis oppositum consequentis posse stare cum antecedente. Nam posito per impossibile hominem esse asinum sequitur infallibiliter aliud impossibile, ergo est rudibilis, & posito hoc consequente necessario, homo est risibilis, antecedit ad ipsum inuitabiliter, quod homo est rationalis. Vnde apud reales non datur consequentia materialis, nisi quæ dicitur bona de materia de qua statim loquimur.

Tertia diuisio est ista. Consequentia bona formalis est duplex scilicet bona de forma, & bona de materia.

Bona de forma est illa in qua oppositum consequentis non potest nec est imaginabile posse stare cum

TRACTATUS NONVS

antecedente, & talis modus arguendi ualet in omnia materia, nulla exceptione facta, ut quando arguitur ab inferiori ad suum superius affirmatiue & sine distributione, & in omni modo arguendi quem assignabimus in capitulo quarto seruatis debitis limitationibus, ut tibi declarabitur. Nam sicut seruatis modo & figura de quibus actum est in trac. de syllogismo formali, semper fit ualidus syllogismus quo ad formam, sic seruatis regulis de quibus agemus infra semper fit ualida consequentia quo ad formam.

Bona de materia est illa in qua oppositum consequentiis repugnat antecedenti, nec est imaginabile stare cum antecedente, & tamen non qualibet sibi consimilis seruato eodem modo arguendi est bona. Verbi gratia hac est bona de materia. Tu non es homo, ergo tu non es animal, & tamen hic modus arguendi non tenet in omni materia. Nam hæc est similis in modo arguendi. Hoc demonstrato asino, non est homo, ergo non est animal, & tamen non ualet qm antecedens, est uerum & consequens falsum, ut patet. Si hæc est bona de materia. Si tu es homo, tu es risibilis, ergo si tu non es homo, non es risibilis. Nam hæc est similis in modo arguendi. Sæ destructio antecedentis, ad destructionem consequentis. Si tu es homo, tu es animal, & tamen non ualet ergo si tu non es homo, tu non es animal, qm demonstrato asino, antecedens est uerum & consequens falsum.

Vsq̃ue huc conueniunt reales & terministe. Sed terministe eliciunt ex prædictis quod istæ duæ sunt consequentiæ bonæ formales, sed non de forma. Tantum pater est, ergo non tantum pater est. Tu scis te esse lapidem, ergo tu non scis te esse lapidem. Reales autem negant eas, quoniam non sunt neque bonæ, neque formales neque bonæ de forma, quoniam per nullam consequentiam bonam concluduntur contradictoria. Nam in omni consequentia bona formali si antecedens est uerum consequens est uerum, ut tibi manifestabitur infra. Non enim ex uero concluditur nisi uerum sit ualido modo arguendi ut docuimus in trac. de syllogismo formali, ergo in prædicta consequentia si antecedens

est uerum, consequens est uerum. Sed antecedens & consequens sunt contradictoria ergo cōtradictoria sunt simul uera, quod est contra primum principium.

Et quoniam sequente uiam terministarum conantur eas probare, ideo recitandæ sunt eorum probationes & soluentur.

Hanc scilicet, tantum pater est, ergo non tantum pater est sic deducunt. Tantum pater est, ergo pater est. Nam ab exclusiua ad suam præiacentem ualet consequentia, quoniā bene sequitur, tantum homo est risibilis, ergo homo est risibilis. Tunc ultra, pater est, ergo filius est. Nam ab uno correlatiuo ad aliud in propositione de secundo adiacente ualet consequentia ut dicemus infra. Vnde bene sequitur, pater est, ergo filius est, & econuerso, & negatiue, ut pater nō est, ergo filius nōn est, & econuerso. Tunc ultra, filius est, ergo aliud a patre est. Nam filius est aliud suppositum a patre ut patet, quia nihil seipsum generat. Tunc ultra aliud a p̄e est, ergo non tantum pater est, quoniam dictio exclusiua excludit quodcumque aliud a termino cui additur. Valet ergo a primo ad ultimum. Tantum pater est, ergo non tantum pater est.

Istam uero, tu scis te esse lapidem, ergo tu non scis te esse lapidem sic deducunt. Tu scis te esse lapidem, ergo est uerū te esse lapidem, quia nihil scitur nisi uerum ut tibi alias declarabitur. Si est uerum te esse lapidem, ergo tu non es homo, quia lapis & homo sunt termini disparati sed ab uno disparato affirmatiuæ, ad aliud negatiuæ ualet consequentia, ut patebit infra, Nam bene sequitur. Tu es lapis, ergo tu nō es homo. Tunc ultra. Tu non est homo, ergo tu non es sciens. Nam int̄er omnia inferiora tantum homo est sciēs, ergo si non es homo, non es sciens. Tunc ultra. Tu non es sciens. ergo tu non scis te esse lapidem. Ergo a primo ad ultimum. Tu scis te esse lapidem, ergo tu non scis te esse lapidem.

Ad primum nego hanc consequentiam. Tantum pater est, ergo pater, inimo sequitur negatiua scilicet ergo pater

TRACTATVS OCTAVVS

non est, quoniam dictio exclusiua excludit quodcunque aliud suppositum a termino cui additur, ergo excludit filium, cum sit aliud suppositum a patre. Si excludit filium ergo pater non est, quoniam remoto uno correlatiuo remouetur reliquum, ergo excluso filio pater non est, & quando probatur consequentia, quoniam ab exclusiua ad suam præiacentem ualet consequentia, illa regula non ualet in correlatiuis de secundo adiacente, ualet autem uniuersaliter in ter, absolutis, ut tibi declarabitur infra.

Ad secundam dico ut inquit Aristoteles in primo physicorum arguens antiquos ponentes tantum unum ens. Dato uno inconuenienti, multa sequuntur. Vnde dato antecedente, sequitur contradictoria esse simul uera scilicet. Tu scis te esse lapidem, ergo non scis te esse lapidem, cum igitur non sit concedendum contradictoria posse esse simul uera. i. nullo modo est concedendum antecedens quo non concesso, non sequitur ergo tu es lapis, nec sequitur tu non es homo nec sequitur tu non es sciens, nec sequitur ultimate, ergo tu non scis te esse lapidē, & sic patet quod non ualet consequentia a primo ad ultimū. Hæc igitur dicta sint de diuisionibus generalibus consequentiæ bonæ.

Caput tertium. De regulis generalibus consequentiæ formalis.

IN tertio capite relictâ consequentia materiali, quoniam aut non datur aut parum deseruit pro aliis scientiis acquirendis, assignandæ sunt regulæ generales magis famosæ, quæ solent dari de consequentia bona formali.

Prima est. Omnis consequentia in qua contradictorium consequentis infert contradictorium antecedentis est bona & formalis ut hic, aliquis homo currit, ergo aliquod animal currit. Nam bene sequitur. Nullum animal currit, ergo nullus homo currit, implicat enim contradictionem quod nullum animal & quod aliquis homo currat. Nam si aliquis homo currit, aliquod animal currit, quia homo est animal, sed istæ duæ sunt contradictoriæ, aliquod animal currit & nullum animal currit, ergo constat quod implicatur contradi-

Atio. Si autem contradictorium consequentis non infert cō
tradictorium antecedentis sed stat cum antecedente, conse-
quentia est mala, & nulla, & semper neganda, ut hic. Tu es
homo, ergo tu es doctus. Nam non sequitur. Tu non es do-
ctus, ergo tu non es homo. immo stat, & de facto est quod p
maiori parte homines non sunt docti & tñ sunt hoīes.

Secunda regula. Omnis consequentia in qua antecedens
est uerum, & consequens uerum, & in qua antecedens, & cō
sequens sunt falsa. est bona & formalis. Exemplum primi.
Tu curris ergo tu moueris. Exemplum secundi. Tu es asi-
nus ergo tu es irrationalis, & hæc secunda regula fundatur
in prima, quia scilicet contradictorium consequentis infert
contradictorium antecedentis. Nam bene sequitur. Tu non
moueris, ergo tu non curris, & bene sequitur tu non es irra-
tionalis, ergo tu non es asinus. Si autem antecedens est ue-
rum, & consequens falsum consequentia non est bona, quo-
niam stante debito modo arguendi, ut inquit Aristoteles in
primo priorum ex ueris nō sequitur nisi uerum: quod si ex
ueris concludatur falsum: neq; syllogismus neq; consequen-
tia ualet, ut docuimus in trac. de syllogismo formali. Vnde
hæc non est bona. Tu es homo, ergo tu es Papa & ratio hu-
ius fundatur in secunda parte primæ regulæ scilicet quoniā
contradictorium consequentis non infert contradictorium
antecedentis. Non enim sequitur. Tu non es Papa, ergo tu
non es homo, immo stat de facto quod tu non es Papa, &
tamen tu es homo.

Tertia est, Omnis consequentia in qua antecedens &
consequens sunt necessaria, uel utrunq; non necessarium est
bona & formalis. Exemplum primi, homo est animal, er-
go est habens animam. Exemplum secundi, homo dormit,
ergo quiescit, & ratio huius regulæ fundatur in prima, quo-
niam scilicet contradictorium consequentis, infert contradi-
ctorium antecedentis. Nam respectu primi bene sequitur,
homo non est habens animam ergo non est animal, & re-
spectu secundi bene sequitur, homo non quiescit ergo ho-
mo non dormit, si autem antecedens sit necessarium, &

consequens non necessarium, consequentia non est bona ut hic. Homo est animal, ergo homo est uidens, & ratio huius fundatur in secunda parte primi regulæ scilicet quoniam contradictorium consequentis, non infert contradictorium antecedentis, non enim sequitur. Homo non est uidens, ergo non est animal, immo de facto uidemus, quod aliquis homo non est uidens, ut cæcus, & tamen est animal, quoniam sentit & mouetur.

Quarta est. Ois consequentia in qua antecedens, & consequens sunt possibilis. Vel utrunq; impossibile, est bona & formalis, exemplum primi. Tu es dux belli, ergo tu habes exercitum. Exemplum secundi. Tu es lapis, ergo tu es inanimatus. Et rō huius fundatur super primam, nam contradictorium consequentis, infert contradictorium antecedentis qm̄ bene sequitur, tu non habes exercitum, ergo tu non es dux belli, Exemplum secundi. Tu es lapis, ergo tu es inanimatus, & fundatur super idem, nam bene sequitur. tu nō es inanimatus, ergo tu non es lapis, si autem antecedens sit possibile, & consequens impossibile, consequentia nō est bona nec formalis ut hic, homo uigilat, ergo lapis uigilat, uel sic, homo loquitur ergo motus loquitur. Non ualet qm̄ cōtradictorium consequentis, non infert contradictorium antecedētis, immo stat cum antecedēte, nam bene stat quod lapis non uigilet, & qđ homo uigilet, & bene stat qđ motus non loquatur, & homo loquatur qm̄ stat homo indefinite.

Quinta est, Omnis consequentia in qua quicquid antecedit ad antecedens, antecedit ad consequens, & quicquid sequitur ad consequens, sequens est ad antecedens est bona est formalis. Exemplum primi. Hæc est consequentia bona formalis. Homo currit, ergo animal currit. Ad antecedens antecedit ista. Plato currit, & antecedit ad consequens. Nam sicut ista est uera, homo currit, ergo animal currit sic ista est uera. Plato currit ergo animal currit, quoniam Plato est homo, ergo est animal. Similiter ualet hic. Homo currit, ergo animal currit, ad consequens sequitur ista, ergo corpus currit, & ista, ergo substantia currit, et idem sequitur
ad

ad antecedens. Nam bene sequitur, homo currit, ergo corpus ergo substantia currit. Nam sicut corpus prædicatur de animali, & de corpore substantia ut patet in arbore porphyrii, sic prædicantur de homine. Ex hac regula sequitur illa famosissima. A primo antecedente ad ultimum consequens quando consequentiæ inter mediæ sunt bonæ & formales & non uariatæ est bona & formalis consequentia quod manifeste & infallibiliter patet in linea prædicamentali. Nā fiat hæc consequentia. Sortes est homo, ergo sortes est substantia & probatur sic, sortes est homo ergo est animal, si est animal ergo corpus. Si corpus, ergo est substantia, ergo a primo ad ultimum, sortes est homo, ergo est substantia, & aduerte quod ualeat dummodo cōsequentia intermedia sint bonæ & formales & non uariate. Nam si aliqua ex intermedijs non sit bona & formalis, consequentia non ualeat a primo ad ultimum. Vnde hæc non ualeat. Sortes bene bibit, ergo sortes saluabitur. Solet enim sic probari. Sortes bene bibit ergo bene dormit. Si bene dormit non peccat. Si non peccat saluabitur, ergo a primo ad ultimum sortes bene bibit, ergo saluabitur. Non ualeat inquam, quoniam prima non est bona. Stat enim quod non bene dormiat, & tamen bene bibat. Similiter secunda non est bona, quoniam & si dum dormit non peccat, potest uigilans peccare. Dicitur & non uariate pro cuius noticia aduerte quod non uariatur si consequens prioris consequentiæ est præcisæ antecedens posterioris ut patet in tota linea prædicamentali arguendo a specialissimo ad generalissimum. Si autem aliquid addatur, variantur inter mediæ & tunc non ualeat consequentia a primo ad ultimum. Vnde hæc non ualeat. Tu in nullo loco es, ergo in aliquo loco es. Sic enim solet probari. Tu in nullo loco es, ergo tu non es Romæ. Si non es Romæ & alibi es, ergo alibi es. Si alibi es, ergo in aliquo loco es, ergo a primo ad ultimum, tu in nullo loco es, ergo in aliquo loco es. Non ualeat inquam, quoniam secunda est uariata. Nam antecedens secundæ continet plus quam consequens primæ scilicet ly & alibi es.

Sexta est. Omnis consequentiæ bonæ si antecedens est

concedendum, & consequens similiter, & si antecedens est negandum, & consequens similiter, dummodo consequentia sit scita esse bona. Exemplum primi. Tu es homo, ergo tu es risibilis, nam cum risibile sequatur ad hominem ut propriū quarto mō, qua rōne concedis antecedens, debet concedere consequens. Exemplum secundi. Tu non es asinus, ergo tu non es rudibilis. Nam sicut risibile lequitur ad hominem, sic rudibile ad asinum, ergo qua ratione negandum est antecedens negandum est & consequens, si autem antecedens est concedendum & consequens negandum, consequentia non est bona, ut hic, animal sentit, ergo planta sentit, non ualet, quoniam contradictorium consequentis stat cum antecedente. Nam bene stat, quod planta non sentiat, quoniam caret aīa sensitīua. & quod animal sentiat, quoniam constituitur aīa p aīam sensitīuam ut tibi hęc declarabuntur in libr. de aīa. dicitur dummodo consequentia sit scita esse bona ab eo cū sit consequentia, nam si hęc consequentia fiat philosopho, sol eclipsatur, ergo luna interponitur inter solem & aspectū nostrum, concedet torum, qm̄ scit eam esse bonam. Si autē fiat idiote, concedet quidem antecedens: qm̄ uidet ad sensum solem obscurari, sed negabit consequens: qm̄ ne sit causam huius eclipsidis. Istę sunt regulę famosę & generales consequētīę formalis, quas admittunt logici reales et terministę.

Caput quartum de regulis particularibus consequentīę formalis.

IN cap. quarto ponendę sunt particulares regulę consequentīę formalis. Ordo enim doctrinę exigit ut ab uniuersalibus regulis ad particulares descendamus.

Diuidemus autem pręsens caput in septem partes.

In prima ponentur regulę penes superius & inferius.

In secunda ponentur regulę penes propositiones quantas.

In tertia ponentur regulę penes propositiones non quantas.

In quarta ponentur regulæ penes terminos pertinentes & impertinentes.

In quinta ponentur regulæ penes probationes propositionum.

In sexta ponentur regulæ penes hypotheticas copulatiuas & disiunctiuas.

In septima ponentur regulæ, penes hypotheticas conditionales. Et aduerte, quod omnes regulæ, quæ infra ordinantur, fundamentum habent in uia peripatetica, ut tibi notum erit, cum exercitatus fueris in doctrina Aristotelis.

Prima pars.

IN parte prima huius capituli assignandæ sunt regulæ particulares consequentiæ formalis iuxta superius & inferius, & aduerte quod arguendo ad inferiorem ad superius assignantur tres regulæ & tres a superiori ad inferius.

Prima est ab inferiori per se ad suum superius per se affirmatiuæ & sine distributione, & sine signo immobilitante, & in suppositione personali, ualeat consequentia formalis tu es homo, ergo tu es animal.

Primo dicitur ab inferiori per se, pro quo nota quod ea se habent ut superius & inferius per se & e conuerso, quæ in linea prædicamentali ita se habent quod unum subordinatur alteri, ut ascendendo a specialissimo ad generalissimum. Unde hæc est uera consequentia. Homo est animal, ergo homo est corpus animatum, & hæc. Homo dormit, ergo animal dormit. Ea autem se habent ut inferius & superius per accensum quorum unum est minus commune, & alterum magis, sed non subordinantur in linea prædicamentali, nec magis prædicatur de minus communi per se & essentialiter: sed per accensum, & hoc modo se habent, homo, & album. Nam de multis prædicatur album, de quibus non prædicatur homo. In his igitur non ualeat consequentia ab inferiori ad superius. Non enim sequitur. Homo currit, ergo album currit. Stat enim quod nullum album, currat, & quod homo puta

æthiops currat.

Secundo dicitur affirmatiue, quia non ualet negatiue, nõ enim sequitur. Nullus homo ē quadrupes, ergo nullum animal est quadrupes.

Tertio dicitur sine distributione quoniam cum signo distributiuo non ualet neq; affirmatiue neq; negatiue. Non enim sequitur. Omnis homo est risibilis ergo omne animal est risibile, neq; sequitur, nullus homo est asinus ergo nullū animal est asinus.

Quarto dicitur, sine signo, id est sine dictione immobili- tante. Non enim sequitur. Si tu es asinus, tu es rudibilis, ergo si tu es animal, tu es rudibilis. Stat enim quod tu sis animal demonstrando canem & tamen non sis rudibilis, quia canis non est rudibilis.

Quinto dicitur in suppositione personali, quoniam in suppositione materiali non ualet ut hic. Homo est bisyllabum ergo animal bisyllabum, nec in simplici ut hic. Homo ē spēs specialissima, ergo animal est species specialissima.

Secunda regula, ab inferiori ad suum superius, licet non ualeat distributiue nisi gratia materię, ualet tamen in suppositione confusa mobili.

Primo dicitur, licet non ualeat distributiue scilicet ordinarię & formaliter ut docuimus in regula præcedenti, ualet tamen gratia materię ut hic. Nullus numerus binarius est, ergo nullus numerus est. Nam quia binarius est primus numerus, remoto primo, remouentur subsequente includētes primum. Omnis enim numerus lequens binarium includit binarium.

Secundo dicitur, ualet tamen in suppositione confusa mobili. Nam quod non ualeat in suppositione confusa immobili, diximus in regula præcedenti quod autem ualeat in suppositione confusa mobili, patet hic. Omnis homo est animal, ergo omnis homo est animatus est corpus est substantia.

Tertia regula ab inferiori ad suum superius, negatione non præposita, sed post posita inferiori, & superiori, stante

suppositione discreta uel determinata & personali, & cū debito medio, ualeat consequentia.

Dicitur negatione non præposita, quoniam præposita distribuit terminum immediate & mediate sequentem, ut docuimus in tractatu suppositionum. Diximus autem in prima regula quod ab inferiori ad suum superius, non ualeat consequentia cum distributione. Vnde non ualeat non aliquis homo currit, ergo non aliquod animal currit. Stat enim quod aliquod animal currat, puta canis, & tamen non aliquis homo currat.

Dicitur stante suppositione discreta uel determinata, quia in suppositione distributiva & confusa mobili, non ualeat. Exemplum primi. Omnis homo non currit. Omnis homo est animal, ergo omne animal non currit. Exemplum secundi tantum substantia non est accidens, & omnis substantia est aliquid ergo tantum aliquid est accidens.

Dicitur & personali, quoniam in suppositione simplici non ualeat, non enim sequitur. Homo non est genus, & homo est animal, ergo animal non est genus.

Dicitur cum debito &c. quoniam sine eo non ualeat, & probatur sic, bono quod omne animal currat, & uolo quod demonstretur homo mortuus puta sortes, & arguatur sic. Ille homo. scilicet sortes mortuus non currit, & homo est animal, ergo animal non currit. Non ualeat quoniam antecedens est uerum, & consequens falsum per casum positum. scilicet quod animal omne animal currat. Non ualeat inquam, quoniam non sumitur debitum medium. Nam debitum medium est hoc, & homo est animal, sed est hoc, & ille homo. scilicet sortes mortuus est existens animal. Iste sunt, tres regulæ generales arguendo ab inferiori ad suum superius modo præexposito. Ecce uerso autem sunt aliæ tres regulæ.

Prima est a superiori ad suum inferius sine distributione non ualeat consequentia: Vnde non sequitur, animal currit, ergo homo currit, potest enim animal puta asinus currere, & tamen homo non curret, Sed aduerte quod licet non ualeat

leat de forma, ualet tamē in aliqua materia, ut in genere numeri, nam bene sequitur, numerus est, ergo binarius est quoniam omnis numerus supponit binarium.

¶ Secunda est, A superiori ad suum inferius distributue affirmatiue cum debito medio ualet consequentia. Vt omne animal currit, ergo sor. currit.

¶ Dicitur distributue, quoniam sine distributione non ualet per primam regulam, nec sufficit suppositio confusa, nō enim ualet tantum animal currit, ergo tātum homo currit, nam patet consequens esse falsum, & antecedens uerum.

¶ Dicitur cum debito medio, quia sine eo non ualet uniuersaliter. Non enim sequitur. Tu differs ab asino, ergo differs a brunello sed dicatur sic. Tu differs ab asino, brunellus est asinus, ergo tu differs a brunello.

¶ Tertia est. A superiori ad suum inferius negatione præposita & distribuyente ualet consequentia. Nam bene sequitur, nullum animal currit ergo nullus homo currit.

¶ Dicitur negatione præposita scilicet ad superius, quia si postponatur non ualet. Non enim sequitur. Animal non currit, ergo homo non currit, nam bene stat quod aliquis homo currat, & quod aliquod animal puta brunellus non currat, stat enim animal & homo determinate & non distributue.

¶ Dicitur distribuyente, quoniam negatio præponitur superiori, & impeditur per aliam negationem quod non distribuat ipsum superius consequentia, non ualet, ut hic. Nonnullum animal currit, ergo nonnullus homo currit, nam ly animal & ly homo non stant distributue sed determinate ut docuimus in tractatu de suppositionibus. Vnde æquipollent istis. Aliquod animal non currit, ergo aliquis homo nō currit, constat autem hanc consequentiam non ualere ut diximus.

¶ Idem iudicium est de ista consequentia. Non omne animal currit, ergo non omnis homo currit, Non ualet, quoniam ly non, non distribuit ly animal, sed stat determinate. Quare &c.

Hæc de regulis pœnes superius & inferius dicta sunt.

Pars secunda.

IN parte secunda assignandæ sunt regulæ consequentiæ formalis pœnes propositiones alicuius quantitatis quæ scilicet sunt uniuersales uel particulares uel indefinitæ uel singulares.

Et aduerte quod ex parte uniuersalium dantur tres regulæ, & ex parte particularium indefinitarum & singularium dat' quatuor regulæ:

Prima ex parte uniuersalium est hæc, ab uniuersali affirmatiua & negatiua ad suas subalternas, ualet consequentia. Exemplum primi. Bene sequitur. Omnis homo est albus, ergo homo est albus, quæ est sua indefinita, ergo quidam homo est albus, quæ est sua particularis, ergo hic homo est albus, quæ est sua singularis. Exemplum secundi. Nullus homo est albus, ergo homo non est albus, ergo quidam homo non est albus, ergo hic homo non est albus.

Secunda est. Ab uniuersali affirmatiua ad omnes suas singulares tam collectivæ quam diuisiuæ est bona consequentia. Collectivæ quidem, ut hic. Omnis homo currit, & isti sunt omnes homines, ergo & iste homo currit & iste & iste & sic de omnibus aliis. Diuisiuæ autem sic. Omnis homo currit ergo tu curris.

Et aduerte quod ratio regulæ est hæc, quoniam ut docuimus in tractatu de suppositionibus sub termino communi stante, & supponente distributiue, licet descēdere ad omnia sua supposita copulatiue. Vide tu illic.

Sed aduerte quod reales & terministæ in hac regula conueniunt & disconueniunt. Cōueniunt quidem in hoc quod quando sit uniuersalis affirmatiua in materia contingenti, regula ualet cum debito medio, ut hic. Omnis homo currit, & isti sunt omnes homines, ergo iste currit & iste & sic de singulis. Nam sicut antecedens est contingens, sic

& consequens. Disconueniunt autem quando sit uniuersali affirmatiua in materia naturali ut omnis homo est animal. Dicunt enim terministe regulam non ualere nisi gratia aliquando materiæ, quoniam antecedens esset necessarium scilicet omnis homo est animal. & consequens contingens scilicet iste homo, & iste est animal. Nolunt enim aliquam singularem in rebus corruptibilibus esse necessariam, quoniam quodlibet singulare corruptibile aliquando est, & aliquando non est. Reales autem dicunt singulares in materia naturali esse necessarias, eo quod prædicatum semper uerificatur de subiecto, posito quod subiectum non existat quoniam in tali propositione ly est non dicit existentiam subiecti, sed habitudinem prædicati ad subiectum. In materia uero contingenti, ly est dicit existentiam & habitudinem, quare non est simile. Tenet ergo regula uniuersaliter, & non solum gratia materiæ, & hanc uiam sequimur in doctrina peripatetica.

Tertia est ab uniuersali negatiua ad qualibet singularem est semper & uniuersaliter bona consequentia. Nam bene sequitur, in omni materia tam naturali quam contingenti, quam remota, ut hic. Nullus homo est rationalis ergo nec iste nec iste, & sic de singulis. Nullus homo est sapiens, ergo nec iste nec iste, & sic de singulis nullus homo est asinus, ergo nec iste nec iste &c.

Et aduerte, quod ratio huius regulæ est eadem cum ratione secundæ quoniam scilicet sub termino distributo, licet descendere copulatiue tam affirmatiue quam negatiue.

Istæ sunt tres regulæ generales pœnes propositiones uniuersales.

Ex parte autem particularium indefinitarum, & singularium, sit hæc prima regula. A particulari uel indefinita uel singulari ad uniuersalem. Non ualet consequentia, nisi gratia materiæ. Non enim sequitur, aliquis homo est albus, ergo omnis homo est albus. Dico nisi gratia materiæ, quoniam licet non ualet tamen in materia contingenti, ualet tamen in materia naturali & in materia remota. Nam prædicatum

in materia naturali conuenit inseparabiliter omni contento sub subiecto, & in materia remota remouetur immutabiliter ab oī contento sub subiecto. Vnde in utraq; materia particularis, & indefinita, & singularis infert uniuersalem, nam bene sequitur aliquis homo, & homo, & hic homo est animal, ergo omnis homo est animal, & bene sequitur in materia remota, aliquis homo, & homo, & hic homo non est asinus, ergo nullus homo est asinus, unde docuimus in trac. de syllogismo demonstratiuo, quō propositio per se est de omni, etiam quod non apponatur signum uniuersale ut hæc est per se, & de omni. Homo est risibilis, aliquis homo est rationalis, quoniam sunt uirtualiter uniuersales.

Secunda est a particulari ad suam indefinitam, & econuerso, & affirmatiue, & negatiue, & in omni materia tam naturali quam contingenti quam remota tenet consequentia, nā bene sequitur, aliquis homo currit, ergo homo currit, & econuerso, aliquis homo non currit, ergo homo non currit, & econuerso, & in materia naturali aliquis homo est rationalis, ergo homo est rationalis, & econuerso, & in materia remota, aliquis homo non est asinus, ergo homo non est asinus, & econuerso, & ratio huius regulæ est quia subiectum propositionis particularis, & indefinitæ si est terminus communis eandem suppositionem habet. scilicet determinatam, ut docuimus in trac. de suppositionibus.

Tertia est a particulari, uel indefinita ad omnes suas singulares disiunctiue sumptas est bona consequentia, nam bene sequitur, aliquis homo currit, ergo hic uel hic, uel hic currit. Idem intellige de indefinita. Nam bene sequitur. Homo currit, ergo hic uel hic &c. & ratio huius regulæ est, quia subiectum propositionis particularis, & indefinite si sit terminus communis, supponit determinate sub quo licet descendere ad sua singularia disiunctiue, ut docuimus in tracta. de suppositionibus.

Sed aduerte quod in hac regula sicut in secunda supraposita respectu propositionum uniuersalium differunt terministe, & reales, nam terministe nolunt hanc regulam ualere

TRACTATVS NONVS

nisi in materia contingent. Dicunt enim in materia naturali hanc non ualere. Homo est animal, ergo hic homo est animal, uel hic homo est animal &c. qm̄ secundum eos antecedens est necessarium, & consequens contingens, qm̄ ut iam diximus, nolunt aliquam singularem esse necessariam in his corruptibilibus. Reales autem uolunt hanc regulam ualere in omni materia, qm̄ in materia contingenti sicut antecedens est contingens, sic & consequens. In materia naturali, sicut antecedens est necessarium sic, & consequens, qm̄ copula non dicit existentiam, sed necessariam habitudinem prædicati ad subiectum. In materia autem remota sicut antecedens est impossibile, sic & consequens, & hanc uiam sequimur ut peripateticam.

Quarta est, ab oībus singularibus sufficienter enumeratis ad suam uniuersalem tam affirmatiue q̄ negatiue, ualet p̄na nā bene sequitur. Hic homo currit, & hic, & hic, & sic de singulis nullo excepto, ergo oīs homo currit, idē intellige negatiue, & hæc ualet in oī materia ut patet, & aduerte qđ hæc regula coincidit cum illa, in qua dī, quod ab inducētibus ad inductam ualet p̄na. Inducētes enim sunt singulares sufficienter accepti: Inducta autem est v̄lis tam affirmatiua q̄ negatiua. Hæc de regulis consequentiæ formalis pœnes propositiones quantas dicta sint.

Pars tertia.

IN tertia parte assignandæ sunt regulæ consequentiæ formalis pœnes propositiones non quantas, quales sunt illæ in quibus ingreditur dictio exclusiua uel exceptiua, quorum prima est ista. Prima regula, ab exclusiua propositione primi ordinis affirmatiua ad suam uniuersalem affirmatiuam de terminis trāspōitis existentibus in recto, ualet cōsequentia, ut tantum homo, id est solus homo est risibilis, ergo omne risibile est homo.

Dicitur primi ordinis, nam exclusiua habet tres ordines, ut docuimus in tracta. de suppositionibus, & diffusius dicemus in tracta. de p̄bationibus terminorum, & tu uide illic. Dicitur igitur in præsentī regula ab exclusiua primi ordinis

quoniam si fiat secundi, aut tertii ordinis, non ualet consequentia, exemplum secundi ordinis. Homo tantum est animal, ergo omne animal est homo. Nam consequens est falsum, ut patet, & antecedens est uerum, ut tibi declarabitur in trac. sequenti: quoniam exponemus exclusiuam primi, & secundi & tertij ordinis.

Dicitur affirmatiua, quia in negatiua non ualet, siue negatio pcedat notam exclusionis, siue subsequatur, modo fiat positio negatiua, exēplum pmi. Non ualet, nō tm̄, homo est aial, ergo oē animal est homo, constat. n. añs esse uerum, & pñs falsum, exēplum secundi, non ualet. Tantum accñs non est substātia, ergo omnis substantia est accidens, nam pñs est falsum ut patet antecedēs uero est uerum, qm̄ inter omnia entia, solum accidens non est substantia.

Dicitur ad suam uniuersalem affirmatiuam, qm̄ ad negatiuam non ualet ut hic, tantum hō currit, ergo nullum currens est homo, constat. n. añs esse uerum uel saltem possibile, consequens autem est falsum, ut ad sensum patet.

Dicitur de terminis transpositis, quoniam subiectum exclusiue, fit prædicatum vñs affirmatiue, & prædicatum exclusiue, fit subiectum vñs affirmatiue, ut hic, tantum homo est rationalis, ergo omne rationale est homo.

Dicitur terminis existentibus in recto, qm̄ in obliquo nō ualet ut hic. Tantum pecunia est hominis, ergo quilibet homo habet pecuniam, nam antecedens est uerum posito qd homo non aliud possideat quam pecuniam, & tamen pñs est falsum, aliter nullus esset egenus, ergo non ualet.

Secunda regula ab exceptiua negatiua, ad exclusiuam affirmatiuam, sibi correspondentem, ualet consequentia, ut hic, nullum animal præter hominem est risibile, ergo tantū homo est animal risibile.

Dicitur ad exceptiua negatiua, quia ab affirmatiua nō ualet, ut hic, omnis homo præter Christum est mendax, ergo tantum Christus est homo mendax, constat enim añs esse uerum, & tamen consequens est falsum, & detestabile.

Dicitur ad exclusiuam sibi correspondentem. Pro quo

TRACTATUS NONVS

aduerte, quod tunc exceptiua negatiua correspondet exclusiue, quando pars extra capta fit subiectum exclusiue, & aggregatum ex subiecto, & prædicato exceptiue fit prædicatum exclusiue. Vnde hæc est correspondens huic exceptiue, nullus homo præter sortem est sapiens, ergo tantum sortes est aliquis homo sapiens. Hæc autem non bene correspondet. Nullum animal præter hominem intelligit, ergo tantum homo intelligit, nam prædicatum hunc exclusiue non continet subiectum, & prædicatum exceptiue, sed tantum prædicatum. Vt igitur bene correspondeat formetur sic ergo tantum homo est animal intelligens.

Tertia est ab inferiori ad suum superius affirmatiue, dictione exclusiua opposita subiecto, ualet consequentia, ut tantum homo currit, ergo tantum animal currit.

Dicitur ad suum superius affirmatiue. Non enim ualet negatiue, ut hic non tantum homo est sensituius, ergo non tantum animal est sensituium, est enim antecedens uerum ut patet, & consequens falsum.

Quarta est ab inferiori ad suum superius ex parte prædicati, & dictione exclusiua addita subiectis, non ualet consequentia. Non n. sequitur tantum homo currit, ergo tantum homo mouetur. Nam resoluendi currit, & mouetur in sua participia, & formando vñem affirmatiuam de terminis transpositis, constat tibi manifeste quod arguitur ab inferiori ad suum superius distributiue quod non ualet, ut docuimus supra. Verbi gratia tantum homo est currens ergo tantum homo est motus. Dico quod ly currens quod est inferius ad motum, & ly motus stant distributiue, ut patet per vñes de terminis transpositis ut hic. Omne currens est homo, ergo omne motum est homo. Constat quod non sequitur, qm̄ antecedens est uerum per casum possibilem, & tamen consequens est falsum, non enim inconuenit solum hominē currere, & asinum qui non est homo moueri.

Quinta est, a termino stante confuse tantum mobiliter, uel determinate ad eundem stantem distributiue per appositionem dictionis exclusiue, non ualet consequentia, exem-

plū primi Non sequitur, omnis homo est animal, ergo tantum homo est animal. Nam aīal in antecedente stat confusæ tantum mobiliter, & in consequente distributiue, & constat antecedens esse uerum, & consequens falsum, exemplū secundi. Non sequitur. Homo est animal, ergo tñ homo est animal. Nam animal stat in antecedente determinate & in consequente distributiue, & constat antecedens esse uerum, & consequens falsum.

Sexta est, a termino stante confusæ distributiue ex parte prædicati, dictione exclusiua addita subiecto, ad eundem stātem determinatæ ualeat consequentia, nam bene sequitur, tantum homo est animal. ergo homo est animal. Nam in pma animal distribuitur in secunda stat determinatæ.

Septima est, a termino stāte confusæ tantum mobiliter, ad eundem stātem determinatæ ; respectu eiusdem syn-
categorematīs uel distributionis, non ualeat cōsequentia, nō enim sequitur, tantum homo est animal, ergo animal est oīs homo. Hæc de regulis consequentiæ formalis, pœnes ppositiones non quantas, dicta sint.

Pars quarta.

IN parte quarta agendum est, de regulis pntiæ formalis, pœnes terminos pertinentes, & impertinentes. Sed prius aduerte quod termini pertinentes dñr illi quorum significata nullam habent repugnantiam adinuicem, et possunt simul in esse, ut album, & dulce, homo & iustum siue iniustū, homo est risibile, &c. Impertinentes sunt illi quorum significata habent oppositionem, & non se compatiuntur respectu eiusdem, ut qualitates contrariæ, & spēs eiusdē generis, quæ dñs disparate oppositæ, ut homo & canis, æquus, & asinus, & pūatiue oppositæ, & relative, oppositæ, ut cæcus, & uidēs, seruus, & dñs His pronotatis assignandæ sunt quinque r̄læ.

Prima est, ab affirmatiua unius contrarii uel disparati, ad negatiuam ulterius contrarii, uel disparati est bona consequentia. Sed non econuerso nisi in contrariis immediatis, exemplum primi. Tu es albus, ergo tu non es niger, exemplum secundi. Tu es homo, ergo tu non es asinus, sed eon-

differentia temporis, ut pater uel mater est, ergo filius uel filia est, neque enim pater tantum, neque mater tantum, sed uterque, neque filius tantum, neque filia tantum, sed uterque sunt adinuicem correlatiua. Dicitur affirmatiua, & negatiua: quoniam ut docuimus in prædicamento ad aliquid, posito uno correlatiuo, ponitur, & reliquum, & remoto uno, remouetur reliquum. Dicitur stante propositione de secundo adiacente: quoniam de tertio, non ualet, non enim sequitur pater est senex, ergo filius est senex, immo ut in pluribus sequitur negatiua. Dicitur pro omni differentia temporis scilicet præteriti præsentis, & futuri, nam bene sequitur, pater fuit, & nunc non est, ergo filius fuit, & nunc non est sumendo patrem, & filium formaliter, & non materialiter. Item sequitur, pater est, ergo filius est. Item sequitur, pater erit, ergo filius erit, & rationem huius regulæ aduerte hinc pendere, quia in ratione patris sumpti formaliter, sumitur filius, & in ratione filii sumitur pater, ergo quo ad esse, & non esse, fuisse, & non fuisse, fore, & non fore, seinuicem mutuo consequuntur inseparabiliter.

Qui autem tenent quod regula non ualet, nisi pro tempore præsentis non considerant correlatiua formaliter, sed materialiter, & ideo non sunt audiendi.

Quarta est, a termino priuatiuo ad terminum infinitum propositionibus existentibus affirmatiuis ualet consequentia. Sed non econuerso ut fortes est iniustus, ergo est non iustus. Dicitur propositionibus existentibus affirmatiuis, quia in negatiuis non sequitur, ut hic. Lapis non est iniustus, ergo non est non iniustus. Constat enim antecedens esse uerum, quia lapis non est apertus esse iustus, ergo non est iniustus. Consequens autem est falsum: quoniam negatio iustitiæ est in lapide, licet non priuatio. Nam iustus, & non iustus sunt contradiCTORIA, quorum alterum de quolibet ente uerificatur. Cum igitur lapis non sit iustus, est non iustus, hæc ergo est falsa, lapis non est non iustus. Dicitur sed non econuerso. Non enim sequitur. Hoc animal est non uidens puta catulus ante nonum diem, ergo est cæcum. Nam ad hoc quod sit non

TRACTATVS NONVS

uidens, sufficit quod non uideat, ad hoc autem quod sit cæcum oportet quod non uideat eo tempore quo est aptum uidere. Sed catulus ante nonum diem, non est aptus uidere & ideo licet sit non uidens, non tamen potest dici cæcus.

Quinta est ab affirmatiua de prædicato infinito uel pua-
tuo, ad negatiuam de prædicato finito, ualet consequentia,
sed non econuerso nisi cum debito medio. Nam bene sequit
sortes est non uidens uel cæcus, ergo non est uidēs, lapis est
non homo, ergo non est homo. Sed econuerso non ualet:
quoniam ordinarie ex negatiua non sequitur affirmatiua.
Quod si sequitur erit cum debito medio, ut hic. Tu non es
homo, demonstrato asino, & tu es, ergo tu es non homo.
Hæc de regulis consequentiæ formalis pœnes terminos pti
nentes, & impertinentes dicta sint.

Pars quinta.

IN parte quinta assignandæ sunt regulæ consequentiæ for
malis quæ sumuntur & p̄bationibus p̄positionum sed
aduerte quod has regulas non intelliges, nisi p̄us cogno
ueris modos uniuersales quibus p̄positiones p̄bantur mo
do logico. Sunt autem isti modi quinque. Nam omnis p̄po
sitio mediata. i. quæ per aliquod medium potest p̄bari, aut
p̄batur resolubiliter, aut exponibiliter aut officiabiliter, aut
descriptibiliter, aut p̄ causas ueritatis, & de his quinque mo
dis, acturi sumus in tractatu sequenti, qui erit de p̄bationi
bus terminorum. Pro nunc igitur sustine, donec in p̄dicto tra
ctatu exercitatus fueris. Hic autē assignandæ sunt decē r̄læ.

Prima est, ab omnibus propositionibus exponētibus si
mul sumptis, ad suam expositam, ualet consequentia. Ver
bi gratia. Hæc propositio uniuersalis omnis homo est aīal,
habet duas exponentes, prima est ista. Homo est animal se
cunda est ista, & nihil est homo, quin illud sit animal, ab his
duabus simul sumptis ad expositam, ualet consequentia, nā
bene sequitur. Homo ē animal, & nihil est homo quin illud
sit animal, ergo omnis homo ē animal. Dicitur simul sum
ptis, quia diuisim non ualet, non enim sequitur. Homo cur
ritergo omnis homo currit: quoniam ab indefinita ad uni
uersalem

uerſalem non ualet conſequentia niſi gratia materiæ ut do-
cuimus in parte ſecunda.

Secunda eſt. A propoſitione expoſita ſiue exponibili, ad ſingulas ſuas exponentes diuiſiue & ſimul ſumptas eſt bona conſequentia. Exemplum de diuiſiue ſumptis. Nam bene ſequitur. Omnis homo currit ergo homo currit, ergo nihil eſt homo, quin illud currat. Exemplum de ſimul ſumptis. Omnis homo currit, ergo homo currit, & nihil eſt homo, quin illud currat.

Tertia eſt, ex contradictoria propoſitionis exponentis, ſequitur contradictorium propoſitionis expoſitæ. Nam bene ſequitur. Homo currit, & aliquid quod non eſt homo currit, ergo non tantum homo currit.

Et aduerte quod regula ſupponit propoſitionem expoſitam ſiue exponibilem eſſe excluſiuam, cuius exponentes ſunt iſte, homo currit, & nihil non homo currit, ergo tantum homo currit. Contradictoria huius exponentis, nihil non homo currit, eſt iſta, aliquid non homo, uel aliquid quod non eſt homo currit, & ex iſta bene inferitur contradictoria expoſite ſcilicet non tantum homo currit.

Quarta eſt a propoſitionibus reſoluentibus ad reſolutam ſiue reſolubilem eſt bona conſequentia, & econuerſo tam in materia contingenti quam naturali pro cuius noticia aduerte, quod pbatio propoſitionis p reſolutionem fit per duas ſingulares factas non per terminum diſcretum, ſed per pno-
men demonſtratiuum, & propoſitio reſolubilis eſt indefinita uel particularis uel ſingularis cuius ſubiectum eſt terminus diſcretus. V. G. Hæc indefinita. Homo currit reſoluen-
do ſic pbat. Hoc currit, & hoc eſt homo, ergo homo currit. Dicitur igitur in regula. A reſoluentibus. ſ. ſimul ſumptis ad reſolutam ualet conſequentia. Nam bene ſequitur, hoc currit & hoc eſt homo, ergo homo currit. Dicitur & econuerſo. i. a reſoluta ad reſoluentes. Nam bene ſequitur in materia cōtingēti. Homo currit, ergo hoc currit & hoc eſt homo demonſtrato ſorte. Item ſequitur in materia naturali, homo eſt animal, ergo hoc eſt animal, & hoc eſt homo.

Sed aduerte quod terministe discordant in hoc a reali-
bus. Dicunt enim terministe p̄dictam consequentiam nō ua-
lere, quoniam secundum eos antecedens. s. homo est animal
est necessarium. Sed consequens. s. hoc est animal & hoc est
homo, secundum eos est contingens, quia non concedunt
aliquam singularem in his corruptibilibus esse necessariam.
Reales autem dicunt ipsam ualere, quoniam antecedens &
consequens sunt necessaria, & negant quin singulares in ma-
teria naturali sint necessariae quando sunt de tertio adiacen-
te, neq; enim copula denotat existentiam extremorum sed
habitudinem p̄dicati ad subiectum, ut saepe diximus, &
hanc uiam sequitur.

Quinta est, ab officiantibus ad officiata, ualet consequē-
tia. Pro cuius notitia aduerte quod propositio officiabilis est
illa cuius oratio infinitiua determinatur per aliquem termi-
num modalem scilicet per possibile aut contingens aut im-
possibile aut necesse & sic probatur. Verbi gratia. hæc est
officiabilis, necesse est Deum esse, & probatur sic. Hæc pro-
positio est necessaria Deus est, qui adæquate significat Deum
esse, ergo necesse est Deum esse. dicit igitur, regula a propo-
sitionibus officiātib; ad propositionem officiata, ualet
consequentia, ut hic. Hæc propositio est contingens, homo
currit, quæ adæquate significat hominem currere (istæ sunt
officiantes) tertio contingens est hominem currere, hæc est
officiata.

Sexta est. A descriptione ad descriptum ualet consequen-
tia & econuerso uel sic a propositione describente ad propo-
sitionem descriptam ualet consequentia & econuerso. Pro
cuius notitia aduerte quod propositio descriptibilis est illa
qua uerbum concernens actum mentis determinat incom-
plexum. Verba autem concernentia actum mētis sunt hæc,
scio cognosco intelligo, imaginor &c. Sic autem probatur.
Verbi gratia, scio Deum, sic describitur scio aliquid. ea ratio-
ne qua Deus, ergo scio Deum. Antecedens est propositio
describens, & consequens est propositio descripta siue de-
scriptibilis. Dicit igitur regula, a describente ad descriptam

ualet consequentia. Nam bene sequitur. Cognosco aliquid sub ratioe qua cœlum, ergo cognosco cœlum, ex ualet ecôuerso, ut cognosco cœlum ergo cognosco aliquid sub ratioe qua cœlum.

Septima est. A propositione de sensu composito ad propositionem de sensu diuiso non ualet consequentia, nec econuerso. Pro cuius noticia aduerte quod propositio de sensu composito & diuiso consuevit fieri ut in pluribus per terminum modalem ut possibile est sortem currere, sed tunc dicitur de sensu composito, quando modus proponitur dicto, aut post ponitur ut possibile est album esse nigrum uel sic, album esse nigrum, est possibile. Dicitur autem de sensu diuiso quando modus mediat inter partes dicti ut album possibile est esse nigrum, uel sic, album potest esse nigrum. Dicitur igitur regula, quod a sensu composito ad sensum diuisum non ualet consequentia, nec econuerso, quoniam antecedens erit falsum & consequens uerum, econuerso autem antecedens erit uerum & consequens falsum, non enim sequitur possibile est album esse nigrum, ergo album potest esse nigrum. Nam antecedens est falsum & impossibile. Sensus. n. est. Res quæ est alba. i. in quantum stat sub albedine, potest esse nigra ita quod hæc potest esse uera, album est nigrum. Hoc autem est impossibile, cum sint contraria quorum unum est impossibile alteri. Consequens autem est uerum, sensus enim est, res quæ est alba. i. quæ est subiectum albedinis potest esse subiectum nigredinis, non quidem simul sed successiue. Nam ut diximus in tractatu de prædicamentis: proprium est substantiæ: esse susceptiuam contrariorum constat ergo quod consequens erit uerum. Constat etiam quod econuerso antecedens erit uerum & consequens falsum & impossibile sic arguendo album potest esse nigrum: ergo possibile est album esse nigrum.

Sed aduerte quod regula intendit consequentiam non ualere: quando dictum propositionis modalis constat ex terminis disparatis siue oppositis: quorum significata non simul uerificantur de eodem nam si fiat modalis cuius dictum

Non constat ex terminis oppositis, ualet consequentia a modalis de sensu composito ad eam quæ est de sensu diuiso. Nam bene sequitur, necesse est Deum esse, ergo Deum necesse est esse, & econuerso & hic, contingenter homo currit, ergo homo contingenter currit.

Octaua est, Ab una causa ueritatis, ad propositionem habentem illam causam, est bona consequentia. Sed non econuerso. Pro cuius notitia aduerte quod propositio probabilis per causas ueritatis est illa quæ habet multas causas ueritatis disiunctiue sumptas ut tibi declarabitur in tractatu de probationibus terminorum. Dicit igitur regula, quod ab una causa ueritatis, ad propositionem habentem illam, est bona consequentia & non econuerso. Nam bene sequitur. Dum homo currit, risibile currit, ergo homine corrente risibile currit. Implicat enim contradictionem, quod pro aliquo tempore homo currat, & in illo risibile non currat, cum omnis homo sit risibilis infallibiliter & per se. Dicitur ab una causa ueritatis, quoniam a pluribus non ualet. Verbi gratia quod homo habeat pulsum concitatum potest esse a pluribus causis, puta ab ira a labore, a cibo, a febre. Vnde sic arguere. Sortes habet pulsum concitatum, ergo bene comedit & bibit, non ualet consequentia quia potest esse ab alia causa, ut tibi declarabitur in tractatu de syllogismo sophistico. Dicitur & non econuerso, quia non sequitur. Homine corrente risibile currit, ergo dum homo currit risibile currit. Nam posito quod nihil currat, tunc consequens est falsum, cum asserat hominem currere, & antecedens est uerum quia concluditur eius ueritas per aliam causam ueritatis scilicet per conditionalem quæ est hæc, si homo currit, risibile currit. Nam propositio denominata ab ablatiuo in consequentia potest habere tres causas ueritatis scilicet conditionalem, temporalem, causalem.

Exemplum primi. Homine corrente, risibile currit, id est. Si homo currit risibile currit.

Exemplum secundi. Homine corrente: risibile currit, id est dum homo currit, risibile currit.

Exemplum tertii. Homine currente risibile currit. i. quia homo currit risibile currit.

Nona est, a propositione uerbi actiui, ad sibi correspondentem uerbi passiuum, est bona consequentia & econuerso. Nam bene sequitur, ego amo deum, ergo deus amatur a me. Hæc regula est uera ueritate, dummodo seruetur eadem suppositio terminorum ut homo uidet lupum, ergo lupus uidetur ab homine. Nam in utraque homo, & lupus supponunt determinate. Si autem mutatur suppositio. Non ualet, ut hic promitto tibi denarium, ergo denarius promittitur a me tibi. Nam in prima ly denarium stat confuse, ut docuimus in tractatu de suppositionibus in secunda autem determinate. Ut ergo seruetur eadem suppositio, fiat passiuum sic. A me tibi promittitur denarius.

Decima est. A propositione de tertio adiacente, ad eam quæ est de secundo ualet consequentia affirmatiue arguendo, dummodo non sit exclusiua, nec in materia naturali. Nec prædicatum sit terminus distrahens, nec uerificabilis tam de ente quam de non ente, & seruetur eadem suppositio.

Dicitur affirmatiue, quia negatiue non ualet. Non enim sequitur. Nullus homo est asinus, ergo nullus homo est.

Dicitur dummodo non sit exclusiua, quia in exclusiuis non tenet, non enim sequitur. Tantum homo est staturæ rectæ, ergo tantum homo est.

Dicitur nec in materia naturali, quia copula non dicit existentiam sed habitudinem prædicati ad subiectum. Vnde semper est uera sine extrema existant siue non. In secundo autem adiacente copula dicit existentiam. Vnde non sequitur, homo est animal, ergo homo est. Nam prima est sempiternæ ueritatis, etiam ante mundi creationem, secunda autem non uera nisi homine existente, & in hac conditione discordant terministe, a realists. Tenent enim terministæ regulam ualere tam in materia naturali quam contingenti. Reales uero tantum in materia contingenti.

Dicitur nec prædicatum sit terminus distrahens, id est cum quo non stat præsens existentia subiecti. Tales termini sunt ista participia. Præteritus futurus mortuus interfectus generandus & generabilis. In his oïbus regula nõ tenet. Non. nõ sequitur, homo est præteritus siue mortuus siue occisus, ergo homo est. nec sequitur, homo est generandus uel generabilis, ergo homo est.

Dicitur nec uerificabilis &c. Tales termini sunt opinabile imaginabile fingibile &c. Vnde non sequitur. Mons aureus est imaginabilis, ergo mons aureus est. Nec sequitur. Alter mundus est opinabilis, ergo alter mundus est. Nam opinari & imaginari possumus tam existentia quam non existentia sicut, & somniari.

Dicitur & seruetur eadem suppositio. Vnde non sequitur. Homo est nomen, ergo homo est, quoniam in antecedente supponit materialiter in cõsequente personaliter. Nec sequitur, homo est species, ergo homo est, quoniam in antecedente supponit simpliciter, in consequente autem personaliter.

Hæc de regulis cõsequentia formalis penes probationes propositionum dicta sint.

Pars sexta.

IN parte sexta assignandæ sunt regulæ consequentia formalis penes propositiones hypotheticas copulatiuas, & disiunctiuas & sunt sex.

Prima est. A tota copulatiua affirmatiua, diuisiua; ad quamlibet eius partem, ualet consequentia, sed non e conuerso nisi in aliquo casu. Nam bene sequitur. Sortes loquitur, & Plato audit ergo sortēs loquitur, ergo Plato audit.

Dicitur affirmatiua, qm̃ in negatiua non ualet. non enim sequitur, non tu es homo, & tu es asinus, ergo non tu es homo. Stat enim quod tu sis homo, & non sis asinus.

Dicitur diuisiua, quoniam a copulatiua collectiua non

ualet non enim sequitur, sortes trahit nauem, & plato trahit nauem ergo sortes trahit nauem. Nam simul & non diuifim trahunt nauem, fupposito quod neuter per fe folum fufficiat trahere nauem.

Dicitur fed non econuerfo fcilicet a qualibet parte ad totam copulatiuam. Non enim fequitur, fortes comedit, ergo fortes comedit & loquitur. Stat enim quod comedat & non loquatur.

Dicitur in aliquo cafu. Cafus autem eft, quando ad partem copulatiue antecedit effentialiter aliud quod de parte ipfa prædicatur, & fine quo pars ipfa non fequitur, ut hic. Homo currit ergo currit & mouetur. Nam fine motu non ponitur curfus, & hæc eft per fe, curfus eft motus, fic ifta eft per fe, homo eft animal. In hoc igitur cafu conſequentia ualet a parte copulatiue ad totam copulatiuam, regulariter autem, & formaliter non ualet.

Secunda eft, a propoſitione de toto copulato tam a parte ſubieſti quam a parte prædicati diuifim tento & affirmatiue, ad quamlibet eius partem, ualet conſequentia. Sed non econuerfo, niſi in eo cafu in quo dictum eft in regula præcedenti. Nam bene fequitur ex parte ſubieſti fortes & plato comedunt, ergo fortes comedit, ergo plato comedit, ex parte autem prædicati fic. Sortes comedit & loquitur, ergo loquitur, ergo comedit.

Dicitur tento diuifim, quoniam tento collectiue non ualet, ut hic fortes & plato ſunt duo, ergo fortes eft duo, & hic fortes & Plato ferunt hoc pondus, ergo fortes fert hoc pondus.

Dicitur affirmatiue, quoniam negatiue non ualet. Non enim fequitur. Non fortes & plato trahunt nauem, ergo plato trahit nauem.

Dicitur fed non econuerfo, quia non fequitur, fortes comedit, ergo fortes comedit & bibit.

Dicitur niſi in eo cafu &c. Nam bene fequitur, fortes eft homo ergo eft homo & animal. Sortes dormit, ergo dormit & quieſcit.

Tertia est, a parte principali disiunctiue affirmatiue ad totam disiunctiuam ualet consequentia. Sed non econuerso nisi gratia materiæ. Nam bene sequitur. Tu es homo, ergo tu es homo, uel tu es asinus, quia ad ueritatem, disiunctiuæ sufficit unam partem esse ueram, ut docuimus in tractatu tertio agentes de propositionibus hypotheticis, econuerso autem non sequitur scilicet a tota disiunctiua ad quamlibet partem. Non enim ualet. Tu es homo uel asinus, ergo tu es asinus, aliquando autem ualet gratia materiæ, puta quando una pars disiunctiue sequitur ad alteram ita quod utraque pars est uera, & tunc potest utraq; pars inferiori indifferenter ex tota disiunctiua, ut hic. Tu es homo uel animal, ergo tu es animal, ergo tu es homo.

Sed aduerte quod apud reales ut docuimus in tractatu tertio disiunctiua cuius utraq; pars est uera, non est propria sed impropria. Nam propria disiunctiua uera est illa cuius una pars est uera, reliqua autem non, dicitur enim disiunctiua, quia disiungit sensum, apud logicum. Vnde apud reales stante disiunctiua propria, pro nullo casu, licet arguere a tota disiunctiua ad partem. Et hanc uiam sequimur.

Iterum aduerte quod diximus de disiunctiua, uerificatur de propositione cuius subiectum est totum disiunctum uel prædicatum. Nam ex parte subiecti bene sequitur. Sortes currit, ergo sortes uel Plato currit, ex parte prædicati bene sequitur. Sortes comedit, ergo sortes comedit uel est asinus. Econuerso autem non in propositione de proprio disiunctio: non enim sequitur. Sortes comedit uel est asinus, ergo est asinus.

Quarta est. A tota disiunctiua affirmatiua cum destructione unius partis ad positionem alterius ualet consequentia. Nam bene sequitur tu es mortuus, uel uiuus. Sed tu non es mortuus: ergo tu es uiuus. Pro cuius noticia aduerte quod destruere unam partem est negare illam, & ponere alteram est affirmare.

Vnde qui sic arguit. tu es asinus, uel tu non es asinus. Sed tu non es asinus, ergo tu es asinus, non arguit, per regulam, quia

nullam partem destruunt. Quod si dicant, destruimus primam partem, & concludimus alteram, ergo sic habent arguere. Tu es asinus, uel tu non es asinus. Sed tu non es asinus, ergo tu non es asinus, & tunc nil falsi concluditur, sed tamen inepte.

Dicitur a tota disiunctiua affirmatiua, quia in negatiua non ualet, non enim sequitur. Non tu es asinus, uel tu es asinus. Sed tu non es asinus, ergo tu es asinus.

Quinta est, a copulatiua negatiua ad disiunctiuam affirmatiuam factam de partibus contradictoriis copulatiuæ affirmatiuæ est bona consequentia, & econuerso. Nam bene sequitur, non tu es homo, & tu es asinus, ergo tu non es homo, uel tu non es asinus, & econuerso, nam bene sequitur, tu non es homo, uel tu non es asinus, ergo non tu es homo & tu es asinus.

Sexta est, a disiunctiua negatiua ad copulatiuam affirmatiuam factam de partibus contradictoriis disiunctiue negatiue, ualet consequentia, & econuerso. Nam bene sequitur, non tu es asinus, uel tu es capra, ergo tu non es asinus, & tu non es capra, & econuerso, & aduerte quod ratio huius regulæ ac præcedentis est, quia copulatiua, & disiunctiua compositæ de partibus contradictoriis contradicunt, sed ut docuimus in trac. tertio agentes de æquipollentiis negatio præposita facit æquipollere suo contradictorio, & ideo utraque regula est bene posita. Hæc de regulis consequentiæ formalis pœnes hypotheticas copulatiuas, & disiunctiuas dicta sint.

Pars septima.

IN parte septima assignandæ sunt regulæ consequentiæ formalis pœnes hypotheticas conditionales, & sunt.

Prima est. In conditionali affirmatiua, a positione antecedentis, ad positionem consequentis, ualet consequentia. Sed non econuerso, nisi gratia materiæ. Nam bene sequitur. Si tu es homo, tu es animal. Sed tu es homo, ergo tu es animal.

Dicitur in conditionali affirmatiua, quia de negatiua non ualet. Non enim sequitur, non si tu es homo, tu es asinus, sed

tu es homo, ergo tu es asinus.

Dicitur, sed non econuerso non enim sequitur, si tu curris tu moueris. Sed tu moueris, ergo tu curris.

Dicitur nisi gratia materiæ: quoniam si fiat conditionalis de terminis conuertibilibus ualet consequentia, & econuerso. Nam bene sequitur. Si tu es homo, tu es rationalis. Sed tu es homo, ergo tu es rationalis, & econuerso. Sed tu es rationalis, ergo tu es homo. Valet ergo quando formatur conditionalis ex diffinito, & proprio, ex subiecto, & propria differentia, ex diffinitio, & diffinitione. Item ualet quando formatur de duobus correlatiuis per secundum adiacens. Nam bene sequitur, si pater est, filius est. Sed pater est, ergo filius est, & econuerso. Sed filius est, ergo pater est.

Secunda est, in conditionali affirmatiua a destructione: id est negatione consequentis. ad destructionem siue negationem antecedentis est bona consequentia, sed non econuerso nisi gratia materiæ. Non bene sequitur, Si lapis est uiuus, lapis est animatus, sed lapis non est animatus, ergo non est uiuus.

Dicitur in conditionali affirmatiua, quoniam in negatiua non ualet, ut hic, non si tu es homo, tu es asinus. Sed tu non es asinus, ergo tu non es homo.

Dicitur sed non econuerso, scilicet a destructione antecedentis, ad destructionem consequentis, non enim sequitur, si tu curris, tu moueris, sed tu non curris, ergo tu non moueris, sat enim quod tu non curras, & tamen quod mouearis, ut si lente ambulas.

Dicitur nisi gratia materiæ, nam tenet in terminis conuertibilibus, & in correlatiuis de secundo adiacete sicut, & præcedens regula, nam bene sequitur. Si tu es asinus, tu es rudibilis, sed tu non es asinus, ergo tu non es rudibilis, item sequitur, si pater est, filius est, Sed pater non est, ergo filius non est, nam sicut posito uno correlatiuo ponitur reliquum sic remoto uno, remouetur reliquum ut docuimus in tract. de prædicamentis. Hæc de regulis consequentiæ formalis

pœnes hypotheticas conditionales dicta sint, & hic terminatur intentio nostra de consequentiis, put existimamus ad mentem peripateticam.

Explicit Tractatus de consequentiis, ordinatus per Reuerendum Magistrum Chrysostomum Iauellum Canapiciū ordinis prædicatorum, peripateticæ doctrinæ professorem, & per eundem manu propria scriptus, ac reuisus, & correctus. Sequitur tractatus de probationibus terminorum.

Tractatus decimus.

INCIPIT TRACT. DE PROBATIONIBUS terminorum, modo logico, ordinatus per Reuerendum Magistrum Chrysostomum, ordi. prædic. philosophiæ peripateticæ professorem.



N hoc tractatu intendo ordinare doctrinam de probationibus terminorum consuetam apud logicos, & ut deseruit non sophisticis altercationibus, sed euidentiori notitiæ de probationibus propositionum, & terminorum probabilium habendæ diuidemus igitur præsentem tractatum in sex capita.

In primo ordinabuntur præcognoscenda, sine quibus huius tractatus doctrinam, nouitus habere non posset.

In secundo agendum est de propositione resolubili.

In tertio de propositione exponibili, & de omnibus terminis exponibilibus.

In quarto de propositione officiabili.

In quinto de propositione descriptibili.

In sexto de propositione probabili per causas ueritatis.

IN primo cap. declaranda sunt tria sine quibus huius trac. doctrina haberi non posset. Primum est quot sint generales modi probandi propositionē uel terminus pœnes quos uariatur propositio, secundum est. Quæ & quales sint propositiones, siue termini, quæ uel qui probari possunt, tertium est quot modis apud logicum propositio uel terminus probari potest.

Quantum ad primum aduerte quod in doctrina peripatetica quatuor inueniuntur modi generales probandi aliquā propōnem. Primus est per causam, & hic est perfectissimus & faciens uere scire. Verbi gratia. Hæc propō, homo est risibilis, per causam si probatur, omne, omne animal rōnale est risibile, homo est animal rōnale, ergo homo est, risibilis, secundus est per effectum, & hic est frequentior in scientia naturali, qm̄ in ea procedimus a sensatis, & ab effectibus nobis manifestioribus q̄ sint causæ naturales ut tibi notum erit in lib. secundo phys. tertius est per simile aut per oppositū contradictorium ut tibi declaratum est in trac. de syllogismo topico, quartus est per reductionem ad aliquam uel aliquas propositiones notiores nobis, quam sit ipsa propō probanda. Verbi gratia. Si tu dubiras utrum ista sit uera. Tantū homo est rationalis, manifestabitur tibi per has duas propōnes notiores. scilicet homo est rationalis, & nihil aliud ab homine est rationale, ergo tantum homo est rationalis, sic autem manifestare est propositionem ineuidentem probare. Nam sicut reprobare uel improbare propositionem, est eius falsitatem notificare sic probare est per aliam aut alias euidentiores nobis eius ueritatem declarare, ex his autem quatuor modis probatiuis propositionum Primus, & secundus, & tertius sunt reales, & spectant ad scientias reales, quales sunt mathematica, & physica, & metaphysica, ut cognoscere tempore suo, quartus autē est modus logicus, & de hoc solo intendimus pertractare in præsentī tractatu. Intētio enim nostra est declarare per quam aut quas propositiones notiores nobis, probetur quælibet propositio probabilis, uel terminus

faciens propositionem probabilem, sicut sunt signa uniuersalia dictiones exclusiue uel exceptiue, termini concernētes actum mentis, & multa alia ut tibi manifestabuntur intra descendentes ad particularia.

Quantum ad secundum aduerte quod propōnum, & terminorum apud logicum quædam sunt immediate, & quædam mediate, similiter terminorum quidam sunt immediati, & quidam mediati, propōnes immediate sunt ille, quæ p alias notiores nobis, non pnt manifestari, & iste sunt propositiones quæ non sunt per alias, sed per seipsas manifestæ, quales sunt propōnes singulares factæ cum pnomine demonstratiuo, ut hic homo currit. Non. n. est resolubilis in priorē per quam possit clarius manifestari: quoniam ut docuimus in trac. de syllogismo demonstratiuo. Omnis nostra cognitio ortum habet a sensu. Nihil autem est notius sensui, quam singulare demonstratum, mediate autem propōnes sunt illæ, quæ p aliam aut alias notiores pnt manifestari resoluēdo aut exponendo aut alio modo ut patebit infra. Termini immediati sunt termini simplices non resolubiles in aliquid notius, & tales apud logicum sunt pnomina demonstratiua singularis numeri ut ego tu, ipse, iste, ille, hic, & is, & aduerbia demonstrandi. Hmōi. n. carent medio per quod possint probari & per notius: qm nullus est terminus notior istis. Mediati autem sunt omnes termini resolubiles in aliquid prius & notius, & sunt omnes termini præter p̄dictos siue sint cōmunes siue discreti. Nam ut tibi manifestabitur ēt terminus discretus facit propōnem probabilem. V. G. sortes currit, potest sic probari. Hoc currit, & hoc est sortes, ergo sortes currit, & hæc potest probari. Tantum Petrus est caput ecclesiæ, nam Petrus est caput ecclesiæ, & nullus alius a Petro est caput ecclesiæ, ergo tantum Petrus est caput ecclesiæ. Constat igitur quæ, & quales propositiones sint probabiles. Simpliciter qui, & quales termini.

Quantum ad tertium aduerte, quod apud logicum omnis propositio mediata, & omnis terminus mediatus potest uno quinque modorum probari, quorum primus est resol-

TRACTATVS DECIMVS

uendo, secundus exponendo, tertius officiando, quartus describendo, quintus per causas ueritatis. Omnis igitur propositio probabilis siue terminus uel est resolutibilis, uel exponibilis, uel officiabilis, uel descriptibilis, uel per causas ueritatis notificabilis, & sic de his quolibet modis tractabimus ordinate.

Caput secundum de propositione resolutibili.

IN cap. secundo agendum est de propositione, quæ probanda est per resolutionem, & hic tertia agenda sunt, primo quid significat in hoc loco resolutio, secundo quot propositiones sint resolutibiles. i. probandæ per resolutionem, tertio quomodo fit huiusmodi resolutio.

Quantum ad primum aduerte quod resolutio in hoc loco significat reductionem propositionis probabilis in sua singularia principia, ex quibus notificatur eius ueritas. Vñ sicut resolutio compositi puta domus importat reductionem domus in sua prima principia ex quibus constat, puta in lapides, & ligna &c. sic probatio propositionis per resolutionem importat reductionem talis propositionis in sua prima principia, quæ sunt propositiones nobis notiores, ex quibus ipsa propositio manifestatur, ut tibi paulo post declarabitur.

Quantum ad secundum aduerte, quod apud logicum tres species propositionum probantur resolutibiliter affirmatiuæ, & negatiuæ siue sint ampliatiuæ, siue non. Istæ autem sunt, indefinita, & particularis, & singularis, modo non fiat per pronomem demonstratiuum. Illa enim est immediata, ut diximus in cap. præcedenti, & de omnibus exemplificabimus infra.

Quantum ad tertium aduerte quod probatio per resolutionem sic fienda est, sumendæ sunt duæ propositiones singulares factæ cum pronomine demonstratiuo, ita quod in prima prædicetur prædicatum propositionis resoluendæ siue resolutibilis, & in secunda prædicetur subiectum eiusdem, & ex his duabus inferat propositio resolutibilis, exemplum de indefinita affirmatiua. Homo est albus, sic probatur. Hoc est album & hoc est homo, ergo homo est albus, exemplum de particulari affirmatiua, aliquis homo currit, hoc currit, &

hoc est aliquis homo, ergo aliquis homo currit exemplum de singulari, Plato currit. Hoc currit, & hoc est Plato, ergo Plato currit, item unigenitus sortis filius currit. Hoc currit, & hoc est unigenitus, Sortis filius, ergo unigenitus Sortis filius currit.

Hoc igitur modo probantur apud logicum affirmatiua indefinita particularis, & singularis cuius subiectum est terminus discretus uel circumlocutus. Negatiua autem dupliciter probari potest, primo resolutorie sicut affirmatiua quoniam subiectum pro aliquo supposito demonstrato supponit, ut hic. Homo non est lapis, sic resoluitur. Hoc non est lapis, & hoc est homo, ergo homo non est lapis, si autem subiectum per nullo supposito demonstrato supponit non potest probari resolutorie, quia secunda resoluens semper erit falsa, ut hic. Chimera non est homo. Hoc non est homo, & hoc est chimera, ergo chimera non est homo. Patet quod secunda est falsa: quoniam nullum ens demonstratum est chimera, cum sit quid fictitium siue imaginatum tantum. Tunc ergo probanda est per suam oppositam contradictoriam sic. Hæc duo contradicunt chimera est homo, chimera non est homo, sed affirmatiua est falsa, ergo negatiua est uera. Consequentia patet: quoniam duorum contradictoriorum, si unum est falsum, reliquum est uerum, & econuerso. Patet igitur quomodo duobus modis probari potest indefinita & particula & singulula negatiua.

Sed aduerte quod non solum simplex categorica affirmatiua indefinita particula & singula probatur resolutorie, sed etiam ampliatiua, ut homo est mortuus, sic probatur. Hoc est mortuum, & hoc est uel fuit homo, ergo homo est mortuus, & ista. Homo incipit comædere. Hoc incipit comædere, & hoc est uel incipit esse homo, ergo homo incipit comædere, eodem modo probatur indefinita particula & singula cuius subiectum est terminus obliquus siue in genitiuo, siue in datiuo, siue in accusatiuo, siue in ablatiuo. V. G. Hominis interest bene uiuere. Huius interest bene uiuere, & hoc est homo, ergo &c. Sorti placet uirtus, Platonem delectat legere. A Deo regitur mundus, omnes has resolue modo supradicto, eodem

modo firmatur indefi. parti. & singu. quorum subiectum sit cum aduerbio quod habet aduerbium inferius. V. G. Aliquā tu legis sic probatur. Nunc tu legis, & nunc est aliquā, ergo aliqñ tu legis. Alicubi tu es sic probatur, ibi tu es, & ibi est alicubi, ergo alicubi tu es, eodem modo probanda est indefinita, & parti. & singu. qñ prædicatum est participium præteritū uel futurum. V. G. Adam est præteritus sic probatur. Hoc est præteritum, & hoc est uel fuit Adam, ergo Adam est præteritus, Antichristus est uenturus, sic probatur. Hoc est uenturum, & hoc est uel erit antichristus, ergo &c. eodem modo probanda est indefinita, & parti. & singu. de subiecto copulato, & disiuncto, exemplum primi, Sortes. & Plato currūt sic probatur. Isti currūt, & isti sunt Plato, & sortes, ergo sortes, & Plato currunt, exemplum secundi. Hoc uel asinus est asinus, sic probatur. Hoc uel asinus est asinus, & hoc est homo, ergo homo uel asinus est asinus. Constat igitur tibi quō resoluibiliter probanda est indefinita, & particu. & singu. siue sit simplex categorica, siue ampliatiua &c.

Et aduerte quod ex hoc modo probandi manifestatur ueritas multarum propositionum ampliatiuarum, quæ primo aspectu uidentur omnino falsæ inter quas iste sunt præcipue. Prima senex erit puer, probatur. Summo puerum decē annorum qui uiuat per septuaginta annos, & qui in duodecim annos adhuc erit puer, & arguitur sic. Hoc erit puer, quia in duodecimo anno adhuc erit puer, & hoc est uel erit senex & secunda pars est uera, quia in septuagesimo anno erit senex, ergo senex erit puer.

Secunda puer fuit senex, probatur summo senem centū annorum, qui cum esset septuaginta annorum etiam erat senex, & cum esset decē annorum, erat puer, & arguitur sic. Hoc fuit senex, quia cum nunc sit centum annorum, existēs septuaginta annorum fuit senex, & hoc est uel fuit puer, & secunda pars est uera: quoniam cum esset decem annorum, erat puer, ergo puer fuit senex.

Tertia candela lucens est extincta, probatur, summo candela prius lucentem pūc autem extinctam, & arguitur sic. Hoc

sic. Hoc est extinctum, & hoc est uel fuit candela lucens, & secunda pars est uera, ergo candela lucens, est extincta.

Quarta uiuum est mortuum, probatur. sumo mortuum puta Adam, qui aliquando fuit uiuus, & arguitur sic. Hoc est mortuum demonstrando Adam, & hoc est uel fuit uiuum, & secunda pars est uera, ergo uiuum est mortuum.

Multas consimiles inuenies in libris terministarum, quas tu quæres ad libitum, nec intendo hic tempus contere, quoniam huiusmodi ampliaciones & similes probationes, parum perficiunt intellectum quærentem rei ueritatem, per ueram & essentialē probationem propositionis probāda. Sed magis detinent intellectum in captiunculis inutilibus.

Caput tertium de propositione.

exponibili.

IN cap. tertio agendum est de probatione propositionū & terminorum per modum exponibilem, siue per expositionem, & hic tria agenda sunt. Primo declarandum est in quo sensu hic sumitur expositio, secundo quæ & quot propositiones, similiter qui & quot termini, per expositionem probandi sunt. Tertio descendemus ad particulares propositiones & terminos ostendentes quoniam exponibiliter probantur.

Quantum ad primum aduerte quod expositio proprie sumitur pro propositione ad extra, alicuius rei prius latentis.

Vnde dicit exponi pecunia quæ prius latebat in capsâ uel bursa, quādo expendit. Per similitudinem ergo dicit expositio, quando aliqua snia uel propositio uel terminus, per aliquid magis notum declarat, & in hoc sensu sumit hic expositio, & ab expositione denominatur propositio exponibilis. Huiusmodi autem expositio propositionis fit per duas propositiones, quarum prima dicitur præiacens & secunda dicitur uniuersalis negatiua sibi correspondens. Et ex his duabus inferitur propositio exponēda siue exponibilis. Verbi gratia. Hæc uniuersalis affirmatiua omnis homo est risibilis sic probat exponibiliter apud logicū. Homo est risibilis, & nihil est hō, quin illud sit risibile, ergo oīs hō est risibilis.

suam præiacentem & per uniuersalem negatiuam, in qua ponit hæc dictio quin inter subiectum & prædicatum. & ei subiungitur pro nomen relatiuum ille illa illud, ut hic. Omnis homo currit, si exponit. Homo currit, & nullus est homo quin ille currat, ergo omnis homo currit, In plurali sic. Omnes homines currunt. Homines currunt, & nulli sunt homines, quin illi currant ergo omnes homines currunt, Consimili modo exponatur si fiat in obliquo, excepto quod in exponente uniuersali negatiua, ponetur semper in recto subiectum exponendæ, & relatiuum in consimili obliquo cum obliquo exponendæ tam in singulari quam in plurali. In singulari ut hic. Cuiuslibet hominis asinus currit, sic exponitur. Hominis asinus currit, & nullus est homo, quin illius asinus currat, ergo cuiuslibet hominis asinus currit. In pluraliter ut hic. Omnium contradictorium altera pars est uera, altera falsa, exponitur sic. Contradictoriorum altera pars est uera, altera falsa. Et nulla sunt contradictoria, quin illorum, altera pars sit uera, & altera falsa, ergo omnium contradictoriorum altera pars est uera, altera falsa.

Si fiat uniuersalis affirmatiua per uerbum ampliatiuum, eodem modo exponenda est excepto quod in uniuersali negatiua exponente, uerbum sumetur disiunctum. Verbi gratia. Omnis homo morietur, sic exponitur. Homo morietur, & nullus est uel erit homo, quin ille morietur, ergo omnis homo morietur: eodem modo exponetur, si fiat in plurali: si fiat in obliquo. Exerce te ipsum in exemplis.

Si fiat per participium uerbi ampliatiui: eodem penitus modo exponenda est. Verbi gratia. Omnis homo est præteritus: sic exponitur. Homo est præteritus: & nullus est uel fuit homo quin sit præteritus ergo omnis homo est præteritus. Item omnis homo est generandus: homo est generandus: & nullus est uel erit homo, quin ille sit generandus: ergo omnis homo est generandus.

Si fiat de subiecto composito puta de subiecto disiuncto: potest dupliciter exponi secundum quod subiectum potest esse totum disiunctum, uel solum prima pars disiuncti, si primo modo

TRACTATVS DECIMVS

sic exponitur. Omnis homo uel asinus est asinus. Homo uel asinus est asinus, & nihil est homo uel asinus, quin illud sit asinus, ergo omnis homo uel asinus est asinus. Si secundo modo, sic exponitur. Omnis homo uel asinus est asinus. Homo uel asinus est asinus, & nihil est homo quin illud uel asinus sit asinus, ergo omnis homo uel asinus est asinus, & hic secundus modus exponendi est melior quoniam in primo uniuersalis negatiua exponens est falsa, in secundo autem est uera, & ideo exponenda est secundo modo.

Constat igitur tibi quomodo omnis propositio uniuersalis affirmatiua, quocunque modo fiat probanda est exponibiliter. Et aduerte quod ex hoc modo probandi, termini stæ saluant multas propositiones quæ primo aspectu uidentur falsæ. Sicut sunt istæ. Omne quod fuit est. Omne quod erit est. Omne quod potest esse est. Omne quod non erit est. Omne quod non potuit nec poterit esse est. Quomodo autem saluentur, uidetur in tractatu Pauli Veneti de probationibus terminorum. Nam quia huiusmodi parum nobis deseruiunt in acquisitione scientiarum realium, non est in eis immorandum.

Reliquum est dicendum de uniuersali negatiua quocunque modo fiat, quomodo probanda est, an exponibiliter, an alio modo.

Aduerte igitur quod apud logicos non probatur exponibiliter sed aut per inductionem, aut per suum oppositum contradictorium, per inductionem sic. Nullus homo est asinus. Nec iste homo est asinus, nec iste, nec iste, nec iste, & sic de singulis, ergo nullus homo est asinus. Per oppositum contradictorium sic. Hæc est falsa, aliquis homo est asinus, quia non inuenitur suppositum de quo uerificetur ergo ista est uera. Nullus homo est asinus. Contraria patet, quia istæ duæ sunt contradictoriæ, aliquis homo est asinus. Nullus homo est asinus, & in omni materia ut docuimus in tractatu tertio necesse est unam esse ueram, & alteram falsam, cum igitur hæc sit falsa, ut ad sensum patet, aliquis homo est asinus, ista erit uera. Nullus homo est asinus.

Hæc de probatione uniuersalis affirmatiuæ, & uniuersalis negatiuæ modo logico, dictum sit.

Secundo loco agendum est de probatione exponibiliter propositionis exceptiuæ tati affirmatiuæ quam negatiuæ. Pro cuius noticia tria agenda sunt primo quæ, & quot sine dictiones facientes exceptiuam. Secundo quotuplex sit exceptiua. Tertio quomodo probanda est apud logicum.

Quantum ad primum aduerte quod dictiones facientes exceptiuam sunt iste, præter siue præterquam & nisi, differenter tamen constituunt eam, quoniam præter & præterquam constituunt tam affirmatiuam quam negatiuam. Nam hæc est uera, & congrua exceptiua. Omnis homo præter sortem currit, & hæc. Omne animal præter hominem est irrationale, & hæc Nullus homo, præterquam Christianus saluatur. Hæc autem dictio nisi. Non constituit proprie loquendo exceptiuam affirmatiuam sed tantum negatiuam. Non enim congrue dicimus. Omnis homo nisi sortes currit. Sed negatiue sic. Nullus homo nisi sortes currit.

Sed aduerte quod hæc dictio præter non in omni sensu constituit exceptiuam. Similiter nec nisi. Nam præter solet sumi quatuor modis. Primo sumitur pro fine, ut Rex potest regere Populum præter auxilium alterius, id est sine auxilio alterius. Secundo sumitur per additionem. Ut me oportet soluere Mercatori decem ducatos præter solutos id est ultra uel supra solutos. Tertio sumitur per remotionem alicuius partis a toto, ut quando dicimus, quatuor præter unum, id est extracto uno, remanent tria, sumitur exceptiue, ut quando a consortio prædicati excipitur aliqua pars subiectiua, alicuius communis. Verbi gratia. Omnes homines præter Christianos sunt infideles. Et solum in hoc quarto sensu, constituit propositionem exceptiuam. Dicitur enim exceptiua quando capitur pars extra totum quæ non participat cum toto respectu elicius prædicati.

TRACTATVS DECIMVS

Hæc dictio nisi solet sumi dupliciter. primo conditionaliter, & æquipollet huic, si non, ut quando dicimus, nisi dominus custodierit ciuitatem, id est si dominus non custodierit ciuitatem, frustra uigilat, &c. secundo sumitur exceptiue, ut quando dicimus. Omnis homo nisi Christus peccauit, id est excepto Christo, & tamen si aduertis magis proprie dicitur. Omnis homo præter Christum peccauit. Diximus enim supra, quod nisi exceptiue sumptum, non constituit congrue loquendo nisi exceptiuam negatiuam, ut hic. Non est inuentus fidelis patrie nisi Marcus Cato. i. nullus præter Marcum Catonem.

Quantum ad secundum aduerte quod exceptiua est duplex scilicet propria & impropria propria habet duas condiciones, & unam proprietatem. Prima quidem cōditio est, quod subiectum a quo fit exceptio, supponat distributiue. ut omne animal præter hominem est irrationale, ly animal distribuitur a quo excipitur homo, secunda est. quod pars extra capta signetur per terminum minus communē quā illud a quo excipitur, ut omnis homo præter æthiopem est albus.

Quod si illud a quo fit exceptio, non supponat distributiue nec signetur pars extra capta termino minus comuni erit impropria, ut hic. Homo præter sortem siue aliquis homo præter sortem currit. Nam ly homo & aliquis homo stat determinate & non distributiue, & hic. Homo præter hominem currit. Nam pars extra capta, est æque communis sunt subiectum a quo excipitur, & ideo utraque est impropria.

Proprietas autem exceptiue proprie, modo sit negatiua est hæc, quod conuertitur cum exclusiua, siue æquipollet exclusiue, affirmatiue, dummodo subiectum exclusiue sit pars extra capta, & prædicatum sit quid compositum ex subiecto & prædicato exceptiue: sic præcise supponente. Nam bene sequitur, nullus homo præter sortem currit ergo tantum sortes est homo currens. Dicitur & prædicatū sit quid compositum hæc subiecto & prædicato exceptiue: ali

ter non sequitur: ut hic: nullum animal: præter hominem intelligit, ergo tantum homo intelligit, antecedens enim est uerum, sed consequens falsum. sed dicatur sic, ergo tantum homo est animal intelligens. Dicitur: sic præcise supponente quoniam si in exclusiua magis ample supponeret quam in exceptiua consequentia non ualeret, ut hic. Nullus homo præter sortem currit, ergo tantum sortes est homo currens. Non ualeat, quoniam in exceptiua homo supponit pro masculis solum in exclusiua autem, supponit pro masculis, & foeminis, ut ergo in utraque eodem modo supponat, fiat sic exclusiua, ergo tantum sortes est aliquis homo currens.

Quantum ad tertium aduerte quod exceptiua propria affirmatiua probatur per duas exponentes, in quarum prima remouetur prædicatum a parte extra capta & in secunda affirmatur prædicatum uniuersaliter de subiecto exceptiue sumpto cum parte extra capta infinitata uel negata, ut hic. Omnis homo præter sortem currit. sortes non currit, & omnis homo non sortes, uel qui non est sortes currit, ergo omnis homo præter sortem currit.

Exceptiua autem propria negatiua probatur per duas exponentes in quarum prima prædicatum exceptiue affirmatur de parte extra capta, & negatur uniuersaliter in secunda de subiecto exceptiue sumpto cum parte extra capta infinitata uel negata, uel hic. Nullum animal præter hominem est rationale. Homo est rationalis & nullum animal non homo uel quod non est homo, est rationale ergo nullum animal præter hominem est rationale. Constat igitur quo modo exponibiliter probanda est exceptiua propria tam affirmatiua quam negatiua.

De conclusionibus quas inferunt terministe ex prædicto modo probandi, uide tu ad placitum in Paulo in tracta. de probationibus terminorum.

Tertio loco agendum est de probatione exclusiuarum, & hic tria agenda sunt. Primo quæ & quot sint dictiones, per quas fit exclusiua. Secundo quot modis fit exclusiua.

TRACTATVS DECIMVS

Tertio quo modo probatur singula species exclusiue.

Quantum ad primum aduerte quod dictiones constituentes propositionem exclusiuam sunt iste. Solum, solummodo, præcisè, & tantum. Sed aduerte, quod ly standum dupliciter sumi consuevit in uia periparetica scilicet relatiue, & exceptiue. Relatiue quidem, ut quando dicimus, tantum scio, quantum tu, tantum debeo tibi, quantum tu mihi. Exclusiue autem, ut quando dicimus. Tantum iustus saluabit. Tantum necessaria uictui uolo. In secundo sensu, & non in primo constituit propositionem exclusiuam,

Quantum ad secundum aduerte, quod cõmuniter apud logicos, assignatur triplex exclusiua. sc. exclusiua primi ordinis, exclusiua secundi ordinis exclusiua tertii ordinis & hos quidem ordines facit dictio exclusiua secundum q̃ diuersimode situatur in propositione.

Exclusiua primi ordinis constituitur per dictionem exclusiuam præpositam subiecto, & potest fieri affirmatiua & negatiua. Affirmatiua ut hic. Tantum homo est rationalis. negatiua ut hic, non tantum homo est bipes.

Sed aduerte quod exclusiua primi ordinis, tam affirmatiua quàm negatiua potest fieri duobus modis. Primo per simplicem siue solam dictionem exclusiuam, quam nulla dictio probabilis præcedit, ut hic. Tantum homo currit. Non tantum homo currit, secundo per dictionem probabilem præcedentem dictionem exclusiuam ut hic. Necessario tantum homo est rationalis. Non necessario tantum homo est rationalis.

Item aduerte quod exclusiua primi ordinis conuertitur cum uniuersali affirmatiua de termini. transpositis, ita quod ab una ad aliam est bona consequentia, ut docuimus in tractatu de consequentiis & si una est uera, altera similiter, ut hic. Tantum homo est rationalis, ergo omne rationale est homo, & si una est falsa altera similiter ut hic. Tantum hō est animal ergo omne animal est homo. Constat igitur tibi quæ sit exclusiua primi ordinis & quot modis fiat, & cui æquipolleat.

Exclusiua secundi ordinis constituitur per dictionem exclusiuam mediantem inter subiectum, & prædicatum, siue præcedat copulam, siue subsequatur, exemplum primi. Homo tantum est animal, exemplum secundi. Homo est tantum creatura.

Et potest fieri duobus modis, sicut exclusiua primi ordinis, primo modo sic. Homo tantum est risibilis, secundo sic, omnis homo tantum est risibilis.

Exclusiua tertij ordinis constituitur per dictionem exclusiuam mediantem inter partes prædicati, ut hic, sortes est habens tantum unam vestem, & potest fieri duobus modis, sicut ea quæ est primi, & secundi ordinis, primo modo sic sortes est comedens tantum siue solummodo panem, secundo modo sic, aliqua propositio significat præcise sicut est.

Quantum ad tertium aduerte quod exclusiua affirmatiua primi ordinis probatur per duas exponentes, quarum prima est sua præiacens, & secunda est uniuersalis negatiua de subiecto exclusiue infinitato uel negato, ut hic. Tantum homo est rationalis, & nihil non homo, uel nihil quod non est, homo est rationale, ergo tantum homo est rationalis.

Exclusiua autem affirmatiua primi ordinis, quæ fit per dictionem probabilem præcedentem notam exclusionis, non probatur ratione dictionis exclusiue, sed ratione dictionis præcedentis. Verbi gratia. Necessario tantum homo est homo, sic probatur. Tantum homo est homo, & non potest aliter esse, quin tantum homo sit homo, ergo necessario tantum homo est homo.

Exclusiua autem secundi ordinis affirmatiua probatur sic, Homo est tantum homo, homo est homo, & homo non est non homo, ergo homo est tantum homo.

Exclusiua autem secundi ordinis facta secundo modo supra dicto non probatur ratione dictionis exclusiue, sed ratione dictionis præcedentis. Verbi gratia, omnis homo tantum est rationalis, sic probatur, homo tantum est rationalis, & nihil est homo quin illud sit, rationale, ergo omnis homo tantum est rationalis, & sic exponitur ut uniuersalis affirmatiua ratione ly omnis.

TRACTATUS DECIMVS

Exclusiua autem tertii ordinis affirmatiua, sic exponitur. Verbi gratia, sortes est animal tantum bipes, probatur sic, sortes est animal bipes, & sortes non est animal non bipes, uel non est animal quod non sit bipes, ergo sortes est animal tantum bipes, & aduerte, ut infinitatio, siue negatio semper cadat super eundem terminum super quem cadit dictio exclusiua.

Exclusiua uero tertii ordinis affirmatiua, facta secundo modo supradicto cum sit particularis affirmatiua, ut hic. Aliqua propositio significat precise sicut est, non exponibiliter sed resolubiliter probanda est, & sic, hoc significat precise sicut est, & hoc est aliqua propositio, ergo aliqua propositio significat precise sicut est. Cõstat igitur tibi quõ exclusiue affirmatiue triũ ordinũ primo, & secũdo mō facte probari debeãt mō logico.

Negatiua autem exclusiua primi ordinis fit duobus modis, primo quando præponitur negatio dictioni exclusiue, ut hic. Non tantum homo est animal, secundo quando post ponitur, ita tamen quod præcedit copulam, ut hic, tantum homo non currit. Primo modo probatur sic exponibiliter, hõ currit, & aliud ab homine currit puta asinus, ergo non tantum homo currit, secundo modo probatur sic. Tantum hõ non currit, homo non currit, & quodlibet non homo, uel omne aial q̃ non est homo currit, ergo tñ hõ non currit.

Negatiua exclusiua secundi ordinis fit, quando dictio exclusiua subsequitur subiectum, & negatio subsequitur eam, & præcedit copulam ut hic. Sortes tantum nõ est defensus patriam, quæ æquipollet huic. Sortes solus non est defensus patriam, & probatur sic, sortes nõ est defensus patriã, & sortes est quilibet non defensus patriam, ergo sortes tantum non est defensus patriam.

Negatiua exclusiua tertii ordinis, non est exponibiliter probabilis, quia negatio non præcedit copulam, sed subsequitur, & ideo habet rationem potius infinitantis, quam negantis terminum cui apponitur. Vnde non fit neg. sed affirm. ut hic. Sortes est non tantum disputans, neque enim fit negatiua, nisi negatio cadat supra copulã, ut docuimus in tra-

At tertio, & propterea est probanda resolubiliter, ut sortes est non tantum disputans. Hoc est non tantum disputans, & hoc est sortes, ergo sortes est non tantum disputans. Constat igitur tibi quomodo probanda est exclusiua, negatiua, primi, & secundi ordinis, & quomodo ea quæ est tertij ordinis licet non sit uere negatiua, ut docuimus.

De conclusionibus, quas eliciunt, & probant terministe esse ueras ex prædictis regulis probatiuis exclusiuarum, uide tu ad placitum in Paulo in trac. de probationibus termino.

Quarto loco agendum est de reduplicatiuis, & hic tria agenda sunt, primo quæ sint dictiones ex quibus sit propositio reduplicatiua, & in quo sensu faciunt illam, secundo quomodo probanda est reduplicatiua, affirmatiua, tertio quomodo probanda reduplicatiua negatiua.

Quantum ad primum aduerte quod dictiones constituentes reduplicatiuam sunt istæ, in quantum, secundum quod, prout, & sumuntur dupliciter, primo specificatiue, ut quando dicimus, sortes in quantum hæres Platonis, debet mihi centum, secundo reduplicatiue, ut quando dicimus. Homo in quantum animal est sensitiuus, primo modo propositio constituta non est probanda exponibiliter, sed descriptibiliter. Verbi gratia, sortes in quantum hæres debet mihi centum, sic probat, sortes ea ratione qua est hæres, debet mihi centum, ergo in quantum hæres debet mihi centum, secundo modo facit uerā reduplicatiuā, de qua hic intendimus ostendere quomodo probanda sit.

Quantum ad secundum aduerte quod redup. affirm. probanda est exponibiliter per tres exponentes, duas quidem absolutas & tertiam conditionatam, in quarum prima prædicatur affirmatiue terminus reduplicatiuus, de subiecto. In secunda prædicatur prædicatum reduplicatiue propositionis de eodem subiecto. In tertia autem prædicatur idem prædicatum conditionaliter de termino reduplicato per terminum transcendentem. scilicet per aliquid, quod connumeratur inter sex transcendentia, quæ sunt hæc, ens unum uerū bonum aliquid, & res. Verbi gratia. Papa in quantum pontifex est primus sacerdos, sic exponitur, Papa est pontifex, & Papa

TRACTATUS DECIMVS

est primus sacerdos, & si aliquid est pontifex, illud est primus sacerdos, ergo Papa in quantum pontifex est primus sacerdos. Eodem modo exponitur. uniuersalis affirmatiua redupli. & indefinita. Verbi gratia, omnis homo in quantum animal est sensituius, sic exponitur. Homo est animal, homo est sensituius, & si aliquid est animal, illud est sensituium, ergo omnis homo in quantum animal, est sensituius, eodem modo tu expones istam. Homo in quantum est rationalis syllogizat. Constat igitur tibi, quomodo probanda sit reduplicatiua affirmatiua siue sit singularis de termino discreto, siue uniuersalis, siue indefinita.

Quantum ad tertium aduertē quod reduplicatiua negatiua sit duobus modis, primo quando negatio pcedit dictionem reduplicatiuam, ut hic. Sortes non in quantum homo est iniustus, secundo quando negatio sublequitur dictionem reduplicatiuam, ut hic. Homo in quantum homo, non est angelus. Quando negatio pcedit dictionem reduplicatiuā non est pbanda ppositio exponibiliter, sed p suum oppositum contradictorium. Verbi gratia, homo non in quantum homo est iniustus, sic pbat, sua contradictoria est falsa. s. homo in quantum homo est iniustus, quoniam si in quantum homo est iniustus, ergo oīs homo esset iniustus, p regulam generalem, qua dicit quod. conuenit alicui tali in quantum tale conuenit omni tali, ergo si conuenit homini inquam homo esse iniustum, omnis homo esset iniustus, quod est manifeste falsum. Quando autem negatio sublequit dictionem reduplicatiuam exponit sicut affirmatiua, ut hic, sortes in quantum homo non est asinus. Sortes est homo, & sortes non est asinus, & si aliquid est homo illud non est asinus, ergo sortes in quantum homo non est asinus. Constat igit tibi quō pbanda est exponibiliter ppō reduplicatiua affir. & nega.

Conclusiones quas terministæ inferunt ex hoc modo pbandi uide in Paulo, in trac. de pbatōnibus terminorum.

Postquam docuimus quomodo ppositio uniuersalis affirmatiua, & exceptiua, & exclusiua, & reduplicatiua probande sunt exponibiliter superest prosequi de probatione

terminorum, quos in principio huius capituli numerauimus & incipiemus a termino positiuo sumpto comparabiliter, ut quando dicimus, ego sum ita siue æque fortis, sicut Hector. Tu igitur aduerte quod positiuum sumptum comparabiliter per hanc dictionem ita uel æque, debet exponi per tres exponentes, per duas quidem ambo extrema ad inuicem comparata conueniunt, & per tertiam negatiuam, ex negatione sui comparatiui. Verbi gratia ego sum ita fortis sicut aliquid homo mundi, sic exponitur, ego sum fortis, & aliquis homo mundi est fortis, & non aliquis homo mundi est fortior me, ergo ego sum ita fortis, sicut aliquis homo mundi, si autem sic formetur propositio, ego sum ita fortis, sicut omnis homo mundi sic exponatur, ego sum fortis, & homo mundi est fortis, & non omnis homo mundi est fortior me, ergo ego sum ita fortis sicut ois homo mundi.

Sed aduerte quod positiuus gradus comparabiliter sumptus, potest tripliciter accipi in propositione, primo cum ly magis, secundo cum ly minus, tertio cum ly æque uel ita, exemplum primi ego sum magis sapiens quam tu, exemplum secundi, ego sum minus sapiens quam tu, exemplum tertii ego sum æque sapiens sicut tu, tertio modo probatur sicut diximus, primo & secundo, modo probatur sicut gradus comparatiuus, de quo dicemus infra, & si dicas, propter quid oportet gradum positiuum sumptum comparabiliter exponi per tres exponentes. Respondetur hoc ideo oportere: quoniam in omni uera comparatione requiritur primo quod res in qua fit comparatio participetur ab utraque termino, secundo requiritur quod res illa participetur ab altero termino magis uel minus, uel æqualiter, propter primū dat prima, & secūda exponens, ppter sūm dat tertia. Cōstat igit tibi qño probandus sit exponibiliter gradus positiuus comparabiliter sumptus per hanc conditionē æque uel ita.

Conclusiones admirabiles quas ex hoc modo probandi inferunt terministe, uide tu in Paulo in trac. de pba. termi.

Gradus comparatiuus sumitur dupliciter sicut, & cōparatio: scilicet improprie, & proprie. Improprie quidem fit

TRACTATUS DECIMVS

duobus modis præcipue, primo participatione, secundo significacione, participatione quidem fit, quando res in qua fit cõparatio non participatur ab utroque termino, ut quando dicimus. Mel est dulcius felle, nix est albius coruo. Ignis est calidior glacie, significacione autem fit tribus modis, primo quando gradus siue nomen comparatiuum non plus significat quam suum positiuum, ut quando dicimus, pete cõsiliu a seniore, & sumitur senior pro sene, & quando sumitur iunior pro iuvene, secundo quando minus significat quam suum positiuum, ut quando dicimus, Socrates est subtristior uel sub albius: id est parum tristis, uel parum albus, tertio quando significat oppositum, & tunc fit comparatio quasi ironica ut quando dicimus, fel est dulcius absintio uel aloë. De gradu comparatiuo improprie sumpto non intendimus hic, spectat enim ad grammaticum, & rhetorẽ. Gradus autem proprie comparatiuus sumitur, quando significat magis quam suus positiuus aut minus, & participatur ab utroque extremo, & fit tribus modis, primo per nomen cõparatiuum, ut fortior, secundo per nomen positiuum cum magis, ut fortes est magis sapiens quam Plato, tertio per nomen positiuum cum minus, ut fortes est minus diues quam Plato. Hic igitur intendimus declarare quomodo gradus comparatiuus proprie sumptus in triplici modo prædicto probandus est exponibiliter.

Tu igitur aduerte quod per tres exponentes probandus est, per duas quidem in quibus ambo comparationis extrema cõueniunt, & per tertiam in qua secundum extremum negatur a primo per positiuum comparabiliter sumptum cum nota æqualitatis, quæ est hæc dictio ita. Verbi gratia, fortes est fortior Platone sic exponitur. Fortes est fortis, & Plato est fortis, & Plato non est ita fortis sicut fortes, ergo fortes est fortior Platone, & ista. Tu fortior aliquo homine sic exponitur. Tu es fortis, & aliquis homo est fortis, & non aliquis homo est ita fortis sicut tu, ergo tu es fortior aliquo homine. Ista autem. Tu es fortior omni homine, sic exponenda est. Tu es fortis, & homo est fortis, & non omnis ho

mo est ita fortis sicut tu, ergo tu es fortior omni homine.

Eodem modo exponendum est positivum comparabiliter sumptum cum magis, ut ego sum magis sapiens quam tu. Sic exponitur, ego sum sapiens, & tu es sapiens, & tu non es ita sapiens sicut ego, ergo ego sum magis sapiens quā tu.

Si autem sumatur cum minus, ut hic. Tu es minus fortis quam Hector exponitur sic. Tu es fortis, & Hector est fortis, & tu non es ita fortis sicut Hector, ergo tu es minus fortis quam Hector. Constat igitur tibi quomodo gradus comparativus, & positivum comparabiliter sumptum cum magis aut minus exponi debeant.

Conclusiones quas inferunt terministæ, ex hoc modo probandi uide in Paulo in tracta: de probationibus terminorum.

Superlativus gradus siue terminus, ut sapientissimus, dupliciter accipi potest: scilicet absolute, & in genere. Absolute quidem sumitur, quando in propositione post terminum superlativum nil aliud sequitur, ut quando dicimus Deus est optimus, Deus est sapientissimus. In genere sumitur, quando est terminum superlativum sequitur aliud, ut quando post terminum dicimus. Hector est fortissimus Troianorum.

Item terminus superlativus sumptus in genere, siue ut dicunt alii sumptus respectivæ, dupliciter potest accipi: scilicet positivæ, & negativæ. Positivæ quidem sumitur: quando per excessum aliorum sumitur, & tunc convenit uni soli, & verificatur illud. Quod per superabundantiam dicit, uni soli convenit, & in hoc sensu, hæc intelligenda est. Socrates est sapientissimus hominum ut tibi manifestabit in propositione sua. Negativæ autem sumitur, non per excessum aliorum, sed quia non exceditur ab aliis, & in hoc sensu, gradus superlativus potest convenire multis. Puta non inconuenit quod inter Romanos sint decem fortissimi, quia non dantur fortiores illis.

His præmissis aduerte quod alio modo exponitur gradus superlativus absolute sumptus, & alio modo respectivæ, positivæ, & alio modo negativæ.

TRACTATUS DECIMVS

Absolute sumptus exponitur per duas exponētes ut hic Deus est potentissimus. Sic exponitur. Deus est potēs, & nihil est, nec potest esse potentius, nec æque potens in tota latitudine entium sicut deus, ergo deus est potentissimus, & aduerte quod apud Aristotelem superlatius absolute sumptus, dicitur per hyperbolem, & est proprietas diuina, ut tibi declarabitur in prima philosophia.

Respectiue, positiue sumptus exponitur per tres exponentes, ut hic. Hector est fortissimus Troianorum, sic exponitur. Hector est fortis. Troiani sunt fortes, & nullus ex Troianis est ita fortis sicut Hector est fortis, ergo Hector est fortissimus Troianorum.

Respectiue negatiue sumptus exponitur per tres exponentes, ut hic Achilles est fortissim⁹ Græcorum. Sic exponitur, Achilles est fortis, Græci sunt fortes, & nullus Græcorum est fortior Achille, ergo Achilles est fortissim⁹ Græcorum, & si aduertis isti duo modi exponendi conueniunt in duabus primis exponentibus, & differunt in tertia, nam in primo modo tertia fit per negatiuam positiui comparabiles sumpti per hanc dictionem ita siue æque, sed in secundo modo tertia fit per negatiuam gradus comparatiui, fortissim⁹ oium.

Eodem modo exponenda est ista. Socrates est fortissim⁹ hominum positiue quidem sic, Socrates est fortis. Homines sunt fortes & non omnes homines sunt ita fortes, sicut Socrates, ergo Socrates est fortissimus omnium hominum. Negatiue autem sic, fortes est, fortis, & homines sunt fortes, & non omnis homo est fortior forte, ergo fortes est fortissimus omnium hominum. Constat igitur tibi quibus modis exponendus est gradus superlatius tam absolute quam respectiue sumptus positiue, & negatiue.

Conclusiones quas ex hoc modo probandi inferunt terministæ uide in Paulo in trac. de probationibus termino.

Differt aliud, & non idem probantur per tres exponētes quarum duæ sunt affirmatiuæ de secundo adiacente, & tertia est negatiua in qua negatur prædicatum a subiecto, ut hic. Homo differt ab asino, exponitur sic, homo est, asinus est, &

est, & hō non est asinus, ergo hō differt ab asino, ergo hō
mo est aliud ab asino, ergo hōmo non est idem cū asino.

Ista autem sortes differt ab omni homine sic exponitur,
sortes est homo est. & sortes nō est omnis homo, ergo sor.
differt & est aliud, & nō idem ab omni homine.

Hæc autem de præterito sortes fuit aliud a Platone sic
exponitur, sor. fuit & Plato fuit quando sor. fuit, & sor. non
fuit Plato ergo sor. fuit, aliud a Platone.

Hæc uero de futuro, sortes differt ab antichristo, sic ex-
ponitur sortes erit, & antichristus erit quando sortes erit, &
sortes non erit antichristus, ergo sortes differet ab antichri-
sto, & per pñs erit aliud ab antichristo, & nō idem cum anti-
christo. Constat igitur tibi quomodo isti ter. Differt aliud,
non idem exponendi sunt.

Sed aduerte quod differt potest duplliciter sumi. s. positi-
ue & negatiue positiue quidem sumitur, quando extrema
quæ differunt possunt esse in eodem tempore, ut sorte exi-
sistente in eodem tempore, in quo existit Plato dicimus quod
sortes differt a Platone. Negatiue autem sumitur, quando
negat unum extremum ab alio dato quod utrunque extre-
mum non existat in eodem tempore, in quo sensa concedi-
mus quod sortes senex differt a seipso puero licet nō sit am-
plius puer. Hæc enim negatiua est uera, sortes senex non est
ipsemet puer, ergo differ a seipso puero. Quando igitur te-
netur positiue, exponitur per tres exponētes ut docuimus,
quando autem tenetur negatiue probatur ut diximus.

Item aduerte, quod aliud & non idem substantiue siue in
neutro genere important distinctionem essentialē. Sed in
masculino genere siue adiectiue important distinctionem
non essentialē sed personalem siue suppositalem. Vnde ut
tibi declarabitur in sacra Theologia, conceditur quod pater
non est aliud a filio, sed alius, & conceditur quod est alia per-
sona & aliud suppositum a persona & supposito filii. &c.

Cōclusionēs quas terministæ inferūt de ly differt ex p̄dicto
mō p̄bādi qñ tenei positiue. Vide Pau. in trac. de p̄ba. ter.

De hoc termino immediate uidendū est, quomodo eius

propositio, quam ingreditur exponenda sit, tu igitur aduerte quod hic terminus immediate dupliciter sumi in doctrina peripatetica consuevit, primo ut est nomen. scilicet immediate immediatum, & plurale est immediati immediate immediata, secundo ut est aduerbium. In primo sensu significat rem sine medio. In secundo sensu importat statim. Iuxta primum sensum dicimus quod in continuo partes sunt immediate, quoniam inter eas non cadit medium neque eiusdem neque alterius generis, sed copulantur ad unum terminum commune, per oppositum quæ cōsequenter se habent, ut digiti in manu, non dicuntur immediate, quoniam inter ea cadit medium saltem alterius generis, ut aqua & aer, uel aliud, ut tibi declarabitur in quinto libro physicorum, & in secundo de anima. Sed pro nunc sustine. Iuxta secundum sensum importat negationem interpositionis alicuius instantis aut temporis, ut tibi declarabitur in exponendo.

Iuxta primum sensum propositio de immediate, scilicet tenet nominaliter, probanda est per consequentiam, cuius antecedens sit cum negatione medii ut hic, sphaeræ coelestes sunt immediate, sic probatur. Inter sphaeram & sphaeram non datur nec estabile medium, ergo sunt immediate, sed aduerte, quoniam huiusmodi probatio spectat ad philosophum naturalem, ideo logici de hac mentionem non faciunt.

Iuxta autem secundum sensum propositio de immediate, scilicet sumpto adverbialiter, qualiter probanda sit, hic est inuestigandum. Tu igitur aduerte quod potest esse affirmatiua & negatiua, si affirmatiua, uel de præterito uel de futuro, si negatiua, uel negatione postposita, uel negatione præposita ly immediate.

Si est affirmatiua de præterito, probanda est per duas exponentes, quarum prima est præiacens, & secunda est universalis negatiua sibi correspondens, ut hic. Immediate ante hoc instās fuit pluuia, sic exponitur. Ante hoc instās fuit pluuia. Et nullum fuit instās ante hoc, quin inter illud & hoc fuerit pluuia, ergo immediate ante hoc instās fuit pluuia.

Similiter probanda est affirmatiua de futuro, ut hic. Im-
mediate post hoc, instans erit bellum, sic exponitur. Post
hoc instans erit bellum, & nullum erit instans, post hoc, quin
inter illud & hoc erit bellum, ergo immediate post hoc in-
stans erit bellum.

Si est negatiua cum negatione postposita ly immediate
siue de præterito siue de futuro exponenda est eodem mo-
do sicut affirmatiua, ut hic. Immediate post hoc instans non
erit pax ciuitati, sic exponitur. Post hoc instans non erit pax
ciuitati, & nullum erit instans post hoc, quin inter illud &
hoc non erit pax ciuitati, ergo immediate post hoc instans,
non erit pax ciuitati.

De præterito exponenda est eodem modo, ut hic. Im-
mediate ante hoc instans non fuit estas, sic exponitur. Ante
hoc instans non fuit estas, & nullum fuit instans ante hoc,
quin inter hoc & illud non fuerit estas, ergo immediate an-
te hoc instans non fuit estas.

Si est negatiua negatione præposita ly immediate, non est
exponenda sed per suum oppositum probanda, ut hic. Non
immediate post hoc instans tu eris doctus, sic probanda est.
Hæc est falsa, immediate post hoc instans tu eris doctus, er-
go ista est uera, non immediate post hoc instans tu eris
doctus.

Constat igitur tibi, quod propositio de immediate sumpto ad
uerbialiter tam affirmatiua quam negatiua exponenda est.

Conclusiones quas terministæ inferunt ex prædicto mo-
do probandi, uide in Paulo in trac. de probationibus ter-
minorum.

De hoc termino necessario, & de suo opposito scilicet de
contingenti, per tractandum est, quomodo scilicet proban-
da sit propositio quæ ingrediuntur. Tu igitur aduerte, quod ut do-
euimus in trac. tertio ageres de modalibus possunt sumi no-
minaliter & aduerbialiter. Exemplum de primo. Deum esse est ne-
cessarium. Rosam esse est contingens. Exemplum de secundo.
Necessario cælum mouetur. Contingenter homo currit. Hic non
est aduerbium de eis nisi aduerbialiter, quoniam sic faciunt

propositionem exponibilem. Si autem sumantur nominaliter faciunt propositionem officialem, ut tibi declarabit infra.

Item aduerte quod aduerbialiter sumpta aliquando constituunt propositionem affirmatiuam, aliquando negatiuam. Si negatiuam, dupliciter, quia aut per negationem sequentem, aut præcedentem.

Item aduerte quod aliquando constituunt propositionem in sensu composito, ut quando totaliter præponuntur, ut necessario deus est uel totaliter subsequuntur, ut homo currit contingenter, aliquando in sensu diuiso, ut quando mediāt inter subiectum & uerbum, ut homo necessario est animal, uel mediant inter uerbum & prædicatum, ut homo est contingenter currens.

Si fiat propositio affirmatiua tam de necessario quam de contingenter probanda est per duas exponentes scilicet per primam præcedentem & per secundam qualitates per oppositas, quoniam si prima est affirmatiua, secunda est negatiua, & secundum exigentiam uerbi, puta si uerbum principale propositionis exponenda est præsentis temporis uel præteriti uel futuri eodem modo se habeat in secunda exponente. Verbi gratia de tempore præsentis. Necesario cælum mouetur, Exponatur sic: cælum mouetur: & non potest esse quin moueatur ergo necessario cælum mouetur. De tempore præterito. Necesario fuit diluuium. Sic exponatur. Diluuium fuit: & non potuit esse, quin diluuium fuerit: ergo necessario diluuium fuit. De tempore futuro. Necesario iudicium erit, exponatur sic iudicium erit: & non poterit esse quin iudicium erit, ergo necessario iudicium erit.

Affirmatiua de contingenter eodem modo exponitur. Verbi gratia contingenter sortes currit. Sic exponatur: sortes currit, & potest esse quod non currat: ergo & cætera. Eodem modo exponatur ista de præterito. Contingenter Cæsar fuit imperator: & ista de futuro contingenter bellum erit.

Si fiat negatiua cum negatiōe postposita sic exponatur. Verbi gratia necessario uacuum non est. Vacuum non est,

& non potest esse quod uacuum sit, ergo &c. Si fiat de contingenter exponat sic. Contingenter tu non curris. Tu non curris, & potest esse quod tu curras, siue tu potes currere, ergo &c. Eodem modo exponantur de pterito, & de futuro.

Si fiat negatiua cum negatione pposita, non est exponenda sed pbanda uel reprobanda per suum contradictorium. Verbi gratia non necessario sortes saluatur. Probat sic hæc est falsa, necessario sortes saluatur, ergo ista est uera, non necessario sortes saluatur, patet consequentia, quoniam cum sint contradictoria, oportet unam esse ueram & alteram falsam. De contingenter autem eodem modo probetur. Verbi gratia. Non cōtingenter cœlum mouetur, sic probatur. Hæc est falsa. Contingenter cœlum mouetur, ergo ista est uera. Non cōtingenter cœlum mouetur. Patet consequentia, ex lege contradictoriarum.

Si autem fiat propositio affirmatiua uel negatiua negatione pcedente uel subsequente de necessario & contingenter, in sensu composito, probanda est, ut dictum est. Si uero fiat in sensu diuiso ut hic. Homo necessario est animal, homo contingenter currit, probanda est secundum exigentiā termini pcedentis. Verbi gratia. Homo necessario est animal cum sit indefinita resoluenda est hoc modo. Hoc necessario est animal, & hoc est homo, ergo homo necessario est animal: prima uero resoluens, exponenda est hoc modo. Hoc est animal, & non potest esse quin sit animal, ergo hoc necessario est animal. Eodem modo probanda est propositio de contingenter facta in sensu diuiso, ut homo contingenter sedet, resoluenda est hoc modo. Hoc cōtingenter sedet, & hoc est homo, ergo &c. prima uero exponenda est hoc modo. Hoc sedet, & potest esse quod non sedeat, ergo hoc contingenter sedet. Constat igitur tibi quomodo propositio de necessario & de contingenter tam affirmatiua quam negatiua tam in sensu composito quam diuiso, probanda sit.

Conclusiones autem quæ ex his inferuntur, uide in Paulo, in trac. de proba. termi.

TRACTATVS DECIMVS

De hoc termino ab æterno est uidendum, quomodo propositio quam ingreditur probanda sit. Tu igitur aduerte quod dupliciter sumi potest scilicet nominaliter & est ablatiui casus, & aduerbialiter, & idem est quod æternaliter, in æternum & perpetuo. Si nominaliter propositio. Non est exponenda sed resoluenda est enim indefinita uel particularis, ut hic. Ab æterno mundus est creatus, sic resoluatur. Ab hoc mundus est creatus, & hoc est æternum, per ly hoc demonstrando Deum; ergo ab æterno mundus est creatus. si sumitur aduerbialiter, est idem quod æternaliter, & tunc aut propositio est affirmatiua aut negatiua. si affirmatiua est exponenda ut hic. Ab æterno fuit Deus, sic exponitur. Ante aliquod tempus fuit Deus, & nullum fuit tempus, quin ante illud fuerit Deus ergo & cætera. De futuro sic exponitur. In æternum erit Deus, post aliquod tempus erit Deus, & nullum erit tempus, quin post illud erit Deus ergo & cætera. Si negatiua aut negatio subsequitur, aut præcedit. si subsequitur, est hoc modo exponenda. In æternum cælum non mouebitur. Aliquo tempore cælum mouebitur, & erit aliquod tempus post quod non mouebitur, ergo & cætera, si autem negatio præcedit, non est exponenda sed per suum contradictorium probanda, ut hic. Non in perpetuum Deus irascetur. Hæc est falsa. In perpetuum Deus irascetur ergo hæc est uera. Non in perpetuum Deus irascetur. Patet consequentia per legem contradictoriarum.

Constat igitur tibi quomodo probanda est propositio in qua ingreditur hic terminus ab æterno siue nominaliter siue aduerbialiter sumatur &c.

Conclusiones quæ hinc inferunt, uide in Paulo ubi supra. De hoc termino semper uidendum est quomodo probanda sit propositio quam ingreditur. Tu igitur aduerte quod ly semper conuertitur cum omni tempore, ut idem sit semper esse & omni tempore esse. Ly autem semper siue ly omni tempore dupliciter sumitur scilicet absolute & res-

speciue. Absolute quidem, quando complectitur omnem temporis differentiam. scilicet præteriti, præsentis, & futuri sicut quando dicimus. Deus qui est fuit & erit, absque principio & fine. Respectiue autem sumitur, quando pro tota una differentia temporis uerificatur, ut quando dicimus ad mentem Aristotelis. Mundus semper fuit. Generatio semper erit, elementa semper permanent.

Si igitur fiat propositio de semper absolute sumpto. Sic exponenda est. Verbi gratia. Deus semper est. Deus aliquo tempore est, & non est neque fuit, neque erit aliquod tempus, in quo deus non sit, ergo deus semper est.

Si fiat propositio de semper respectiue sumpto: aut est affirmatiua, aut negatiua. Si affirmatiua sic exponenda est. Semper fuit mundus, aliquo tempore fuit mundus, & non fuit aliquod tempus in quo non fuerit mundus, ergo semper fuit mundus. De futuro autem sic. Semper erit sol, uel semper sol lucebit, uel semper beati uidebunt deum. Aliquo tempore erit sol, & non erit aliquod tempus in quo non erit sol, ergo semper erit sol, eodem modo expone secundam & tertiam. Si negatiua, aut negatio subsequitur ly semper respectiue sumptum, aut præcedit. Si subsequitur sic exponenda est. Verbi gratia. Semper non fuit Aristoteles, aliquo tempore fuit Aristoteles, & fuit aliquod tempus, in quo non fuit Aristoteles, ergo semper, id est omni tempore præterito non fuit Aristoteles. De futuro autem sic exponenda est semper non erit abundantia. Aliquo tempore erit abundantia, & erit aliquod tempus in quo non erit abundantia, ergo semper non erit abundantia. Si uero negatio præcedat, non est exponenda, sed per suum oppositum probanda. Verbi gratia. Non semper erit pax, sic probatur. Hæc est falsa, semper erit pax, ergo ista est uera, non semper erit pax, patet consequentia per legem contradictoriarum.

Constat igitur tibi quomodo probanda sit propositio de semper, siue absolute, siue respectiue teneatur, siue affirmatiue siue negatiue.

Conclusiones quas inferunt terministæ ex hoc modo probandi, uide in Paulo ubi supra.

De hoc termino totus uidendum est, quomodo probanda sit propositio quam ingreditur. Tu igitur aduerte quod apud Aristotelem dupliciter sumitur. primo pro ente completo siue perfecto, in quo sensu dicimus totum esse illud cui nihil deest quod spectet ad sui integritatem, secundo sumitur pro qualibet parte alicuius totius. In primo sensu dicunt logici totum categorematice. In secundo autem sensu dicunt totum syncategorematice. In primo sensu communiter locatur inter subiectum & uerbum, ut hic, nix tota est alba, uel inter uerbum & prædicatum ut hic. Deus est totus bonus. In secundo autem sensu præcedit subiectum, ut hic, totus sortis est minor sorte, id est, quælibet pars sortis est minor sorte.

In primo sensu non exponitur sed sic probatur. Nix est tota alba, nix est perfecte alba ita quod nullus gradus albedinis sibi deest, ergo est tota alba, eodem modo probandæ sunt istæ. Ignis est totus calidus. Deus est totus bonus.

In secundo sensu debet probari exponibiliter hoc modo, tota domus est minor domo. Aliqua pars domus, est minor domo & nulla est pars domus, quæ non sit minor domo, ergo tota domus est minor domo.

Hoc modo probanda est propositio affirmatiua de toto syncategorematice sumpto. Si autem fiat negatiua negatione præposita, ut hic. Non tota domus est minor domo. Non est exponenda sed per suam contradictoriam probanda uel improbanda, ut patet hinc. Hæc est uera, tota domus est minor domo, ergo hæc est falsa. Non tota domus est minor domo, patet consequentia, per legem contradictoriarum. Si uero postponatur negatio, ut hic, tota domus non est alba, non est exponenda, sed per contradictoriam probanda hoc modo. Hæc est uera, tota domus est alba, ergo hæc est falsa, tota domus non est alba, patet consequentia, per legem contradictoriarum. Nonnulli nolunt quod probeat ut uniuersalis neg. eo quod æquipollet, illi, quomodo

autem illa probetur, diximus in cap. tertio huius tractatus, vide tu illic.

Constat igitur tibi, quomodo probanda sit propositio de toto categorematice, & syncategorematiche sumpto, siue sit affirmatiua, siue negatiua.

Conclusiones hinc illatas apud terministas. Vide Paulo ubi supra.

De hoc termino infinito uidendum est, quomodo propositio quam ingreditur sit probanda. Tu igitur aduerte, & infinitum apud logicum dupliciter sumitur. scilicet categorematice, & syncategorematiche categorematice significat ens quod non habet principium, neque finem, & ponitur in propositione a parte predicati, ut deus est infinitus. Motus cœli, & tempus sunt infinita, supposito quod mundus sit æternus ad mentem Aristotelis, syncategorematiche significat quod quocunque ente dato potest dari maius, uel quibuscunque datis possumus dari plura, & ponitur in principio propositionis, ut infinitum corpus est, infinitum spacium est extra cœlum, infinitum sumptum categor. non facit propositionem exponibilem, sed resolubilem, ut deus est infinitus. Hoc est infinitum, & hoc est deus, ergo deus est infinitus, sumptum autem syncategorematiche facit propositionem dupliciter probabilem. primo exponibiliter, ut hic. Infinitum corpus est, aliquantum corpus est, & non tantum quin maius, & maius, & sic in infinitum, ergo infinitum corpus est, eodem modo exponenda est ista de præterito. Infinitum corpus fuit, & de futuro, infinitum corpus erit, in plurali autem sic exponenda est, infinitæ stellæ sunt. Aliquot stellæ sunt, & non tot quin plures in infinitum, ergo infinite stellæ sunt. eodem modo exponi istam de præterito, infiniti dies fuerunt, & ista de futuro, infiniti dies erunt, supposita æternitate motus cœli, secundo probatur sic, infinitum corpus est aliquantum corpus est, & dupliciter ad aliud, & tripliciter ad aliud, & quadrupliciter ad illud, & sic in infinitum, ergo infinitum corpus est, in plurali autem sic, infinita sidera sunt. Duo sunt, & tria, & quatuor & quicunque, & sic in infinitum, ergo infinita sidera sunt, uterque istorum modorum usitat, & ualidus est, licet forte,

TRACTATUS DECIMVS

secundus sit manifestior.

Constat igitur tibi quomodo probanda sit propositio de infinito categorice, & syncategorice sumpto.

Conclusiones deductas ex hoc modo probandi, uide in Paulo ubi supra, & hæc dicta sunt de propositione exponibili.

Caput quartum de propositione officiabili.

IN cap. quarto uidendum est, quomodo propositio officialis probanda sit, & hic tria agenda sunt, primo quid sit, secundo quot modis sit, tertio quomodo probatur.

Quantum ad primum aduerte quod propositio officialis est illa cuius dictum siue oratio infinitiua determinatur aliquo sex terminorum modalium, ut uerbo concernente actum mentis, exemplum primi, necesse est deum esse, exemplum secundi, credo deum esse omnipotentem. Termini. n. siue uerba concernentia actum mentis sunt ista. Scio, intelligo, credo, opinor, imaginor, uolo, desidero &c.

Sed aduerte quod termini modales, & uerba concernentia actum mentis possunt in duplici sensu facere propositionem. s. in sensu composito, & in sensu diuiso. In sensu quidem composito præcedunt, aut subsequuntur orationem infinitiuam ut hic, necesse est deum esse uel sic, deum esse est necesse, & hic. Scio hominem esse risibilem, uel sic hominem esse risibilem intelligo.

Quantum ad secundum aduerte quod propositio officialis in sensu composito potest fieri duobus modis, primo per terminum modalem, & uerbum importans actum animæ, ut prædiximus, secundo per hos terminos, per se per accidens, per se primo per se non primo ut declarabitur.

Quantum ad tertium aduerte quod propositio officialis siue fiat per terminum modalem, siue per uerbum significans actum mentis, siue per hos terminos per se per accidens per se primo, per se non primo, duobus modis fiat in sensu composito, sic officianda: id est probanda est.

Necesse est deum esse, sic probatur. Hæc propositio est necessaria deus est, quæ adæquate significat deum esse, ergo necesse est deum esse.

Scio hominem esse immortalem secundum animam, sic

probatur. Hæc ppositio est scita a me. Homo est immortalis secundum animam, quæ adæquate significat hominem esse immortalem secundum animam, ergo scio hominem esse immortalem secundum animam.

Per se primo homo est risibilis, probatur sic. Hæc propositio est p se primo, homo est risibilis, quæ adæquate signat hominem esse risibilem, ergo p se primo homo est risibilis.

Per se non primo, fortis est risibilis, sic pbat. Hæc propositio est p se non primo fortis est risibilis, quæ adæquate significat fortem esse risibilem, ergo &c.

Per accidens homo currit, sic pbat. Hæc ppo est p accidens, hō currit, q adæquate signat hominem currere, ergo &c.

Dixi dummodo fiat in sensu composito, quoniam in sensu diuiso non est officianda, sed probanda secundum exigentiam termini pcedentis terminum modalem aut verbum concernens actum mentis. Verbi gratia, deum necesse est esse. Hæc est resoluenda hoc modo, hoc necesse est esse, & hoc est deus, ergo deum necesse esse. Hæc autem omnem hominem possibile est esse album exponenda est sicut uniuersalis affirmatiua, exponatur ergo sic, hominem possibile est esse album, & nihil est homo, quin illud possit esse album ergo omnem hominem possibile est esse album.

Constat igitur tibi quid sit propositio officiabilis, & quomplex sit, & quomodo probanda.

Conclusiones illatas ex hoc modo probandi, uide in Paulo in trac. de pbationibus terminorum.

Caput quintum de ppositione descriptibili.

IN hoc cap. agendum est de ppo descriptibili, & hic quatuor agenda, primo quō sumit hic, descriptio, a qua denominat ppositio descriptibilis, secundo quid sit ppositio descriptibilis, tertio q modis sit, quarto quō probat.

Quantum ad primum aduerge quod descriptio dupliciter sumitur primo pro oratione in qua continetur genus, & rei proprietas, ut ista est hominis descriptio, hō est aīal risibile, & p ly. rei proprietas differt descriptio a uera diffinitione: qm illa dat p genus, & ppriam differētiā essentialē

TRACTATUS DECIMVS

ut homo est animal rationale, secundo sumit pro quadam rei denominatione, nam rem sic uel sic denominare, est eā describere, in hoc loco non dicitur propositio descriptibilis a descriptione primo modo sumpta, sed secundo modo. Nā descriptione, & descriptio siue descriptibili, primo modo acturi sumus in trac. de syllogismo topico, sicut & de diffinitione, & diffinitio siue diffinibili.

Quantum ad secundum aduerte quod propositio descriptibilis sic diffinitur propositio descriptibilis est illa in qua uerbum concernens actum mentis, determinat incomplexum positum in predicato, dummodo nullus terminus mediatuſ precedat uerbum concernens actum mentis, ut ista est descriptibilis, ego cognosco rosam.

Dicitur incomplexum positum in predicato: quoniam si ponitur in subiecto stat materialiter, & non formaliter, ut rosam cognosco, patrem meum cognosco, & tales propositiones non sunt descriptibiles, sed resolutibiles sicut indefinitæ aut singulares.

Dicitur dummodo nullus terminus mediatuſ precedat &c. quoniam si talis terminus precedat uerbum concernens actum mentis, talis propositio non est probanda descriptibiliter, sed secundum exigentiam termini medianti precedentis, nam si fiat propositio indefinita uel particula. uel singularis per terminum discretum, resoluenda est, ut hic. Homo cognoscit seipsum aliquis homo cognoscit seipsum, sortes cognoscit seipsum. Si autem fiat uerbum affirmatiua, exponenda est ut hic. Omnis homo desiderat scientiam. Quis autem dicatur terminus mediatuſ, & immediatuſ, docuimus in primo cap. huius tractatus.

Quantum ad tertium aduerte quod propositio descriptibilis potest fieri duobus modis, primo per terminum incomplexum, cui correspondet incomplexum, ut intelligo uel cognosco cælum, desidero panem, nolo bellum secundo per terminum incomplexum, cui correspondet complexum, ut scio a conclusionem, scio syllogismum, scio consequentiam, scio inductionem &c. Descriptibilis primo modo, congrue fit per hæc uerba intelligo cognosco desidero, uolo, nolo: quoniam indeferenter determinatur incomplexum

zum, & complexum ex parte rei. Nam cōgrue dicimus cōgnosco sortem, & cognosco sortem esse risibilem, secundo autem modo fit per hæc uerba, scio, credo opinor dubito, nam obiectum eorum est complexum ex parte rei, ut scio hominem esse animal, credo deum esse omnium creatorem dubito papam eē Romæ.

Quantum ad quartum aduerte q̃ propositio descriptibilis tam primo quam secundo modo probanda est, ut infra.

Primo modo sic, cognosco sortem, cognosco aliquid sub ratione qua sortes, ergo cognosco sortem. Tu intelligis cœlum, tu intelligis aliquid sub ratione qua cœlum, ergo tu intelligis cœlum.

Secundo aut modo sic. Scio a propositionem, scio ad æquale significatum a propositionis, quod scio ad æquate significari per a propositionem. Credo hanc propositionē deus est trinus, & unus. Credo ad æquatū significatum huius propositionis deus est trinus, & unus quod scio ad æquate significari per hanc p̃positionem. De^o est trinus, & unus, ergo &c. Dubito hanc p̃positionem. s. cœlum est incorruptibile. Dubito ad æquatū significatū huius p̃positionis. s. Cœlum est incorruptibile, quod scio ad æquate signari per hanc p̃positionem. s. cœlum est incorruptibile ergo &c.

Constat igitur, quid sit propositio descriptibilis, & quot modis fit, & quo modo probanda est.

Conclusiones illatas ex hoc modo probandi uide in Paulo ubi supra.

Caput sextum de propositione probabili per causas ueritatis.

IN hoc cap. agendum est de propositionibus quæ probantur de sunt per causas ueritatis, & hic duo agenda sunt, primo quid sit propositio probanda per causas ueritatis, secundo quæ sint huiusmodi propositiones, tertio quomodo probande sint.

Quantum ad primum aduerte quod propositio probabilis per causas ueritatis est illa cui possunt assignari multæ causæ disunctiue, per quas redditur uera. Verbi gratia sor-

TRACTATUS DECIMVS

tes habet pūsum concitatum. Huius possunt esse plures causæ, puta quia iratus est, quia uelociter ambulauit, quia multum comedit, quia febricitat &c.

Quantum ad secundum aduerte quod huiusmodi propositiones sunt illæ, quæ constituuntur per hæc uerba incipit, & definit, & per ablatiuum acceptum in consequentia exemplum de incipit, sortes incipit esse iustus exemplum de definit. Sortes definit esse iniustus, exemplum de ablatiuo in consequentia. Sole existente in ariete fit æquinoctium.

Quantum ad tertium aduerte quod alio modo probatur propositio de incipit, & alio modo propositio de definit, & alio modo propositio de ablatiuo in consequentia. Nam propositio de incipit probatur per disiunctiuam compositam ex duabus copulatiuis, quarum copulatiuarum prima fit ex categorica affirmatiua de præsentī, & negatiua de præterito. Secunda autem ex negatiua de præsentī, & affirmatiua de futuro, exemplum primi. Rosa incipit florere, sic probatur. Rosa nunc floret, & ante hoc nunc præsens immediate non floruit, ergo rosa incipit florere, & hic modus probandi, qui dicitur per positionem de præsentī, & per negationem de præterito, deseruit rebus permanentibus, in quibus ex parte inceptionis est dare primum, instans sui esse, ut tibi declarauimus in tractatu de primo, & ultimo instanti in li. physicorum, exemplum secundi. Sol incipit moueri, sic probatur. Sol nunc non mouetur, & post hoc nunc præsens immediate mouebitur, ergo sol incipit moueri, & hic modus probandi, qui dicitur per negationem de præterito, & positionem de futuro deseruit rebus successiuis, quales sunt motus, tempus alteratio, motus localis, augmentum, & decrementum, in quibus non est dare primum sui esse ex parte inceptionis, sed ultimum sui non esse, ut tibi declarauimus in trac. prædicto.

Propositio de definit probatur per disiunctiuam compositam ex duabus copulatiuis, quarum prima fit ex categorica negatiua de præsentī, & categorica affirmatiua de præterito. Secunda autem fit ex categorica affirmatiua de præ-

fenti & negatiua de futuro exemplum primi. Rosa desinit
florete, sic probatur. Rosa nunc non floret, & immediate an-
te hoc nunc præsens floruit, ergo rosa desinit florere, exem-
plum secundi. Sortes desinit esse, sic probatur. Sortes nunc
est, & immediate post hoc nunc præsens non erit, ergo sor-
tes desinit esse. Primus modus deseruit rebus successiuis.
Nam hæc, cursus fortis desinit esse, sic probatur, nunc non
est cursus fortis, & immediate ante hoc instans præsens,
fuit cursus fortis, ergo cursus fortis desinit esse. Secundus
autem modus deseruit rebus permanentibus, & ratio ho-
rum est hæc. Quia in rebus successiuis, non est dabile ulti-
mum sui esse, sed primum sui non esse. In permanentibus
autem, est dabile ultimum sui esse &c. Sed pro nunc sustine:
quoniam hæc tibi declarabuntur in trac. de primo, & ulti-
mo instanti, quem ordinauimus in libro octauo physicorū
in epitomatibus nostris.

Propositio de ablatiuo in consequentia, probatur per di-
sunctiuam compositam ex causali, uel temporali, uel condi-
tionali, exemplum. Sole oriente fit dies, sic probatur. Quia
sol oritur, fit dies, uel quando sol oritur, fit dies, uel si sol ori-
tur, fit dies. Prima categorica est causalis, secunda tempora-
lis, tertia condicionalis.

Constat igitur tibi, quid sit propositio probabilis per
causas ueritatis, & quomodo probantur propositiones de
incipit, & desinit, tam in permanentibus quam in successi-
uis, & quomodo probatur ablatiuus in consequentia.

Conclusiones illatas ex his modis probandi. Vide in Pau-
lo ubi supra.

EXPLICIT TRACTATUS
de probationibus terminorum,
ordinatus per eundem.

INCIPIT TRACTATUS DE SYLLOGIS
mo demonstratiuo ordinatus per eundem.



DOST considerationē de syllo formali, & non tracto ad aliquā materialem, acturi sumus in presenti tractatu de syllo demonstratiuo, de quo per tractat Aristot. in libris posteriorū. Talem namq; ordinē proposuit Aristoteles in primo priorū, ubi inquit, Dicendum est per quæ, & qñ & quō fit, omnis syllogismus. i. formalis, & absolute sumptus. Postea uero dicemus de demonstratiōe, prius enim dicendum est de syllogismo quā demonstratiōe eo quod uniuersalior est syllogismus. Nam demonstratio quidam syllogismus est, syllogismus uero non omnis demonstratio. Hæc Aristoteles, ex quibus constat libros posteriorum immediate sequi libros priorum. Rationabiliter ergo post tractatum de syllogismo formali, expedit ordinare præsentem tractatum, qui correspondebit libris posteriorum, sicut præcedens correspondet libris priorum, & aduerte quod qui composuerunt sumulas in logica breuiantes logicam Aristotelis, nullum tractatum correspondentem libris posteriorum ordinarunt ut patet in logica Petri Hispani cuius rationem duplicem assignant eius expositores. Prima est quod scientia de demonstratiōe tradita in lib. posteriorum, est nimis difficilis iuuenibus, qui ut nouitii incipiunt erudiri in logicalibus, ex consequenti non sunt capaces tantæ difficultatis, ideo non oportuit facere tractatum de syllogismo demonstratiuo, secūda est quod scientia de syllogismo demonstratiuo est adeo fructuosa, & fertilis in li. posteriorum, q̄ abbreviari nō potuit.

Sed si bene aduertis utraque ratio potius deberet concludere oppositum. Nam quia scientia libri posteriorum, est maxime difficilis, & inacquisibilis a nouitiis eo modo quo traditur illic ideo, expedit resolutum, & plano stilo formare tractatum introductorium ad libros posteriorum, in quo ingenium

ingenium nouitii, aliquantulum exercitatum potentius eua-
det ad intelligendum libros posteriorum, secunda ratio pa-
rum ualeat. Nam licet doctrina posterioristica fructuosa &
abundans sit tamen non inconuenit eam breuiare, dimissis
maioribus difficultatibus pro nunc, quæ tractantur ab Ari-
stotele in libris posteriorum. Nam & Priscianus, & Donatus
& breuiati sunt, præterea. Breuiati sunt libri Aristoteles de
naturalibus, qui abundantes & fertilissimi sunt, ergo & libri
posteriorum breuiari possunt. Conabimur igitur in præsen-
ti tractatu compendiose enucleare mentem & doctrinam
Aristotelis, quam diffuse tradidit in libris posteriorum; &
præcipue in primo. Hunc igitur tractatum, diuidimus in tre-
decim capita.

In primo resoluenda sunt aliqua: ut prima fundamenta,
sine quibus uera scientia de demonstratione in uia peripate-
tica haberi non potest.

In secundo diffinienda est demonstratio per causam /sina-
lem & materialem, & duo errores extremi reprobandi sunt.

In tertio & quibus præmissis fiat demonstratio potis-
sima.

In quarto ex quibus & qualibus non fit demonstratio.

In quinto ex quibus & qualibus principiis fit demonstra-
tio virtualiter.

In sexto quomodo omnes scientiæ conueniunt & discon-
ueniunt in principiis communibus & propriis.

In septimo de differentia inter demonstrationem ppter
quid & demonstrationem quia.

In octauo in qua figura syllogistica, fiat præcipua demon-
stratio, quæ facit scire simpliciter.

In nono, de syllogismo generante in nobis ignorantiam.

In decimo, de processu demonstrationis in infinitum.

In undecimo, de comparatione demonstrationum adin-
uicem quo ad perfectionem & nobilitatem.

In duodecimo, de comparatione scientiarum adin-
uicem.

In decimotertio, de medio in demonstratione potissima.

Caput primum de præcognoscendis

ante demonstrationem.

IN primo capit. agendum est de illis, quorum notitia præsupponitur demonstratoni. Hæc autem sunt quatuor. Primum est hoc principium. Omnis doctrina, & omnis disciplina intellectiua, fit ex præexistenti, id est præhabita cognitione. Pro cuius noticia aduerte, quod apud antiquos de scientia nostra duplex fuit opinio. Vna quidem Heracliti & Socratis. Tenuit Heraclitus: ut innuit Aristoteles in octauo physicorum, de nullo inferiori & corruptibili ente posse haberi scientiam, quoniam sunt in continuo fluxu, & nunquam in eodem statu permanente, ut patet in elementis & elementis alterabilibus. Scientia autem est de re inuariabili & quæ non potest aliter se habere, ut declarabimus infra, ergo &c. Socrates autem tenuit quod donec uiuimus, non possumus de aliquo habere scientiam, propter fallaciam sensuum, a quibus magis illudimur quam erudiamur, ut patet in Phædone de anima. Secunda opinio fuit Platonis, qui concedit quod de entibus scientiam habere possumus, sed non de nouo, quoniam arbitratus est, animam creari cum omnibus scientiis, sed cum unitur corpori quasi soporata omnium obliuiscitur, donec paulatim per uiam sensuum reminiscatur, propterea tenuit in Phædro nostrum scire. Non fieri de nouo per uiam sensuum, sed esse quoddam expergisci & reminisci. (Sed de his plenam noticiam habebis in libris de anima, & in septimo libro metaphysicæ, ideo per transeo.) Contra igitur utranque opinionem, ponit Aristoteles hanc conclusionem. Omnis doctrina & omnis disciplina intellectiua, fit ex præexistenti cognitione. Quæ antequam probetur declaranda est.

Aduerte igitur quod eadem cognitio intellectiua, quæ habetur per acquisitionem dicitur doctrina & disciplina, sed diuerso respectu. Nam ut est a magistro docente discipulum dicitur doctrina. Est enim doctrina actus docentis, ut autem recipitur in discipulo a docente dicitur disciplina. Vnde do-

ctrina & disciplina se habent ut calefactio actiua, & calefactio passiua. Dixi quæ habetur per acquisitionem, quoniam cognitio, quæ habetur per propriam inuentionem, non est doctrina neque disciplina. Illa enim non habetur ab aliquo docente, sed per proprium studium: uenatione sensuum & uirtute intellectus agentis, ut tibi manifestabitur in libro de anima.

Item aduerte quod per doctrinam & disciplinam intellectiuam non intendit Aristoteles solam scientiam proprie dictam, sed omnem cognitionem intellectiuam siue necessariam & certam, qualis est scientia, siue probabilem qualis est opinio & prudentia, ut tibi manifestabitur.

Item aduerte quod dicit omnem doctrinam &c. fieri ex præexistenti, id est ex prius habita cognitione indistincte sumpta. Nam quædam fit ex præexistenti cognitione intellectiua, ut cognitio conclusionis, fit ex præexistenti cognitione primorum principiorum, quæ est cognitio intellectiua, quæ habetur lumine intellectus agentis, ut tibi declarabitur infra. Cognitio autem primorum principiorum causatur ex cognitione sensituiua in qua est status, neque. n. necesse est sensituiuam causari ex priori sensituiua, aliter procederetur in infinitum. Sensus ergo conclusionis est iste. Omnis cognitio intellectiua acquisita per doctrinam & disciplinam, fit ex priori cognitione intellectiua uel sensituiua. Ex intellectiua quidē ut cognitio conclusionis, ex sensituiua autem: ut cognitio primorum principiorum.

Hæc igitur conclusionem sic declaratam, probat per inductionem Aristoteles hoc modo. Scientiæ mathematicæ causantur ex priori cognitione. Nam ut patet in principio Euclidis, præponuntur quædam principia naturaliter cognita ex cognitione terminorum per uiam sensus, ut punctus est cuius pars non est, totum est maius sua parte. Circulus est figura una linea contenta. Et ex his principiis præcognitis mathematicus deducit conclusiones suas: ergo doctrina est. Et disciplina mathematica fit ex præexistenti cognitione.

Doctrina dialectica siue disputatiua, per quam acquiritur

opinio, & quæ utitur syllogismo & inductione, fit ex prius cognitis. Nam per syllogismum concluditur conclusio ex præmissis notioribus. Aliter syllogismus esset frustra, si præmissæ non essent prius & magis notæ quam conclusio, ut tibi declarabitur infra.

Doctrina persuasiva, quæ est ipsa rhetorica, quæ per iteritudinem non utitur syllogismo nec inductione, sed enthymemate & exemplo, fit ex prius cognitis. Nam rhetoricus & orator, per unum exemplum prius cognitum aut per plura iam experta, concludit aliud singulare pro tempore futuro. V. G. Dicit orator. Dionysius petens munitiones & fortalitia tyrannizauit, & alius petens idem tyrannizauit, ergo & iste quia petit idem tyrannizabit. Enthymemate autem sic arguit. Sortes uicipalestram, ergo meretur coronari. Constat ergo quod omnis cognitio intellectiua, siue sit uera scientia, ut in mathematicis siue sit probabilis opinio, ut in dialecticis & disputatiuis & orationibus rhetoricis, quæ acquiritur per doctrinam & disciplinam, fit ex præexistenti cognitione, siue ex aliquibus prius cognitis.

Secundum est hæc conclusio ueluti correlarie sequens ex præcedenti principio, & est hæc. Antequam probetur conclusio per syllogismum demonstratiuum, oportet duo præcognoscere. scilicet quia est, & quid est, pro cuius notitia aduerte, quod ad demonstrationem tria requiruntur, primo requiritur aliquod principium complexum uerum, quod in demonstratione est propositio siue præmissa, & tale principium appellatur maxima siue dignitas propter apertam ueritatem, & super quam tota demonstratio fundatur, ut tibi declarabitur infra. Secundo requiritur prædicatum proprium, quod est propria passio siue habens modum propriæ passionis. Et hæc est maior extremitas. Tertio requiritur subiectum siue natura illa de qua demonstranda est propria passio. Et tale subiectum est minor extremitas, & ex subiecto & propria passione componitur conclusio demonstrabilis. Verbi Gratia. Volo demonstrare, omnem hominem esse risibilem. Hæc est conclusio. Omnis homo est risibilis, & demonstra-

tur sic . Omne animal rationale est risibile. Hoc est principium complexum, cuius prædicatum est propria passio. Omnis homo est animal rationale, huius minoris subiectum de quo demonstratur passio est homo, ergo omnis homo est risibilis. Hæc est conclusio demonstrata constans ex passione & subiecto suo.

Cum igitur omnis doctrina & disciplina intellectiua inter quas ea quæ habetur per demonstrationem est præcipua, fiat ex aliquibus præcognitis, oportet antequam demonstretur conclusio, præcognoscere principia ex quibus procedit demonstratio, & passionem demonstrabilem de subiecto, & subiectum de quo demonstranda est propria passio.

Vt autem scias quid de principiis complexis est de passione & de subiecto præcognoscendum sit, aduerte quod cum duæ tantum sint præcognitiones, scilicet quia est & quid est oportet de principiis & subiecto, & passione, aut utrumque præcognoscere, aut alio & alio modo. Primum non potest esse, quoniam de principiis complexis non possumus præcognoscere quid sint, sed tantum quia sunt, id est quia uera sunt, & ideo super ueritatem eorum præcognitam fundatur conclusionis demonstrande ueritas, nam cum principia quas dignitates dicimus sint notissimæ ueritatis. Non oportet ea diffinire. Datur enim diffinitio causa innotescendi. Præterea notificabit tibi in septimo metaphysicæ quod completa sunt in diffinibilia. De principiis ergo præcognoscitur quia sunt uera, & non præcognoscitur quid sunt, quoniam sunt indiffinibilia, ut de hoc principio. De unoquoque est uera affirmatio uel negatio, præcognoscitur ante omnem demonstrationem quod est uerissimum. De passione autem puta de risibili oportet præcognoscere quid est, saltem quod dicitur id est quid significatur per nomen. Nam cum sit quid incomplexum, & non sit per accidens, est diffinibilis. De ea autem non oportet præcognoscere quia est, quia per demonstrationem passionem in esse subiecto concluditur, ut risibile inesse homini. Quod autem concluditur per demonstrationem, non præcognoscitur, sed post ergo de pas-

sione non præcognoscitur, sed concluditur quia est.

De subiecto autem oportet præcognoscere utrūque scilicet quid est, & quia est. Quid est quidem, quoniam in demonstratione potissima ut tibi declarabitur infra, medium est diffinitio & quid subiecti. Medium autem oportet præcognoscere, aliter procederemus ex ignoto ad ignotum. Nam nisi præcognoscerem hominem esse animal rationale inuidenter concluderem hominem esse risibilem. Oportet etiā præcognoscere de subiecto quia est, uel saltem nō repugnat sibi esse. Nam cum de non ente non habeatur scientia, quoniam uniuersalissimum obiectum intellectus est, ens necesse est omne scibile esse ens. Ens autem est quod est uel potest esse, uel sibi non repugnat esse, ergo de quolibet subiecto scibili oportet præcognoscere non solum quid est, sed etiam quia. Constat ergo tibi quod ante demonstrationem oportet præcognoscere quia de præmissis & quid nominis de passione, & de subiecto quid & quia. Dico autem de subiecto quod rei, & non solum quid nominis, ad differentiam de quid quod de passione præcognoscitur.

Tertio Declarandus est ordo præcognitionis, qui est inter principia, id est præmissas & conclusionem. Nam dictum est quod antequam deducatur conclusio ex principiis id est ex præmissis, oportet ea præcognoscere quia sunt, scilicet uera, ut procedamus ex notioribus, aliquid autem potest esse prius cognitum conclusione duobus modis, scilicet prius tempore & prius natura. Declarandum est ergo si præmissæ prius tempore cognoscuntur conclusione, uel solum natura. Tu igitur aduerte quod in demonstratione sunt duo principia, ex quibus deducitur conclusio, scilicet propositio maior quæ debet esse uniuersalis & propositio minor quæ potest esse uniuersalis uel particularis. Et quidem si loquamur de maiori, dicit Aristoteles quod præcognoscitur tempore. Verbi gratia. Facio hanc demonstrationem. Omnis homo est risibilis. Sortes est homo, ergo sortes est risibilis. Constat quod iamdiu possum scire maiorem, & nunc scio conclusionem, quoniam

ante deductionem nesciebam sortem esse risibilem. Nam bene stat quod scientiam habeam in uniuersali, & non in particulari, quoniam forte non aduertit hoc particulare contineri sub uniuersali. Si autem loquimur de præcognitione propositionis minoris, dicit Aristoteles quod si demonstrans aduertit minorem contineri sub maiori, non præcognoscitur tempore, sed simul & in eodem instanti cum conclusione.

Cum hoc tamen stat quod præcognoscitur prius natura: quoniam cognito conclusionis pendet a cognitione præmissarum & non e conuerso. Stat ergo resolutio in hoc quod maior & minor cognoscuntur prius natura conclusione.

Sed maior non solum natura, sed etiam tempore. Minor autem cognita contineri sub maiori, tantum prius natura. Nam cognita maiori & minori ut contenta sub maiori, statim & in eodem instanti cognoscitur conclusio. Notanter dixi, cognita minori ut contenta sub maiori, quoniam si in minori assumatur aliquid contentum sub uniuersali maiori, & hoc non constat demonstranti non statim habetur conclusionis cognitio, sed prius oportet manifestare per aliquod medium, quod assumptum in minori, continetur in uniuersali assumpto in maiori. Verbi gratia. Assumitur in maiori quod omnis triangulus habet tres æquales duobus rectis, & subsumitur quod figura descripta in semicirculo est triangulus.

Si demonstranti constat minorem contineri sub maiori, puta quia aduertit figuram descriptam in semicirculo esse triangulum, statim cognoscit conclusionem. Si autem non aduertit, oportet eam probare, & sic non cognoscetur conclusio donec probatum fuerit minorem contineri sub maiori, & in eo casu. Maior & minor cognoscuntur prius natura & tempore, ipsa conclusione. Constat igitur tibi quomodo principia siue præmissæ præcognoscuntur conclusione, & qua prioritate.

Quarto declarandum est utrum sicut præmissæ præcognoscuntur conclusione, sic conclusio præcognoscatur an-

tequam per inductionem uel per syllogismum demonstrationem probetur. Huic quidem dubio respondens Aristoteles determinat ueritatem, deinde soluit argumentum Platonis, qui uidetur arguere contra determinationem sciendam.

Tu igitur aduerte quod mens Aristotelis est, quod cognitio conclusionis antequam demonstretur, est sicut esse effectus naturalis in causis suis præexistentibus. De illo autem constat quod habet esse in potentia siue in uirtute in causis suis. scilicet in efficiente & in materia antequam producat. Non autem habet esse actu in rerum natura extra causas suas, nisi postquam productus fuerit. Habere autem esse in potentia siue in uirtute est habere esse secundum quid, quoniam est medium inter non esse simpliciter, & esse simpliciter. Habere uero esse in actu per productionem, est habere esse simpliciter. Sic in proposito conclusio antequam demonstratur, est cognita secundum quid, idest in uirtute in principiis suis. Nam qui cognoscit hoc principium. Omnis triangulus habet tres angulos æquales duobus rectis, cognoscit uirtualiter quod omnis species trianguli puta Isochelles Isopleuros & scalenon habet tres æquales duobus rectos. Actū autem & simpliciter, non est cognita, nisi postquam per inductionem aut demonstrationem probata fuerit, sicut nec effectus naturalis habet esse actu & simpliciter nisi postquam extra causas productus fuerit. Hæc est determinatio Aristotelis quæ est media inter duas sententias extremas, quarum una fuit Heracliti ut tibi declarabitur in octauo physicorum, qui tenuit quod de nulla re possumus habere scientiam, ex consequenti conclusio nescitur neque secundum quid ante demonstrationem, neque simpliciter post demonstrationem. Altera fuit Platonis in libro Menonis, qui tenet quod conclusio ante demonstrationem est simpliciter scita, ita quod per demonstrationem non adiscimus de nouo conclusionem. Sed tantum reducitur ad memoriam, & sic nostrum scire est tantum reminisci. Hanc autem imaginationem Plato sic conatur probare. Sumatur aliquis imperitus Geometriæ, &

proponatur sibi aliqua conclusio geometrica, puta quod quadratum habet quatuor angulos rectos, & interrogetur si scit hanc conclusionem. Si respondet quod sic, ergo ante demonstrationem scit eam simpliciter ex consequenti non adiscit eam de nouo, est enim cōtradictio, adiscere quod scimus, si respondet quod nō. Interrogetur ordinate incipiendo a primis principiis geometriæ, & procedatur ordinate per interrogationes & responsiones usque ad conclusionem sibi propositam, & uidebis quod cum ad conclusionem deuentum fuerit dicet se eam scire, ergo, & ante sciebat, sed quia oblitus erat, per interrogationes, & responsiones ordinatas reducitur ad memoriam, ergo per argumentationem non fit in nobis noua scientia sed reminiscētia.

Hoc igitur Platonis argumentum soluens Aristoteles dicit quod non inconuenit id quod de nouo adiscitur, fuisse prius scitum, sed nō eodem modo. Nam nihil prohibet fuisse prius scitum in uirtute. i. i primis principiis, quæ sunt nobis naturalis nota, & adisci de nouo quo ad cognitionē actua-lem, & propriam per deductionem conclusionis ex suis principiis. Vnde imperitus geometriæ cui proponitur prædicta conclusio, respondere potest, quod ante deductionem ex principiis scit eam in uirtute, & secundum quid in quantum lumine naturali cognoscit prima principia in quorum cognitione uirtualiter continetur cognitio conclusionis. Post deductionē autem ex principiis scit eā actu, & simplici, & distincte & sic patet quod non sequitur quod adiscamus id quod prius erat actu scitum, ut arbitratur Plato, sed quod prius erat scitū in potētia. Hoc autē nō est incōueniens. Sicut nō inconuenientiam habentē esse potentiale in radice deduci ad esse actuale per causas suas naturales. Ex prædicti non inconuenit id quod ens est, de nouo generari, sic intelligendo, id quod est ens in potentia, de nouo generari ut habeat esse actu.

Constat igitur tibi quomodo in uia peripatetica hæc quatuor debent esse tibi nota, antequam demonstres, primo, quod omnis doctrina, & disciplina intellectuā, causatur in nobis ex aliquorum præcognitione, secundo quod de principiis

TRACTATUS VNDECIMVS

complexis præcognoscendum est quia, & non quid, de passione quid, & non quia. De subiecto autem quid, & quia modo quo declarauimus, tertio quod præmissæ præcognoscuntur conclusione, sed maior prius tempore minor autem si cognoscitur contineri sub maiori, cognoscitur simul tempore cum conclusione, sed prius natura, quarto contra Platonem, quod conclusio antequam demonstretur præcognoscitur, secundum quid in suis principiis, post demonstrationem autem cognoscitur, & scitur simpliciter, & actu, & propria, & distincta cognitione. Hæc de præcognoscendis ante demonstrationem dicta sunt, & hic terminamus primum cap. Post quod inuestigandum est, quid sit demonstratio.

Caput secundum de demonstratione quid sit.

IN secundo cap. inuestigandum est quid sit demonstratio, quod est principale consideratum in hoc tracta. & ab Aristotele in libro posteriorum. Hic igitur tria agenda sunt, primo antequam diffiniatur demonstratio, diffiniendum est ipsum scire, quoniam ad causandum siue acquirendum scientiam ordinatur demonstratio sicut instrumentum ad finem, prius autem oportet cognoscere quid sit finis quam mediū ad finem, secundo diffinienda est demonstratio per causam finalem, & materialem, & utraq; diffinitio per singulas particulas, est manifestanda, tertio ex determinandis excludendi sunt duo errores extremi, & media uia est uera, ut tibi declarabitur in loco suo.

Quantum ad primum ut scias in quo sensu Aristoteles intendit diffinire ipsum scire, ut est finis demonstrationis, aduerte quod in uia peripatetica scire sumitur duobus modis, scilicet scire per se, scire per accidens. Scire per se est cognoscere conclusionem ex propositionibus, & præmissis per se, ut quando cognosco hominē esse risibilem per hanc maiorem, animal rationale, est risibile, quæ est in secundo modo per se & per hanc minorem, homo est animal rationale, quæ est in primo modo per se, ut tibi declarabitur infra, & ex his præmissis per se concluditur hominem esse risibilem. Scire per

accidens est rem cognoscere per præmissas per accidens, ut quando probatur quod homo edificat sic arguendo albū edificat, homo est albus, ergo homo edificat. Hoc est scire per accidens, quoniam cōclusio, & præmissæ sunt propositiones per accidens, nec est uerum scire, sed apparens, & modo sophistico, ut tibi declarabitur in fallacia accidentis.

Scire aut per se, est uerum scire, sed est duplex, scilicet scire simpliciter, & scire secundū quid, scire simpliciter est scire conclusionem per causam propriam, & immediatam, ut quando scio hominem esse risibilem, quia est rationalis. Rationalitas enim est propria, & immediata causa risibilitatis. Scire autem per se, sed secundum quid, est scire conclusionem, per signum, aut per effectum, aut per causam uniuersalem, & remotam, & hæc omnia tibi manifesta erunt infra, quando loquemur de demonstratione, propter quid, & demonstratione quia. Nam demonstratio propter quid, facit scire, per se simpliciter, & perfectissimo modo. Demonstratio autem quia, facit scire per se, secundum quid & ualde imperfecte.

His præmissis aduerte quod Arist. non intendit hic definire ipsum scire uniuersaliter sumptum, sed contractum ad scire per se, & simpliciter & perfectissime. Sic enim est finis demonstrationis potissime quæ est sola demonstratio propter quid.

Si igitur diffiniens ipsum scire modo prædicto inquit. Scire opinamur simpliciter unumquodque, & non sophistico modo, quod est scire, secundum accidens, cum arbitramur causam cognoscere, propter quam res est, & quoniam illius est causa, & non contingit hoc aliter se habere.

Primo dicitur quod scire simpliciter est rem per causam cognoscere, ut per hoc distinguatur a scire per effectum, ut quando scimus ignem esse calidum in summo, quoniam nō solum calefacit, sed etiam comburit, & destruit quicquid in eo immittitur.

Secundo dicitur, quoniam illius est causa, id est causa eius pro-

TRACTATVS VNDECIMVS

pria, & non communis tali rei scibilis, & alteri, ut per hoc distingatur a scire per causam uniuersalem, & remotam, ut quando scimus lapidem non respirare, quia non est animatus sed esse animatum non est causa propria respirandi, qm̄ multa sunt animata quæ non respirant ut arbores, & animalia imperfecta ut uermes &c. propria autem causa respirandi est habere pulmonem. Vnde quando scio hominem respirare, quia habet pulmonem, scio simpliciter, quoniam scio per causam, quæ est illius respirationis causa.

Tertio dicit, & non contingit aliter se habere: id est & causa illius est infallibilis, & necessaria, ut per hoc distingatur a scire per signa probabilia, ut quando scimus infirmum sanandum, qm̄ urina est clara, & apparet ut urina sani, hoc enim signum fallax, & potest ac sæpe contingit aliter se habere. Nā urina sæpe apparet ut sani, & tamen infirmus tendit ad mortem, oportet igitur causam propter quā aliquid scimus simpliciter, id est medium conclusionis, esse necessariam, & qm̄ scibile ac scientia sunt correlatiua, oportet quod sicut causa sciendi est necessaria, ita scibile quæ est conclusio sit necessaria. Vnde conclusionem contingenti non possumus simpliciter scire, sed de ea opinionem habere. Constat igitur quod scire simpliciter est per causam propriam, & necessariam, & de conclusione necessaria, quam causam, & quam conclusionē non contingit aliter se habere.

Prædicta igitur definitio de scire simpliciter sic sit manifestata, quam Aristoteles notificata signo famoso, & communihominum sententia, quod est hoc. Tam scientes quam nescientes arbitantes tamen, & fundantes sibi se scire, opinantur se scire, quando rem per causam propriam, & necessariam cognoscunt, ergo cum famosum non sit falsum, scire est per causam cognoscere, quoniam illius est causa, & non contingit eam aliter se habere. Hæc de scire simpliciter, & perfectissimo modo quid sit dicta sint. De scire autem secundum quid, id est ab effectu, & per causam remotam dicemus infra, quando loquemur de demonstratione quia siue a posteriori.

Quantum ad secundum diffinienda est demonstratio quæ est instrumentum intellectus ad scire, & scientiam acquirendam. Sed anteq̃ diffiniamus eam, aduerte quod sicut nō diffiniuit scire uniuersaliter sumptum, sed scire per se, & perfectissime acceptum, sic intendit hic diffinire demonstrationē potissimam, quæ causat scire supra diffinitum, & ex quibus, & qualibus præmissis constat. Hæc autem dicitur demonstratio a priori, & demonstratio propter quid. De demonstratio-
ne autē quia quid sit, & quomodo faciat scire, & ex quibus constet, & quare dicitur demonstratio a posteriori siue ab effectu declarauimus infra.

His p̃missis aduerte quod Aristoteles duplicem assignat diffinitionem de demonstratione pp̃ quid siue potissima. Vnam quidem p̃ causam finalem, alteram p̃ causam materialem. Nam sicut domus diffinitur p̃ finem sic: Domus est quid protegens nos a frigore, & ab estu, & pluuia &c. Nam pp̃ has causas, edificamus domum, & diffinitur per materiā sic. Domus est quid compositum ex lapidibus, & lignis, & cemento &c. Sic diffinitur demonstratio pp̃ quid per finem sic. Demonstratio est syllogismus scientialis. i. causans in nobis scire quod supra est diffinitum, & aduerte quod ly. Syllogismus ponitur ut genus, est enim in plus: qm̃ omnis demonstratio est syllogismus sed non econuerso, ly scientialis est differentia, qua differt demonstratio a syllogismo dialectico, & sophistico. Nam dialecticus non causat in nobis sciē-
tiam sed opinionē. Sophisticus uero, nec sciām, nec opinio-
nem, sed errorem, & fallaciam, ut patet in lib. elenchorum.

Per causam materialem sic diffinitur ab Aristotele. Demonstratio est syllogismus constans ex præmissis ueris primis immediatis, notioribus & prioribus causisq̃ conclusionis. Hanc Aristoteles dupliciter pbat p̃mo diffinitionem data per causam finalem sic, omnis syllogismus faciens scire, & simpliciter, & perfectissimo modo, est eo præmissis ueris primis &c. Sed demonstratio propter quid facit scire, & simpliciter, & perfectissimo modo, ergo est ex ueris primis immediatis &c. Minor quidē patet: quoniam est diffinitio da-

TRACTATUS VNDECIMVS

ta de demonstratione propter quid per causam finalem, maior autem manifestabitur statim probando, & declarando singulas partes diffinitionis date per causam materiale, p causis euidencia ponuntur tres conclusiones.

Prima est. Omnis demonstratio faciens scire simplr, est ex ueris, secunda est omnis demonstratio faciens scire simpliciter est ex primis, & immediatis, tertia est, omnis demonstratio faciens scire simpliciter, est ex prioribus, & notioribus, & causis conclusionis.

Prima sic probatur ad mentem Aristotelis, omne quod demonstratur est uerum: quoniam est ens, sed ens, & uerū conuertuntur: quoniam utrunq; est transcendens, tunc ultra, si omne quod demonstratur est uerum, ergo demonstratio quæ facit simpliciter scire, est ex ueris patet consequentia. Nam si demonstratio faciens scire, esset ex falsis, ergo falsitas esset causa scientiæ, quod est impossibile: quoniam cum scientia sit uera cognitio, & causetur ex demonstratione, si demonstratio est ex falsis, ergo oppositum esset causa oppositi. scilicet falsitas esset causa ueritatis quod est impossibile, ergo constat quod necesse est demonstrationem facientē simpliciter scire, esse ex præmissis ueris.

Secunda conclusio probatur sic. Omnis demonstratio faciens scire simpliciter est ex his sine quibus scientia haberi nō potest. Hæc manifesta est, sed sine præmissis ueris, & primis & immediatis, non potest haberi scientia, ergo &c. Minor probatur, quod sine præmissis ueris, non possit haberi scia, iam probatum est, quod sine primis, probatur sic. Si demonstratio faciens scire simpliciter non esset ex primis, ergo nō esset ex propriis principiis, ex consequenti non faciet scire simplr, sed secundum quid, & secundum accidens, ut declarauimus in diffinitione data de scire simplr. Pro euidencia consequentiæ quæ fuit hæc. Si non est ex primis, ergo non est ex propriis principiis, aduerte quod ly primis exponi potest dupliciter, primo ex primis. i. ex uniuersalissimis, quæ dicuntur principia prima, & dignitates, & maxime, ut non si ne contradictoria simul uera. Impossibile est idem simul

esse, & non esse, & de his non intendit hic Aristoteles: quoniam ut declarabitur infra. Tales primæ propositiones non ingrediuntur formaliter demonstrationem: sed tantum uirtualiter. Hic autem loquimur de ingredientibus formaliter demonstrationem, secundo ex primis: id est proximis ex quibus proxime infertur conclusio. V. G. Hæc conclusio homo est risibilis, proxime infertur ex eo quod est animal rationale. Unde sic demonstratur, omne animal rationale est risibile, omnis homo est animal rationale. Istæ duæ præmissæ sunt primæ: id est proximæ ex quibus infertur hæc conclusio, ergo omnis homo est risibilis. Constat ergo quomodo demonstratio est ex primis.

Quod autem non possit esse demonstratio sine præmissis immediatis, probatur sic. Si esset demonstratio, & non esset ex præmissis immediatis, i. indemonstrabilibus, non faceret scire, & sic esset frustra. Probatur consequentia, si non esset ex immediatis, ergo esset ex mediatis, & demonstrabilibus. Si ex demonstrabilibus, ergo nondum essent demonstrate. Si nondum demonstrate, ergo essent incognite. Si incognite, ergo non essent causa sciendi conclusionem, ex consequenti talis demonstratio non faceret scire: quoniam ois nostra scientia fit ex aliquo notiori, & prius cognito, ut docuimus in primi capi. Oportet, ergo demonstrationem consistere ex præmissis immediatis, uel tandem resolui ad immediatas, ut tibi declarabitur infra.

Tertia conclusio sic probatur ad mentem Aristotel. Ois demonstratio potissima est ex his, sine quibus nō possumus aliquid simpliciter scire. Hæc patet: quoniam talis demonstratio est ordinata ad scire simpliciter, ergo si non esset ex his, sine quibus non contingit aliquid scire simpliciter, talis demonstratio frustra fieret. Sed sine causis prioribus, & notioribus, causis dico conclusionis, non possumus aliquid scire simpliciter, ergo necesse est demonstrationem potissimam esse ex causis &c. Minor probatur, & primo quod sine causis conclusionis non possumus scire simpliciter conclusionem arguitur sic. Scire simpliciter est rem per causam illius rei co-

gnosceret ut docuimus supra in diffōne ipsius scire simp̃r, ergo si demonstratio potissima non procederet ex causis conclusionis, non faceret scire conclusionem simp̃r, istæ autem causæ sunt ipse præmissæ, quæ non solum sunt causæ in cognoscendo siue in inferendo conclusionem sed etiam in essendo, ut hæc conclusio. Homo est risibilis, deducitur ex eo quod animal rationale est risibile, & ex eo quod homo est animal rationale, & utraq; præmissa est causa in essendo ipsius conclusionis. Risibilitas enim hominis, emanat a natura rationali, ut a causa formali, secundo ex eo quod demonstratio potissima est ex causis conclusionis in essendo, & nō solum in inferendo, sequitur quod est ex prioribus, omnis. n. causa in essendo est prior suo effectu: qm̃ effectus pendet a causa, & non econuerso, si igitur demonstratio potissima est ex præmissis quæ sunt causæ in essendo conclusionis nō solum est ex causis, sed etiam prioribus ipsa conclusione.

Tertio ex hoc quod demonstratio potissima est ex causis prioribus conclusionis, sequitur quod etiam sit ex causis notioribus ipsa conclusione. Nam ut declarabitur tibi in primo physicorum, innata est nobis uia, procedendi ex notioribus ad minus nota, alr si pcederemus ab ignotis uel æque notis ad conclusionem, nullam acquireremus scientiam, oportet ergo demonstrationem potissimam ut faciat scire procedere ex præmissis quæ sint causæ in essendo conclusionis demonstrabilis, & quæ sint ex consequenti priores, & notiores conclusione. Sed aduerte quod cum demonstratio sit duplex, scilicet propter quid de qua hic intendimus, & quia de qua loquemur, utraque est ex notioribus, sed differenter: quoniam in demonstratione quia sufficit eam esse ex notioribus nobis, sed posterioribus secūdam naturam, quales sunt effectus naturales, & sensati, per quos demonstramus causas naturales, ut tibi declarabitur in physicis, in demonstratione autem quid, oportet esse ex notioribus, & prioribus quo ad nos, & secundum naturam, quales sunt demonstrationes mathematicæ, & metaphysicæ, ut tibi declarabit infra, ponendo differentiam inter demonstrationem ppter quid, &

quid & quia. Quoniam hic igitur diffinita est demonstratio propter quid, intellige quod est ex notioribus non solum nobis sed etiam secundum naturam. Nam ex eo quod notius est nobis, & prius ac notius secundum naturam, hominem esse rationalem quam hominē esse risibilem, ideo demonstramus a priori & notiori hominem esse risibilem, quia est rationalis. Et quadratum constare ex quatuor angulis rectis, quoniam quatuor lineæ rectæ cadunt perpendiculariter supra seinuicem.

Hoc igitur modo manifestata tibi sit diffinitio data per materiam demonstrationis potissime & propter quid. Sed aduerte quoniam uidebatur Aristoteli, se non declarasse, quid intendat per hoc quod dixit demonstrationem esse ex ueris & primi & per hoc quod dixerat ex immediatis, & per hoc quod dixerat ex notioribus: ideo hæc tria declarat in particulari, & primo quid intendat per ly primis. secundo quid per ly immediatis. tertio quid per ly notioribus.

Quantum ad primum aduerte quod Aristoteles per ly ex primis dicit se intelligere ex propriis principiis, ut excludat uniuersalissima principia quæ dicuntur dignitates, quæ non ingrediuntur demonstrationem formaliter sed tantum uirtualiter ut tibi declarabitur. Nam per principia uniuersalissima, conclusio non scitur distincte & simpliciter, ut tibi manifestabitur infra: principia autem propria ex quibus constare debet demonstratio propter quid est diffinitio subiecti uel passionis, uel utraq; ut huius conclusionis. Homo est risibilis, demonstratio fiet propter quid. Si medium erit diffō hominis aut diffō risibilis, aut utraq; ut dicemus infra. Tūc erit demonstratio ex primis. i. ex propriis principiis: & faciet scire simpliciter, quoniam sciens causam propriam & distinctam conclusionis. Constat igitur tibi, quid intendat Aristoteles per ly ex primis.

Quantum ad secundum aduerte quod Aristoteles per ly immediatis intendit propositionem immediatam, quam dicit esse principium demonstrationis. Vt autem habeas claram noticiam de propositione immediata. Aristoteles diffi-

nit eam, deinde diuidit in species suas.

¶ Vt autem scias quid sit aduerte quod propositio media, est illa qua est altera prior secundum naturam, per quam potest demonstrari a priori, id est demonstratione propter quid, & non solum demonstratione quia. Verbi gratia. Hæc propositio est mediata. Homo est risibilis, quoniam habet priorem, scilicet homo est animal rationale, per quam potest demonstrari, nam quod homo sit risibilis pendet ex hoc quod homo est animal rationale & non e conuerso. Propositio ergo immediata opposito modo diffinienda est, ita, scilicet quod sit propositio, qua non sit altera prior, per quam possit demonstrari a priori. Verbi gratia. Hæc est immediata, homo est animal rationale, quoniam inter diffinitionem & diffinitum, nullum est medium prius, quod possit esse proprium principium demonstrationis, ex quo sequitur quod omnis propositio cuius prædicatum est ratio siue diffinitio subiecti est immediata & indemonstrabilis, bene ergo dicitur, quod propositio immediata est propositio qua non est altera prior.

Sed quæres quid sit propositio quæ ingreditur diffinitionem propositionis immediate, ideo Aristoteles diffinit eam dicens.

Propositio est enunciationis altera pars, unum de uno significans, pro cuius noticia aduerte quod Aristoteles non diffinit hic propositionem in sua uniuersalitate, ut diffinit in libro primo perihermenias, dicens quod est oratio uerum uel falsum significans in dicendo, & quam distinguit in affirmatiuam & negatiuam, sed diffinit eam ut sumitur in syllogismo, ut est præmissa pro conclusione, & ut sic est altera pars enunciationis, cuius sunt duæ partes, scilicet affirmatiua & negatiua. Intendit ergo Aristoteles quod propositio quæ est præmissa in syllogismo, est determinatæ altera pars enunciationis, quoniam determinatæ est affirmatiua uel negatiua, ita quod non potest indifferenter esse affirmatiua uel negatiua. Nam in Barbara, præmissæ sunt affirmatiuæ, & non possunt esse negatiuæ. Inferio

maior est negatiua, & minor affirmatiua, & non possunt aliter esse. Sensus ergo Aristotelis est quod propositio quæ est præmissa in syllogismo sic altera pars enunciationis, id est sit determinatæ enuntiatio affirmatiua aut negatiua, pro ut requirit figura & modus syllogizandi, de quibus actum est in tractatu de syllogismo formali.

Dicit autem significans unum de uno, quoniam ut declaratum est in libro perihermenias datur enuntiatio una, & enuntiatio plures. Enuntiatio una est, in qua prædicatur unum prædicatum re & nomine de uno subiecto, ut homo est animal, animal est substantia, plures autem est in qua plura prædicantur de uno, uel unum de pluribus. Exemplum primi. Sortes est albus & doctus. Exemplum secundi. Sortes & Plato sunt homo, uel Sortes & Plato trahunt nauem. Intendit ergo Aristoteles, quod propositio quæ est præmissa in syllogismo, non solum debet esse altera pars enunciationis modo quo exposuimus, sed debet significare unum de uno, quoniam sicut in syllogismo concluditur unum, id est una conclusio, sic propositio quæ est in syllogismo principium & præmissa debet esse una & non plures. Vna autem est, quæ ut diximus significat unum de uno, ex consequenti excluditur propositio plures.

Sed dices, cum Aristoteles diffiniat propositionem per enunciationem, quæritur quod sit enuntiatio. per quam definita est propositio. Respondetur quod secundum Aristotelem in hoc loco, enuntiatio est quæ quamlibet partem contradictionis assumit, pro cuius noticia aduerte quod contradictionis altera pars est affirmatiua, & altera negatiua, item altera pars est uera, & altera falsa. Intendit ergo Aristoteles quod enuntiatio omnis est affirmatiua uel negatiua. Vera uel falsa. Hac de causa dicitur complecti partem quamlibet contradictionis, quoniam in se continet affirmatiuam & negatiuam ueram & falsam.

Sed dices, cum Aristoteles diffiniat in hoc loco enunciationem per contradictionem, quæritur quid sit contradictio.

Ideo Aristoteles respondens inquit, Contradictio est oppositio, cuius secundum se non est inuenire mediam: cuius una pars est affirmatiua, & altera negatiua: & una pars est uera, & altera falsa in omni materia, scilicet naturali & remota & contingenti. Et per hoc distinguitur oppositio contradictoria, ab omni alia oppositione ut docuimus in post. presentis, & in tractat. de propositione. Constat igitur tibi quid sit propositio apud demonstratorem, & quid enunciatio, & quid contradictio. Et hæc omnia dicta sunt, ut scias resolute quid sit propositio immediata ex qua demonstratio procedit.

Posita diffinitione propositionis immediate. Aristoteles accedit ad diuidendum eam in species suas, pro cuius noticia aduerte qui Aristoteles principium immediatum in quatuor species diuiditur, quarum prima dicitur positio. Secunda dignitas uel maxima. Tertia suppositio. Quarta diffinitio. Nam ista quatuor sunt indemonstrabilia, modo quo dicitur.

Positio secundum Aristotelem est oratio, quam non oportet demonstrare, sed ponere & acceptare tanquam ueram ut apud geometram, iste sunt propositiones, a puncto ad punctum contingit lineam rectam ducere. Anguli recti sunt æquales. Omne totum est maius sua parte. Dico quam non oportet demonstrare, quoniam pro ueritate est demonstrabilis, cum prædicatum non sit de ratione subiecti, tamen non est necesse eam demonstrare in scientia in qua est positio, & in qua acceptatur ut uera per se. Non inconuenit autem eam demonstrari in alia scientia, ut in physica demonstratur ista, quod inter quælibet duo puncta, cadit medium ex consequenti cadit linea, quoniam medium inter duo puncta non est nisi linea. Positio ergo est propositio indemonstrabilis ex consequenti est immediata in illa scientia in qua est positio, & in qua assumitur ut principium & præmissa syllogismi demonstratiui. V. G. Geometra uolens demonstrare quod anguli quadrati sunt æquales, sic arguit. Omnes anguli recti sunt æquales. Sed anguli quadrati sunt recti, ergo &c. Maiorem geo-

metra non demonstrat quoniam apud ipsum est positio, & acceptatur ut per se uera. Minorem uero probat, quoniam in quadrato linea super lineam perpendiculariter cadit, ergo constituunt anguli recti. Constat ergo tibi quid sit positio aquod demonstratorem.

Dignitas siue maxima est propositio, quam necesse est omnem adiscentem acceptare, & illa statim cognitis terminis absque alio discursu & argumentatione assentire, eo quod fit per se nota ex euidencia terminorum. Et ista sunt principia prima quæ se habent in acquisitione scientiarum, sicut ianua in domo, ut uult Aristoteles in secundo metaph. Nam sicut ianua domus omnibus patet, sic & ista principia omni ratione utenti. Sunt autem hæc duo omnium principiorum & dignitatum uniuersalissima & notissima, de quibus disputat Aristoteles in quarto metaphysicæ contra negantes ea. Vnum quidem est affirmatiuum, & est hoc, de qualibet uerum est esse uel non esse. Alterum autem negatiuum, & est hoc, non contingit idem simul esse & non esse. Et ly non contingit æquipollet ly non potest, uel im possibile.

Hæc igitur est dignitas siue maxima, quæ differt a positione in duobus. Primo quia dignitas est omnino indemonstrabilis propter suam notissimam ueritatem, quæ nobis naturaliter inserta est. Et ideo non potest per notiora principia notificari, positio autem licet acceptetur ut nota & indemonstrabilis in scientia in qua est positio, tamen in alia scientia est demonstrabilis, ut diximus supra.

Tu tamen aduerte quod differentia proprie stat in hoc. Repugnat dignitati posse demonstrari, quia non esset naturaliter cognita. Non autem repugnat positioni, quoniam & si non demonstretur in scientia in qua est positio, demonstrari potest in alia ut diximus, propter hoc tamen non inconuenit aliquam positionem esse simpliciter indemonstrabilem propter suam maximam euidenciam, ut hic. Si ab equalibus, equalia demas, quæ remanent sunt equalia. Parallele non concurrunt. Idem non intellige de istis.

Ignis est calidus, terra est grauis, quoniam ad sensum patent, & ideo non possunt demonstrari per notiora. Quod si quis negat ea, aut proteruia aut carentia usus rationis, negat ea.

Secundo differt, quoniam dignitatem necesse est omnem adiscentem & docentem habere & statim auditam approbare absq; alio discursu, positionem autem non est necesse omnem adiscentem approbare statim, quoniam cum cōstet ex terminis specialibus potest notificari per notiora ut per dignitates quæ constant ex terminis generalissimis, inter quos primo est ens, quod est primū, quod concipitur in mente, ex consequenti est primum cognitum. Et hanc differentiam secundam ponit Aristoteles in textu ubi de positione inquit, quam non est demonstrare, sed ponere, neq; necesse est habere aliquem docendum. De dignitate autem inquit. Quam uero necesse est docendum habere, dignitatem uel maximam consueuimus dicere. Suppositio apud Aristotelem est pars subiectiua, id est species positionis superaddens positioni affirmationem & negationem. Pro cuius noticia aduerte, quod est aliqua propositio, cui statim notis terminis, & absque aliquo discursu, intellectus assentit. Et hæc dicitur dignitas, & est aliqua propositio, cui intellectus assentit absq; discursu & demonstratione in scientia cui incūbit adiscens, licet in alia scientia possint demonstrari, & hæc dicitur positio, quia ponitur & acceptatur ut uera, absq; alia probatione in tali uel tali scientia. Hæc autem positio diuiditur ab Aristotele in suppositionem & diffinitionem. Nam licet utraque sit positio tamen differūt in hoc, quod suppositio addit supra positionem affirmationem uel negationem, id est dicit esse uel non esse.

Vnde suppositio est propositio affirmatiua uel negatiua indemonstrabilis in illa scientia in qua sumitur, cuius ueritas ab adiscente supponitur, etiam quod sibi non constaret ex euidencia terminorum. Vt in Geometria hæc est suppositio. A puncto ad punctum contingit lineam deducere. Diffinitio autem non addit esse uel non esse supra po

tionem, eo quod licet diffinitio sit indemonstrabilis de definito. Non tamen est propositio affirmatiua uel negatiua, sed est oratio absq; copula, constans ex solo genere & differentia. Vnde diffinitio hominis est hoc complexum, animal rationale. Nec unquam apponitur capula nisi quando actu prædicatur diffinitio de definito. Vt quando dicimus quod homo est animal rationale, & dicit Arithmeticus, quod unitas est quid omnino indiuisibile secundum quantitatem.

Constat, ergo quomodo suppositio & diffinitio sunt duæ species positionis, & quomodo differunt ab inuicem. Et sic patet quomodo Aristoteles rationabiliter diuisit principium demonstrationis immediatum in quatuor species, scilicet in positionem, & dignitatem, & suppositionem, & diffinitionem.

Sed dices. Non uidetur diffinitio esse species principii immediati, quoniam principium immediatum est propositio immediata, cuius signum est, quod Aristoteles statim quod diffiniuit propositionem immediatam, & notificauit particulas diffinitionis, diuidit principium immediatum demonstrationis in quatuor prædictas species. Sed iam declaratum est diffinitionem non esse propositionem. Constat enim ex solo genere & differentia, absq; copula, ut animal rationale est diffinitio hominis: ergo diffinitio non uidetur species principii immediati.

Respondetur, licet ante diuisionem principii immediati præposuerit Aristoteles diffinitionem propositionis immediate, non tamen subdiuidit principium immediatum in species suas ut est idem præcise cum propositione immediate, sed ut est in plus. Nam omnis propositio immediata est principium demonstrationis, sed non e conuerso, quoniam tam propositio immediata, quam complexum immediatum quale est diffinitio, potest esse principium demonstrationis immediatum, cuius signum est quod medium demonstrationis est principium ex quo demonstramus conclusionem, & tamen medium non est propositio, sed terminus complexus, quoniam est diffinitio subiecti aut

passionis ut determinabimus infra. Ex prædictis igitur constat, quomodo demonstratio est ex ueris, & primis, & immediatis.

Quantum ad tertium, scilicet quomodo oporteat demonstrationem fieri notioribus, declarat Aristoteles per duas conclusiones, quarum prima est quod oportet demonstrantem magis credere & assentire & magis cognoscere principia esse uera ex quibus demonstramus conclusionem quã ipsam conclusionem. Quam quidem conclusionem sic probat Aristoteles. Propter quod unumquodq; & illud magis, ut si propter discipulum amo magistrum, multo magis amo discipulum. Et si propter solem reliq; stelle lucent, tot magis lucet. Sed propter principia ex quibus demonstramus conclusionem credimus & assentimus conclusioni, & eam cognoscimus esse ueram, ergo multo magis oportet credere & assentire principiis quam conclusioni & magis cognoscere ea esse uera, ergo demonstratio procedi ex principiis notioribus quam sit ipsa conclusio.

Secunda conclusio est hæc. Non solum oportet demonstrantem magis cognoscere principia & illis magis credere quam conclusioni, sed etiam oportet quod demonstranti nihil sit magis certum, quam quod opposita principiis sint falsa. Verbi gratia. Non solum oportet me cognoscere quod hoc principium est maxime uerum.

De uno quoque est uera affirmatio uel negatio, sed quod etiam teneam suum oppositum esse falsissimum, ita quod nihil est eo magis falsum, scilicet quod contradictoria simul uerificantur de eodem. Et ratio quidem huius conclusionis est hæc. Dictum est, quod oportet demonstrantem firmissime assentire & inherere principiis, ex quibus demonstrat. Sed non posset eis firmissime inherere. Si dubitaret & non esset certissimus quod eorum opposita sunt maxime falsa. Experimur enim quod si dubitamus de falsitate unius oppositi, non possumus absq; dubio adherere ueritati alterius oppositi, sed semper timemus de eius ueritate, donec nobis fiat euidentissima sui oppositi falsitas.

Constat ergo quomodo demonstratio ad mentem Aristotelis est ex notioribus, & certioribus principiis, quam sit ipsa conclusio.

Sed aduerte quod propositio maior, quam assumit Aristoteles in probatione primæ conclusionis, primo aspectu uideatur falsa. Non enim sequitur, propter albedinem homo est albus, ergo albedo est magis alba &c.

Tu igitur aduerte quod illa propositio est uera regulariter, & solum in causis efficientibus principalibus, quæ sunt causæ efficientes formaliter uel uirtualiter sui effectus, exemplum de efficiente formaliter, manus propter ignem fit calida, ergo ignis est magis calidus, exemplum de efficiente uirtualiter. Terra in æstate fit calida, & sicca ppter solem, ergo sol uirtualiter licet nō formaliter est magis calidus, & siccus q̄ terra, est autem uirtualiter magis calidus, & siccus, qm̄ per maximam lucem suam, & motum, pducit calorem, & siccitatem in inferioribus ut tibi declarabitur in secundo lib. de cœlo, & qm̄ præmissæ sunt causæ efficientes pncipales noticiæ conclusionis, ideo oportet ens esse prius, & magis notas apud demonstrantem quam in ipsa conclusio.

In hoc igitur sensu dicta propositio est infallibiliter uera quod si uolueris eam applicare causæ formali, aut materiali, aut effectiue instrumentali, aut finali, non ualeat, sed plerūque concludes falsum. Nam in causa formali non tenet, ut hic, nix est alba propter albedinem. Non sequitur, ergo albedo est magis alba, nec in causa materiali, ut hic. Homo est corruptibilis, pp̄ materiam. Non ualeat, ergo materia est magis corruptibilis. Nam ut tibi declarabitur in. i. physi. materia est incorruptibilis, & tamen propter eam omnia inferiora sunt corruptibilia, nec in causa efficiente instrumentali, ut hic. Artifex fabricat gladium propter maleum. Non sequitur, ergo maleus magis fabricat gladium quam artifex, nec in causa finali, ut hic. Sortes deambulat propter sanitatem, ergo sanitas magis deambulat. Constat igitur tibi in quo sensu ualeat prædicta propositio, & in quo non.

Quantum ad tertium principale, quod proposuimus

in principio huius capituli, aduerte quod ex eo quod determinauimus demonstrationem procedere oportere ex principiis prius, & magis cognitis quā conclusio, orti sunt duo errores circa scientiam apud antiquos, quorum utrumque reprobatur Aristoteles. Primus est eorum qui dixerunt quod si oportet demonstratio nem ad hoc quod acquirat scientiam de conclusione prius cognoscere & magis principia quā conclusionem, de nullo poterit haberi scientia, quia nulla conclusio poterit demonstrari.

Secundus autem error est eorum, qui dixerunt quod non obstante determinata ueritate de præcognitione principiorum, de omnibus potest haberi scientia, & omnis conclusio potest demonstrari.

Ratio primi erroris stat in hoc, supponitur quod nihil potest sciri nisi per demonstrationem, ita quod si aliqua propositio est indemonstrabilis, illa remanet incognita, & nescita.

Posita hac radice arguitur, sic principia ex quibus procedit demonstratio aut tendunt in infinitum, aut non, ita quod est status in illis, si primum, ergo nesciuntur prima principia, quoniam in infinito, & in processu in infinitum, non est dabile primum, cum igitur demonstratio debeat procedere ex primis & prius ac magis cognitis principiis quā sit cognita conclusio, sequitur quod de nullo erit demonstratio, ex præterea de nullo erit scientia, quoniam scientia per demonstrationem acquiritur, cum sit syllogismus faciens scire, ut superius declaratum est. Si secundum, ergo prima principia ad quæ est status, nesciuntur, nam nihil scitur, nisi per demonstrationem, sed prima principia non sunt demonstrabilia. Determinatum est. non. quod demonstratio procedit ex prioribus & notioribus, sed nihil est prius ac notius per quod possint demonstrari prima principia, aliter non essent prima si haberent priora, & notiora, ergo prima principia non possunt demonstrari, ergo nesciunt & ignorantur. Sed ignoratis primis principiis, ignoratur, & conclusio, cuius noticia pendet ex noticia clara primorum principiorum. Bene ergo sequitur quod siue principia demonstrationis tendant in infinitum siue non impossibile est de aliquo haberi scientia. Hæc fuit ratio authorum primi erroris, qui scilicet dicunt de nullo posse haberi scientiam.

Ratio autem authorum secundi erroris stat in hoc. Concesso quod scire sit tantum per demonstrationē, adhuc stat quod de omnibus potest haberi scientia, qm̄ de omnibus potest haberi demonstratio. Etiam de principiis quam de conclusionibus, qm̄ & si non possint omnia in directum demonstrari, possunt tamen per circulum, puta q̄ per principium demonstramus conclusionem, & per conclusionem demonstratam, demonstramus principium, modo quo declarabimus infra fieri demonstrationem circularem.

Utrunq; errorem reprobatur Arist. destruens utriusq; erroris radicem. Primi erroris radicem quæ fuit quod nihil scitur nisi per demonstrationem destruit dicēs, quod continet aliqua scire absq; demonstratione, sed sciuntur, ex clara euidencia terminorum, ita quod cognito significato terminorū statim, & absq; aliqua argumētatione illis assentimus & hæc sunt p̄ma p̄ncipia, quorum noticiā adeo clara, & firma est, quod est causa noticiæ omnium conclusionum.

Stant hoc fundamento q̄ aliquid scitur absq; demonstratione constat q̄ ratio authorum primi erroris nihil concludit. Nam conceditur q̄ non est processus in infinitum in principiis demonstrationis, sed est status ita quod est deuenire ad prima, & quando arguitur, ergo prima principia, nesciuntur, negatur p̄na, & ad probationem negatur quod nihil sciatur nisi per demonstrationem. Hoc enim verificatur solum de conclusione, sed non de principiis, qm̄ & si non demonstratione, tamen ex euidencia significati terminorū cognoscuntur, ut cognito quid significetur per totum, & per partem, statim innotescit nobis lumine intellectus agentis, quod totum est maius sua parte, & sic constat quod ratio authorum primi erroris nihil concludit.

Ratio autem authorum secundi erroris, longe minus concludit, qm̄ fundatur in falso, s. q̄ licet demonstrationem fieri circularem. Id namq; reprobatur Aristoteles satis diffuse in primo posteriorum, quo reprobo constabit rationem eorum esse penitus inuolidam. Quod autem non ualeat demonstratio circularis, probandum est ad mentem Aristotelis.

TRACTATUS VNDECIMVS

Sed ne per incognita procedamus prius declarandum est quid sit circulariter syllogizare & demonstrare. Tu igitur aduerte quod tunc circulariter argumentamur, quando primo probamus ex præmissis conclusionem, ut hic. Omne animal rationale est risibile, omnis homo est animal rationale, ergo omnis homo est risibilis. Deinde ex conclusione, ut principio, & minore conuersa, probamus maiorem, sic omnis homo est risibilis, omne animal rationale est homo (hæc est minor conuersa) ergo omne animal rationale est risibile, (& hæc fuit maior primi syllogismi.) & hic tibi constat quomodo committitur circulus, quoniam maior est probans in primo syllogismo, & in secundo est probata. Item quod fuit conclusum in primo syllogismo, sumitur ut concludens in secundo. Committitur igitur circulus ad similitudinē motus circularis naturalis. Nam sicut in illo est progressus ab eodem ad idem ut tibi manifestabitur in lib. 8. phys. sic in tali modo syllogizandi, procedit intellectus ab eodem propositione probante puta maiore, ad eandem probandam per regressum a conclusione ad eandem.

Declarato quid sit circulariter syllogizare probatur ad mentem Aristotelis in primo posteriorum, quod demonstrare per circulum sit pœnitus inutilis modus, & uanus, quoniam per ipsum non acquiritur scientia, quæ est finis demonstrationis ut docuimus supra.

Quod sic probatur, suppono quod in syllogismo circulari, idem sit conclusio. scilicet in primo syllogismo, & principium. scilicet in secundo syllogismo. Hoc iam manifestatum est. Suppono quod principium demonstrationis semper sit prius, & notius conclusio ne, & non solum quo ad nos, sed etiam simpliciter, & hoc in demonstratione potissima, & a priori, de qua hic intendimus, & hoc iam manifestauimus super notificantes diffinitionem datam de scire simpliciter, & diffinitionem datam de demonstratione per causam materiale. His suppositis arguitur sic, si fiat demonstratio circularis, ergo idem respectu eiusdem erit prius, & posterius non solum quo ad nos, sed etiam simpliciter, & erit notius ac ignotius. Sed hoc est impossibile, quoniam ut patet

Implicat contradictionem, ergo & demonstratio circularis erit impossibilis, & si fiat carebit sine suo, qui est acquisitio scia. Prima consequentia patet ex eo quod in demonstratio ne circulari idem est principium, puta minor in primo syllogismo, & ut sic est notius, & prius ex secundo supposito, & idem est conclusio. Scadema maior in secundo syllogismo, & ut sic est posterius, & minus notum, ut patet ex supradictis, ergo si fiat demonstratio circularis idem respectu eiusdem erit prius, & posterius notius, & ignotius simpliciter, & quoad nos, quod cum sit implicans contradictionem, & nullum tale sit admittendum, nec demonstratio circularis est admittenda. Constat igitur quod nec radix primi erroris, nec ea quæ est secundi erroris vere sunt. Veraque erga sua reprobata utpote extrema, tenenda est media quæ est Arist. sc. quod aliquorum est scia, & aliquorum non. Nam dicemus infra quod de ente necessario, & per se, potest haberi scia, non aut de ente contingenti, nec de ente per accidens.

Sed aduerte quod hic duo insurgunt dubia. Primum est circa illud quod dixit Aristotel. in reprobatione radices primi erroris. Dixit enim quod non omnis scientia acquiritur per demonstrationem, nam scientia primorum principiorum non acquiritur per demonstrationem: quoniam cum sint prima, non habent priora per quæ demonstrari possint. Sed ipsa scimus in quantum terminos cognoscimus. Sed ex hoc non uidetur saluari diffinitio data de scientia ab Aristotele in libro sexto ethicorum. Vbi vult quod scientia sit habitus conclusionis per demonstrationem acquisitus. Cum igitur diffinitio debeat competere omni contento sub diffinito, necesse est ut omnis scientia per demonstrationem acquiratur, & quoniam prima principia non possunt demonstrari, ideo sequitur quod non scientur.

Respondetur scientia in uia Aristotelis dupliciter sumitur, primo pro certa, & firma, & clara rei noticia quocumque modo habeatur, siue experimento sensus, siue euidencia terminorum, siue syllogismo demonstratiuo, secundo pro certa, & firma rei noticia, non quocumque modo habita, sed tã-

tum per demonstrationem. In primo sensu est scientia communiter dicta, in secundo autem est scientia proprie dicta, scilicet ut distinguitur a quolibet habitu intellectus, ut ab habitu primorum principiorum, & opinione, & arte & prudentia, & sapientia &c. In .1. posteriorum intendit de scientia in primo sensu, prout sub se continet habitum primorum principiorum tanquam euidentissimam noticiam ex terminis, & scientiam proprie dictam, quae causatur ex demonstratione. In sexto autem ethicorum intendit de scientia in secundo sensu, prout distinguitur ab habitu primorum principiorum, eo quod scientia proprie dicta causatur per demonstrationem. Habitus autem primorum principiorum causatur non ex aliquo discursu nec syllogismo, sed ex sola cognitione terminorum, & sic constat quod nulla est contrarietas inter dictum Aristotelis in primo posteriorum, & dictum eiusdem in sexto libro ethicorum.

Secundum dubium confurgit ex eo quod diximus in destructione secundi erroris, scilicet quod circulus fit in syllogizando, quando ex conclusione sumpta ut principio, & minore conuersa probamus maiorem, ut postquam conclusimus per primum syllogismum, omnem hominem esse risibilem reuertimur ad probandum maiorem. scilicet omne animal rationale est risibile, & conuertimus hanc minorem omnis homo est animal rationale. Sic autem conuertimus, omne animal rationale est homo, sed haec conuersio non ualet: quoniam ut docuimus in tractat. 3. agentes de conuersione uniuersalis affirmatiua non conuertitur in uniuersalem affirmatiua, sed in particularem affirmatiuam per conuersionem per accidens, ergo &c.

Respondetur, licet ordinarie, & uniuersaliter non conuertatur uniuersalis affirmatiua, in uniuersalem affirmatiuam: quoniam non ualet, omnis homo est animal, ergo omne animal est homo, tamen in particulari materia conuertitur, ut quando conuersa, & conuertens constant ex terminis conuertibilibus, sicut est in proposito, nam animal rationale, & homo, & risibile, sunt termini conuertibiles, & ideo cum in praedicto syllogismo tam primo, quam secundo sint tres propositiones uniuersales affirmatiue, formatae de terminis conuer-

tibilibus, possunt omnes conuerti. in uniuersalem affirmati-
uam, & sic patet quod obiectio facta nihil ualet. Concludit
enim de terminis non conuertibilibus, quales sunt homo, &
animal, & uniuersaliter species, & genus. Nos autem intendi-
mus de terminis conuertibilibus, quales sunt diffinitio, &
diffinitum, subiectum, & propria passio. Hæc de secundo ca-
pite dicta sint.

Caput tertium ex qualibus præmissis fiat
demonstratio potissima.

IN tertio capite declarandum est ex qualibus præmissis
fiat demonstratio potissima quæ est demonstratio pro-
pter quid. Nam ordo scientiæ requirit, quod postquam
declaratum est in capit. præcedenti ex quibus est tanquam
ex materia, puta quia est ex ueris primis immediatis, & no-
tiõribus, nunc declaremus earum qualitatem quæ habet ra-
tionem formæ, puta utrum præmisse demonstrationis de-
beant esse necessarie, & uniuersales, & per se, & secundum qd
ipsum. Hic igitur ad mentem Aristotelis sunt quatuor con-
clusiones probande. Prima est. Demonstratio propter qd
debet esse ex præmissis necessariis: secunda est, debet esse ex
præmissis quæ sint de omni, tertia est, debet esse ex præmis-
sis quæ sint per se, quarta est, debet esse ex præmissis, quæ
sint secundum quod ipsum.

Verum ne procedamus per incognita, & ne simus co-
acti idem sæpius repetere. Prius declarabimus quid sit pro-
positio necessaria, quid de omni, quid per se, quid secundum
quod ipsum. Deinde singulas conclusiones probabimus.

Tu igitur aduerte quod propositio necessaria est ea, quæ
ita est uera, quod non potest esse falsa, sed est immutabilis
ueritatis, ut omnis homo est rationalis. Nam sicut ens neces-
sarium est illud quod est, & non potest non esse, sic proposi-
tio necessaria est quæ est uera, & non potest non esse uera, &
in hoc distinguitur a propositione de possibili, & de contin-
genti, quæ potest aliquando esse uera, & aliquando falsa.

TRACTATVS VNDECIMVS

Proposito de oī loquende posterioristice est illa cuius prædicatum uerificatur de omni contento sub subiecto, & omni tpe ut homo est aīal, linea est longitudo, & breuiter: qñ prædicatum est diffō uel pars diffōnis subiecti, uel p̄priū eius dummodo subiectum sit terminus cōis de pluribus p̄dicabilis, siue p̄cedat signum v̄le affirmatiuum siue non. Vnde posterioristice ita est de oī ista, homo est aīal, sicut ista omnis homo est aīal. Dixi posterioristice, ut distinguatur, p̄positio de omni prioristica, ab ea quæ est posterioristica. Nam non est de omni prioristica, nisi præponatur subiecto signū uniuersale nec est necesse quod prædicatum omni tempore dicatur de subiecto, sed sufficit quod dicatur de omni contento sub subiecto. Vnde hæc est de omni prioristica, oīs homo currit, non autē posterioristica, & hæc non est de omni prioristica, homo est animal, sed est indefinita, est autem de omni posterioristica: quoniam prædicatum dicitur de omni cōtento sub subiecto, & omni tempore, & aduerte quod oīs propositio de omni posterioristica, est necessaria, sed nō ecōuerso. Nam hæc necessaria est. Deus est, & ista. Sortes est homo, & tamen non sunt de omni: quoniam subiectum est terminus discretus, qui non est communis pluribus, nec actu, nec aptitudine. Constat igitur tibi quid sit propositio de oī posterioristica, de qua solum hic intendimus.

Propositio per se est illa, cuius prædicatum est diffō, uel pars diffōnis subiecti, uel econuerso. i. cuius subiectum est de diffōne prædicati, uel cuius subiectum exprimit causam p̄dicati. Vnde omnes iste sunt per se, homo est animal rōnale, homo est risibilis. Interfectus interiit interfectione. Album albet albedine, medicus medicatur arte medicatiua &c. Pro quorum noticia aduerte quod Aristoteles in primo posteriorum assignat quatuor modos per se, ex quibus primus, & secundus, & quartus sunt modi prædicandi per se, tertius autem est modus existendi per se.

Primus est, quando prædicatum inest subiecto, ut diffinitio uel pars diffinitionis, siue in recto, siue in obliquo, exemplum primi. Homo est animal rationale mortale, exemplū
secundi.

secundi. Homo est animal, exemplum tertii. Triangulus est figura exemplum quarti. Triangulus est ex tribus lineis facientibus angulos.

Secundus est, quando subiectum est de diffōne prædicati & ipsum subiectum est propria materia receptiua prædicati & prædicatum est proprium siue proprietas subiecti in quo modo dicendi proprium. Vnde iste sunt per se in secundo modo. Homo est risibilis, linea est recta uel curua numerus est par uel impar.

Tertius modus per se, qui est modus existendi potius quam prædicandi est: quando ly per se dicit solitudinem. i. negat cōsortium a subiecto: ut quando sorte solus est in domo, dicitur sortes per se. i. non cum alio est in domo; & quā quis aliqd sine socio opatur dicitur per se hoc tertio modo, ut sortes per se trahit nauem. i. solus, & sortes per se cantat. i. non cum alio, & quando subiectum nō est in alio nec dī de alio. Vnde hoc tertio modo primæ subæ sunt per se: quā nec dīr de inferiori, ut secundæ substantiæ, nec sunt in subiecto ut accētia.

Quartus modus per se est, quando subiectum exprimit causam prædicati, ut interfectus interiit interfectione. Interfectio enim est propria causa interitus, & ideo hæc propositio est per se, quarto modo. Interfectus interfectione interiit. Si autem subiectum non exprimit causam prædicati, nec est propria causa prædicati, propositio erit per accidens, ut hic. Sorte ambulante corruscauit. Neque enim ambulatio sortis est propria nec per se causa corruscationis.

Et aduerte quod in hoc quarto modo sunt aliquæ propositiones essentialiter, & aliquæ reductiue, essentialiter quidē sunt istæ. Medicus sanat, edificator edificat, & grotans moritur. Nam subiectum dicit manifestæ causam propriam prædicati. Nam si quærat, propter quid medicus sanat, respondetur quia est medicus. Hæc autem est per accidens homo sanat, quia homo ut homo non sanat, sed in quantum medicus, &c. Reductiue autem sunt iste. Risibile ridet. Visibile uidetur. Oculus uidet, auditus audit. Audibile auditur. Tangibile tangitur, & per oppositum istæ sunt per accidens Poli-

TRACTATUS VNDECIMVS

cletus facit statuam, album ædificat. Nō enim Policletus ut Policletus, sed ut artifex talis, facit statuam, nec album ut album, sed ut ædificator ædificat. Constat igitur tibi quid sit propositio per se, & quod sint modi per se, & aduerte qđ sicut omnis propositio posterioristica de omni est necessaria ita est per se, sed non econuerso. Nam hæc est per se. Hic homo est animal. & tamen non est de omni cum sit discreta, & hæc est per se sortes est risibilis, & hæc. Hic interfectus interit, & tamen non est de omni, ut patet.

Propositio secundum quod ipsum, est illa quæ est de oī, & per se, cuius prædicatum conuenit subiecto adæquate & primo, i. conuertibiliter & non per aliud, sed inquantum tale, & per seipsum. Quod prædicatum dicitur uniuersale posterioristicum, ut hæc est secundum qđ ipsum. Triangulus habet tres angulos æquales duobus rectis, & hæc, homo est risibilis, & breuiter quodocunq; prædicatum conuenit subiecto, inquantum tale, & non propter aliquid aliud est propositio secundum quod ipsum. Si autem conuenit subiecto nō per seipsum, sed per aliud non est propositio secundum qđ ipsum. Vnde hæc non est secundum seipsum figura habet tres angulos: quoniam figura non inquantum figura, sed inquantum hæc figura puta inquantum triangulus habet tres angulos. Nec ista est secundum quod ipsum, ysochelles habet tres angulos: quoniam ysochelles non inquantum ysochelles, sed inquantum triangulus habet tres angulos. Tu igitur aduerte pro regulæ generali, quod quodocunq; prædicatum uerificatur de subiecto adæquate, & reduplicato super seipsum, sit propositio secundum seipsum, ut hic, homo inquantum homo est rationalis, est risibilis, est stature recte. Hæc autem non est sed seipsum. Homo inquantum homo est animal: quoniam prædicatum non adæquatur subiecto, nec conuenit homini inquantum homo, i. ratione qua hō, sed ratione qua animatum sensituum est animal.

Diximus quod propositio secundum quod ipsum est de omni: quoniam cum prædicatum adæquetur subiecto, cōuenit omni contēto sub subiecto, nam bene sequitur hō inquantum

tum homo est risibiles, ergo omnis homo est risibilis. Quod .n. conuenit alicui tali in quantum tale, conuenit omni tali.

Diximus q̄ est per se: qm̄ in p̄positione secundum q̄ ipsum, p̄dicatum est diffinitio uel de diffinitione subiecti, & sic est p̄mus modus p̄ se, uel est p̄prietas seu habens modum p̄prietatis, & sic est in secundo modo per se.

Diximus, quod p̄dicatum est uniuersale posterioristicum p̄ cuius noticia aduerte quod uniuersale sumitur dupliciter primo p̄ quolibet superiori respectu sui inferioris, i quo sensu dicitur genus esse uniuersale respectu suarum specierum, & species respectu suorum indiuiduorum, & in hoc sensu locuti sumus de uniuersale in trac. de p̄dicabilibus, secundo sumit p̄ p̄dicato adæquato, & conuertibili cum subiecto, q̄ dicit uniuersale nō quia sit in multis aut dicatur de multis, hoc enim est uniuersale in p̄mo sensu, sed quia est uersum, & receptum in uno subiecto, extra quod non inuenitur, ut quia risibile, & rationale est receptum in solo homine, ita quod extra hominem non inuenitur, dicitur p̄dicatum uniuersale de homine. Idem intellige de habere tres respectu trianguli, & esse parem uel imparem respectu numeri, & in hoc secundo sensu intendit Aristoteles de uniuersali in primo posteriorum: quādo dicit, uniuersale autem dico quod cum de omni sit, & per se, & secundum quod ipsum est.

Viso quæ sit p̄positio necessaria, & quæ de omni, & quæ p̄ se, & quæ secundum quod ipsum, p̄bandum est p̄mo qđ demonstratio potissima, & absoluta sit ex p̄missis necessariis, secundo q̄ sit ex p̄missis de omni tertio quod sit ex p̄missis p̄ se, quarto q̄ sit ex p̄missis secundum q̄ ipsum.

Primum p̄bat sic demonstratio potissima est ex his quæ non possunt aliter se habere, ergo est ex necessariis, p̄ntia patet ex ratione necessariis. Antecedens p̄batur, demonstratio potissima est syllogismus faciens scire, ut patet ex diffinitione data de demonstratione p̄ causam finalem. Sed scire est rem: id est conclusionem cognoscere p̄ causam: id est per p̄missas quæ non possunt aliter se habere, ergo demonstratio potissima est ex p̄missis quæ non possunt aliter se

habere, ex consequenti est ex præmissis necessariis.

Secundum probatur sic. Demonstratio potissima est ex præmissis quarum prædicatum uerificatur de omni contento sub subiecto, & semper, & infallibiliter, ergo est ex præmissis de omni, patet consequentia ex diffinitione superius data de propositione de omni. Antecedens autem probatur quoniam si in præmissis assumptis in demonstratione potissima prædicatum non uerificaretur de omni contento sub subiecto, & semper, & infallibiliter, non esset demonstratio ex necessariis ut patet. Sed conclusum est demonstrationem potissimam esse ex necessariis, ergo &c.

Tertium probatur sic Conclusio demonstrationis potissima est propositio per se, ergo præmissæ debent esse per se. Cōsequentia quidem patet: quoniam sicut non scitur conclusio uera nisi ex præmissis ueris, sic non demonstratur conclusio per se nisi ex præmissis per se, licet enim possit syllogizari ex præmissis per accidens, non tamen demonstrari, nec sciri, nisi ex præmissis per se. Antecedens autem declaratur sic de mente Aristotelis. Conclusio demonstrabilis est propositio cuius prædicatum se habet ad subiectum, ut propria passio uel habens modum passionis. Sed quando prædicatur propria passio de subiecto, est propositio in secundo modo per se ut declaratum est supra, ergo conclusio demonstrationis potissime est propositio per se. Quot uero modi per se ingrediantur demonstrationem potissimam dicemus alias.

Quartum probatur sic. Demonstratio constat ex duabus præmissis, & conclusione quæ sunt propositiones per se ut dictum est, quarum termini sunt cōuertibiles, & adæquati ut patet hic. Omne animal rationale est risibile. Omnis homo est animal rationale, ergo omnis homo est risibilis. Sed quando termini sunt cōuertibiles, & adæquati, præmissæ sunt secundum quod ipsum, & earum prædicatum est uniuersale posterioristicum, ut docuimus, ergo demonstratio potissima de qua tantum nunc intendimus est ex præmissis secundum quod ipsum, & cōfirmatur quia ut declarabimus infra demonstratio huiusmodi fit in prima figura in primo

modo, & maior constat ex diffinitione subiecti, & ppria eius passione, ut omne animal rationale est risibile. Minor autem constat ex diffinito, & diffōne, ut omnis homo est animal rationale. Conclusio uero constat ex subiecto, & sua passione ut ergo omnis homo est risibilis. Constat autem quod isti tres termini, homo, animal rationale risibile, sunt adæquati, ergo constituunt propositiones secundum quod ipsum. Hæc de tertio capite dicta sint.

Caput quartum, ex quibus & qualibus non est demonstratio.

IN quarto cap. inuestigandum est ex quibus, & qualibus non est demonstratio. Nam ex quo in præcedenti cap. inuestigatum est, ex quibus, & qualibus est, consequens est inquirere ex quibus, & qualibus non sit. Hic igitur ad mentem Arist. quinque conclusiones determinandæ sunt prima est. Demonstratio non est ex contingentibus neque possibilibus aliter se habere, secunda est. Demonstratio non est ex his quæ sunt per accidens, tertia est, demonstratio non est ex extraneis quarta est. Demonstratio non est ex corruptibilibus quinta est. Demonstratio non est ex principiis communibus.

Prima conclusio probatur sic ad mentem Aristotelis. Demonstratio potissima est ex præmissis necessariis, ergo non est ex contingentibus, neque possibilibus aliter se habere. Consequentia patet, quoniam necessarium, & contingens opponuntur, ergo si est ex necessariis, non est ex contingentibus. Antecedens uero tripliciter probatur de nouo licet, & in ea præcedenti iam probatum sit, tamen pro maiori doctrina iterum probandum est.

Primo sic. Demonstratio est ex his quæ sunt per se, ut probatum est in cap. præcedenti, ergo est ex necessariis. Patet consequentia, quoniam omnis propositio per se est necessaria, prædicatum enim semper, & immutabiliter dicitur de subiecto ut homo est animal rationale, homo est risibilis.

Secundo sic. Conclusio demonstrationis est necessaria, quoniam est ea quæ scitur per demonstrationem. Sed quod scitur non potest aliter se habere per diffinitionem ipsius scire, ergo quod scitur, id est ipsa conclusio est necessaria, ergo

est ex præmissis necessariis. Probatur pñā, qm̄ ut tibi declarabitur in. 2. phy. conclusio comparatur ad præmissas ut effectus ad causas, sed effectus necessarius non potest esse a causa contingenti aliter effectus esset potior quam sua causa, ergo conclusio non potest demonstrari nisi per præmissas necessarias. Dico demonstrari, qm̄ ut inquit Aristo. Contingit syllogizare necessarium ex non necessariis, sicut uerum ex non ueris, non autem demonstrare, exemplum primi, omne currens est animal, omnis homo est currens per casum, ergo omnis homo est animal, exemplum secundi, omnis lapis est animal omnis homo est lapis, ergo omnis homo est animal.

Tertio sic, & est argumentum a signo. Dicit Arist. signum autem est qd demonstratio sit ex necessariis, qm̄ quando uolumus inferre instantias contra arguentem quando disputamus, dicimus. Tu non demonstras, etiam quod opineris te demonstrare, qm̄ tu non procedis ex necessariis, ergo constat quod oportet demonstrationem esse ex necessariis, aliter non distingueretur simplex syllogizator a demonstratore. Hinc patet inquit Arist. qd stulti sint sophistæ illi qui existimant se demonstrare, & sciam acquirere, si habeant principium probabile, & uerum. Seipso decipiunt qm̄ non acquiritur scientia est quæ est certa, & euident de conclusione noticia per principium probabile uerum, sed per necessarium infallibiliter uerū. Constat ergo demonstrationē nō esse ex contingentibus nec possibilibus aliter se hñe, sed ex necessariis.

Secunda conclusio, scilicet quod demonstratio non sit ex præmissis quæ sunt propositiones per accidens probatur tripliciter ad mētem Aristotelis, sed aduerte quod Aristoteles per ly per accidēs intendit de propositionibus quarum prædicatum est accidens commune siue separabile, siue inseparabile, quæ sunt in quinto prædicabili, de quo actum est in tracta. de prædicabilibus. De his enim non habetur demonstratio neque scientia, quoniam possunt adesse, & abesse præter subiecti corruptionem, modo quo exposuimus in prædicto trac. ergo possunt aliter se habere ex consequenti non possunt sciri ex diffinitione ipsius scire. Non ergo intendit

Aristote. de accidente proprio quod fuit ex natura rei, quale est risibile in homine sinum, & aquilum in naso, crispum in capiti. Siccum leue simpliciter, & calidum in summo in igne. Ista enim, & si sint accidentia, & in prædicamento qualitatibus quo ad entitatem, tamen constituunt propositionem per se in secundo modo per se, & semper insunt subiecto emanantia a principiis subiecti, & ideo de eis potest esse scientia, & per ea, & de eis potest esse demonstratio. Declaratis igitur his probatur præposita conclusio tripliciter.

Primo sic omnis uera demonstratio est ex præmissis, & conclusione necessariis quæ infallibiliter sunt ueræ, ita quod non contingit earum prædicata aliquando inesse, & aliquando non inesse, sed semper & immutabiliter inesse. Sed propositiones per accidens, non semper, & infallibiliter sunt ueræ, quoniam earum prædicatum contingit adesse, & abesse propter subiecti corruptionem, loquendo de accidentibus cõibus ut nunc intendit Aristoteles. ergo constat quod demonstratio non potest esse ex præmissis per accidens nec de conclusione per accidens. Vnde de hic non potest haberi demonstratio, homo est albus. The saurus inuenietur in agro. Sub cane pluet ægrotus sanabitur fortes adiscens erit perfectus philosophus.

Secundo probatur sic. Omnis demonstratio est ex præmissis per se, & secundum quod ipsum, ut manifestatum est in cap. præcedenti. Sed propositiones per accidens, quæ cõstant ex accidentibus communibus, ut docuimus non sunt, nec possunt esse præmissæ per se, ergo ex eis non potest fieri demonstratio.

Tertio probatur sic, omnis uera demonstratio, & potissima de qua hic solum intendimus, facit scire per se per causam, & propter quid, ut docuimus in secundo capiti. Sed syllogismus procedens ex præmissis per accidens, non facit scire per se, per causam, per propter quid. Nam quoniam syllogismus est ex præmissis per accidens, neque maior extremitas inest medio per se, neque medium inest minori extremitati per se ut patet hic. Omne currens est album, omnis homo est currens, ergo omnis homo est albus. Nam casu dato quod om-

nis homo sit currens, & omnis homo sit albus, & omne album sit currens. Neq; album inest per se currenti, neq; currens inest per se homini, ergo &c. Constat ergo quod demonstratio non est & his quæ sunt per accidens.

Tertia conclusio. scilicet quod demonstratio non sit ex extraneis probanda est ad mentem Aristotelis. Sed antequam probetur duo prænotanda sunt, primo quid sit demonstrare ex extraneis & ex propriis, secundo duo supponenda sunt.

Quantum ad primum aduerte quod tribus modis possumus imaginare demonstrationem esse ex extraneis, primo quando probatur passio extranea a subiecto, ut si geometra uelit probare lineam, a. esse pulcrā uisu. Nam pulcrum aut de formæ uisu non est de consideratione geometræ, sed prospectiui, rectum aut obliquum est passio propria, lineæ ut cadit sub scientia geometrica. Vnde geometra probat pulcrū uisu de linea, tendit ad extranea, qui autem probat curvū aut rectum de ea sistit in propriis, secundo quā in aliqua scientia probatur aliquid de subiecto alterius scientiæ, ut si geometra probat aliquid de numero quod est subiectum Arithmeticæ, uel de ente aut corpori mobili, quod non consideratur a geometra, sed physico, tertio quando in aliqua scientia probatur conclusio spectans ad illam scientiam non per medium proprium illius scientiæ, sed per medium spectans ad aliam scientiam, ut si physicus probet aliquam suam conclusionem per medium mathematicū, aut metaphysicum. His ergo tribus modis contingit demonstrationem fieri nō ex propriis, sed ex extraneis, sed tertius modus est proprie ad intentionem Aristotelis.

Quantum ad secundum aduerte duo supposita quæ præponit Arist. antequam ad probationem præpositæ conclusio nis deueniam, primum est quod in omni demonstratione tria sunt. Primum est conclusio quæ demonstrat, puta, omnis homo est risibilis, cuius prædicatum est propria passio, quæ per se inest subiecto, sicut sunt dignitates. id est. principia ex quibus probatur conclusio, tertium est subiectum de quo demonstratur passio puta triangulus de quo demonstratur habere tres angulos &c. Secū-

dum suppositum est quod licet eadem sint pñcipia cōia quæ dignitates appellantur diuersis scientiis puta hoc pñcipium. Omne totū est maius sua parte, & hoc. Si ab equalibus equalia denias, residua sunt æqualia. Sūt cōia geometre & Arithmetico. Nam uerificantur de lineis, & numeris tamen idē subiectum non est cōe diuersis scientiis. Sed quælibet scientia habet pñcipium subiectum iuxta quod distinguitur a quacūq; alia. Sed hoc tibi manifestabitur infra. His pñmissis probatur sic conclusio pñposita. Non conuenit demonstrātem descendere de uno genere in aliud genus, ia est de scientia in scientiam distinctam genere a scientia in qua est demonstrans puta non licet demonstrāti descendere de geometria in arithmetica, aut de physica in moralem, aut de logica in physicam, sed sistere in terminis & pñcipiis sue scientiæ, ergo non conuenit demonstrationem fieri ex extraneis sed ex propriis. Consequentia patet qm̄ si aliqua demonstratio posset esse ex extraneis, hoc maxime esset ex eo quia esset terminorum diuersarum scientiarum ex descensu unius artificis a propria sciētia ad aliam distinctam omnino, puta a geometria ad physicam. Dico omnino ut pñferuē descensum a scientia subalternāte ad scientiā subalternatam. Nā hic de scēsus, licet ut tibi manifestabitur infra. Antecedens autem tripliciter probatur, primo ex parte subiecti, secūdo ex parte medii, tertio ex parte passionis.

Ex parte subiecti sic. Si licet demonstrantem descendere de genere in genus ex parte subiecti, ergo liceret Arithmetico demonstrare aliquid contentum sub quantitate continua, quæ ē subiectum geometrie, puta quod circulus caret angulis, sed hoc est falsum, quia continuum de quo est geometria, & arithmeticum de quo est Arithmetica sunt duo genera subalterna quantitatis, quorum unum non ponitur sub alio, ergo non licet demonstrantem in Arithmetica, descendere in geometriam ex parte subiecti, puta probando aliquid de continuo, quod non est subiectum, nec cōtinetur sub subiecto Arithmeticiæ.

Ex parte medii sic. In omni demonstratione oportet

TRACTATVS VNDECIMVS

quod medium per quod probatur conclusio, & extrema id est maior & minor extremas, sint eiusdem generis quoniam debent de seinuicem uerificari per se & sicut quod ipsum, ut docuimus supra. Sed passionēs & subiecta diuersarum scientiarum sunt diuersorum generum, nam sicut differunt genere linea & ternarius sic eorum passionēs, quæ sunt rectum & curuum, par uel impar. Ergo eis non potest applicari unum commune medium per quod probetur passio de linea, & passio de ternario, non tale communem medium aut falso prædicaretur de utraque aut per accidens.

Tu tamen aduerte quod ut declarabimus infra, quando una scientia subalternatur alteri, ut prospectiua geometrie, & musica Arithmetice, licet ex principiis subalternantis aliquid demonstrare in subalternata, quoniam subiectum subalternate continetur sub subiecto subalternantis, ut tibi declarabitur infra, nec tunc est de sensu de genere in genus sed de genere quasi in speciem generis, ut quando descendimus de linea simpliciter quæ consideratur a geometra, ad lineam uisualem quæ consideratur a prospectiuo.

Ex parte passionis sic in omni demonstratione passio prædicatur per se de suo subiecto, ut in geometria, habere tres per se prædicatur de triangulo, sed passio subiecti unius scientiæ, non prædicatur per se sed aut nullo modo aut per accidens de subiecto alterius scientiæ. Nam ut exemplificat Aristoteles, non spectat ad geometram demonstrare lineam rectam esse pulcherrimam linearum quoniam esse pulchrum non prædicatur per se de linea, sed esse curuum aut rectum. Nec spectat ad eundem demonstrare quod linea recta contrariatur circulari, quoniam contrarietas non est de consideratione geometriæ, sed metaphysici ut tibi declarabitur in libro decimo metaphysicæ. Constat igitur tibi quod non licet. Demonstranti descendere de uno genere scientiæ in aliud genus scientiæ tamen, ex parte subiecti quam medii & passionis, sed oportet ipsum uersari tantum circa proprium subiectum & proprias passionēs sui subiecti, & circa propria media, ex quibus habet demonstrare proprias passionēs de pro

prio subiecto. Hinc sequitur corollarie paucissimos esse uerā scientes, quoniam pro maiori parte, credentes se demonstrare procedunt non ex propriis sed ex extraneis, & præcipue ex mediis extraneis aut communibus, ut declarabimus infra.

Quarta conclusio. sc. quod demonstratio non sit ex corruptibilibus probatur tripliciter ad mentem Aristotel. deinde remouendum est quoddam dubium.

Primo probatur sic. Conclusio ueræ demonstrationis est perpetua & incorruptibilis, ergo est ex præmissis perpetuis & incorruptibilibus quæ scilicet sunt perpetuæ ueritatis. Consequentia patet, quoniam sicut non potest demonstrari conclusio necessaria ex præmissis contingentibus ut docuimus supra, sic non potest demonstrari conclusio perpetua, & incorruptibilis ex præmissis non perpetuis, & corruptibilibus, aliter semper uerum demonstraretur ex non semper uero, quod patet esse impossibile. Antecedens autem sic probatur. In demonstratione potissima de qua hic intendimus, conclusio constat ex propria passione & proprio subiecto ut homo est risibilis. Triangulus habet tres angulos. Sed propria passio semper conuenit proprio subiecto & omni contento sub eo, cum sit proprium quarto modo, ergo constituunt propositionem perpetuæ ueritatis, quæ est conclusio demonstrationis potissimæ. Constat ergo ueram demonstrationem esse de conclusione perpetua, & incorruptibili, & ex præmissis perpetuis. Non ergo demonstratio est corruptibilium, nec ex parte conclusionis nec ex parte præmissarum.

Secundo probatur sic. Omnis demonstratio potissima est de his & ex his quæ sciuntur per se & non per accidens. Nam omnis propositio per se scitur per se cum sit immutabilis ueritatis. Dictum est autem tam conclusionem quam præmissas demonstrationis potissimæ esse propositiones per se, ergo sciuntur per se. Sed corruptibilia, ut corruptibilia non sciuntur per se sed per accidens, quoniam cum sint singularia non directe patet reflexe intelliguntur ergo uia

TRACTATVS VNDECIMVS

sciunt per se cum sint perpetua, & singularia sciunt per acci-
dens, cum sint corruptibilia, loquendo de singularibus na-
turalibus inferioribus. Ergo demonstratio non est de corru-
ptibilibus nec ex corruptibilibus.

Tertio probatur sic Omnis demonstratio potissima est
ex his quæ sunt de omni posterioristico ut docuimus supra.
Sed corruptibilia nō sunt de omni posterioristico. Nō enim
semper sunt, sed aliquando sic aliquando non, aliter non es-
sent corruptibilia. De omni autem posterioristicam, impor-
tat sempiternitatem temporis & universalitatem supposito-
rum. Ergo demonstratio potissima non est corruptibilia.

Et aduerte quod apud Aristotelem ex prædicta conclusio
ne infertur hoc corollarium. Sicut demonstratio non est
corruptibilem sic nec diffinitio. Nam diffinitio aut est prin-
cipium demonstrationis, ut quādo est medium per quod de-
monstratur conclusio ut per rationale demonstratur homi-
nem esse risibilem, aut est tota demonstratio positione, id est
ordine differens, ut quādo de re datur duplex diffinitio una
per materiam alia per formam siue per finem. Nam ea quæ
per materiam datur, & conclusio demonstrationis, quæ au-
tem per formam est medium, Verbi gratia. De ira datur du-
plex diffinitio. Vna per materiam, quæ est hæc. Ira est accen-
sio sanguinis circa cor. Altera per finem, quæ est hæc. Ira est
appetitus uindictæ. Et his duabus potest aggregari una quæ
erit hæc. Ira est accensio sanguinis circa cor, propter appeti-
tum uindictæ, & hæc est uirtualiter tota demonstratio licet
differat positione, id est ordine quia ut sic nundum est dispo-
sita in modo & in figura syllogismi. Si autem sumatur diffi-
nitio per materiam pro conclusione, & ea quæ est per for-
mam pro medio, tunc fiet demonstratio ordinata in modo
& in figura ut hic. Omnis appetitus uindictæ est accensio san-
guinis circa cor. Sed ira est appetitus uindictæ. Ergo ira est
accensio sanguinis circa cor. Cum igitur diffinitio sit uirtua-
liter ipsa demonstratio, aut principium id est medium demon-
strationis, sicut demonstratio nō est corruptibilem, sic nec
diffinitio, ex consequenti nec scientia.

Probata igitur quarta conclusione, & ex ea deducto corollario, aduerte quod Aristoteles contra determinata mouet dubium & soluit. Dubium quidem est tale. Dictum est demonstrationem non esse corruptibilem quæ aliquando sunt, aliquando nō sunt, sed perpetuorum quæ semper sunt. Ex hoc ergo sequitur de eclipsi lunæ, & solis, & de tonitruo, & de naturalibus nullam posse fieri demonstrationem neque haberi scientiam, quoniam constat quod non semper sunt, sed aliquando sic, aliquando non.

Ad hoc respondens Aristoteles inquit quod secundum quod sunt huiusmodi, id est secundum quod de eis habetur demonstratio & scientia, semper sunt secundum autem quod sunt particularia in se considerata, de eis non habetur demonstratio nec scientia. Pro cuius solutionis notitia aduerte quod defectus lunæ & solis, & res naturales inferiores dupliciter considerari possunt, primo in se & in singulari, puta hæc eclipsis in quantum hæc, & hæc rosa in quantum hæc. Secundo per respectum ad causam suam naturalem. Primo quidem modo constat quod non sunt semper, quoniam hæc uel illa eclipsis, & hæc uel illa rosa per determinatum tempus habet esse, quo transacto non sunt: & ut sic de eis non est demonstratio nec scientia. Secundo autem modo, dicuntur esse semper, nam causa eorum est certa & determinata & sufficiens, ita quod ea posita infallibiliter sequitur effectus, puta causa eclipsis lunæ est interpositio diametralis terræ inter solem & lunam, & causa eclipsis solis, est interpositio lunæ inter solem & aspectum nostrum ut tibi declarabitur in tracta. sphaeræ, quibus causis positis & quandoque ponuntur, infallibiliter sequitur eclipsis, & ut sic de eis habetur demonstratio & scientia quoniam ut sic infallibiliter determinatis temporibus existunt semper. De naturalibus autem puta de rosa aut nite aut tonitruo eodem modo dicendum est. Nam licet in se considerata & ut singularia sunt, non sint semper, tamen relata ad causas suas uniuersales remoto impedimento, determinato tempore sunt semper ut in uere semper generatur rosa, in estate to-

TRACTATVS VNDECIMVS

nitruum in hieme nix &c. Constat ergo quomodo scientia & demonstratio est eorum quæ sunt semper, & non est corruptibilem.

Quinta conclusio scilicet quod demonstratio non est ex principiis communibus probatur quia simpliciter ad mentem Aristotelis. Sed antequam probeatur aduerte quod per principia communia intendit prima & uniuersalia principia quas dicimus dignitates, & quæ diuersis scientiis applicari possunt. Verbi gratia. Omne totum est maius sua parte non sunt opposita in eodem. Vbi est maius & minus, ibi est equale. Hæc enim possunt applicari conclusioni geometricæ & arithmeticæ & physicæ &c. Sed id tibi plenius declarabitur in cap. sequenti. His prænotatis probatur conclusio præposita quatuorupliciter.

Primo sic, nulla principia communia faciunt scire per se & simpliciter id quod demonstratur sed tantum in confuso. Omnis demonstratio potissima facit scire per se & simpliciter & non tantum in confuso id quod demonstratur, ergo nulla demonstratio potissima & ex principiis communibus sed propriis. Minor patet ex diffinitione superius data de demonstratione potissima. Major autem sic declaratur, scire rem per principia communia, est scire in genere sicut quid scit hominem in quantum est substantia & nõ ultra, scire autem per principia propria est scire in specie ut quando scitur homo per rationale, quod est scire distincte & simpliciter, ut igitur demonstratio potissima faciat scire per se & simpliciter, non sufficit quod sit ex ueris cõibus, sed ex ueris propriis indemonstrabilibus & immediatis id est proximis.

Secundo sic, si sufficerent principia cõia ad demonstrandum, ergo Brisso demonstrasset quadraturam circuli id est quadratum æquale circulo, quod est falsum, probatur consequentia. Brisso assumebat hoc principium commune. Vbi est dare maius & minus, est dare æquale. Deinde subsumebat. Sed est dare quadratum maius circulo, puta si figuratur circulus intra quadratum, Et est dare minus quadratum circulo, puta si describatur quadratum in circulo ut hic.

Ergo est dare quadratū æquale circulo. Sed quod Brisso nō demonstraret patet ex eo quod hoc principium. Vbi est dare maius & minus, &c. est commune geometræ & arithmetico, eodem enim principio probari potest quod ubi est, maior & minor numerus, est et dabilis æqualis. Idem intellege apud physicum de uelocitate & tarditate motus, & apud morālē de maiori & minori uitio ac uirtute. Cum igitur illud principium non sit proprium geometræ. Non facit scire simpliciter & per se, ideo Brisso non demonstrauit intencum suum.

Tertio sic, probatum est demonstrationem non esse ex principiis extraneis nec diuersorum generum. i. quæ ad diuersa genera sciærum possunt applicari, sed sunt ppria illi sciæ in qua assumuntur, ut diffō figuræ & unitatis & numeri, sunt ppria in scientiis in quibus consideratur figura puta geometriæ, & unitas, & numerus puta arithmeticæ. Sed principia communia sunt extranea, & diuersorum generum, applicatur enim scientiis distinctis genere, puta hoc principium. Si ab æqualibus æqualia demas, quæ remanent sunt æqualia, potest applicari magnitudini & mortui & tpi & numero, ergo ex principiis cōibis non potest fieri demonstratio.

Quarto sic. In omni uera demonstratione oportet quod medium. i. principium per quod demonstratur conclusio, & extrema ex quibus constat conclusio. i. maior & minor extremitas sint æque proxima & eiusdem generis. Declaratū est enim supra quod non licet demonstranti descendere de genere in genus & maxime ex parte medii, nisi in scientiis subalternantibus & subalternatis de quibus loquemur infra. Sed principia communia, per quæ probatur conclusio in aliqua particulari scientia, non sunt æque proxima. Nec eiusdē generis cum extremis, aliter non possent applicari distinctis

TRACTATUS VNDECIMVS

conclusionibus diuersarum scientiarum, ergo demonstratio non potest esse ex principiis communibus, sed ex propriis aliter nunquam erit uera & potissima demonstratio.

Constat ergo demonstrationem ueram, & potissimam, non esse ex principiis communibus sed propriis, & proximis, & quæ sint eiusdem generis cum conclusione quæ demonstratur.

Et aduerte quod Aristoteles ex præposita & probata conclusione deducit quatuor corollaria.

Primum est. Quælibet scia particularis ut physica, geometria & arithmetica, respicit metaphysicam, ut superiorē, quoniam ipsa probat principia propria sciarum particularium. Scia enim particulares non probat principia sua, sed supponunt ea ut uera, & tamen cum non consistant ex terminis communissimis, ut primæ dignitates, probabilia sunt, & cum non probentur, sed supponantur a scia particulari in qua sunt principia propria, nec in alia scia particulari, quoniam non est maior ratio in una, quam in alia, immo minor. Nā si non probantur in ea in qua sunt principia, multo minus in quacunque alia particulari: in qua non sunt principia, spectat ergo eorum probatio ad superiorem sciam, quam particulares respiciunt, ut regnam, & hæc est metaphysica, ut tibi declarabitur in quarto metaphysicæ & in sexto.

Secundum est, quod metaphysica est magis & maxime scientia super omnes alias particulares. Nam ipsa pro subiecto habet ens inquantum ens, particulares autem scientiæ habent pro subiecto partem entis, puta ens naturale siue mobile ut physica, ens quantum continuum ut geometria, ens quantum discretum ut arithmetica & hoc tibi declarabitur in quarto metaphysicæ. Item metaphysica uersatur circa uniuersalissimas & primas causas, particulares autem circa particulares causas. Et hoc tibi declarabitur in prooemio primi metaphysicæ. Item finis metaphysicæ est diuinorum entium cognitio, particularium autem finis & cognitio naturalium entium, aut entis quanti continui, aut entis discreti. Ex omnibus ergo his, constat metaphysicam esse maximā scientiam

scientiam super omnes alias particulares, ideo Aristoteles in præmio primi Metaphysicæ uocat eam sapientiam, & deam scientiarum.

Tertium est Metaphysica descendit in omnes sciētias particulares sicut Geometria in prospectiuam, & Arithmetica in musicam, sicut enim Geometria probat principia pspēctiue, & Arithmetica musice, sic Metaphysici probat stabilitudo principia scientiarum particularium. Item omnia subiecta aliarum scientiarum sunt ueluti partes subiectiue subiecti metaphysicæ, ut tibi declarabit in quarto metaphysicę. Item metaphysica considerat de omnibus terminis scientiarum particularium puta de substantia ut substantia de corpore ut corpus, de quanto ut quantum de quali ut quale, ut tibi declarabitur in quinto metaphysicę, particulares autem scientiæ, non descendunt in metaphysicam, ergo dignior & excellentior est.

Quartum est. Difficile est cognoscere, si nos aliquid uere scimus. Dictum est enim quod non scimus nisi per principia propria, sed difficillimum est scire, si principia per quæ probamus aliquam conclusionem sint propria. Opinamur enim scire, dummodo habeamus syllogismum ex aliquibus ueris & primis, sed non sufficit nisi habeamus ex propriis & proximis. Hæc de præsentī capite sint dicta.

Caput quintum, Ex quibus & qualibus principiis est demonstratio uirtualiter.

IN quinto capitulo inuestigandum est quæ principia ingrediantur demonstrationem uirtualiter tanquam prima semina & fundamenta ueræ scientiæ quæ causatur in nobis ex demonstratione. Ordo enim requirit doctrinæ, ut postquam ostendimus ex cap. tertio quæ principia ingrediantur demonstrationem formaliter, & in cap. quarto, quæ non, nūc inuestigemus quæ uirtualiter ingrediuntur, & quoniam determinabimus quod principia communia, & universalissima quæ appellantur dignitates, sunt illa quæ uirtualiter ingrediuntur, & super quæ demonstratio omnis scientificæ firmatur. Ne deducamus addiscentem per incogni-

TRACTATVS VNDECIVS

ta hic tria agenda sunt.

Primo assignanda est differentia inter principia communia & propria. Secundo explicandum est in specie quæ sint principia communia. Tertio declarandum est quomodo scientiæ particulares indemonstrationibus suis utuntur principiis communibus.

Quantum ad primum antequam assignemus differentiam inter principia communia & propria, prius declarandum est quid sit principium demonstrationis absolute sumptum id est ut sub se continet principium commune & principium proprium, & quomodo differt a nō principio, deinde assignabimus differentiam inter principia communia & propria.

Tu igitur aduerte quod principium ut principium demonstrationis ad mentem Aristotelis est propositio vera & necessaria indemonstrabilis absolute uel saltem in scientia in qua habetur ac recipitur pro principio.

Primo dicitur uera est necessaria, ad differentiam propositionis false aut contingentis, nam cum principium demonstrationis sit causa scientiæ, quæ est uera & firma de resicibili notitia, non potest causari ex falso nec ex contingenti quod potest aliter se habere, & aliquando est uerum, aliquando falsum, ergo propositio falsa aut contingens, non potest esse principium demonstrationis.

Secundo dicitur indemonstrabilis, ut distinguatur principium a conclusione. Nam principium ut principium demonstrat, sed non demonstratur. Conclusio autem ut conclusio demonstratur, sed non demonstrat in quantum conclusio. Dico in quantum conclusio, quoniam non inconuenit conclusionem demonstratam in superiori scientia puta in geometria, assumi, ut principium in inferiori puta in prospectiua, tertio dicitur in scientia in qua est principium, ne suadeas tibi omne principium in quacunque scientia, esse omnino & simpliciter indemonstrabile, sed sufficit ipsum esse indemonstrabile in scientia in qua est principium, ut in geometria hoc sumitur, ut principium. A puncto ad punctum lineam

ducere contingit, & tamen est demonstrabile simpliciter. Vnde demonstratur in sexto physicorum eo quod duo puncta non possunt se tangere sed semper datur mediū quod est linea. Sufficit ergo tibi quod omne principium demonstrationis, ut principium est indemonstrabile, & quidem si sit indemonstrabile simpliciter est principium simpliciter, ut primæ dignitates. Si sit indemonstrabile sed quid, puta, in tali uel tali scientia, est principium secundum quid.

Viso quid sit principium demonstrationis, de facili constat tibi conuenientia & differentia inter principium & non principium, quod est conclusio demonstrabilis. Conueniunt quidem in hoc quod tam de principio quam de conclusione, oportet addiscentem cognoscere quid significant, aliter uane laboraret addiscens. Significatum enim terminorum, est prima ianua intelligentie.

Differunt autem, quoniam ex principiis, alia demonstrantur scilicet quæ sunt conclusiones. Ipsa autem principia non demonstrantur saltem in scientia in qua sumuntur, ut principia, aliter non essent principia. Vnde sicut apud Mathematicum de unitate, & triangulo, & recto supponitur quid significant, ita de principiis, & de conclusione, & in hoc conueniunt, & sicut unitas, & magnitudo non demonstratur, sed alio ex his, ita dicendum est de principiis & conclusione, & in hoc differunt principia a non principiis.

Viso quid sit principium demonstrationis absolute sumptum, & quomodo conuenit & differt a non principio, id est a conclusione, diuidendum est in principium proprium & principium commune, & utrumque diffiniendum, ex qua diffinitione apparebit eorum differentia ab invicem.

Tu igitur aduerte, quod sicut animal est genus continens sub se species, puta hominem, & leonem. Sic principium demonstrationis est genus, sub se con-

TRACTATUS VNDECIMVS

tinens principium proprium & commune. Principium quidem proprium ad mentem Aristotelis est illud quod est principium tantum in una scientia, in eo quod principium. Verbi gratia apud Geometram tantum, hoc est unum ex suis principiis proprium, linea est longitudo absque latitudinem & profunditate, & hoc. Rectum est illud, cuius medium non discrepat ad extremis. Hæc enim extra geometriam non uerificantur. Dixi in eo quod principium, quoniam non inconuenit eandem propositionem in una scientia esse principium, in alia esse conclusionem, ut declarabitur tibi infra in scientia subalternante, & subalternata. In ratione uero principii, non potest esse principium proprium, nisi in una scientia tantum. Principium uero commune est, quod in pluribus scientiis potest assumi, ut principium ad probandum conclusiones diuersarum scientiarum ut sunt ista. Si ab æqualibus æqualia demas, residua sunt æqualia. Omne totum est maius sua parte. De quolibet est uera affirmatio uel negatio. Possunt autem applicari diuersis scientiis, si sumantur contracta ad propriam materiam diuersarum scientiarum. Verbi gratia. Hoc principium. Si ab æqualibus &c. sic applicatur geometriæ. Si ab æqualibus magnitudinibus uel lineis uel superficiebus æquales magnitudines uel lineas uel superficies demas: residua sunt æqualia. Idem intellige de hoc. Omne totum est maius sua parte. Nam geometra sic trahit ad se. Omne totum continuum puta corpus aut linea, est maius sua parte. Arithmeticus autem sic trahit ad se. Omnis totus numerus est maior sua parte. Sicut etiam trahit ad se superius principium dicens. Si ab æqualibus numeris æquales numeros demas, residui sunt æquales, ut si a duobus denariis, demas duo, residui sunt æquales, puta octo, & octo.

Quantum ad secundum manifestandum est in specie quæ sint principia communia & propria, & quomodo differant communia a propriis, & quomodo propria distinguuntur per suppositionem & petitionem & quæstionem, & diffinitionem, & quam differentiam habeant ab inuicem, pro re-

soluzione igitur præmissorum, ponuntur tres conclusiones ad mentem Aristotelis.

Prima conclusio est hæc. Principia communia sunt dignitates, id est primæ propositiones: quæ constant ex uniuersalissimis terminis: ut de quolibet ente, est uera affirmatio uel negatio. Impossibile est idem simul esse & non esse. Non sunt opposita in eodem simul.

Hæc probatur sic. Principia communia sunt propositiones necessarie uere, & per se intelligibiles, id est non per rationem exteriorem, id est argumentationem, sed per rationem interiorem, id est solo lumine intellectus, ita quod sola intelligentia terminorum, quilibet sane mentis acquiescit illis nec potest mente negare, licet forte uoce neget ex proteruia, ut quidam ex antiquis contra quos disputat Aristoteles. Sed istæ conditiones & excellentie non competunt nisi dignitatibus & maximis: super quas omnis uera scientia fundatur, ergo principia communia sunt dignitates quas diximus constare ex primis, & uniuersalissimis terminis.

Secunda conclusio, propria principia sunt propositiones quæ constant ex terminis specialibus, quæ non sunt uere nec intelligibiles per seipsas, sed per primas dignitates, ex consequenti per rationem exteriorem, id est argumentationem licet sumantur ut indubitate uere in scientia in qua sumuntur ut principia, ut in mathematica primæ petitiones, puta punctus est cuius pars non est, linea est longitudo & cætera, linea recte est breuissima extensio inter duo puncta. Angulus causatur ex contractu duarum linearum, & cætera. Hæc probatur sic, principia propria habent dignitates supra se, per quas possunt probari & stabiliri in scientia sine philosophia prima, ut patet per Aristotelem in quarto Metaphysicæ, ergo sunt propositiones, quæ non sunt ueræ nec intelligibiles per seipsas, sed in quantum reducuntur ad primas dignitates.

Tertia conclusio. Principia propria quæ distinguuntur

TRACTATVS VNDECIMVS

in suppositionem & petitionem & quæstionem, & diffinitionem, ita se habent, quod suppositio non est petitio, & petitio non est quæstio, & diffinitio non est suppositio nec petitio nec quæstio. Hæc probat declarando quid sit unumquodque eorum, & quomodo differant.

Tu igitur aduerte, quod suppositio est propositio demonstrabilis secundum se, quoniam habet priorem per quam possunt demonstrari, ut ista. A puncto ad punctum lineam ducere contingit, potest demonstrari per hanc. Duo puncta non possunt esse continua neque se tangere, ergo & cætera, & tamen licet non demonstrata acceptatur, ut firmiter uera ab addiscente. Petitio autem est propositio demonstrabilis sicut & suppositio. Non tamen demonstrata, & ab addiscente uel respondente nec respicitur nec acceptatur, sed dicit pro nunc transeat. Quæstio autem est propositio demonstrabilis, & non demonstrata, quam addiscens uel respondens non solum non acceptat, sed etiam est contrarie opinionis, donec sibi demonstrata fuerit. Diffinitio uero licet non sit propositio, quoniam constat ex solo genere & differentia absque copula, tamen est oratio induans quid est essentia & natura diffiniti per prædicata essentialia, quæ sunt genus & differentia magis propria ut tibi alias declarabitur. Constat igitur tibi quid sit suppositio, & petitio, & quæstio, & diffinitio. Quomodo autem conueniant & differant aduerte hinc. Eadem propositio est realiter suppositio, & petitio, & quæstio, sed ratione differunt. Nam si eam acceptat simpliciter respondens, ita quod sit eiusdem sententiæ cum opponente, dicitur suppositio. Si autem respondens non sit eiusdem nec contrarie sententiæ cum opponente, dicitur petitio. Quod si respondes sit contrarie sententiæ cum opponente, dicitur quæstio. Quomodo autem differat diffinitio a tribus prædictis patet ex eo quod quodlibet illorum trium est propositio. Diffinitio autem secundum se non est propositio, nisi dicamus illam esse propositionem, quando prædicatur diffinitum

de diffinitio, ut homo est animal rationale. Præterea. Diffinitio ad primam operationem intellectus spectat, ut tibi declarabitur in tertio de anima. Suppositio autem & petitio & cætera ad secundam, ergo & cætera. Præterea. Omnis suppositio aut petitio aut questio est uniuersalis aut particularis, cum sit propositio cuius proprietates sunt particularitas & uniuersalitas, ut docuimus in tertio tractatu. Diffinitio nec uniuersalis nec particularis cum non sit propositio ergo constat quomodo differt a tribus predictis.

Quantum ad tertium declarandum est quo modo scientie particulares utuntur in demonstrando principiis communibus. Deinde quomodo se habeant circa principia propria. Quantum ad principium communia que sunt primo primæ dignitates, aduerte quod secundum Aristotelem in quarto metaphysice sunt duo. Vnum negatiuum scilicet non contingit, id est non potest idem de eodem simul affirmari & negari. Alterum est affirmatiuum scilicet de quolibet est uera affirmatio uel negatio, id est de quolibet uerificatur alterum contradictoriorum. Quomodo igitur scientie particulares utantur his duobus communissimis principiis aduerte quod ad mentem Aristotelis distinguendum est de demonstratione ostensiva, & de ea que ducit ad impossibile. Nam demonstratio ostensiva non utitur primo principio negatiuo nisi contractu siue applicate ad speciales terminos, & ad maiorem extremitatem, concludendo aliter quod predicatum de minori extremitate, cum negatione sui oppositi contradictorii. Verbi gratia. Volo probare quod sortes est animal, & non est non animal, & arguitur sic. Omnis homo est animal, & non est non animal. Sortes est homo, ergo sortes est animal, & non est non animal, quia non potest de sorte uerificari animal, & non animal, per primum principium negatiuum, ergo si est animal, non est non animal.

Demonstratio autem ducens ad impossibile utitur hoc primo principio affirmatiuo. De quolibet est uera affirmatio uel negatio. Non quidē in sua uniuersalitate sed applicatū

TRACTATUS VNDECIMVS

ad proprium subiectum. Verbi gratia geometra assumit, hoc ad principium ad demonstrandum hanc lineam esse rectam, quia non est obliqua, & Arithmeticus assumit idem ad probandum hunc numerum esse parem quia non est impar.

Sed dices, quis est modus utendi prædicto principio in demonstratione ducente ad impossibile?

Respondetur quod est talis. Volo probare quod asinus non est homo, & arguo sic. Omne animal est homo. Asinus est animal ergo asinus est homo. Argumentum est in forma quoniam in darii, & conclusio est falsa, ergo aliqua præmissarum. Non minor ergo maior. Tunc ultra, maior est falsa, ergo sua opposita contradictoria est vera scilicet non omne animal est homo, patet consequentia primum principium affirmatiuum, quoniam de quolibet est vera affirmatio uel negatio, ergo si hæc affirmatio est falsa. Omne animal est homo, hæc negatio est vera. Non omne animal est homo. Hoc igitur modo demonstratio ducens ad impossibile, utitur primo principio affirmatiuo. Ex quibus constat quod demonstratio ostensiva completur unico discursu, procedendo a maiore ad minorem, & ab utraque ad conclusionem & illic sistere. Demonstratio autem ducens ad impossibile. Non completur nisi pluribus discursibus quorum primus est a præmissis ad conclusionem. Secundus autem est per reuersionem ad præmissas, modo quo arguimur sumus. Hæc de quinto capite dicta sint.

Caput sextum, quomodo omnes scientiæ conueniunt, uel disconueniunt circa principia communia, & propria.

IN sexto capite declarandum est quomodo omnes scientiæ includendo metaphysicam & dialecticam se habent circa principia communia, deinde circa propria pro resolutione primæ partis ponuntur tres conclusiones. Prima est. Omnes scientiæ conueniunt, & disconueniunt circa principia communia, & quidem quod conueniunt declara-

ur sic, omnis scientia roboratur, & firmatur per principia quæ uirtualiter ingrediuntur omnem demonstrationem, ita quod est status, & ultima resolutio ad illa. Sed hæc sunt principia communia, & maxime duo prima; scilicet non contingit idem de eodem simul affirmare, & negare, & de quolibet est uera affirmatio uel negatio. Nam his non acceptis ut uerissimus, nulla stabit demonstratio, nullaque certa notitia, & scientia. Quod autem disconueniant patet hinc. Omnes scientiæ particulares accipiunt, & utuntur primis principiis communibus ut primis ueris, & non quærunt ultra. Sed metaphysica non solum utitur eis, sed etiam probat ea contra negantem, ut patet per Aristotelem in quarto metaphysicæ, pro cuius notitia aduerte quod quolibet scientia potest se habere tripliciter circa principia communia. Primo probando aliquam conclusionem per ipsa, & in hoc omnes scientiæ conueniunt: quoniam conclusiones suas non efficaciter probant, nisi tandem reducant ad principia communia tanquam ad prima complexa, primo & maxime uera, secundo probando aliquid de ipsis primis principiis, puta quod non possumus ea mente negare licet forte uoce, & quod eorum oppositis non possumus intellectu assentire, & in hoc omnes scientiæ non conueniunt: quoniam id ad solam metaphysicam spectat, ut patet in quarto metaphysicæ, tertio probando ipsa principia communia non quidem a priori nec a posteriori ostensiuè, sed deducendo ad impossibile ut tibi declarabitur in quarto metaphysicæ, & non absolute, sed huic uel illi neganti ea, & hoc iterum spectat ad metaphysicam. Constat igitur quo omnes scientiæ conueniunt, & disconueniunt circa prima principia communia.

Secunda conclusio est ista. Tam dialectica quam metaphysica, utuntur omnibus principiis communibus omnibus scientiis, siue sint ipsæ primæ dignitates, ut non contingit idem de eodem simul affirmare, & negare & cætera. Siue sint communes animi conceptiones, si ab æqualibus æqualia demas, residua sunt æqualia. Hæc conclusio sic probatur. Tam dialectica quam metaphysica sunt scientiæ communes;

TRACTATUS VNDECIMVS

quoniam uersantur circa diem, id est circa ens, ut declarabitur tibi in quarto metaphysice, ergo habent considerare de omnibus, ergo sicut metaphysica uersatur circa principia communia, sic & logica. Diuersa tamen ratione: quoniam metaphysica demonstratiue modo quo dictum est in conclusione præcedenti. Dialectica autem solum probabiliter, disputat de principiis omnium scientiarum.

Tertia conclusio est ista. Dialectica non est determinate differentię, nec determinati generis subiecti. Probatur, omnis scientia, quę est determinate differentię, aut determinati generis subiecti, arguit tantum ad unam partem contradictionis: scilicet probando, & concludendo solum partem affirmatiuam, aut solum negatiuam: Sed dialectica arguit, & probat utranque partem contradictionis: quoniam non procedit demonstratiue sed probabiliter ut patet in topicis, ergo ipsa dialectica quę est disputatiua, non est scientia determinate differentię, nec determinati generis subiecti.

Sed contra declaratum est in primo tractatu quod subiectum in logica est ens rationis, uel argumentatio, ergo habet determinatum subiectum. Item est de secundis intentionibus adiunctis primis, ergo est determinate differentię. Responderetur logica siue dialectica dupliciter sumitur, primo ut est docens, & tradens artem ac regulans syllogizandi, & demonstrandi, & diuidendi, & diffiniendi, &c. Et ut sic est uera scientia, & determinati generis subiecti, & determinate differentię: quoniam est scientia rationalis, & non realis, secundo ut est utens, & ut sic est potius modus sciendi, est enim instrumentum disputandi. Tale autem instrumentum non est determinate differentię, nec determinati generis subiecti: quoniam de omni ente, contingit disputare arguendo ad quamcunque conclusionem tam affirmatiue quam negatiue, & in hoc sensu dicit Aristoteles ipsam non esse alicuius unius generis subiecti.

Et sic constat tibi quomodo omnes scientie conueniunt uel disconueniunt circa principia communia.

Pro resolutione secunde partis: scilicet quomodo scientie se habeant circa principia propria, tria agenda sunt ad mentem Aristotelis, primo declarandum est quomodo in qualibet scientia sunt proprie interrogationes, & proprie responsiones, & pprie disputationes, secundo mouende sunt tres questiones & soluende, tertio ostendetur quod in scientiis doctrinalibus: id est mathematicis minus decipimur quam in aliis puta quam in physicis.

Quantum ad primum antequam descendamus ad propositum declarandum est: quomodo differunt interrogatio, & conclusio, & propositio. Tu igitur aduerte quod eadem oratio sub diuersa ratione est interrogatio, & conclusio, & propositio, nam dicitur interrogatio ante syllogizationem respectu arguentis. Verbi gratia. Arguens antequam syllogizet interrogat respondentem, utrum concedat istam, omnis homo est risibilis, & ut sic talis propositio est interrogatio. Quod si respondens concedit, arguens non syllogizat ad eam concludendam. Si autem non concedit, syllogizat ad eam concludendam, que conclusa dicitur conclusio. Vnde interrogatio non differt a conclusione nisi sicut oratio sumpta ante syllogizationem, & post, ita quod ante dicitur interrogatio, & post dicitur conclusio, eadem oratio postquam est conclusa dicitur propositio si assumatur ut premissa ad probandam aliam. Verbi gratia. Sit conclusum omnem hominem esse risibilem ex eo quod est animal rationale, & probandum sit quod hic homo puta sortes est risibilis, tunc ea que fuit conclusio fiet propositio: id est premissa sic arguendo. Omnis homo est risibilis, sortes est homo, ergo sortes est risibilis.

Viso quomodo differat interrogatio & conclusio, & propositio, probandum est primum propositum: scilicet quod omnis scientia habet pprias interrogationes, & arguit sic. Idem est realiter propositio, & conclusio, & interrogatio ex declaratis, sed quelibet scientia habet proprias conclusiones quas demonstrat per proprias propositiones: quoniam demonstratio est ex ppriis, & non cōibus principiis ut docuimus

TRACTATVS VNDECIMVS

supra, ergo omnis scientia habet pprias interrogationes. Sed aduerte quod alio modo est interrogatio in scientiis demonstratiuis, & alio modo est in dialectica: quoniam in demonstratiuis non est interrogatio de præmissis, sed de conclusione tantum, pcedit enim demonstrator ex necessariis, & infallibiliter ueris, & ideo non habet interrogare utrum sint ueræ uel non: quoniam aut sunt per se note, aut reducit ad p se nota. In dialecticis autem fit interrogatio de conclusione, & de pmissis: quoniam dialecticus nō pcedit ex necessariis, sed ex pbabilibus pmissis, quas cōtingit esse ueras, & falsas p diuerso tpe, nec dialecticus potest eas reducere ad per se notas. Hinc patet quod nulla est repugnantia in dictis Aristotelis: quando dixit quod demonstrator non interogat. Dialecticus autem interogat. Intendit enim de interrogatione quo ad præmissas non autem quo ad conclusionem. Constat igitur tibi: quomodo in omni scientia sunt proprie interrogationes.

Et aduerte quod ex hac conclusione. Aristoteles infert tria corollaria. Primum est, nulla interrogatio est indifferenter cuiuslibet sciētiae, sed alia est interrogatio in geometria, alia in medicinali, alia in physica, & sic de aliis, nam sicut diuersæ scientiæ habent diuersas conclusiones, sic & diuersas interrogationes: quoniam ut docuimus eadem ppositio est interrogatio, & conclusio diuersa tñ rōne ut dictum est.

Secundum est. In qualibet scientia subalternante aliquid dicitur propositio dupliciter, primo quia per illud aliquid demonstratur in scientia subalternante, ut in geometria hæc est ppositio. Omnes lineæ ductæ a centro ad circumferentiam sunt æquales. Nam per ipsam geometria demonstrat hanc conclusionem. Super datam lineam rectam contingit triangulum æquilaterum constituere, secundo quia per illam demonstratur aliquid in scientia subalternata. Vnde hæc est propositio geometrica, linea cadens super lineam perpendiculariter, causat angulum rectum. Nam per hanc demonstratur hæc conclusio in prospectiua quæ subalternatur geometriæ ut tibi declarabitur infra. Oculis uidet par-

tem dextram, & sinistram obiecti uisibilis, eo quod ab illis
causantur anguli recti linei uisuales per conuersum linearū
uisualium rectarum.

Tertium est. Quilibet artifex specialis reddit rationem
suarum interrogationum, & conclusionum per sua princi-
pia. Non autem reddit rationem principiorum, nisi induat
uicem metaphysici: quoniam ad metaphysicum spectat pro-
bare principia scientiarum particularium contra negantem
ea, ut tibi declarabitur in primo physicorum, & in quarto
metaphysicæ.

Secunda conclusio est hæc. Quælibet scientia habet pro-
prias, & determinatas responsiones. Hæc sequitur ex præcedē-
ti cōclusionē. Nam bene sequitur quod si quælibet scientia,
habet proprias interrogationes habet etiam proprias respon-
siones. Non ergo aliqua scientia habet de quolibet interro-
gare, nec de quolibet interrogato respondere, sed de his tan-
tum quæ ad illam scientiam pertinent. Ideo dicit Aristote-
les quod non spectat ad scientem pro tali scientia de omni-
bus interrogare, nec secundum omnem interrogationem
respondere, sed de his quæ sunt secundum determinatam
sciētiam. Verbi gratia. Si interrogatur physicus utrum tri-
gulus habeat tres angulos æquales duobus rectis, nō debet
respondere ut physicus: quoniam hoc non spectat ad physi-
cum, sed ad geometram. Si autem interrogatur physicus
utrum graue non impeditum descendat usque ad centrum,
obligatur respondere: quoniam id est de consideratione physici.

Tertia conclusio est hæc. In omni scientia sunt proprie
disputationes. Hæc pendet ex præcedentibus. Nam si in
omni scientia sunt proprie interrogationes, & responsio-
nes, sequitur quod etiam sint proprie disputationes. Præ-
terea. Inquit Aristoteles, si quis disputat cum geometra se-
cundum quod geometra, id est ex principiis geometrie ar-
guens, bene disputat. Si uero non, non bene disputat. Con-
stat ergo quod sicut in geometria sunt proprie disputatio-
nes, sic & in aliis scientiis. Constat ergo tibi quomodo in
omni scientia sunt proprie interrogationes, & responsio-

nes, & disputationes.

Quantum ad secundum principale aduerte quod Aristoteles contra prædeterminata mouet; & soluit tria dubia.

Primum, est cum determinatum sit quod quælibet scientia habet proprias interrogationes, puta geometria proprias interrogationes geometricas; dubitatur utrum detur aliqua interrogatio non geometrica.

Secundum est, utrum propositiones: id est præmissæ quæ sunt secundum ignorantiam geometriæ, sint censendæ geometricæ. Pro notitiâ huius dubii aduerte quod propositiones secundam scientiam geometriæ sunt propositiones ueræ, quæ constant ex terminis geometricis, quibus intellectus assentit ex ipsa notitiâ terminorum aut ex discursu perceptibili siue imperceptibili, ut omnes anguli recti, sunt æquales. Non contingit parallelas concurrere. Propositiones autem secundum ignorantiam geometriæ, sunt ille quæ constant ex terminis geometricis, sed sunt falsæ, & oppositæ prædictis ut anguli recti sunt inæquales, parallelæ concurrunt. De his ergo Aristoteles mouet dubium, an sint geometricæ uel non.

Tertium est utrum syllogismus ignorantie, sit syllogismus uel paralogismus. Pro cuius notitiâ aduerte quod syllogismus scientie, est illæ qui procedit ex ueris præmissis, & propriis principiis scientie in qua fit. Verbi gratia. In geometria hic est syllogismus secundum scientiam geometriæ, parallelæ non concurrunt a & b sunt parallelæ, ergo a & b non concurrunt. Syllogismus autem ignorantie est illæ qui procedit ex falsis, & oppositis principiorum scientie, in qua fit. Verbi gratia. In geometria hic est syllogismus ignorantie. Parallelæ concurrunt, a & b sunt parallelæ, ergo Parallelæ concurrunt. Dubium est, ergo utrum talis syllogismus ignorantie, sit uerus syllogismus, an paralogismus.

Ad primum dubium respondens Aristoteles tenet quod aliquæ uidentur esse interrogationes alicuius scientie, quæ

tamen non sunt illius scientiæ. Pro cuius notitia aduerte quod aliquæ interrogationes, & conclusiones uidentur esse & sunt alicuius scientiæ, ut in geometria, hæc est, & uidetur esse geometrica. Triangulus habet tres æquales duobus rectis, aliquæ autem uidentur esse, & tamen non sunt, ut hæc uidetur esse geometrica, & non est. Quinti toni ad quartum est proportio sex qui quarta. Quæ autem sit huiusmodi proportio docuimus in septimo physicorum in epytomatibus nostris physicis. Et tu uide in fine septimi physicorum. Quo modo autem differat conclusio geometrica, & conclusio geometriæ dicam infra. Aliquæ autem non uidentur, nec sunt, ut hæc graue tendit deorsum, & leue sursum, nec est nec uidetur geometrica, sed physica. Intendit: ergo Aristoteles respondens primo dubio, quod ex interrogationibus, & conclusionibus, quæ uidentur esse alicuius scientiæ, aliquæ sunt & uidentur illius scientiæ, aliquæ autem non sunt, licet uideantur, ut exemplificatum est in geometria. Sed aduerte quod differentia est inter conclusionem geometricam, & conclusionem geometriæ. Nam respectu primi sufficit quod sit demonstrata per principia geometriæ. Respectu autem secundi oportet quod constet ex terminis geometricis, & demonstretur per principia geometriæ, ex qua distinctione constat quod hæc est geometrica. Quarti ad quintum tonum ex proportio sex qui quarta, sed non est conclusio geometriæ, sed musicæ. Hæc autem est geometriæ. Super lineam rectam contingit triangulum æquilaterum constituere.

Ad secundum dubium respondens Aristoteles dicit quod opinari hanc propositionem. Parallele subeunt: id est concurrunt, esse geometricam, & non geometricam uerum est, sed supple diuersam tamen rationē. Pro cuius intelligentia aduerte quod quoad materiam: id est ad terminos ex quibus componitur ex geometrica, sicut & ista est physica quo ad terminos. Leue descendit, graue autem ascendit, quantum autem ad formam non est geometrica. quoniam est falsa, & contra principia geometriæ.

TRACTATUS VNDECIMVS

Hoc enim est principium in geometria. Paralellæ non concurrunt. Sicut & istud, omne totum est maius sua parte, & quoniam unumquodque habet esse, & denominat a forma, ideo absolute loquendo, non est censenda geometrica. Sicut nec ista est physica. Omne ens est immobile. Supponit enim physicus motum esse, & aliquod ens moueri. Vnde licet prædicta propositio constet ex terminis physicis, tamen censenda est non physica: quoniam repugnat principiis physicæ, uel dicenda est physica secundum quid: id est extrema, sed non physica simpliciter: quoniam non ex forma.

Ad tertium dubium respondens Aristoteles inquit. In doctrinis: id est in scientiis demonstratiuis quales sunt mathematicæ non est parallogismus, sicut in dialëcticis. Pro cuius notitia aduerte quod syllogismorum quidam apparet sed non uerus, sicut auricalcum est apparatus aurum, sed non est uerum aurum. Verus est ille qui regulatur in debito modo, & debita figura, de quibus actum est in tractatu de syllogismo formali. Apparet est ille qui non regulatur debito modo, nec debita figura: ut quando arguitur ex puris particularibus aut puris negatiuis, aut ex quatuor terminis, ut quando medium est terminus æquiuocus. Verus syllogismus est duplex: quoniam quidem est uerus de forma. scilicet ratione modi, & figuræ ut si fiat in barbara aut coelarent aut in Cæsare, aut in darapti & cætera. Et uerus de materia, ut si fiat ex præmissis ueris, & concludatur conclusio uera in debito modo, & debita figura. Vnde iste est uerus de forma, & de materia. Omne rationale est risibile, omnis homo est rationalis, ergo omnis homo est risibilis. Quidam autem est uerus de forma, sed non de materia: quoniam aut utraque præmissarum aut altera est falsa, ut hic. Omnis homo est lapis, omnis asinus est homo, ergo omnis asina est homo, patet quod est in primo modo primæ figuræ, sed utraque præmissarum est falsa. Parallogismus: id est apparet, & non uerus fit duobus modis, primo ex præmissis ueris, sed non fit in debito modo, & debita figura, ut hic. Nullus homo est lapis, nullus asinus est homo

est homo, ergo nullus asinus est lapis. Valet quidem de materia: quoniam utraq; præmissarum est uera, sed non ualet de forma: quoniam arguitur ex puris negatiuis, ideo est paralogismus, secundo quando fit ex præmissis falsis, & non fit in debito modo nec in debita figura, ut hic. Asinus est homo, leo est asinus, ergo leo est homo, constat utraq; præmissarum, & conclusionem esse falsam, & arguitur ex puris indefinitis, ergo est paralogismus de forma, & de materia.

His præpositis aduerte quod Aristoteles intendit in dialecticis posse committi falsum syllogismum tam de forma quàm de materia ut patet per ipsum in primo libro topicorum, qui est paralogismus, secundo modo, & multo magis primo modo. In demonstratiuis autem non committitur paralogismus, nec primo, nec secundo modo: quoniam semper arguitur in debito modo, & debita figura, sed semper est uerus syllogismus, licet aliquando peccet in materia ut quando sic arguitur geometra. Omnes parallele concurrunt, a & b sunt parallele, ergo a & b concurrunt. Constat quod arguitur in prima figura in tertio modo, & tamen peccat in materia: quoniam maior est falsa, & est opposita principio geometriæ, quod est hoc, parallele non concurrunt, & ratio per quam in demonstratiuis scientiis non committitur paralogismus est hæc: quoniam in eis arguitur solum ex tribus terminis. scilicet maiore extremitate, & minore, & medio bis sumpto ante conclusionem, & signo uniuersali appposito medio in prima figura, & non maiori extremitati. In prima autem figura fit propria demonstratio, & maxime in primo modo, ut manifesta bitur tibi infra. Constat ergo quod in doctrinalibus scientiis syllogismus ignorantie, non est paralogismus, sed syllogismus peccans in materia, & non in forma, etiam quod procedat ex oppositis principiorum scientiæ in qua arguitur, ut docuimus a concursu de parallelis.

Quantum ad tertium: scilicet quod in scientiis doctrinalibus minus decipiamur quam in aliis puta in physicis, & hac de causa Aristoteles magis utitur exemplis mathematicis in toto libro posteriorum quam aliarum scientiarum. pbatur

TRACTATVS VNDECIMVS

ex intentione Aristotelis per duas conclusiones. Prima est, hæc, scientiæ mathematicæ sunt certiores aliis, ideo minus decipiuntur in eis, secunda est, scientiæ mathematicæ sunt firmiores aliis ideo minus decipiuntur in eis.

Prima probatur tripliciter. Primo sic, scientiæ mathematicæ sunt manifestiores intellectui, ergo sunt certiores, patet cōsequentia, quoniam maior manifestatio, causat maiorem certitudinem. Antecedens autem sic probatur, probationes metaphysicæ magis patent ad sensum quam in aliis scientiis ergo manifestiores sunt intellectui, quoniam omnis nostra cognitio ortum a sensu habet quod ergo magis patet ad sensum, manifestius est intellectu. Quod uero probationes mathematicæ, magis pateant ad sensum declarat Aristoteles tali signo. Geometra non concedit absolute istam. Omnis circulus est figura propter æquiuocationem huius termini circulus qui dicitur de poemate Homeri, & de figura una linea contenta. Nam cōcederet absolute, posset sic argui. Omnis circulus est figura. Poema Homeri est circulus, ergo poema Homeri est figura quod constat esse falsum. Geometra ergo solum concedit illam ut æquiualeat isti. Omnis talis circulus est figura scilicet demonstrando ad sensum circulum in terra descriptum, & hic propter euidentiā sensus non potest esse nec causari error in intellectu.

Secundo sic. In mathematicis non datur instantia particulariter sed tantum uniuersaliter, in aliis autem contingit dare instantiam particulariter, & uniuersaliter, ergo mathematicæ sunt certiores aliis, probatur consequentia. Nam notitia uniuersalis certior est notitia particulari, & singulari. Illa enim non mutatur a ueritate in falsitatem sed semper est uera, ut hæc est immutabiliter uera, omnis triāgulus habet tres angulos, particularis autem & singularis mutatur a ueritate in falsitatem ad mutationem rei particularis. Vnde hæc non semper est uera. Sol illuminat emisperium nostrū, aliter nunquam esset nox.

Antecedens uero sic probatur. In mathematicis prædictum inest subiecto secundum quod ipsum, ergo inest omni

ni contento sub subiecto, & si remouetur ab uno contento sub subiecto remouetur ab omnibus. Verbi gratia, Si quis probat aliquem triangulum habere tres angulos, probat de omni, quoniam habere tres angulos est proprium triangulo in quarto modo, & si quis probatur aliquem circulum carere angulo, probat quod omnis circulus caret angulo, quoniam carere angulo competit omni figuræ circulari, sicut habere angulum competit omni figuræ rectilineæ. In aliis autem scientiis non ita contingit. Nam in physicis non probatur omne corpus esse in loco, nec uniuersalis negatiua opposita contrariæ, sed particularis affirmatiua, & particularis negatiua, ut tibi declarabitur in 4. physico. Constat ergo mathematicas esse certiores: quoniam in eis non datur instans particularis sed uniuersalis.

Tertio ad idem sic mathematicæ procedunt ex propositionibus conuertibilibus, non autem aliæ sciētix, ergo sunt certiores aliis, probatur consequentia, quoniam inconuertibilibus quo ad conuertentem & conuersam non potest esse deceptio, nam si ista est uera, omnis homo est risibilis, & hæc est uera omne risibile est homo, in non conuertibilibus autem non sic est, nam licet ista sit uera, omnis homo est animal, hæc tamen est falsa, omne animal est homo, quoniam homo & animal non sunt termini conuertibiles, si igitur mathematicæ procedunt ex conuertibilibus, certiores sunt aliis. Antecedens uero sic probatur. In mathematicis demonstratur passio conuertibilis de subiecto per medium conuertibile cum utroque. Verbi gratia. Demonstrat geometra triangulum habere tres angulos equales duobus rectis, & eo quod habet angulum extrinsecum æqualem duobus intrinsecis sibi oppositis. Hæc autem tria sunt conuertibilia, triangulus habere tres angulos æquales duobus rectis, habere angulum extrinsecum &c. Sic & ista sunt conuertibilia, homo risibile, rationale.

Et aduerte quoniam mathematicæ procedunt ex conuertibilibus, licet in mathematicis arguere in secunda figura ex puris affirmatiuis, nam hoc argumētum ualeat. Omne risibi-

TRACTATUS VNDECIMVS

le est rationale. Omnis homo est rationalis, ergo omnis homo est risibilis. Et tu loco risibilis, & omnis, & rationalis, summa in mathematicis, habere tres angulos triangulum, & habere angulum extrinsecum æqualem duobus intrinsecis sibi oppositis. In physicis autem non licet quoniam non semper procedunt ex conuertibilibus. Vnde hoc argumentum non ualet in secunda figura. Omne quod mouetur est in loco lapis in centro terræ est in loco, ergo lapis in centro terræ mouetur. Nam subiectum & prædicatum maioris, non sunt termini conuertibiles. In plus est enim esse in loco quā moueri.

Constat igitur tibi, propter quid mathematicæ scientiæ sunt certiores aliis.

Secunda autem conclusio. scilicet quod mathematicæ sint firmiores aliis scientiis probatur tripliciter ad mentem Aristotelis. Primo sic, comparando præmissas ad conclusionem in mathematicis sequitur uniuersaliter quod si præmissæ sunt ueræ conclusio est uera, & econuerso, quoniam in mathematicis ut diximus semper arguitur ex conuertibilibus & æqualibus secundum prædicationem, qualia sunt subiectum & propria passio, & diffinitio subiecti uel propria passionis: & ideo si præmissæ sunt ueræ, conclusio est uera, & econuerso, & hac de causa syllogismus in secunda figura ex puris affirmatiuis ualet in mathematicis, ut diximus supra. In aliis autem scientiis non sic est, quoniam non proceditur semper ex conuertibilibus & æqualibus secundum prædicationem, sed ex inæqualibus ut sumendo genus & duas eius species, & ideo in aliis scientiis non ualet argumentum in secunda figura ex puris affirmatiuis ut hic. Omnis homo est animal. Omnis asinus est animal, ergo omnis asinus est homo. Constat quod præmissæ sunt ueræ & conclusio falsa, eo quod animal communius est quam homo & asinus. Quia igitur in mathematicis præmissæ & conclusio: & econuerso, sunt semper ueræ siue arguatur in prima figura siue in secunda ex puris affirmatiuis ideo sunt firmiores cæteris scientiis.

Secundo probatur sic. Comparando maiorem extremi-

tem & minorem ad medium. mathematicæ non recipiunt in syllogizando nisi ea quæ sunt per se. Aliæ uero scientiæ recipiunt non solum ea quæ sunt per se, sed etiam ea quæ sunt per accidens, ergo sunt firmiores aliis scientiis. Patet consequentia, quoniam firmior est ueritas in his quæ sunt per se quam in his quæ sunt per accidens. Antecedens autem probatur, quoniam mathematicæ in demonstracione recipiunt subiectum & propriam eius passionem, & diffinitionem subiecti aut passionis, quæ oïa de se inuicem prædicantur per se. Verbi gratia risibile prædicatur per se de rationali rationale prædicatur per se de homine, & risibile prædicatur per se de homine. In aliis autem scientiis, recipiuntur, quæ sunt etiam per accidens, ut est ista, aqua est calida, ignis est siccus. Aer est frigidus, ut tibi declarabitur in physicis. Cui igitur ea quæ sunt per accidens non causent ueritatem æque firmam, sicut ea quæ sunt per se. Constat quod mathematicæ sunt firmiores aliis scientiis.

Tertio probatur sic. Comparâdo medium ad propriam conclusionem mathematicæ scientiæ non præcedunt ad demonstrandum aliquam conclusionem demonstracione potissima, nisi per unum medium, aliæ autem scientiæ per plura, ergo mathematicæ sunt firmiores aliis, patet pñā qm̄ sicut non pōt esse error eunti ad terminum ad quem est unica uia sic nec demonstranti conclusionem, ad q̄ est tm̄ unum medium. Antecedens autem sic probatur. Declarabitur tibi in .2. phys. & in tertio metaphysicæ, quod mathematicæ nō considerant nisi causam formalem & per eam solam demonstrant, aliæ uero per plura causarum genera, puta sciētia naturalis considerant quatuor causarum genera, materialem, formale, efficientem finale, ut tibi manifestabitur in .2. phy. & per eas demonstrant metaphysica autem considerat omnia causarum genera præter materialem, quoniam abstracta hit a materia, & a motu, ut tibi declarabitur in tertio libro metaphysicæ. cum igitur mathematicæ solum per causam formalem demonstret, constant quod sunt firmiores aliis scientiis, quo ad cognitionem nostram. Quoniam igitur

TRACTATUS VNDECIMVS

Mathematicæ sunt nostro intellectui certiores & notiores & firmiores, ideo minus decipimur in eis quam in aliis scientiis, eo quod demonstrationes eius sunt in primo gradu certitudinis, ut tibi declarabitur in philosophia. pro nunc sustine. Hæc de præsentī capitulo dicta sint. In quo terminatur consideratio de demonstratione potissima quæ facit sci re simpliciter, & est demonstratio propter quid & a priori & cætera.

Caput septimum de differentia inter demonstrationē
propter quid, & inter eam quæ est quia.

IN septimo capite secundum ordinem doctrinæ inuestigandum est ad mentem Aristotelis quomodo differant demonstratio propter quid de qua superius ē actū, & demonstratio quia de qua nunc agendum est. Pro cuius notitia hic principaliter duō agenda sunt. Primo quomodo differant in eadem scientia. Secundo quomodo in diversis scientiis.

Quantum ad primum adverte quod demonstratio propter quid in eadem scientia differt a demonstratione quia in duobus. Primo demonstratio propter quid in eadem scientia. Nunquam fit per causam remotam & mediatam, sed proximam & immediatam, ut docuimus in diffinitione eius quæ datur per materiam. Demonstratio autem quia, fit per causam remotam & mediatam, dummodo causa illa sit nobis notior eius effectu. Secundo demonstratio propter quid, nunquam fit per effectum in eadem scientia, siue sit effectus conuertibilis cum causa sua, siue non. Demonstratio autem quia fit in eadem scientia per effectum utroque modō dummodo effectus sit notior sua causa.

Et quidem quod demonstratio quia fiat per causam remotam declarat Aristoteles tali exemplo. Non esse animal est causa remota non respirandi, sicut esse animal est causa remota respirandi, & non habere pulmonem est causa proxima non respirandi, sicut habere pulmonem est causa proxima

Ma respirandi. Siquis igitur probat piscem non respirare quia non habet pulmonem est demonstratio negatiua propter quid sic arguendo in secunda figura. Omne respirans habet pulmonem, piscis non habet pulmonem, ergo piscis non respirat. Si autem probat hominem respirare sic arguendo. Omne habens pulmonem respirat, homo habet pulmonem ergo homo respirat, est demonstratio affirmatiua propter quid, quoniam habere pulmonem est causa propinqua & immediata respirationis, ut tibi declarabitur in trac. de aspi ratione & expiratione in paruis naturalibus, quippe epythomata disposuimus. Si quis autem probat parietem non respirare quia non est animal, est demonstratio quia. Nam esse animal non est causa propinqua sed remota respirationis. Multa, n. sunt animalia quae non respirant, ut omne animal carens sanguinem. Si quis igitur sic arguit. Omne respirans est animal paries non est animal, ergo paries non respirat, est demonstratio quia. Constat igitur tibi quomodo fiat demonstratio quia, per causam remotam.

Quod autem fiat per effectum conuertibilem notio rem causa sua declarat Aristoteles tali exemplo, si quis probat planetas id est septem stellas erraticas scilicet Saturnum Iouem Martem Solem Venerem Mercurium & Lunam esse prope id est minus distantes a nobis quam sunt stellae fixae, per hunc effectum quia non sintillant, demonstrat per effectum conuertibilem negatiue. sic arguendo. Omnis stella non sintillans est prope, planeta est non sintillans, ergo est prope. Si autem probat stellam fixam esse distantem quia sintillat, demonstrat per effectum conuertibilem affirmatiue sic arguendo. Omnis stella sintillans est distans stella fixa est stella sintillans, ergo stella fixa est distans.

Alio autem exemplo declarat Aristoteles demonstrationem quia fieri per effectum conuertibilem, & est tale demonstramus lunam esse figurae circularis per hunc effectum quia eius lumen circulariter crescit, & decrescit, & arguitur sic. Illud cuius lumen circulariter crescit, & decrescit est figurae circularis. Sed in luna lumen

circulariter crescit & decrescit ut uidemus ad sensum, ergo luna est figuræ circularis. Constat hanc demonstrationē esse quia & per effectum conuertibilem nobis ad sensum notiore. Nam licet ex parte rei figura circularis sit causa augmenti in lumine circulariter, tamen ex parte nostra augmentum luminis circulariter est causa siue ratio qua cognoscimus lunam esse figuræ circularis, & ideo prædicta demonstratio est quia, & nō propter quid, & non est, a priori ex parte rei, sed a posteriori, quoniam omnis effectus est posterior sua causa.

Quod uero demonstratio quia possit fieri per effectum non conuertibilem, patet ex prædictis. Nam qua ratio ne fit per effectum conuertibilem, ita etiam per non conuertibilem. Contingit enim effectum non conuertibilem esse notiore nobis sicut & effectum conuertibilem. Sed aduerte quod effectus non conuertibilis, potest esse duplex. Quidam enim est communior causa, quidam minus communis. Si est communior, poterit per eum demonstrari eius causa negatiue in secunda figura ut hic. Omnis ignis est desiccatiuus. Nulla aqua est desiccatiua, ergo nulla aqua est ignis. Constat quod esse desiccatiuum est effectus ignis ex sua aptitudine naturali, & tamen est communior quam ignis, quoniam competit etiam terræ. Nam ignis & terra habent siccitatem pro qualitate simbola, & idem tam ignis quam terra sunt ex sui natura desiccatiua. Si autem effectus sit minus communis quam causa sua, & tamen notior potest per eum demonstrari causa sua affirmatiue in prima figura, ut hic. Omne habens tres angulos est figura. Triangulus est habens tres angulos, ergo triangulus est figura. Constat quod in plus est esse figuram, quam habere tres angulos. Nam omne habens tres angulos est figura, sed non econuerso. Constat igitur tibi quomodo demonstratio, quia fit in eadem scientia per causam remotam & per effectum conuertibilem, & non conuertibilem magis communem, & minus communē notiore tamen quam causa sua, & in his omnibus differt

a demonstratione propter quid, quoniam nunquam fit per effectum, nec per causam remotam sed propinquam, & propriam, aliter non faceret simpliciter scire, ut docuimus supra.

Quantum ad secundum principale scilicet quomodo differant in diuersis scientiis demonstratio quia, & demonstratio propter quid, aduerte quod de mente Aristotelis tres conclusiones probandæ sunt. Prima est, si aliqua scientia subalternatur alteri secundum se totam subalternata dicit, quia & subalternans dicit propter, quid id est in subalternata fit demonstratio quia, & in subalternante demonstratio propter quid. In quo sensu subalternatur perspectiua geometriæ, musica Arithmetica, Machinatiua stereometriæ. Naualis astronomiæ.

Secunda conclusio est hæc. Si aliqua scientia subalternatur alteri non secundum se totam sed solum secundum partem, subalternata quo ad illam partem dicit quia, & subalternans propter quid.

Tertia conclusio est. Si sint aliquæ duæ scientiæ, quarum una non subalternatur alteri. Nec secundum se totam nec secundum partem, conueniunt autem in aliqua una propositione siue conclusione, respectu illius conclusionis altera dicit quia, altera propter quid.

Antequam deueniamus ad probationem prædictarum conclusionum, declarandum est quid sit scientiam subalternari alteri secundum se totam, quid secundum partem, quid nec secundum totam, nec secundum partem, & tamen in aliqua una propositione conuenire.

Tu igitur aduerte, quod tunc una scientia subalternatur alteri secundum se totam, quando eius subiectum adæquatum supponitur secundum se totum subiecto alternantis, & non differt ab illo nisi quia addit super illud differentiam accidentalem siue extraneam, & hoc modo perspectiua secundum se totam subalternatur geometriæ. Nam subiectum utriusque est linea uel magnitudo, & perspectiue subiectum non addit super lineam aut magnitudinem nisi uisuale, quæ

TRACTATUS VNDECIMVS

est differentia accidentalis lineæ, non enim est de ratione lineæ esse uisuale, sed esse longitudinem cuius extrema sunt duo puncta, eodem modo subalternatur musica arithmetice, quoniam subiectum utriusque est numerus, sed musica superaddit sonorū, est enim musica de numero sonoro. Eodem modo subalternatur machinativa stereometrie, quoniam utriusque subiectum est corpus mensurabile, sed machinativa addit ædificabile siue ædificatum ita quod machinativa subiectū est corpus mensurabile ædificabile siue ædificatum, eodem modo subalternatur, scientia naualis astronomie. Vtraque enim considerat corpus cœlestē, sed naualis superaddit signum apparens in aere causatum ex motu cœli in aere, ut quando luna habet halo, aut aer rubet in sero. Sunt enim signa aut uenti, aut tempestatis, aut serenitatis, &c.

Vnam autem scientiam subalternari alteri secundum partem est quando pars unius scientie subalternatur alteri, & non tota scientia, & hoc modo pars scientie naturalis quæ ē de iride de qua iam egimus in meteoris, subalternatur prospectiue. Nam prospectiua est de linea uisuali absolute sumpta. Scientia autem de iride, est de linea uisuali conuersa ad nubem roridam, ex qua causatur iris, ut docuimus in epythomate nostro super meteo. Aristotelis.

Vnam autem scientiam non subalternari alteri, nec secundum totum, nec secundum partem, sed conuenire in aliqua una conclusionē, est quando, nec subiectum unius, nec pars subiecti subalternatur subiecto alterius, sed tantum respectu alicuius conclusionis una respicit alteram, utpote dicentem causam, aut rationem talis conclusionis. Et hoc modo chirurgia subalternatur geometrie, quo ad istam conclusionem. Vnus circulare tardius sanatur, cuius conclusionis chirurgicus nescit causam, ut chirurgicus est, sed hoc accipit a geometra. Nam si queratur a chirurgico cur uolnus circulare tardius sanatur. Respondet quia sic experitur. Si autem queratur a geometra. Re-

respondet quia caret angulis. Nam quia circulus est figura una linea contenta caret angulis. Omnis autem figura rectilinea habet angulos, ut patet in triangulo, & quadrato & pentagono.

His declaratis probatur sic prima conclusio. In scientiis subalternatis secundum totum, ea quæ supponuntur, ut principia, demonstrantur demonstratione propter quid in subalternante, ita quod principia scientiæ subalternatæ, sunt conclusiones demonstratæ a priori, ergo subalternans dicit quid de principiis, & etiam de conclusionibus subalternante, ipsa uero dicit quia. Verbi gratia. Musicus tenet quod in diapason est proportio sexquialtera. Arithmeticus autem diffinit proportionem sexquialteram, & probat a priori inter 6 & 4 esse proportionem sexquialteram. Musicus uero supponit quia sic est. Constat ergo prima conclusio.

Secunda uero sic probatur ad mentem Aristotelis. Philosophia naturalis quæ quo ad partem de iride subalternatur prospectiue, dicit quia, prospectiua dicit propter quid. Sicut & geometria dicit propter quid de aliquo de quo prospectiua dicit quia. Sed aduerte quod pars Philosophiæ naturalis quæ est de iride. Non solum subalternatur prospectiue, sed etiam geometriæ. Nam linea uisualis reflexa in nube, de qua considerat physicus in scientia de iride, subalternatur lineæ uisuali, de qua considerat prospectiua, & linea uisualis subalternatur lineæ absolute sumptæ de qua considerat geometria, ergo pars philosophiæ naturalis quæ est de iride mediante, prospectiua subalternatur geometriæ.

Tertia autem conclusio sic manifestatur ad mentem Aristotelis, licet scientia medicinæ, & geometria non subalternentur secundum totum nec secundum partem, tamen conveniunt in consideratione huius conclusionis. Vulnus circulare tardius sanatur de qua conclusione medicus siue chirurgicus discit quicquid. Experitur enim sic esse. Geometra autem uel descendit in medicinam dicit propter quid. Sicut enim geometra

TRACTATVS VNDECIMVS

circulum non habere angulum, & hoc est scire causam propter quam uulnus circulare tardius sanatur. Nam ubi est angulus, partes sunt propinquiores, ex consequenti citius coniunguntur, hinc est quod uulnus triangulare citius sanatur, ex opposito uulnus circulare tardius sanatur, quia in circulo partes æque distant a centro, & ideo uulnus circulare nõ sanatur nisi paulatim per totum circuitum, ex consequenti tardius sanatur. Constat igitur tibi, quomodo, & quibus & quot modis differunt demonstratio quia, & propter quid in eadem scientia, & in diuersis. Hæc de præsentī capite dicta sint.

Caput octauum in qua figura syllogistica fiat præcipua demonstratio quæ facit scire simpliciter.

IN octauo cap. inuestigandum est cum sint tres figuræ syllogismorum, ut docuimus in trac. de syllogismo formali, in qua fiat demonstratio potissima, & hic duo uidenda sunt, primo quod in prima figura præcipuæ sit demonstratio propter quid, secundo quoniam in prima figura concluditur uniuersalis affirmatiua, & uniuersalis negatiua, ut patet in barbara, & cœlarent, & quoniam omnis demonstratio potissima procedit ex ueris, & primis, & immediatis siue sit affirmatiua, siue negatiua, ideo declarandum est quomodo non solum uniuersalis affirmatiua, sed etiam negatiua positio potest esse immediata.

Quantum ad primum ponitur hæc conclusio. Demonstratio potissima tam affirmatiua q̃ negatiua, fit præcipuè in prima figura. Affirmatiua quidem in barbara, negatiua autem in cœlarent, & probatur sic. Prima figura facit magis, & simplr scire, ergo in ea fit demonstratio potissima siue sit affirmatiua siue negatiua. Patet p̃na, qm̃ ut docuimus supra finis demonstrationis potissime, est facere scire simplr, ergo in ea figura præcipue fiet quæ facit scire simplr. Antecedens autem. scilicet quod prima figura faciat scire simpliciter probatur quatrupliciter ad mentem Aristotelis.

Primo sic, scientiæ mathematicæ ut arithmetica, & geometria, & prospectiua, quæ sunt certissimæ scientiæ demon

strant conclusiones suas in prima figura. Probant enim conclusionem uniuersalem in qua passio prædicatur adæquate de suo subiecto, per præmissas uniuersales, ut quod omnis triangulus habet tres æquales duobus, ex eo quod omnis triangulus habet angulum extrinsecum æqualem duobus angulis intrinsecis sibi oppositis, ergo signum est quod prima figura facit magis, & simpliciter scire.

Secundo sic in prima figura semper aut frequenter syllogizatur per medium propter quid, ergo facit magis, & simpliciter scire. Patet consequentia: quoniam quando syllogizatur per medium propter quid, fit demonstratio propter quid, hæc autem ut docuimus supra facit scire simpliciter, ergo &c. Antecedens autem probatur: quoniam quando syllogizatur conclusio per medium propter quid, semper aut frequentius concluditur uniuersalis affirmatiua, ut quando concludimus omnem hominem esse risibilem eo quod omnis homo est animal rationale. Sed uniuersalis affirmatiua non concluditur nisi in prima figura, ergo illa facit magis, & simpliciter scire.

Tertio sic. In prima figura demonstramus diffinitionem de diffinito uniuersaliter, & non in secunda nec in tertia, ergo prima facit magis, & simpliciter scire. Antecedens patet: quoniam cum diffinitio conueniat omni contento sub diffinito demonstramus eam in barbara, ut patet quando demonstramus diffinitionem materialem per formalem de diffinito ut hic. Omne animal rationale, est quid compositum ex corpore, & anima intellectiua. Omnis homo est animal rationale ergo omnis homo est quid compositum ex corpore, & anima intellectiua. Quod autem nec in secunda, nec in tertia figura possumus demonstrare diffinitionem de diffinito uniuersaliter, & affirmatiue patet discurrenti per omnes modos earum. Consequentia uero probatur: quoniam potissimum scire nostrum est: quoniam scimus diffinitionem de suo diffinito. Constat ergo quod prima figura facit magis, & simpliciter scire.

Quarto sic, prima figura non indiget secunda, nec tertia, sed e conuerso, ergo facit magis & simpliciter scire. Ans p-

TRACTATUS VNDECIMVS

batur: quoniam modi primæ figuræ concludentes directæ sunt modi pfecti, nec indigent reduci ad alios, sed alii ad ipsos, ut docuimus in trac. de syllogismo formali, ergo prima figura non indiget secunda, nec tertia, sed econuerso. Consequencia autem patet: quoniam prima facit scire per seipsam secunda autem, & tertio nō p seipsas, sed p reductionem ad primam, quod autem facit scire p seipsum, magis & pfectius facit scire, quam quod facit scire p aliud. Constat ergo quod prima figura facit magis scire quam secunda, & tertia.

Quantum ad secundum ut scias quando ppositio uniuersalis negatiua est immediata. prius oportet te cognoscere qñ & quod modis fiat mediata, deinde p oppositum facile scies quando & quomodo fiat immediata.

Tu igitur aduerte ad mentem Aristotelis in primo posteriorum ad hoc quod uniuersalis negatiua sit mediata: id est habeat medium per quod demonstrari possit a priori, oportet alterum extremorum aut utrumque esse in aliquo toto id est subiectum aut prædicatum aut utrumque contineri sub aliquo superiori generico, quod sit genus subalternum, aut generalissimum ex quo fundamento sequitur quod uniuersalis negatiua potest tribus modis fieri mediata, & demonstrabilis conclusio.

Primo quando prædicatum continetur sub aliquo superiori, subiectum autem sub nullo in quo sensu hæc est mediata. Nulla substantia est calor. Nam licet substantia non habeat genus sub quo contineatur: quoniam est genus generalissimum, habet tamen calor: quoniam continetur sub passibili qualitate, & hæc sub qualitate sicut subalternum sub generalissimo. Vnde prædicta propositio potest sic demonstrari a priori in secunda figura, in canticis, omnis calor est qualitas, nulla substantia est qualitas, ergo nulla substantia est calor.

Secundo quando subiectum continetur sub aliquo superiori, prædicatum uero sub nullo, in quo sensu hæc est mediata nulla uirtus est quantitas, & hæc potest demonstrari in prima & secunda figura a priori. In prima quidem sic, nulla quali-

tas est quantitas. omnis uirtus est qualitas, ergo nulla uirtus est quantitas, in secunda autem sic. Nulla quantitas est qualitas, ois uirtus est qualitas, ergo nulla uirtus est quantitas.

Tertio quando subiectum & prædicatum cōtinentur sub aliquo superiori generico, in quo sensu hæc est mediata, nullum uitium est uirtus, & potest demonstrari a priori in prima & secunda figura. In prima quidem sic, nullum uituperabile est uirtus, omne uitium est uituperabile, ergo nullū uitium est uirtus. In secunda autem sic, omnis uirtus est laudabile, ergo in canestres, nullum uitium est uirtus. Constat igit tibi quot modis contingit fieri vltis negatiua mediata.

Ad hoc autem quod fiat immediata oportet quod neutrum extremorum contineatur sub aliquo superiori generico, ex consequenti quando unum prædicamentum negatur uniuersaliter de alio, est propositio immediata. Vnde hæc est immediata, nulla substantia est quantitas, & hæc nulla quantitas est qualitas, & sic de aliis. Pro cuius noticia aduerte, quod ut tibi manifestum erit in tertio metaphysicæ ens nō est; superius ad decem prædicamenta ut genus, nec descendit in ea, ut genus in species: quoniam nō est uniuocum, sed analogum, ut docuimus in tractatu de quinque prædicabilibus, & ens non habet differentias essentielles quibus diuidatur, & quibus constituat diuersas species, sicut inueniuntur in quolibet genere, ut docuimus in tractatu de quinque prædicabilibus. Descendit autem per seipsum in decem prædicamenta, & ideo sunt primo distincta, siue primo diuersa, nullum omnino medium uniuocum habentia & hac de causa propositio uniuersalis negatiua, cuius extrema sunt duo prædicamenta, est immediata, & indemonstrabilis simpliciter, & hinc est quod dicit Aristoteles coordinationes prædicamentorum esse impermixtas. Nam sicut nulla substantia est quantitas sic nullum genus substantiæ est genus quantitatis, nec species substantiæ est species quantitatis, & idem intelligi de omni prædicamento. Hoc autem intellige formaliter & non realiter, ut tibi declarabitur in tertio phisicorum: quando declarabitur tibi quomodo actio, & passio

sunt idem realiter, & tamen cōstituunt duo p̄nta. qm̄ distin-
guuntur formaliter, nec formaliter sumpta unum p̄dicatur
de altero. Hęc est. n. falsa. Actio est passio, licet hęc sit ue-
ra. Res quę est actio est passio. Constat igitur quę & quomo-
do fiat propositio uniuersalis negatiua immediata, & hęc
dicta sint de capite octauo.

Cap. 9. de syllogismo generante in nobis ignorantiam.

IN nono cap. agendum est de syllogismo opposito demō-
strationi, per quem generatur in nobis ignorantia, & er-
ror, sicut per demonstrationem generatur in nobis scia.
Tu igitur in p̄mis aduerte, quod uterq; syllogismus est bo-
nus de forma, fiunt enim in modo debito & figura, sed non
uterq; est bonus de materia ut tibi declarabitur. Nam syllo-
gismus per quem acquirimus sciam est semper ex præmis-
sis ueris, & de conclusionibus ueris, ut declaratum est sup̄.
Syllogismus autem per quem fit in nobis ignorantia, & de-
ceptio, licet sit plerumq; bonus de forma, tñ non de materia
qm̄ aut syllogizatur conclusio falsa ex utraq; præmissa fal-
sa, aut ex altera falsa, ut tibi manifestabimus infra.

His igitur præpositis ad resolutionem procedendo duo
agenda sunt, primo præponentur distinctiones de ignoran-
tia in sensu de quo hic intendit Aristoteles, secundo conside-
rabimus de singulis membris.

Quantum ad primum aduerte quod de mente Aristote-
lis in primo posteriorum. Ignorantia prima sui diuisione di-
uiditur in ignorantiam prauę dispositionis, & in ignorantia
simplicis negationis.

Ignorantia prauę dispositionis est deceptio causata in no-
bis uel possibilis causari per syllogismum peccantem in ma-
teria. Talis est ignorantia opinantis diametrum esse com-
mensurabilem costæ: quoniam sibi fit talis syllogismus, om-
nes quātitates continuę, & finitę, sunt adinuicem commen-
surabiles. Sed diametēr, & costæ sunt quantitates continuę,
& finitę, ergo sunt adinuicem commensurabiles, ex tali syl-
logismo generatur in eo ignorantia prauę dispositionis, per
quam decipitur: quoniam non aduertit maiorem esse fal-

sam

nam apud geometriam.

Ignorantia simplicis negationis, est simplex carentia ueræ notitiæ alicuius conclusionis in intellectu, eo quod nō habet p̄ncipia ad illam, aut ex ætate aut ex ineruditione i quo sensu dicimus infantem ignorare philosophiam, & rusticū ignorare geometriam, & de hac considerabimus in parte ultima huius capituli, & declarabimus unde pueniat, non quidem ex syllogismo sed aliunde.

Secunda distinctio, Ignorantia prauæ dispositionis potest esse circa p̄positiones immediatas & mediatas. Exemplum p̄mi, ut ille qui credit, partem esse maiorem toto. Exemplū secundi, ut ille qui credit non omnem triangulum habere tres angulos æquivalentes duobus angulis rectis.

Tertia distinctio, Ignorantia prauæ dispositionis siue sit circa p̄positiones immediatas siue mediatas, potest esse circa p̄positionem affirmatiuam & negatiuam. Exemplum p̄mi, ut ille qui credit esse quod non est, ut extra mundum eē uacuum, quod tamen non est, ut tibi declarabitur in. 1. cœli. Exemplum secundi, ut ille qui credit non esse q̄ est ut qui credit cœlum non esse corpus finitum, quod tñ ē finitum.

Quarta distinctio, Ignorantia prauæ dispōnis siue sit circa p̄positiones mediatas siue immediatas siue affirmatiuas siue negatiuas potest esse duplex. scilicet simplex & syllogistica. Simplex est deceptio facta in aliqua abiq; argumentatione ut quando quis credit ex sola imaginatione sua & nō aliqua ratione ductus mūdum esse infinitum, uel credit simpliciter alicui sic dicenti, dato quod nullam afferat rōnem. Syllogistica est illa deceptio quæ fit p̄ argumentationem, qua ligat respondens utpote nesciens soluere, hoc modo deceptus est Zeno negans motum, qm̄ nesciuit hoc argumentum soluere. Si aliquid mouetur, aut mouetur in pleno. aut in uacuo, non p̄mo, quia duo corpora non possunt esse simul, non secundo, quia non datur uacuum, ergo non datur motus.

Quantum ad secundum præmissis dictis distinctionibus uidendum est primo quomodo syllogizabilis est propositio uniuersalis affirmatiua immediata & falsa. Secundo quō

TRACTATUS VNDECIMVS

sylogizabilis est propositio uniuersalis negatiua immediata & falsa tertio quomodo sylogizabilis est propositio negatiua uniuersalis mediata & falsa. quarto quomodo sylogizabilis est propositio uniuersalis affirmatiua mediata & falsa.

Quātum ad propositionem uniuersalem affirmatiuam immediatam & falsam, aduerte quod nō potest sylogizari nisi in prima figura. scilicet in barbara quoniam in secunda non concluditur nisi negatiua, & in tertia non concluditur nisi particularis. Potest autem ut docet Aristoteles in. 1. posterio. sylogizari per syllogismum ignorantiae tribus modis primo per duas præmissas falsas in toto. i. uniuersaliter. V. G. Volo sylogizare istam, Omnis quantitas est qualitas, & arguo sic. Omnis substantia est, qualitas, Omnis quantitas est substantia, ergo omnis quantitas est qualitas, patet quod conclusio & utraq; præmissarum est falsa uniuersaliter, quoniam suæ contrariæ sunt uere uniuersaliter ut patet, secundo per duas præmissas falsas in parte & non in toto. V. G. Volo sylogizare istam. Omnis substantia est quantitas, & arguo sic. Oē imperfectum est quantitas, omnis substantia est imperfecta, ergo omnis substantia est quantitas. Patet quod conclusio est falsa in toto, quoniam sua contraria est uera in toto, & utraq; præmissarum est falsa sed non in toto, quoniam utraq; istarum est uera, aliquod imperfectum est quantitas, et aliquod imperfectum non est quantitas. Similiter utraq; istarum est uera, aliquod imperfectum est substantia, & aliquod imperfectum non est substantia. Tertio per maiorem ueram, & minorem falsam. V. G. Volo sylogizare istam. Omnis substantia est quantitas, & arguo sic. Omnis linea est quantitas, hæc est uera. Omnis substantia est linea hæc est falsa, ergo omnis substantia est quantitas.

Sed dices nunquid potest sylogizari ex ma. falsa & mi. uera sicut sylogizatur ex ma. uera & mi. falsa? Respondetur quod non nisi in duobus casibus, primo sumēdo pro medio terminum transcendentem ut hic. Omne ens est quantitas omnis substantia est ens, ergo omnis substantia est quantitas. Si autem sumatur pro medio ter. prædicamē-

talis puta generalissimum alicuius prædicamenti, utraq; præmissa erit falsa, ut hic. Omnis qualitas est quantitas. Omnis substantia est qualitas, ergo omnis substantia est quantitas secundo si arguatur per regulam antepreteritam ut hic. Omnis substantia est numerus. Omnis numerus est quantitas, ergo omnis substantia est quantitas. Si autem arguatur formaliter in prima figura, non est possibile ma. esse falsam & mi. uerā nisi ut diximus sumatur pro medio ter. transcendens.

Quantum ad præpōnem uniuersalem nega. immediatam & falsam aduerte quod est syllogizabilis per syllogismū ignorantie in prima & secunda figura, quoniam in utraq; concluditur uniuersalis negatiua, non autem in tertia, qm̄ in eam tantum particularis negatiua & affirmatiua concluditur. Potest autem syllogizari duobus modis ut patet per Aristotelem in primo posteriorum, primo quidem ex duabus falsis, & ex altera falsa in prima figura, exemplum primi. Hæc est uniuersalis negatiua immediata & falsa. Nullus homo est animal. Nam sicut propositio affirmatiua uniuersalis in qua prædicatur diffinitio uel pars diffinitionis de diffinitio est immediata & uera, quoniam inter diffinitionem & diffinitum, nullum cadit medium, sic eius negatiua uniuersalis est immediata & falsa. Hæc igitur nullus homo est animal, potest syllogizari sic in prima figura ex duabus falsis. Nullus asinus est animal. Omnis homo est asinus, ergo nullus homo est animal. Constat quod hic & conclusio & utraque præmissa est falsa. Exemplum secundi. Syllogizo eandem conclusionem sic. Nullus lapis est animal. Omnis homo est lapis, ergo nullus homo est animal, constat quod ibi ma. est uera & mi. falsa. Potest etiā syllogizari ex ma. falsa & mi. uera ut hic nullum risibile est animal, hæc est falsa. Omnis homo est risibilis, hæc est uera, ergo nullus homo est animal.

Secundo syllogizabilis est in secunda figura, ex utraque falsa, & ex altera falsa siue sit ma. siue mi. Exēplum primi. Sumo hanc. Nullus homo est animal & arguo sic in camesares. omne animal est rationale, hæc est falsa. Nullus homo est rationalis, hæc est falsa, ergo nullus homo est animal.

TRACTATVS VNDECIMVS

Exemplum secundi. Sumo eandem & arguo sic, nullum animal est lapis, hæc est uera. Omnis homo est lapis, hæc est falsa, ergo in celare, nullus homo est animal. Item potest esse ma. falsa, & mi. uera, ut sumo eandem, & arguo sic nullum animal est risibile hæc est falsa. Omnis homo est risibilis, ergo nullus homo est animal.

Quantum ad uniuersalem negatiuam mediatam & falsam qualis est ista, nullus homo est substantia (nam inter prædicatum & subiectum cadunt multa media per quæ potest syllogizari. scilicet animal, corpus animatum, corpus ut patet in arbore porphirii, ideo est mediata) aduerte quod est syllogizabilis per syllogismum ignorantie in prima & secunda figura. Exemplum primi, Sumo istam, nullus homo est substantia, & arguo sic, nullum animal est substantia, omnis homo est animal, ergo nullus homo est substantia. Exemplum secundi, Sumo eandem & arguo sic, nulla substantia est corpus, omnis homo est corpus, ergo nullus homo est substantia. Constat ergo quod est syllogizabilis in prima & secunda figura. Potest autem ad mentem Aristotelis syllogizari duobus modis.

Primo in prima figura potest syllogizari ex utraque præmissa falsa, & ex altera falsa, id est maiore sed minore uera. Exemplum primi, Sumo istam, nullus homo est substantia & arguo sic, Nullus lapis est substantia. Omnis homo est lapis, ergo nullus homo est substantia. Exemplum secundi de mai. falsa.

Sumo eandem & arguo sic, nullum animal est substantia. Omnis homo est animal, ergo nullus homo est substantia; patet quod ma. est falsa, & mi. uera, & aduerte quod non potest syllogizari in prima figura ita quod ma. sit uera, & mi. falsa, si sumatur medium proprium, id est quod est eiusdem prædicti cum extremis conclusionis si autem medium sit alterius prædicti ab extremis, ut patet in. 1. posteriorum, tunc non est proprium, sed dicitur extraneum, & tunc potest syllogizari uniuersalis negatiua mediata & falsa ex ma. uera & mi. falsa. V. G. Sumo hanc, nullus homo est substantia, & arguo sic. Nulla albedo est substantia, hæc est uera. Omnis homo est albedo hæc est falsa, ergo nullus homo est substantia. Constat igitur

tur quomodo uniuersalis negatiua mediata & falsa est syllogizabilis in prima figura, ex utraque præmissa falsa, & ex mai. falsa & mi. uera, & ex mai. uera, & mi. falsa.

Secundo potest syllogizari in secunda figura ex utraque præmissa falsa in parte, & ex altera præmissa falsa siue sit mai. siue minor. Exemplum secundi. Sumo hanc, nullus homo est substantia, & arguo sic. Nulla substantia est albedo. Omnis homo est albedo, ergo nullus homo est substantia. Ibi mai. est uera, & mi. falsa. Quod autem mai. possit esse falsa, & mi. uera, patet hic. Omnis substantia est albedo, nullus homo est albedo, ergo nullus homo est substantia. Exemplum primi. Sumo eandem & arguo sic. Omnis substantia est imperfecta, hæc est falsa in parte quoniam aliqua substantia est perfecta, & aliqua imperfecta. Nullus homo est perfectus, hæc est falsa in parte, quoniam inter homines aliquis est perfectus aliquis imperfectus, ergo nullus homo est substantia.

Dixi ex utraque præmissa falsa in parte, quoniam non potest utraque esse falsa ex toto, quoniam non potest inueniri medium, quod sit uniuersaliter in omni contento sub vna extremitatum, & uniuersaliter remotum ab alia. Vnde tale medium uel est simpliciter extraneum cuilibet extremitatum, uel conueniens alicui illarum.

Si primum, semper negatiua erit uera. Si secundum, nunquam quælibet præmissarum erit falsa in toto. Verbi gratia. Quia color est omnino extraneus ab homine & a substantia, si arguatur sic, nulla substantia est color. Omnis homo est color, ergo nullus homo est substantia, patet quod mai. est uera. Quia uero lapis est extraneus ab homine non autem substantia cum sit substantia si arguatur sic, Nulla substantia est lapis. Omnis homo est lapis, ergo nullus homo est substantia, patet quod mai. non est falsa in toto, quoniam aliqua substantia est lapis, & aliqua non. Constat ergo quomodo utraque præmissa non potest esse falsa in toto.

Quantum ad propositionem uniuersalem affirmatiuam mediatam & falsam aduerte quod non est syllogizabilis nisi

TRACTATVS VNDECIMVS

in prima figura sicut nec propositio uniuersalis affirmatiua immediata & falsa. Nam ut docuimus in trac. de syllogismo formali, tantum in prima figura & in primo modo concluditur uniuersalis affirmatiua ex duabus uniuersalibus affirmatiuis, potest autem per syllogismum ignorantie syllogizari in prima figura duobus modis ad mentem Aristotelis in primo posteriorum.

Primo ex utraque præmissa falsa, quando syllogizatur per medium quod est extraneum ab utroque extremo. Verbi gratia sumo, hanc omnis homo est sapor, & arguo sic. Omnis lapis est sapor. omnis homo est lapis, ergo omnis homo est sapor, patet utranque esse falsam, quoniam medium sumptum, id est lapis, non prædicatur de sapore nec de homine.

Secundo ex altera præmissarum existente falsa, & hoc tripliciter, quia aut medium est proprium aut extraneum. Si proprium tunc maior erit falsa & minor uera. Verbi gratia. Sumo hanc omnis homo est circulus, & arguo sic. Omne animal est circulus. Omnis homo est animal, ergo omnis homo est circulus, patet maiorem esse falsam, & minorem ueram, quoniam medium, i. animal prædicatur de homine. Si est extraneum, hoc dupl'r, quoniam aut extraneum est solum a minore extremitate, & tunc ma. erit uera, & mi falsa. Verbi gratia sumo hanc. Omnis homo est triangulus, & arguo sic. Omnis figura habens tres angulos est triangulus. Omnis homo est figura habens tres angulos, ergo omnis homo est triangulus. Fatet ma. esse ueram, & mi. falsam quoniam hæc tres angulos est remotum ab homine & extraneum est autem proprium triangulo, aut extraneum est solum a ma. extremitate non autem a mi. & tunc ma. tantum erit falsa, sed mi. uera. Verbi gratia. sumo hanc. Omnis homo est color, & arguo sic. Omne animal est color omnis homo est animal, ergo omnis homo est color. Patet maior tantum esse falsam, eo quod medium, id est animal est extraneum a colore. Constat igitur tibi quibus modis est syllogizabilis propositio uniuersalis affirmatiua mediata & falsa. Hæc de ignorantia præuæ

dispositionis dicta sint.

Nunc agendum est de ignorantia simplicis negationis, puta de ignorantia coloris quæ est in ceco, & ignorantia sonorum quæ est in surdo, & hic duo agenda sunt primo declarandum est unde proueniat de necessitate talis ignorantia, ita quod est impossibile acquirere per inuentionem propriam suum oppositum, id est scientiam tali ignorantie oppositam, secundo probandum est intentum.

Quantum ad primum aduerte quod ad mentem Aristotelis in primo posteriorum radix huius ignorantie est carentia siue esse priuatum aliquo sensu a natiuitate. Verbi gratia. Si quis nascitur cecus non potest per suam inuentionem habere noticiam de colore & sic de necessitate ignorat quid sit color, quomodo inmutat uisum, quomodo distinguuntur species sue &c. Idem intellige de priuato quocunque alio sensu ita quod deficiente nobis aliquo sensu, necesse ut ignoremus subiectum illius siue obiectum, & proprietates talis obiecti, & contenta sub eo, & aduerte quod semper hic loquimur de scientia obiecti sensibilis quæ possit haberi per inuentionem distincte & determinate per proprios conceptus. Hanc enim probabimus impossibile haberi si caremus sensu talis uel talis obiecti.

Quantum ad secundum probandum est intentum præpositum, quod sub tali conclusione formatur. Deficiente nobis aliquo sensu est impossibile est habere scientiam de sensibilibus illius sensus. Pro illius probatione, præmitto ad mentem Aristotelis, quod omnis uera notitia scientifica si debet haberi per inuentionem, oportet quod habeatur aut per demonstrationem aut per inductionem. Nam omnis notitia complexa habita per discursum, est notitia alicuius uniuersalis concludere ex præmissis uniuersalibus ueris, uel concludere ex singularibus sufficienter enumeratis. Primo modo habetur per demonstrationem. Secundo modo per inductionem, ut patet ex diffinitione demonstrationis & inductionis, quas assignauimus supra. Hoc supposito probatur sic conclusio præposita. Omnis notitia scientifica alicuius obiecti

TRACTATVS VNDECIMVS

sensibilis, habetur ex inuentione aut per demonstrationem aut per inductionem, hæc patet ex supposito. Sed siue habeatur per demonstrationem siue per inductionem, necessarius est nobis sensus illius obiecti sensibilis. Nam si habetur per inductionem, cognoscitur uniuersale per singularia. Singularia autem non cognoscimus nisi per sensum. Est enim sensus singularium. Verbi gratia. Non possum per inductionem cognoscere hanc uniuersalem. Omne reubarbarum purgat coleram, nisi per sensum experiar & hoc & hoc & hoc reubarbarum & sic de singulis purgare colerā.

Si autem habetur per demonstrationem arguitur sic. Omnis demonstratio est ex uniuersalibus, & uniuersalia cognoscuntur per singularia. Cuius signum est quod etiam mathematica quæ uidentur abstracta a materia sensibili, ut tibi declarbitur in tertio metaphysicæ, & in secundo physicorum, non cognoscuntur nisi per singularia. Verbi gratia. Cognosco hanc uniuersalem. Omnes recti anguli sunt æquales, quia uideo hos esse æquales, & illos & illos & sic de singulis. Constat ergo quod siue acquiramus noticiam scientificam de obiectis sensibilibus per inductionem uel per demonstrationem, necessarius est nobis sensus. Et sic patet quod deficiente nobis aliquo sensu, impossibile est nos habere scientiam illius sensus, ex consequenti oportet nos persistere in ignorantia simplicis negationis obiecti sensibilis talis sensus. Hæc de præsentī capi. dicta sunt.

Cap. decimum de processu demonstrationis in infinitum.

IN cap. decimo agendum est de processu demonstrationis in infinitum, & hic quatuor principaliter agenda sunt. Primo quod in demonstrationibus non contingit procedere in infinitum in prædicatis quiditatiuis. Secundo quod non in prædicatis substantialibus. Tertio quod non in prædicatis accidentalibus. Quarto quod nullo modo.

Quantum ad primum aduerte quod prædicata quiditatiua sunt prædicata diffinitiuā, ut animal est prædicatum quiditatum de homine, qm̄ ingreditur eius diffōnem, & sensitium est prædicatum quiditatum de animali, & sic ascēde in arbore porphyrii. Tu igitur aduerte quod procedere in infinitum prædicatis quiditatiuis est non dare statum in diffinientibus, & diffinitis, ita quod non possumus assignare primum diffiniens sup̄ quod non sit aliud, nec ultimū diffinitum infra quod non sit aliud, & qm̄ Arist. in primo posteriorum in hac materia est maxime diffusus, ideo ne adiscantis, & nouicii ingenium confundatur, compendiose procedendum est. Sufficient igitur tibi pro nunc duæ conclusiones.

Prima est. In demonstrationibus affirmatiuis, non est processus in infinitum in prædicatis quiditatiuis, probatur sic. Si datur talis processus in infinitum, nullum diffinibile, uel diffinitum poterit perfecte cognosci per diffinitionem suam quod est falsum, falsitas consequentis patet, quoniam si per diffinitionem rei non perfecte rem ipsam cognoscimus, de nullo dabitur perfecta & distincta cognitio, quoniam sola diffinitio indicat nobis rei scibilis naturā per prædicata essentialia, ut tibi manifestabitur in septimo metaphysicæ. Consequentia autem sic manifestatur. Sumo hominem ut diffinibile per animal rationale, & arguo sic. Si per diffinitionem hominis, debet homo perfecte cognosci, oportet quamlibet partem diffinitionis sue perfecte cognoscere, ergo oportet perfecte cognoscere animal, & cum animal diffiniatur per sensitium, oportet sensitium perfecte cognoscere, & cum sensitium diffiniatur per animatum, oportet animatum perfecte cognoscere & animatum diffinitur per corpus, & corpus per substantiam, & substantia per ens, & ens per a, & a per b, & b per c, & sic in infinitum, nō poterunt omnia diffinita & diffinientia cognosci, qm̄ non possunt infinita pertransiri & deuenire ad primum, quo ignorato impossibile est posteriora cognoscere ut tibi declarabitur in. i. physi. Ergo constat tibi qd si est processus in infinitum in demonstrationibus quo ad prædicata, quiditatiua, nullus res poterit per diffini-

TRACTATUS VNDECIMVS

tionem suam perfecte, & distincte cognosci, & sic aufertur ab intellectu humano, omnis uera, & distincta ac perfecta, cuiuscunque obiecti scientia.

Secunda conclusio est hæc. Si non est processus in infinitum in demonstrationibus affirmatiuis, ergo nec in negatiuis, probatur hæc conditionalis sic. Nunquam contingit syllogizare conclusionem negatiuam, nec si est mediata reduci ad immediatam, nisi altera præmissarum existente affirmatiua, nam ex puris negatiuis non ualet argumentum, ergo nulla apparet ratio quod possit esse processus infinitus in negatiuis, stante processu finito in affirmatiuis.

Quantum ad secundum aduerte quod prædicatum substantiale ad mentem Arist. in. 1. poster. est illud quod significat totum subiectum aut partem subiecti, & est in eodẽ pñto substantiæ sicut subiectum, exemplum pñmi. Substantia sensitiua est prædicatum substantiale de animali, exemplum secundi. Corpus est prædicatum substantiale de homine, est enim corpus pars hominis compositi ex corpore, & animali, & tale prædicatum substantiale tam pñmo quam secũdo modo distinguitur contra prædicatum accidentale, eo q̃ illud non est subiectum nec pars subiecti, sed significat aliquid in subiecto, ut cum dico homo est albus, significat albedinem inesse homini. Hoc declarato ponitur hæc conclusio.

In demonstrationibus non est processus in infinitum in prædicatis substantialibus, neq̃ ascendendo sursum. sc. ad magis, & magis usq̃a sine statu, neq̃ descendẽdo deorsum. sc. ad minus, & minus cõia sine statu, neq̃ circulariter. Prima pars sic probatur. Si est processus in infinitum in ascendendo, ergo nihil possemus scire quod de pñto substantiæ per definitionem suam, quod sit est falsum, q̃ia sic deducitur, cum definitio constet ex genere, & differẽtia si illud sciretur per genus, & differentiam. Sed si esset processus in infinitũ in ascendẽdo genera essent infinita, & nõ esset deuenire ad generalissimum, & oporteret ea omnia perfecte cognoscere, modo constat quod esset impossibile omnia illa perfecte cognoscere, quoniam non est infinita pertransire, ergo constat quod

nihil possemus scire quod sit de prædicamento substantiæ præ diffinitionem, si est processus in infinitum in prædicatis substantialibus in ascendendo, secunda pars sic probatur, nō est processus in infinitum in ascensu, ergo nec in descensu, antecedens patet ex probatione primæ partis, pñā pbatur, qm̄ in descensu est deuenire ad singulare, ut patet descendendo per arborem porphyrii puta usq; ad Socratem & Platonē sub homine. In singulari autem est status, qm̄ singulare, ut singulare de nullo inferiori prædicatur, tertia pars sic probatur, si est processus in infinitū circulariter in prædicatis substantialibus, id est quæ sunt de pñto substantiæ: sequitur qd' omnia genera de pñto substantiæ de seinuicem æqualiter prædicantur, quod est falsum, qm̄ essent conuertibilia sicut homo, & risibile, & unum non esset uniuersalius alio, & sic auferretur ordo lineæ prædicamentalis in qua disponūtur species, & genera secundum sub & supra usq; ad generalissimum, ut docuimus in trac. de prædicamentis. Consequentia uero sic probatur si datur talis processus in prædicamento substantiæ, ergo sequitur quod postquam demonstraue- ro hominem esse animatum, quia est animal, & hominem esse corpus quid est animatus, & hominem esse substantiam quia est corpus, per circulum reuertar, & demonstrabo substantiam esse hominem per hoc medium quod est animal, sic arguendo, omne animal est homo, omnis substantia est animal, ergo omnis substantia est homo. Constat autem qd' hæc demonstratio non esset de conclusione uera nec ex ueris, nisi substantia, & animal, & homo essent æqualis prædicationis de seinuicem sicut sunt æqualis prædicationis, homo rationale, & risibile, & quod dico de substantia, & animali, & homine, idem intellige, de animato, & corpore, & substantia. Cum igitur ex tali processu destruaturs ordo prædicamentalis, non est admittendus. Manifestum ergo est quod demonstratio non procedit in infinitum prædicatis substantialibus, neque sursum, neque deorsum, neque per circulum.

Quantum ad tertium probandū est q̄ in demonstratione

TRACTATVS VNDECIMVS

non proceditur in infinitum in prædicatis accidentibus, sed aduerte prius quod prædicatum accidentali est duplex, scilicet accidentale per accidens, & est illud quod cum subiecto facit propositionem per accidens ut homo est albus, & accidentale per se, & est illud quod cum subiecto facit propositionem per se, ut homo est risibilis, primo igitur probandū est propositum primo modo, deinde secundo modo.

Respectu primi ponitur hæc conclusio. In prædicatis per accñs facientibus propōnem per accidens, non est processus in infinitum circulariter neq; sursum, neq; deorsum. Prima pars sic probatur, si est processus in infinitum circulariter in prædicatis per accidens primo modo, hoc potest esse tripliciter, primo ut comparantur adinuicem in eodem pñto, puta ut comparatur albus ad coloratum, & coloratum ad qualitatem passibilem, & qualitas passibilis ad qualitatem, & iterum retrocedendo, & ut sic processus in infinitum est impossibilis per circulum, quia tunc omnia accidentia eiusdem pñti essent adinuicem conuertibilia, & demonstraretur superius de suo inferiori, sicut etiam docuimus in pñto substantiæ, secundo ut comparantur ad omnia pñta accidentiū & sic iterum talis processus est impossibilis, quia sicut demonstrarentur accidentia respectiua de absolutis, sic & econuerso, quod est omnino impossibile, tertio ut comparatur ad prædicamentum substantiæ, & sic iterum talis processus est impossibilis, quia cuni prædicata sint finita sicut & prædicamenta, tandem demonstraretur substantia de accidente, sicut accidens de substantia, quod est penitus impossibile.

Secunda pars conclusionis, scilicet quod non sit processus in infinitum in prædicatis accidentalibus facientibus propositionem per accidens ascendendo sursum, probatur. Si talis processus est possibilis, uel est quando unum prædicatur de uno, ut homo est albus, uel quando plura prædicatur de uno, ut homo est albus musicus magnus &c. Non primo, quoniam cum omne unum prædicatum sit in aliquo prædicamento, & prædicamenta sint finita, oportet etiam prædicata, quæ prædicantur ut unum de uno esse finita. Nō

secundo, quoniam si prædicata sunt finita, oportet multiplicationes eorum esse finitas, sicut si unitates sunt finite oportet numeros esse finitos, sed prædicata sunt finita, quoniam ut diximus omne prædicatum est in aliquo prædicamento, & prædicamenta sunt finita cum sint tantum decem, ergo cum prædicata sunt finita, eorum multiplicationes, in quibus plura prædicata prædicantur de uno subiecto, sunt finite, ex consequenti non est possibilis in ascendendo sursum, prædictus processus in infinitum.

Tertia autem pars conclusionis deducitur ex secunda, nam si non est processus in infinitum in ascendendo, multo minus in descendendo, quoniam sicut in prædicamento substantiæ est status in indiuiduis sub quibus non dantur inferiora, sic & in prædicamentis accidentium, nam sicut sub hoc homine non datur inferius, sic nec sub hac linea, nec sub hac albedine.

Respectu secundi: scilicet prædicati accidentalis facientis propositionem per se ut homo est risibilis, ponitur hæc conclusio. Non est processus in infinitum in prædicatis accidentalibus facientibus propositionem per se, neque sursum, neque deorsum, Antequam probetur conclusio aduerte quod talia prædicata sunt illa quæ prædicantur de subiecto in secundo modo per se: in quorum diffinitione ponitur subiectum, & dicuntur rerum proprietates, conuertibiles cum his quorum sunt proprietates aut risibile in homine, rudibile in asino, par uel impar in numero, habere tres angulos in trigono &c.

His declaratis probatur sic conclusio, si est processus in infinitum in prædicatis accidentalibus, quæ sunt prædicata per se, ut rerum passionibus, & proprietatibus, ergo non contingit per demonstrationem aliquid scire simpliciter, quod est falsum: quoniam ut docuimus in tract. secundo demonstratio propter quid, de qua nunc intendimus est syllogismus faciens scire simpliciter. Consequentia autem sic probatur, scire simpliciter est scire conclusionem per reductionem ad immediatam, & indemonstrabilia, aliter non quiesceret intellectus inuestigantis, & adiscētis. Sed si datur talis processus, est im-

TRACTATVS VNDECIMVS

possibile reducere conclusionem ad immediata, & indemonstrabilia: quoniam supra passionem a daretur alia passio demonstrabilis communior puta b & super illam alia adhuc communior, & sic in infinitum, & cum non sit infinita p̄trā siue esset impossibile reducere conclusionem ad immediata, & indemonstrabilia, ex consequenti nihil posset sciri simpliciter. Constat igitur quod indemonstrando non est processus in infinitum in prædicatis accidentalibus quæ constituunt propositionem per accidens, nec in illis quæ constituunt p̄positionem per se.

Quantum ad quartum p̄bandum est, q̄ uniuersaliter, & nullo modo p̄cedendum est in ueris demonstrationibus in infinitum, p̄ cuius euidencia p̄ponitur q̄ omnis demonstratio. Ex his quæ sunt p̄ se, & hoc iam declaratum est supra, ubi docuimus demonstrationem non esse ex his quæ sunt p̄ accidens, neq; ex extraneis, neq; ex his quæ possunt aliter se habere qualia sunt contingentia. Præponitur ulterius q̄ duplex est p̄positio p̄ se quæ ingreditur demonstrationem. Vna in p̄mo modo, & est illa in qua p̄dicatum est diffinitiuū subiecti, altera in secundo modo, & est illa in qua subiectum ponitur i diffinitione p̄dicati, exemplum p̄mi, homo est animal rationale, exemplum secundi, homo est risibilis.

His præpositis ponitur duplex conclusio, quarum prima hæc est. Impossibile est procedere in infinitum in demonstrationibus in quantum constant ex his quæ sunt per se in secundo modo. Hæc probatur tripliciter primo sic, nullum subiectum habet proprias passiones infinitas, ergo impossibile est procedere in infinitum &c. Consequentia est manifesta. Antecedens autem sic probatur. Cum omnia præcedentia ingrediantur diffinitionem posterioris, ut patet ex doctrina data in tracta. de prædicabilibus siue de quinque uniuersalibus, eiusdem essent diffinitiva infinita: quoniam sicut omne superius in prædicamento substantiæ ingreditur diffinitionem inferioris, sicut passio præcedens ingreditur diffinitionem passionis posterioris. Infinita autem diffinita non possunt complete cognosci, ergo de nullo subiecto haberetur

resoluta demonstratio in quantum constat ex his quæ sunt per se in secundo modo.

Secundo sic. Impossibilis est processus in infinitum in his quæ adinutem sunt conuertibilia secundum prædicationē. Nam omnis processus siue sursum, siue deorsum, siue sit finitus, siue non, est a minus communi ad magis commune, uel econuerso. Sed inconuertibilibus non datur magis, neq; minus commune, sed æque commune, ergo in eis non est processus in infinitum.

Sed omnes proprie passionēs quæ: scilicet fluunt in principiis speciei, sunt cōuertibiles cum subiectis suis. Sant enim propria in quarto modo, ergo in eis non est processus in infinitum.

Secunda conclusio est hæc. Non est processus in infinitum in demonstrationibus in quantum constat ex quæ sunt in primo modo per se, probatur. Si est processus infinitus in illis, ergo non contingit aliquid uere, & complete diffinire, quod est falsum: quoniam cum diffinitio sit medium in demonstratione, ut tibi declarabitur infra auferetur omnis uera demonstratio, ex consequenti omnis uera scientia: quoniam non causatur, nisi ex demonstratione: ut declaratum est supra. Consequentia probatur. Nam datur diffinitio causa cognoscendi diffinitum per sua principia essentialia quæ sunt genus, & differentia. Sed dato tali processu infinito, non posset cognosci complete diffinitum: quoniam oportet superiora infinita diffinibilia cognoscere, sicut si uolo per diffinitionem hominis cognoscere hominem, oportet cognoscere animal, & animatum, & corpus, & substantiam, & ens, & hic est status. Oportet etiam cognoscere rationale, & irrationale, sensituum, & insensituum animatum, & inanimatum corporeum, & incorporeum, & hic est status ex parte differentiarum. Cum autem sit impossibile infinita superiora genera, & infinitas differentias cognoscere. Constat quod concesso processu infinito in prædicatis, primi modi per se remouetur omnis uera diffinitio, & omnis demonstratio potissima

TRACTATVS VNDECIMVS

& omnis uera scia, Necesse est ergo in demonstrationibus ponere statum. Hæc dicta sint pro præsentī cap. in quo studui breuiare prolixitatem Aristotelis in. 1. posteriorum ppter utilitatem adiscientium, ne confunderentur.

Caput undecimum de cōparatione demonstrationum adinuicem quo ad perfectionem, & nobilitatem.

IN hoc capite agendum est de cōparatione demonstrationum quo ad nobilitatem iuxta doctrinam Aristotelis in. 1. posteriorum. Tu igitur aduerte quod demonstrationum triplex est distinctio.

Prima est. Demonstrationum alia uniuersalis, alia particularis.

Secunda est. Demonstrationum alia affirmatiua alia negatiua.

Tertia est. Demonstrationum alia ostensiuā alia ad impossibile.

Hic igit tria agenda sunt, pmo inuestigabimus quæ sit potior an uniuersalis an particularis, secūdo an affirmatiua uel negatiua, tertio an ostensiuā uel ducens ad impossibile.

Quantum ad p̄mum aduerte antequam deueniamus ad inquisitionem ppositi quod demonstratio uniuersalis est illa p quam demonstratur p̄pria passio de suo p̄mo & adæquato subiecto, & in qua maior extremitas, & minor, & mediū sunt termini conuertibiles. V. G. Si demonstratur quod homo est risibilis p rationale, est demonstratio uniuersalis, quia risibile p̄mo, & adæquate homini conuenit in quantum est homo, & homo, & risibile, & rationale sunt adæquate p̄dicationis, ex consequenti sunt termini conuertibiles.

Demonstratio autem particularis est illa, p quam demonstratur p̄pria passio nō de adæquato subiecto, sed de aliquo contento sub eo siue sit eius species, siue singulare, exemplū primi. ut quando demonstratur habere tres angulos de ysochelle quæ est species trianguli. Neque enim habere tres angulos competit ysochelli in quantum est ysochelles, sed in quantum est triangulus, exemplum secundi, ut quando demonstratur caliam uel sortem esse risibilem, neq; enim

risibile

risibile primo conuenit calie, sed homini calia autem conuenit inquantum est homo; & hac de causa in demonstratione particulari, non est necesse tres terminos esse conuertibiles, constat enim quod habere tres non cōuertitur cum ysochelle, & risibile non conuertitur cum calia.

His igitur declaratis, p resolutione ppositi ponitur hæc conclusio. Demonstratio uniuersalis potior est demonstrationem particulari. Qua pbata recitabimus rationes sententium oppositum, & eas soluemus. Tribus autem rationibus probatur ipsa conclusio ad mentem Aristotelis.

Prima ratio est. Demonstratio uniuersalis magis facit scire quā particularis, ergo est potior, consequentia patet: quoniam cum demonstratio sit syllogismus faciens scire, quæ magis facit scire, potior est. Antecedens autem sic pbatur. Demonstratio uniuersalis facit scire passionem de subiecto secundum seipsum, ut diximus, particularis autem facit scire secundum aliud. Puta quod ysochelli competit habere tres angulos nō secundum quod est ysochelles, sed secundum quod est triangulus. Sed perfectius est scire secundum seipsum quā secundum aliud, sicut perfectius est esse lucidum p seipsum quā p aliud: quoniam primum est per essentiam, secundum autē p participationem, ergo clarum est demonstrationem uniuersalem esse potiore quam particularis.

Secunda ratio est. Demonstratio uniuersalis est de magis ente quam particularis, ergo est potior. Consequentia patet, nam sicut scientia quæ est effectus demonstrationis, non est nisi de ente, & quæ est de magis ente est perfectior, sic & demonstratio. Sed uniuersale est magis ens quam particulare: quoniam uniuersale est incorruptibile, & abstrahit ab hic, & nunc, & sic uniuersale est semper. Particulare autem est corruptibile, nec abstrahit ab hic, & nunc. Præcipue particulare quod plurificatur sub eadem specie, qualia sunt particularia inferiora; ergo demonstratio uniuersalis est potior particulari.

Tertia ratio est, demonstratio uniuersalis magis præseruat intellectum ab errore, & deceptione quam particularis,

ergo est potior, patet consequentia, quoniam sicut ipse dicitur
ad demonstrationem causare scientiam: sic & auferre igno-
rantiam ac deceptionem: ergo sicut ea quæ causat magis scie-
tiam est potior, sic & ea quæ magis præseruat ab ignorantia
antecedens uero probatur. Nam quis de facili potest decipi
credendo triangulum æquilaterum secundum quod est æq-
lateralis habere tres: eo quod per demonstrationem particula-
rem concluditur æquilaterum habere tres. Non autem po-
test decipi credendo triangulum secundum quod est trian-
gulus habere tres: quoniam sic est, & id concluditur per de-
monstrationem uniuersalem, alias rationes ponit Aristote-
les ad probandum eandem conclusionem. Sed iste tibi suffi-
ciant pro presenti tractatu.

Probata conclusione, formandæ sunt rationes eorum
qui tenent particularem demonstrationem potio-
rem esse uniuersali. Tu igitur aduerte quod Aristoteles in primo
posteriorum format tres rationes, quarum singulas solu-
mus.

Prima est. Demonstratio particularis facit magis scire
ergo est dignior. Consequentia patet. Antecedens probatur
particularis facit scire secundum seipsum, uniuersalis autem
secundum aliud. Nam quando demonstratur omnem yso-
chellem habere tres angulos æquales duobus rectis, scitur
quod omnis ysochelles secundum seipsum habet tres angu-
los æquales & cætera. quando autem demonstratur trian-
gulum habere tres angulos æquales duobus rectis, scitur
quod ysochelles habet tres angulos non secundum quod
ysochelles, sed secundum aliud: id est in quantum est species
trianguli.

Respondetur, negatur antecedens, ad probationem, nego
q. particularis faciat scire, sicut se ipsum, uis autem secundum
aliud, immo est oppositum ut docuimus in prima ratione.
Ad probationem nego q. demonstratur ysochellem habere
tres angulos sicut se ipsum, quoniam falsæ demonstraretur. Non in-
ut ysochelles, sed ut est triangulus habet tres. Triangulus au-
tem sed ipsum habet tres, quoniam est primum & ad æqua-

cum subiectum huius passionis & non ratione alterius. Constat ergo quod ratio hæc nihil concludit.

Secunda est Demonstratio particularis magis præferuat intellectum ab opinione falsa quam uniuersalis, ergo est dignior. Consequentia patet. Antecedens autem sic probatur. Quando demonstratur aliqua passio de suo subiecto uniuersaliter. Puta de triangulo quod habet tres angulos, & de circulo, quod una linea continetur, & de numero quod est par uel impar; & illud non demonstratur de aliquo in particulari. Puta de ysochelle uel de binario, potest intellectus opinari tali uniuersale esse separatim secundum esse a singularibus sicut imaginati sunt Platonicæ & pythagorici, ut recitat Aristoteles in septimo metaphysicæ, quæ quidem opinio esset falsa, ut tibi declarabitur in primo & in septimo metaphysicæ, quoniam essi mathematica abstrahant a materia secundum rationem ut tibi declarabitur in secundo physicorum, non tamen secundum esse. Quando autem illud demonstratur de aliquo particulari. Puta habere tres de ysochelle uel de hoc triangulo particulari, non potest huiusmodi falsa opinio causari in intellectu, quoniam demonstratur passio de hoc singulari, quod ad sensum constat esse in materia puta in ligno uel lapide. Ergo demonstratio particularis dignior est uniuersali.

Respondetur negatur antecedens. Ad probationem dico quod sanus & clarus intellectus non habet ueram occasionem opinandi triangulum uel figuram uel numerum esse separatim singularibus secundum esse, ex eo quod aliquid de eis demonstratur uniuersaliter. Sed hoc est ex imperfectione intellectus: Vnde hæc falsa opinio non oritur ex uniuersali demonstratione, sed ex debilitate intellectus, non potest iudicare quod hæc duo stant simul. Mathematica abstrahunt a materia, & a singularibus secundum rationem. Mathematica non abstrahunt a materia & a singularibus secundum esse. Constat igitur quod hæc ratio non concludit.

Tertia ratio est. Demonstratio particularis est magis

de ente quam uniuersalis ergo, est potior. Patet consequentia. Antecedens probatur. Demonstratio particularis est de particularibus, & uniuersalis de uniuersalibus, sed particularia sunt magis entia quam uniuersalia, quoniam uniuersalia non habent esse nisi in particularibus, nam homo ut homo non existit nisi quia hic uel hic homo existit, ergo constat quod demonstratio particularis est magis de ente, quam uniuersalis.

Respondetur ens potest tripliciter considerari. Primo in ratione essendi siue existendi, secundo in ratione subiecti cuius passionis sibi inexistens, tertio in ratione obiecti mouentis potētia cognoscitiuam & terminantis actum cognitionis. Primo modo particularia sunt magis entia quoniam p se existāt, & uniuersali nō competit existere nisi quia particulare existit, secundo modo uniuersalia sunt magis entia, quia subiiciuntur p se primo suis passionibus particularia autem non p se primo sed secundo, nam ut declaratur apud porphirium in trac de uniuersalibus, proprium inest pmo speciei, & p speciem inest indiuiduis, neq enim sortes est risibilis nisi quia homo est risibilis, tertio modo uniuersalia sunt magis entia, quia prius mouent intellectum ad intelligendū & directe, particularia autem indirecte ut tibi declarabitur i li. de anima. Posita hac distinctione aduerte quod demonstratio non debet iudicari esse magis de ente iuxta primum modum sed iuxta secundum & tertium, & ideo uniuersalis est magis de ente ut docuimus supra. Argumentum autē pcedit iuxta pimum modum, ideo nō concludit. Nam hæc consequentia nō ualet, particularia magis existunt quam uniuersalia, ergo demonstratio particularis est potior uniuersali. Hæc igitur de perfectione & dignitate demonstrationis uniuersalis super particularem dicta sunt. Quantum ad secundum inuestigandum est si demonstratio affirmatiua est perfectior quam negatiua, uel e converso. Sed antequam deueniamus ad resolutionem propositionis aduerte quod demonstratio affirmatiua est syllogismus formatus in modo per quem ex præmissis affirmatiuis cō-

cluditur conclusio affirmatiua siue uniuersalis siue particularis, ut in prima figura per Barbara & Darii. Demonstratio autem negatiua est syllogismus formatus in modo per quem concluditur conclusio negatiua ex altera præmissarum negatiua, & altera affirmatiua, quoniam ex solis negatiuis nihil sequitur. Vnde in prima figura fit demonstratio negatiua per celarent & ferio, & per omnes modos secundæ figuræ.

His declaratis ponitur hæc conclusio ad mentem Aristotelis in primo posteriorum. Demonstratio affirmatiua est simpliciter ex absolute nobilior negatiua, & probatur quinque rationibus.

Primo sic. Demonstratio affirmatiua procedit cæteris paribus ex paucioribus, ergo est dignior, & perfectior quam negatiua. Probatur consequentia. Quæ procedit ex paucioribus magis appetitur ab intellectu, eo quod clarius & citius facit scire, ergo est nobilior. Antecedens autem sic probatur licet utraq; demonstratio procedat ex tribus terminis quæ sunt maior & minor extremitas, & medium, & ex duabus præmissis, tamen quoad qualitatem, & quantitatem attendam ex parte medii, negatiua est ex pluribus. Quoad qualitatem quidem, quoniam affirmatiua syllogizatur ex puris affirmatiuis, negatiua autem ex affirmatiua & negatiua, quoniam ex puris negatiuis, nihil sequitur. Quoad quantitatem uero attendam ex parte medii, quoniam in affirmatiua pauciora media sufficiunt. Verbi gratia. Si uolo demonstrare istam. Omnis homo est substantia, tria media sufficiunt, quæ sunt animal, corpus animatum, & corpus, si autem demonstro istam. Nullus homo est quantitas, oportet ultra prædicta tria addere substantiam, ut fiat resolutio totalis. Vnde postquam probatum fuerit quod nullus homo est quantitas, quia est animal, & quia est corpus animatum, & quia est corpus, quorum nullum est quantitas, oportet ultimo sic resolucere. Nulla substantia est quantitas, hæc est immediata. Omnis homo est substantia hæc est resoluta per tria media prædicta, ergo nullus homo est quantitas. Constat quomodo affirma-

tiua est ex paucioribus, & negatiua ex pluribus, ex consequē
ti est dignior.

Secundo sic. Propositio affirmatiua digniori modo syllo
gizatur quam negatiua, ergo demonstratio affirmatiua est
dignior negatiua. Patet consequentia quoniam conclusio
demonstrationis affirmatiue & propositio affirmatiua, ergo
si propositio affirmatiua dignius syllogizatur quam negati
ua, pari modo demonstratio affirmatiua est nobilior, qm &
demonstratio est syllogismus. Antecedens uero probatur.

Nam affirmatiua per solas sibi similes, id est per solas affirma
tiuas syllogizatur. Negatiua autem non per solas negatiuas,
sed oportet alteram præmissarum esse affirmatiuam, ergo
dignius syllogizatur affirmatiua quam negatiua.

Tertio sic. In augmento & resolutione demonstrationis
affirmatiua non requiritur aliqua propo. negatiua, qm per so
las affirmatiuas pot. augeri. In augmento autem demonstra
tionis negatiue, necessario requiritur propo. affirmatiua, qm
per solas negatiuas non pot. augeri, immo requiruntur plu
res affirmatiue, quam negatiue. Nam si uolo augmentare
hac demonstrationem negatiuam nullum animal est quanti
tas, omnis homo est animal, ergo nullus homo est quantitas,
oportet mai. probare per unam affirmatiuam & alteram ne
gatiuam, sic arguendo. Nulla substantia est quantitas, oē ani
mal est substantia, ergo nullum animal est quantitas, mai. uero p
duas affirm. sic arguendo. Oē sensitiuum est animal. Omnis ho
mo est sensitiuus ergo omnis homo est animal. Cum igitur
negatiua indigeat affirm. in sui augmento & resolutione, &
non e conuerso, constat affirmatiuam esse nobilio rem.

Quarto sic. Principium demonstra. affirmatiue est propo
sitiō affirmatiua. Principium autem demonstra. negatiue est
propositio negatiua. Sed propositio affirmatiua est dignior
negatiua, ergo demonstra. affirmatiua est dignior negatiua.
Maior quidam constat ex eo qd hoc primum principium af
firmatiuum. De quolibet verificatur esse uel non esse, est prin
cipium super quod stabilitur, & ad quod resolvitur, omnis
demonstratio affirmatiua, & ibi declarabitur in quodam me

Metaphysica. Hoc autem primum principium negatiuum. Nō contingit, id est non est possibile idem simul esse & non esse. Est illud super quod fundatur omnis demonstratio negatiua. Mi. autem sic probatur ad mentem Aris. propositio affirmatiua est prior & notior negatiua, qm̄ per affirmatiuam probatur negatiua & non e conuerso. Ergo est dignior præterea. Affirmatiua dicitur esse, negatiua autem non esse, sed prius & nobilior est esse quam nō esse, ergo affirmatiua propositio prior & nobilior est negatiua. Cum igitur propositio affirmatiua sit causa & principium demonstrationis affirmatiue, sequitur eam esse digniorem. Nobilioris enim causæ & principii est nobilior effectus.

Quinto sic. Demonstratio affirmatiua non dependet a negatiua, sed e conuerso, ergo est dignior negatiua. Paret con-
sequentiā, quia dignius est non dependere quam depende-
re. Vnde & independentia arguit summam perfectionem in causa prima ut tibi manifestatur in duodecimo, lib. meta-
physica. Antecedens autem sic probatur. Non potest fieri demonstratio negatiua sine propositione affirmatiua, qm̄ ne-
cesse est alteram præmissarum esse affirmatiuam, quæ non
potest demonstrari nisi per demonstrationem affirmatiuā.
Demonstratio autem affirmatiua fit sine aliqua propositio-
ne negatiua, ut patet in Barbara & datii, ergo constat demo-
stratiua affirmatiuam non dependere a negatiua, sed bene e con-
uerso. Ex his ergo rationibus patet demonstra. affirmatiuam
esse potiorem negatiua.

Quantum ad tertium inuestigandum est si demonstratio
ostensiuæ & nobilior docente ad impossibile, uel e conuer-
so. Hoc igitur duo agenda sunt, primo declarandum est quo-
modo differant & quomodo fiant, secundo determinabitur
propositum. Pro euidentiā primi aduerte quod secundum Aristotele
in primo posteriorum. Demonstratio ostensiuæ & ducens ad
impossibile differunt in quatuor. Primo differunt in hoc quod
per ostensiuam concluditur conclusio manifeste uera & ne-
cessaria, siue sit demonstratio ostensiuæ affirmatiue, siue negatiue.

Perducentem ad impossibile concluditur conclusio manifeste falsæ & impossibilis. Exemplum de ostensiva affirmatiua. Omne sensitivum est animal, omnis homo est sensitivus ergo omnis homo est animal. Exemplum de negatiua. Nul- lum rationale est asinus. Omnis homo est rationalis, ergo nul- lus homo est asinus. Exemplum de ducente ad impossibile. Pono quod tu neges istam Animal rudibile non est homo, & concedas suam contradictoriam. I. omne animal rudibile est homo, tunc arguitur sic. Omne animal rudibile est homo omnis asinus est animal rudibile, ergo omnis asinus est ho- mo, patet quod hæc conclusio est falsæ & impossibilis con- stat ergo quod demonstratio ducens ad impossibile con- cludit conclusionem manifeste falsam, & impossibilem.

Secundo differunt in hoc quod in ostensiva præmissæ sunt notiores quo ad ueritatem ipsa conclusione. Nam ueritas conclusionis pendet ex ueritate præmissarum, sed propter quod unumquodque & illud magis. Inducente uero ad im- possibile oportet conclusionem magis constare esse falsam & impossibilem, quam aliqua præmissarum. Verbi gratia notius est hanc conclusionem esse falsam & impossibilem, omnis asinus est homo, quam istam omne animal rudibile est homo.

Tertio differunt in hoc quod in ostensiva est processus se- cundum naturam, scilicet ex prioribus, & notioribus quo ad ueritatem. Nam ut declarabitur tibi in primis physicorū. In nata est nobis uia procedendi a notioribus, &c. In ducen- te, autem ad impossibile est processus contra naturam, quia non ex magis notis quo ad ueritatem sed quo ad falsitatem. Nam ex conclusione manifeste falsæ, retorquemus argumē- tum ad declarandum falsitatem alicuius præmissæ ut tibi de- clarabimus infra.

Quarto differunt in hoc quod ostensiva completur unica ar- gumentatione facta in modo & in figura, ea autem quæ est du- cens ad impossibile, non cōpletur nisi pluribus factis argu- mentationibus, quæ tibi manifestabitur declarando quomo- do utraq; fiat.

Tu igitur aduerte quod ostensua sit solum ex tribus terminis ordinatis modo & in figura, ex quibus formatur duæ præmissæ concludentes affirmatiuam ueram, & necessariam siue negatiuam. Exemplum de affirmatiua. Omne rationale est risibile, omnis homo est rationalis, ergo omnis homo est risibilis. Exemplum de negatiua. Nullum animal est lapis. Omnis homo est animal, ergo nullus homo est lapis. Vtraque est ostensua, quoniam utraque completur in eo discursu.

Ducens autem ad impossibile non completur nisi quadruplici discursu, per quem manifestatur, & inquiritur ueritas alicuius prius negati. Prima argumentatio est syllogismus concludens manifestum impossibile ut hic, pono quod tu neges hanc. Aliquod animal non est homo, tunc sumo eius contradictoriam quæ est hæc. Omne animal est homo, tunc arguo sic, omne animal est homo sed asinus est animal, ergo asinus est homo, secunda argumentatio est hæc consequentia. Hæc conclusio est falsa, ergo aliqua præmissarum est falsa. Patet consequentia, quoniam ex duabus præmissis ueris non potest concludi conclusio falsa stante bono modo arguendi, quoniam ~~est~~ ueris non concluditur nisi uerum.

Tertia argumentatio est hæc consequentia. Sed in prima argumentatione minor non est falsa, ergo maior quæ fuit hæc. Omne animal est homo. Quarta argumentatio est consequentia qua concluditur illud esse uerum quod prius negatum fuerat. Verbi gratia. Ista maior est falsa, omne animal est homo, ergo hæc est uera aliquod animal non est homo, quæ est eius contradictoria quæ prius fuerat negata. Patet consequentia, quoniam lex contradictoriarum est hæc, in omni materia si una est falsa, altera est uera, & e conuerso.

Quantum ad secundum determinabimus propositum duplici conclusione: Prima est, Demonstratio ostensua negatiua, dignior est demonstratione ducente ad impossibile, probatur, procedit ex ueris & magis notis præmissis quam sit ipsa conclusio, aliter non causaret in nobis

causaret in nobis scientiam de cōclusionē, hoc autem est falsum; quoniam iste est finis demonstratōis; ea autem quæ ducit ad impossibile; procedit ex falsitate cōclusionis magis nota quam sit falsitas aliterius præmissæ, ut docuimus supra. Sed dignius est procedere ex maiori noticia præmissarum secundum ueritatem, quam ex maiori noticia cōclusionis secundum falsitatem; ergo demonstratio ostensua negatiua est dignior ea quæ ducit ad impossibile.

Secunda est demonstratio ostensua affirmatiua dignior est ea, quæ ducit ad impossibile; probatur. Demonstratio affirmatiua ostensua dignior est negatiua; ut probatum est supra quinque rationibus; ut negatiua est dignior ducente ad impossibile per cōclusionem præcedentem; ergo multo magis affirmatiua ostensua est dignior ducente ad impossibile. Nam si est dignior digniore; longe amplius est dignior indigniore equalis est illa, quæ ducit ad impossibile. Constat igitur tibi quod demonstratio uniuersalis est dignior particularis; & affirmatiua quam negatiua; & ostensua quam duces ad impossibile. Hæc de præsentī capite dicta sint.

Cap. duodecimum de comparatione scientiarum adinuicem

IN hoc capite agendum est de fine demonstratōis quæ est scientia per ipsam acquisita. Consequens enim fuit, ut postquam actum est de causa ageremus de eius effectū. Tu igitur aduerte quod Aristoteles in primo posteriorum de scientia, quinque pertractat primo de certitudine comparando scientiam ad scientiam, quæ nam earum sit certior, secundo quæ scientia sit una; & quæ non; tertio de quibus potest esse scientia, & de quibus non quarto de unitate; & pluralitate principiorum scientiarum, quinto de differentia; & distinctione scientiæ ab aliis habitibus intellectus, quales sunt opinio, & intellectus & ars &c. De quibus pertractatur in sexto

Quamvis ad primum adverte quod ad mentem Aristo-
 telis una scientia potest esse certior altera uno trium modo-
 brum, primo quia una de eadem conclusione dicat quid, &
 quia altera autem tantum quia, & hoc modo scientia subal-
 ternans est certior subalternata. Puta de hac conclusio-
 ne vulnus circulare tardius sanatur. Geometra est certior
 quam chirurgicus. Nam chirurgicus scit, & experitur so-
 lum quia sic est, sed geometra scit quia sic est, & scit propter
 quid, scilicet quoniam circulus caret angulis, ideo in vulne-
 re circulari partes tardius propinquant, & clauduntur, cu-
 ius oppositum contingit in vulnere triangulari vel quadrangu-
 lari, secundo quia una est de subiecto abstracto, altera est de
 subiecto applicato materię sensibili, & hoc modo scien-
 tię purę mathematicę quales sunt arithmetica, & geome-
 tria certiores sunt scientiis mediis quales sunt perspectiva, &
 musica, & astrologia. Nam arithmetica est de nume-
 ro simpliciter, & abstracte, musica autem est de nume-
 ro applicato voci, vel sono per consonantiam. Geome-
 tria est de magnitudine visuali, & simpliciter, perspectiva
 autem est de linea, & linea astrologia est de figura, & ma-
 gnitudine cęli, & de numero motuum cęlestium, ter-
 tio quia una est de subiecto simplici, uel de pauciori-
 bus, alia autem quia addit supra subiectum prioribus, &
 ut sic est de pluribus, & hoc modo arithmetica est cer-
 tiore, & prior quam geometria. Nam unitas quę est
 primum consideratum ab arithmetico simplicior est quam
 punctum. Unitas enim est ens indivisibile, punctum
 autem super unitatem addit positionem, sive de termina-
 tione sive de continuo, ut tibi declarabitur in quarto phy-
 sicorum. Constat igitur tibi quod tribus modis una scientia est cer-
 tiore, & prior altera. Quantum ad secundum duo investiganda sunt, primo an
 de habet scientiam unitatem suam, secundo unde trahit di-
 stinctionem ab alia.

Quantum ad primum aduerte quod ad mentem Aristotelis in primo posteriorum, illa scientia est una, quæ habet unum subiectum circa quod uersatur, ut physica est una scientia, quia uersatur circa ens mobile, & arithmetica est una scientia, quia uersatur circa numerum, ex opposito geometria, & arithmetica non sunt una, sed duæ scientiæ, quoniam non uersantur circa unum, sed circa duo subiecta, quorum unum est magnitudo, & alterum numerus.

Sed aduerte ad hoc quod aliquid sit subiectum in aliqua scientia tria requiruntur, primo quod sit uniuocum uel saltem analogum. Vnde si est æquiuocum non potest esse subiectum in scientia. Nam oportet subiectum considerari in scientia secundum unam rationem formalem; æquiuocum autem non dicit unam, sed plures rationes formales ut declarabimus tibi in antepitis, & ideo non est subiectum in aliqua scientia. Dixi uel saltem analogum, ut seruetur unitas metaphysicæ, cuius subiectum est ens, quod est analogum substantiæ, & accidenti ut tibi declarabitur in quarto metaphysicæ, quod tamen dicit unam rationem formalem licet non æqualiter participatam a substantia, & accidente, sed prius conuenit substantiæ, posterius autem accidenti, est enim ens, cui debetur esse, secundo oportet quod habeat aliquas partes uel essentielles, uel subiectiuas, essentielles quidem sunt ex quibus ipsum subiectum componitur, ut forma, & materia sunt partes essentielles entis mobilis, ut tibi declarabitur in 1. phys. Subiectiue autem sunt in quas diuiditur subiectum scientiæ, ut genus in species, sicut diuiditur ens mobile in ens mobile ad ubi, & in ens mobile ad formam. Sed hæc tibi declarabuntur in principio philosophiæ naturalis, subiectum igitur scientiæ debet habere partes essentielles aut subiectiuas, tertio oportet quod habeat passiones proprias demonstrabiles de subiecto. Hic est enim terminus scientiæ, ut, si per demonstrationem notificentur passiones de subiecto, puta quod triangulus habet tres angulos æquales duobus rectis. Item aduerte quod non quæcunque unitas subiecti datur unitatem scientiæ, sed unitas formalis. Nam stat quod ea

dem res cadit sub consideratione distinctarum sciærum secundum quod consideratur sub distinctis rōnibus formalibus. Puta homo consideratur a logico ut est species, a physico, ut est compositum ex materia & forma, a medico ut est corporis sanabilis & ægrotabilis: A metaphysico ut ē naturæ intellectualis. Vnitās ergo sciæ trahitur ex unitate subiecti non materiali, sed formali. Vnde sicut obiectum se habet ad potentiam, sic subiectum ad sciām. Potentia autē trahit unitatem ab unitate formali & non materiali ipsius obiecti sicut tibi declarabitur in. 2. de aīa, eodem modo sciām dī una ex unitate formali, & non materiali sui subiecti. Constat igitur tibi unde sumitur unitas scientiæ.

Quantum ad secundum declarandum est unde sumitur distinctio unius sciæ ab alia. Tu igitur aduerte quod ad mentē Aristotelis in. 1. post. sciæ accipiunt distinctionem ex pncipiis, ita. sc. quod si habent diuersa pncipia quibus pbandur cōclusiones suæ, sunt distinctæ sciæ. Pro cuius noticia aduerte qd si sint distinctissimæ naturæ ut elementum, & cœlum, homo & lapis, & tamen sub eadem ratione formali considerentur quæ ratio dī principium scientiæ ad eandem scientiam spectant, puta uox humana, & sonus organi ad eandem sciētiam musicæ spectant; quoniam considerantur ut pportionabiles in consonantiis. Si autem si una res, quæ possit secundum diuersam rationem considerari, non spectat ut sic ad unam, sed ad distinctas scientias, nam diuersæ rationes formales sunt distincta pncipia quibus diuersificantur scientiæ, Verbi gratia. Quia terra ut rotunda p aliud principium consideratur a physico, & p aliud ab astronomo ut tibi declarabitur in secundo physicorum, ideo spectat ut sic ad distinctas scientias, & distincte sunt realiter physica, & astrologia. Hinc est quod eadem conclusio potest in diuersis scientiis demonstrari per diuersa media quæ sunt diuersa principia formalia. Puta hæc conclusio terra est rotunda, demonstratur a physico per hoc principium, quoniam est grauis, & partes se comprimunt in centro mundi, eadem demonstratur ab astrologo per hoc principium, quoniam per ipsam circula-

TRACTATUS VNDECIMVS

riter eclipsatur luna eclipsis enim luna causatur ex interpositione terræ diametraliter inter solem, & lunam. Constat igitur quomodo causatur unitas scientiæ ex unitate subiecti & unitate principiorum. Distinctio autem causatur ex diuersitate principiorum.

Sed aduerte quod ut inquit Aristoteles duo requiruntur ad hoc quod diuersa principia causent distinctionem unius scientiæ ab alia primo quod talia principia non fluant ex eisdem principijs prioribus in eodem genere scibili. Hac de causa scientia de triangulo non distinguitur a scientia de quadrato, quoniam licet per aliud principium probentur passionēs trianguli, & per aliud passionēs quadrati, tamen huiusmodi principia deriuantur ex eisdem principijs figuræ, & ideo cōsideratio de figura tam in genere, quam in specie, spectat ad scientiam geometricæ, secundo requiritur quod principia unius rei, ut scibilis est non deriuentur ex principijs alterius rei scibilis. Hac de causa scientia de ysochelle non distinguitur a scientia de triangulo, & scientia de homine apud physicum nō distinguitur a scientia de animali, & aduerte quod hic intendimus de unitate, & distinctione generica in scientiis. De unitate autem, & distinctione tam generica quam specifica pertractabitur in libro sexto primæ philosophiæ.

Quantum ad tertium inuestigandum est de quo sit scientia, & de quo non: Nam uanum fuisset pertractare de unitate, & distinctione scientiæ, si de nullo posset haberi scientia. Hic igitur duo pertractanda sunt, primo de quo possit esse scientia, secundo de quo non.

Quantum ad primum aduerte quod de omni eo potest haberi scientia, de quo potest esse demonstratio, quoniam ipsa facit scire, ut docuimus supra. Demonstratio autem est de uniuersali, & ente per se, & necessario, ut in capitulo tertio declaratum tibi fuit, ergo de his quæ sunt entia per se uniuersalia, & necessaria, ut sunt genera, & species rerum mathematicarum, & naturalium, potest haberi scientia.

1. Quantum ad secundum aduerte quod Aristoteles in primo posteriorum duo excipit de quibus non potest haberi scientia. Primum est quod est a fortuna uel casu, ut de inuentione thesauri dum foditur sepulcrum scientia haberi non potest, secundum est singulare sensibile quod per sensum primo & directe cognoscitur.

Et quidem quod de eo quod est a fortuna, uel a casu non possit haberi scientia probatur sic, omnis scientia est de eo quod est necessarium, & per se, & semper uel frequenter. De hoc enim tantum habetur demonstratio quæ facit scire ut diximus supra in cap. tertio. Sed quod est a fortuna uel casu, neq; est necessarium, sed contingens neq; est per se sed per accidens, neq; est semper, neq; ut in pluribus, sed raro, & in paucioribus, & hæc omnia declarabuntur tibi in libro secundo physicorum in ca. de fortuna, ergo de ente fortuito, & casuali non potest haberi scientia, ex consequenti, nec demonstratio.

Quod autem de singulari sensibili in quantum singulare sensibile est non possit haberi scientia probatur sic. Scientia non potest haberi per sensum, sed sensibilia singularia cognoscuntur per sensum, ergo de eis non potest haberi scientia, manifeste probatur, quia scientia non potest haberi nisi per uirtutem animæ apprehendentem uniuersale, & potentem habere conceptum uniuersalem. Sed sensus non potest apprehendere uniuersale, nec habere conceptum uniuersalem, ut tibi declarabitur in 3. de anima, eo quod est potentia alligata organo corporali, & ideo non apprehendit, nisi cum conditionibus singularibus, quæ sunt hic, & nunc a quibus abstrahit uniuersale. Quod enim semper, & ubique est hoc uniuersale dicimus, ergo scientia non potest haberi per sensum. Quod autem sensibilia singularia cognoscantur per sensum patet ex experientia. Neq; enim uisus uidet colorem, ut color est. Hoc enim ad intellectum spectat, cuius obiectum ex natura uniuersalis. Videt autem hunc uel illum colorem, idem intellige de quolibet alio sensu. Costat igitur tibi quare de ente fortuito, & de singulari sensibilia non datur scientia.

TRACTATVS VNDECIMVS

Et aduerte quod Aristoteles ex secundo conclusio: scilicet quod de singulari sensibili non potest haberi scientia, trahit tria corollaria.

Primum est, sentire non est scire, & hoc est contra antiquos de quibus dicemus in. 3. de anima quod non distinguebant inter sensum, & intellectum. Nam sentire est cognitio particularis de re, scire autem est cognitio uniuersalis, quod Aristoteles duplici exemplo manifestat. Primum, est si quis visu cognoscat hunc triangulum habere tres angulos æquales duobus rectis, p hoc non sciret omnem triangulum habere tres æquales duobus rectis, quia p sensum nō potest apprehendere causam uniuersalem huius passionis, sed per intellectum, qui ex singularibus uenat uniuersale ut dicemus, secundum est, si essemus in luna, & uideremus ipsam eclipsari, cognosceremus quidem ipsam nunc eclipsari. Non tamē haberemus sciām de eclipsi: quoniā p hoc nesciremus cām uniuersalem eclipsis quæ est interpositio diametralis terræ inter solem, & lunam. Hanc enim causam uniuersalem non solo sensu, sed per intellectum comperimus.

Secundum corollarium est hoc, licet sensus sit causatiuus sciæ quia omnis nostra cognitio originatur a sensu, & ppositio uniuersalis habetur ex multis singularibus apprehensis per sensum ut declarabitur tibi in. 1. metaphysicæ, tamen notitia scientifica est nobilior, & honorabilior, scientifica. n. est de uniuersali, ~~sensitiva~~ autem de singulari. Uniuersalis autem est honorabilior: quoniā dicit causam. Vnde tibi declarabitur in. 1. metaphysi. quod sapiens est qui scit uniuersalia, & maxime uniuersalia.

Tertium corollarium est hoc, licet non sit possibile p solum sensum scire aliquam conclusionem demonstrabilem; tamen sensus plurimum nobis confert ad sciendum. Prima pars constat ex primo corollario, quia per solum sensum nō possumus apprehendere causam uniuersalem, quæ est medium demonstrandi (demonstramus enim risibile de homine per hanc causam formalem, quia scilicet est animal rationale,) quod homo est risibilis, secunda autem pars manifestata

nifestata est in cap. de ignorantia, ubi declaratum est: quod de
ficiente nobis aliquo sensu, necesse est deficere nobis scientiā
obiecti illius sensus: ergo ex opposito si habemus talem sen-
sum puta uisum, confert nobis ad acquirendam scientiam
illius sensus.

Quantum ad quartum inuestigandum est de unitate &
pluralitate & principiorum scientiarum, nam dictum est il-
lam scientiam esse unā, quæ est unius subiecti, & habet eā-
dem principia, illas autem esse distinctas, quarum, diuersa
sunt principia, necesse est ergo inuestigare si omnium scien-
tiarum sunt eadem uel diuersa principia: ut possimus susti-
nere unitatem & distinctionem in scientiis.

Pro resolutione propositi, formantur quatuor conclusio-
nes ad mentem Aristotelis.

Prima est: Impossibile est omnium syllogismorum esse
eadem principia.

Secunda est: Impossibile est omnium syllogismorum fal-
sorum esse eadem principia.

Tertia est: Impossibile est omnium syllogismorum ue-
rorum esse eadem principia.

Quarta est: Impossibile omnium scientiarum esse eadē
principia.

Prima sic probatur, syllogismorum: quidam sunt ueri &
quidam falsi ex primo elenchorum, sed uerorum principia
sunt uera, & falsorum falsa, quoniam ut declaratur in pri-
mo priorum, syllogismi ueri non possunt fundari in falso.
Nam ex uero non sequitur nisi uerum & falsi non possunt
fundari in uero, quoniam ex uero non sequitur falsum.

Sed aduerte quod syllogismus potest dici dupliciter fal-
sus: primo ex forma scilicet quando non fit in modo debi-
to & figura, ut si arguatur ex puris particularibus, aut pu-
ris negatiuis, & tunc non inconuenit ex pmissis ueris cōclu-
dere falsum ut hic. Nullus lapis est animal, nullus homo est
lapis, ergo nullus homo est animal, secundo, ex materia sci-
licet quando fit in modo debito & figura & tamen præ-
missæ sunt falsæ aut altera est falsa & tunc non est possibile

TRACTATUS VNDECIMVS

quod ex præmissis falsis concludatur uerum nisi raro neque ex ueris nisi uerum, aliter talis modus in quo fieret, esse in ualidus & inutilis modus arguendi. Quando igitur dicit Aristoteles quod syllogismi falsi non possunt fundari in uero, intendit de falsis ex materia: quasi dicat, stante debito modo & debita forma arguendi ex falsis non concluditur uerum, neque ex ueris falsum, sed ex ueris uerum. Quod si ex falsis aliquando concluditur uerum hoc erit raro: ut hic. Omnis lapis est animal, omnis homo est lapis, ergo omnis homo est animal. Nam ut dicit Aristoteles si uera conclusio syllogizatur ex præmissis falsis, hoc fiet tantum in primo syllogismo, quoniam si præmissæ falsæ syllogizabatur, hoc fiet ex præmissis falsis, & sic præter quam in primo syllogismo ex falsis semper concludetur falsum. Verbi gratia. Syllogizet quis minorem præpositi argumenti: scilicet omnis homo est lapis, sic arguet. Omne album siue omne durum est lapis, omnis homo est albus, siue omnis homo est durus ergo omnis homo est lapis, constat præmissas esse falsas, & conclusionem esse falsam. Ex prædictis ergo constat, quod non omnium syllogismorum sunt eadem principia.

Secunda conclusio: scilicet quod non omnium syllogismorum falsorum sint eadem principia, probatur &c. Quædam conclusiones non solum sunt falsæ sed etiam contrariæ & impossibiles: ut iste, iustitia est iniustitia, timor est audacia, homo est asinus, æquale est maius eo cui est æquale. Sunt autem impossibiles, quoniam oppositum prædicatur de opposito, ergo principia per quæ syllogizantur huiusmodi conclusiones contrariæ & impossibiles non sunt eadem, patet consequentia, quoniam contrariorum & impossibilium contrariæ sunt causæ & principia. Videmus enim quod quoniam sanitas & ægrotudo sunt contrariæ, eorum causæ & principia non sunt eadem, sanitatis enim principium & causa est humorum contemperantia, ægrotudinis autem intemperantia. Constat igitur quod non omnium syllogismorum falsorum sunt eadem principia.

Tertia conclusio: scilicet non omnium uerorum syllogis-

morum sunt eadem principia, probatur multipliciter ad mentem Aristotelis, primo sic. Punctus est principium uerorum syllogismorum pertinentium ad quantitatem, continuam quam considerat Geometria. Incipit enim eius consideratio a puncto, sicut grammatici a literis. Unitas autem quæ est principium numeri quantitativi, est principium uerorum syllogismorum pertinentium ad quantitatem discretam quam considerat Arithmeticus. Sed punctus non est idem cum unitate quæ est principium numeri quantitativi, quoniam punctus supra indiuisibilitatem addit positionem in continuo, unitas autem abstrahit a positione, & dicit solum eas indiuisibile in genere quantitatis: ut tibi declarabitur in decimo metaphysicæ, ergo non sunt eadem principia, omnium uerorum syllogismorum.

Secundo sic. Principia communia: ut de quolibet est uera affirmatio uel negatio, & non contingit idem simul esse & non esse, non sunt sufficientia ad omnem conclusionem demonstrandam, quia non ingreditur demonstrationem formaliter sed uirtualiter, ut declaratum est supra, ergo plura principia communia, requiruntur principia propria. Sed diuersarum scientiarum sunt principia propria diuersa, diximus enim supra quod una scientia distinguitur ab alia propter distinctionem propriorum principiorum. Ergo non omnium syllogismorum uerorum sunt eadem principia.

Tertio sic. Conclusiones uere distinguuntur in ueras contingentes: ut coruus est niger, & in ueras necessarias: ut triangulus habet tres æquales duobus rectis. Sed contingentes syllogizantur per principia contingentia, & necessarie per necessaria, aliter non proportionarentur ad inuicem, ergo non omnium uerorum syllogismorum sunt eadem principia. Constat enim non esse idem contingens & necessarium cum sint opposita.

Quarta conclusio. si quæ non omnia scientiarum sint eadem principia, probatur ab Aristotele per rationes proprias, & primo sic. Quæritur si principia Geometriæ sunt principia dialecticæ,

TRACTATVS VNDECIVS

& si principia dialectice sunt principia medicine, uel non. Si non, ergo non omnium scientiarum sunt eadem principia si sic, ergo conclusiones geometrie & medicine & dialectice sunt eadem, quod constat esse falsum. probatur consequentia. Quæcunque sunt eadem in tertio sunt eadem inter se, sicut quæ sunt æqualia uni tertio, sunt æqualia inter se. Sed secundum te, omnes conclusiones geometrie & medicine & dialectice, sunt eadem in principiis, ergo sunt eadem inter se.

Secundo sic. Non quælibet conclusio ex quolibet principio indifferenter demonstratur, sed determinata ex determinato, puta hæc conclusio. Homo est risibilis, ex hoc quia est rationalis, & hæc. Luna eclipsatur, ex hoc quia interponitur diametraliter terra inter solem & lunam, ergo constat quod non omnium scientiarum sunt eadem principia. Et aduerte te quod hic semper intendimus de principiis propriis. Nam quo ad primo prima principia, omnes scientiæ ueniunt, quoniam fundat in illis, sed quia non ingrediuntur formaliter demonstrationem, non sufficiunt ad demonstrandum omnes conclusiones.

Tercio sic. Diuersorum generum scibilium diuersæ sunt scientiæ, ut quoniam quantum continuum differt genere a quanto discreto ideo differt Geometria ab Arithmetica, ergo non omnium scientiarum sunt eadem principia propria. Probat consequentia. Nam quia magnitudo differunt a numero ideo geometra habet alia principia, quibus demonstrat suas conclusiones quam habeat Arithmeticus. Principia quidem Geometre sunt ista, a puncto ad punctum lineam ducere contingit Continuum est diuisibile in infinitum. Omnis tota magnitudo est maior sua parte &c. Principia uero Arithmetici sunt ista. Numerus est multitudo ordinata ex unitatibus. Partes numeri non copulantur ad unum terminum communem. Numeri procedunt in infinitum in ascensu sed non in descensu &c. Constat igitur tibi quod non omnium scientiarum sunt eadem principia propria.

Quantum ad quintum principale inuestigandum est quomodo differt scientia quæ est effectus demonstrationis ab

aliis habitibus intellectus quales sunt opinio, & habitus priorum principiorum, qui dicitur antonomastice intellectus & ars &c. & hic quatuor agenda sunt primo declarandum est quomodo & in quo sensu scientia differt ab opinione, & scitum ab opinato. Pro cuius notitia aduerte quod opinio potest sumi tribus modis, primo communiter, & sic est habitus cognoscitiuus cum assensu, & hoc modo se habet ad scientiam & fidem & opinionem proprie dictam: ut genus ad species suas. Nam scientia & fides & opinio proprie dicta, conueniunt in hoc quod est esse habitum cognoscitiuum cum assensu, licet distinguantur propriis differentiis: ut tibi manifestabitur, secundo sumitur proprie, & sic est apprehensio uniús partis contradictionis cum formidine alterius partis: scilicet timendo ne altera pars sit uera. In quo sensu opinamur hoc anno futuram abundantiam, cum timore tamē oppositi, tertio sumitur stricte, & ut sic est apprehensio ueri contingentis in quantum contingens est, & per medium contingens: & generatur in nobis non per demonstrationem sed per syllogismum topicum. Hac distinctione preposita aduerte quod ad mentem Aristotelis in primo posteriorum scientia differt ab opinione & scibile ab opinabili non primo sed secundo & tertio modo. De primo quidem constat quoniam diximus quod se habet ut genus ad speciem, genus autem non distinguitur contra speciem, quoniam continet eam & predicatur de illa essentialiter. Quod autem in secundo & tertio sensu differat sicut oppositum ab opposito probatur sicut. Scientia est de uniuersali & necessario, & acquiritur per medium uniuersale & necessarium, opinio autem est de particulari & contingenti & acquiritur per medium particulare & contingens, ergo constat quod scientia differt ab opinione. Consequentia patet, quoniam conditiones earum sunt oppositae, ergo differunt. Antecedens autem declaratum est ex superioribus. Dictum est enim sciam causari ex demonstratione. Determinatum est autem demonstrationem esse de conclusione uniuersali & necessaria, & ex praemissis uniuersalibus & necessariis. Opinio uero est cau-

TRACTATUS VNDECIMVS

• Sata per syllogismum probabilem: cuius conclusio & præmissæ sunt contingentes: ut declarabitur tibi in tracta. de locis. Constat ergo differentia inter scientiam & opinionem: ut arguatur sic. Sicut se habet demonstratio ad syllogismum topicum, sic scientia ad opinionem, quia sicut demonstratio est causa scientiæ, sic syllogismus topicus est causa opinionis. Sed demonstratio distinguitur a syllogismo topico; ergo & scientia ab opinione.

• Sed declarandum est quomodo & in quo sensu intendit Aristoteles scientiam differre ab intellectu. Pro cuius noticia aduerte quod apud Aristotelem intellectus sumitur quatuor modis: primo pro potentia intellectiua, quam in tractatu de anima distinguit in intellectum possibilem & agentem; secundo pro conceptu formato de re intellecta; tertio pro fantasia siue cogitatiua, quam in tertio de anima, uocat intellectum passiuum; quarto pro habitu primorum principiorum de quo pertractat in sexto ethicorum. Licet autem scientia ut est habitus per demonstrationem acquisitus differat realiter ab omnibus his quatuor modis quibus dicitur intellectus, tamen intentio Aristotelis in primo posteriorum est manifestare quomodo differt ab intellectu sumpto quarto modo; manifestatur autem triplici ratione: primo sic intellectus quarto modo sumptus cum sit habitus primorum principiorum in quibus fundantur omnes scientiæ, ut patet in quarto metaphysicæ, est principium scientiæ. Sed scientia non est principium scientiæ, quia nihil est principium sui ipsius, aliter idem esset prius & posterius; ergo scientia non est intellectus quarto modo.

• Secundo sic. Intellectus quarto modo est circa indemonstrabilia, quoniam cognitio primorum principiorum non acquiritur per demonstrationem sed solo lumine intellectus agentis. Vnde se habent ut ianua in domo in qua non erratur quoniam omnibus patet. Sed scientia est circa demonstrabilia, cum sit habitus conclusionis demonstrata, ergo scientia non est intellectus.

• Tertio sic. Intellectus est de propositionibus immediatis,

tis: id est quæ per nullum medium notius probari possunt. Sed scientia est de propositionibus mediatis. Est enim de conclusionibus demonstrabilibus ex ueris & notioribus ut docuimus supra, ergo scientia non est intellectus quarto modo sumptus. Constat, ergo tibi quomodo differt scientia ab opinione & ab intellectu.

Tertio declarandum est quomodo scientia opinio & intellectus conueniunt & disconueniunt. Tu igitur aduerte quod ista tria conueniunt in hoc quod sunt circa uerum, sed differenter. Nam scientia & intellectus sunt semper circa uerum. Opinio autem est circa uerum non infallibiliter sed non repugnāter. Licet enim contingat ipsam esse falsam, tamen non repugnat ipsam esse ueram. Vnde opinio ut opinio abstrahit a ueritate & a falsitate. Item differunt quia scientia & intellectus sunt circa necessaria, opinio autem circa contingentia quæ possunt aliter se habere.

Deinde in scientia fit resolutio usque ad immediata necessaria, in opinione autem usque ad immediata solum probabilia, quæ uera uidentur aut omnibus aut pluribus, non tamen sunt necessaria, possunt enim esse falsa, ut quod omnis mater diligit filium suum. Inuente sunt enim matres occidentes filios: ut Medea.

Quod autem opinio sit circa contingentia, declarat Aristoteles primo ex eo quod primo aspectu apparet & est in promptu. Nam habitus & obiectum proportionantur, sed opinio quæ est habitus dicit quid incertum & dubium, ergo est circa incerta & dubia, hæc autem sunt contingentia possibilia aliter se habere, ergo opinio est circa huiusmodi contingentia, secundo quia nullus reputat se opinari, sed firmiter scire, quando de aliquo obiecto existimat quod non potest aliter esse, nec aliter se habere, ergo manifestum est opinionem proprie dictam esse circa contingentia, scientiam uero circa necessaria.

Quarto declarandum est si de eadem re, uel de eodem obiecto puta de eternitate mundi pot haberi scia & opinio.

TRACTATUS VNDECIMVS

Tu igitur aduerte quod Aristoteles in primo posteriorum per quatuor conclusiones resoluit propositum.

Prima est. Scientia & opinio non possunt esse de eodem obiecto simpliciter. Probatur sic. Sicut se habent opinio utra est opinio falsa sic scientia & opinio ex conuenienti similitudine. Sed de eodem obiecto simpliciter non potest simul haberi opinio vera & opinio falsa, ergo neque scientia & opinio. Ma. pater, quoniam sicut opinio vera & falsa opponuntur sic scientia & opinio, est enim scientia cognitio certa, opinio autem est cognitio dubia & incerta ut docuimus supra. Minor autem sic probatur. Sicut si significatum propositionis uere esset significatum propositionis falsæ, propositio uera esset propositio falsa, ita si de eodem obiecto simpliciter: id est ut stat sub una consideratione & una ratione formalis esset opinio uera & falsa, opinio uera esset opinio falsa, quod est impossibile, quoniam implicat contradictionem, ergo de eodem obiecto simpliciter non potest haberi simul opinio uera & opinio falsa, ex consequenti de eodem non potest haberi simul scientia & opinio. Præterea declarabitur tibi in secundo de anima quod habitus & actus diuersarum rationum, accipiunt distinctionem a distinctis obiectis formalibus, cum igitur scientia & opinio, scire & opinari sint habitus & actus diuersarum rationum, non stat distinctio inter eas si de eodem obiecto simpliciter: id est secundum eandem rationem formalem posset haberi scientia & opinio. Propterea dicit Aristoteles in primo posteriorum quod eiusdem opinio & scientia, non omnino est.

Secunda est. Scientia & opinio possunt esse de eodem obiecto quodammodo: id est materialiter & non formaliter sumpto. Sumitur autem materialiter quando consideratur ut res, puta diameter ut diameter. Sumitur uero formaliter quando consideratur ut stat sub tali uel tali predicato, & hæc distinctio coincidit cum illa, qua dicitur quod obiectum scientiæ & opinionis potest sumi incomplexo, & hoc est sumere materialiter puta homo, linea, triangulus. Et potest sumi complexo, & hoc est sumere formaliter, puta

Diameter ut commensurabilis; homo ut corruptibilis, mundus ut perpetuus.

Stante hac declaratione probat sic conclusio. De eodem obiecto materialiter sumpto, habetur uera, & falsa opinio, ergo de eodem potest haberi scientia & opinio. Patet consequentia ex similitudine quam declarauimus in conclusione precedenti. Antecedens autem probat. Nam de diametro potest quis opinari quod est incommensurabilis coste: & hæc est uera opinio, quia sic est ut opinatur, & de diametro potest alius opinari quod est commensurabilis coste, & hæc est falsa opinio, quia aliter est quam opinatur, ergo de eodem est uera & falsa opinio, quia de diametro dummodo non consideret sub eodem predicato sed sub diuersis complexis, quorum unum est hoc. Diameter est commensurabilis, alterum est hoc. Diameter est incommensurabilis. Eodem modo dicendum est quod de eodem materialiter sumpto secundum diuersam rationem potest haberi scientia & opinio. Nam si quis existimet hominem ita esse animal rationale quod non potest aliter esse habet scientiam huius complexi, homo est animal rationale. Si autem alius existimet hominem ita esse animal rationale, quod potest aliter esse, habet opinionem de eodem complexo. Constat autem quod existimare non posse aliter esse, & existimare posse aliter esse, sunt distincte & opposite rationes formales. Patet igitur quomodo de eodem obiecto sumpto incomplexo potest esse scientia & opinio per respectum ad diuersa predicata. Et si sumatur complexus, etiam respectu eiusdem predicati, sed secundum diuersam rationem formalem. Et in utroque sensu uerum est debere quod de eodem obiecto materialiter & non formaliter sumpto potest esse scientia & opinio.

Tertia conclusio est. Impossibile est eundem hominem puta sortem pro eodem tempore habere scientiam & opinionem de eodem obiecto formaliter sumpto: id est secundum idem predicatum, & secundum eandem rationem, probatur. Si sortes scit triangulum habere tres

æquales duobus rectis, tenet pro certo non posse aliter esse, & si pro eodem tempore opinatur idem; non tenet pro certo sic esse, quia non stat opinio cum totali certitudine, cum sit contra diffinitionem opinionis proprie sumpte, ergo in eodem intellectu stant simul contradictoria de eadem conclusione: scilicet omnimoda certitudo, & non omnimoda certitudo, hoc autem est contra principium primum, quod est hoc. Impossibile est idem simul esse, & non esse; ergo conclusio vera. Dixi pro eodem tempore: quoniam pro diuerso tempore, id non inconuenit. Possibile est enim quod sortes addiscens opinetur triangulum habere tres, non ratione ductus, sed quia assentit Euclidi sic dicenti. Quando autem geometriam, iam didicit ita quod sciat demonstrare triangulum habere tres æquales duobus rectis, tunc de eadem conclusione habebit scientiam, de qua prius habebat solum opinionem.

Quarta conclusio est, possibile est distinctos homines puta sortem, & Platonem de eodem obiecto respectu eiusdem prædicati, puta de hoc complexo. Triangulus habet tres æquales duobus rectis, pro eodem tempore habere scientiam, & opinionem probatur. Stat quod Sortes habeat de illa conclusione rationes necessarias, utpote iam factus geometria scit eam demonstrare. Stat quod pro eodem tempore Plato incipiat addiscere geometriam, & existimet eadem conclusionem esse ueram. Nam quia sciat eam demonstrare, sed quia audit eam esse famulam apud geometras; ergo de eadem conclusione pro eodem tempore sortes habet scientiam, & Plato opinionem. Constat igitur tibi: quomodo de eodem obiecto habetur scientia & opinio, & quomodo non.

Hæc igitur dicta sint de distinctionum scientiæ ab opinione, & intellectus. De distinctione, autem habituum intellectualium completa; quomodo: scilicet distinguantur in rationem; id est opinionem & scientiam, & intellectum, & artem, & prudentiam, & sapientiam, Aristoteles per-

transit dicens quod hæc quidem scilicet scientia intellectus
 opinio, & sapientia sunt physice considerationis. Spectant
 enim ad Librum de Anima, ubi agitur de intellectu. Il-
 la vero scilicet ars, & prudentia spectant ad ethicam.
 Vnde Aristoteles in libro sexto Ethicorum pertractat de
 his diffuse, & nos de his omnibus considerationem fecimus
 resolutam in epithomatibus nostris super ethicam in libro
 sexto, ut uidere poteris. Vbi peregrinamus de partibus pru-
 dentie, & quoniam solertia spectat ad prudentiam, sicut
 & eustochia, de qua Aristoteles uix uerbum fecit in sexto
 ethicorum. Ideo ne ignota tibi remaneat, diffinit eam in fi-
 ne primi libri posteriorum, & declarat multiplici exem-
 plo. Diffinit autem sic. Solertia est subtilitas quædam in
 non prospecto tempore medii. Ex intendit, quod solertia
 est uirtus inuentiua medii ad conclusionem in tempore, in
 perceptibili. id est statim. Vnde in sexto ethicorum dif-
 finiuimus eam quod est idoneitas cito inueniendi medium,
 & secundum Aristotelem ille est maxime solers: quando
 cito cognoscit causas medias, & scit expedire reducere in
 ultimas. Quod declarat Aristoteles triplici exemplo.
 Primum est hoc. Si quis uidet Lunam splendere semper
 uersus Solem, statim intelligit quod hoc est quia recipit lu-
 men a Sole, hic dicitur solers solertia speculatiua, secun-
 dum est hoc. Si quis uidet pauperem, & diuitem litigan-
 tes simul, & statim intelligit quod hoc est quia diues pau-
 peri pecuniam accommodauit, dicitur solers practice, ter-
 tium est. Si quis uidet duos ante inimicos, & nunc factos
 amicos, & statim intelligit quod hoc est quia tali, uel talis
 pacificauit eos, uel quia concorditer conuenerunt, ut per-
 sequantur, & confundant alium, dicitur solers pra-
 ctice. Constat igitur tibi, quid solertia sit, & so-
 lers.

Sed aduerte quod sicut est duplex iustitia, & temperan-
 tia: scilicet naturalis, & acquisita. Naturalis quidem est qua
 quis a naturæ lege inclinatur ad opera iusta, & temperante

inueniendum, acquisita autem est qua quis ex frequentatibus actibus, & longo exercitio efficitur iustus, & temperatus, sic duplex est solertia: scilicet naturalis, & acquisita, naturalis quidem est ingenii subtilitas innata sequens animam intellectum dum corpori infunditur, qua idoneus est homo ad subito inueniendum medium pro aliqua conclusione deducenda tam practica quam speculativa, & hic dicitur naturaliter promptus ad speculandum, uel prudenter negociandum, cui opponitur tardius, & ceteris ingenio ex sui genitura. Acquisita autem est promptitudo ingenii causata longo exercitio practico uel speculatio ad inueniendum cito media opportuna, pro ut occurrit. Hanc solertiam habent ueterani milites, & experti medici, & exercitati gubernatores reipublice. Hæc de præsentis cap. dicta sint.

Cap. tertiodécimo de medio demonstratio

nis potissimæ

IN hoc cap. inuestigandum est de medio demonstrationis potissimæ, & hic complebimus considerationem nostram pro nouitiis de syllogismo demonstratio relinquentes difficiliora lecturæ libri posteriorum pro adultis. Tu igitur aduerte quod in doctrina Aristotelis unum clarum est: scilicet diffinitionem esse medium. Nam quia demonstratur passio de subiecto ut risibile de homine, & demonstratio potissima est per causam, illud erit medium quod est causa concludendi passionem inesse subiecto. Hoc autem est diffinitio. Nam quia homo est animal rationale, ideo est risibilis. Verum autem hoc medium sit diffinitio subiecti tantum, uel passionis tantum, uel aggregatum ex utraque, uel utraque quoddam ordine: non uidetur clarum apud Aristotem. & ideo hinc processerunt uarie expositionum sententiarum, inter quos est lynconiensis, & Egidius, & Bartholomæus, quarum sententias hic recitabimus, sed determinabimus secundum mentem Bartholomæi.

Lynconiensis tenuit medium in demonstratione potissimum esse diffinitionem subiecti, & non passionis, quod uidetur esse de mente Aristotelis in prologo primi de anima, ubi inquit quod ipsum quod quid est. Principium est omnium demonstrationis, & quod diffinitionis per quas non ap-

paret causa accidentium: scilicet propriorum subiecti sunt dialectice, & uanæ, & in quarto physicorum dicit Aristoteles quod tunc pulcherrime unumquodque diffinitum est, cū ex illa diffinitione apparet causa accidentium in subiecto, intendit ergo Aristoteles, quod diffinitio subiecti dicat cām ppter quam tale accidens proprium conuenit tali subiecto, puta risibile homini, habere tres triangulos. Sed illud ppter quod inest proprium subiecto est medium in demonstratione, ergo diffinitio subiecti est huiusmodi medium. Et confirmatur quia dicit Aristoteles in secundo posteriorum q̄ medium in demonstratione dicit quid, & ppter, quid, & hoc competit diffinitioni subiecti. Nam eadem diffinitio dicit qd respectu subiecti. Si enim interrogatur quid est homo, respōdetur quod est animal rationale, si autem quæritur ppter quid homo est risibilis, respondet quia est rationalis, & ut sic dicit ppter quid respectu passionis. Hæc fuit sententia lynconiensis, quæ ut uera defendet infra p quanto tenet diffinitionem subiecti esse medium in demonstratione potissimā. Pro quanto autem excludit diffinitionem passionis non sustinebitur: quoniam id repugnat doctrinæ Aristotelis, ut tibi declarabitur præcipue in doctrinis mathematicis.

Egidius autem in secundo posteriorum tenet absolute contra lynconensem, ponēs hanc conclusionem. Diffinitio passionis, & non subiecti est medium in demonstratione potissimā, quam sic pbat. Scientiæ mathematicæ sunt in primo gradu certitudinis secundum commentatorem in secundo mathematicæ, sed ille non demonstrant conclusiones suas p diffinitionem subiecti, sed passionis, ergo non diffinitio subiecti, sed passionis est medium in demonstratione potissimā, mi. probatur. Nam geometra probans triangulum habere tres æquales duobus rectis, non assumit diffinitionem subiecti, sed prædicati sic demonstrans. Omnis figura habens angulum extrinsecum æqualem duobus intrinsecis sibi oppositis, habet tres æquales duobus rectis, sed triangulus est talis figura, ergo &c. ergo constat quod apud mathematicum diffinitio passionis est medium in demonstratio

TRACTATUS VNDECIMVS

ne potissima. Sed aduerte quod Aristoteles in secundo posteriorum non solum in mathematicis, sed etiam in physicis manifestat passionem demonstrari de subiecto per diffinitionem passionis, & non subiecti. Dicit enim quod si quaeratur propter quid Luna eclipsatur, respondetur q̄ propter interpositionem terræ inter Solem, & Lunam, hæc autem est diffinitio eclipsidis quæ est passio in Luna. Item si quaeratur propter quid inter uocem acutam, & grauem inuenitur consonantia, respondetur, quia inter eas datur proportio numeralis, hæc autem est diffinitio consonantiæ.

Cum igitur Aristoteles tam in mathematicis q̄ in physicis siue in scientiis medijs quales sunt astrologia & musica, exempli fiet de diffinitione passionis, & nō subiecti, signum epidens est: quod eius mens fuit diffinitionem passionis, & non subiecti esse medium in demonstratione potissima.

B. Thomas in secundo posteriorum, lec. prima, tenet quod non sola diffinitio passionis, nec sola diffinitio subiecti, sed utraque est medium sufficiens in demonstratione potissima. Hanc igitur opinionem ut ueriores declarabimus & sustinebimus.

Pro eius declaratione aduerte quod hæc opinio potest habere duplicem sensum. Primus quod utraque diffinitio nō ut distincta: sed ut quid aggregatum ex utraque sit mediū. Verbi gratia. Medium ad demonstrandum risibile de homine, sit hoc totum. Animal rationale aptum natum ridere, cuius quidem pars prima est diffinitio hominis, pars autem secunda est diffinitio risibilis. Sunt igitur aliquid dicentes hoc totum esse uere medium, & hanc esse mentem Aristotelis, & B. Tho. Quod probant sic. Illud est uere medium in demonstratione potissima quod est maxime immediatum, & maxime proprium. Sed tale est aggregatum ex diffinitione subiecti, & passionis, ergo &c. Ma. patet. Nam declaratum est supra qđ demonstratio est ex propriis, & immediatis. Mi. autem sic probatur, tale aggregatum est maxime immediatum subiecto, ratione diffinitionis subiecti, & est maxime proprium, ratione diffinitionis passionis. Quod

si esset sola diffinitio subiecti, non esset maxime propria passioni; & si esset sola diffinitio passionis non esset maxime immediata subiecto. Vt ergo seruetur maxima immediatio respectu subiecti, & maxima proprietas respectu passionis, oportet aggregatum ex utraque diffinitione esse medium.

Præterea, medium in demonstratione potissima, dicit quid & propter quid secundum Aristotelem in secundo posteriorum. Sed aggregatum ex utraque diffinitione dicit quid de subiecto per diffinitionem subiecti, & propter quid de passione propter diffinitionem passionis, ergo tale aggregatum rationabiliter est medium in demonstratione potissima.

Sed isti sic tenentes, deueniat a mente Aristotelis. Nam docuimus supra quod secundum eum aliqua diffinitio est principium demonstrationis puta ea quæ datur per formam aut finem, & aliqua est conclusio. Puta ea quæ datur per materiam, hæc enim demonstratur per formalem, sicut demonstrauit Aristoteles demonstrationem esse ex ueris primis, & immediatis &c. quia est syllogismus faciens scire. Aliqua autem est tota demonstratio positionem differens, ut ea quæ aggregatur ex diffinitione subiecti, & passionis, sicut ista. Animal rationale aptum natum ridere, aut aggregata ex pluribus diffinitionibus subiecti, ut ista. Ira est accensio sanguinis circa cor ex appetitu uindictæ. Modo arguitur sic. Quod est tota demonstratio, non est medium, neque principium demonstrationis. Sed secundum Aristotelem diffinitio composita ex diffinitionem subiecti, & passionis est tota demonstratio positione differens: ergo non est medium, nec principium demonstrationis. Præterea, ad mentem Aristotelis in secundo posteriorum medium in demonstratione potissima debet esse diffinitio subiecti, & passionis. Non est diffinitio sed alicuius unius diffiniti. Sed diffinitio aggregata ex diffinitione subiecti, & passionis: non est diffinitio unius diffiniti: sed plurium ut patet, ergo &c. ex quo sequitur quod licet sit inconueniens demonstrare aliquid per diffinitionem aggregatam ex diffinitionibus

TRACTATUS VNDECIMVS

plurium diffinitorum, non tamen est inconueniens quando talis diffinitio est aggregata ex pluribus diffinitionibus eiusdem diffiniti. Verbi gratia hæc conclusio, homo est disciplinabilis, & docibilis potest conuenienter sic demonstrari, omne animal rationale compositum ex humano corpore, & anima intellectiua, est disciplinabile, & docibile, homo est tale animal, ergo &c. Error igitur sic sentientium hinc processit quod crediderunt ita conuenienter posse demonstrari aliquam passionem de subiecto per diffinitionem aggregatam ex diffinitione subiecti & passionis, sicut conuenienter demonstrari potest per diffinitionem aggregatam ex pluribus diffinitionibus subiecti, uel passionis.

Relicta igitur hac opinione aduerte quod secundus sensus prædictæ positionis, talis est, medium demonstrationis potissime est utraque diffinitio: scilicet subiecti, & passionis non ut aggregata, sed utraque ut distincta, & quodam ordine. Pro cuius euidencia aduerte quod oportet primo demonstrare passionem de subiecto per diffinitionem passionis. Verbi gratia, hæc conclusio, homo est risibilis, primo sic demonstranda est, omne aptum ridere est risibile, homo est aptus natus ridere, ergo homo est risibilis. Sed hæc diffinitio passionis non sufficit: quoniam utraque præmissa in demonstratione potissima debet esse uel reduci ad immediata. Constat autem quod in demonstratione præposita licet maior sit immediata: quoniam inter diffinitionem passionis & passionem nullum datur medium sicut, nec inter diffinitionem, & diffinitum, tamen minor non est immediata: quoniam inter subiectum, & diffinitionem passionis cadit diffinitio subiecti. Vnde minor præbanda est per diffinitionem subiecti hoc modo. Omne animal rationale est aptum natum ridere, homo est animal rationale, ergo homo est aptus natus ridere, & sic patet quod ordine tam diffinitio passionis quam diffinitio subiecti sunt medium in demonstratione potissima, & quod hoc modo utraq; præmissa sit immediata. Et hæc fuit mens B. Thome patet in secundo posteriorum secunda prima, & est ad mentem Aristotelis cuius signum sumit ex hoc quod in primo posteriorum tractat de præcognitionibus

de p̄cognitionibus dixit qđ op̄ p̄cognoscere qđ est nō solū
 de passione: sed etiā de sub̄to, qđ nō oporteret nisi passio cō
 cluderet de sub̄to p̄ diffōnē, deinde diffō passionis p̄cluderet
 de sub̄to p̄ diffōnē sub̄tri. Qđ manifestatur, sic, si uolo demō
 strare hāc. Triangulus hēt tres equales duob⁹ rectis, accipiā
 primo primū p̄ medio qđ ē figura habēs angulū extrinsecū
 equalē duob⁹ intrinsecis sibi oppositis, & hoc ē ueluti diffō
 passiōis, qđ rursus demōstrādū est p̄ diffōnē sub̄tri. i. triāguli
 arguēdo sic. Oīs figura recti linea trib⁹ lineis p̄tēta, hēt an
 gulū extrinsecū equalē duob⁹ intrinsecis sibi oppositis. Sed
 triangul⁹ est figura rectilinea &c. ergo &c. Hāc sn̄ia uidet uē
 rior, & magis sufficiēs utpote media p̄cordās cū Lynconien
 se, q̄ ad diffōnē sub̄tri, & cū Egidio q̄ ad diffōnē passionis. Di
 scordat autē a lynconienſe in hac exclusiua. Tm̄ diffō sub̄tri ē
 mediū in demōstratione potissima, & ab egidio discordat in
 hac exclusiua, solū diffō passionis est mediū &c. Hāc de p̄nti
 cap. dicta sint, & hic terminat tractat⁹ de syllo demōstratiuo,
 quem ordinauimus ut introductorij p̄ nouicijs ad eā, q̄ est
 apud Aristo. doctrinam in libris posteriorū. Erat mihi p̄po
 situm post tractatū de syllo demonstratiuo, formare tracta
 tum de syllo dialectico correspondentem libris topicorum.
 Deinde tractatum de syllo sophistico correspondentē libris
 Elenchorum. Verum quia Petrus Hispanus duos tractatus
 clare, & subtiliter disposuit quorum primū tractatū de locis
 innuncupauit. scđm autē tractatū de fallacijs, quē etiā habem⁹
 editū a diuo Thomasiō p̄positū mutati, remittēs nouicios
 ad p̄dictos autores. Laus deo oīpotenti in sempiterna sc̄la.

FINIS

REGISTRVM


ABCDEFCHIKLMNOPQRSTVXYZ
 AA BB CC DD EE FF GG HH II kk
 LL MM NN OO PP QQ.

Venetiis apud Hieronymum Scotum 1551



QQ

Handwritten text in a cursive script, likely a letter or a page from a manuscript. The text is written in a dark ink on aged, slightly discolored paper. The script is dense and fills most of the page area.



EX LIBRIS
BIBLIOTHECA
MUSEI HISTORICO-NATURALIS
CIVITATIS PRAGAE
1871

1871





